



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

РРРР РРРРРРРРРР РРРРРР
БИБЛИОТЕКА РУССКОЙ КЛАССИКИ

Михаил Шолохов

Միխայիլ Շոլոխով

ТИХИЙ ДОН

В ЧЕТЫРЕХ ТОМАХ



ТОМ
ВТОРОЙ

Перевод
А. Мазманяна

ԽԱՂԱՂ ԴՈՆԸ

ՉՈՐՍ ՆԱՏՈՐՈՎ



ՆԱՏՈՐ
ԵՐԿՈՐԴ

Թարգմանությունը
Դ. Մազմանյանի

«СОВЕТАКАН ГРОХ»
ИЗДАТЕЛЬСТВО ЕРЕВАН 1977

«ՍՈՎԵՏԱԿԱՆ ԳՐՈՂ»
ՀՐԱՏԱՐԱԿՉՈՒԹՅՈՒՆ ԵՐԵՎԱՆ — 1977



Չ Ո Ր Ր Ո Ր Դ Մ Ա Ս

Շ $\frac{70302(21)}{701(01)77}$ 168 77 «Տ»

I

Հազար ինն հարյուր տասնվեց թվական: Հոկտեմբեր: Գիշեր: Անձրև ու քամի: Ցածրադիր, անտառոտ վայրեր: Խրամատներ ճահճից վերև, ուր լաստենիներ են բուսած: Առջևում — լարափակոցներ: Խրամատներում — սառը, ջրալիցի: Աղոտ փայլում է դիտողի թաց վահանակը: Տեղ-տեղ, գետնատներում — լույսեր: Սպայական գետնատներից մեկի մուտքի առաջ մի բոպե կանգ առավ ցածրահասակ մի սպա. թաց մատները տանելով կոճակներին, նա հապճեպ արձակեց շինելը, օձիքից թափ տվեց ջուրը, արագ սըրբեց սապոզները՝ քսելով ցիխի մեջ կոխոտված ծղոտի խուրձին, ու միայն դրանից հետո բացեց դուռը, և կռանալով, մտավ գետնատուն:

Նավթի փոքրիկ լամպի դեղին լուսաշերտը յուղափայլ նետեց ներս մտնողի դեմքին: Տախտակե մահճակալից մի փոքր բարձրացավ կոճակներն արձակված տուժուրկայով մի սպա, ձեռքով կոկեց զգզզված մազերը, հորանջեց:

— Անձրև, հը՞:

— Գալիս է,— պատասխանեց հյուրը ու հանվելով. շինելը և անձրևից լիկած զլխարկը կախեց դռան մոտի մեխից:— Ձեզ մոտ տաք է: Շնչելով եք տաքացրել:

— Քիչ առաջ վառել էինք: Վատն այն է, որ դուրս է գալիս գետնի տակի ջուրը: Այս զահրումար անձրևը մեզ տեղահան է անում... հը՞: Ի՞նչ եք կարծում, Բունչուկ:

Շփելով խավոտ, թուխ մազերով ծածկված ձեռքերը, Բունչուկը կուզիկացավ, պպզեց փոքրիկ վառարանի մոտ:

© «Սովետական գրող» հրատարակչություն,
Թարգմանված է հայերեն, 1977

— Տախաակներ գրեք: Մեր գետնատունը հիանալի է. կարելի է բորիկ է՛լ քայլել: Բա ո՞ւր է կիստնիցկին:

— Քնած է:

— Վաղո՞ւց:

— Դիրքերը շրջելուց հետո վերադարձավ ու պառկեց:

— Արթնացնելու ժամանակը չի՞:

— Հա՛, էլի: Շախմատ կխաղանք:

Բունչուկը լայն ու խիտ հոնքերից ցուցամատով սրբեց անձրևի կաթիլները, ու առանց գլուխը բարձրացնելու, կամացուկ ձայն տվեց.

— Եվզենի նիկոլակիչ:

— Քնած է,— հոգոց հանեց արխառն սպան:

— Եվզենի նիկոլակիչ:

— Հը՞,— կիստնիցկին քիչ բարձրացավ արմունկի վրա:

— Շախմատ խաղա՞նք:

Կիստնիցկին մահճակալից կախեց ոտները, ձեռքի ափի վարդագույն, փափրիկ բարձիկով երկար շփեց ուռուցիկ կուրծքը:

Առաջին խաղի վերջում եկան հինգերորդ հարյուրյակի սպաները,— յասավուկ Կալմիկովը և հարյուրապետ Չուբովը:

— Նորությո՞ւն,— դեռ շեմքից գոչեց Կալմիկովը,— ամենայն հավանականությամբ գունդը կտեղափոխեն:

— Այդ ո՞րտեղից գիտես,— թերահավատորեն ժպտաց արխառն փոխ-յասավուկ Մերկուլովը:

— Չե՞ս հավատում, քեռի Պետյա:

— Ճիշտն ասած՝ ոչ:

— Մարտկոցի հրամանատարը հազորգեց հեռախոսով: Նա որտեղի՞ց գիտի: Բա ո՞նց, նա հո՛նքեկ է եկել դիվիզիայի շտաբից:

— Վատ չէր լինի մի լավ լողանալ բազնիքում:

Չուբովը երջանկաբար ժպտալով, այնպես ցույց տվեց, որպես թե փոքրիկ ցախավելը խփում է բլթակներին: Մերկուլովը ծիծաղեց:

— Մնում է միայն, որ մեր գետնատանը կաթսա դնենք. այսքան էլ ջո՞ւր:

— Քաց է, թաց, ա՛յ տանտեր,— քթմնչաց Կալմիկովը՝ դիտելով գերանաշեն պատերը և հողի, ցեխոտ հատակը:

— Ճահիճը մեր կողքին է:

— Շնորհակալ եղեք ամենաբարձրյալից, որ նստել եք ճահճի մոտ, ինչպես Քրիստոսի ծոցում,— խոսակցությանը միջամտեց Բունչուկը:— Չոր տեղերում հարձակման են գնում, իսկ մենք այստեղ շաքաթը մի հինգ գնդակ ենք արձակում:

— Ավելի լավ է հարձակվել, քան այստեղ կենդանի փտել:

— Ա՛յ քեռի Պետյա, կազակներին հո գրոհներում ոչընչացնելու համար չե՞ն պահում: Դու կեղծավորաբար միամիտ ես ձևանում:

— Ինչի՞ համար, ի՞նչ ես կարծում:

— Կառավարությունը հարկավոր ընդհանր կառուցելու հին սովորության, հենվել կազակի ուսին:

— Դատարկ բաներ ես ասում,— Կալմիկովը թափ տվեց ձեռքը:

— Ինչպե՞ս թե դատարկ բաներ:

— Շա՛տ պարզ:

— Թո՛ղ է՛, Կալմիկով. չպետք է ճշմարտությունը հերքել:

— Ճշմարտությունս ո՞րն է...

— Բայց չէ՞ որ այդ հանրահայտ է: Էլ ի՞նչ ես կեղծում:

— Ուշադրություն, պարոնայք սպաներ,— գոչեց Չուբովը ու արտիստավարի գլուխ տալով բոլորին, մատնացույց արեց Բունչուկին,— խորունժի Բունչուկը հիմա կսկսի ճառել սոցիալ-դեմոկրատական երազագրքից:

— Մասխարություն եք անում, հա՛-ա,— բռնելով Չուբովի հայացքը, քմծիծաղ տվեց Բունչուկը:— Սակայն, շարունակեցեք,— ամեն ոք իր կոշումն ունի: Ես ասում եմ, որ անցյալ տարվա կեսից մենք պատերազմ չենք տեսնում: Այն ժամանակից, երբ սկսվեց դիրքային պատերազմը, կազակական գնդերը խոթեցին անդորր վայրեր ու առայժմ գրվանի տակ են պահում:

— Իսկ հետո՞,— հարցրեց կիստնիցկին՝ հավաքելով շախմատը:

— Իսկ հետո, երբ ֆրոնտում կսկսվեն խոռվություն-

ները,— իսկ դա անխուսափելի է, պատերազմը սկսում է ձանձրացնել զինվորներին, այդ է վկայում դասալիքների շատանալը,— հետո կազակներին կօգտագործեն խոռվությունները ճնշելու, խաղաղացնելու համար: Կառավարությունը կազակական զորքերը պահում է ինչպես քար իր ծոցում: Հարկավոր մոմենտին նա կփորձի այդ քարով շարդել ունկուցիայի գանգը:

— Շատ ես հեռու գնում, բարեկամ: Քո ենթադրությունները բավական խախտու են: Ամենից առաջ չի կարելի կանխորոշել դեպքերի ընթացքը: Ո՞րտեղից գիտես, որ ապագայում խոռվություններ թե ինչեր են լինելու: Իսկ եթե մենք այսպիսի բան ենթադրենք. դաշնակիցները ջախջախում են գերմանացիներին, պատերազմը ավարտվում է փայլուն վախճանով,— այն ժամանակ դու ի՞նչ դեր ես հատկացնում կազակությանը, հը՞,— առարկեց կիստնիցկին:

Բունչուկը թույլ ժպտաց:

— Իսկի չի երևում վախճանը, առավել ևս փայլուն վախճանը:

— Պատերազմը ձգձգեցին...

— Դեռ ավելի շատ կձգձգեն,— խոստացավ Բունչուկը:

— Դու ե՞րբ վերադարձար արձակուրդից,— հարցրեց Կավիկովը:

— Երեկ չէ մյուս օրը:

Բունչուկը կլորացնելով բերանը, լեզվով դուրս փչեց ծխի բուլան, դեն գցեց ծխախոտի մնացորդը:

— Որտե՞ղ եղար:

— Պետրոգրադում:

— է՛հ, ի՞նչ կա այնտեղ: Թնդում է մայրաքաղաքը, հա՞: է՛է՛, գրողը տանի, ինչ ասես կտայի այնտեղ գեթ մի շաբաթ ապրելու համար:

— Ուրախալի քիչ բան կա,— ծանրակշիռ ասաց Բունչուկը.— հացը չի հերիքում: Բանվորական ուսուցիչներում սով է, դժգոհություն, խուլ բողոք:

— Մենք բարեհաջող կերպով շենք դուրս պրծնի այս պատերազմից: Ի՞նչ եք կարծում, պարոնայք:— Մերկուլովը հարցական հայացքով նայեց բուլորին:

— Ռուս-ճապոնական պատերազմը առաջացրեց հազար

ինն հարյուր հինգ թվականի ունկուցիան. այս պատերազմը կավարտվի մի նոր ունկուցիայով: Եվ ոչ միայն ունկուցիայով, այլև քաղաքացիական պատերազմով:

Լսելով Բունչուկին, կիստնիցկին անորոշ մի շարժում արավ, ասես փորձեց խորունկուն ընդհատել կես ֆրազի վրա, հետո վեր կացավ ու, հոնքերը կիտելով, սկսեց ետ ու առաջ քայլել գետնատանը: Զուսպ ցասկոտությամբ նա ասաց.

— Ինձ վարմացնում է այն հանգամանքը, որ մեր սպայության միջավայրում կան այդպիսի սուբյեկտներ,— նա մի շարժում արավ կորացած Բունչուկի կողմը:— Զարմացնում է, որովհետև մինչև այժմ ինձ համար պարզ չէ նրա վերաբերմունքը դեպի հայրենիքը, պատերազմը... Մի անգամ, խոսակցության ժամանակ նա մշուշապատ մի միտք արտահայտեց. բայց նրա ասածից բավականաչափ պարզ հասկացվում էր, որ նա կողմնակից է այս պատերազմում մեր պարտության: Ես քեզ ճի՞շտ եմ հասկացել, Բունչուկ:

— Ես պարտության կողմնակից եմ:

— Բայց ինչո՞ւ: Ի՞մ կարծիքով, ինչպիսի քաղաքական համոզմունքներ էլ որ դու ունենաս, քո հայրենիքին պարտություն ցանկանալը, դա... ազգային դավաճանություն է: Դա խայտառակություն է ամեն մի կարգին մարդու համար:

— Հիշո՞ւմ եք, դումայի ՌՄԴԲՊ-ի ֆրակցիան ագիտացիա էր մղում կառավարության դեմ, հենց դրանով էլ աջակցելով պարտության,— մեջ մտավ Մերկուլովը:

— Դու համաձայն ես նրանց տեսակետին, Բունչուկ,— հարց տվեց կիստնիցկին:

— Եթե ես արտահայտվում եմ հօգուտ պարտության, ապա, հետևաբար, համաձայն եմ, ու ծիծաղելի կլինեիր, եթե ես, լինելով ՌՄԴԲՊ-ի անդամ, բուլշևիկ, համաձայն շլինիի մեր պարտիական ֆրակցիայի տեսակետին: Ինձ ավելի շատ է զարմացնում այն, որ դու, Եվգենի Նիկոլաևիչ, լինելով ինտելիգենտ մարդ, քաղաքականապես անգրագետ ես...

— Ես ամենից առաջ միապետին նվիրված զինվոր եմ: «Ընկեր սոցիալիստների» հենց միայն տեսքը ինձ տհաճություն է պատճառում:

«Ամենից առաջ դու հայվան ես, հետո արդեն ինքնագոհ, բոի սալդաթ»,— մտածեց Բունչուկը ու մարեց իր ժպիտը:

— Զկա առաված, բացի Ալլահից...

— Զինվորական միջավայրում բացառիկ իրադրություն է եղել,— մենք բոլորս էլ քաղաքականությունից հեռու ենք եղել, դա մեզ չի վերաբերել:

Ցասավուլ Կալմիկովը նստել էր ու ճմլում էր կախ ընկած բեղերը, նրա մոնղոլական վառ աչքերը սուր փայլ էին արձակում: Զուբովը պառկել էր մահճակալին և, ունկնդրելով խոսողների ձայներին, դիտում էր Մերկուլովի նկարը, որ կպցրած էր պատին և դեղնել էր ծխախոտի ծխից. դա Մագ-թաղինների դեմքով, կիսամերկ մի կին էր, որ տաղտկալի ու անպարկեշտ ժպտալով, նայում էր իր մերկ կրծքին: Զախ, ձեռքի երկու մատով նա ետ է քաշում կինամոնազույն պտուկը, ճկույթը սեթևեթորեն մի կողմ է ծոված, խոնարհած կոպերի տակին — սովեր և բիրերի ջերմ լույսը: Քիչ բարձրացած նրա ուսը պահում է ցած ընկնող շապիկը, անրակների փոսերում — լույսի նրբին մեղմություն: Այնքա՛ն անբռնադատ նրբագեղություն և անաղարտ ճմարտություն կար կնոջ պոզ գայում, այնքա՛ն աննկարագրելի գունագեղ էին դառնել երանգները, որ Զուբովն ակամա ժպտալով, գմայլվել էր վարպետորեն կերտված նկարով, ու իր ականջին հասնող խոսակցությունն այլևս չէր թափանցում իր գիտակցության մեջ:

— Ի՛նչ լավն է, հա՛-ա,— հայացքը նկարից կտրելով բացականչեց նա, և դա խիստ անպատեհ էր, որովհետև Բունչուկը իր խոսքը հենց նոր վերջացրեց հետևյալ ֆրազով.

— ... ցարիզմը կոչնչացվի, կարող եք հավատացած լինել:

Լիստնիցկին ծխախոտ փաթաթելով, կծու ժպտալով, նայում էր մերթ Բունչուկին, մերթ Զուբովին:

— Բունչուկ,— ասաց Կալմիկովը,— սպասեցեք, Լիստնիցկի... Բունչուկ, լսո՛ւմ եք... լավ, ասենք թե այս պատերազմը կվերածվի քաղաքացիական պատերազմի... հետո ի՞նչ է՛հ, դուք կտապալեք միապետությունը... հապա, ձեր կարծիքով, ի՞նչպիսի վարչություն պիտի լինի, ի՞նչպիսի իշխանություն, հը՛:

— Պրոլետարիատի իշխանություն:

— Պառլամենտ թե ինչ:

— Մանծաղ է դա,— ժպտաց Բունչուկը:

— Հապա ի՞նչ, է՛:

— Պետք է բանվորական գիտատուրա լինի:

— Ա՛յ թե ինչ... Բա ինտելիգենցիան, գյուղացիությունն ի՞նչ դեր են կատարելու:

— Գյուղացիությունը կգա մեր հետևից, նույնպես և մտածող ինտելիգենցիայի մի մասը, իսկ մնացածներին... մնացածներին ա՛յ թե ինչ կանենք... — Բունչուկն արագ շարժմամբ պինդ կոտլեց ձեռքին եղած ինչ-որ մի թուղթ, թափահարեց այն, ատամներն իրար սեղմելով ասաց՝ ա՛յ թե ինչ կանենք:

— Բարձրից եք բռնում, հա՛-ա... — քմծիծաղ տվեց Լիստնիցկին:

— Բարձր տեղ է՛լ կնստենք,— վերջացրեց Բունչուկը:

— Վաղօրոք պետք է ձեր տակին ծղոտ-մղոտ փոկեք...

— Ո՛ր սատանայի համար դուք կամավոր կերպով ֆրոնտ եկաք և նույնիսկ սպայական աստիճանի հասաք: Ի՞նչպես այդ համատեղել ձեր հայացքների հետ: Զար-մանա-լի՛ է՛ Մարդը դեմ է պատերազմին... հա՛-հա՛-հա՛... դեմ է իր այդ... դասակարգային եղբայրներին ոչնչացնելուն, և հանկարծ... խորունժի՛ է դառնում:

Կալմիկովը ձեռները շրմփացնելով սապոգների ճիտքերին, անկեղծորեն ու փա՛ռ-փառ ծիծաղեց:

— Դուք ձեր գնդացրային խմբով քանի՞ գերմանական բանվոր եք գլորել,— հարցրեց Լիստնիցկին:

Բունչուկը շինելի կողագրպանից հանեց թղթերի մի մեծ ծալոց, երկար քրքրեց այն, մեջքը դարձրած դեպի Լիստնիցկին, ու մոտենալով սեղանին, լայն ու ջլուտ ձեռքով կոկեց հնությունից դեղնած սի լրագիր:

— Թե քանի գերմանական բանվորներ եմ ես գնդակահարել, դա... հարց է: Կամավոր եմ եկել, որովհետև առանց այդ էլ կբերեին: Կարծում եմ, որ այստեղ, խրամատներում իմ ձեռք բերած գիտելիքները պետք կգան ապագայում... ապագայում: Ա՛յ, այստեղ ասված է:

Վերջենեք ժամանակակից զորքը: Ահա կազմակերպության լավ նմուշներից մեկը: Եվ այդ կազմակերպությունը լավ է միայն այն պատճառով, որ նա ճկուն է, զբա հեռ միասին կարողանալով միասնական կամք տալ միլիոնավոր մարդկանց: Այսօր այդ միլիոնները նստած են իրենց տե-

բում, երկրի այլևայլ ժայրերում: Վաղը՝ հրաման մորթիլագացիայի մասին,— ու նրանք հավաքվեցին նշանակված կետերում: Այսօր նրանք պառկած են խրամատներում, պառկած են երբեմն ամիսներով: Վաղը նրանք մի այլ կարգով գրոհի են գնում: Այսօր նրանք հրաշքներ են գործում՝ թաքնվելով գնդակներից ու շրակներից: Վաղը նրանք հրաշքներ են գործում բացահայտ մարտում: Այսօր նրանց առաջապահ շրջատները գետնի տակ ականներ են դնում: Վաղը նրանք տասնյակ վերստեր են անցնում գետնի վերևից օդաշունքի տված ցուցումներով: Ահա սա կոչվում է կազմակերպություն, երբ հանուն մեկ նպատակի, մեկ կամքով օգի առած, միլիոնավոր մարդիկ փոխում են իրենց շփման և իրենց գործողության ձևը, փոխում են գործունեության տեղն ու պրոմենսերը, փոխում են գործիքներն ու զենքերը՝ փոխվող հանգամանքներին ու պայքարի պահանջներին համապատասխան: Նույնը վերաբերում է բանվոր դասակարգի պայքարին ընդդեմ բուրժուազիայի: Այսօր առկա չէ սևույտցիոն սիտուացիան...

— Ի՞նչ բան է «սիտուացիան»,— ընդհատեց Չուրովը: Բունչուկը շարժվեց, ասես հենց նոր էր արթնացել քնից, ու փորձելով հասկանալ հարցը, մեծ մատի հողով շփեց ուռուցիկ ձակատը:

— Ես հարցնում եմ՝ ի՞նչ է նշանակում «սիտուացիա» բառը:

— Հասկանալը ես հասկանում եմ, բայց բանիմաց կերպով բացատրել չեմ կարողանա...— Բունչուկը ժպտաց հըստակ, պարզ, մանկական ժպիտով. տարօրինակ էր այդ ժպիտը տեսնել խոշոր, մոայլ դեմքի վրա, ասես անձրևներից թախծոտած, աշնանային դաշտով, արացելով ու խաշալով, սլացավ նապաստակի բաց-մոխրագույն, կաթնակեր մի ձագ:— Միտուացիա նշանակում է դրություն, իրադրություն թե ինչ,— այդպիսի մի բան: Ըի՛շտ եմ ասում:

Լիստնիցկին անորոշ կերպով թափ տվեց գլուխը:

— Շարունակիր կարդալ:

Այսօր չկա սևույտցիոն սիտուացիա, չկան պայմաններ մասսաների մեջ հուզմունքի համար, նրանց ակտիվությունը բարձրացնելու համար, այսօր քեզ տալիս են ընտրական բյուլետենը,— վերջրու այն, կարողացիր կազմակերպվել, որպեսզի դրանով հարվածես քո թշնամիներին և ոչ թե պառլամենտի մեջ, տաք տեղեր անցկացնես այնպիսի մարդկանց, որոնք բանտից վախճնալով, աթոռներից են կառչում: Վաղը քեզանից

խեցին ընտրական բյուլետենը, քեզ տվին հրացան ու մեքենայական տեխնիկայի վերջին խոսքով սարքավորված, հիանալի, արագաձիգ թնդանոթ,— վերջրու մահվան և ավերածության այդ գործիքները, մի՛ լսիր պատերազմից վախեցող, սենտիմենտալ լալկաներին, աշխարհում դեռ շատ այնպիսի բան է մնացել, որ պետք է ոչնչացվի հրով ու երկաթով, բանվոր դասակարգի ազատագրման համար, ու եթե մասսաների մեջ աճում է գալուսյվը և հուսալքումը, եթե առկա է սևույտցիոն սիտուացիան, պատրաստվիր նոր կազմակերպություններ ստեղծելու և քո կառավարության ու բուրժուազիայի դեմ գործի դնելու մահվան և ավերածության այդպիսի օգտակար գործիքները...

Բունչուկը դեռ չէր վերջացրել կարդալը, երբ դուռը ծեծեց ու գետնատուն մտավ հինգերորդ հարյուրյակի վախճմիստը:

— Ձերոք բարեծննդություն,— դիմեց նա Կալմիկովին,— հն չի շտաբից հանձնատար է եկել:

Կալմիկովն ու Չուրովը հագնվեցին ու գնացին: Մերկուլովը սուլելով՝ նստեց նկարելու: Լիստնիցկին էլի քայլում էր գետնատանը, տնադում բեղերը, ինչ-որ բան մտածում: Շուտով Բունչուկն էլ հրաժեշտ տվեց ու գնաց: Նա անցնում էր ցեխոտ խրամուղիով, ձախ ձեռքով օձիքը պահած, աջով ծածկելով շինելի փեշերը: Քամու հոսանքը խփում էր խրամուղու նեղ անցքին, դիպչելով դրա պատերին, սուլում ու պտույտ էր դալիս: Մթության մեջ քայլող Բունչուկը մի փոքր ժպտում էր ինչ-որ առիթով: Նա իր գետնատունը հասավ դարձյալ անձրևից ամբողջովին թրջված, իր հետ բերելով լաստենու փտած սաղարթի հոտը: Գնդացրային խմբի պետը քնած էր: Նրա թուխ, սևաբեղ դեմքի վրա կապույտին էին տալիս անքնությունից մնացած հետքերը (երեք գիշեր թուղթ էր խաղացել): Բունչուկը խառնխտցեց առաջվա ժամանակներից մնացած իր գինվորական մաղախը, դուան մոտ այրեց թղթերի մի կույտ, շավարի գրպանների մեջ դրեց երկու տուփ պահածո և ատլորճանակի մի քանի բուռ փամփուշտ, ու դուրս գնաց: Մի վայրկյան բացված դռնից ներխուժեց քամին, ցրիվ տվեց գորշ մոխիրը, որ մնացել էր շեմքի մոտ այրված թղթերից, հանգցրեց մուր արձակող լամպը:

Բունչուկի գնալուց հետո Լիստնիցկին մի հինգ րոպե լուռ

քայլեց, հետո մտեցավ սեղանին: Մերկուլովը գլուխը թեք կախած՝ նկարում էր: Բարակ սրված մատիտը գորշավուն ստվերներ էր փոռում: Թղթի սպիտակ քառակուսուց նայում էր Բունչուկի դեմքը՝ նրա համար սովորական, ժլատ, ասես հարեկադրական ժպիտով:

— Ուժեղ մոռութ է,— նկարը բռնած ձեռքը ետ քաշելով՝ ասաց Մերկուլովը ու նայեց կիստնիցկուն:

— Հը՞, ո՞նց է,— հարցրեց վերջինը:

— Սատանան գիտե, է՛,— կռահելով հարցի էությունը պատասխանեց Մերկուլովը:— Տարօրինակ տղա է նա, հիմա բացատրվեց ու շատ բան պարզվեց, իսկ առաջ ես չգիտեի, թե ինչպես հասկանալի նրան: Գիտե՞ս, նա ահագին հացողություն ունի կազակների, մանավանդ գնդացրորդների մոտք Դու այդ չէի՞ր նկատում:

— Այո,— մի տեսակ անորոշ պատասխանեց կիստնիցկին:

— Գնդացրորդները բուրն էլ բուշեիկներ են: Սա կարող զացել է տրամադրել նրանց: Ես ապշեցի, որ նա այսօր բացեց իր գաղտնիքները: Ինչի՞ համար: Զգրու էր ասում, աստված վկա: Գիտե, որ մեզանից ոչ ոք չի կարող համամիտ լինել այդ հայացքներին, բայց չգիտես ինչու այդպես բացեց լեզուն: Ախր նա հո տաքարյուն չէ: Վտանգավոր տիպ է, հա՛-ա:

Դատողություններ անելով Բունչուկի տարօրինակ վարքի մասին, Մերկուլովը մի կողմ դրեց նկարը, սկսեց հանվել Թաց գուլպաները կախեց վառարանից, լարեց ժամացույցը, ու մի պապիրոս ծխելով՝ պառկեց: Շուտով քնեց: կիստնիցկին նստեց տարուբետին, որի վրա քառորդ ժամ առաջ նրա տեղ էր Մերկուլովը, ու կոտրելով բարակ սրած մատիտի ծայրը, նկարի մյուս կողմում խոշոր ձեռագրով գրեց.

«Զե՛րդ բարձր բարեծննդություն:

Այն ենթադրությունները, որ ես առաջ հաղորդել էի Ձեզ, այսօր ամբողջովին հաստատվեցին: Խորունժի Բունչուկը մեք գնդի սպաների հետ ունեցած այսօրվա զրույցի ժամանակ (բացի ինձանից, ներկա էին հինգերորդ հարյուրակի յասավուլ Կալմիկովը, հարյուրապետ Զուբովը, երրորդ հարյուրակի փոխյասավուլ Մերկուլովը) ինչ-որ նպատակներով, որոնք

խոստովանում եմ, այնքան էլ հասկանալի չեն ինձ համար, պարզաբանեց այն խնդիրները, որ նա կատարում է իր քաղաքական համոզմունքների համաձայն և հավանորեն պարտիական իշխանության առաջադրանքով: Նրա մոտ կար արգելված բնույթի թղթերի մի փաթեթ: Այսպես, օրինակ, նա հատվածներ էր կարդում իրենց «Սոցիալ-դեմոկրատ» պարտիական օրգանից, որ հրատարակվում է Ժնևում: Խորունժի Բունչուկն, անկասկած, ընդհատակյա աշխատանք է կատարում մեր գնդում (կան ենթադրություններ, որ նա հենց դրա համար էլ մտել է գունդը, որպես կամավոր), գնդացրորդները եղել են նրա ագիտացիայի անմիջական օբյեկտը: Նրանք բարոյալքված են: Նրա վնասակար ազդեցությունը երևում է գնդի բարոյական վիճակից,— եղել են մարտական խնդիրների կատարումից հրաժարվելու գեպքեր, այդ մասին ես իր ժամանակին տեղեկացրել եմ դիվիզիայի շտաբի օբյեկտիվ բաժնին և այլն:

Խորունժի Բունչուկը մոտ օրերս վերադարձավ արձակուրդից (եղել է Պետրոգրադում), առատորեն մատակարարված լինելով քայքայիչ գրականությամբ. հիմա նա կփորձի մեծ ինտենսիվությամբ աշխատանք ծավալել:

Ամփոփելով վերոհիշյալը, հանգում եմ հետևյալ եզրակացություններին. ա) խորունժի Բունչուկի մեղավորությունը պարզված է (պ. պ. սպաները, որոնք ներկա էին նրա հետ եղած խոսակցությանը, կարող են երդմամբ հաստատել իմ հաղորդածը). բ) նրա ռույուցիոն գործունեությանը վերջ տալու համար հենց այժմ անհրաժեշտ է ձեռքարկել նրան և տալ ռազմա-դաշտային դատարանի. գ) շտապ հարկավոր է ցրել գնդացրային խումբը, հեռացնել առանձնապես վտանգավորներին, իսկ մեծացածներին կամ թիկունք ուղարկել, կամ բաժանել գնդերի վրա:

Խնդրում եմ շնորհակալ լինել ձեզ ձեր ծառայելու հոգուտ հայրենիքի և Միապետի: Տվյալ նամակի պատճենն ուղարկում եմ Ս. Տ. Կորպին:

Յասավուլ Եվգ. Լիստենկոյ:

20 հոկտեմբերի 1916 թ.

Տեղաժամ Մ ?

Առավոտը կիստնիցկին բանքերի հետ զեկուցագիրը ուղարկեց դիվիզիայի շտաբին. նախաճաշելով, դուրս ելավ գետնատանից: Պատվարի լպրծուն քամակից դենը, ճահճի վերևում սողում էր մշուշը, դրա քուլաները կախվել էին ասեւ լարափակոցների փշերին մեխված: Խրամուղիները հատակը կես վերջով ջրիկ ցեխով էր պատած: Հրակնատներից դարչնագույն առվակներ էին հոսում: Կազակները թաց, ցեխոտ շինելները հագած, վահանների վրա կաթսայիկներով թել էին եռացնում, ծխում էին պպզած, հրացանները խրամատի պատին հենած:

— Քանի՞-քանի անգամ է ասված, որ չհամարձակվեք կրակ վառել վահանների վրա: Չե՞ք հասկանում, ինչ է, սրիկաներ,— շարացած բղավեց կիստնիցկին՝ հասնելով ծուխ արձակող կրակի շուրջ նստած կազակների առաջին խմբին:

Երկու հոգի դժկամորեն վեր կացան, մնացածները շարունակեցին նստած մնալ՝ հավաքելով շինելների փեշերը, ծխելով: Թխադեմ, երկարամորուք մի կազակ արծաթե գինդով, որը ճոճվում էր ականջի կնճոտոս բլթակի տակին, մանր ցախի մի կապուկ խոթելով կաթսայիկի տակ, պատասխանեց.

— Սրտանց ուրախ կլինեինք ձեռք շտալ վահաններին, ամա, ձեռք բարեծննդություն, ախր ո՞նց կրակ անենք, է՛: Տես թե ինչ ցեխ է: Քիչ է մնում խրվես մինչև ծունկդ:

— Իսկո՞ւյն հանիր վահանը:

— Ուրեմս ինչ, մենք սովա՞ծ մնանք: Լա-ա՛վ... — մռայլվելով ու մի կողմ նայելով, ասաց լայներես, շեշոտ մի կազակ:

— Ես քեզ ցո՛ւյց կտամ... հանի՛ր վահանը:— կիստնիցկին սապոգի քթով կաթսայիկի տակից դեն գցեց վառվող ցախը:

Երկարամորուք, ականջին գինդ կրող կազակը շփոթված ու շարացած ժպտալով, կաթսայիկից թափեց տաք ջուրը, շշնջաց.

— Խմեցինք շալը, տղերք...

Կազակներն աչքերով լուռ ուղեկցեցին խրամատների

երկայնքով հեռացող յասավուլին: Մորուքավորի խոնավ աչքերում հրավառ կայծեր էին դողում:

— Վիրավորեցի՛ր, շո՛ւն:

— է՛-է-էխ... — ձայնը երկարացնելով հառաչեց մեկը՝ հրացանի փոկը գցելով ուսին:

Չորրորդ դասակի տեղամասում Մերկուլովը հասավ կիստնիցկուն: Նա մոտեցավ հեռավ, սվավացնելով բոլորովին նոր, կաշվե տուժուրկան, նրանից մախորկայի ծխի սուր հոտ էր գալիս: կիստնիցկուն մի կողմ կանչելով, արագ ասաց.

— Լսե՛լ ես նորությունը: Բունչուկն այս գիշեր փախել է:

— Բունչո՞ւկը: Ի-ի-ի՞նչ:

— Փախել է... Հասկանո՞ւմ ես: Իգնատիչը, զնդացրային խմբի պետը,— նա Բունչուկի հետ մի գետնատան մեջ է տեղավորված,— ասում է, որ Բունչուկը մեր գետնատանից չի վերադարձել: Ուրեմն հենց որ հեռացել է մեզնից, ճղել է... Ա՛յ թե ինչ:

կիստնիցկին երկար սրբում էր ակնոցը, կկոցում աչքերը:

— Կարծեմ դու հուզված ես, հը՞, — Մերկուլովը զննողաբար նայեց նրան:

— Ե՛ս: Խելքդ հո չե՞ս թոցրել: Ես ինչի՞ց պիտի հուզվեմ: Իու ուղղակի շմեցրիր ինձ անակնկալով:

II

Մյուս օրվա աշավոտյան շփոթված վախմիստը մտավ կիստնիցկու գետնատունը. կմկմալով՝ հաղորդեց.

— Այսօր առավոտ կազակները, ձեռք բարեծննդություն, խրամատներում գտել են հրես այս թղթերը: Անհարմար բան է... ես էլ հրես եկել եմ ձեզ զեկուցելու: Չլինի՞ թե խաթա ցա գլխներին...

— Ի՞նչ թղթեր,— մահճակալից քիչ բարձրանալով, ճարցրեց կիստնիցկին:

Վախմիստը տվեց բռունցքի մեջ ճմռթած թերթիկները:

էժան թղթի քառորդամասի վրա պարզ կարգացվում էին գրամբենայով բազմացված բառերը: Լիստնիցկին արագ-արագ կարդաց.

Պրուտարեն՝ բուր երկրների, միացն՝:

Ընկն՝ զինվորներ,

Երկու տարի շարունակվում է անիծված պատերազմը: Երկու տարի գուր ատաղում եք խրամներում՝ պաշտպանելով ձեզ խորթ շահերը: Երկու տարի թափվում է բուր ազգերի բանվորների ու գյուղացիների արյունը: Հարյուր հազարավոր սպանվածներ ու հաշմվածներ, հարյուր հազարավոր սրբեր ու այրիներ,— ահա՛ այս սպանդի հետևանքները: Ինչի՞ համար եք գուր կաճում: Մի՛ ահա՛ շահերն եք պաշտպանում: Ցարական կառավարությունը միլիոնավոր զինվորների կրակի տակ է գրել, որպեսզի նոր հողեր գաղթի և այդ հողերի բնակչությանը կեղծքի այնպես, ինչպես կեղծքվում են սարկացված Լեհաստանը և այլ ազգությունները: Համաշխարհային արդյունաբերողները շին կարողանում բաժանել շուկաները, որանք նրանք կարողանային վաճառահանել իրենց ֆաբրիկաների ու գործարանների արտադրանքը. շին կարողանում բաժանել շահույթները,— բաժանումը կատարվում է զինված ուժով,— և դուք, խեղճ ու կրակ մարդիկ, նրանց շահերի համար մղվող պայքարում դեպի մահ եք գնում, սպանում եք հենց այնպիսի աշխատավորներին, ինչպիսիք և դուք եք: Հերթ է ինչքան թափվել է եղբայրական արյունը: Ուշքի՛ եկեք, աշխատավորներ: Ձեր թշնամին ոչ թե ավտորիտետն ու գերմանական զինվորն է, որ նույնպես խարված է, ինչպես և դուք,— այլ ձե՛ր իսկ ցարը, ձեր իսկ արդյունաբերողն ու կալվածատերը: Ձեր հրացանները դարձրեք դրանց դեմ: Եղբայրացե՛ք գերմանական ու ավտորիտետն զինվորների հետ: Լարափակոցների վրայով, որոնցով ձեզ, որպես գազանների, բաժանել են իրարից, ձեռք մեկնեցնե՛ք միմյանց: Դուք աշխատանքի եղբայրներ եք, ձեր ձեռքերի վրա դեռ շին սաղացել աշխատանքի արյունոտ կոշտուկների հետքերը, դուք բաժանելու ոչինչ չունեք: Կորչի՛ ինքնակալությունը: Կորչի՛ իմպերիալիստական պատերազմը: Կեցցե՛ ամբողջ աշխարհի աշխատավորների անստառ միասնությունը:

Լիստնիցկին վերջին տողերը կարդաց շնչառազու լինելով: «Ահա: Սկսվում է»,— մտածեց նա ատելությամբ համակված ու ճնշվելով վերահաս նախազգացումների ծանրությամբ: Լեռնախոսով կապվելով գնդի հրամանատարի հետ, Լիստնիցկին հաղորդեց, ինչ որ պատահել էր:

— Ի՞նչ եք հրամայում անել, ձեր գերազանցություն,— հարցրեց վերջում:

Լեռնախոսի մոծակային բզզոցի ու հեռավոր զանգերի միջից, խոսափողից թավ ձայնով տեղում էին գեներալի խոսքերը:

— Վախմիտորի ու դասակային սպաների հետ անմիջապես խուզարկություն կատարել: Ընդհանուր խուզարկություն, շրացառելով և սպաներին: Այսօր կհարցնեմ դիվիզիայի շտաբին, թե երբ են հերթափոխելու գունդը: Կշտապեցնեմ նրանց: Եթե խուզարկության ժամանակ որևէ բան գտնեք, անհապաղ հաղորդեցե՛ք:

— Ես կարծում եմ, որ սա գնդացորդների գործն է:

— Հա՛—, Իսկույն կհրամայեմ Իգնատիչին՝ խուզարկել իր կազակներին: Դեհ, հաջողություն:

Դասակային սպաներին հավաքելով իր գետնատանը, Լիստնիցկին նրանց հաղորդեց գնդի հրամանատարի հրամանը:

— Սա ի՞նչ այլանդակություն է,— վրդովվեց Մերկուլովը,— մենք միմյա՛նց պետք է խուզարկենք, ինչ է:

— Առաջինը ձեզ, Լիստնիցկի,— բղավեց երիտասարդ, անբեղ հարյուրապետ Ռազդորցերը:

— Եկեք վիճակ գցենք:

— Այբբենական կարգով:

— Պարոնայք, կատակները մի կողմ թողեք,— խիստ տոնով ընդհատեց Լիստնիցկին:— Մեր ծերուկն, իհարկե՛ք բանը չափազանցության է հասցրել. մեր գնդի սպաները Կե-սարի կնոջ պես են: Կար միայն մեկը, խորունժի Թունչուկը, այն էլ դասալքեց, շայց կազակներին պետք է տնտղել: Կան-չեցեք վախմիտորին:

Եկավ վախմիտորը,— տարեց մի կազակ, երեք աստի-ճանի գեորդյան խաչերով: Թեթև հազալով, նայեց սպա-ներին:

¹ Լիստնիցկին նկատի ունի ասացվածք դարձած այն խոսքը, որով իբր թե Կեսարը պատասխանել է իր կնոջ վարքի նկատմամբ իր մոտ արտահայտված կասկածանքներին,— «Կեսարի կինը կասկածանքներից դուրս է»:

— Քեզ մոտ, հարյուրյակում ո՞վ է կասկածելի: Քո կարծիքով ո՞վ կարող էր ցրել այս կոշերը,— դիմեց նրան Լիստնիցկին:

— Չկան այդպիսիներ. ձերդ բարեծննդութուն,— վստահորեն պատասխանեց վախժիտորը:

— Սակայն չէ՞ որ կոշը ցրվել է մեր հարյուրյակի տեղամասում: Ուրիշներից ո՞վ է եղել խրամատներում:

— Ուրիշներից ոչ ոք չի եղել: Մյուս հարյուրյակներից չեն եղել:

— Գնանք բոլորին էլ մեկ-մեկ խուզարկելու:— Մերկուլովը ձեռքով արավ՝ քայլելով դեպի դուռը:

Խուզարկությունը սկսվեց: Կազակների դեմքերն այլևայլ զգացումներ էին արտահայտում. ոմանք մտայլվում, տախկուտում էին, ոմանք վախեցած նայում էին սպաններին, որոնք խառնխուտում էին կազակական աղբատիկ իրեղենը, ոմանք էլ քմծիծաղ էին տալիս: Քաջատես, հետախույզ մի ուրյադնիկ հարցրեց.

— Հլա մի ասացեք, ի՞նչ էք փնտրում: Քե որ մի բան է գողացված, կարելի է մեկնումեկը տեսած լինի ուրիշի մոտ: Խուզարկությունը ոչ մի արդյունք չտվեց: Միայն առաջին գրասակի մի կազակի շինելի գրպանում գտան կոշի ճմռված մի թերթիկ:

— Կարդացե՞լ ես,— հարցրեց Մերկուլովը՝ ծիծաղաշարժ վախով դեն շարտելով նրա գրպանից հանած թերթիկը:

— Թուֆուն քաշելու համար եմ վերցրել,— շարժարցնելով խոնարհած աչքերը, ժպտաց կազակը:

— Այդ ինչո՞ւ ես ժպտում, հը՞,— տաքացած բղավեց Լիստնիցկին, կարմրատակեց, մոտեցավ կազակին. նրա ակնոցի տակին ջղայնորեն թարթում էին կարճ, ոսկեվուն արտանունքները:

Կազակի դեմքը միանգամից լրջացավ, ասես քամին տարավ ժպիտը:

— Ներողություն արեք, ձերդ բարեծննդութուն: Ախր ես համարյա թե անգրագետ եմ, է՛: Գիրկապ անելով եմ կարգում: Գետնից վերցրի, որովհետև թուֆուն փաթթելու թուղթ չկա, թուֆուն կա, իսկ թուղթս պրծել էր, դրա համար էլ վերցրի:

Կազակը խոսում էր նեղացած, բարձրաձայն, նրա ձայնը ցասում էր արտահայտում:

Լիստնիցկին թքեց ու հեռացավ: Սպաները գնացին նրա հետևից:

Մեկ օրից հետո գունդը հանեցին դիրքերից ու տարան թիկունք, դիրքերից տասը վերստ հեռու: Գնդացրային խմբից երկուսին ձերբակալեցին և հանձնեցին ռազմա-դաշտային դատարանին, մնացածների մի մասն ուղարկեցին պահեստի գնդերը, մի մասն էլ բաժանեցին կազակական 2-րդ գիվի-գիայի գնդերի վրա: Հանգստի մի քանի օրվա ընթացքում գունդը որոշ շափով կարգի բերվեց: Կազակները լողացան, մաքրվեցին, խնամքով սափրվեցին,— ո՛չ այնպես, ինչպես խրամատներում, որտեղ հաճախ այտերի բուսականությունից ազատվում էին հասարակ, բայց հիվանդագին եղանակով. մազերը վառում էին լուցկիով, ու հենց որ կրակը մազերը վառում, հասնում էր մաշկին, այտերը շփում էին նախապես թրջված երեսաբրինձով: Սա կոշվում էր «խոզային» եղանակ:

— Քեզ խոզավարի թրաշե՞մ թե ոնց,— հարցնում էր սափրողին դասակային մի որևէ սափրիչ:

Գունդը հանգստանում էր: Կազակներն իրենց արտաքինով փայլուն էին, ուրախ, բայց Լիստնիցկին ու բոլոր սպաներն էլ գիտեին, որ այդ ուրախությունը նման է նոյեմբերի այնպիսի մի օրվա, երբ եղանակը լավ է. այսօր այն առկա է, իսկ վաղը չկա: Բավական էր մի խոսք ասել դիրքերը դուրս գալու մասին, և իսկույն փոխվում էր դեմքերի արտահայտությունը, ու նոթոտ կոպերի տակին դժգոհություն, մտայլ տհաճություն էր նկատվում: Զգացվում էր մահացու հոգնածություն, ջլատվածություն, ու հենց այդ հոգնածությունն էլ բարոյական անկայունություն էր առաջացնում: Լիստնիցկին հիանալի գիտեր, թե որքան սարսափելի է լինում մարդը, երբ այդպիսի վիճակում մի որևէ նպատակի է ձգտում:

1915 թվականին նրա աչքերի առաջ զինվորների մի վաշտ հինգ անգամ գրոհի էր նետվում, շտեմնված կորուստներ էր տալիս ու էլի հրաման ստանում՝ «Վերսկսել գրոհը»: Վաշտի մնացորդներն ինքնակամ թողին իրենց տեղամասը ու գնացին թիկունք: Լիստնիցկին իր հարյուրյակով հրաման ստացավ կանգնեցնել նրանց, ու երբ նա, հարյուրյակից շղթա կազմե-

լով, փորձեց դադարեցնել զեպի ետ շարժվելը, սկսեցին կրակել նրանց վրա: Վաշտից մնաց ոչ ալվելի, քան վաթսուն մարդ, և նա տեսնում էր, թե այդ մարդիկ ինչպիսի խելահեղ, հանդուգն քաջությամբ էին պաշտպանվում կազակներից, ընկնում էին թրերի հարվածներից, մեռնում էին, բայց առաջ քշում զեպի կործանումը, ոչնչացումը, գտնելով, որ միևնույն է, մի տեղ պիտի մեռնեն:

Այս զեպը վերականգնվում էր նրա հիշողության մեջ որպես ահեղ մի նախազգուշացում, ու կիստնիցկին հուզմունքով և նոր ոգով էր դիտում կազակների դեմքերը, ու մտածում էր. «Մի՞թե սրանք էլ երբևէ ետ կդառնան ու կզնան, և բացի մահից, ոչ մի բան չի կարողանա կանգնեցնել սրանց»: Ու հանդիպելով հոգնած, գազազած հայացքներին, ազնվորեն եզրակացնում էր՝ «Կզնան»:

Անցած տարիների համեմատությամբ կազակներն արմատապես փոխվել էին: Նույնիսկ երգերը,— գրանք է՛լ նոր էին, պատերազմից ծնված, սև տխրությամբ լցված: Ծրեկոներին անցնելով գործարանային մի ընդարձակ սրահի կողքից, ուր տեղավորված էր հարյուրյակը, կիստնիցկին ամենից հաճախ լսում էր թախծոտ, անշափ տրտում մի երգ: Դա միշտ երգում էին երեք-չորս ձայնով: Թավ ձայների միջից, խոյանալով, գեղգեղում էր մի ձայնակցողի հազվագեղ մաքուր և ուժեղ տենորը:

Օ՛յ, հայրենի, սիրված իմ ձուգ,
ես այլևս քեզ չեմ տեսնի,
Արշալույսին այգում երգող
Բլրուկի ձենն էլ չեմ լսի:
Գու է՛լ, տեսչ, սիրված իմ մայր,
Շտա մի՞ տիրի որդուդ համար,—
Հո բուլորն էլ, ի՞մ թանկագին,
Ձո՞՞ չե՞ն գնում պատերազմին:

Կիստնիցկին կանգ առնելով, ականջ էր դնում և զգում էր, որ իրեն է՛լ սաստիկ հուզում է երգի անպաճույճ տխրությունը: Ինչ-որ մի պիրկ լար էր ձգվում զարկերն արագացնող իր սրտի մեջ, ձայնակցողի ցածր տեմբրը խփում էր այդ լարին, ստիպում էր նրան ցավագին զողզողալ: Կիստնիցկին

կանգնում էր սրահին մոտիկ որևէ տեղում, դիտում երեկոյի աշնանային մեգ-մշուշը և զգում, որ իր աչքերը թրջվում են արցունքով, կոպերը սուր և քաղցր ցավով են բռնվում:

Ես գնում եմ դաշտով արձակ,
Սիրտս զգում է կրճիս տակ,
Օ՛յ, զգում է, ասում է նա,
Որ էլ կովից տուն չեմ դառնա:

Բասերը դեռ չէին վերջացնում վերջին բառերը, իսկ ձայնակցողի ձայնն արդեն ծածկում էր դրանք, ու հնչյունները դողողում էին ինչպես սպիտակակուրծք արոսի թևերը թռչչի ժամանակ, հապճեպում, կանչում էին իրենց հետևից, պատմում,—

Սուլեց, թռավ դնդակն արճիճ,
Գնդակն արճիճ կուրծքս խոցեց,
Ու ես ընկա ձիուս վզին,
Հորդ արյունս բաշը թրջեց:

Հանգստանալու օրերին կիստնիցկին լոկ մի անգամ լսեց կազակական հինավուրց մի երգի ոգևորիչ, քաջալերող խոսքերը: Կատարելով իրիկնային սովորական զբոսանքը, նա անցնում էր սրահի կողքից: Նրա ականջին հասան կիսահարթած մարդկանց ձայներն ու քրքիչը: Կիստնիցկին գլխի ընկավ, որ պահեստապետը, վերադառնալով նեզվիսկու ավանից, մթերքների հետ նաև օղի էր բերել և հյուրասիրել կազակներին: Հացի օղին խմած կազակները ինչ-որ վիճում էին, ծիծաղում: Վերադառնալով զբոսանքից, կիստնիցկին դեռ հեռվից լսեց երգի հուժկու թնդյունները ու վայրի, սուր, բայց համալարի սուլոցը.

Պատերազմում ով չի եղել,
Երկյուղ, սարսափ նա չի տեսել:
Օր ու գիշեր թրջվում, զոգում,
Գիշերն ամբողջ մենք չենք քնում:

«Ֆի-յու-յու-յու-յու, ֆի-յու-յու-յու, ֆյո՛ւ-յո՛ւ-յո՛ւ»,— անընդմեջ թրթում, հեղվում, պարուրածև ոլորվում էր սուլոցը ու ծածկելով այն, որոտում էր ամենաքիչը մի երեսուն ձայն.

Ամեն մի օր, ամեն մի ժամ
Արձակ դաշտում վիշտ ու սարսափ:

Ինչ-որ շարաճճի մեկը, ըստ երևույթին երիտասարդներից
խլացուցիչ ու կարճ սուլելով, պպզապար էր գալիս, ոտներ,
խփում փայտե հատակին: Հստակ թնդում էին կրունկներ,
զարկերը, ու երզը խլացնում էր դրանց ձայնը.

Տես, Սև ծովն է աղմկում,
Կրակ վառվում նավերում:
Մենք կրակը կմարենք,
Քուրքերին էլ կխեղզենք,
Փա՛ռք մեր Դոնի կազակին:

Լիստնիցկին գնում էր ակամա ժպտալով, աշխատում էր
քայլել ձայների տակտով: Ձուլցն հետևակ զորամասերում
այնքան էլ խիստ կերպով չի զգացվում այդ ձգտումը դեպի
տուն,— մտածում էր նա, բայց բանականությունը սառն
առարկություններ էր մեջտեղ բերում.— բայց մի՞թե հետևա-
զորում մարդիկ ուրիշ են: Անկասկած, կազակները ավելի
դժվար են տանում խրամատներում հարկադրաբար նստած
մնալը. ըստ իրենց ծառայության բնույթի, նրանք սովոր են
մշտական շարժման: Իսկ այստեղ երկու տարվա ընթացքում
ստիպված ես նստել ու մնալ կամ թրև գալ հարձակման ա-
պարդյուն փորձերի դեպքում: Բանակը երբեք այսքան թույլ
չի եղել: Հարկավոր է ուժեղ ձեռք, խոշոր հաջողություն, առաջ-
շարժում,— դա ոգևորություն կառաջացնի: Թեպետ պատմու-
թյունն այնպիսի օրինակներ գիտի, երբ երկարատև պատե-
րազմների ժամանակաշրջանում ամենակայուն ու կարգապահ
զորքերն անգամ քայքայվում էին բարոյապես: Նույնիսկ Սու-
վորովն է՛լ էր զգացել այդ բանը... բայց կազակները կդիմա-
նան: Եթե հեռանան է՛լ, վերջին հեռացողները կլինեն: Այնու-
ամենայնիվ դա հո մի փոքր առանձնակի ազգ է, իր տրա-
դիցիայով ուղղմատենչ և ոչ թե այնպիսին է, ինչպես մի որևէ
զործարանային կամ մուժիկական խումբան:

Ասես նրան հերքելու համար սրահում մեկը դողողուն,
ճոճոտան ձայնով սկսեց երգել «Կալինուշկա» երգը: Մյուսները
ձայնակցեցին ու լիստնիցկին հեռանալիս լսում էր էլի նույն
թախիծով հնչող երգը.

Ջահել սպան աղոթում է աստծուն,
Ջահել սպան աղաչում է թողնել տուն.
— Ջահել սպա, դու թող ինձ,
Քող տուն գնամ այստեղից,
Քող տուն գնամ այստեղից,
Հորս մոտ,
Հորս, անուշ մորս մոտ,
Հորս, անուշ մորս մոտ,
Ջահել-շիվան կնկառ մոտ:

Ռազմաճակատից փախչելուց երեք օր անց, երեկոյան
Բունչուկը մտավ առևտրական մի մեծ ավան, որ գտնվում
էր ռազմաճակատին մոտիկ վայրում: Տներում արդեն վառել
էին լույսերը: Սառնամանիքը սառույցի բարակ կեղև էր քա-
շել ջրափոսների վրա, ու հատուկենտ անցորդների քայլերը
գեռ հեռվից էին լսվում: Բունչուկը գնում էր լսողությունը լա-
րած, խուսափելով լուսավորված փողոցներից, անցնելով դա-
տարկ նրբանցքները: Ավանը մտնելիս քիչ էր մնացել, որ հան-
դիպեր պարեկին, ու հիմա քայլում էր գայլի փութկոտու-
թյամբ, ցանկապատերի տակից, աջ ձեռքը շհանելով շափա-
զանց կեղտոտ շինելի գրպանից,— ցերեկը պառկել էր մի
մարագում, հարդի մեջ թաղված:

Ավանում գտնվում էին կորպուսի բազան, ինչ-որ զորա-
մասեր, առկա էր պարեկին հանդիպելու վտանգը, հենց դրա
համար էլ Բունչուկի մազոտ մատները շէին կտրվում շինելի
գրպանը դրած նազանի քյարթավոր կոթից:

Ավանի մյուս ծայրում Բունչուկը երկար քայլեց մի դա-
տարկ նրբանցքում՝ դարպասներից ներս նայելով, խորազնիճ
դիտելով յուրաքանչյուր աղքատիկ տնակի ձևը: Մի քսան
րոպեից հետո մոտեցավ փողոցի անկյունում գտնվող անշուք
մի տնակի, նայեց փեղկի ճեղքից ու ժպտալով, վճռականո-
րեն ներս մտավ բակի դռնից: Լաշակը գլխին մի տարեց կին
լսելով թխկոցը, բացեց տան դուռը:

— Բորիս Իվանովիչը ձեզ մո՞տ է ապրում,— հարցրեց
Բունչուկը:

— Այո: Մտեք, խնդրե՛մ:

Բունչուկը կողքի անցավ նրա մոտից: Հետևից լսեց փա-
կանի պաղ ձնչոցը: Ցածրիկ առաստաղով սննյակում, որ լու-

սովորված էր մի փոքրիկ լամպով, սեղանի առաջ նստել էր զինվորական տարազով, տարեց մի մարդ: Աչքերը կկոցելով, նա նայեց ու վեր կացավ, զուսպ ուրախությամբ ձեռքը մեկնելով Բունչուկին:

— Ո՞րտեղից:

— Ռազմաճակատից:

— Է՞հ:

— Տեսնում ես, էլի...— Ժպտաց Բունչուկը, ու մատի ծայրը դնելով զինվորական տարազ հագած մարդու գոտուն, հագիվ լսելի ձայնով ասաց՝ սենյակ կա՞:

— Այո, այո: Եկ այստեղ:

Նա Բունչուկին տարավ է՛լ ավելի փոքրիկ մի սենյակ. առանց լույս վառելու նստեցրեց աթոռին ու ծածկելով հարևան սենյակը տանող դուռը, իջեցնելով պատուհանի վարագույրը. ասաց.

— Բոլորովի՞ն եկար:

— Բոլորովին:

— Ո՞նց է այնտեղ:

— Ամեն ինչ պատրաստ է:

— Հուսալի տղե՞րք եմ:

— Այո՞, այո:

— Ես կարծում եմ, որ դու հիմա կհանգես, հետո կխոսենք: Տուր շինելու: Հիմա ես լվացվելու ջուր կբերեմ:

Մինչդեռ Բունչուկը լվացվում էր ժանգոտած, պղնձե լազանի վրա, զինվորական տարազ հագած մարդը շփելով «ոգնիկ» ձևի սարքած մագերը, հոգնածորեն ու կամացուկ ասում էր.

— Այժմ նրանք մեզնից անհամեմատ ավելի ուժեղ են: Մեր գործն է՝ աճել, լայնացնել մեր ազդեցությունը, աշխատել առանց ձեռներս ծալելու,— պարզարանել պատերազմի իսկական պատճառները: Եվ մենք աճում ենք, կարող ես հավատացած լինել: Եվ այն, ինչ որ հեռանում է նրանցից, անխուսափելիորեն մեզ մոտ է գալիս: Չափահաս մարդը տղայի համեմատությամբ անպայման ավելի ուժեղ է, բայց երբ այդ շափահասը ծերանում է, դառամում, ապա հենց այդ տղան էլ կհաղթահարի նրան: Իսկ այս դեպքում մենք տեսնում ենք

աչ միայն ծերի գառամություն, այլև ամբողջ օրգանիզմի աճող կաթվածահարություն:

Բունչուկը վերջացրեց լվացվելը ու քաթանն կոշտ սրբիչով երեսը սրբելով ասաց.

— Հեռանալուց առաջ ես սպաների մոտ արտահայտեցի մեր հայացքները... Գիտե՞ս, ծիծաղելի բան դուրս եկավ... Իմ հեռանալուց հետո գնդացրորդներին անկասկած թափ կտան, գուցե ազերքից ոմանք դատի տրվեն, բայց քանի որ ապացույցներ չկան, ի՞նչ խոսք կարող է լինել: Ես հույս ունեմ, որ նրանց կուղարկեն այլևայլ զորամասեր, իսկ մեզ համար դա ձեռնառու է. թող բեղմնավորեն հողը... Ա՛խ, ինչպիսի՞ տղերք կան այնտեղ: Կրակի կտոր են, հա՛-ա:

— Ես Ստեփանից մի երկտող եմ ստացել: Խնդրում է ուղարկված գործը դիտեցող մի տղա ուղարկել: Դու կճանապարհվես նրա մոտ, բայց փաստաթղթերի բանը ո՞նց կլինի: Կհաջողվի՞ արդյոք:

— Ի՞նչ աշխատանք կտ նրա մոտ,— հարցրեց Բունչուկը ու բարձրացավ ոտների մատների վրա՝ երեսսրբիչը կախելով մեխից:

— Հրահանգել տղերքին: Իսկ դու դեռ բոյ շե՞ս քշում,— ժպտաց տանտերը:

— Ի՞նչ կարիք կա,— Բունչուկը թափ տվեց ձեռքը,— մանավանդ իմ այժմյան վիճակում: Ինձ հարկավոր է սիսեռահատիկի շափ բայ ունենալ, որ այնքան էլ նկատելի չլինեմ:

Նրանք խոսեցին մինչև առավոտյան աղջամուղջը: Իսկ մեկ օրից հետո Բունչուկը անձանաշելիություն շափ հագուստը փոխած ու դեմքը ներկած, ունենալով փաստաթղթեր 441-րդ Օրշչյան զնդի զինվոր նիկոլայ Ուխվատովի անվամբ, որը որպես թե կրծքից վիրավորված լինելու պատճառով բոլորովին ազատվել էր ծառայությունից,— դուրս եկավ ավանից ու զնաց կայարան:

III

Վլադիմիր-Վոլինսկի և Կովելի ուղղություն, Հատուկ բանակի (դա 13-րդ բանակն էր, բայց որովհետև «13»-ը ձախորդ թիվ է, իսկ սնահավատությամբ տառապում էին նաև

ընդ գեներալները, ուստի բանակին տվել էին «Հատուկ» անունը) գործողությունների շրջանում, սեպտեմբերի վերջերին սկսվեց հարձակման նախապատրաստությունը: Հրամանատարությունը Սվինյուխա գյուղի մերձակայքում ընտրել էր մյուս ակացդարմ, որը հարմար էր հարձակումը ծավալելու համար. ու սկսեց հրետանային նախապատրաստությունը:

Չտեսնված քանակությամբ հրետանի էր տարված հիշյալ վայրը: Տարբեր տրամաչափի հարյուր հազարավոր արկեր ինչ օրվա ընթացքում քարուքանդ էին անում այն տարածությունը, որ բռնված էր երկու շաբթ գերմանական խրամատներով: Առաջին իսկ օրը, հենց որ սկսվեց ինտենսիվ ուժեղացումը, գերմանացիները հեռացան խրամատների առաջին գծից՝ թողնելով միայն դիտորդներ: Մի քանի օրից հետո նրանք երկրորդ գծից էլ հեռացան ու անցան երրորդ գիծը:

Տասներորդ օրը Թուրքեստանյան կորպուսի զորամասերը, հրաձիգները, հարձակման անցան: Հարձակվում էին ֆրանսիական եղանակով, — ալիք առ ալիք: Ռուսական խրամատները տասնվեց ալիք շարտեցին: Մածանվելով, նոսրանալով, ճզմված փշալարերի այլանդակ գունդ ու կծիկների մոտ փրփրալով, հոսում էին մարդկային մակերնթացության գորշ ալիքները: Իսկ գերմանական կողմից, այնտեղից, կապտավուն լաստենուտի ածխացած կոճղերի հետևից, ավազոտ, կորացած բլրալանջերի հետևից թափվում էր կրակը, ցնցում, պատառոտում գետինը, թնդում էր խլացուցիչ, անընդհատ որոտմունքը, ճարձատում կրակոցների հրդեհը:

Ղուու՛ուու... բուու՛ուու... Բո՛ւխ, բա՛ք, բուուու՛ու:

Երբեմնակի առանձին թնդում էր մի մարտկոցի համազարկը ու նորից ամբողջ կրակը սուլում, վրա հասնում, բրդում էր բազմարկեստ տարածությունը:

Ղուու՛ուուու... ղուու՛ուու... ղուու՛ուու...

Տրրրրաաա՛-րա՛աա-տա-տա-տա-տա — խելահեղորեն հապճեպում էին գերմանական գնդացիները:

Մոտ մի վերստ տարածության վրա, ավազախառն, քարուքանդ եղած գետնից հա՛ վեր էին թռչում պայթյունների սև սյուները, ու հարձակվողների ալիքները փշրվում, փրփրում էին, կաթիլ-կաթիլ դեն թռչում ձագարներից, ու շարունակ սողում, սողում...

Ավելի ու ավելի հաճախ էին գետինը հունցում սլաքայինների սև բռնկոցները, ավելի խիտ էին հարձակվողների վրա թափվում շրապնելի խլացուցիչ տրաքտրաքոցը, ավելի դաժանորեն էր տեղում գետնին մոտիկ թռչող գնդացրային կարկուտը: Հարվածում էին, շթողնելով, որ հարձակվողները մոտենան լարափակոցներին: Ու մոտ շթողին: Տասնվեց ալիքներից դրանց հասան վերջին երեքը: Քարուքանդ եղած լարափակոցներից, որոնք դեպի երկինք էին բարձրացրել հրկիզված, փշալարով փաթաթված գերանները, այդ ալիքները դեպի ետ էին հոսում փոքրիկ առվակներով, կաթիլներով, ասես զարնվել էին նրանց ու փշրվել...

Այդ օրը ավելի քան ինն հազար կյանք ոչնչացավ ավազախառն, անուրախ հողի վրա, Սվինյուխա գյուղի մերձակայքում:

Երկու ժամից հետո հարձակումը վերսկսվեց: Հարձակվեցին Թուրքեստանյան հրաձիգ կորպուսի 2-րդ և 3-րդ դիվիզիաների զորամասերը: Չախ կողմից, խրամուղիներով դեպի խրամատների առաջին գիծն էին մղվում 53-րդ հետևակ դիվիզիայի զորամասերը և 307-րդ Սիբիրյան հրաձիգ բրիգադան, Թուրքեստանցիների աջ թևում հարձակվում էին 3-րդ գրենադերական դիվիզիայի գումարտակները:

Հատուկ բանակի 30-րդ բանակային կորպուսի հրամանատար գեներալ-լեյտենանտ Գավրիլովը բանակի շտաբից հրաման ստացավ երկու դիվիզիա նետել Սվինյուխի շրջանը: Գիշերով դիրքերից հանվեցին 80-րդ դիվիզիայի 320-րդ Չեմբարյան, 319-րդ Բուզուլմինյան և 318-րդ Չերնոյարյան գնդերը: Նրանց փոխարինեցին լատիշական հրաձիգներով և հենց նոր ժամանած աշխարհազորայիններով: Գնդերը դիրքերից գիշերով հանեցին, բայց, շնայելով դրան, գնդերից մեկը դեռ երեկոյից դեմոնստրատիվ կերպով ուղարկվեց հակադիր կողմը, ու ռազմաճակատի գծով 12 վերստ անցնելուց հետո՛ միայն հրաման ստացավ ետ դառնալ ու ընթանալ հակառակ ուղղությամբ: Գնդերը գնում էին մի ուղղությամբ, բայց տարբեր ճանապարհներով: 80-րդ դիվիզիայի երթուղուց դեպի ձախ շարժվում էին 71-րդ դիվիզիայի 283-րդ Պավլոգրադյան և 284-րդ Վենգրովյան գնդերը: Նրանց հետևից կրնկակոխ

գնում էին Ուրալի կազակների մի գունդ և 44-րդ պլաստունա- կան գունդը:

318-րդ Չերնոյարյան գունդը մինչև տեղափոխվելը գտնվում էր Ստոխոդի մոտ, Սոկալ ավանի շրջանում, Ռուզ- կա-Մերինսկոյե կալվածքի մերձակայքում: Առավոտյան, ա- բաջին իսկ երթից հետո, գունդը տեղավորեցին անտառում, լքած խրամատներում, ու շորս օր սովորեցնում էին հարձակ- ման ֆրանսիական եղանակը. գումարտակների փոխարեն շղթաներով շարժվում էին կիսավաշտերը, ուժածիկները սո- վորում էին որքան հնարավոր է արագ կտրատել լարափակոց- ները, նորից անցնում էին ձեռքի նունակներ նետելու կուրսը: Գունդը հետո էլի առաջ քեցցին: Երեք օրվա ընթացքում գնում էին անտառներով, բացատներով, լքած միջգյուղյա ճանա- պարհներով, որոնք հրանոթների անիվների հետքերով էին ծածկված: Սահում էր քամու քշած բամբակաման, նոսր մշուշը, կպչում սոճիների գազաթներին, հոսում բացատների վերեկից, ու ինչպես ուրուրը լեշի վրա, պտույտ էր գալիս լաստենիների միջև, գորշ-կանաչավուն, շոգիացող ճահիճ- ների վրա: Երկնքից հեղվում էր անձրեկի մուժը: Մարդիկ քայ- լում էին թրջված, գազազած: Երեք օրից հետո կանգ առան հարձակման շրջանից ոչ հեռու, Մեծ և Փոքր Պորեկ գյուղում: Մեկ օր ու գիշեր հանգստացան, պատրաստվելով մահվան ճանապարհն ընկնելու:

Այդ ժամանակ 80-րդ դիվիզիայի շտաբի հետ դեպի մո- տակա մարտերի վայրն էր գնում նաև կազակական հատուկ հարյուրյակը: Վերջինս համալրված էր Տատարսկի խուտորի ծառայության երրորդ հերթի կազակներով: Իրկրորդ դասակը ամբողջովին կազմված էր այդ խուտորի բնակիչներից. այն- տեղ էին՝ թեև կարած Ալեքսեյ Շամիլի երկու եղբայրները՝ Մարտինը և Պրոխորը, Մոխովի շոգեաղացի նախկին մեքենա- վար Իվան Ալեքսեևիչը, շեշտ Աֆոնյակա Օդերովը, խուտորի նախկին առաման Մանիցկովը, Շամիլիների քայքայված, ծուռոտանի հարևանը՝ Եվլանտի Կալինինը, անճոռնի կեր- պով երկարահասակ կազակ Բորշչևը, կարճավիզ ու արջա- նման Ջախար Կորոլյովը, ամբողջ հարյուրյակի սիրտն ու հո- գին, կենսուրախ Գավրիլա Լիխովիզովը, — հազվադեպ գա- զանային տեսք ունեցող մի կազակ, որը հայտնի էր նրանով,

սր մշտապես ու անտրտունը հանդուրժում էր յոթանասուն տա- րեկան պառավ մոր ու կնոջ ծեծը, — սա անհրապույր արտա- քինով, բայց ազատ բարբի տեր մի կին էր. խուտորից ուրիշ շատերն էլ կային երկրորդ դասակում և հարյուրյակի մյուս գասակներում: Կազակներից ոմանք հանձնատարներ էին դի- վիզիայի շտաբում, բայց հոկտեմբերի 2-ին ուլանները փոխա- րինեցին նրանց, ու դիվիզիայի հրամանատար գեներալ Կիտ- շենկոյի կարգադրությամբ հարյուրյակն ուղարկվեց դիրքերը:

Նոկտեմբերի 3-ի վաղ առավոտյան հարյուրյակը մտավ Փոքր Պորեկ գյուղը: Այդ մոմենտին այնտեղից դիրքերն էր մեկնում 318-րդ Չերնոյարյան գնդի առաջին գումարտակը: Թուրս վազելով լքած, կիսավեր խրճիթներից, զինվորները հենց այնտեղ, փողոցում շարք էին կանգնում: Գլխային դա- սակի մոտ դեռ ու դեռ էր ընկնում թխադեմ, երիտասարդ մի լորպորտը: Նա պլանշետից շոկուտը էր հանում և ուտում (նրա թաց, վառ-կարմիր շրթունքների եզրերին շոկուտի հետքեր կային), քայլում էր շարասյան երկայնքով, ու երկար շինելը, որի մի փեշին ցեխ էր կպել, ճոճվում էր ոտների միջև ինչպես ոչխարի դմակը: Կազակները գնում էին փողոցի ձախ կողմով: Երկրորդ դասակի շարքերից մեկում, աջ կող- մից, ծայրից քայլում էր մեքենավար Իվան Ալեքսեևիչը: Նա ուշի-ուշով նայում էր ոտների տակ՝ աշխատելով ոտը շինել ջրափոսների մեջ: Զինվորների կողմից ձայն տվին, ու նա գլուխը շուռ տալով՝ հայացքը սահեցրեց հետևակի շարքերի վրայով:

— Իվան Ալեքսեևիչ, սիրելի բարեկամս...

Գասակից դուրս գալով, մի կտրճիկի զինվոր բաղի վազ- քով մոտեցավ նրան: Վազելիս նա ետ էր հրում հրացանը, բայց փոկն ընկնում էր ուսից ու հրացանի կոթը դիպչում էր ջրամանին, խուլ զնգզնգացնում այն:

— Զե՛ս ճանաչում, հը՛, մոռացե՛լ ես:

Իվան Ալեքսեևիչը դժվարությամբ ճանաչեց Վալետին, մոտեցած զինվորին, որի կզակը մինչև այտերը ծածկված էր կոշտ, գորշ մազ ու մորուքով:

— Ո՛ր տեղից բուսար, սատանի ճուտ...

— Տեսնում ես, էլի՛... ծառայում եմ:

— Ո՛ր գնդումն ես:

— Երեք հարյուր տասնութորոց Զերնոյարյան գնդում:
Չէի սպասում... չէի սպասում, որ մերոնց կհանդիպեմ:

Իվան Ալեքսեևիչը իր ոսկրոտ ձեռքից բաց չթողնելով
Վալետի փոքրիկ, կեղտոտ ձեռքը, ուրախ և հուզված ժպտում
էր: Վալետն էլ, աշխատելով ետ շմուշ լայն-լայն քայլող
Իվան Ալեքսեևիչից, գրեթե վազում էր, ներքեից վերև նայում,
նրա աչքերին, և իր նեղ նստած, շար աչքերի նայվածքը ար-
տասովոր կերպով մեղմ էր, խոնավ:

— Տեսնում ես, էլի... հարձակման ենք գնում...

— Մենք է՛լ ենք գնում:

— Է՛հ, ո՞նց ես, Իվան Ալեքսեևիչ:

— Հը՛մ, խոսելու տե՞ղ է մնացել:

— Ես է՛լ եմ այդպես: Տասնչորս թվականից խրամատնե-
րից դուրս չեմ գալի: Ոչ իմ անկյունն եմ ունեցել, ոչ ընտանիք,
հիմի էլ շարշարանք եմ քաշում չգիտես ում համար... Ձին
գործի է, իսկ քուռակը հենց այնպես, թրևում է, է՛լի:

— Հիշո՞ւմ ես Շտոկմանին: Մեր աչքի լույս Օսիպ Գա-
վիդովիչին: Նա հիմի մեզ ամեն բան կբացատրեր: Ամա-
մարդ էր, հա՛-ա... Հիանալի էր... հը՛:

— Նա կպարզե՛ր, հա՛, — ցնծագին գոչեց Վալետը՝ թա-
փահարելով բուռնցքը ու ժպտալիս կնճռոտելով փոքրիկ դեմ-
քը՝ կոշտ մազ ու մորուքով: — Հիշում եմ նրան: Ես նրան հո-
րիցս էլ լավ եմ հասկանում: Հերս ինձ համար ինչ է արել
որ... Բա Շտոկմանից լուր չկա՞: Ո՞րտեղ է նա:

— Սիրիումն է, — հոգոց հանեց Իվան Ալեքսեևիչը, —
աքսորված է:

— Ո՞նց թե, — հարցրեց Վալետը՝ աքլորի նման ցատ-
կոտելով իր խոշոր ուղեկցի կողքին մոտեցնելով բարակ
ականջակոնքը:

— Նստած է բանտում: Գուցեև հիմի մեռած է:

Վալետը միառժամանակ լուռ էր քայլում, նայում էր
մերթ դեպի ետ, ուր շարվում էր վաշտը, մերթ Իվան Ալեք-
սեևիչի սուր կզակին, խոր, կլոր փոսիկին, որ վերջինիս ստո-
րին շրթունքի բուն իսկ մեջտեղին էր գալիս:

— Գնաս բարով, — ասաց նա՝ ձեռքը դուրս քաշելով
Իվան Ալեքսեևիչի պաղ, ոսկրոտ ձեռներին: — Կարելի է էլ
չափանենք իրար:

Իվան Ալեքսեևիչը ձախ ձեռքով հանեց գլխարկը ու կոա-
ցավ՝ գրկելով Վալետի լղարիկ ուսերը: Պինդ համբուրվեցին,
կարծես առմիշտ հրաժեշտ տվին միմյանց, ու Վալետը ետ
մնաց: Սա հանկարծ գլուխն առավ ուսերի մեջ, այնպես, որ
ականջների թուխ-կարմրավուն, բարակ կոնքերը ընկան շի-
նելի գորշ օձիքի վրա, ու գնաց՝ կուզիկանալով ու սլկալով
հարթ տեղում:

Իվան Ալեքսեևիչը դուրս եկավ շարքերից, դողդոջ ձայնով
կանչեց.

— Է՛յ, աղբերացու, հոգի՞դ սիրեմ: Ախր դու հերսոտ
մարդ էիր, պինդ էիր, մի՞տղ է...

Վալետը շուռ տվեց արցունքներից թորշոմած դեմքը,
բուռնցքը խփեց թուխ, ոսկրոտ կրծքին, որ երևում էր կոճակ-
ներն արձակած շինելի ու շապկի պատուված օձիքի տակից,
ու բղավեց.

— Հա՛, հա՛, պինդ էի, իսկ հիմի խեղճացրել են... Բուրդս
գզել են...

Նա էլի ինչ-որ աղաղակեց, բայց հարյուրյակը շուռ եկավ
հետևյալ փողոցը, ու նա չքացավ Իվան Ալեքսեևիչի աչքից:

— Գա Վալետն է, չէ՞, — հարցրեց վերջինիս հետևից
քայլող Պրոխոր Շամիլը:

— Մարդ է, էլի, — խուլ ձայնով պատասխանեց Իվան
Ալեքսեևիչը՝ դողացնելով շրթունքները, հրացանը սեղմելով
ուսին:

Գլուզից դուրս, հարյուրյակի ճանապարհին սկսեցին հան-
դիպել վիրավորվածները, — սկզբում միավորներով, հետո մի
քանի հոգուց բաղկացած խմբերով ու այնուհետև — հոծ բազ-
մություններով: Մի քանի սայլեր, որոնք լեփ-լեցուն էին ծանր
վիրավորվածներով, դժվարությամբ էին ընթանում: Դրանց
լծված յարունները՝ սարսափելի նիհար էին: Նրանց սուր մեջ-
քերը մաշկվել էին մտրակների անդադար հարվածներից, բաց-
վել էին կարմիր բծերով ծածկված ոսկորները ու տեղ-տեղ
մազերը կպել էին ոսկորներին: Ձիերը քաշում էին քառանիվ
սայլերը, փնշում ու այնքան էին զուռ տալիս, որ քիչ էր մնում
նրանց փրփրակալած դնչերը դիպչելին գետնի ցեխին: Մի
որևէ զամբիկ երբեմն կանգ էր առնում, անզոր կերպով
ուռցնում՝ ներս ընկած, ոսկրոտ կողերը, կախում լղարությու-

նից մեծ թվացող գլուխը: Մտրակի հարվածը նրան զոռով շարժում էր տեղից, և նա ճոճվելով սկզբում մեկ, հետո մյուս կողմի վրա, ճիգ էր թափում ու քայլում: Բոլոր կողմերից կառչելով սայլերի կողերին, քայլում էին ոտով գնացող վիրավորները:

— Ո՞ր գորամասից ես, — բարի դեմք ընդունելով՝ հարցրեց հարյուրյակի հրամանատարը:

— Քուրքեստանյան կորպուսից, երբորդ դիվիզիայից:

— Այսօ՞ր ես վիրավորվել:

Հինվորն առանց պատասխանելու շուռ տվեց դեմքը: Հարյուրյակը ճանապարհից շեղվելով, գնում էր դեպի անտառը, որ երևում էր կես վերառ հեռավորությամբ: Հետևակային ծանր քայլով հետևից գնում էին գյուղից դուրս եկած՝ 318-րդ Չերնոյարյան գնդի վաշտերը: Հեռվում, անձրևներից խուճաքած, մոռյլ երկնքում դեղնագորշ, անշարժ բծի նման կախվել էր գերմանական կապովի մի օդապարիկ:

— Մտի՛կ արեք, կազակներ, թե ինչ հրաշք է կախված:

— Օդապարիկ է, հա՛-ա:

— Նա, անիծվածը, այնտեղից թամաշա է անում, թե ոնց են շարժվում գորքերը:

— Բա կարծում ես զուր տե՛ղն է այդքան բարձրացել:

— Հեռո՛ւ է, հա՛-ա:

— Բա մոտի՞կ է: Իսկի արկն էլ չի հասնի նրան:

Անտառում Չերնոյարյան գնդի առաջին վաշտը հասավ կազակներին: Մինչև երեկո կուշ էին գալիս թաց սոճիների տակ, օձիքների տակից շուր էր լցվում, դողը բռնում էր մեղքերը. արգելվեց կրակ վառել, և դժվար է՛լ էր այդ անև անձրևի տակ: Արդեն մթնելու էր, երբ մտան երկար ու նեղ մի խանդակի մեջ: Բլ աչքած խորունկ, մարդու հասակից մի քիչ բարձր խանդակը կես քառորդաչափ լցված էր ջրով: Տիղմի, փտած տերևների հոտ էր գալիս, զգացվում էր նաև անձրևի անալի, մեղմ-թավիշ բույրը: Կազակները պայգել էին շինելների փեշերը քշտած, ծխում էին, բաց անում խոսակցությունների գորշ, կտրվող թևը: Երկրորդ դասակը, բաժանելով մեկնելուց առաջ տրված մախրակայի փայտաթիղբ, կուշ էր եկել ճանապարհի օլորանին, շրջապատել դասակապետ ուրջադնիկին: Սա նստել էր հայտնի չէ ում թողած լա-

րափաթեթի վրա, պատմում էր անցած երկուշարթի օրը սպանված գեներալ Կոպիլովսկու մասին, որի բրիգադում նա ծառայել էր զեռ խաղաղ ժամանակ: Նա շվեդացից պատմությունը, որովհետև դասակապետ սպան բղավեց՝ «Հրացանի», ու կազակները վեր թռան. մատները վառելով՝ ազահությամբ ծխում էին փաթաթված ծխախոտի մնացորդները: Հարյուրյակը խանդակից դուրս եկավ սոճու մթնող անտառը: Քայլում, կատակներով սիրտ էին տալիս միմյանց: Մեկը սուլում էր:

Մի փոքրիկ բացատում դիակների մի երկար շարանի հանդիպեցին: Իրանք ընկած էին իրար կողքի, ուս-ուսի ալված, այլևայլ, տեղ-տեղ անվայել ու սարսափելի պողաներով: Հենց այդտեղ էլ ետ ու առաջ էր քայլում հրացանով և կողքից, գոտուց կախած հակազազով մի զինվոր: Դիակների մոտ ճմռթված էր խիտ, թաց հողը, երևում էին շատ ոտների հետքերը, խոտի վրա — սայլի անիվների թողած խոր սպիները: Հարյուրյակը քայլում էր դիակներից մի քանի քայլ հեռավորությամբ: Դրանցից արդեն լեշի ծանր, քաղցրավուն հոտ էր գալիս: Հարյուրյակի հրամանատարը կանգնեցրեց կազակներին ու դասակապետ սպաների հետ մոտեցավ զինվորին: Նրանք ինչ-որ խոսում էին: Այդ ժամանակ կազակները, խախտելով շարքերը, մոտեցան դիակներին, հանեցին գլխարկները, դիտեցին սպանվածների մարմինները թաքուն, դողող վախի և զազանային հետաքրքրության այն զգացումով, որ ապրում է ամեն մի կենդանի արարած մեռածի գաղտնիքի հանդեպ: Բոլոր սպանվածներն էլ սպաներ էին: Կազակները հաշվեցին նրանց, դուրս եկավ քառասունյոթ հոգի: Նրանց մեծամասնությունը երիտասարդներ էին, դատելով նրանց տեքից, 20-ից մինչև 25 տարեկան, միայն աջ կողմից վերջինն էր տարիքավոր, նա շտաբ-կապիտանի ուսողի Երանք օւնը: Նրա լայն բացված բերանի վրա, որ թաքցրել էր վերջին ճիշի համր հնչյունները, տխուր կախվել էին խիտ, սև բեղերը, մահից սպիտակած դեմքի վրա մոռյլվել, ցրիվ էին եկել լայն հոնքերը: Սպանվածներից ոմանք ամբողջովին ցեխոտված կաշվե սուժուրկաներով էին, մնացածները — շինելներով: Երկուսի թե երեքի գլուխներին գլխարկներ չկային: Կազակներն առանձնապես երկար էին դիտում մի պողոտիկի կերպարանքը, որ մահից հետո էլ գեղեցիկ էր:

Նա ընկած էր մեջքի վրա, ձախ ձեռքը պինդ սեղմվել էր կրծքին, աչ ձեռքում, որ մի կողմ էր տարածված, առաջտ սեղմված էր նազան ատրճանակի կոթը: Ըստ երևույթին փորձել էին հանել նազանը. ձեռքի դեղին, լայն դաստակի վրա սպիտակին էին տալիս շանգուվածքները, բայց երևում էր, որ պողպատը պինդ էր կպել,— չէր անջատվում: Բաց-շիկահեր, գանգուր գլուխը մի կողմ ծոված գլխարկով, ասես գգվանքով, թշի վրա ընկել էր գետնին, իսկ նարնջագույն, մի փոքր կապուտակած շուրթերը տարակուսանքով, տխուր ծըռ-մովել էին: Աչ կողմից նրա հարևանը ընկած էր երեսի վրա, մեջքին սուսպատի նման թմբվել էր շինելը՝ մեջքի կտրված գոտիկով, բացել հուժկու, մկաններով պրկված ոտները՝ կա-նաչ-շագանակագույն շալվարով ու կարճ, խրոմե սապոգնե-րով, որոնց կրունկները ծոված էին: Նրա գլխին գլխարկ չկար, գանգի վերին մասն է՛լ չկար,— արկի բեկորը մաքուր կտրել էր այդ մասը. մազերի թաց լուլաներով եզերվող՝ գանգի դատարկ տուփի մեջ պլպլում էր վարդագույն ջուրը,— անձրև էր լցրել: Նրանից դեմը ընկած էր բացված տուժուր-կայով ու պատռված բլուզով մի սպա,— ամրակազմ, առանց դեմքի. ստորին ծնոտը շեղակի կոթնել էր մերկ կրծք-քին, իսկ մազերից ներքև սպիտակին էր տալիս ճակատի մի նեղ շերտ՝ այրված, խողովակաձև ոլորված մաշկով, ծնոտի և ճակատի վերին մասերի միջև — ոսկորների կտորտանքներ, սև-կարմրավուն, հեղուկ զանգված: Այնուհետև — վերջավո-րությունների անփույթ կուտակված կտորներ, շինելի պա-տառոտված մասեր, գլխի տեղում — ջարդված, ճզմված մի ոտը. դրանից էլ դեմը — բոլորովին ջահել մի տղա ուռուցիկ շուրթերով ու պատանեկական ձվաձև դեմքով. կուրծքը խո-ցոտված էր գնդացրային գնդակներով, շորս տեղից ծակ-ծրկված էր շինելը, ծակերից դուրս էին ընկել խանձված փաթիլները:

— Սա... սա մեռնելիս ո՞ւմ է կանչել, մո՞րը,— կակա-զելով, ատամներն իրար զարկելով, հարցրեց Իվան Ալեք-սեկիչը, կտրուկ շուռ եկավ, գնաց կույրի նման:

Կազակները հեռանում էին հապճեպորեն, խաչակնքելով և առանց ետ նայելու: Հետո երկար ժամանակ լուռթյուն էին պահպանում՝ անցնելով նեղ բացատներից, շտապելով վանել

իրենց՝ տեսածին վերաբերող հուշերը: Հարյուրյակը կանգնեց-րին հայտնի չէ ում լքած, դատարկ գետնատների մի խիտ շարանի մոտ: Սպաները Չերնոյարյան գնդի շտաբից եկած հանձնատարի հետ մտան մի գետնատուն. չեղոտ Աֆոնյկա Օզերովը միայն այդ ժամանակ, վերցնելով Իվան Ալեքսեևիչի ձեռքը, շշնջաց.

— Այն տղան... վերջինը... երևի դեռ կնկա չէր է՛լ պա-չել... Ու մորթեցին, այդ ո՞նց կլինի, հը՞:

— Այդ որտեղի՞ց են դրանց բրդել,— մեջ մտավ Զախար Կորոլյովը:

— Հարձակման էին գնացել: Մեռելներին պահպանող գինվորն էր ասում,— մի փոքր լուելուց հետո պատասխանեց Բորչչևը:

Կազակներն «ազատ» էին կանգնած: Անտառում խտանում էր մթուժյունը: Քամին քշում էր ամպերը, ու ծվատելով դրանք, բաց էր անում հեռավոր աստղերի կարմրակապույտ կայծերը:

Այդ ժամանակ մի գետնատան մեջ, ուր հավաքվել էին հարյուրյակի սպաները, հրամանատարը ճամփեց հանձնա-տարին, բացեց նրա բերած ծրարը ու մոմի լույսի տակ ծանոթանալով դրա բովանդակությանը, կարդաց.

Հոկտեմբերի 3-ի լուսարացին գերմանացիները հեղձուցիչ գազեր գործադրելով, թունավորեցին 250-րդ գնդի երեք գումարտակ ու գրավե-ցին մեր խրամատների առաջին գիծը: Հրամայում եմ ձեզ շարժվել մինչև խրամատների երկրորդ գիծը, ու կապ հաստատելով 318-րդ Չերնոյարյան գնդի առաջին գումարտակի հետ, գրավել երկրորդ գծի տեղամասն այն հաշվով, որ հենց այս գիշեր հակառակորդին դուրս քշեք առաջին գծից: Ձեր աչ թևում կլինեն երկրորդ գումարտակի երկու վաշտը և 3-րդ գրե-նադերական դիվիզիայի Ֆանագորյան գնդի մի գումարտակը:

Քննարկելով դրուժյունը և մի-մի ծխախոտ ծխելով, սպա-ները դուրս եկան: Հարյուրյակն առաջ շարժվեց:

Մինչդեռ կազակները հանգստանում էին գետնատների մոտ, չերնոյարցիների առաջին գումարտակը կանխեց նրանց և մոտեցավ Ստոխոդի կամրջին: Կամուրջը պահպանվում էր գրեհադերական գնդերից մեկի գնդացրային մի ուժեղ ուղե-կալով: Ֆելդֆեբելը գումարտակի հրամանատարին բացատ-

րեց իրադրությունը, և գումարտակը, անցնելով կամուրջը, բաժանվեց. երկու վաշտ գնացին դեպի աջ, մեկը — դեպի ձախ, վերջինը գումարտակի հրամանատարի հետ մնաց ուղեկցում: Վաշտերը գնում էին շղթա կազմած: Նոսր անտառը փոսերով էր պատած: Զինվորները քայլելիս ոտներով զգուշութամբ շոշափում էին գետինը, երբեմն մեկնումեկն ընկնում էր, կամացուկ ձայնով մայր հայհոյում: Աջ թևի ծայրի վաշտում, ծայրից վերցերորդը քայլում էր Վալետը: «Կրակելու պատրաստ» հրամանից հետո նա հրացանի հրահանին կրակելու դիրք տվեց, քայլեց՝ հրացանը դեպի առաջ պարզած, սվինի ծայրը դիպցնելով թփերին ու սոճիների բնորին: Նրա կողքից, շղթայի երկայնքով անցան երկու սպանրանք խոսակցում էին զուսպ ձայնով: Վաշտի հրամանատարը հյուսիս, հնչուն բարիտոնով զանգատվում, ասում էր.

— Վաղուցվա վերքս էլ բացվել է: Անիծված լինի այն կոճղը: Հասկանո՞ւմ եք, Իվան Իվանովիչ, այս մթության մեջ ես դեմ առա մի կոճղի ու ոտս խփեցի դրան: Հետևանքը այն եղավ, որ վերքս բացվեց ու ես շեմ կարող քայլել, մնում է ետ դառնալ:— Վաշտապետի բարիտոնը մի բուպե լռեց ու հեռանալով, է՛լ ավելի կամաց հնչեց.— Գուք ձեր վրա վերցրեք առաջին կիսավաշտի հրամանատարությունը, Բոգդանովը կվերցնի երկրորդը, իսկ ես, ը՛մամ... ազնիվ խոսք չեմ կարող: Ես ստիպված եմ վերադառնալ:

Ի պատասխան լսվեց պրապորշիկ Բելիկովի խուպոտ, բարալիկ ձայնը:

— Զարմանալի է, հենց որ մարտի ենք գնում, ձեր հին վերքերը բացվում են:

— Ես ձեզ կխնդրեի լռե՛լ, պարոն պրապորշիկ.— վաշտապետը բարձրացրեց ձայնը:

— Թողե՛ք խնդրեմ, կարող եք վերադառնալ:

Ունկնդրելով իր և ուրիշների քայլերին, Վալետը հետևից հապճեպ թփից լսեց, հասկացավ, որ վաշտի հրամանատարը ետ է գնում: Իսկ մի բուպեից հետո Բելիկովը ֆելդֆելքելի հետ անցնելով վաշտի ձախ թևը, քրթմնջում էր:

— ... Ստահակներ: Հենց որ մի լուրջ գործ է լինում, նրանք հիվանդանում են կամ նրանց հին վերքերն են բացվում: Իսկ գու, նոր թիված պրապորշիկ, բարեհաճիր առաջ-

նորդե՛լ կիսավաշտը... Սրիկանե՛ր: Ես դրանց... զինվորները...

Զայները հանկարծակի լռեցին, ու Վալետը լսում էր միայն ցեխի ճլմփոցն իր ոտների տակ ու ականջների հնչուն զրծոցը:

— Է՛յ, հայրենակից,— ձախ կողմից, խուպոտ շնչյունով ասաց մեկը:

— Հը՛:

— Գնո՞ւմ ես, հա՛:

— Գր-նում եմ, էլի՛, — պատասխանեց Վալետը, ընկավ ու հետույթի վրա սլլալով իջավ ջրով լեցուն ձագարը — արկի պայթյունից առաջացած փոսը:

— Ամա՛ թե մութն է, հա՛-ա... — լսվեց ձախ կողմից:

Մի բուպե քայլում էին առանց իրար տեսնելու, ու անսպասելիորեն Վալետի հենց ականջի տակ նույն խուպոտ ձայնն ասաց.

— Գնա՛նք կողք-կողքի: Այնքան էլ երկյուղալի չի լինի...

Դարձյալ լուռ էին՝ խոնավ գետնի վրա փոխելով ոտները, — ջրից ուռճացած սապոգները: Հանկարծ ամպի տակից դուրս սահեց բծավոր կիսալուսինը, ու ձկան պես, փայլեցնելով դեղին թեփուկը, մի քանի վայրկյան ընկղմեց ամպերի հոսուն ալիքների մեջ, ու էլի դուրս գալով, մթնշաղային լույս սփռեց. սոճիների թաց ասեղնատերևները ֆոսֆորային փայլ արձակեցին. այնպես թվաց, թե լույսի տակ փշատերևներն ավելի ուժեղ բուրեցին, թաց գետնին է՛լ ավելի ժանա ցուրտ փչեց: Վալետը նայեց հարևանին: Սա հանկարծակի կանգ առավ, թափահարեց զլուփը՝ ասես հարվածից, բացեց շրթունքները:

— Մտի՛կ, է՛,— կմկմաց նա:

Երեք քայլ հեռավորությամբ, սոճու տակ, ոտները լայն դրած, կանգնել էր մի մարդ:

— Մա՛-ա-րդ է,— ասաց թե միայն ուզեց ասել Վալետը:

— Ո՞վ ես, է՛յ,— հանկարծ հրացանը գեմ անելով ուսին, գոչեց Վալետի կողքից քայլող զինվորը:

— Ո՞վ ես, կրակում եմ...

Սոճու տակ կանգնած մարդը լռում էր: Նրա գլուխը կախվել էր արևածաղիկի գլխիկի նման, թեքվել կողքի:

— Նա քնած է,— ճոճուան քրքիջ արձակեց Վալետը, ու ցնցվելով, բռնազբոսիկ ծիծաղով իրեն սիրտ տալով, առաջ քայլեց:

Նրանք մոտեցան կանգնած մարդուն: Վալետը նայում էր վիզը երկարած: Նրա ընկերը հրացանի կոթով շոշափեց անշարժ, գորշ կերպարանքը:

— Է՛, աղբերացու, քնե՛լ ես, ինչ է. է՛յ, հայրենակից,— հեզանքով ասում էր զինվորը:— Ա՛յ սարսաղ, ձե՛ն հանի, է՛...— զինվորի ձայնը խզվեց:— Մեռե՛լ է, հա՛-ա,— ետ քաշվելով գոչեց նա:

Վալետն ատամներն իրար զարկելով՝ ետ ցատկեց, ու այնտեղ, ուր մի վայրկյան առաջ կանգնած էին նրա ոտները, սղոցած ծառի նման ընկավ սոճու տակ կանգնած մարդը: Նրանք մեռելի դեմքը վերև դարձրին ու միայն այստեղ զլխի ընկան, որ սոճու տակ իր վերջին ապաստանն էր գտել 256-րդ հետևակ գնդի երեք գումարտակներից մեկի այս զինվորը, որ թունավորվել էր գազերով, փախել մահից, որը խցվել էր նրա թոքերի մեջ: Երկարահասակ, լայնաթիկունք այդ տղան ընկել էր գլուխը ետ գցած, ընկնելիս կաշուն ցեխով երեսը ցեխոտած, աչքերը գազից այլանդակված, հեղուկացած. նրա սեղմված ատամներից սև, պլպլան ձողիկի պես դուրս էր ցցվել ուռած, մսոտ լեզուն:

— Գնա՛նք, գնանք, ի սեր աստ: Թող սա պառկի ու մնա,— շշնջաց Վալետի ընկերը՝ քաշելով Վալետի ձեռքից:

Նրանք գնացին ու էլի մի ուրիշ դիակի հանդիպեցին: Մեռելներն ավելի և ավելի հաճախ էին հանդիպում: Մի քանի տեղերում մեռելներն իրար զլխի էին թափված, ոմանք քարացել էին պազած տեղերում, ոմանք էլ շորեքթաթ էին եղել, ասես արածում էին, իսկ խրամատների երկրորդ գիծը տանող խրամուղու մոտ մեկը ընկել էր գունդ ու կծիկ եղած, տանջանքից կծոտած ձեռքը բերանի մեջ պահած:

Անտառով մեկ չաչպացին մոտեցող շղթայի քայլերը: Առջևից իր սպայի հետ շարժվում էր շխական հետախույզների խումբը: Քիչ մնաց, որ նրանք գնդակահարեին գետ-

նատնից դուրս եկող մի զինվորի, որը այնտեղ ուտելիք էր փնտրում:

— Մերոնցից եմ, շե՛ս տեսնում, ինչ է... ես քո...— Վալետիցած ճշաց զինվորը՝ տեսնելով իր վրա ուղղված հրացանի սև փողաբերանը:

— Այստեղ մերոնք են,— կրկնեց նա՝ մի մեծ հաց սեղմելով կրծքին, ասես դա երեխա լիներ:

Ենթասպան ճանաչելով Վալետին, թռավ խրամատի վրայից, հրացանի կոթով ուժգին բռթեց նրա մեջքը:

— Մոռվե՛ղ կշարդեմ, քթիցդ արյուն կբերեմ, հա՛-ա: Ո՞ր տեղ էիր:

Վալետը քայլում էր հոգեպես մեղմացած, ուժասպառ, նույնիսկ հարվածը պատշաճ ազդեցություն չգործեց նրա վրա: Ծոճվելով, նա ենթասպային ապշեցրեց իրեն ո՛չ հատուկ բարեսիրտ պատասխանով.

— Առաջ էի գնում: Իսկ դու խփելուց ձեռ քաշի:

— Իսկ դու մի՛ պտույտ դա շան պոչի նման: Մեկ ետ ես մնում, մեկ առաջ վազում: Զգիտե՛ս ծառայությունը, ինչ է: Առաջին տարի՞ն է, հը՞:— Մի փոքր լռելով՝ հարցրեց.— Թու՞թուն-մութուն կա՞:

— Կա, ամա փշրված է:

— Թափ տուր:

Ենթասպան ծխեց, անցավ դասակի հետևը:

Գեռ լուսաբացից առաջ հետախույզ շխերը հանդիպեցին գերմանական դիտողական պոստին: Գերմանացիները համազարկով ճեղքեցին լուսությունը: Հավասար ընդմիջումներով էլի երկու համազարկ տվին: Խրամատների վերևում դեպի վեր թռավ մի կարմիր հրթիռ, հնչեցին ձայները, օդում դեռ չէին մարել հրթիռի ծիրանագույն կայծերը, երբ գերմանացիների կողմից սկսվեց հրետանային հրակոծությունը:

Բո՞ւ-ում, բո՞ւ-ում,— ու հասնելով առաջին որոտընդոստ հարվածներին, էլի երկու անգամ որոտացին կրակոցները,— բո՞ւ-ում, բո՞ւ-ում:

Քլե-կլե-կլե-կլե-վըզզ-ի-ի՛,— հետզհետե սաստկացող ուժով շառաչեցին արկերը, գայլիկոնի նման ծակելով օդը, աղմկալից թռչելով առաջին կիսավաշտի զինվորների զլխավերևից. մի ակնթարթ լուսություն, ու հեռվում, Ստոխողի գե-

տանցի մոտ պայթյունների թեթևացուցիչ որոտմունք,— տրախկ... տրախկ...

Շղթան, որ գնում էր շեխ հետախուզների հետևից, նրանից մի քառասուն սաժեն հեռավորությամբ, առաջին իսկ համազարկից հետո պառկեց: Հրթիռը ալ-կարմիր ցուլք նետեց դեպի վեր. նրա լույսի տակ Վալետը տեսնում էր, թե ինչպես զինվորները մրջյունների նման սողում էին թփերի ու ծառերի միջև՝ արդեն էլ շխորշելով ցեխոտ գետնից, այլ սեղմվելով դրան, պաշտպանություն փնտրելով: Մարդիկ շարժվում էին յուրաքանչյուր փոսի մոտ, տափում երկրի կեղևի յուրաքանչյուր փոքրիկ ծալքի տակ, գլուխները խոթում ամեն մի փոսիկի մեջ: Եվ այնուամենայնիվ, երբ մայիսյան տարափի նման անտառով մեկ կատաղի տեղաց, աղմկեց գնդացրային ճարճատուն կրակը,— էլ շղթան անհետաց. սողացին դեպի ետ, գլուխները հնարավորին շափ ուսերի մեջ պահած. թրթուրների նման կաշում էին գետնին, շարժվում առանց ոտներն ու ձեռները ծալելու, սողում օձի նման, ցեխի մեջ հետքեր թողնում... Ոմանք վեր էին թռչում ու վազում: Անտառով մեկ, կտրատելով փշատերևները, տաշտելով սոճիները, օձի ֆշշոցով գետնի մեջ թաղվում, սլանում, ճպճպում ու տրաքում էին պայթուցիկ գնդակները:

Երբ վերադարձան խրամատների երկրորդ գիծը, առաջին կիսավաշտից պակասել էր տասնյոթ մարդ: Մոտիկ տեղում շարափոխվում էին հատուկ հարյուրյակի կազակները: Նրանք գնում էին առաջին կիսավաշտի աջ կողմից, գնում էին զգուշությամբ, ու թերևս գերմանացիներին հանկարծակի բերին՝ նախապես կոտորելով ժամապահներին,— բայց երբ համազարկ տրվեց հետախույզ շեխերի վրա, գերմանացիները տագնապեցին ամբողջ ճակատամասում: Աննպատակ կրակելով, սպանեցին երկու կազակ, մեկին էլ վիրավորեցին: Կազակները վիրավորին ու սպանվածներին բերին իրենց հետ, ու շարք կանգնելով, խոսքեր էին փոխանակում.

— Պետք է թաղել սրանց:

— Առանց մեզ էլ կթաղեն:

— Այստեղ պետք է կենդանի մարդկանց մասին մտածել, իսկ մեռածներին քիչ բան է հարկավոր:

Կես ժամից հետո գնդի շտաբից հրաման ստացվեց՝ «Հրամայում եմ գումարտակին կազակական հատուկ հարյուրյակի հետ միասին հրետանային նախապատրաստությունից հետո գրոհել հակառակորդի վրա և նրան դուրս մղել խրամատների առաջին գծից»:

Թույլ նախապատրաստությունը տևեց մինչև ցերեկվա տասներկուսը: Կազակներն ու զինվորները պոստեր կարգելով, հանգստանում էին գետնատներում: Կեսօրին գրոհ տվին: Ձախ կողմում, զլխավոր ճակատամասում որոտում էր թրնդանոթաձուլությունը. այնտեղ նորից հարձակվում էին:

Աջ թևի ծայրում գտնվում էին Անդրբայկալյան կազակները, ավելի ձախ՝ Չերնոյարյան գունդը կազակական հատուկ հարյուրյակի հետ, նրանցից դենը՝ Ֆանագորյան գրենադերական գունդը, ավելի հեռու՝ Չեմբարյան, Բուզովիճյան, 208-րդ հետևակային, 211-րդ հետևակային, Պավլոգրադյան, Վենգրովյան գնդերը. 53-րդ դիվիզիայի գնդերը հարձակվում էին կենտրոնում. ամբողջ ձախ թևը բռնել էր 2-րդ Թուրքեստանյան հրաձիգ դիվիզիան: Որոտում էր ամբողջ ճակատամասը. ուսներն ամենուրեք հարձակվում էին:

Հարյուրյակը գնում էր նոսր շղթայով: Նրա ձախ թևը կից էր շերտայրացիների աջ թևին: Հազիվ էր երևացել խրամատների պատվարի թումբը, երբ գերմանացիները մրկլային կրակ բացեցին: Հարյուրյակը վազում էր առանց աղաղակելու. պառկում էին, դատարկում հրացանների պահեստատուփերը ու նորից վազում: Վերջնականապես պառկեցին խրամատներից հիսուն քայլ հեռավորությամբ: Կրակում էին առանց զլուխները բարձրացնելու: Գերմանացիներն ամբողջ գծի վրա գցեցին ուղեփակ գերաններ՝ ցանցավոր փշալարերով: Աֆոնյևա Օզեռովի նետած երկու նռնակները պայթեցին ցանցին դիպչելուց ու ետ թռչելուց հետո: Նա մի փոքր բարձրացավ, ուզում էր նետել երրորդը, բայց գնդակը խփեց նրա ձախ ուսից ներքև, դուրս եկավ հետույքի անցքի կողքից: Քիչ հեռու պառկած Իվան Ալեքսեևիչը տեսավ, թե ինչպես Աֆոնյևան թեթև գողացրեց ոտները ու սսկեց: Սպանեցին Պրոխոր Շամիլին,— թևը կտրած Ալեքսեյի եղբորը. երրորդն ընկավ նախկին ատաման Մանիշկովը, ու գնդակն իսկույն խփեց

Շամիրնի հրի ծուռտանի, քայքուլավոր հարևանին՝ Եվլանտի Կալինինին:

Երկրորդ դասակից կես ժամում ընկավ ութ մարդ: Սպանեցին յասավուլին,— հարյուրյակի հրամանատարին, երկու դասակապետ սպանեցին, ու հարյուրյակն առանց հրամանի դեպի հտ սողաց: Գուրս գալով կրակի տակից, կազակներն իրար գլխի հավաքվեցին. մարդկանց կես մասը պակասում էր: Ետ քաշվեցին նաև շերնոյարցիները: Առաջին գումարտակի կորուստներն է՛լ ավելի մեծ էին, բայց, շնայելով դրան, գնդի շտաբից հրաման եկավ. «Անմիջապես վերսկսել զրոհը, ինչ կերպ էլ լինի հակառակորդին դուրս մղել խրամատների առաջին գծից: Ելման դիրքը վերականգնելու հաջողությունից է կախված ամբողջ գծի գործողության վերջնական հաջողությունը»:

Հարյուրյակը նոսր շղթա կազմեց: Էլի գրոհ տվին: Գրամանացիների ջախջախիչ կրակի տակ պառկեցին խրամատներից հարյուր քայլ հեռավորությամբ: Դարձյալ սկսեցին հալչել զորամասերի կադրերը, ու խելակորույս մարդիկ կպչում էին գետնին, պառկում առանց զուխները բարձրացնելու, առանց շարժվելու, մահվան սարսափով բռնված:

Իրիկնադեմին շերնոյարցիների երկրորդ կիսավաշտը ընկրկեց ու փախավ: «Շրջապատում են»,— այս աղաղակը հասավ կազակներին: Ոտքի ելան, ետ քաշվեցին՝ ճզմելով թփուտը, ընկնելով, կորցնելով զենքերը: Վազ տալով անվրտանգ մի տեղ, Իվան Ալեքսեևիչը ընկավ արկից ջարդված մի սոճու տակ, շունչ առավ ու այստեղ տեսավ իրեն մոտեցող Գավրիլա Լիխովիչովին: Սա քայլում էր ոտները հարբածի նման դեռ-դեռ գցելով, աչքերը գետնին հառած, մի ձեռքով ինչ-որ բան էր բռնում օդի մեջ, մյուսով ասես դեմքից բշտում անտեսանելի մի սարդոստայն: Նրա ձեռքին ոչ հրացան կար, ոչ էլ թուր, քրտնքից թրջված, մուգ-շիկագույն, ուղիղ մազերը կախվել էին աչքերի վրա: Անցնելով բացատը, նա մոտեցավ Իվան Ալեքսեևիչին: Կանգ առավ, թափառուն-տարտամ, շղթիկ հայացքը մեխեց գետնին: Մնկները մի քիչ զոդում էին, ծըռվում, ու Իվան Ալեքսեևիչին թվում էր, թե Լիխովիչովը պըպըզում է կարծես վերև թռչելու համար:

— Ահա... տեսնո՞ւմ ես... — սկսեց նա՝ փորձելով մի

բան ասել, բայց Լիխովիչովի դեմքը ցնցվեց ջղաձգությունից: — Կա՛ց,— ճշաց վերջինը ու պլպլեց, շունչ մատները, վախեցած նայեց շուրջը. — լսիր, ես հիմի մի երգ եմ երգելու: Ասածո թռչնակը թռավ, մոտեցավ բվին, ասաց.

Ասա, իմ բվիկ, Կուպրեյանովնա,
Ո՞վ է քեզից մեծ, քեզից էլ խոշոր:
Արծիվն ահա՝ թագավոր,
Ահա և ցինը՝ մայր, .
Մկնաբազեն՝ յասավուլ,
Հավփախները՝ ուրալցիներ,
Գոխերն՝ ատամանցիներ,
Կկունները՝ գծայիններ՝
Սարյակները՝ կալմիկներ,
Ազոպները՝ գնուհիներ,
Անծեղները՝ տիկիներ,
Գորշ բաղիլը՝ հետևակ,
Այծերը՝ մուղավ կանայք...

— Սպասիր,— Իվան Ալեքսեևիչը գունատվեց,— Լիխովիչով, ի՞նչ է պատահել քեզ... Դու հիվա՞նդ ես, հը՞:

— Մի՛ խանգարի.— Լիխովիչովը բարկությունից կարմրեց ու դարձյալ շրթունքների վրա սահեցնելով անիմաստ ժպիտը, նույն ահավոր ռեչիտատիվով շարունակեց.

Այծերը՝ մուղավ կանայք,
Արոսները՝ սարսաղներ,
Գորտերը՝ կովարարներ,
Սերմնաբաղը՝ հրետանի,
Սև ազոավը՝ սև պառավ,
Ձկնորսները՝ ճվողներ...

Իվան Ալեքսեևիչը տեղից վեր թռավ.

— Գնանք, գնանք մերոնց մոտ, թե չէ գերմանացիները կբռնեն մեզ: Լսո՞ւմ ես:

Նրա ձեռքից պոկելով իր ձեռքը, շտապելով, շրթունքներից տաք լորձուներ թափելով, Լիխովիչովը շարունակեց իր ճշոցները.

¹ Գծայիններ — գծային զորքեր, որոնք նախանշված են շարքում գործելու համար:

Բլրուները՝ երածիշտներ,
Միծառները՝ ածղահաներ:
Անափորիկ՝ տկուր փորիկ,
Մարավ հազը՝ հարկահավաթ
Ու ճնճողուկը տասնապետ...:

Ու անսպասելի կտրելով ձայնը, երգեց ծորուն, խնայուս
ձայնով: Ոչ թե երգ, այլ գայլի սաստկացող ոռնոց էր հեղ-
վում նրա բաց բերանից: Սուր, ժանիքանման ատամների
վրա սադափի պես պսպղում էր լորձունքը: Իվան Ալեքսեևիչը
սարսափով էր նայում մինչ այդ իր ընկերը եղած մարդու
խելագար, շեղադիր աչքերին, նրա գլխին՝ պինդ կպած մա-
զերով ու մոմագույն ականջակոնքերով: Արդեն մի ինչ-որ
կատաղությամբ կիսովիդովը ոռնում էր.

Ահա փառքի փողն է հնչում,
Դանուբ գետի մյուս կողմում
Մենք հաղթեցինք թուրք-սուլթանին,
Ազատեցինք քրիստոնյային:
Ինչպես մորեխ, մենք անվահեր
Թռչում էինք սարերն ի վեր,
Գոնի բուր կազակները
Գործի դրին բերդանները:
Հավերի պես կկոտորենք,
Փետուրներդ լոկ կթողենք,
Իսկ ձեր բուր պուճուր-մուճուր
Երեխեքին գերի կառնենք:

— Մարտին, Մարտին, ե՛կ ինձ մոտ, — գոչեց Իվան
Ալեքսեևիչը՝ տեսնելով բացատում կաղ-կաղ քայլող Մար-
տին Շամիլին:

Վերջինս հենվելով հրացանին, մոտ եկավ:

— Օգնիր ինձ, տանենք սրան: Տեսնո՞ւմ ես, — Իվան
Ալեքսեևիչը աչքերով ցույց տվեց խելագարվածին, — տես-
նո՞ւմ ես ինչ օրի է հասել: Արյունը գլուխն է լցվել:

Շամիլը տակի շապիկից կտրած թևքով կապեց իր վիրա-
վորված ոտը, առանց կիսովիդովին նայելու վերջրեց նրա
մի թևը, Իվան Ալեքսեևիչն էլ մյուս թևը, ու գնացին:

Ինչպես մորեխ, մենք անվահեր
Թռչում էինք սարերն ի վեր...—

Արդեն անվելի կամաց էր բղավում կիսովիդովը: Շամիլը
հիվանդագին կնճռոտում էր դեմքը, խնդրում նրան.

— Կավ, էլի՛, մի՛ գոռա: Թո՛ղ, ի սեր Քրիստոսի: Դու հի-
մի բուլորովին պրծել ես թռչելուց: Թո՛ղ, է՛:

Իսկ ձեր բուր պուճուր-մուճուր
Երեխեքին գերի կառնենք...

Խելագարը փորձում էր պոկվել կազակների ձեռներից,
շարունակում էր երգել ու միայն երբեմն ձեռներով սեղմում
էր քունքերը, կրճտացնում ատամները, ու զողացնելով կախ
ընկած ծնոտը, ծռում էր խելագարության բուռն մոլուցքով
դաղված գլուխը:

IV

Ստոխոդի հոսանքով մի քառասուն վերստ դեպի ներքև
մարտեր էին տեղի ունենում: Երկու շաբաթ անլուելի տնքում
էր հրանոթային անընդմեջ դղրոյունը, գիշերները հեռավոր,
մանիշակագույն երկինքը տեղ-տեղ լուսավորվում էր լուսար-
ձակների ճառագայթներով, նրանք փայլում էին ծիածանա-
յին — աղոտ ցուլքերով. թրթռում, անբացատրելի տազնապով
վարակում ա՛յն մարդկանց, ովքեր այստեղից դիտում էին
պատերազմի բռնկոցները և հրացուլքերը:

Ճահճոտ ու վայրի մի ճակատամասում տեղավորվել էր
12-րդ կազակական գունդը: Ցերեկը երբեմն կրակում էին ոչ
խորունկ խրամատներում վազվզող ավստրիացիների վրա,
գիշերն էլ, ճահճով պաշտպանված, քնում էին կամ թուղթ
խաղում. միայն ժամապահներն էին դիտում լույսի նարնջա-
գույն, ահավոր բռնկոցները, որ տեղի էին ունենում այստեղ,
մարտերի վայրերում, Ստոխոդի հոսանքով քառասուն վերստ
դեպի ներքև:

Ճքճքան, սառնամանիքային մի գիշեր, երբ հեռավոր ցու-
քերն առանձնապես պայծառ էին լուսավորում երկինքը, Գրի-
գորի Մելիխովը դուրս ելավ գետնատնից, խրամուղիով գնաց
անտառը, որ ճերմակած մազերի նման ցցվել էր խրամատ-
ների հետևում, ցածր ըլուրի սև գանգի վրա, ու պատկեց լայ-

նարձակ բուրեղ գետնին: Գետնատունը լցված էր ծխախոտի ծխով, գարշահոտ էր, ծխախոտի մուգ դարչնագույն ծուխը ծոպազարդ սփռոցի նման կախվել էր սեղանի վրա, որի շուրջը ութ հոգի կազակներ թուղթ էին խաղում, իսկ անտառում, բլուրի գագաթին սուրում է գեփյուռը, որ մեղմ է, ասես մի թռչող, անտեսանելի թռչունի թևերից է փչում. անբացատրելիորեն տխուր են բուրում ցրտերի մեղցրած խոտաբույսերը: Անտառում, որ այլանդակ կերպով խուզել են արկերը, կուտակվում է մթությունը, երկնքում մարմրում է Բազումքի ծխոտ խարույկը, Մեծ Արջը պառկել է Միր Կաթինի կողքին ինչպես շուռ աված մի սայլ շեղակի ցցված առեղով, միայն հյուսիսում համաշափ, պսպղուն լույս է արձակում Բեռնային աստղը:

Գրիգորին աչքերը կկոցած նայում էր դրան, ու աստղի պաղ լույսից, որ պայծառ չէր, բայց սուր ծակում էր աչքերը, արտևանունքների տակ նույնպիսի պաղ արցունքներ էին ցուլում:

Այստեղ, բլուրի վրա պառկած, նա շփտես ինչու վերհիշեց այն գիշերը, երբ Նիժնի-Ցարլոնովսկի խոտորից գնում էր Ցագոդնոյե, Ակսինյայի մոտ. խոցող ցավով վերհիշեց նաև Ակսինյային: Հիշողությունը քանդակեց անպարզ, ժամանակի ձեռքով շնջված, անսահմանորեն սիրելի և օտար դիմագծերը: Հանկարծակի ուժգին բարախող սրտով նա փորձեց վերականգնել այդ դեմքն այնպես, ինչպես տեսել էր վերջին անգամ, ցավից աղճատված, մտրակի կարմիր հետքը թշին,— բայց հիշողությունը համառորեն պատկերում էր մի այլ դեմք, մի փոքր կողքի թեքված, հաղթականորեն ժպտացող: Ահա նա շարաճճիորեն ու սիրաբար շուռ է տալիս գլուխը, ներքևից խոցում հրաբորբ, սև աչքերի նայվածքով, ինչ-որ անպատմելիորեն փազաբուշ, շերմ բան են շշնջում անպարկեշտորեն ագահ, կարմիր շուրթերը, ու դանդաղ մի կողմ է դարձնում հայացքը, շուռ է գալիս, թուխ պարանոցի վրա — երկու խոշոր, ճոխ խոպոպ... Գրիգորին մի ժամանակ այնպե՛ս էր սիրում համբուրել այդ խոպոպները...

Գրիգորին ցնցվում է: Նրան թվում է, թե մի վայրկյան զգաց Ակսինյայի մազերի փշախնձորային, նրբագույն բուրմունքը. ամբողջովին կորանալով, նա ուռցնում է ունզները,

բայց... ո՛չ, դա երկար մնացած սաղարթի հուզիչ բույրն է: Մարում, աղոտանում է Ակսինյայի երկարավուն դեմքը: Գրիգորին փակում է աչքերը, ձեռները դնում գետնի անհարթ մաշկին ու երկար, անթարթ նայում, թե ինչպես շարդված սոճուց դենը, երկնքի ծայրամասում, կապույտ, շքեղագարս թիթեռի նման, անշարժ թռիչքով երերվում է Բեռնային աստղը:

Անկապ հուշերի առանձին բեկորները մթագնում էին Ակսինյայի կերպարը: Գրիգորին հիշեց այն շաբաթները, որ անց էր կացրել Տատարսկի խոտորում, իրենց ընտանիքում, Ակսինյայի հետ իր հարաբերությունները կտրելուց հետո. գիշերները — նատալյայի ագահ, ավերիչ փայփայանքները. նատալյան կարծես աշխատում էր հատուցել իր առաջվա աղքեկական սառնության համար. ցերեկները — ընտանիքի ուշադիր, համարյա թծնող վերաբերմունքը, պատիվ, որով խոտորցիները դիմավորում էին առաջին գեորգելյան շքանշանակրին: Ամենուրեք, նույնիսկ ընտանիքում Գրիգորին նկատում էր զարմանքով ու հարգանքով լեցուն, ծածուկ հայացքները. նրան այնպես էին նայում, որ կարծես չէին հավատում, թե նա հենց այն Գրիգորին է, երբեմնի կամակոր և ուրախ տղան: Հրապարակում ծերունիները զրուցում էին նրա հետ ինչպես իրենց հավասար մարդու հետ, հանդիպելիս ի պատասխան նրա բարեի վերցնում էին զդակները, աղջիկներն ու կնանիքը շթաքցրած հիացմունքով էին դիտում շինել հագած, դրա վրա զուլավոր ժապավենով խաչ կպցրած, քաջատես ու մի փոքր կորացած նրա կերպարանքը: Նա տեսնում էր, որ Պանտելեյ Պրակոֆևիչը իր հետ քայլելով դեպի եկեղեցին կամ հրապարակ, պարզապես հպարտանում էր իրենով: Ու շողոքորթություն, պատկերապես, հիացումի այդ ամբողջ բարդ, նրբին թույնը հետզհետե ոչնչացնում, գիտակցությունից դուրս էր մղում այն ճշմարտության սերմերը, որ նրան ներշնչել էր Գարանժան: Ա՛յն Գրիգորին, որ այժմ գնաց տնից, բուրբուխն ա՛յլ մարդ էր, քան ա՛յն Գրիգորին, որ եկել էր ռազմաճակատից: Յուր սեփականը, կազակականը, որ նա ծծել էր մոր կաթի հետ և որը փայփայվել էր ամբողջ կյանքի ընթացքում, հաղթահարեց մարդկային մեծ ճշմարտությունը:

— Ծա գիտեի, Գրիշկա... հրածեշտի ժամանակ ասում

էր խմած Պանտելեյ Պրակոֆիչը, ու հուզվելով՝ շփում էր արծաթե, տեղ-տեղ սև մազերը,— վաղուց գիտեի, որ քեզանից լավ կազակ դուրս կգա: Երբ որ դու մի տարեկան դարձար, ես, կազակական վաղուցվա սովորութեան համաձայն, քեզ տարա բակը,— հիշում ես, ա՛հ կնիկ,— ու նստեցրի ձեռն: Դու էլ, շա՛ն տղա, թաթիկներովդ բռնեցիր նրա բաշից... Դեռ այն ժամանակ ես միտք արի, որ դու կարգին մարդ կդառնաս,— և դարձար:

Գրիգորին ռազմաճակատ մեկնեց որպէս լավ կազակ. ներքուստ շահաշուքով պատերազմի անիմաստութեան հետ, եւ ազնվորեն էր պահպանում իր կազակական փառքը...

Հազար ինն հարյուր տասնհինգ թվական: Մայիս: Օյլ-խովչիկ գյուղի մոտ, մարզագետնի վառ-կանաչ գորգի վրայով հետիոտն շարքով հարձակվում է գերմանական 13-րդ Երկաթե գունդը: Ծպուռների նման ճոճուում են գնդացիները: Մանրակշիռ ճարճատում է գետափին պառկած ռուսական վաշտի հաստոցավոր գնդացիքը: 12-րդ կազակական գունդը կովի է բռնվում: Գրիգորին իր հարյուրյակի կազակների հետ շղթայում վազեցնում է կատարում, ու նայելով շուրջը, կեսօրվա երկնքում տեսնում է արևի թեժ սկավառակը և նույնպիսի մի այլ սկավառակ գետնախորշում, որ խավարակալած է գեղնասպիտակ փրփրալիքներով: Գետից դենը, կաղամախիների հետևում թաքնված են ձիապահները, իսկ առջևում գերմանական շղթան է, սաղավարտների պղնձե արծիվների դեղին փայլը: Քամին շարժում է կրակոցների մուգ-կապտավուն, օշինդրային ծուխը:

Գրիգորին կրակում է առանց շտապելու, խնամքով նշան է բռնում, ու մի կրակոցից մինչև մյուսը ականջ դնելով նշանոցի թիվը հայտարարող դասակապետի հրամանին, կարողանում է զգուշութեամբ դեն գցել բլուզի թևքի վրա սողացող, խայտարղետ զատիկ միջատը: Այնուհետև գրոհ... Գրիգորին հրացանի երկաթած կոթով խփում, գետնին է գլորում բարձրահասակ գերմանական լեյտենանտին, գերի է վերցնում գերմանական երեք զինվոր, ու նրանց գլուխների վերևից կրակելով, ստիպում է վազ տալ դեպի գետը:

Ռավա-Ռուսակայայի մերձակայքում 1915 թվականի հուլիսին կազակների մի դասակով ետ է վերցնում ավստրիացի-

ների գրաված կազակական մի մարտկոց: Նույն տեղում կովի ժամանակ անցնում է հակառակորդի թիկունքը, ձեռքի զենդացրից կրակ է բաց անում, ու հարձակվող ավստրիացիներին ստիպում է փախուստի դիմել:

Անցնելով Բայանեցը, ընդհարման ժամանակ գերի է վերցնում ավստրիական հաստամարմին մի սպայի: Սրան լայնակի գցում է թամբին ինչպես ոչխար, քշում է ձին՝ ամբողջ ժամանակ զգալով մարդկային կղանքի գարշ հոտը, որ գալիս էր սպայից, ու վախից քրտնակալած, շաղ մարմնի դողը:

Ու Գրիգորին, բլուրի սև, մերկ կատարին պառկած, առանձնապես պարզ կերպով հիշեց այն դեպքը, երբ հանդիպել էր իր դաժան թշնամուն՝ Ստեփան Աստախովին: Դա եղավ այն ժամանակ, երբ 12-րդ գունդը հանեցին ռազմաճակատից ու նետեցին Արևելյան Պրուսիա: Կազակական նժույզները սմբակներով կոխտուում էին խնամքով մշակված գերմանական դաշտերը, կազակները վառում էին գերմանական բնակավայրերը: Նրանց անցած ճանապարհին փոխվում էր կարմրավուն ծուխը ու մարմրում էին պատերի ածխացած ավերակները և կղմինդրե, ճաքճաքված կոտուրները: Ստոլիպին քաղաքի մոտ գունդը հարձակման էր գնում Դոնի 27-րդ կազակական գնդի հետ միասին: Գրիգորին հարևանցիորեն տեսավ նիհարած եղբորը, մաքուր սափրված Ստեփանին ու իրենց խուտորի մյուս կազակներին: Մարտում գնդերը պարտություն կրեցին: Գերմանացիները շրջապատեցին նրանց, ու երբ տասներկու հարյուրյակները իրար հետևից գրոհի նետվեցին թշնամու սեղմվող օղակը ճեղքելու նպատակով, Գրիգորին տեսավ, թե ինչպես Ստեփանը իր տակին սպանված սևաթույր ձիուց թռավ գետին ու պտտվեց ֆոփկի նման: Գրիգորին հանկարծակի ու ցնծագին վճռականութեամբ խարկված, դժվարութեամբ կանգնեցրեց իր ձին, ու երբ վերջին հարյուրյակը, հազիվ ոտնատակ շտալով Ստեփանին, սլացավ նրանց կողքից, նա ձին քշեց դեպի Ստեփանը, բզավեց.

— Բռնիր իմ ասպանդակից:

Ստեփանը ասպանդակի փոկն ամուր բռնած, կես վերստի չափ վազում էր Գրիգորիի ձիու կողքից:

— Շատ արագ մի գնա, մի՛ վռագի, ի սեր Հիսուսի Քրիստոսի,— խնդրում էր նա շնչասպառ:

Նրանք հաջողությամբ դուրս եկան ճեղքվածքից: Մինչև անտառը, ուր ձիերից իջնում էին հակառակորդի օղակից գուրս արծած հարյուրյակները, մնում էր ոչ ավելի, քան հարյուր սաժեն, բայց այստեղ գնդակը խփեց Ստեփաննի ոտին, և նա, կտրվելով ասպանդակից, ընկավ մեջքի վրա: Քամին պոկեց Գրիգորիի գլխարկը, քլաքուլը գցեց աչքերին: Գրիգորին ետ գցեց մազերը, նայեց շուրջը: Ստեփաննը կաղալով, վազեվազ մոտեցավ մի թփի, կազակական գլխարկը շարտեց գրա մեջ, նստեց՝ հապճեպ հանելով կարմիր լամպասներով շալվարը: Բլրակի տակից վազեվազ էին կատարում գերմանական շղթայի օղակները, ու Գրիգորին հասկացավ, որ Ստեփանն ուզում է կենդանի մնալ, հանում է կազակական շալվարը, որ զինվոր ձևանա. այն ժամանակ գերմանացիները կազակներին գերի չէին վերցնում... Ենթարկվելով իր սրտին, Գրիգորին շուտ տվեց ձիև ու քշեց դեպի թուփը, դեռ կանգ չառած՝ թռավ գետին:

— Նստի՛ր...

Գրիգորին չի մոռանա Ստեփաննի աչքերի կարճ խաղը: Օգնեց Ստեփաննին, նստեցրեց թամբին, ինքն էլ ասպանդակից բռնած, վազ տվեց քրտնաթոր ձիու կողքին:

— Ցյուտուտու...— լսվում էր գնդակի տաք սվավոցը, ու ականջից դուրս թռչելով, խզվում էր,— յուտուտու:

Գրիգորիի գլխավերևից, Ստեփաննի կավճագույն դեմքի վերևից, կողքերից թռչում էին գնդակները՝ արձակելով այդ ահավոր, խոցող սվավոցը,— ցյուտուտուտու, ցիյուտուտուտու, իսկ հետևից— կրակոցների ճայթյուններ, ինչպես ակացիայի շորացած կապիճների ճքճքոցը:

Պո՛ւկ-պաք, պո՛ւկ-պաք: Տա-տա՛խ-խա-ա՛խ:

Անտառում Ստեփաննը իջավ թամբից, դեմքը ցավից ծռմռելով. թողեց սանձը, կաղալով մի կողմ քաշվեց: Չախ սապոգի ճտքի միջից արյուն էր հոսում, ու յուրաքանչյուր քայլն անելիս, երբ վիրավորված ոտն էր գետին դնում, ներբանի տակից բալի գույնի, կարմիր արյան բարակ շիթ էր

բխում: Ստեփաննը հենվեց լայնատարած ճյուղերով մի կաղնու բնին, մատով կանչեց Գրիգորիին, Սա մոտեցավ:

— Սապոգս լիքը լցվել է արյունով,— ասաց Ստեփաննը: Գրիգորին լուռ, մի կողմ էր նայում:

— Գրիշկա՛... այսօր, երբ մենք հարձակվում էինք... չսո՛ւմ ես, Գրիգորի,— ասաց Ստեփաննը՝ փոս ընկած աչքերով փնտրելով Գրիգորիի աչքերը,— երբ հարձակվում էինք, ես հետևից մի երեք անգամ կրակեցի քեզ վրա... աստված քեզ պահեց,— չսպանվեցիր:

Նրանց աչքերն իրար հանդիպեցին: Փոս ընկած ականակապիճներից անհանդուրժելի փայլում էր Ստեփաննի սուր սրված հայացքը: Ստեփաննը խոսում էր, համարյա առանց թուլացնելու իրար սեղմած ատամները:

— Դու ինձ մահից ազատեցիր... Ենորհակալություն... իսկ Ակսինյայի համար ներել չեմ կարող: Հոգիս չի հաշտվում... Դու ինձ մի՛ նեղիր, Գրիգորի...

— Ես քեզ չեմ նեղում,— այդ ժամանակ պատասխանեց Գրիգորին:

Նրանք բաժանվեցին առաջվա պես միմյանց հետ անհաշտ...

Ու դարձյալ... Մայիս ամսին գունդը Բրուսիլովի բանակի մնացած զորամասերի հետ Լուցկի մոտ ճեղքեց ճակատը, անցավ թշնամու թիկունքը, հարվածներ տվեց և ինքն էլ հարվածների ենթարկվեց: Կվովի մոտ Գրիգորին ինքնագլուխ կերպով գրոհի տարավ վաշտը, գրավեց ավստրիական հաուբիցային մի մարտկոց՝ անձնակազմի հետ միասին: Մի ամսից հետո լողալով անցավ Բուզ գետը՝ Վլեդու՝ բերելու Խփեց ու գետին գլորեց պոստի կանգնած ժամապահին, իսկ սա, հաղթանդամ, ամրակազմ մի գերմանացի, փորձում էր աղաղակել ու ոչ մի կերպ չէր ուզում, որ իրեն կապեն:

Գրիգորին ժպտալով հիշեց այդ դեպքը:

Ժամանակը քանի՛-քանի հար և նման օրեր էր ցրիվ տվել վերջին շրջանի ու վաղուցվա մարտերի դաշտերում: Գրիգորին ամուր էր պահում կազակական պատիվը, անձնուրաց քաջություն ցուցաբերելու առիթ էր փնտրում, ոչիսկ անում, խենթության դիմում, շորերը փոխելով անցնում ավստրիացիների թիկունքը, անարյուն գերում ուղեկալները,

չիրիդ էր խաղում այդ կազակը ու զգում էր, որ անդարձ չքացել է այն ցավակցութիւնը մարդու նկատմամբ, որ իրեն ճշմարտութեամբ էր պատերազմի առաջին օրերին: Կոպտացել էր սիրտը, կոշտացել ոնց որ աղուտը երաշտի ժամանակ, ու ինչպես որ աղուտը ջուր չի ծծում, այնպես էլ Գրիգորիի սիրտը ցավակցութիւն չէր ընդունում: Սառն արհամարհանքով նա խաղ էր խաղում ուրիշի և իր կյանքի հետ. դրա համար էլ քաջ մարդու համբավ ուներ, — գեորգիկյան շորս խաչ և շորս մեղալ էր ստացել: Հազվադեպ զորահանդեսների ժամանակ կանգնում էր գնդի դրոշակի մոտ, որը շատ պատերազմների վառոդի ծխով էր օծվել. բայց գիտեր, որ այլև առաջվա պես չի ծիծաղելու. գիտեր, որ աչքերը փոս են ընկել և սուր ցցվել են այտուսկրները. գիտեր, որ իր համար դժվար է երեխային համբուրելիս ուղիղ նայել նրա հստակ աչքերին. գիտեր Գրիգորին, թե ինչով է հատուցել խաչերի լրիվ քանակ ու կոշտաներ ստանալու համար:

Նա պառկել էր բլուրի վրա՝ շինելի փեշը կողքի տակ փռած, ձախ թևի արմունկին հենված: Հիշողութիւնը պատրաստակամորեն վերակենդանացնում էր անցածը, ու պատերազմի ժլատ, կցկտուր հուշերի մեջ նրբին, կապույտ թելի նման ներհյուսվում էր որևէ հեռավոր մի դեպք մանկութիւնից: Գրիգորին իր մտքի հայացքը մի ընդհանրությամբ հառում էր դրա վրա, հետո նորից անցնում էր վերջին ժամանակների դեպքերին: Ավստրիական խրամատներում մեկը վարպետորեն մանդոլին էր նվագում: Նրբին, հողմավար հնչուկները թռչում էին այնտեղից, անցնում Ստոխոզը, մեղմիվ հածում գետնի վրա, որ հաճախակի ողողվել էր մարդկային արյունով: Զենիթում պայծառ շողում էին աստղերը, թանձրանում էր մթութիւնը, ու ճահճի վրա արդեն շոքում էր կեսգիշերվա մշուշը: Գրիգորին երկու ծխախոտ ծխեց իրար հետևից, կոշտ փաղաքշանքով շոյեց հրացանի փոկը, ու հենվելով ձախ ձեռքի մատներին, վեր կացավ հյուրընկալ գետնից. քայլեց դեպի խրամատները:

Գետնատանը դեռ էլի թուղթ էին խաղում: Գրիգորին ընկավ տախտակամածին, ուզում էր հուշերով էլի թափառել վաղուց ծանոթ, վաղեմութիւնից մամոտած արահետներում, բայց քունը արբեցրեց նրան. նա քնեց անհարմար դիրքով,

որ ընդունել էր պառկելիս, ու երազում տեսավ չոր քամուց ու երաշտից խանձված, անծայրածիր տափաստանը, անմեռուկի կարմրակապույտ մացառուտները, ձիերի շպալտած սմբակների հետքերը քյաքուլավոր, յասամանագույն ծոթորների մեջ... Տափաստանն ամայի էր, սարսափելի հանդարտ նա, Գրիգորին, քայլում էր կոշտ, ավազախառն գետնի վրայով, բայց իր քայլերը չէր լսում, ու դրանից վրա էր հասնում ահը.. Արթնանալով ու գլուխը քիչ բարձրացնելով, Գրիգորին, որի այտերի վրա շեղակի սպիներ էին առաջացել քնելու անհարմար դիրքից, երկար ճպճպացնում էր շրթունքներն ինչպես այն ձին, որը մի ընդհանրությամբ զգացել ու կորցրել է ինչ-որ խոտաբույսերի արտասովոր բուրմունքը: Հետո քնեց խոր քնով, առանց երազների:

Մյուս օրը Գրիգորին վեր կացավ անբացատրելի, մաշոդ տխրութիւնով:

— Դու այսօր ինչո՞ւ ես թթվել: Ստանիցա՞ն ես տեսել երազումդ, — հարցրեց Զուբատին:

— Լա՛վ բռնեցիր: Երազումս տափաստանը տեսա: Սիրտըս տխրել է... Երանի տանը լինելի: Զգվել եմ ցարին ծառայելուց:

Զուբատին ներողամտութիւնով քմծիծաղ տվեց: Նա Գրիգորիի հետ շարունակ ապրում էր մի գետնատան մեջ, նրան վերաբերվում այն հարգանքով, որ ուժեղ զազանը տածում է դեպի նույնքան ուժեղը. առաջին գծտութիւնից հետո, 1914 թվականից նրանց միջև բախումներ չէին եղել, և Զուբատիի ազդեցութիւնը պարզապես անդրադարձել էր Գրիգորիի բնավորութիւնն ու հոգեբանութիւնն վրա: Պատերազմը խիստ փոխել էր Զուբատիի աշխարհայացքը: Նա դժվարութիւնով, բայց անշեղորեն հարում էր պատերազմի ժխտման, երկար խոսում դավաճան գեներալների և ցարական պալատում բուն դրած գերմանացիների մասին: Մի անգամ էլ թոցրեց բերանից. «Լավ բան մի՛ սպասիր, քանի որ թագուհին ինքը գերմանական ծագում ունի: Հարմար ընդհանրապէս նա կարող է մեզ մի գողտով ծախել...»

Մի անգամ Գրիգորին նրան բացատրեց Գարանժայի ուսմունքի էութիւնը, բայց Զուբատին հավանութիւն չտվեց դրան:

— Երգը լավն է, ամա երգողի ձայնը խաղտու է, — ասաց նա, հեզնարար ժպտաց՝ ձեռքը թփթփացնելով մուգ-գորշավուն, ճաղատ գլխին: — Դրա մասին է ճառում Միշկա Կոշկոյը, ոնց որ աքլորը ցանկապատի վրայից: Այդ ուռ-լուցիկաներից խեղ չկա, հենց միայն օյինբազուժյուն է: Դու հասկացիր, որ մեզ, կազակներին, հարկավոր է մե՛ր իշխա-նությունը և ոչ թե մի ուրիշ իշխանություն: Մեզ հարկավոր է ուժեղ ցար, ոնց որ Միկոլայ Միկոլայիչն¹ է, իսկ մուժիկնե-րի հետ մենք չենք գնա, — սազը խողի՛ն ընկեր չէ: Մուժիկնե-րը ուզում են հող խլել, բանվորը ցանկանում է իրեն ոռճիկն ավելացնել, իսկ մե՞զ ինչ կտան: Մեր հողը հո քիչ չի: Բա էլ ի՞նչ է հարկավոր: Հենց բանն էլ այդ է, որ մեր շարժարանքը զուր է: Մեր ցարը անպետք է, — մեղքներս ի՞նչ թաքցնենք: Նրա հերը ավելի խիստ էր, իսկ սա բանն այնտեղ կհասցնի. որ կբարձրանա ուռլուցիան ոնց որ հինգ թվին, ու ամեն ինչ գրողի ծոցը կզլորվի, ոնց որ կունտը — սարից: Այդ մեզ հա-մար ձեռնտու չի: Թե որ, աստված շանի, վոնդեն ցարին, մեզ էլ կհասնեն: Հին ոխը մեջտեղ կբերեն, կսկսեն կտրել մեր հողը ու տալ մուժիկներին: Ականջներս պետք է սուր պա-հենք...

— Դու միշտ էլ միակողմանի ես մտածում, — մոռյու-վեց Գրիգորին:

— Դատարկ բան ես ասում: Դու հլա ջահել ես, ընկած-ելած շես: Հլա կաց, քեզ ավելի շատ կսխկեն, այն ժամանակ կիմանաս, թե ով է զուգ խոսում:

Խոսակցությունները սովորաբար դրանով էլ վերջանում էին: Գրիգորին լռում էր, իսկ Չուբատին աշխատում էր որևէ կողմնակի բանի մասին խոսել:

Այն օրը Գրիգորիի համար անախորժ մի դեպք կատար-վեց: Կեսօրին, ինչպես միշտ, ժամանեց դաշտային խոհանո-ցը ու կանգ առավ բլուրի մյուս կողմում: Կազակները մեկ-

մեկուց առաջ անցնելով, խրամուղիների միջով շտապեցին դեպի խոհանոց: Միշկա Կոշկոյը գնաց երրորդ դասակի համար կերակուր բերելու: Բերեց երկար ձողից քարշ արած, գուրըշի արձակող լիքը կաթսայիկները ու հենց որ մտավ գետնատուն, բղավեց.

— Տղերք, այսպես չի կարելի: Մենք հո շուն չե՞նք:

— Ի՞նչ է պատահել, — հարցրեց Չուբատին:

— Լեշով են մեզ կերակրում, — վրդովված գոչեց Կո-շկոյը:

Նա գլխի թափահարումով ետ գցեց ոսկեմազ քյաքուլը, որ նման էր վայրի գայլուկից հյուսած փնջին, ու, կաթսայիկ-ները դնելով տախտակամածի վրա, շեղակի նայելով Չուբա-տիին, առաջարկեց.

— Հոտ քաշիր, տես ինչ հոտ է գալիս շլիից:

Չուբատին թեքվելով իր կաթսայիկի վրա, շարժում էր պնջները, ծոմոում դեմքը, ու ակամայից նրան նմանվելով, Կոշկոյն է՛լ շարժում էր պնջները, կնճոտում գունատ դեմքը:

— Միսը հոտած է, — ասաց Չուբատին:

Նա զզվանքով դեն դրեց կաթսայիկը, նայեց Գրիգորիին: Վերջինս թափով վեր կացավ տախտակամածից, շլիի վրա կախեց առանց այն էլ կախ քիթը, ետ քաշվեց, ու ոտի ծուլը շարժումով գետին զլորեց առջևի կաթսայիկը:

— Ինչո՞ւ այդպես արիր, — անվճռականորեն ասաց Չուբատին:

— Բա չե՞ս տեսնում թե ինչու: Մտի՛կ արա: Թե՞ դու քոռ ես: Սա ի՞նչ է, — Գրիգորին ցույց տվեց գետնին թափ-ված պղտոր հեղուկը:

— Օ՛-հո-ո... ճիճունե՛ր են... Վա՛յ, մերա՛ ջան... Ես ո՛նց չտեսա... Ա՛յ քեզ ճա-ա՛շ: Սա ոչ թե շլի է, այլ էրիշտով սոււ... էրիշտայի տեղ... ճիճու-միճու:

Հատակի վրա, պղտոր-կարմրավուն մսակտորի կողքին, ճարպածերի կլորակներում ընկել էին եփված, սպիտակ, ուռուցիկ-ծնկաձև որդերը:

— Մեկ, երկու, երեք, չորս... — շփտես ինչու շշնջալով հաշվում էր Կոշկոյը:

Մի բոպեի շափ լուռ էին: Գրիգորին թքում էր ատամները միջից: Կոշկոյը մերկացրեց թուրը, ասաց.

¹ Միկոլայ Միկոլայիչ (1856—1929) — մեծ իշխան, տոաջին հա-մաշխարհային պատերազմի սկզբից ուսական բանակի գերագույն գըլ-խավոր հրամանատար: Քաղաքացիական պատերազմի ժամանակ փախավ արտասահման, ուր պաշտպանութուն գտնելով Վրանգելի ու միապետա-կանների մեծ մասի կողմից, ուսական գահի «հավակնորդներից» մեկն էր:

— Հիմի եկեք ձերբակալենք այս շշին, որ քարշ տանք հարյուրյակի հրամանատարի մոտ:

— Հը՛մ, լա՛վ ասացիր,— հավանություն տվեց Չուբատին:

Նա հանեց հրացանի սվինը, ասաց.

— Մենք կտանենք շշին, իսկ դու, Գրիշկա, պետք է գաս մեր հետևից: Հարյուրյակի հրամանատարին զեկույց կտաս:

Չուբատին ու Միշկա Կոշկոյը տանում էին սվինից կախած, շշիով լիքը կաթսայիկը, թրերը պատյաններից հանած: Հետևից նրանց ուղեկցում էր Գրիգորին, իսկ սրա հետևից էլ զիզզազած խրամներով գորշ-կանաչավուն ալիքների նման շարժվում էին գետնատներից դուրս թափված կազակները:

— Ի՞նչ է պատահել:

— Տազնա՛պ է:

— Կարելի է լո՞ւր է եկել հաշտության մասին, հը՞:

— Ի՞նչ հաշտություն, է՛, քո փայը շատ չի՞ լինի:

— Ծիծկոտ շշին ենք ձերբակալել:

Չուբատին ու Կոշկոյը կանգ առան սպանների գետնատան մոտ: Գրիգորին կոանալով, ձախ ձեռքով գրակը պահած, մտավ «աղվեսի բույնը»:

— Մի՛ բոթի, է՛,— թունդ բարկացավ Չուբատին՝ նայելով հետևից իրեն հրող կազակին:

Հարյուրյակի հրամանատարը դուրս եկավ շինելը կոճկելով, տարակուսանքով ու մի փոքր անհանգստացած նայելով Գրիգորին, որը գետնատնից վերջինը դուրս եկավ:

— Ի՞նչ է պատահել, տղերք,— հրամանատարի հայացքը սահեց կազակների գլուխների վրայով:

Գրիգորին անցավ նրա առաջը, ընդհանուր լուսթյան մեջ պատասխանեց.

— Ձերբակալվածին ենք բերել:

— Ի՞նչ ձերբակալված:

— Հը՛մ... — Գրիգորին ցույց տվեց շշիով լեցուն կաթսայիկը, որ դրված էր Չուբատու ոտների մոտ: — Սա՛ է ձերբակալվածը... Հոտ քաշեք, տեսեք ինչով են կերակրում ձեր կազակներին:

Նրա հոնքը ծռավեց անհավասար եռանկյունու ձևով ու թեևակի դողալով, շտկվեց: Հարյուրյակի հրամանատարը

խորազնին հայացքով հետևում էր Գրիգորիի դեմքի արտահայտությանը. մոռալվելով, հայացքը դարձրեց կաթսայիկի վրա:

— Սկսել են լե՛շ ուտեցնել,— տաքացած բղավեց Միշկա Կոշկոյը:

— Փոխե՛լ պահեստապետին:

— Իժի մե՛կը...

— Շան որդին հենց մենակ իրեն փորն է տոզացրել:

— Նա եզան պլոճիկներով շշի է լափում...

— Իսկ մեզ ճիճուներով են տալի,— վրա բերին մոտիկ կանգնածները:

Հարյուրյակի հրամանատարը սպասեց, մինչև որ հանդարտվեր ձայների դժոցը, ու կտրուկ ասաց.

— Կա-մա-ա՛ց: Հիմա լոճ՛լ: Ամեն ինչ ասված է: Հենց այսօր փոխում եմ պահեստապետին: Կնշանակեմ հանձնաժողով՝ նրա արարքները քննելու համար: Եթե միսն անորակ է...

— Դատի՛ տալ նրան,— գոչեցին հետևից:

Բղավոցների նոր ալիքը ծածկեց հարյուրյակի հրամանատարի ձայնը:

Պահեստապետին փոխելը կատարվեց ճանապարհին: Այն պահից, երբ բունտ բարձրացրած կազակները ձերբակալեցին շշին ու բերին հարյուրյակի հրամանատարի մոտ, ընդամենը մի քանի ժամ էր անցել, երբ 12-րդ գնդի շտաբը հրաման ստացավ դուրս գալ դիրքերից և հրամանին կցված մարշրուտի համաձայն երթակարգով գնալ Ռումինիա: Գիշերը սիրիլյան հրաձիգները փոխարինեցին կազակներին: Ռինվիշի ավանում գունդը վերցրեց ձիերը ու առավոտյան արագ թափով մեկնեց Ռումինիա:

Ձորական խոշոր միավորումներ էին փոխադրվում շարունակ պարտություն կրող ռումիններին օգնելու համար: Այդ երևում էր թեկուզ հենց նրանից, որ երթի առաջին իսկ օրը ձեռնռնայն վերադարձան բնակարաններ գտնելու համար ուղարկված մարդիկ, որոնք գնացել էին մի գյուղ, ուր երթային ցուցակի համաձայն, պետք է գիշերեր գունդը. գյուղը լեփ-լեցուն էր հետևադորով ու հրետանիով, որը նույնպես փոխադրվում էր դեպի ռումինական սահմանը: Բնակա-

բաններով ապահովելու համար գունդը ստիպված եղավ չլի ութ վերստ ճանապարհ անցնել:

Տասնյոթ օր գնում էին: Ձիերը նիհարում էին կերի պահասութունից: Պատերազմից ավերված ճակատամերձ գոտում կեր չկար. բնակիչները կամ փախել էին Ռուսաստանի խորքը կամ թաքնվել անտառներում. բաց խրճիթները մռայլ կերպով սևին էին տալիս իրենց մերկ պատերով, ամայացած փողոցում կազակները հազվադեպ էին տեսնում որևէ նոթոտ, սարսափահար բնակիչ, ու սա էլ, տեսնելով սպառազեն մարդկանց, շտապում էր անհայտանալ: Կազակները, որոնք հոդնած ու տանջված էին անդադար երթից, մրսած ու շարացած իրենց վրա, ձիերի վրա, այն ամենի վրա, ինչ որ ստիպված էին տանել,— քանդում էին շենքերի ծղնոտե կտուրները. ավերածութունից անվնաս մնացած գյուղերում առանց քաշվելու հափշտակում էին եղած աղքատիկ կերը, ու հրամանատարական կազմի ոչ մի սպառնալիք չէր կարող նրանց զբաշտել, վերջ տալ կամայականության ու զոդության:

Արդեն ռումինական տերիտորիայից ոչ հեռու, մի ինչուր ունևոր գյուղում Չուբատին մի ամբարից մի կոտի շափ գարի գողացավ: Գարու տերը նրան բռնեց հենց գարին ձեռքին, բայց Չուբատին ծեծեց խոնարհ, զառամած այդ բնասարքցուն և գարին տարավ իր ձիուն կերակրելու: Դասակապետ սպան նրան հանդիպեց ձիակապարանի մոտ: Չուբատին տոպրակը կախել էր ձիու դնչին, քայլում էր, դողդոջուն ձեռներով շոյում նրա ներս ընկած լղար կողերը, ինչպես մարդուն, ու նայում էր ձիու աչքերին:

— Ուրյո՛ւպին, ետ տուր գարին, շան որդի: Ախր դրա համար քեզ կգնդակահարեն, սրիկա...

Չուբատին մշուշոտ, ծուռ հայացքով նայեց սպային ու փափախը գետնին խփելով, գնդում գտնվելու ժամանակվա ընթացքում առաջին անգամ աղիողորմ ճիչ արձակեց.

— Դատեցեք, գնդակահարեցե՞ք: Թեկուզ այստեղ ինձ սպանեք, գարին չեմ տա... Իմ ձին պետք է սովից սատկի՞, հա՞: Չե՛մ տա գարին: Իսկի մի հատիկ է՛լ չեմ տա:

Նա ձեռները տանում էր մերթ գլխին, մերթ ագահությամբ գարին ծամող ձիու բաշին, մերթ էլ թրին...

Սպան լուռ կանգնեց մի քիչ, նայեց ձիու գավակի ոս-

կորներին, որ հրեշավոր կերպով դուրս էին ցցվել, ու գլուխը շարժելով՝ ասաց.

— Ինչու ես հատիկ ուտեցնում քրտնակալած ձիուն:

Նրա ձայնը պարզապես շփոթութուն էր արտահայտում:

— Չէ, քրտինքն արդեն սառել է,— համարյա շշնջալով պատասխանեց Չուբատին՝ տոպրակից թափված հատիկները հավաքելով բուի մեջ ու նորից լցնելով տոպրակը:

Նոյեմբերի սկզբներին գունդն արդեն դիրքերումն էր: Տրանսիլվանիայի լեռներում սուրում էին քամիները, կիրճերում ցուրտ մշուշ էր կուտակվում, թունդ բուրում էին սոճու ցրտահար անտառները, ու առաջին փուխը ձյան վրա, լեռներում, հաճախ մարդկանց աչքովն էին ընկնում գազանների հետքերը. գայլերը, իշաչձյամաները, վայրի այծերը սպտերազմից վախեցած, թողնելով վայրի տեղերը, գնում էին երկրի խորքը:

Նոյեմբերի 7-ին 12-րդ գունդը գրոհեց «320» բարձունքը: Նախընթաց օրը խրամատները գրավված էին ավստրիացիներով, իսկ գրոհի օրը, առավոտյան նրանց փոխարինեցին սաքսոնները, որոնք հենց նոր էին փոխադրվել Ֆրանսիական ռազմաճակատից: Կազակները հետիոտն շարքերով արշավում էին քարքարոտ, մի փոքր ձյունած լանջերով: Ուտների տակից քարերի կտորներ էին գլորվում, ձյան մանր փոշի էր բարձրանում: Գրիգորին գնում էր Չուբատի կողքից, ու մեղավորի պես, իր համար արտասովոր ամաշկոտությամբ ասաց նրան.

— Այսօր ես վախում եմ, չգիտեմ ինչու... Ոնց որ թե առաջին անգամն եմ հարձակման գնում:

— Հա՛-ա՛... — զարմացավ Չուբատին:

Նա իր սրբած հրացանը տանում էր փոկից բռնած. ծըծում էր բեղերին կպած սառցի լուլաները:

Կազակները սարն ի վեր էին բարձրանում անհավասար շղթաներով, գնում էին առանց կրակելու: Թշնամու խրամատների կատարները սպառնալից լուսություն էին պահպանում: Այնտեղ, փոսից դենը, գերմանացիների մոտ, քամուց կարմրած դեմքով ու մաշկված քթով մի սաքսոնացի լեյտենանտ, ամբողջ իրանը ետ գցելով, ժպտալով, շարաճճիաբար բղավում, ասում էր գինվորներին.

—Kameraden! Wir haben die Blaumäntel oft genug gedroschen! Da wollen wir's auch dicsen einqfeffern was es heisst mit uns'n Hühnchen zu ruqfen! Ausharren! Schiessst noch nicht¹

Գրոհում էին կազակական հարյուրյակները: Ոտների տակից ներքև էր թափվում փխրուն, քարքարոտ ապարը: Խունացած բաշլուղի ծայրերը խոթելով գոտու տակ, Գրիգորին ջղայնորեն ժպտում էր: Վաղուց շսափրած մորուքի տակին փոս ընկած նրա այտերը ու կախ քիթը երանգավորվել էին դեղնավուն կապույթյամբ, եղյամակալած հոնքերի տակից անտրացիտի բեկորների պես աղոտ փայլում էին աչքերը: Սովորական հանգստությունը լքել էր նրան: Աշխատելով իր մեջ հաղթահարել վախի անիծված, հանկարծակի վերադարձած զգացումը, անհաստատ հայացքը հառելով խրամատների ձյունած, սպիտակ թմբին, նա ասաց Չուբատին:

— Լուում են: Սպասում են, որ մոտենանք: Իսկ ես վախենում եմ ու շեմ ամաչում... Ի՞նչ կլինի, եթե հիմի շուռ գանք ու ետ գնանք:

— Այսօր ի՞նչ ես դուրս տալիս, է՞,— ջղայնացած հարցրեց Չուբատին:— Այստեղ, սիրելիս, նույնն է, ինչ որ թղթախաղի ժամանակ. չե՛ս հավատում քեզ,— զուլխզ կթոցնեն: Հա՛, երեսդ դեղնել է, Գրիշկա... Գու կամ հիվանդ ես, կամ... այսօր քեզ շանսատակ կանեն: Կա՛մ իմացիր, հա՛-ա:

Խրամատների վրա մի վայրկյան ամբողջ հասակով մեկ բարձրացավ ու էլի ընկավ կարճ շինելով, սրածայր սաղավարտով մի գերմանացի:

Գրիգորիի ձախ կողմում Ելանսկայա ստանիցայի գեղեցիկ, խարտյաշ մի կազակ քայլելիս մերթ հանում էր աչ ձեռքի ձեռնոցը, մերթ նորից հագնում: Նա այդ շարժումը կրկնում էր անընդհատ, արագ-արագ քայլում, դժվարությամբ փոխելով ոտները ու շափից գուրս բարձր հազալով: Ձևնց որ թե գնում է մենակ, գիշերով... զոռով է հազում,— շաշուխ է

¹ Բարեկամներ, մենք շատ անգամ ենք շարժել կազույտ վերաբերու- ներ կրողներին: Եկե՛ք դրանց էլ ցույց տանք, թե ինչ է նշանակում դորձ օնենալ մեզ հետ: Ավելի շուտ տեխնոսություն: Առաջմ մի՛ կրակեք:

անում»,— մտածեց Գրիգորին: Այդ կազակից դենը երևում էր ուրյադնիկ Մակսանի պեպենոտ թուշը, մի քիչ էլ դենը քայլում էր Եմելյան Գրոշկը՝ հրացանը պինդ բռնած ու դեպի առաջ պարզած, սվինի ծայրը մի կողմ ծռած: Գրիգորին հիշեց, որ Եմելյանը մի քանի օր առաջ, երթի ժամանակ հենց այդ սվինով շարժել էր մի ուումինացու մառանի կողպեքը ու մի պարկ եզիպտացորեն էր գողացել: Մակսանի համարյա կողքից քայլում էր Միշկա Կոշկոյը: Նա ազահուլթյամբ ծըխում էր, հաճախ խնչում ու մատները քսում շինելի ձախ փեշի արտաքին կողմին:

— Ծարավ եմ,— ասաց Մակսանը:

— Կոշկենբուս նեղ են, Եմելյան: Չեմ կարողանում քայլել,— գանգատվեց Միշկա Կոշկոյը:

Գրոշկն ընդհատեց նրա տրտունչը.

— Կոշկենբրը մի կողմ թողնենք: Պինդ կաց, հա՛-ա, հիմի գերմանացին կտկտկացնի գնդացիրը:

Հենց առաջին համազարկից հետո Գրիգորին գնդակով խոցվեց ու հառաչելով վայր ընկավ: Նա ուզում էր կապել վիրավորված թևը, ձեռքը տարավ փամփշտանոցին, ուր գտնվում էր բինտը, բայց թևքի մեջ արմունկից հոսող տաք արյունն զգալը թուլացրեց նրան: Նա պառկեց մեջքի վրա, ու ծանրացած գլուխը քարի տակ թաքցնելով, շորացած լեզվով խկույն լիզեց փխրուն ձյունը: Նա դողդոջուն շուրթերով ազահուլթյամբ վերցնում էր ձյան սորուն փոշին, շտեմնված ահ ու դողով ահանջ դնում գնդակների շոր ու հատու ճայթյուններին և կրակոցների համապարփակ որոտմունքին: Գլուխը մի քիչ բարձրացնելով, տեսավ, որ իր հարյուրյակի կազակները փախչում էին սարն ի վար, սայթաքում, ընկնում, աննպատակ կրակում դեպի ետ ու վերև: Ոչնչով չբացատրվող և շարժարացվող ահը նրան ոտքի հանեց և նույնպես ստիպեց փախչել ներքև, այնտեղ, նեղ շերտով ձգված, սրագագաթ սոճիների անտառը, որտեղից գունդը սկսել էր հարձակումը: Գրիգորին անցավ Եմելյան Գրոշկից, որը իր հետ տանում էր վիրավորված դասակապետ սպային: Գրոշկը սրան վազեմվազ իջեցնում էր դիք լանջից. հարյուրապետը հարբածի նման դես ու գեն էր գցում ոտները, ու երբեմն ընկնելով Գրոշկի ուսին, սև, թանձրացած արյուն էր

փոփոխում, Հարյուրյակները ուժգին թափով սրտեում էին դեպի անտառը: Գորշ լանջերի վրա մնացին սպանվածների գորշ դիակները: Վիրավորվածները, որոնց վերցնելու ժամանակ չէր եղել, իրենք էին սողում դեպի ներքև: Հետևից նրանց խփում էին գնդացիները:

Տա-տա-տա-տ-րա-ա... — ճարճատում էր կրակոցների անընդմեջ հեղեղը:

Գրիգորին Միշկա Կոշևոյի թևին հենվելով՝ մտնում էր անտառ: Անտառի մոտ, մի քիչ թեք տարածության վրա ընդոստում էին գնդակները: Գերմանացիների ձախ թևում տկտկում էր մի գնդացի: Կարծես ուժեղ ձեռքով նետած մի քար, թռչելով առաջին բարակ սառույցի վրա, շարդում, գլխագցնում է այն:

Տա-տա-տա-տար-ա-ա-ա...

— Ա՛մա չարդեցին մեզ, հա՛-ա, — կարծես ուրախանալով՝ բղավեց Չուբատին:

Մի սոճու գորշ-կարմրավուն բնին հենված, նա ծուլորեն կրակում էր խրամատների մոտ վազեվազք կատարող գերմանացիների վրա:

— Հիմարներին սովորեցնե՛լ է պետք, սովորեցնե՛լ, — ձևաբար Գրիգորից քաշելով, շնչասպառ լինելով, գոչեց Կոշևոյը: — Ծնե՛ր են, շներից է՛լ վատ: Արյունաքամ կլինեն այն ժամանակ կհասկանան, թե ինչու են իրենց գլխին խփում:

— Այդ ինչո՞ւ ես ասում, — Չուբատին կկոցեց աչքերը:

— Խելոքն ինքը կհասկանա, իսկ հիմարը... Հիմարին ի՞նչ ասես: Նրա գլխի մեջ հո զոռով խելք չե՞ս լցնի:

— Գու երդումդ հիշո՞ւմ ես: Երդում տվե՛լ ես թե չէ, — ձեռ էր առնում Չուբատին:

Կոշևոյն առանց պատասխանելու ծնկաչոք եղավ, դողդոջուն ձևով գետնից ձյուն հավաքեց, ագահությամբ կուլ էր տալիս այն, դողում, հագում:

V

Տատարակի խուտորի կողքից, ճերմակ, ծվեն-ծվեն ամպերով կնճռոտված երկնքում հածում էր աշնանային արևը:

Այնտեղ, վերևում մեղմ գեփյուղը թեթևակի քշում էր ամպերը, հրում դեպի արևմուտք, իսկ խուտորի վրա, Դոնի մուգ-կանաչ հարթության, մերկ անտառների վրա ուժգնաթափ սուրում էր քամին, ծուլում ուռիների ու բարդիների գագաթները, ալեկոծում Դոնը, փողոցներով քշում դեղնագորշ տերևների երամակները: Խրիստոնյայի կալում գզգզվում էր ցորենի ծղնոտի թույլ դարսված դեզը, քամին խփեց, քանդեց դրա գագաթը, վայր զցեց բարակ ձողը, ու հանկարծ վերցնելով ծղնոտի ոսկեվուն մի խուրձ, ասես եղանի ծայրերին դրած, տարավ բակի վերևից, պտտեց փողոցի վրա, ու շոպյաբար ցրիվ տալով ամայի ճանապարհին, գզգզված խուրձը շարտեց Ստեփան Աստախովի տան կտուրին: Խրիստոնյայի գլխաբաց, հերարձակ կինը դուրս վազեց բակը՝ յուրկան սեղմելով ծնկներին, նայեց, թե քամին կալում ինչպիսի կամայականություններ է անում, ու էլի մտավ հաշտը:

Պատերազմի երրորդ տարին զգալիորեն անդրադարձել էր խուտորի տնտեսության վրա: Այն ծխերում, ուր կազակներ չէին մնացել, մարագները բաց էին, բակերն անխնամ, հետզհետե կատարվող ավերածությունը խղճուկ հետքեր էր թողնում նրանց վրա: Խրիստոնյայի կինը տնտեսավարում էր իրեն ինն տարեկան տղայի հետ: Անիկուշկայի կինը բոլորովին էլ չէր տնեսավարում, այլ առանց մարդու մնացած, թունդ խնամում էր ինքն իրեն, երեսին կարմիր ներկ քսում, գեղեցկացնում ինքն իրեն ու շափահաս կազակների պակասության պատճառով ընդունում էր տասնչորս տարեկան ն ավելի մեծ տղաներին, ա՛յդ էր պերճախոս կերպով վկայում տախտակե դարբասը, որը իր ժամանակին առատորեն ծեփվել էր կուպրով ու մինչև այժմ պահում էր սև, մատնող հետքերը: Ստեփան Աստախովի խրճիթը դատարկ էր, գնալուց առաջ խրճիթատերը պատուհաններին տախտակներ էր խփել, կտուրը տեղ-տեղ փլվել էր, նրա վրա կռատուկ էր բուսել, դռան կողպեքը ժանգոտել էր, իսկ անանցանելի քոլախոտով ու թալլով ծածկված բակի բաց դարբասից հաճախակի ներս էին մտնում մոլորված անասունները՝ շոգից կամ վատ եղանակից պատսպարվելու համար: Իվան Տամիլինի խրճիթի պատը փուլ էր գալիս փողոցի վրա, գետնի մեջ թաղված պողպատ

հենարանը պահում էր այն. երևի բախտը խիզախ հրետա՛ն նավորից վրեժ էր առնում գերմանական և ռուսական այն տնակների համար, որ նա, լինելով նշանառու, քարուքանդ էր արել:

Այսպես էր խուտորի բոլոր փողոցներում ու նրբանցքներում: Միայն ստորին ծայրամասում Պանտելեյ Պրակոֆե՛վիչի բակն էր, որ վայելուչ տեսք ուներ, ամեն ինչ սարքին էր, անվնաս մնացած: Բայց այստեղ էլ պակասություններ կային: Ամբարի կտուրի թիթեղյա աքլորները քիչ էր մնում ընկնեին մաշվածությունից, ամբարը ծովածք էր տալիս, փորձված աչքը կարող էր որոշ անտնտեսավարություն նկատել: Մերուկի ձեռները ամեն բանի չէին հասնում, ցանքը պակասել էր, իսկ մնացած բաների մասին խոսելն էլ ավելորդ է. միայն Մելեխովների ընտանիքն էր, որ չէր պակասել իր անդամների թվով. ռազմաճակատներում քարշ եկող Պետրոյի ու Գրիգորիի տեղը անցած տարվա աշնանը Նատալյան երկվորյակ էր բերել: Բերելով մի տղա ու աղջիկ, գոհացրել էր կեսուր-կեսարին: Նատալյան հիվանդագին կերպով էր տանում հղիությունը, հրեմն ամբողջ օրերով չէր կարողանում քայլել ոտների տանջող ցավից, ման էր գալի ոտը քարշ տալով, դեմքը կնճռոտելով. բայց տոկունությամբ տանում էր ցավը, որը հրեք չէր անդրադառնում թուփ, նիհարած ու հրջանիկ դեմքի վրա: Այն բուսեներին, երբ առանձնապես ուժեղ էին մրմռում ոտները, քունքերից գուրս էր աալի ուլունքանման քրտինքը. Իլլինիչնան միայն գրանից էր իմանում նրա ցավը. գլուխն օրորելով նախատում էր.

— Պառկիր, էլի, անիծված: էլ ի՞նչ ես քեզ շարշարում:

Սեպտեմբերյան պայծառ մի օր Նատալյան, զգալով, որ մոտենում է երկունքը, ելավ փողոց:

— Ո՞ւր ես գնում, — հարցրեց կեսուրը:

— Գնտառ: Կովերէն մտիկ տամ:

Նատալյան հապճեպորեն դուրս եկավ խուտորից, ու նայելով շուրջը, տնքալով, ձեռները փորի ստորին մասին պահած, մտավ վայրի սալորենու խիտ մացառուտը և պառկեց: Արդեն մթնել էր, երբ նա թաքուն տեղերով տուն հասավ. Քաթանն գոգնոցով բերեց երկվորյակներին:

— Վա՛յ, ցա՛լդ տանեմ, տո անիծված. բա այդպես կլինի՞ր... բա դու ո՞րտեղ էիր, — ճղճղաց Իլլինիչնան:

— Ես ամոթից հեռացա... Հայրիկից քաշվում էի... ես մաքուր եմ, մայրիկ ջան, սրանց էլ լողացրել եմ... Վերցրեք... — գունատվելով արդարանում էր Նատալյան:

Դունյաշկան վազ տվեց տատմեր կանչելու: Դարյան դես-դեն ընկավ, բերեց մի մաղ, Իլլինիչնան էլ, ծիծաղելով ու լալով, ճղճղում էր.

— Դա՛շկա, դեն զցիր մաղը: Հո կատվի ձագեր չե՞ն, որ մաղի մեջ ես գնում... Ա՛խ, աստված ջան, տեսեք, է՛, երկուսն են: Օ՛յ, աստված, մեկը տղա է, տղա՛... Նատալի՛կ ջան... Դեհ, տե՛ղ գցեք, է՛... —

Պանտելեյ Պրակոֆե՛կիչը բակում լսելով, որ հարսը երկու երեխա է բերել, սկզբում տարածեց ձեռները, հետո ուրախացած, մի փոքր ցնցելով մորուքը, լացեց, ու շփտես ինչու գոռաց եկող տատմոր վրա.

— Սուտլիկ, գետինը մտած, — նա ճիրանանման մատը թափ տվեց պառավի քթի առաջ, — այ ստի տոպրակ: Հլա դեռ շա՛տ կաճի Մելեխովի ցեղը: Հարսս համ տղա է բերել, համ աղջիկ: է՛, ջանիդ մատաղ, հարս, ա՛յ ինչ եմ ասո՞ւում: Տե՛ր աստված, դրա համար ես ինչո՞վ քվիթ լինեմ նրա հետ:

Բեղմնավոր էր այն տարին. կովը երկու հորթ ծնեց, Միքայել հրեշտակապետի տունին ոչխարները երկուական գառ ծնեցին, այծերը... Պանտելեյ Պրակոֆե՛կիչը զարմանալով այդ դեպքերի վրա, ինքն իրեն դատողություններ էր անում.

«Բախտավոր, բոլ տարի է, հա՛-ա: Մի բանը երկուս է դառնում: Հիմի ինչքա՛ն մատղաշներ կունենանք... օ-օ՞-օ»:

Նատալյան երեխաներին կրծքով կերակրեց մինչև մի տարի: Սեպտեմբերին ծծից կտրեց, բայց չկազդուրվեց մինչև ուշ աշուն. ատամները կաթի գույն ունեին, ջերմ, մշուշային փայլ էին արձակում աչքերը, որոնք նրա նիհարությունից շափազանց մեծ էին թվում: Ամբողջ կյանքը տվել էր երեխաներին, իր նկատմամբ դարձել էր անփույթ, տուն աշխատանքից ազատ ամբողջ ժամանակը նրանց էր խնամում. լողացնում էր, շորերը լվանում, գործում, կարկատում, ու հաճախ մահճակալի վրա նստելով, մի ոտը մեկնած, օրորոցից վերցնում էր երկվորյակներին, ուսերի թափահարումով լայն

չապկի տակից դուրս բերում պիրկ, մեծ, սեխերի նման դեղձ-
նասպիտակ ստիքները, միաժամանակ կերակրում երկու
երեխային:

— Իրանք քեզ քամեցին, էլի՛: Շատ հաճախ ես կերակ-
րում,— ու Իլլինիչնան չըմփացնում էր թոռնիկների լիթը,
ծալավոր տոտիկներին:

— Ուտեցրո՛ւ: Մի՛ խնայի կաթը: Հո դա չպիտի՞ հավա-
քես ու մածուն մերես,— կտրուկ ու կոշտ տոնով մեջ էր
մտնում Պանտելեյ Պրակոֆևիչը:

Այդ տարիներին կյանքը հետզհետե նվազում էր ինչպես
Դոնի վարարած ջուրը: Օրերն անցնում էին տխուր ու տաղտ-
կալի, առանց որևէ ուշագրավ երևույթի, մշտական հոգս ու
ցավով, մանր կարիքներով, շնչին բերկրանքներով ու մեծ,
անդուլ անհանգստությունով ամբար, ովքեր
ռազմաճակատում էին: Գործող բանակից, Պետրոյից ու Գրի-
գորիից երբեմն նամակներ էին գալիս թքոտվելուց կեղտոտ-
ված ու փոստային դրոշմներով պատած ծրարներով: Գրիգո-
րիի վերջին նամակը եղել էր ինչ-որ մեկի ձեռքում. նամակի
կեսը մանրակրկիտորեն շնչված էր մանիշակագուլյն թանա-
քով, իսկ գորշ թղթի լուսանցքում թանաքով մի անհասկանա-
լի նշան էր արված: Պետրոն Գրիգորիից ավելի հաճախ էր
գրում և իր նամակներում, որոնք հասցեագրված էին լի-
նում Դարյային, սպառնում էր վերջինիս և խնդրում էր
թողնել իր անպարկեշտ արարքները,— երևի կնոջ ցուփ կյան-
քի մասին նրան է՛լ էին լուրեր հասնում: Գրիգորին նամակ-
ների հետ նաև փող էր ուղարկում տուն,— ոտճիկը և «խաշերի
փողը», խոստանում էր արձակուրդ գալ, բայց չգիտես ինչու
չէր գալիս: Երկու եղբոր ճանապարհները տարբեր էին. պա-
տերազմը մաշում էր Գրիգորիին, գալկացնում զեմքը, ներ-
կում դեղին մաղձով, նա չէր սպասում, որ մինչև պատերազմի
վերջը կենդանի կմնա, իսկ Պետրոն արագ ու դյուրին կերպով
առաջ էր գնում, տասնվեց թվի աշնանը վախճիստորի կոշում
ստացավ, ու քծնելով հարյուրյակի հրամանատարի առաջ,
երկու խաչ ստացավ և արդեն նամակներում գրում էր, թե
ջանք է թափում, որպեսզի իրեն ուղարկեն սպայական դպրո-
ցում սովորելու: Ամառը արձակուրդ եկած Անիկուշկայի հետ
տուն ուղարկեց գերմանական մի սաղավարտ, մի շինել և իր

լուսանկարը: Ստվարաթղթի գորշ կտորի վրայից ինքնագոհ
նայում էր նրա զեմքը, որ կորցրել էր չահելույթյան արտա-
հայտությունը, վեր էին ցցվել ոլորած, բաց-շիկավուն բե-
ղերը, կարճիկ թթի տակին ծանոթ ժպիտով ժպտում էին
ուռուցիկ շրթունքները: Կյանքը ինքն էր ժպտում Պետրոյին,
իսկ պատերազմը նրան ուրախացնում էր, որովհետև արտա-
սովոր հեռանկարներ էր բաց անում. մի՞թե նա, հասարակ
կազակը, որ փոքր հասակից եղնիկ էր արածացրել ու բանեց-
րել, կարող էր մտածել սպայության և այլ քաղցր կյանքի մա-
սին: Բայց ահա բռնկվել է պատերազմը, ու նրա հրացուլքում
սարգ նշմարվում է գալիք ազատ ու լիառատ կյանքը... Մի-
այն մի տխուր կողմ ունեւր Պետրոյի կյանքը. խոստորում նրա
կնոջ մասին վատ լուրեր էին պտտվում: Ստեփան Աստախո-
վը այդ տարվա աշնանը եղել էր արձակուրդում և վերադառ-
նալով գունդ, ամբողջ հարյուրյակի առաջ պարծեցել էր, թե
Պետրոյի կնկա հետ հիանալի կերպով քեֆ էր քաշել: Պետրոն
չէր հավատում ընկերների ասածին. զեմքը մթնեցնելով,
ժպտում էր ու ասում.

— Փշում է Ստյոպկան: Գրիշկայի համար է ինձ կծում:

Բայց մի անգամ Ստեփանը, դուրս գալով խրամատի
գետնատնից, պատահամաբ թե դիտմամբ վայր գցեց ասեղ-
նագործած մի թաշկինակ. նրա հետևից գնում էր Պետրոն, սա
բարձրացրեց ժանյակավոր, ճարտարութեամբ ասեղնագոր-
ծած թաշկինակը ու ճանաչեց իր կնոջ ձեռագործը: Պետրոյի
ու Ստեփանի միջև էլի՛ մեջտեղ եկավ քեն ու ոխը: Պյոտրը
առիթի էր սպասում, մահը հետամուտ էր լինում Ստեփա-
նին,— սա կարող էր ընկնել Դվինայի ափին, Պյոտրի հար-
վածի նշանը գանգի վրա: Բայց շուտով այնպես պատահեց,
որ Ստեփանը կամավոր կերպով գնաց գերմանական ուղեկա-
լի վրա հարձակվելու և չվերադարձավ: Նրա հետ գնացած
կազակները պատմում էին, որպես թե գերմանական ժամա-
պահը լսել էր, որ նրանք կտրում են լարափակոցները, ու
նոնակ էր նետել. կազակները կարողացել էին հասնել նրան,
Ստեփանը բռունցքով խփել, գետին էր գլորել գերմանացի
ժամապահին, իսկ ժամապահի օգնականը կրակել էր, ու
Ստեփանը ընկել: Կազակները թրատել էին ժամապահի օգ-
նականին, Ստեփանի ծանր բռունցքից գլորված, խելակորույս

գերմանացուն բարձր տվել իրենց հետ, իսկ Ստեփանին ուզում էին բարձրացնել, տանել, բայց ծանր էր այդ կազակը,— ստիպված էին թողնել: Վիրավորված Ստեփանը խնդրել էր՝ «Տղե՛րք շան, մի՛ թողնեք, որ ես կորչեմ: Ընկերներ՛ր, ինչո՞ւ եք ինձ թողնում...» Բայց այստեղ լարափակոցով մեկ գընդացրային կրակ էր թափվել, ու կազակները սողեսող հեռացել էին: «Հայրենակիցներ, եղբայրներ»,— նրանց հետևից բղավել էր Ստեփանը, բայց էլ ո՛րտեղից,— ամեն մեկն իր գլխի մասին էր մտածում: Երբ Պետրոն լսեց Ստեփանի վերաբերյալ այս պատմությունը, սիրտը թեթևացավ, ասես մըրմըռող վերքին արջամկան ճարպ քսեցին, բայց և այնպես, որոշեց՝ «Կգնամ արձակուրդ, արլուն կառնեմ Դաշկայից: Ես Ստեփանը չեմ, չեմ ների...» Մտածեց սպանել Դարյային, բայց իսկույն հրաժարվեց այդ մտքից. «Արի ու սպանիր թժը, ու նրա պատճառով ամբողջ կյանքդ կկորչի: Կփտես բանտում, բոլոր շարչարանքներդ իզուր կանցնեն, ամեն բանից կզրկվես...» Որոշեց հենց միայն ծեծել, բայց այնպես, որ կնիկն ամբողջ կյանքում էլ ախորժակ չունենա պողը թափ տալու. «Կհանեմ նրա, այն օձի աչքը, այն ժամանակ էլ ո՞վ աչք կղնի նրա վրա»: Այսպիսի մի միտք հղացավ Պետրոն՝ Դվինայի դիր, կավոտ ափից ոչ հեռու գտնվող խրամատներում նստած:

Աշունը ճգմում էր ծառերն ու խոտաբույսերը, առավոտյան ցրտերը խարկում էին դրանց, սառչում էր հողը, մթնանում, երկարում էին աշնանային գիշերները: Խրամատներում կազակները ծառայության պարտականություններն էին կատարում, կրակում. թշնամու վրա, վախճիրտների հետ գծավում տաք հագուստեղեն չստանալու համար, կիսաքաղցած էին մնում, բայց բոլորն էլ շարունակ միտք էին ածում լեհական անհամբույր հողից հեռու գտնվող Դոնի շրջանի մասին:

Դարյա Մելիխովան էլ այդ աշնանը աշխատում էր հագուրդ տալ առանց ամուսնու ապրած իր սովյալ կյանքին: Աստվածածնա տոնի առաջին օրը Պանտելեյ Պրակոֆևիչը, ինչպես միշտ, բոլորից շուտ արթնացավ. զուրս եկավ բակը ու շմեց. դարբասը հանված էր ինչ-որ շարաճճի ձեռքով ու տարված էր փողոցի մեջտեղը, ընկել էր ճանապարհի վրա:

Այդ խայտառակություն էր: Երբունին անմիջապես տեղը դրեց դարբասը, իսկ նախաճաշից հետո Դարյային կանչեց ամառային խոհանոցը: Թե ինչի մասին խոսեց նրա հետ, հայտնի չէ, բայց Դունյաշկան տեսավ, թե ինչպես մի քանի բոպից հետո Դարյան խոհանոցից դուրս թռավ ուսերին ընկած լաշակով, զգզված մազերով և լալով: Անցնելով Դունյաշկայի կողքից, նա կուշ եկավ, նրա լացակումած ու շարացած դեմքի վրա դողում էին հոնքերի պարզ գծագրված, սև աղեղները:

— Սպասիր, քոփակ... Ես քո հախիցը կգամ,— ուռուցիկ շրթունքների միջից քրթմնջում էր նա:

Նրա կոֆտան պատռվել էր մեջքի վրա, սպիտակ մարմնի վրա կապույտ-կարմրավուն թարմ ուռուցք էր երևում: Դարյան փեշը թափահարելով, վազեվազ բարձրացավ խրճիթի արտաքին սանդուղքը, մտավ հաշտը, իսկ խոհանոցից կաղալով դուրս եկավ Պանտելեյ Պրակոֆևիչը՝ զայրացած ինչպես սատանա: Քայլելիս շորս տակ ծալեց նոր, կաշվե երասանը:

Դունյաշկան լսեց հոր խոսքը և ծայրահեղացավ:

— ...Քածի մեկը, սա դեռ քիչ է քեզ... Անառա՛կ շուն... Խրճիթում կարգ ու կանոնը վերականգնվեց: Դարյան մի քանի օր սուս ու փուս էր, հրեկոները բոլորից շուտ էր պառկում քնելու, նատալյայի համակրական հայացքներին ստոն ժպիտով էր պատասխանում, թոթվում ուսերը և խաղացնում հոնքերը. այսինքն թե՛ «ոչի՛նչ, հլա դեռ կտեսնենք», իսկ շորորոգ օրը տեղի ունեցավ հետևյալ դեպքը, որը գիտեին միայն Դարյան ու Պանտելեյ Պրակոֆևիչը: Դարյան այնուհետև ծիծաղում էր արհամարհանքով, իսկ ծերունին մի ամբողջ շաբաթ շփոթված էր, շվարած, ոնց որ թե մի բան փշացրած կատու լիճեր. նա պառավին ոչինչ չասաց պատահած դեպքի մասին և նույնիսկ խոստովանության ժամանակ տեր-Վիսսարիոնից թաքցրեց թե այդ դեպքը և թե այնուհետև իր ապրած մեղսոտ մտքերը:

Բանն այսպես եղավ: Աստվածածնի տոնից հետո Պանտելեյ Պրակոֆևիչը հավատացած լինելով, որ Դարյան վերջնականապես ուղղվել է, ասաց Իլլինիչային.

— Դու երես մի տա Դաշկային: Թող շատ աշխատի:

Գործով կզբաղվի, ժամանակ չի ունենա անառակութիւն աշ-
նելու, թե չէ աննամուս կնիկ է... Նրա մտքումը հենց միայն
երգ ու պարի տեղն է ու փողոցը:

Այդ նպատակով նա Դարյային ստիպեց մաքրել կալը,
հետին բակում հավաքել թափթփված հին փայտեղենը, նրա
հետ միասին մաքրեց հարդանոցը: Իրիկնադեմին մտածեց
քամիչ մեքենան շարդախի տակից տեղափոխել հարդանոցը,
կանչեց հարսին.

— Դարյա՛:

— Ի՞նչ է, ապի,— հարդանոցից հարցրեց Դարյան:

— Արի տեղափոխենք քամիչը:

Շտկելով լաշակը, թափ տալով հարդի մանրութքը, որ
լցվել էր կոֆտայի օձիքի տակից, Դարյան դուրս եկավ հար-
դանոցի դռնից ու կալի դարբասն անցնելով, գնաց դեպի շար-
դախը: Նրա առջևից կաղ-կաղ քայլում էր Պանտելեյ Պրա-
կոֆեիչը, որ բամբակած, լւայն, ամենօրյա կուրտկա և
պատռված շալվար էր հագել: Բակում ոչ ոք չկար: Տանը
Դունյաշկան ու մայրը մանուկ էին աշնանը գլած բուրդը:
Նատալյան խմոր էր հունցում: Խուտորից դենը մարում էր
կարմրավառ վերջալույսը, ղողանջում էին երեկոյան ժամա-
սացության դանգերը: Ջինջ երկնքում, գեներթում գտնվում էր
կարմրավուն, անշարժ մի ամպ, Դոնի մյուս կողմում, սպի-
տակավուն բարդիների մերկ ոստերին թառել էին ազոավ-
ները, որոնք ասես բրդի սև, վառված փաթիլներ լինեին: Երե-
կոյի անհաստատ, անդորր լուսթյան մեջ պարզ ու հստակ էր
հնչում յուրաքանչյուր ձայնը: Անասնոցից տարածվում էր
թարմ գոմադրի ու խոտի թունդ հոտը: Պանտելեյ Պրա-
կոֆեիչը տնքտնքալով, Դարյայի հետ միասին գորշ-կար-
միր, խունացած քամիչը տարավ հարդանոց, տեղավորեց մի
անկյունում, փոցխով մաքրեց դեզից թափված հարդը և ու-
զում էր դուրս գալ:

— Ապի՛,— ցածր, շշնջող ձայնով դիմեց նրան Դարյան:

Երբունին անցավ քամիչի հետևը, առանց որևէ կասկա-
ծանքի հարցրեց.

— Հը՛, ի՞նչ է:

Դարյան կոճակներն արձակած կոֆտայով կանգնել էր
նրա դիմաց. ձեռները գլխի հետին կողմը տարած, շտկում

էր մաքրել: Վերջալույսի բոսորավառ ճառագայթը հարդա-
նոցի պատի ճեղքից ընկել էր նրա վրա:

— Այստեղ, ապի, մի բան... Արի մտիկ տուր,— ասաց
Դարյան կողքի թեքվելով ու կեսարի ուսի տակից գողի պես
նայելով բաց դռան: Երբունին հուպ մոտեցավ նրան: Դար-
յան հանկարծ բարձրացրեց ձեռները, ու գրկելով կեսարի վի-
զը, մատներն իրար մեջ անցկացնելով, ետ-ետ գնաց, նրան
էլ քարշ տվեց իր հետ, շշնջաց...

— Ա՛յ, այստեղ, ապի... Այստեղ... փափուկ է...

— Դու ի՞նչ ես ուզում,— վախեցած հարցրեց Պան-
տելեյ Պրակոֆեիչը:

Գլուխը դեռ-դեռ պտտելով, նա փորձեց վիզը ազատել
Դարյայի ձեռներից, բայց վերջինս նրա գլուխը ավելի ու
ավելի ուժով էր քաշում դեպի իր երեսը, տաք շնչում նրա
մորուքի մեջ, ծիծաղում, ինչ-որ բառեր շշնջում:

— Թող, փուչ,— ձեռունին ուզեց պոկվել ու իր մարմնի
վրա զգաց հարսի գիրգ փորը:

Հարսը նրան սեղմվելով, ընկավ մեջքին, նրան էլ գցեց
իր վրա:

— Սատանա՛, հո չե՛ս գժվել... Թո՛ղ, է՛:

— Զե՛ս ուզում,— շնչասպառ հարցրեց Դարյան, ու ձեռ-
ները իրեն քաշելով, բոթեց կեսարի կուրծքը,— չե՛ս ու-
զում... Թե՛ գուցե չես կարող... Ուրեմս էլ ինձ մի փնովի...
Այդպես, հը՛մ:

Վեր թռչելով, նա հապճեպ ուղղեց յուրկան, մեջքից թափ
տվեց հարդի քիստերը ու դեմառդեմ բղավեց շշկված Պան-
տելեյ Պրակոֆեիչի վրա.

— Դու այն օրը ինչի՞ համար ծեծեցիր ինձ, հը՞: Ես
սյառա՞վ եմ, ինչ է: Բա որ դու ջահել էիր, այդ տեսակ բաներ
չէի՞ր անում, հը՞: Մի տարի է մարգս չկա... Բա ես ի՞նչ
անեմ, որձ շան հե՛տ լինեմ, ինչ է: Ա՛ո քեզ, թոփալ, հը՛ս,
անուշ արա:

Դարյան անպարկեշտ շարժում արավ և հոնքերը խաղաց-
նելով, քայլեց դեպի դուռը: Դռան մոտ նա մի անգամ էլ
ուշադրությամբ դիտեց ինքն իրեն, կոֆտայից ու լաշակից
թափ տվեց փոշին ու առանց կեսարին նայելու, ասաց.

— Ես առանց դրան չեմ կարող... ինձ տղամարդ է

հարկավոր, իսկ եթե չես ուզում, ես կդտնեմ, դու էլ ձեռն չհանես, հա՛ւա:

Նա կոտորատովոյ, արագ քայլվածքով հասավ կալի դարբասին, չքացավ առանց ետ նայելու, իսկ Պանտելեյ Պրակոֆևիչը դեռ կանգնել էր քամիչի գորշավուն կողի մոտ, ծամում էր մորուքը ու տարակուսանքով, մեղավորաբար դիտում հարդանոցը և իր կարկատած ոտնամանների ծայրերը: «Մի՞թե արդարութունը նրա կողմն է. գուցե հարկավոր էր, որ ես նրա հետ մեղքի մե՞ջ ընկնեի»,— մտածում էր նա այդ պահին՝ տեղի ունեցած դեպքից շշմելով. ինքն իրեն կորցրած:

VI

Նոյեմբերին սաստիկ զոռում էին սառնամանիքները: Ձյունը շուտ էր եկել: Տատարակի խուտորի վերին ծայրի դիմաց սառեց Դոնի ծնկաձև մասը: Հատ ու կենտ մարդիկ փրիւրուն, մուգ կապույտ սառցի վրայից ոտով անցնում էին գետի մյուս կողմը, իսկ ավելի ներքև գետը միայն փոփոխի մոտ էր ծածկվել անհարթ, մերկ սառույցով, մեջտեղում գետը հոսում էր վետ-վետ, կանաչավուն ալիքներով, որոնք զարնվում էին իրար, թափահարում սպիտակ գանգուրները: Սե յառի դիմաց, տասնմեկ սաժեն խորութուն ունեցող ջրի տակին լոքո ձկները վաղուց արդեն կանգ էին առել ձմեռելու, նրանց կողքին ծվարել էին լորձուք հագած ծածանները, միայն ճերմակ ձուկն էր խաղում Դոնի մեջ, տեղ-տեղ էլ թըպրտում էր շիղաձուկը, ընկնելով մանր ձկների հետևից: Ստեղծուց պառկել էր ավազի վրա: Ձկնորսները ավելի սաստիկ, ուժեղ սառնամանիքների էին սպասում, որ քլունգնեռով ջարդոտեին սառույցը, կարմրաձուկ բռնեին:

Մելիխովները նոյեմբերին Գրիգորիից նամակ ստացան: Կուվինսկիից, Ռումինիայից գրում էր, որ վերավորվել էր հենց առաջին կովում, զնդակը ջարդել էր ձախ թևի ոսկորը, այս պատճառով, բուժվելու համար, նրան ուղարկում են իր շրջանը, Կամենսկայա ստանիցան: Նամակից հետո մի ուրիշ փորձանք եկավ Մելիխովների գլխին. մեկուկես տարի առաջ Պանտելեյ Պրակոֆևիչը փողի կարիք ուներ, Մերգեյ Պլատոնովիչ Մոխովից պարտամուրհակով հարյուր ուրբի

արծաթ փող էր վերցրել: Այս տարվա ամառը ծերունուն կանչեցին խանութ, ու Ատեպին Ցացան, ոսկե ակնոցը քթին դրած, ապակիների վերևից նայելով Մելիխովի մորուքին, ասաց.

— Հը՛, ի՞նչ ես մտածում, Պանտելեյ Պրակոֆից, վճալեո՛ւ ես թե ցե:

Պանտելեյ Պրակոֆևիչը նայեց դատարկ դարակներին և հնութունից պլպլացող վաճառասեղանին, շշկվեց:

— Սպասիր, Սմելյան Կոնստանտինովիչ, մի քիչ զգվեմ, կվճարեմ:

Դրանով վերջացավ խոսակցությունը: Մերունուն չվիճակվեց զգվել. բերքը վատ էր, իսկ ծախելու համար համապատասխան անասուն չկար: Եվ ահա հանկարծ ժամանեց դատական պրիստավը, կանչել տվեց պարտքը չվճարողին ու շոքեց բկին.

— Դեհ, ցնժա հարյուր մանեթը:

Իջևանում, պրիստավի սենյակում, սեղանի վրա գրված է երկար գրված մի թուղթ. կարգա,— կարո՞ղ ես առարկել:

ԿԱՅԱՐՈՒԱԿԱՆ ԹԵՐԹ

ՆՈՐՈՆ ԿԱՅՍԵՐԱԿԱՆ ՄԵՍՈՒԹՅԱՆ Հրամանով 1916 թվականի հոկտեմբերի 27-ին ես, Դոնեցի օկրուգի 7-րդ շրջանի Հաշտարար գտտավորս, լսեցի ուրյադնիկ Պանտելեյան Մելիխովի դեմ մեղադրանքի Մոխովի ըստ պարտամուրհակի 100 ուրբու հայցի վերաբերյալ քաղաքացիական գործը և ղեկավարվելով Քաղ. Դատ. Կանոնադրութ. 81, 100, 129, 133, 145 հոդվածներով, հետևյալ կարգով—

ՈՐՈՇԵՑԻ

Բանազանձել պատասխանատուից, ուրյադնիկ Պանտելեյան Պրակոֆև Մելիխովից հօգուտ հայցվորի, մեղան Սերգեյ Պլատոնովիչ Մոխովի հարյուր ուրբի ըստ 1915 թվականի հունիսի 21-ի պարտամուրհակի, ինչպես նաև երեք ուրբի դատական և գործը վարելու ծախքեր: Վճիռը վերջնական չէ. հայտարարել իրեն հեռակա վճիռ:

Սույն վճիռը, Քաղ. Դատ. Կանոնադրության 156 հոդվ. 3 կետի հիման վրա ենթակա է անհապաղ կատարման իրեն օրինական ուժի մեջ

մասն: Գոնեցի օկրուգի 7 շրջանի Հաշտարար Դատավորը ՆՈՐԻՆ ԿԱՅՍԵՐԱՅԱՆ ՄԵՍՈՒԹՅԱՆ Հրամանով հրամայեց. բոլոր տեղերը և անձինքս արոնց կարող է սույնը վերաբերել, պետք է ճշտությամբ կատարեն ներկա վճիռը, իսկ տեղական ոստիկանական ու զինվորական իշխանությունները պետք է առանց ամենաշնչին հապաղման ըստ օրենքի պատշաճ օժանդակություն ցույց տան վճիռը գործադրող Պրիստավին:

Պանտելեյ Պրակոֆևիչը լսելով պրիստավին, թույլտվում է թյուն խնդրեց տուն գնալ, խոստանալով հենց այդ օրը մուծել փողը: Իջևանից նա ուղղակի գնաց իր խնամի Կորշունովի մոտ: Հրապարակում հանդիպեց թևը կտրած Ալյոշկա Շամիրին:

— Կաղո՞ւմ ես, Պրակոֆևիչ,— բարևեց Շամիրը:

— Կամաց-կամաց:

— Աստված հաջողի ո՞ւր:

— Խնամուս մոտ: Գործ կա:

— Օ՛, նրանց մոտ ուրախություն է: Չե՞ս լսել: Միրոն Գրիգորիչի տղան եկել է ֆրոնտից: Եկել է նրանց Միտկան, այդպես են ասում:

— Դրո՞ւստ, հա՞:

— Այդպիսի մի բան եմ լսել,— ասաց Շամիրը՝ խաղացնելով թուշն ու աչքը, հանելով թութունի պարկը ու մոտենալով Պանտելեյ Պրակոֆևիչին:— Մխենք, հորեղբայր: Թուղթը ինձնից, թութունը քեզանից:

Պանտելեյ Պրակոֆևիչը ծխում էր ու տատանվում,— գնա՛լ թե ոչ. վերջ է վերջո որոշեց գնալ, ու հրաժեշտ տալով թևը կտրած Ալեքսեյին, շարունակեց ճանապարհը:

— Միտկան է՛լ խաշ ունի, հա՛-ա: Ուզում է հասնել քո տղաներին: Մեր խուտորում հիմի այդ կավալերները այնքան են, ինչքան որ ծտեր են լինում ծառերի վրա,— ծերունու հետևից բղավում էր Շամիրը:

Պանտելեյ Պրակոֆևիչը առանց շտապելու հասավ խուտորի ծայրը. նայելով Կորշունովի տան պատուհաններին, մոտեցավ բակի դռան: Նրան դիմավորեց ինքը, խնամին: Մերունի Կորշունովի պեպենոտ դեմքը ասես լվացված լիներ ուրախությունից, թվում էր և՛ մաքուր, և՛ ոչ այնքան շեշտու:

— Լսե՛լ ես մեր ուրախության մասին, հա՞,— խնամունձ ձեռք տալով՝ հարցրեց Միրոն Գրիգորևիչը:

— Ծանապարհին Ալյոշկա Շամիրից իմացա: Ամա, խնամի ջան, ես ուրիշ գործով եմ եկել քեզ մոտ...

— Կա՛ց, ի՞նչ գործ, ի՞նչ բան: Գնանք տուն, կտեսնես զինվոր տղին: Մենք, դրուստն ասած, ուրախությունից մի քիչ խմել ենք... Այս լավ օրվա համար կնիկս մի շիշ թագավորական արաղ էր պահել:

— Դու ինձ այդ բանը մի՛ ասա,— սապատավոր քթի պինդերը ծոմռելով՝ ժպտաց Պանտելեյ Պրակոֆևիչը,— ես գեռ հեռվից զգացի:

Միրոն Գրիգորևիչը բացեց դուռը, նշան արավ, որ խնամին առաջ անցնի: Վերջինս անցավ շեմքից ու իսկույն հայացքը հանեց Միտկայի վրա, որ նստած էր սեղանի մոտ, առջևի կողմում:

— Հրե՛ս նա, մեր զինվոր տղան,— լալով բացականչեց Գրիշակա պապին ու ընկավ ոտքի ելած Միտկայի ուսին:

— Է՛հ, բարո՞վ ես եկել, կազակ տղա:

Պանտելեյ Պրակոֆևիչը Միտկայի երկար ձեռքն իր ձեռքի մեջ պահած, մի քայլ ետ գնաց, զարմանալով ու դիտելով նրան:

— Ի՞նչ եք մտիկ անում, խնամի ջան,— խոպոտ ու թավձայնով, ժպտալով ասաց Միտկան:

— Մտիկ եմ անում ու զարմանում. երբ որ քեզ ու Գրիշակային ծառայության էինք ճամփում, հրեխաններ էիք, իսկ հիմի, տե՛ս, է՛... կարգին կազակ ես, հենց ատամանյան գնդի խարջ ես:

Լուկինիչևան լացակումած աչքերը Միտկայի վրա հառած, արաղ էր լցնում գավաթի մեջ, ու շտեմնելով այդ, այնքան լցրեց, որ արաղը թափվեց գավաթի պոռնոզներից:

— Է՛յ, քոսոտ, բա այդ տեսակ բարիքը կթափե՞ն,— նրա վրա բղավեց Միրոն Գրիգորևիչը:

— Շնորհավոր լինի ձեր ուրախությունը, շնորհավոր լինի քո երջանիկ գալուստը. Մի՛տրի Միրոնիչ:

Պանտելեյ Պրակոֆևիչը այս ու այն կողմ ծոնց աչքերի կապտավուն սպիտակուցները, ու շունչը պահելով, թարթիչները խաղացնելով, քամեց հաստափորիկ գավաթը: Ձեռքով դանդաղորեն սրբելով շրթունքներն ու բեղերը, նա շեշտակի նայեց գավաթի հատակին. հոտ տարավ գլուխը, մնացած կա-

Քիւր զցեց լայն բացած, սև ատամներով բերանը և միայն այդ ժամանակ շունչ առավ, ու երջանկաբար, երկար կկոցելով աչքերը, վարունգ կերավ: Խնամու կնիկը նրան մատուցեց երկրորդ բաժակը, ու ծերունին մի անգամից ծիծաղաշարժ կերպով հարբեց: Միտկան ժպտալով հետամուտ էր լինում նրան: Նրա կատվային ակնաբիրբերը մերթ նեղանում, ասես բոշխի կտրած կանաչ ճեղքեր էին դառնում, մերթ լայնանում, մթնանում էին: Այդ տարիների ընթացքում նա անճանաչելիության շափ փոխվել էր: Այդ հաղթանդամ, սև բեղավոր կազակի մեջ համարյա ոչինչ չէր մնացել այն բարալիկ Միտկայից, որին երեք տարի առաջ ծառայության էին ճամփել: Նա զգալիորեն աճել էր, դարձել թիկնավետ, կորացել ու շողացել, երևի մի հինգ փթից պակաս չէր լինի, երեսն ու ձայնը կոշտացել էին, իսկ տարիքից ավելի մեծ էր թվում: Միայն աչքերն էլի նույնն էին,— հմայուն և անհանգիստ. հենց դրանց էլ ակնապիշ նայում էր մայրը, ծիծաղում ու լաց էր լինում, խորշոմած, դժգույն ձեռքով երբեմն շոշափում որդու ուղիղ, կարճ կտրած մազերը ու սպիտակ, նեղ ճակատը:

— Խաչով ես եկել, հա՞,— հարբած ժպտալով՝ հարցրեց Պանտելեյ Պրակոֆևիչը:

— Հիմի կազակներից էլ ո՞վ խաչ շունի,— մոռլվեց Միտկան,— Կրյուչկովի դոշից, հրե՞ն, երեք խաչ են կախել նրա համար, որ շտաբում թրև է գալի:

— Սա, խնամի ջան, հպարտ է, հա՛-ա,— վրա բերեց Գրիշակա պապին,— սա, մունդոփկը, ինձ՝ իրեն պապին է քաշել: Զի կարող մեջք ծռել:

— Խաչերը հո դրա համար չե՞ն տալիս սրանց,— հոնքերը կիտեց Պանտելեյ Պրակոֆևիչը, բայց Միրոն Գրիգորևիչը նրան տարավ օթախը. նստեցնելով սնդուկի վրա, հարցրեց.

— Նատալյան ու թոռներս ո՞նց են, ողջ-առո՞ղջ են: է՛հ, փառք աստծու: Դու կարծեմ ասացիր, խնամի, որ գործով ես եկել, հա՞: Այդ ի՞նչ գործ է: Ասա, թե չէ էլի կիմենք ու կհարբես:

— Փո՛ղ տուր, տուր, ի սեր աստծու: Ազատիր նեղ տեղից, թե չէ հոգիս դուրս է գալի այդ... փողի պատճառով:

Պանտելեյ Պրակոֆևիչը խնդրեց աղերսադին, հարբածի նվաստությամբ: Խնամին ընդհատեց նրան:

— Ինչքա՞ն:

— Հարյուր հատ թղթի կտոր:

— Ի՞նչ տեսակ: Թղթի կտորները տարբեր են լինում:

— Հարյուր մանեթ:

— Այդպես է՛լ ասա:

Միրոն Գրիգորևիչը խառնխտելով սնդուկը, հանեց ու բաց արեց մի կեղտոտված թաշկինակ. թղթադրամները խշշացնելով, հաշվեց ու վերցրեց տասը հատ «կարմիր»,— տասանոց:

— Շնորհակալություն, խնամի ջան... ազատեցիր փորձանքից:

— Դե լավ, էլի՛: Հո օտար մարդիկ չե՞նք:

Միտկան տանը մնաց հինգ օր. գիշերներն անց էր կացնում Անիկուշկայի կնոջ մոտ,— խղճում էր կանացի դառն կարիքի մեջ գտնվող, լմերժող ու սրտաբաց այդ կնկան: Յերեկները հյուր էր գնում ազգականների, ծանոթների մոտ: Բարձրահասակ այդ տղան, պաշտպանական գույնի մի թեթև տուժուրկա հագած, գլխարկը ծռած, շորթալով շափշփում էր խոտորի փողոցները, պարծենալով, որ ցուրտը իրեն չի կպչի: Մի անգամ, իրիկնադեմին, Մելիխովների մոտ է՛լ գնաց: Տաք վառած խոհանոցը լցրեց իր հետ բերած ցրտով ու շինվորության անմոռանալի, բարկ հոտով: Նստեց, խոսեց պատերազմի, խոտորի նորությունների մասին, նայեց Դարյային կկոցված, կանաչ, եղգնագույն իր աչքերով ու պատրաստվեց գնալու: Դարյան, որ անընդհատ նայում էր գինվոր տղային, մոմի բոցի պես երերաց, երբ Միտկան գնալիս շրխկալի ծածկեց դուռը. շրթունքները պինդ սեղմելով իրար, շալը զցեց ուսերին, բայց Իլլինիչնան հարցրեց.

— Ո՞ւր, Դաշկա:

— Դուրս... դուրս գնալու:

— Գնանք միասին:

Պանտելեյ Պրակոֆևիչը նստել էր առանց գլուխը բարձրացնելու, կարծես չէր է՛լ լսում խոսակցությունը: Դարյան խոնարհած կոպերի տակ թաքցնելով խորամանկ ժպիտը, նրա կողքից անցավ դեպի դուռը. կեսուրը տնքտնքալով ու շորթ-

րալով քայլեց նրա հետևից: Բակի դռան մոտ Միտկան քայլելիս ճռճուցնում էր սապոգները, ծխում բոխ մեջ ու թեթև հագում: Լսելով դռան մղլակի ճռնոցը, ուզեց քայլել դեպի արտաքին սանդուղքը:

— Այդ դո՞ւ ես, Միտրի: Ուրիշի բակում կորցրե՞լ ես ճամփադ,— խայթեց նրան Իլլինիչնան:— Որ դուրս գաս, սողնակը գցի, թե չէ, քամի է, գիշերը դուռը կթրխկա... Փիա՛, Ի՛նչ քամի է, հա՛-ա...

— Իսկի՛ է՛լ չեմ կորցրել ճամփես... Կփակեմ...— մի փոքր լռելուց հետո սրտնեղությամբ ասաց Միտկան, ու հասցավ, հենց փողոցի միջով գնաց Անիկուշկայի տունը:

Միտկան թռչունի պես անփույթ էր ապրում. ապրում է այսօր,— լավ է, իսկ վաղն ինչ ուզում է լինի: Նա մի կերպ քարշ էր տալիս ծառայությունը, ու շնայելով, որ անվախ սիրտ ուներ, ծառայության մեջ բարձրանալու հնարավորություն առանձնապես չէր փնտրում. դրա փոխարեն Միտկայի ծառայության ցուցակը մի փոքր շարաքաստիկ վիճակում էր գտնվում. դրա տերը երկու անգամ դատված էր,— մեղադրվել էր ռուսահպատակ մի լեհուհու բռնաբարելու և կողոպտուի համար, պատերազմի երեք տարվա ընթացքում անթիվ ու անհամար պատիժների և տույժերի էր ենթարկվել. մի անգամ ռազմա-դաշտային դատարանը քիչ մնաց գնդակահարության դատապարտեր նրան, բայց Միտկան կարողացավ այս անգամ էլ դուրս պրծնել փորձանքից, ու թեև գնդում ամենավատ զինվորն էր համարվում, այնուամենայնիվ կազակները սիրում էին նրան իր ուրախ, ժպտալից վարք ու բարքի համար, անպարկեշտ երգերի համար (Միտկան այդպիսի երգերի ճարտար վարպետ էր), ընկերականության ու պարզության համար, իսկ սպաները — ավազակային խիզախության համար: Միտկան ժպտալով, թեթևաբար, գայլի ոտներով էր անցնում իր ճամփան, նրա մեջ շատ բան կար գազանների այդ ցեղից,— շորորուն. քայլվածքի մեջ, կանաչ ու խոշորաբեր աչքերով խեթ նայելու սովորության մեջ. նույնիսկ գլուխը շուռ տալու մեջ. Միտկան երբեք չէր պտտում կոնտուզիայից վնասված վիզը,— երբ հարկավոր էր ետ նայել, շուռ էր տալիս ամբողջ մարմինը: Ամբողջովին հյուսված լինելով լայն կմախքին նստած պիլակ մկաններից, նա թեթև

էր ու շարժումներով ժլատ, առողջության և ուժի բարկ բուր էր զգացվում նրանից. այդպես է բուրում հարուստ թողած, խոփելով շուռ տված վարելահողը: Միտկայի համար կյանքը շիտակ էր, բարդ չէր, ձգվում էր վարած ակոսի նման, և նա ընթանում էր այդ ակոսով որպես լիիրավ տեր: Պրիմիտիվ կերպով պարզ ու մակերեսային էին նաև նրա մտքերը. քաղցած է,— ուրեմն կարելի է և պետք է գողանալ, թեկուզե ընկերոջից, և նա գողանում էր, երբ քաղցած էր. մաշվե՞լ են կոշիկները,— պետք է հանել ու վերցնել գերի գերմանացու կոշիկները, պրծավ գնաց. տո՞ւյժ է ստացել,— ուրեմն պետք է քավել մեղքը, ու Միտկան քավում էր. գնում էր հետախուզության, բերում գերի վերցրած, կիսախեղված գերմանական ժամապահներին, կամավոր կերպով ամենավտանգավոր գործեր էր ձեռնարկում: 1915 թվականին գերի ընկավ, ծեծվեց ու վիրավորվեց թրերով, իսկ գիշերը եղունգները ջարդոտելով մինչև արմատները, ծակեց մարագի կտուրը ու փախավ վերցնելով գումակի ինչ-որ լծասարք իբրև հիշատակ: Ահա թե ինչու շատ բան էին ներում Միտկային:

Միտրն Գրիգորիկի վեցերորդ օրը նրան տարավ Միլենրովո, ուղեկցեց մինչև վագոնը, նայեց, թե ինչպես են աղմուկում հեռացող կանաչ վագոնների անիվները, ու մտրակով երկար փորփրեց պլատֆորմի մոտ թափթփված խարամը՝ շքարծրացնելով գետնին հառած, մթնած աչքերը: Լուկինիչնան լալիս էր որդու համար, Գրիշկա պապին տնքտնքում, հեծկտում էր օթախում՝ խնչելով բոխ մեջ ու բուռը քսելով չեքմենի աղտոտված փեշին: Լալիս էր նաև Անիկուշկայի կինը, վերհիշում Միտկայի մեծ, փայփայանքների ժամին հրաբորբոք մարմինը ու տանջվում սուսանակից, որով նրան վարակել էր վիճվոր տղան:

Ժամանակը հյուսում էր օրերը, ինչպես քամին — ձիու բաշը: Մենդյան տոներից առաջ եղանակը հանկարծ տաքացավ, սկսվեց հալհոցը. մի օր ու գիշեր անձրև էր գալիս, Դոնի առափնյա սարից ջուրը հոսում էր կարկաչուն առվակներով. ձյունից մերկացած հրվանդաններում կանաչեցին անցած տարվա խոտաբույսերը ու մամռոտ կրաշերտերը. Դոնի ափերէ մոտ հորդում, փրփրում էր ջուրը, բարձրանում էր դիակնային կապտություն ունեցող սառույցը: Մերկացած

ակահողը անասելի քաղցր բույր էր տարածում: Հետմանա-
կան ճանապարհով, անցած տարվա աղուրներով փըր-
փըրալից հոսում էր ջուրը: Քարմ փվածքների, կար-
միր վերքերի պես բացվել էին խուտորի մերձակայ-
քում գտնվող կավախառն յառերը: Հարավային քամին Չիրից
բերում էր փտած խոտաբույսերի տամուկ հոտը, ու կեսօր-
վա ժամերին հորիզոնում լուրթ, նրբահյուս ստվերներ էին
երևում: Խուտորում, ցանկապատերի մոտ թափված մոխրի
թմբերի կողքին խայտաբղետ լճակներ էին գոյացել: Կալե-
քում, դեզերի մոտ հալչում էր գետինը, փտած ծղոտի
անալի նեխահոտը ծակում էր անցորդի քիթը: Ցերեկ-
ները տների քիվերից, ծղնոտածածկ կտուրներից, որոնցից
սառցալեզուներ էին կախված, կպրաջուր էր հոսում, ցանկա-
պատերի վրա անդադար ճովողում էին կաշաղակները ու
գարնան անժամանակ գալուց անհանգստացած, մոնչում էր
Միրոն Գրիգորեի բակում ձմեռող հասարակական ցուլը:
Սա եղջուրներով քանդում էր ցանկապատերը: քամսվում
որդնակերուքից մաշված կաղնի արորին, թափահարում
փափիկ բուխախը, կոխկրտում բակի փխրուն, կիսահալված
ձյունը:

Մենդյան տոնի երկրորդ օրը ջարդվեց Դոնի սառույցը:
Գետի մեջտեղից հուժկու ճայթյուններով ու կրճտոցով ըն-
թանում էր սառցահոսանքը: Սառցակոշտերը քնեած, հրեշա-
վոր ձկների նման նետվում էին ափ: Դոնի մյուս կողմում
հարավային ուժեղ քամուց տատանվում, երերվում էին բար-
դիները:

Շշշշշշշ ա՛տուու... — գալիս էր այնտեղից խռպոտ, խուլ
աղմուկը:

Բայց գիշերամտին սարը սկսեց շաչել, հրապարակում
կռչացին ազուավները, Խրիստոնյայի խողը մի կտոր խոտ
բերանն առած՝ վազ տվեց Մելիխովի խրճիթի կողքից, ու
Պանտելեյ Պրակոֆևիչը մտածեց՝ «Վե՛րջ գարնանը, էգուց
կզոռի ցուրտը»: Գիշերը քամին փչեց արևելքից, թեթև սառ-
նամանիքը բյուրեղյա սառույցով կարկատեց հալհողից պա-
տառտոված լճակները: Առավոտյան արդեն մոսկովյան քա-
մին էր փչում, ծանր ճնշում էր սառնամանիքը: Նորից հաս-
տատվեց ձմեռը: Միայն Դոնի մեջտեղում, հիշեցնելով տաք

եղանակի մասին, մեծ, սպիտակ տերևների նման լողում էին
սառցարեկներները, ու բլրակի վրա ցուրտ շոգի էր արձա-
կում մերկացած հողը:

Մենդից հետո շուտով ստանիցայի ժողովում գրադիրը
Պանտելեյ Պրակոֆևիչին հաղորդեց, որ Կամենսկայայում
տեսել է Գրիգորիին և սա խնայրել էր հայտնել իր հարազատ-
ներին, որ շուտով ինքը տուն է գալու:

VII

Սերգեյ Պլատոնովիչ Մոխովը փոքրիկ, թուխ ձեռներով,
որոնք դրսի կողմից պսպղուն մաղերով էին ծածկված, բո-
լոր կողմերից շոշափում էր կյանքը: Երբեմն կյանքը ինքն
է՛լ էր խաղ խաղում նրա հետ, երբեմն կախվում էր ինչպես
քարը ջրում խեղդվողի վզից: Սերգեյ Պլատոնովիչը շատ բան
էր տեսել իր կյանքում, շատ անգամ էր այլևայլ աղմուկի մեջ
ընկել: Վաղուց, երբ դեռ աշխատում էր ցորենի մթերման
վրա, նրան հաջողվել էր կազակներից շնչին գնիրով հացա-
հատիկ գնել, հետո էլ խուտորից դուրս էր տարել շորս հա-
զար փութ այրված ցորեն ու թափել Դուռնոյ կողմած յառի
տակ, գետի մեջ: Հիշում էր նաև 1905 թվականը, երբ աշնա-
նային մի գիշեր խուտորիցներից մեկը որսորդական հրացա-
նից կրակեց նրա վրա: Հարստանում էր Մոխովը ու շատ
ծախսեր անում, ի վերջո դրստեց վաթսուն հազար, մուծեց
Վոլգո-Կամսկի բանկը, բայց հեռատեսությամբ զգում էր, որ
անխուսափելիորեն մոտենում է մեծ ցնցման ժամանակը:
Սերգեյ Պլատոնովիչը սև օրեր էր սպասում, ու շտապվեց-
տասնյոթ թվականի հունվարին ուսուցիչ Բալանդան, որ կա-
մաց-կամաց մեռնում էր թոքախտից, գանգատվեց նրան:

— Ինտույցիան քթներիս առաջ է, իսկ ես ամենահիմար
ու ամենասենտիմենտալ հիվանդությունից սատկելու վրա եմ:
Վիրավորական է, Սերգեյ Պլատոնովիչ... Վիրավորական է,
որ շեմ տեսնելու, թե ինչպես ցաք ու ցրիվ կտան ձեր կապի-
տալները ու ձեզ կվոնդեն տաքուկ բնից:

— Այստեղ ի՞նչ վիրավորական բան կա:

— Հապա ի՞նչպես: Այնուամենայնիվ, գիտե՞ք, հաճելի
կլինի տեսնել, թե ինչպես ամեն ինչ տակնուվրա կլինի:

— Օ՞ր ոչ, սիրելիս: Դու այսօր մեռիր, իսկ ես՝ վաղը, —
թաքուն շարանալով՝ ասաց Սերգեյ Պլատոնովիչը:

Հունվարին խուտորներով ու ստանիցաներով մեկ դեռ
արձագանքվում էին մայրաքաղաքի խոսակցությունները Ռաս-
պուտինի ու ցարական ընտանիքի մասին, իսկ մարտի սկզբին
ինքնակալության տապալման լուրը ցնցեց Սերգեյ Պլատո-
նովիչին, ինչպես թակարդը — տափաստանային արոսին: Կա-
զակները հեղաշրժման լուրը ընդունեցին զուսպ տազնապով
և սպասողական վիճակում: Այդ օրը ծերունիները և ավելի
ջահել կազակները մինչև երեկո խմբվում էին Մոխովի փակ
խանութի առաջ: Խուտորի ատաման Կիրյուշկա Սալդատովը
(սպանված Մանիցկովի հաջորդը), — բարձրահասակ, շիկա-
րեղ և քիչ շղթիկ մի կազակ, — ճնշված էր, համարյա չէր մաս-
նակցում խանութի առաջ տեղի ունեցող աշխույժ խոսակցու-
թյանը, շղթիկ աչքերով նայում էր կազակներին, երբեմն
շփոթված բացականչում:

— Միթամ գո՞րծ են արել, էլի... Ա՛յ քեզ բան... Հիմի
ո՞նց պիտի այրել...

Սերգեյ Պլատոնովիչը պատուհանից տեսնելով խանութի
առաջ հավաքված ամբոխը, որոշեց գնալ ասուլիս անել
ծերունիների հետ: Հազավ մուշտակը, ու հենվելով արծաթե
անշուք սկզբնատուր ունեցող կինամոնազույն ձեռնափայ-
տին, դուրս եկավ շքադռնից: Խանութի կողմից գալիս էր խո-
սակցությունների դժոցը:

— է՛հ, Պլատոնիչ, դու գրագետ մարդ ես, պատմիր մեզ,
տգետներիս, թե հիմի ի՞նչ կլինի, ո՞նց կլինի, — վախեցած
ժպտալով, մրսած քթի կողքերը կնճոտելով, հարցրեց Մատ-
վեյ Կաշուկինը:

Պատասխանելով Սերգեյ Պլատոնովիչի բարևին, ծերու-
նիները պատկառանքով հանեցին գոպակները, ճանապարհ
բացեցին ու տեղ տվին բոլորակում:

— Առանց ցարի ենք ապրելու... — կմկմաց Սերգեյ Պլա-
տոնովիչը:

Բոլոր ծերունիներն էլ խոսեցին միանգամից:

— Բա առանց ցարի ո՞նց կլինի:

— Մեր հայրերն ու պապերը ցարերի օրով են ապրել, իսկ
հիմի ցարը հարկավոր չի՞, հը՞:

— Գլուխը որ կտրես, ոտները առանց նրան հո չե՞ն
ապրի:

— Բա ի՞նչ իշխանություն է լինելու:

— Դու մի՛ քաշվի, Պլատոնիչ, մեզ հետ պարզ խոսիր,
ինչի՞ց ես վախում:

— Կարելի է նա ինքն է՛լ շփոթի, — ժպտաց Փշան Ավ-
դեիչը, ու նրա վարդազույն թշերի փոսիկները է՛լ ավելի խո-
րացան ժպիտից:

Սերգեյ Պլատոնովիչը բութ հայացքով դիտեց իր հին,
ռետինե բոտերը, ասաց՝ բերանից ցավով դուրս տալով բա-
ւերը:

— Պետական դուման է կառավարելու: Ռեսպուբլիկա
պիտի լինի մեզանում:

— Տե՛ս թե ուր հասան, գրո՞ղը տանի:

— Երբ որ մենք ծառայում էինք լուսահոգի Ալեքսանդր
երկրորդի օրով... — սկսեց Ավդեիչը, բայց մռայլադեմ ծե-
րունի Բոգատիրյովը խստորեն ընդհատեց նրան:

— Լսե՛լ ենք, լսե՛լ: Այստեղ խոսքը դրա մասին չէ:

— Ուրեմս կազակներին վե՞րջ է գալու:

— Մենք այստեղ գործադուլներ ենք սարքում, իսկ գեր-
մանացին այդ ժամանակ մինչև Սանկտ-Պետերբուրգ է՛լ
կհասնի:

— Թե որ հավասարություն է, ուրեմս ուզում են մեզ
հավասարեցնել մուժիկներին...

— Մեկ էլ տեսար ձեռքները հողերին է՛լ հասավ, հը՞...

Սերգեյ Պլատոնովիչը բռնազրոսիկ ժպտալով դիտեց ծե-
րունիների հուզված դեմքերը, նրա հոգին մթնշաղկեց, վհատ-
վեց: Նա սովոր շարժումով երկարեց շիկակարմրավուն մո-
րուքը, ու հայտնի չէ ում վրա շարանալով՝ ասաց:

— Ահա թե ուր հասցրին Ռուսաստանը, ծերունիներ: Ձեզ
կհավասարեցնեն մուժիկներին, ձեզ կզրկեն արտոնություն-
ներից, ու դեռ կհիշեն է՛լ հին վիրավորանքները: Մանր ժա-
մանակներ են գալիս... Նայած թե իշխանությունն ում ձեռքը
կընկնի, կարող են գործը վերջնական կործանման է՛լ
հասցնել:

— Կապրենք, կտեսնենք: — Բոգատիրյովը օրորեց գլու-
խը և հոնքերի փրշոտ փաթիլների տակից անվստահորեն նա-

յեց Սերգեյ Պլատոնովիչին:— Դո՛ւ, Պլատոնիչ, քո զիծն հստանում, իսկ մեր վիճակը գուցեև թեթևանում է գրասեից, հը՛...
— Ինչո՞վ է թեթևանում,— խայթող տոնով հարցրեց Սերգեյ Պլատոնովիչը:

— Կարելի է նոր իշխանությունը վերջացնի պատերազմը... Հո կարո՞ղ է այդպիսի բան լինել, հը՛:

Սերգեյ Պլատոնովիչը ձեռքը թափ տվեց ու ծերունական քայլվածքով գնաց դեպի իր տան կապույտ, շքեղ արտասանգուղբը: Նա քայլում էր տարտամորեն մտածելով փողերի, աղացի և վատացող առևտրի մասին, հիշեց, որ Ելիզավետան հիմա Մոսկվայում է, իսկ Վլադիմիրը շուտով պետք է գա Նովոչերկասկից: Երեսնաների վերաբերյալ անհանգստությունը թուփ ծակոցը շխախտեց մտքերի դեզերող անկապությունը: Այսպես նա հասավ մուտքի սանդուղքին, զգալով, թե ինչպես այդ օրվա ընթացքում միանգամից մոայլվեց կյանքը և նույնիսկ ինքը ասես ներքուստ խունացավ ցավագին մտքերից: Բերանի ժանգալին, թթու համը լորձի հոսանք առաջացրեց: Նայելով խանութի մոտ հավաքված ծերունիներին, Սերգեյ Պլատոնովիչը թքեց մուտքի սանդուղքի քանդակավոր բազրիքի վրայով, ռոտները քստաքստացնելով բարձրացավ պատշգամբը ու մտավ սենյակները: Աննա Իվանովնան ամուսնուն դիմավորեց սեղանատանը, դժգույն աչքերի սովորական անտարբեր հայացքը սահեցրեց նրա դեմքով, հարցրեց.

— Թեյ խմելուց առաջ բան կուտե՞ս:

— Է՛-է, չէ՛: Ի՞նչ ուտել, ի՞նչ բան,— զզվանքով հրաժարվեց Սերգեյ Պլատոնովիչը:

Հանելով վերնահագուստը, նա դեռ էլի զգում էր բերանի ժանգալին համը և զլխի անուրախ, խուլ դատարկությունը:

— Էլզայից նամակ կա:

Պարարտ ու լիկլիկան Աննա Իվանովնան շորորուն քայլվածքով անցավ ննջարան (նա միշտ այդպես էր քայլում, ամուսնություն առաջին օրերից մեծ տնտեսությամբ ծանրաբեռնված), բերեց պատված մի ծրար:

«Դատարկ աղջիկ է և կարծես խելքից թեթև է»,— դատեր մասին առաջին անգամ այսպես մտածեց Սերգեյ Պլատոնովիչը՝ քիթը ծռնալով ամուր ծրարի արձակած օձանելիքի հո-

տից: Ծերունին անուշադիր կարդաց նամակը, հայտնի չէ ինչու կանգ առավ «տրամադրություն» բառի վրա ու երկար մտածեց՝ դրա մեջ փնտրելով իրեն համար անհասկանալի իմաստը: Ելիզավետան նամակի վերջում խնդրել էր փող ուղարկել: Սերգեյ Պլատոնովիչը դեռ էլի զգալով զլխի ցավագին դատարկությունը, կարդաց վերջին տողերը: Նա անսպասելիորեն ուզեց կամացուկ լաց լինել: Ծառս եղած կյանքն այդ ակնթարթում նրան ցույց էր տալիս իր դատարկ ներքինը:

«Նա օտար է ինձ,— մտածում էր հայրը դստեր մասին,— ես էլ օտար եմ նրան: Ազգակցական զգացումներ է ապրում, երբ իրեն փող է հարկավոր... Կեղտոտ աղջիկ է, սիրեկաններ ունի... իսկ երբ փողերիկ էր, շեկլիկ էր ու հարազատ... Աստված իմ. ի՛նչպես փոխվում է ամեն ինչ... Մինչև ծերությունս էլ հիմար մնացի, հավատում էի գալիք ինչ-որ մի լավ կյանքի, իսկ իրականում մենակ եմ ինչպես մատու... Անմաքուր ճանապարհով էի հարստանում,— մաքուր ճանապարհով շես է՛լ կարող հարստանալ,— ժլատություն էի անում, իսկ հիմա էլ ահա քեզ ռևոլյուցիա, վաղն էլ իմ նոքարները կարող են ինձ տանից դուրս անել... Ամեն ինչ գրողի ծոցը կգնա... Իսկ երեսնանե՞րս: Վլադիմիրը հիմար է... Եվ ի՞նչ օգուտ, միևնույն է, իհարկե...»

Ինչ-որ անհեթեթ կապակցությամբ նա վերհիշեց աղացում վաղուց պատահած հետևյալ դեպքը. աղուն բերած մի կազակ սկանդալ սարքեց մեծ աղունավարձի պատճառով և հրաժարվեց այն վճարել. նա, Սերգեյ Պլատոնովիչը, այդ ժամանակ մեքենայական բաժանմունքում էր, աղմուկը լսելով՝ դուրս եկավ, ու իմանալով գործի էությունը, կշորդին և աղացի աշխատողներին հրամայեց շտալ աղացած ալյուրը: Կարճահասակ, անբարետես կազակը պարկի ծայրը քաշում էր դեպի իրեն, աղացի աշխատողը, ամրակազմ, լայնակուրծք Ջավարն էլ դեպի իրեն էր քաշում: Այնպես պատահեց, որ կազակը հրեց Ջավարին, սա էլ ետ տանելով ու վրա բերելով մեծ, պինդ սեղմած բուռնցքը, խփեց նրա քունքին: Կազակն ընկավ, հետո, օրորվելով ոտքի ելավ. նրա ձախ քունքին երևում էր թաց, արյունոտ քերծվածքը: Նա հանկարծ քայլեց

գեայի Սերգեյ Պլատոնովիչը, շունչ առա՛վ ու հեծեծալով շշնջաց.

— Վերցրու ալյուրը, լափի՛ր,— և ուսերը դողացնելով դուրս ելավ:

Սերգեյ Պլատոնովիչն առանց որևէ նկատելի կապակցութեան հիշեց այս դեպքը և դրա հետևանքները. կազակի կինը եկավ խնդրելու, որ վերադարձնեն ալյուրը. զոռով արցունքներ թափելով, աղացի աշխատողներից կարեկցութիւն սպասելով, նա ասաց.

— Այդ ի՞նչ բան է, բարի մարդիկ, հը՛: Ի՞նչ իրավունք է դա: Տո՛ւր ալյուրը:

— Գնա՛, քո՛ւրս, գնա առանց ղալմաղալի, թե չէ մագերդ կպոկեմ,— քմծիծաղ էր տալիս Զավարը:

Անհաճելի ու վրդովեցուցիչ էր, երբ կշռորդ վալետը,— նույնպես թուլակազմ և կարճահասակ, ինչպես այն կազակը,— կովի բռնվեց Զավարի հետ ու սրանից դաժան ծեծ ուտելուց հետո եկավ հաշիվը մաքրելու, որ հեռանար: Այս ամենը արագորեն անցավ Սերգեյ Պլատոնովիչի մտքով, երբ նա շուտովուտ էր անում կարգացած նամակը՝ տարտամ հայացքը հառելով դեպի առաջ:

Այդ օրը ի վերջո թողեց խոցող, անամոք մի ցավ: Սերգեյ Պլատոնովիչը գիշերը վատ քնեց, շուտ էր գալիս՝ անհեթեթ մտքերով ու անգիտակցական ցանկութիւններով տարված, կեսգիշերից անց բուն մտավ, իսկ առավոտյան, լսելով, որ Եվգենի կիստնիցկին ռազմաճակատից եկել է Յագոդնոյի, հոր մոտ, որոշեց գնալ այնտեղ, խոսել, պարզել իսկական դրութիւնը, ազատվել հոգին մորմոքող դառն նախազգացումներից: Եմելյանը ծխելով ծխամորճը, փոքրիկ մի ձի լծեց քաղաքային սահնակին, տիրոջ տարավ Յագոդնոյի:

Խուտորի վերևում նարնջագույն ծիրանի՝ նման հասունանում էր արևը, նրա տակին ու ավելի վերև կարծես ծուխ արձակում, մարմրում էին ամպերը: Մակող, ցուրտ օդը հագեցված էր հյութեղ պտղաբույրով: Զիուկի սմբակների տակ ճքճքում էր ճանապարհի սառույցը, քամին դեպի ետ էր բերում ձիուկի ունգերից ելնող գոլորշին, որը եղյամնանում, նստում էր նրա բաշին: Սերգեյ Պլատոնովիչը արագ ընթացքից ու ցրտից հոգեպես անդորրացած, ննջում էր, օրորվում,

մեջքը հենում սահնակի գորգապատ, հետին կողին: Իսկ խուտորում, հրապարակում սևին էր տալիս քուրքեր հագած կազակների ամբոխը. ոչխարային կարգով խռնվում էին կանայք Դոնի մուշտակներով, որոնց եզրերին ջրաքիսի թուխ մորթիներ էին կարված:

Ամբոխի մեջտեղում ուսուցիչ Բալանդան թաշկինակը կապտած բերանի մոտ պահելով, կիսամուշտակի մերակին կարմիր ժապավեն կպցրած, աչքերը վառ փայլեցնելով, ասում էր.

— ... Տեսնո՞ւմ եք, եկավ անիծված ինքնակալութեան վերջը: Հիմա ձեր զավակներին այլևս չեն ուղարկի բանվորներին մտրակներով խաղացնելու, վերջացավ ձեր խայտառակ ծառայութիւնը արյունախում ցարին: Սահմանադիր ժողովը կլինի նոր. ազատ Ռուսաստանի տերը: Նա կկարողանա ուրիշ, այսպես ասած՝ լուսավոր կյանք կառուցել:

Հետևից, կիսամուշտակի փոթերից քաշում էր նրա կենակցուհին, աղերսանքով շշնջում.

— Մի՛տյա, թո՛ղ: Հասկացիր, որ քեզ համար դա վնասակար է, չի՛ կարելի: Ախր էլի՛՛ արյուն կգնա... Մի՛տյա:

Կազակները լսում էին Բալանդային, շփոթված կիտում հոնքերը, տնքտնքում, թաքցնում ժպիտները: Այնպես էլ շթողին, որ նա վերջացնէր ճառը: Առջևի շարքից թավ. կարեկցող մի ձայն ասաց.

— Դեհ, ոնց որ երևում է, կյանքը լուսավոր կլինի. ամա դու, հոգիդ սիրեմ, այդ չես տեսնի: Գնայիր տուն էլի՛, թե չէ դրսում ցուրտ է...

Բալանդան կիսատ թողեց ֆրազը ու սփրթնած դուրս եկավ ամբոխի միջից:

Սերգեյ Պլատոնովիչը կեսօրին հասավ Յագոդնոյի: Եմելյանը ձիուկի սանձը բռնած, մոտեցրեց ախոռի կողքին գտնվող, ուռից գործած մսուրին, ու մինչդեռ տերը իջնում էր սահնակից և քուրքի փեշը ետ զցելով՝ հանում թաշկինակը,— կարողացավ հանել ձիուկի սանձը, ձիուկի վրա տապճակ զցել: Մուտքի սանդուղքի մոտ Սերգեյ Պլատոնովիչին դիմավորեց բարձրամարմին, սպիտակավուն, շիկակարմիր խալեր ունեցող որձ շունը: Նա կանգնեց օտար մարդու դիմաց, ձգեց երկար, ջուլտ ոտները, հորանջեց. նրա հետևից նույնպիսի

ծույլ շարժումներով ոտքի ելան նաև մնացած շները, որոնք սև հանգույցների նման պառկել էին սանդուղքի կողքին:

«Ք՛յո՛ւ, ինչքան շատ են դրանք...» — Սերգեյ Պլատոնովիչը վախված նայում էր շներին, ընկրկելով բարձրանում սանդուղքը:

Չոր, լուսավոր նախասենյակում ծանր շնահոտ և քացախի հոտ էր գալիս: Սնդուկի վերևում, եղջերվի լայնադիր եղջյուրներից կախված էին սպայական, կարակուլի մի փափախ, արծաթափայլ ծուպով մի բաշլուղ ու յափնջի: Սերգեյ Պլատոնովիչը նայեց այնտեղ. մի ակնթարթ նրան թվաց, թե սնդուկի վրա ինչ-որ փրշոտ, սև մարդ է կանգնած, տարակուսանքով վեր է քշել ուսերը: Կողքի սենյակից դուրս եկավ շաղ, սևաշյա մի կին: Նա ուշադրությամբ նայեց մուշտակը հանող Սերգեյ Պլատոնովիչին, ու շփոխելով թխավուն-գեղեցիկ դեմքի լուրջ արտահայտությունը, հարցրեց.

— Դուք նիկոլայ Ալեքսեևիչի մոտ եք եկել: Ես հիմա կգեկուցեմ:

Առանց դուռը ծեծելու նա մտավ դահլիճ, պինդ ծածկեց դուռը: Սերգեյ Պլատոնովիչը հանձին այդ շաղացած, սևաշյա, գեղեցիկ կնոջ դժվարությունը ճանաչեց Ակսինյա Աստախովային: Վերջինս իսկույն ճանաչեց նրան. բալի գուլնի շուրթերը պինդ սեղմեց իրար, քայլեց մարմնի անբնականորեն ուղիղ դիրքով, մի փոքր շարժելով փայլատ, մերկ արմունկները: Մի րոպեից հետո նրա հեռեից դուրս եկավ ինքը, ծերունի Լիստնիցկին: Զափավոր սիրալիրությամբ ժպտալով, նա ներողամտությամբ, թավ ձայնով ասաց.

— Օ՛-օ, արժանապատվություն, այդ ո՞ր բամին բերեց: Խնդրեմ... — մի կողմ անցավ, ձեռքի շարժմամբ հյուրին հրավիրելով դահլիճ:

Սերգեյ Պլատոնովիչը զուլիս տվեց մեծ մարդկանց նկատմամբ վաղուց յուրացրած պատկառանքով. մտավ դահլիճ: Նրան դիմավորելու համար մոտեցավ Եվգենի Լիստնիցկին՝ ակնոցի տակ կկոցելով աչքերը:

— Այս հիանալի է, ամենահարգո Սերգեյ Պլատոնովիչ: Բարե՛ ձեզ: Այդ ի՞նչ է, կարծես թե ծերանում եք, հը՛:

— Գե՛հ յա՛վ, Եվգենի նիկոլաևիչ, ես մտածում եմ դեռ

ձեզանից ավելի երկար ապրել: Ի՞նչպես եք դուք, ողջ-առողջ եք:

Եվգենին ժպտալով, փայլեցնելով ոսկե ատամնապսակները, հյուրին թեանցուկ արած, տարավ դեպի բազկաթոռը: Նրանք նստեցին մի փոքրիկ սեղանի շուրջը, աննշան ֆրագաներ փոխանակեցին՝ միմյանց դեմքերի վրա փնտրելով այն փոփոխությունները, որոնք կատարվել էին վերջին հանդիպումից հետո: Թեյ մատուցելու կարգադրություն անելով, պանը ներս մտավ: Բերանին դրած մեծ, ծուռ ծխամորճը ծուխ էր արձակում: Նա կանգ առավ Սերգեյ Պլատոնովիչի բազկաթոռի մոտ, ու իր ծերունական, ոսկրոտ, երկար ձեռքը գնելով սեղանին, հարցրեց.

— Ի՞նչ կա ձեր խուտորում: Լսե՛լ եք... այդ լավ լուրերը:

Սերգեյ Պլատոնովիչը ներքևից վերև նայեց գններալի կզակի ու պարանոցի մաքուր սափրված, կախ ընկած ծալերին, հոգոց հանեց:

— Ի՞նչպես շլտեմք...

— Ինչպիսի՞ ճակատագրական կանխորոշվածություններ էր կյանքը ընթանում դեպի այդ բանը... — գններալը խաղացնելով աղամախնձորք, կռուց ավելի ծուխը: — Ես այդ նախատեսել էի դեռ պատերազմի սկզբին: Ինչ արած... դինաստիան դատապարտված էր: Ես այժմ հիշեցի Մերեժկովսկուն... մի՞տո՞ղ է, Եվգենի, «Պյոտրը և Ալեքսեյը»: Այնտեղ, խոշտանգումից հետո, արքայորդի Ալեքսեյն ասում է հորը՝ «Իմ արյունը կթափվի քո հեռուորդների գլխին...»

— Մեզ մոտ ոչինչ էլ պարզ չէ, — հուզվելով ասաց Սերգեյ Պլատոնովիչը. բազկաթոռի վրա անհանգիստ շարժումներ անելով՝ նա ծխեց, շարունակեց. — Մի շարաթ է, որ լրագիր չենք ստանում: Ամենաանհավանական լուրեր են պուլտվում, շփոթություն է տիրում: Փորձանք է, աստված վկա: Լսելով, որ Եվգենի նիկոլաևիչը արձակուրդ է եկել, ես որոշեցի գալ այստեղ, ձեզ մոտ, հարցնել, թե այնտեղ ինչ է կատարվում, ինչ պետք է սպասել:

Եվգենին, որի մաքուր սափրված, սպիտակավուն դեմքից արդեն չբացել էր ժպիտք, պատմեց.

— Ահավոր իրագարծություններ են... Զինվորները տառաջիտորեն բոլորն էլ բարոյալքվել են, շեն ցանկանում կըռ-

վել,— հոգնած են: Իսկապես ասած, այս տարի արդեն չկան զինվորներ այդ բառի հանճարեղ իմաստով: Զինվորները սանձարձակ ու վայրենի հանցագործների բանդաներ են դարձել: Ա՛յ, օրինակ, հայրիկը... նա շի կարող այդ պատկերացնել: նա շի կարող պատկերացնել, թե բարոյալքման ինչ աստիճանի է հասել մեր բանակը... Ինքնակամ հեռանում են դիրքերից, կողոպտում ու սպանում են բնակիչներին, սպանում են սպաններին, մարդոյորություն են անում... Մարտական հրամանը շկատարելը այժմ սովորական բան է:

— Զուկը գլխից է հոտում,— ծերունի կիստնիցկին բերանից ծխի հետ միասին դուրս փչեց այդ ֆրազը:

— Ես այդ չէի ասի,— Եվգենին կնճռոտեց դեմքը, նրա մի փոքր ճիլոտ կոպը ցնցվեց ջղայնանալուց,— ես այդ չէի ասի... Բանակը ներքևից է նեխվում, նրան բարոյալքում են բուլշևիկները: Նույնիսկ կազակական զորամասերը, մանավանդ այն զորամասերը, որոնք մոտիկից էին շփվում հետևազորի հետ, բարոյապես անկայուն են: Ամենասաստիկ հոգնածութուն և ձգտում դեպի հայրենի խրճիթները... Եվ ահա բուլշևիկները...

— Ի՞նչ են ուզում նրանք,— չհամբերեց Սերգեյ Պլատոնովիչը:

— Օ՛...— կիստնիցկին քմծիծաղ տվեց,— նրանք ուզում են... դա խուլերայի բացիլներին է՛լ վատ է: Վատ է այն տեսակետից, որ ավելի հեշտ է կալում մարդուն ու արմատանում հենց զինվորների հոծ մասսաների մեջ: Ես խոսում եմ իդեալի մասին: Այստեղ արդեն ոչ մի կարանտինով չես փրկվի: Բուլշևիկների մեջ, անկասկած, կան տաղանդավոր մարդիկ, մի քանիսաների հետ ես շփվել եմ, կան ուղղակի ֆանատիկոսներ, բայց գերակշռող մեծամասնությունը սանձարձակ, անթարոյական սուբյեկտներ են: Նրանց հետաքրքրում է ոչ թե բուլշևիկյան ուսմունքի էությունը, այլ միայն թալանելու, ֆրոնտից հեռանալու հնարավորությունը: Նրանք ուզում են ամենից առաջ իրենց ձեռքը վերցնել իշխանությունը, ինչ պայմանով էլ լինի՝ վերջացնել, ինչպես իրենք են արտահայտվում, «իմպերիալիստական» պատերազմը,— թեկուզև սեպագրատ հաշտության ճանապարհով,— հողերը հանձնել գյուղացիներին, գործարանները՝ բանվորներին: Հասկանալի է, որ

դա որքան ուտոպիական, նույնքան և անհեթեթ բան է, բայց այդպիսի պրիմիտիվով նրանք նվաճում են զինվորների տրամադրությունը:

կիստնիցկին խոսում էր իր խուլ՝ ցատումը զսպելով: Նրա մատների մեջ շարժվում էր փղոսկրե մուշտակը: Սերգեյ Պլատոնովիչը լսում էր դեպի առաջ թեքված, ասես պատրաստվելով տեղից վեր թռչելու: Ծերունի կիստնիցկին դահլիճում ետ ու առաջ էր քայլում՝ քստքստացնելով սև, թավարծի մուճակները, կծոտելով կանաչավուն-սպիտակ բեղը:

Եվգենին պատմեց, թե ինչպես դեռ մինչև հեղաշրջումը ինքը ստիպված էր փախչել գնդից՝ վախենալով կազակների վրեժից. պատմեց Պետրոգրադում տեղի ունեցած իրադարձությունների մասին, որոնց ականատես էր եղել ինքը:

Խոսակցությունը մի բուրբ դադարեց: Ծերունի կիստնիցկին, նայելով Սերգեյ Պլատոնովիչի քթարմատին, հարցրեց.
— Զե՛ս գտնի մոխրագույն ձին, որ տեսել էիր աշնանը,— «Բոյարինայի» քուռակը:

— Հիմա մի՞թե դրա ժամանակն է, նիկոլայ Ալեքսեևիչ,— Մոխրով խղճուկ կերպով կնճռոտեց դեմքը և անհույս թափ տվեց ձեռքը:

Այդ ժամանակ ծառայանոցում Եմելյանը տաքացել էր ու թեյ էր խմում, կարմիր թաշկինակով սրբում կարմիր ճակընդեղի գույն առած դեմքը, պատմում խուտորի ու նորությունների մասին: Ակսինյան կանգնել էր մահճակալի մոտ, կուրծքը հենել դրա քանդակավոր մեջքին, փաթաթվել փափուկ շալով:

— Երևի մեր տունն արգեն քանդվե՞լ է, հա՛,— հարցրեց նա:

— Զէ՛, ինչո՞ւ պիտի քանդվի, անվնաս է, ո՞վ է ձեռ տվողը որ,— դահլիճաղորեն արտասանելով բառերը, պատասխանեց Եմելյանը:

— Ո՞նց են ապրում մեր հարևանները,— Մելեխովները:

— Կամաց-կամաց ապրում են, էլի՛:

— Պետրոն արձակուրդ չի՞ եկել:

— Ոնց որ թե չի եկել:

— Բա Գրիգորին... նրանց Գրիշկա՞ն:

— Գրիշկան եկավ ծննդից հետո: Նրա կնիկն անցած

տարի երկու երեխա բերեց... Գրիգորին... Ո՞նց չէ, եկե՛ք էր վիրավորված լինելու պատճառով:

— Վիրավորվե՞լ էր:

— Բա ո՞նց: Վիրավորվել էր թևից: Նրան ամբողջովին բերծել էին. չգիտես դո՞չի խաչե՞րն են շատ, թե՞ շանի սպիսները:

— Ի՞նչպես է նա, Գրիշկան,— կոկորդի շոր ջղակծկու՝ մից ճնշվելով ու թեթև հազալով, կտրվող ձայնը շտկելով, հարցրեց Ակսինյան:

— Էլի այնպես է... քիթը կուզիկ, ինքը սև: Ոնց որ իսկական թուրք, էլի՛:

— Ես այդ շեմ հարցնում... Հո չի՞ ծերացել:

— Դե ո՞նց ասեմ. կարելի է թե մի քիչ ծերացել է: Կնիկը երկու երեխա բերեց,— ուրեմա շատ չի ծերացել:

— Այստեղ ցուրտ է...— ուսերը դողացնելով՝ ասաց Ակսինյան ու դուրս ելավ:

Լցնելով թեյի ութերորդ բաժակը, Եմելյանն աչքերով ուղեկցեց Ակսինյային, կույրի քայլածքի դանդաղությամբ ասաց.

— Զղվելի, հոտած հոպոպ, գեշից է՛լ գեշը: Վաղո՞ւց էր, որ խուտորում քոշերով էիր ման գալի, իսկ հիմի չի է՛լ ասում «էստի», այլ «այստեղ... Ցա՛վս բռնի այդ տեսակ կնանոցը: Ես այդ լրբերին... Ա՛խ դու, օձի շապիկ: Ը՞ր՛մ... «այստեղ ցուրտ է»... Զիո՞ւ խլինք, թյո՞ւ:

Իրեն վիրավորված զգալով, նա կիսատ թողեց ութերորդ բաժակը, վեր կացավ, խաշակնքեց, գնաց՝ հպարտորեն նայելով շուրջը և սապոզներով գիտակցաբար կեղտոտելով մաքրած հասակը:

Վերադարձի ամբողջ ճանապարհին նա մռայլ էր, ինչպես և Սերգեյ Պլատոնովիչը: Ակսինյայի պատճառած բարկությունը թափում էր ձիուկի վրա, մտրակի ծայրով դաղում ձիուկի ամոթատեղերը ու խայթող տոնով նրան հորջորջում «ախ՛մախ», «թոփալ» բառերով: Հակառակ իր սովորության, Եմելյանը մինչև խուտոր հասնելը ոչ մի բառ չփոխանակեց իր տիրոջ հետ: Երկշտ լուսթյուն էր պահպանում նաև Սերգեյ Պլատոնովիչը:

Հետևակ դիվիզիաներից մեկի առաջին բրիգադը, որ գտնվում էր Հարավ-արևմտյան ռազմաճակատի ռեզերվում, Գոնի 27-րդ կազակական գնդի հետ միասին փետրվարյան հեղաշրջման նախօրյակին հանեցին ռազմաճակատից. նպատակ ունենալով փոխադրել մայրաքաղաքի շրջակայքը՝ սկզբված անկարգությունները ճնշելու համար: Բրիգադը տարան թիկունք, ձմեռային նոր հագուստ տվին, մի օր հիանալի կերակրեցին, մյուս օրը նստեցրին վագոնները, ուղարկեցին, բայց իրադարձությունները կանխեցին դեպի Մինսկ շարժվող գնդերին. ուղարկելու օրը արդեն համառ լուրեր էին հաղորդվում, որ գլխավոր հրամանատարի զորակայանում կայսրը ստորագրել է գահից հրաժարվելու ակտը:

Բրիգադը կես-ճանապարհից ետ դարձրին: Ռազգոն կայարանում 27-րդ գունդը հրաման ստացավ իջնել վագոններից: Երկաթգծերը բռնված էին գնացքներով: Պլատոնովիչը գտնվում էին զինվորները՝ շինելներին կայքրած կարմիր բանտերով, լավ արտադրված, նոր, ուսական տիպի, բայց անգլիական ծագում ունեցող հրացաններով: Զինվորներից շատերը հուզված էին, վախվախելով էին նայում հարյուրյակներով շարք կանգնած կազակներին:

Մթնում էր մառախլապատ օրը: Կայարանի շենքերի կտուրներից կարկաչում էր ջուրը, ու երկաթգծերի լճակները պլպլան նավթափայլով պատած, անգրադարձնում էին երկրնքի մոխրագույն, փափլիկ ոչխարենին: Խուլ, կցկտուր շաշում էր մաներ անող շոգեքարշերի մռնչոցը: Համբարանոցի հետևում գունդը հեծյալ շարքով դիմավորեց բրիգադի հրամանատարին: Մինչև կոճակները թրջված՝ ձիերի ոտները գոլորշի էին արձակում: Ազոավներն առանց վախենալու նստում էին շարքի հետևում, հավաքում ու կտցում էին ձիու թրիքի նարնջագույն խնձորները:

Բրիգադի հրամանատարը սևաթույր, բարեկազմ մի ձի նստած, գնդի հրամանատարի ուղեկցությամբ մոտեցավ կազակներին: Սանձը քաշքշելով՝ դիտեց հարյուրյակները: Խոսեց՝ կարծես մերկ ձեռքով իրենից վանելով իր անվստահ, խուլ խոսքերը:

— Կազակներ, ժողովրդի կամքով մինչ այժմ թագավորող Նիկոլայ երկրորդ կայսրը... Ե-Ե-Ե... զահրենկեց է արված: Իշխանությունն անցել է Պետական դումայի ժամանակավոր կոմիտեին: Բանակը, այդ թվում նաև դուք, պետք է հանգիստ ընդունեք այս... Ե-Ե-Ե... լուրը... Կազակների գործն է իրենց հայրենիքը պաշտպանել արտաքին և... Ե-Ե-Ե... այսպես ասած, արտաքին թշնամիների ոտնձգություններից: Մենք հեռու կլինենք սկսված խառնակությունից, կթողնենք, որ քաղաքացիական բնակչությունը ընտրի նոր կառավարություն կազմակերպելու ճանապարհները: Մենք պետք է հեռու լինենք: Բանակի համար պատերազմն ու քաղաքականությունն անհամատեղելի են... Բոլոր հիմքերի այսպիսի... Ե-Ե-Ե... ցնցումների օրերին մենք պետք է ամուր լինենք ինչպես...— բրիգադի հրամանատարը, ծեր, անշնորհք ու ջանադիր մի գեներալ, ճառ ասելու սովոր չլինելով, շշկվեց. համեմատություններ փնտրեց. նրա պլպլան դեմքի վրա տանջալից կարկամությամբ դողում էին հոնքերը. հարյուրյակները համբերությամբ սպասում էին.— Ե-Ե-Ե... ինչպես պողպատ: Ձեր կազակական զինվորական պարտքը ձեզ կոչ է անում ենթարկվել ձեր պետերին: Մենք թշնամու դեմ կկռվենք նույնպես քաջաբար, ինչպես և առաջ, իսկ այնտեղ...— շեղակի, անհաստատ մի շարժում դեպի ետ,— թող Պետական դուման որոշի երկրի բախտը: Կվերջացնենք պատերազմը, այն ժամանակ մենք էլ կմասնակցենք ներքին կյանքին, իսկ առայժմ մեզ... Ե-Ե-Ե... չի՛ կարելի: Մենք չենք կարող բանակը... Բանակում քաղաքականություն չպետք է լինի:

Հենց այստեղ, կայսրսնում, մի քանի օրից հետո երդում տվին ժամանակավոր կառավարության, գնում էին միտինգներ՝ հայրենակցական մեծ խմբեր կազմած, իրենց հեռու պահելով զինվորներից, որոնք հեղեղում էին կայարանը: Հետո երկար քննարկում էին լսած ճառերը. վերհիշելով, անվստահորեն տնտղում էին յուրաքանչյուր կասկածելի խոսքը: Բոլորի մեջ էլ առաջացավ այն համոզմունքը, որ եթե ազատություն է, ուրեմն վե՛րջ պատերազմին, և պինդ արմատացած այդ համոզմունքի դեմ դժվարությամբ էին պայքարում

սպաները, որոնք պնդում էին, թե Ռուսաստանը պարտավոր է պայքարել մինչև վերջ:

Շփոթվածությունը, որ հեղաշրջումից հետո տիրել էր բանակի վերնախավերին, ծանր էր անդրադառնում մասսաների վրա. դիվիզիայի շտաբը ասես մոռացել էր կես ճանապարհին մնացած բրիգադի գոյությունը: Գնացքից իջնելուց հետո բրիգադն արդեն սպառում էր ութ օրվա համար տրված պարենը, զինվորները խմբերով գնում էին մերձակա գյուղերը, շուկայում որտեղից-որտեղ սպիրտի վաճառք սկսվեց, և արդեն այն օրերին հարթած զինվորներ ու սպաներ տեսնելը սովորական բան էր դարձել:

Փոխադրման պատճառով պարտականությունների սովորական հունից դուրս եկած կազակները ձանձրանում էին վազոններում, սպասում, որ իրենց կուղարկեն Գոն (խիստ համառ լուր էր պտտվում, թե երկրորդ հերթի մոբիլիզացվածներին արձակելու են ծառայությունից), անփուլթ կերպով էին խնամում ձիերին, ամբողջ օրերով խռնվում էին շուկայի հրապարակում, դիրքերում հավաքած, հեշտությամբ վաճառվող առարկաներ էին ծախում,— գերմանական վերմակներ, սղոցանման սվիններ, շինեյներ, կաշվե մաղախներ, ծխախոտ... Բազմաճակատ վերադառնալու հրամանը բացահայտ տրտունջով ընդունվեց: Երկրորդ հարյուրյակը հրաժարվեց մեկնելուց, կազակները թույլ չտվին շոգեբարձ կցել գնացքին, բայց գնդի հրամանատարը սպառնաց զինաթափմամբ, և հուզմունքը իջավ, հարթվեց: Էշելոնները մեկնեցին ուղիմաճակատ:

— Տղերք, սա ի՞նչ բան է. միթամ ազատություն է, ամա էլի՛ պատերազմ, ուրեմս էլի արյո՞ւն պիտի թափենք, հը՞: — Սկսում են հուպ տալ, ոնց որ հնում: — Բա էլ ինչի՞ գլորեցին ցարին: — Մեզ համար ոնց որ նրա ժամանակ ծանր էր, այնպես էլ հիմի է... — էլի առաջվա գլխացավանքը: — Ըհը՛մ: — Բա մինչև ե՛րբ պետք է այսպես լինի... — Չորրորդ տարին է, որ հրացանը ձեռիցդ վար չես

դնում:— Այսպիսի խոսակցութիւններ էին տեղի ունենում վագոններում:

Մի ինչ-որ հանգուցային կայարանում կազակները, ասես պայմանավորված լինելով, դուրս թափվեցին վագոններից, ու շլახելով գնդի հրամանատարի հորդորանքները և սպառնալիքները, միտինգ սկսեցին: Պարետը և դառամյալ կայարանապետը իզո՛ւր էին դես-դեն ընկնում կազակական շինելների գորշ ծովի մեջ ու խնդրում կազակներին, որ սրանք նստեն վագոնները. ազատեն երկաթգծերը: Կազակները լարված ուշադրութեամբ լսում էին երրորդ հարյուրյակի ուրյադնիկի ճառը: Նրանից հետո խոսեց ցածրահասակ, բարեկազմ կազակ Մանժուկովը: Նրա սպիտակած, ցասկոտութիւնից ծրուժովող բերանից դժվարութեամբ էին դուրս թռչում բարկացկոտ խոսքերը.

— Կազակներ, այսպես հո չի՞ կարելի: Մեզ էլի՞ խաթայի մեջ գցեցին: Ուզում են խաբերալութիւն անել: Եթե որ ունոյուցիա է եղել ու ամբողջ ժողովրդին ազատութիւն տրուվել, ուրեմս պետք է վերջացնենք պատերազմը, որովհետև ժողովուրդն ու մենք պատերազմ չենք ուզում: Կա՞մ չե՞մ ասում, հը՞, ճի՞շտ եմ ասում:

— Ծի՛շտ է:

— Զուր տեղն են շարշարում:

— Բոլորս էլ զզվել ենք, էլի՞:

— Հրես, շարվարս ո...իցս ընկնում է... ի՞նչ պատե՞րազմ, ի՞նչ բան:

— Զե՛նք ուզու՞ո՛ւում:

— Գնա՛նք մեր տները:

— Ե՛տ քաշել պարավոզը: Տեղո՛տ, դե՛հ:

— Կազակներ, սպասեցե՛ք, կազակներ, տղե՛րք, տո՛, աստանե՛ք, ձեր բերանը, պլոճիկը, ձեր հոգին... Եղբայրե՛նք, — ճիգ էր թափում Մանժուկովը՝ աշխատելով իր ձայնը լսելի դարձնել հազարավոր բղավոցների մեջ, — կացե՛ք, է՛. պարավոզը հլա թողեք, դա մեզ հարկավոր չի, միայն խաբելու համար է... Թող գնդի նորին բարձր բարեծննդութիւն հրամանատարը մեզ դոկումենտ ցույց տա՝ իսկապե՞ս պահանջում են, որ մենք գնա՞նք ֆրոնտ, թե՞ սա նրա քմահաճույքըն է...

Գնդի հուզված, ինքն իրեն կորցրած հրամանատարը, դուրս գնանելով շրթունքները, բարձրաձայն կարգաց դիվիզիայի շտաբից իր ստացած հեռագիրը՝ գունդը ռազմաճակատ փոխադրելու մասին. միայն դրանից հետո գունդը լցվեց վագոնները:

Մի վագոնում գտնվում էին Տատարսկի խոտորից վեց հոգի, որոնք ծառայում էին 27-րդ գնդում, — Պետրո Մելեխովը, Միշկա Կոշևոյը, հարազատ հորեղբայր Նիկոլայ Կոշևոյը, Անիկուշկան, Տեղոտ Բոդովսկովը, Մերկուկովը, — գնչուի նման մի կազակ՝ սև, գանգուր մորուքով ու շարաճճի, բաց դարչնագույն աչքերով, ու Մաքսիմկա Գրյազնովը, Կորշուկների հարևանը, ցոփ և ուրախ մի կազակ, որը մինչև պատերազմը ստանիցայի ամբողջ հողում անվախ ձիագողի սև հոշակ էր ստացել: «Մերկուկովին շատ է՛լ սազում էր ձի թոցնել, — ոնց որ ցիգան լինի ու ես ի՞նչ գիտեմ էլ ինչ... ամա, տեսե՛ք, չի գողանում: Իսկ դու, Մաքսիմ ձիու պոչը տեսար թե չէ, ջանդ կրակ է ընկնում», — շարունակ ծիծաղում էին կազակները Գրյազնովի վրա: Մաքսիմկան կարմրում էր, կկոցում վուշի ծաղկի պես կապույտ աչքերը, անվայել կատակի էր տալիս. «Մերկուկովի մոր հետ գիշերել է ցիգանը, իմ մերն էլ երեկ նախանձել է, թե չէ ես մի՞թե... չէ, ախպեր, աստվա՛ծ չանի... այգպիսի բան անողն ո՞վ է որ...»

Վագոնում միջանցիկ քամին էր փչում. ձիերը կանգնած էին հապճեպ սարքված մսուրների մոտ, տապալակներով ծածկված. վագոնի մեջտեղում, սառած հողաթմբի վրա ծուխ էին արձակում թաց փայտի կտորները. բարկ ծուխը ելնում էր դռան ճեղքից: Կազակները նստել էին թամբերի վրա, կրակի շուրջը, շորացնում էին քրտնքից ու թացութիւնից հոտած ոտնափաթաթանները: Տեղոտ Բոդովսկովը կրակի մոտ տաքացնում էր մերկ, ծուռ ոտները: Նրա կալմիկական, անկյունավոր այտուկներ ունեցող դեմքի վրա խաղում էր գոհ ժպիտը: Գրյազնովը մոմաթելով հապճեպ կպցնում էր պոկված կոշկատակը, ու հայտնի չէ ում դիմելով, ծխից խոպված ձայնով ասում էր.

— ... Փոքր էի, ձմռանը, մեկ էլ տեսար, ելա վառարանի վրա, ու տատս էլ (նա այն տարիներին հարյուրից է՛լ անց էր) մատնեղով գլուխս շոշափում, ոջիլ է ման գալի, ասում է.

«Անքիս լուս, Մա՛քսիմուշկա, հնում խալիսը այսպես չէր ապրում, լավ էր ապրում, ոնց որ կարգն է, զլխին փորձանք չէր գալի: Իսկ դու, զավակս, այնպիսի օրերի կհասնես, որ կտեսնես, թե ինչպես ամբողջ հողի վրա երկաթի լարեր կքաշեն, ու կապույտ երկնքովը երկաթի քթերով թռչուններ կթռչեն, կկտցեն մարդկանց, ոնց որ ագռավը ձմերուկ է կտցում... Ու մարդկանց մեջ ժանտախտ ու սով կլինի, աղբերն աղբոր դեմ կենի, տղան հոր դեմ... Ինչքան որ հրդեհից խոտ է մնում, այնքան ժողովուրդ կմնա»: Եվ ի՞նչ, — մի փոքր լռելուց հետո շարունակեց Մաքսիմը, — դրուստ որ հենց այդպես էլ ելավ. հեռագիր հնարեցին, — ահա քեզ և երկաթե լարը: Իսկ երկաթե թռչունները օդանավերն են: Դրանք մի՞թե քիչ են կոտորել մեզ նմաններին: Սով է՛լ կլինի: Մերոնք այն տարիներին ցանած հացի կեսն են ցանում, այդպես էլ ամեն մի ուսնչպար: Ստանիցաներում ծերերն ու երեխան են մնացել, ու հենց որ բերք չեղավ, ահա քեզ և «սովը»:

— Իսկ աղբերն աղբոր դե՞մ, այդ ի՞նչ փշոց է, — հարցրեց Պետրո Մելիսովը՝ խառնելով կրակը:

— Հլա կաց, ժողովուրդը դրան է՛լ կհասնի:

— Իշխանություն չեն հաստատի ու իրար կխառնվեն, — միջամտեց Տեղոտ Բողովակովը:

— Հարկ կլինի դեռ խաղաղացնել խառնակիչներին:

— Դու նախ՝ գերմանացու հետ վերջացրու բանը, — ծիծաղեց Կոշևոյը:

— Ի՞նչ կա որ, հլա դեռ կկովենք...

Անիկուշկան շինծու վախից կնճռոտելով անմազ, կանացի դեմքը, բացականչեց.

— Ո՛վ երկնային թագավոր, ախր մինչև ե՞րբ «կկլըռվենք», է՞:

— Մինչև այն ժամանակ, երբ դու, կուտած մարդ, մազ ու մորուք ունենաս, — խայթեց նրան Կոշևոյը:

Կրակի շուրջ նստածները ծիծաղեցին միասին: Պետրոն հազաց շնչափողը ընկած ծխից, ու արցունքներով լի աչքերը Անիկուշկային հառած, մատով ցույց էր տալիս նրա կողմը:

— Մազը հիմար բան է... — շփոթվելով մոթմոթաց Անիկուշկան, — բուսնում է այնտեղ, ուր պետք չէ... Դու, Կոշևոյ, զուր ես ձեռ առնում...

— Զէ՛, հերիք եղավ, արդեն կշտացել ենք, — անուսասեւ լի բռնկվեց Գրյազնովը: — Մենք այստեղ շարաբովում ենք, ոչիլների կերակուր դառնում, իսկ այնտեղ մեր ընտանիքները ծով կարոտություն մեջ են, և այն էլ ինչպե՛ս... կտրես — արյուն չի գա:

— Էլ ինչո՞ւ ես շարանում, — կծոտելով ցորնագույն բեղը, հեզնաբար հարցրեց Պետրոն:

— Հայտնի բան է թե ինչու... — Գրյազնովի փոխարեն պատասխանեց Մերկուլովը և խուճուճ, գնշուական մորուքի մեջ հուսալի կերպով թաքցրեց ժպիտը, — հայտնի բան է, կազակը գազագում... դարդ է անում... Ասենք թե նախրապանը հանդ է քշում նախիրը. քանի դեռ արևը չորացնում է շաղը, ոչինչ, տավարը արածում է, իսկ հրը որ արևը բարձրանում է, բոռը վրա է տալի, սկսում է դաղել անասուններին, հենց այստեղ էլ... — Մերկուլովը շարաճճիորեն աչքերը հառեց կազակներին, շարունակեց՝ դառնալով դեպի Պետրոն, — հենց այստեղ էլ, պարոն վախճիստը, խլշկոտում է տավարը: Դե՛հ, դու է՛լ գիտես, հո ցիլինդր դնողներից չե՛ս, դու էլ ես եղների պոչերը պտտել... Հա՛, մեկ էլ տեսար հորթներից մեկն ու մեկը պոչը տնկեց, բառաչեց, ու հա՛յդա: Նրա հետևից էլ ամբողջ նախիրը: Նախրապանը վազ է տալի՝ «է՛յ, հո՛-հո՛...» էլ ո՛րտեղից: Վազում է նախիրը հեղեղի պես, ոնց որ նեղվիսկայի մոտ մենք հեղեղի պես էինք վրա տալի գերմանացիներին: Դեհ արի ու կանգնեցրու նրան:

— Դու այդ ինչի՞ համար ես ասում:

Մերկուլովը միանգամից չպատասխանեց: Կայրագույն մորուքի մի փնջիկ փաթաթելով մատին, քաշքշեց այն, և արդեն լրջությամբ ու առանց ժպիտի ասաց.

— Չորրորդ տարին է, որ կովում ենք... այդպե՛ս է: Չորրորդ տարին է անցնում այն օրերից, երբ մեզ քշեցին խրամատները: Ինչո՞ւ և ինչի՞ համար, — ոչ ոք չի հասկանում... Հենց նրա համար եմ ասում, որ շուտով մի որևէ Գրյազնով կամ Մելիսով կճղի ֆրոնտից, նրա հետևից էլ գունդը, գնդի հետևից էլ բանակը... Հերի՛ք եղավ:

— Ա՛յ թե որտեղից ես բռնեցնում...

— Հենց որտեղից որ պետք է: Հո քոռ չե՛մ, տեսնում եմ էլի՛, ամեն բան մազից է կախված: Բավական է միայն բղա-

վել փի՛-շտ», — ու ամեն բան կընկնի ոնց որ ճղճղված քուրքը ուտիդ վրայից: Չորրորդ տարում մեզ է՛լ են խլշկոտացրել: արեն ու բռռերը:

— Դու մի քիչ զգույշ, է՛յ, — խորհուրդ տվեց Բողոմակովը, — թե չէ Պետրոն... Նա ախր վախճիստը է...

— Ես խկի է՛լ չեմ նեղացրել ընկերներիս, — ջղայնացավ Պետրոն:

— Մի՛ հերստտի, հանաք եմ անում:

Բողոմակովը շփոթվեց, շարժեց բորիկ ոտների ծուռտիկ մատները ու վեր կացավ, մոտեցավ մսուրին:

Մի անկյունում, արկղաձև մամլած խոտի մոտ հուշիկ խոսակցում էին ուրիշ խոտորների կազակները: Նրանցից մի-այն երկուսը՝ Ֆադեևն ու Կարգինը, Կարգինսկի խոտորից էին, մնացածները, — ութ հոգի, — այլևայլ խոտորներից ու ստանիցաներից էին:

Մի քիչ հետո նրանք երգեցին: Երգը սկսեց Չիր գետի մերձակայքի կազակ Ալիմովը: Նա փորձեց երգել մի պարերգ, բայց մեկը շրմփացրեց նրա քամակին, խապտո բղավեց.

— Թողնե՛լ...

— է՛յ, ազբեր-տղերք, մոտեցեք կրակին, — հրավիրեց Կոշևոյը:

Խարույկի մեջ տաշեղներ (մի կիսակայարանում ջարդած ցանկապատի կտորտանքը) գցեցին: Կրակի շուրջը է՛լ ավելի ուրախ էր զնգում երգը.

Մարտական ձին ճամփի բեռով բեռնըված,
Սպասում է ժամի կողքին ու փնջում:
Տատն է լալիս թռան ձեռքը սինդ բռնած,
Ջահել կինը արտասուքներ է թափում:
Հազած-կապած զենք ու զրահ մարտական,
Սուրբ տաճարից դուրս է գալիս մի կազակ,
Մտ է բերում կինը նրա նժույգ-ձին,
Քրոջ որդին մատուցում է սուր նիզակ...

Հարևան վագոնում հարմոնը թավ հնչյուններով «կազա-ռոկ» էր նվագում: Տախտակե հատակի վրա անխնայորեն դոփողոփում էին պետական սապոգների կրունկները, մեկը անհաջող ձայնով, բառերն անլսելի արտասանելով, երգում էր.

Ա՛խ դուք դառն հոգս ու ցավեր,
Թագավորի ճշող լուծ,
Վիզն են մաշում կազակների,
Շունչ չեն քաշում տանջվելուց:
Պուգալը Դոնի ափին
Ձեն է տալի ճնշված մարդին,—
«Հե՛յ, կազակներ, ատամաննե՛ր...»

Երկրորդը ծածկելով առաջինի ձայնը, վրա էր տալիս անկապ արտահայտություններով, շուտասելուով.

Հալալ ծառայում ենք ցարին,
Կարոտում ենք թողած յարին:
Չենք կարոտի, թե կին գտնենք,
Ցարին հիմի... կ՛կեկենք,
է՛յ, վրա տուր, երգիր, թնդա...
Օ՛ֆ-հա-հա-հա, է՛յ-հա-հա-հա...
Ի-հա-հա-ա, ժ՛-հա-հա-հա:

Կազակները արդեն վաղուց ընդհատել էին երգը և ունկնդրում էին հարևան վագոնում սաստկացող մոլի բղավոցներին, աչքով էին անում իրար, համակրանքով ծպտում: Պետրոն Մելիխովը շհամբերեց ու փա՛ռ-փառ ծիծաղեց.

— Վա՛յ սատանի բաժին դառնաք դուք:

Մերկուլովը դարձնազույն, դեղին կայծով ցողված աչքերում ուրախ լուսատուիկներ շողացին. նա տեղից վեր թռավ, ու հարմարվելով երգի տակտին, սկսեց սապոդի թթով արագ ու ճարպիկ շարժումներ անել, ու հանկարծ ոտները խփելով հատակին, թեթև, ճկուն, համաչափ պզզապարի անցավ: Բոլորն էլ հերթով պարում էին, — դրանով տաքանում: Հարևան վագոնում արդեն վաղուց լռել էր հարմոնը, այնտեղից խըռպոտ ու թունդ հայհոյանքներ էին լսվում: Իսկ այստեղ պարում էին մոլեզնաբար, անհանգստացնում ձիերին ու վերջացրին միայն այն ժամանակ, երբ ոգևորված Անիկուշկան պարի ամենաարտասովոր մի շարժում կատարելիս հետույքով ընկավ կրակի վրա: Անիկուշկային ոտքի հանեցին քրքջոցներով, մի կտոր մոմի լույսով երկար դիտեցին բոլորովին նոր, հետևից վառված ու փշացած շավարը և բամբակած կուրտ-կայի խանձված ծայրերը:

— Հանիր շավարդ, տո՛ւ, — ցավակցաբար խորհուրդ տվեց Մերկուլովը:

— Գծվե՞լ ես, ա՛յ զնչու, բա ի՞նչ պիտի հագնեմ:

Մերկուլովը խառնխտեց մախազը, հանեց կնոջ մի կտավե շապիկ: Կրակը նորից թեծացրին: Մերկուլովը բռնել էր շապիկի նեղ ուսերից. դեպի ետ թեքվելով, ծիծաղից տնքտընքալով, ասում էր.

— Հրե՛ս... օ՛յ, օֆ. սա գողացել էի կայարանում, ցանկապատի վրայից... Ոտի փաթաթան պիտի անեի... օֆ, Չե՛մ ճշի... Վերցրո՛ւ:

Շապիկը զոռով հագցնելով հայհոյանք թափող Անիկուլկային, այնքա՛ն սաստիկ ու փա՛ռ-փառ էին ծիծաղում, որ հարևան վագոնների դռներից դուրս էին խցկվում հետաքրքրվողների գլուխները, գիշերային մթության մեջ բոռում էին նախանձոտ ձայները.

— Ի՞նչ եք անում այդտեղ, է՛յ:

— Ամա՛ թե խրխնջում են հա՛ւա:

— Տո՛, է՛յ, ի՞նչ է պատահել:

— Այդ ո՞ւմ եք տկլոր տեսնում, էյ, դարձվոր կնկա սիրահարներ:

Հետևյալ կայարանում առջևի վագոնից քարշ տվին հարմոնիոտին, մյուս վագոններից եկան ու ներս լցվեցին կազակները, ջարդոտեցին մսուրները, խոնվեցին՝ ձիերը սեղմելով վագոնի պատին: Փոքրիկ բուլորակում պարում էր Անիկուլկան: Սպիտակ շապիկը, որ ըստ երևույթին պատկանել էր ահագին, երկարահասակ մի կնոջ, նրա վրա երկար էր, ընկնում էր ոտների տակ, բայց աղմուկն ու քրքրոցը խրախուսում էին Անիկուլկային. նա պարեց մինչև ուժասպառ լինելը:

Իսկ արյունով ողողված Բելոռուսիայի վրա տխուր արտասվում էին աստղերը: Վերևում փոված էր մառախլապատ, սև, անդնդախոր գիշերային երկինքը: Քամին սողում էր երկրի վրա, որ հագեցված էր դիակնացած տերևների, կավախառն, տամուկ գետնի, մարտի ձյան դառն բույրերով:

IX

Մի օրից հետո գունդը արդեն մոտիկ էր ուղամաճակատին: Մի հանգուցային կայարանում կանգնեցրին էշելոնները: Վախմխտորեն հաղորդեցին հրամանը՝ «Բեռնաթափվել»:

կազակները լաստակների վրայով հապճեպորեն իջեցնում էին նները. թամբում, վազում վագոնները՝ շտապելուց մոռացած իրերը վերցնելու, մամլած խոտի խորանարդաձև, զզզված խուրձերը դուրս էին թափում հենց երկաթգծերի թաց, ավազոտ գետնի վրա, իրար էին անցնում:

Գնդի հրամանատարի բանքերը կանչեց Պետրո Մելեխովին:

— Գնա կայարան, հրամանատարը կանչում է:

Շտկելով շինելի վրայից կապած գոտին, Պետրոն առանց շտապելու գնաց դեպի պլատֆորմ:

— Անիկե՛յ, մտիկ արա ձիուս,— խնդրեց նա ձիերի մոտ կանգնած Անիկուլկային:

Վերջինս լուռ նայեց նրա հետևից, նրա անուրախ, նոթոտ դեմքի վրա մտահոգությունը միախառնված էր սովորական ձանձրույթի հետ: Պետրոն քայլելիս նայում էր իր սապոգներին, որոնք կեղտոտվել էին կավախառն դեղնահողի ցեխով, ու մտածում էր, թե իրեն ինչի համար է կանչել զնդի հրամանատարը: Նրա ուշադրությունը գրավեց մի փոքրիկ խումբ, որ հավաքվել էր պլատֆորմի ծայրում, եռաչրի բաքի մոտ: Նա մոտեցավ՝ դեռ հեռվից ականջ դնելով խոսակցությանը: Քսան հոգի գինվոր շրջապատել էին բարձրահասակ, խարտյաշ մի կազակի, որը կանգնել էր մեջքով դեպի բաքը, անհարմար, հալածված վիճակում: Պետրոն վիզը երկարացնելով, նայեց Ատամանյան գնդի խարտյաշ այդ կազակի ինչ-որ ծանոթ, մորուքակալած դեմքին, նրա ուրյադնիկական կապույտ ուսադիրների «52» թվանշաններին. մտածեց, որ մի ժամանակ, մի տեղ տեսել էր այդ մարդուն:

— Ո՞նց արեցիր այդ բանը, հը՞: Դեռ թելեր է՛լ են կարել ուսադիրիդ վրա, ը՛հմ... — շարախնդությանը հարցրեց խարտյաշ կազակին պեպենտ, խելացի դեմքով մի կամավոր:

— Ի՞նչ է պատահել,— հետաքրքրվեց Պետրոն՝ շոշափելով աշխարհազորայինի ուսը. վերջինս կանգնած էր մեջքը դեպի Պետրոն:

Աշխարհազորայինը գլուխը շուռ տալով, դժկամ պատասխանեց.

— Բռնել են իբրև դասալիք... Ձեր կազակներից եմ:

Սաստիկ լարելով հիշողությունը, Պետրոն փորձում էր

վերհիշել, թե որտեղ է տեսել ատամանցու այդ լայն դեմքը՝ շեկ բեղերով ու շեկ հոնքերով: Չպատասխանելով կամավորի ձանձրացուցիչ հարցերին, ատամանցին դանդաղորեն, կուսկուս եռաչուր էր խմում արկի պարկուճից շինված պղնձե բաժակից, ջրով թրջած սև պաքսիմատ էր ուտում: Նրա լայնադիր, ուռուցիկ աչքերը կկոցվում էին. ծամելով ու կուս տալով, նա խաղացնում էր հոնքերը, նայում ներքև ու դեպի այս և այն կողմ: Նրա կողքին, հրացանի սվինից բռնած, կանգնել էր ուղեկցորդը,— տարեց, վայելչակազմ մի զինվոր: Դասալիք ատամանցին դատարկեց բաժակը, հոգնած աչքերով նայեց առանց քաշվելու իրեն զննող զինվորների դեմքերին, ու նրա կապույտ, մանկականորեն պարզ աչքերում անսպասելիորեն բռնկվեց ցասումը: Հապճեպ կուս տալով վերջին կուսը, նա լիզեց շրթունքները, կուպիտ, շկերկերող բասով գոռաց.

— Ձեզ համար զարմանալի՞ է, հը՞: Չեք թողնում, որ մարդ մի կտոր հաց ուտի, սրիկաններ: Մարդ շե՞ք տեսել, ինչ է:

Հինվորները ծիծաղեցին, իսկ Պետրոն, հենց որ լսեց գասալիքի ձայնը, միանգամից, ինչպես միշտ լինում է, ապշեցուցիչ պարզութամբ հիշեց, որ այդ ատամանցին Ելանսկայա ստանիցայի Ռուբեժին խուտորից է, ազգանունը Ֆոմին է, և որ պատերազմից առաջ ինքը և հայրը Ելանսկայայի տարեկան տոնավաճառում նրանից երեք տարեկան մի աշառ էին գնել:

— Ֆոմին, Յակով,— կանչեց Պետրոն՝ հավաքվածների միջից մոտենալով ատամանցուն:

Վերջինս դանդաղ, տարտամ շարժումով բաժակը դրեց բաթի վրա. ծամելով պաքսիմատը, շփոթված ու ժպտացող աչքերը հառելով Պետրոյի վրա, ասաց...

— Չե՛մ ճանաչում, աղբեր...

— Դու ուրեժիցի՞ս ես:

— Այնտեղացի եմ: Դու էլ երևի Ելանսկայայից ես, հը՞:

— Ես Վեշենսկայայից եմ, ու քեզ հիշում եմ: Հինգ տարի առաջ ես ու հերս քեզանից մի աշառ առանք:

Ֆոմինը էլի նույն շփոթված, մանկական ժպիտը երեսինչ քստ երևույթին ջանում էր վերհիշել այդ:

— Չէ, աղբեր... միտս չես գալի,— ավներև ամսոսանքով ասաց նա:

— Դու 52-րդ գնդո՞ւմն էիր:

— Հա՛, 52-րդում:

— Ուրեմն ճղել ես, էլի՛: Բա այդ ո՞նց է պատահել, աղբերացու:

Այդ ժամանակ Ֆոմինը վերցնելով փափախը, դրա միջից հանեց թութունի մաշված մի տոպրակ: Կորանալով, նա փափախը դանդաղ դրեց թևի տակ, կտրեց թղթի անկյունաձև մի կտոր և միայն այդ ժամանակ խիստ, խոնավ-երերուն հայացքով նայեց Պետրոյին:

— Չկարացի համբերել, աղբերս...— տարտամորեն ասաց նա:

Այդ հայացքը խոցեց Պետրոյին: Սա հոգոց հանեց, դեղնավուն բեղի ծայրը տարավ բերանը:

— էհ, հայրենակիցներ, վերջացրեք խոսակցութունները, թե չէ ձեր պատճառով իմ գլխին էլ փորձանք կգա,— հրացանն ուսին գցելով՝ ասաց վայելչակազմ ուղեկցորդ-զինվորը:— Գնա՛նք, հայրիկ:

Ֆոմինը բաժակը հապճեպ խոթեց փամփշտակալի մեջ, մի կողմ նայելով՝ հրածեշտ տվեց Պետրոյին ու շորորուն, անճոռնի քայլվածքով գնաց դեպի պարետատուն:

Կայարանում, նախկին առաջին կարգի դահլիճում, սեղանի շուրջ նստել էին գնդի հրամանատարը և հարյուրյակների երկու հրամանատար:

— Դո՛ւ, Մելիխով, ստիպում ես սպասել քեզ,— զընդապետը թարթեց հոգնած, բարկացկոտ աչքերը:

Պետրոն տեղեկություն իմացավ, որ իր հարյուրյակը անցնում է զիվիզիայի շտաբի տրամադրության տակ և որ անհրաժեշտ է խիստ հետամուտ լինել կազակներին, նրանց տրամադրության ամեն մի փոփոխության մասին հաղորդել հարյուրյակի հրամանատարին: Նա անթարթ նայում էր գընդապետի աչքերին, ուշադրությամբ լսում, բայց հիշողության մեջ համառորեն մնում էին, ասես պինդ կպել էին Ֆոմինի երերուն, խոնավ հայացքը և նրա կամացուկ խոսքը՝ «Չկարացի համբերել, աղբերս»...

Նա դուրս եկավ կայարանի խեղդուկ, տաք շինքից, քայլ-
լից դեպի հարյուրյակը: Հենց այստեղ կայարանում, կանգ-
նած էր գնդի երկրորդ կարգի գումակը: Մոտենալով իր վա-
զոնին, Պետրոն տեսավ գումակի կազակներին և հարյուրյա-
կի պայտառին: Նայելով պայտառին, Պետրոն մոռացավ Ֆո-
մինին և նրա հետ ունեցած խոսակցությունը, արագացրեց
քայլերը՝ նպատակ ունենալով խոսել ձին վերապայտելու մա-
սին (այդ ակնթարթում Պետրոյին արդեն տիրել էին առօրյա
հոգսերն ու հուզումները), բայց կարմիր վագոնի հետևից
դուրս եկավ մի կին, որը փաթաթված էր սպիտակ, բրդե
շարՓով, հագնված էր ո՛չ այնպես, ինչպես հագնվում են լեհ-
բելոռուսական երկրում: Նրա կիրպարանքի խիստ ծանոթ
կազմվածքը Պետրոյին ստիպեց ուշադրությամբ նայել այդ
կնոջը: Վերջինս հանկարծ շուռ եկավ դեպի Պետրոն, արագ
քայլեց նրա կողմը՝ հազիվ նշմարելի կերպով դողացնելով
ուսերը, բարակ, ո՛չ կանացի իրանը: Ու Պետրոն նրա դեմքը
դեռ պարզ շտեսած, այդ շորորուն, թեթև քայլվածքից ճա-
նաչեց իր կնոջը: Թեթև, հաճելի մի զով հովհարեց նրա սիր-
տը՝ Ուրախությունը որքան անակնկալ, նույնքան ուժեղ էր:
Պետրոն քայլեց ընդառաջ, դիտմամբ հապաղելով, որ իրեն
նայող գումակայինները չկարծեն, թե նա առանձնապես
ուրախ է: Նա ծանրաբարո գրկեց կնոջը, համբուրեց երեք ան-
գամ, ուզում էր մի բան հարցնել, բայց ներքին խոր հուզ-
մունքը կասեցրեց նրան. թեթև դողացին շուրթերը ու կարծես
պապանձվեց լեզուն:

— Զէի սպասում... — վերջապես, կակազելով ասաց նա:

— Աղունի՛կս, այս ինչքա՛ն ես փոխվել... Դարյան
ձեռներն իրար զարկեց: — Դու ոնց որ թե օտար լինես... Եկա
քեզ տեսնելու... Մերոնք չէին թողնում. «Ախր ո՛ւր պիտի
գնաս»: — Զէ՛, — մտածում եմ, — գնամ տեսնեմ ջանիկիս... —
կլշկշում էր նա, սեղմվում ամուսնուն, թրջված աչքերը հառում
նրա աչքերին:

Կազակները խմբվում էին վագոնների մոտ. նայելով
նրանց, հոգոց էին հանում, իրար աչքով անում, տխրում:

— Պետրոյի բախտը բանեց, հա՛-ա...

— Իմ դարձվորը հո չի գա, պինդ նստել է:

— Այնտեղ նա մեկի տեղ տասը կգտնի:

— Ա՛յ թե Մելիխովը կնկանը մի գիշեր զոհեր իրեն դա-
սակի համար... մեր սովածության համար... Քիւ-ը՛մ...

— Գնա՛նք, տղերք, տես թե ո՛նց է կաշում մարդուն,
գնանք, թե չէ աչքներս կմթնեն:

Այդ պահին Պետրոն չէր հիշում, որ պատրաստվում էր
մեռնելու չափ թակել կնոջը, — նրան փաղաքշում էր մարդ-
կանց աչքի առաջ, ծխախոտից դեղնած, մեծ մատով շոյում
նրա գեղեցիկ, կամար հոնքերը, ուրախանում էր: Դարյան
նույնպես մոռացավ, որ ընդամենը երկու օր առաջ վագո-
նում գիշերը քնել էր դրագունական մի անասնաբուժակի
հետ, որը նրա հետ միասին խարկովից գալիս էր իր գունդը:
Բուժակը չափազանց փարթամ ու սև բեղեր ուներ, բայց հո
այդ ամենը եղել էր երկու օր առաջ, իսկ այժմ Դարյան ան-
կեղծ ուրախության արցունքներով գրկում էր ամուսնուն,
նայում նրան անմեղ, պայծառ աչքերով:

Ն

Ցասավուլ Եվգենի Լիստնիցկին արձակուրդից վերադառ-
նալուց հետո նշանակվեց Դոնի 14-րդ կազակական գունդը:
Նա շներկայացավ իր գունդը, ուր ծառայում էր առաջ և որ-
տեղից նա դեռ մինչև փետրվարյան հեղաշրջումը փախել էր
խայտառակ կերպով, — այլ ուղղակի գնաց դիվիզիայի շտաբ,
ու շտաբի պետը, երիտասարդ մի գեներալ Դոնի ազնվա-
կան-կազակական մեծաղղորդ ազգանունով, հեշտությամբ
հաջողեցրեց նրա տեղափոխությունը:

— Ես գիտեմ, յասավուլ, — ասաց նա Լիստնիցկուն, նրա
հետ իր սենյակում առանձնացած, — որ ձեզ համար դժվար
կլինի աշխատել չին պարագաներում, որովհետև կազակները
տրամադրված են ձեր դեմ, ձեր անունը ատելի է նրանց հա-
մար, և, իհարկե, ավելի խելացի բան կլինի, եթե դուք գնաք
տասնչորսերորդ գունդ: Այնտեղ սպաների բացառիկ լավ ընտ-
րություն է կատարված, կազակներն էլ ավելի կայուն են,
ավելի անփորձ, մեծամասնությունը Ուստ-Մեդվեդիցկու օկ-
րուգի հարավային ստանիցաներից է: Այնտեղ ձեզ համար
ավելի լավ կլինի: Դուք կարծեմ Նիկոլայ Ալեքսանիչ Լիստնից-

կու որդին եք, այո՞, — մի փոքր լռելուց հետո հարցրեց գնե-
րալը, ու դրական պատասխան ստանալով, շարունակեց. —
Իմ կողմից կարող եմ հավաստիացնել, որ մենք գնահատում
ենք այնպիսի սպաներին, ինչպես դուք եք: Մեր ժամանակ-
ներում նույնիսկ սպայական կազմի մեջ մեծամասնությունը
երկերեսանիներ են: Չկա ավելի հեշտ բան, քան հավատը
փոխելը, մինչև իսկ երկու աստժու աղոթելը... — խոսքը դառ-
նություն վերջացրեց շտաբի պետը:

Լիստնիցկին ուրախությամբ ընդունեց այդ նշանակումը:
Այդ նույն օրը նա մեկնեց Դվինսկ, ուր գտնվում էր 14-րդ
գունդը, իսկ մեկ օրից հետո արդեն ներկայացավ գնդի հրա-
մանատարին, գնդապետ Բիկադորովին, և հաճույքով գիտակ-
ցեց դիվիզիայի շտաբի պետի ասած խոսքերի արդարացիու-
թյունը. սպաները մեծ մասամբ միապետականներ էին. կա-
զակները, որոնց մի երրորդ մասը կազմում էին Ուստ-Նոպերս-
կայա, Կումիլժենսկայա, Գլազունովսկայա և այլ ստանիցա-
ների հնածեսները, բնավ ոչ հեղափոխականորեն էին տրա-
մադրված, զժկամությամբ էին տվել ժամանակավոր կառա-
վարությանը հավատարիմ լինելու երդումը, նրանք չէին
ըմբռնում իրենց շուրջը կատարվող իրադարձությունները,
և չէին էլ ուզում ըմբռնել. գնդի ու հարյուրյակների կոմի-
տեների մեջ անցել էին ստորաքարշ և հյու-հնազանդ կա-
զակները... Լիստնիցկին բերկրանքով շունչ առավ նոր պայ-
մաններում:

Նա սպաների մեջ հանդիպեց երկու հոգու, որոնք իր
հետ միասին ծառայել էին Ատամանյան գնդում և այստեղ
իրենց առանձնացած էին պահում. մնացածները խիստ միա-
համուռ, համերաշխ էին, բացահայտ կերպով խոսում էին
դինաստիայի վերականգնման մասին:

Գունդը մոտ երկու ամիս մնաց Դվինսկում իբրև միաս-
նական մի բուռնցք, ու հանգստացավ, կազդուրվեց: Դրանից
առաջ հետևակ դիվիզիաներին կցված հարյուրյակները թա-
փառում էին ռազմաճակատում, Ռիգայից մինչև Դվինսկ,
բայց ապրիլ ամսին ինչ-որ մեկի հոգատար ձեռքը միացրեց
թուր հարյուրյակները, ու գունդը պատրաստ էր: Սպայական
խիստ հսկողության տակ գտնվող կազակները դուրս էին գա-
լիս վարժությունների, լավ կիրակրում ձիերին, ապրում էին

չափած ու ձևած, խիտնջային կյանքով, զերծ մնալով դրսի
որևէ ազդեցությունից:

Նրանց մեջ կային անորոշ ենթադրություններ գնդի կա-
տարելիք բուն իսկ դերի մասին, բայց սպաներն առանց թաք-
ցրենելու ասում էին, որ մոտիկ ապագայում գունդը որևէ մեկի
հուսալի ձեռքում գեռ կպտտի պատմության անիվը:

Մոտակայքում ծառու էր լինում ռազմաճակատը: Բանակ-
ները մահվան տենդ էին ապրում, չէր հերիքում ռազմամը-
թերքը, պարենը. բանակներից անթիվ-անհամար ձեռներ էին
կարկառվում դեպի «խաղաղություն» երազական բառը. բա-
նակները տարբեր կերպով էին ընդունում հանրապետության
ժամանակավոր կառավարիչ Կերենսկուն, ու նրա հիստերիկ
ճշոցներից խաբված, սալթաքում էին հունիսյան հարձակ-
ման օրերին. բանակներում հասունացած զայրույթը կու-
տակվում էր ու հորդում ինչպես գետնի խորքից ժայթքող
աղբյուրների ջուրը...

Իսկ Դվինսկում կազակները հանգիստ, խաղաղ էին ապ-
րում. ձիերի ստամոքսները մարսում էին վարսակն ու քուս-
պը, կազակները հետզհետե մոռացության էին տալիս ռազ-
մաճակատում կրած ծանրությունները. սպաները ճշտապա-
հությամբ հաճախում էին սպայական ակումբ, լավ ուտում,
տաք-տաք վիճում էին Ռուսաստանի բախտի մասին...

Այսպես էր մինչև հուլիսի սկիզբը: Հուլիսի երեքին հրա-
ման եկավ՝ «Ճանապարհվել առանց մի ռուպե հապաղելու»:
Գնդի էջելոնները մեկնեցին դեպի Պետրոգրադ: Հուլիսի յոթին
կազակական ձիերի սմբակները արդեն դոփոփում էին մայ-
րաքաղաքի սալարկված փողոցներում:

Գունդը տեղավորեցին Նևսկու վրա: Լիստնիցկու հարյուր-
յակին հատկացրին առևտրական մի դատարկ շենք: Կազակ-
ներին սպասում էին անհամբերությամբ և ուրախությամբ.
այդ էր պերճախոս կերպով վկայում մայրաքաղաքի իշխա-
նությունների այն հոգացողությունը, որով նախօրոք սարքա-
վորվել էին կազակների համար հատկացված շենքերը: Փայ-
լում էին կրով նոր սպիտակացրած պատերը, մաքուր լվաց-
ված հատակները, սոճու փայտի նոր տախտակամածներից
կարահոտ էր գալիս. լուսավոր, մաքուր կիսանրքնահարկը
համարյա հարմարավետ էր: Լիստնիցկին ակնոցի տակ

կնճոտելով դեմքը, ուշադրությամբ զննեց շենքը, քայլեց կուրացնելու շափ սպիտակ պատերի տակ, գտավ, որ հարմարությունների իմաստով դրանից ավելի լավ շենք չէր կարող հատկացվել: Զննությունից բավարարված, նա քաղաքային վարչության մի կարճահասակ նրբագեղ հագնված ներկայացուցչի ուղեկցությամբ, — որին վիճակվել էր դիմավորել կազակներին, — դուրս եկավ բակը:

Արևի ճառագայթները ուղղաձիգ ընկել էին բակի խորունկ, լայն ջրհորի մեջ: Բազմահարկ տների պատուհաններից բնակիչները գլուխները հանած, նայում էին ամբողջ բակը լցրած կազակներին. հարյուրյակը ձիերը տեղավորում էր ախոռում: Ազատված կազակները խումբ-խումբ կանգնել կամ պոզել էին պատերի տակ, ստվերում:

— Տղերք, ինչո՞ւ չեք ներս գնում, — հարցրեց կիստնիցկին մոտիկում կանգնածներին:

— Կգնա՞նք, էլի, պարոն յասավու:

— Դեռ այնտեղ է՛լ կձանձրանանք...

— Զիե՞րը տեղավորենք, հետո կգնանք:

Կիստնիցկին զննեց պահեստը, որ ախոռների էր վերածվելու, ու խիստ տոնով ասաց՝ աշխատելով վերստին արտահայտել իր հակակրանքը իրեն ուղեկցող ներկայացուցչի նկատմամբ.

— Համաձայնության եկեք ում հետ որ հարկն է և պայմանավորվեցեք ահա թե ինչի մասին. մեզ համար անհրաժեշտ է էլի մի դուռ բաց անել: Հո մենք չե՞նք կարող հարյուր քսան ձիու համար երեք դուռ ունենալ: Տագնապի դեպքում մեզ հարկավոր կլինի կես ժամ՝ ձիերը դուրս տանելու համար... Տարօրինա՛կ է, մի՞թե չէր կարելի իր ժամանակին հաշվի առնել այս հանգամանքը: Ես ստիպված կլինեմ այս մասին զեկուցել զնդի հրամանատարին:

Անմիջապես հավաստիացում ստանալով, որ հենց այսօր ոչ թե մեկ, այլ երկու դուռ կբացվի, կիստնիցկին հրաժեշտովեց ներկայացուցչին. շոր տոնով շնորհակալություն հայտնելով նրա քաշած նեղություն համար, կարգադրություն արեց օրապահներ նշանակելու մասին ու գնաց երկրորդ հարկ, հարյուրյակի սպաներին հատկացված ժամանակավոր բնակարանը: Քայլիլիս արձակելով կիտելի կոճակները, սրբելով

ճակատի քրտինքը, նա բակի կողմի սանդուղքով բարձրացավ իր բնակարանը, բերկրանքով զգաց սենյակների մեղմ, խոնավ դովությունը: Բնակարանում, բացի փոխ-յասավու Ատարշիկովից, ուրիշ ոչ ոք չկար:

— Որտեղ են մյուսները, — հարցրեց կիստնիցկին, ընկավ բրեզենտե մահճակալին ու ծանր մեկնեց փոշոտված սապոյններով ոտները:

— Փողոցում են: Դիտում են Պետրոզարդը:

— Իսկ դո՞ւ:

— Է՛հ, գիտե՞ս, չարժե: Տեղ հասան թե չէ, իսկույն վաղ տվին քաղաք: Ես, ահա, կարդում եմ, թե այստեղ ինչ է եղել երկու օր առաջ: Հետաքրքի՛ր է:

Կիստնիցկին լուռ պռակել էր, զգալով, թե ինչպես մեջքի վրա հաճելի կերպով պաղում էր քրտինքից թաց շապիկը, նա ծուլանում էր վեր կենալ ու լվացվել. դա ճանապարհին հոգնելու հետևանքն էր: Ինքն իրեն հաղթահարելով, նա վեր կացավ, կանչեց բանբերին: Փոխեց սպիտակեղենը, երկար լվացվեց, ֆոֆոացրեց, բրդոտ երեսսրբիչով սրբեց արևից գորշացած, լիքը պարանոցը:

— Լվացվիր, Վանյա, — խորհուրդ տվեց նա Ատարշիկովին, — հիանալի կթարմանաս... է՛, ի՞նչ կա լրագրերում:

— Այո, իսկապես որ պետք է լվացվել: Ասում ես, վատ չի՞ լինի... Լրագրերո՞ւմ, նկարագրված են բուլշևիկների ելույթները, կառավարական միջոցառումները... Կարգա՛:

Լվացվելուց հետո զվարթացած կիստնիցկին լրագրեր վերցրեց կարդալու, բայց նրան հրավիրեցին զնդի հրամանատարի մոտ: Դժկամորեն վեր կենալով, նա հագավ նոր կիտելը, որ օճառի հոտ էր արձակում, խիստ ճիւղտվել էր ճանապարհի՛. կապեց թուրը ու դուրս գնաց պողոտա: Անցնելով մյուս կողմը, շուռ եկավ, դիտեց այն տունը, ուր տեղավորվել էր հարյուրյակը: Արտաքին կողմից իր տեսքով տունը ոչնչով չէր տարբերվում մնացած տներից. հինգ հարկանի այդ տունը, գորշ ու ծակոտկեն քարով երեսված, կանգնած էր նույնպիսի տների համաշափ շարքում: Վառձուով ծխախոտը, կիստնիցկին դանդաղ քայլեց մայթի վրա: Հոսում էր հոժ բազմությունը տղամարդկանց ծղոտե լայնեզր գլխարկներով, կաթսայաձև գլխարկներով ու կեպիներով:

ներորեն պարզ ու շքեղաշուք կանացի գլխարկներով: Ընդհանուր հոսանքում երբեմնակի երևում էր որևէ զինվորականի հասարակ ձևի գլխարկը ու շքանում խայտաբղետ, երերափայլ գույների մեջ:

Մովսիսորշից ալիք-ալիք գալիս էր զվարթացուցիչ, զով քամին, բայց, դիպչելով շենքերի դիք, վիթխարի կառուցվածքներին, ցրիվ էր գալիս թեթև անհամաշափ շիթերով: Պողպատե, յասամանագույն երանգավորված, գորշ երկնքում ամպերը դեպի հարավ էին սահում: Ցայտունորեն ու սուր կարկառվել էին նրանց կաթնավուն-սպիտակ կատարները: Քաղաքի վրա նախաանձրևային շոգ տոթ էր կախված: Զդացվում էր տաքացած ասֆալտի, բենզինի այրվածքի, մերձակա ծովի, կանանց թունդ, գրգռիչ օծանելիքի հոտը ու էլի ուրիշ հոտերի ինչ-որ տարատեսակ, անբաժանելի մի խառնուրդ, որ հատուկ է յուրաքանչյուր բազմամարդ քաղաքին:

Լիստնիցկին ծխում էր ու դանդաղ քայլում մայթի աջ կողմից, երբեմն նկատում, որ կողքից անցնողները հարգանքով նայում են իրեն: Նա սկզբում որոշ անհարմարություն էր զգում իր ճխտված կիտելի ու խունացած գլխարկի համար, բայց հետո որոշեց, որ ճակատայինը բնավ էլ չպիտի ամաչի իր արտաքինից, մանավանդ ինքը, որ հենց միայն այսօր էր իջել վագոնից:

Մայթերի վրա տարտամ, ձիթենագույն-դեղնավուն ըստվերներ էին ընկել խանութների ու սրճարանների մուտքի վերևում քաշած պարուսինե ծածկոցներից: Քամին ճոճում, քաշքշում էր խունացած պարուսինը, մայթերի վրա ստվերները զոռում էին, պոկվում մարդկանց քստքստացող ոտների տակից: Չնայելով ճաշին հաչորող ժամին, պողոտան լեփլեցուն էր մարդկանցով: Լիստնիցկին, որ պատերազմի տարիներին խորթացել էր քաղաքին, բերկրալի գոհունակությամբ էր ունկնդրում բազմաձայն աղմուկին, որին միախառնվում էին քրքիչները, ավտոմոբիլների շաշտունները, լրագրավաճառների աղաղակները, ու զգալով, որ ինքը մոտիկ, հարազատ է վայելուչ հագնված, կուշտ մարդկանց այդ ամբոխին, այնուամենայնիվ մտածում էր.

«Դուք բոլորդ այժմ որքան գոհ, ուրախ, երջանիկ եք,— բոլորդ, և՛ վաճառականները, և՛ բորսայական միջնորդները,

և՛ տարբեր աստիճաններ ունեցող շինվելիկները, և՛ կալվածատերերը, և՛ արխատոկրատ մարդիկ: Իսկ ի՞նչ էր կատարվում ձեզ հետ երեք օր առաջ: Ինչպիսի՞ տեսք ունեիք, երբ խուժանը և սալդաթությունը հրահեղուկ հանքաքարի նման հոսում էին այս պողոտայով, փողոցներով: Խղճով ասած՝ ես թե ուրախ եմ և թե ուրախ չեմ ձեզնով: Ու չդիտեմ էլ, թե ինչպես ուրախանամ ձեր բարօրության համար...»

Նա փորձեց վերլուծել իր երկատված զգացումը, գտնել զրա ակունքը, ու առանց դժվարության որոշեց, որ ինքը այդպես է մտածում ու զգում այն պատճառով, որ պատերազմը և ռազմաճակատում իր ապրած կյանքը իրեն հեռացրել են կուշտ ու գոհ մարդկանց այդ ամբոխից:

«Ահա քեզ մի ջահել, կերած-խմած մարդ,— մտածեց Լիստնիցկին, երբ իր աչքերը հանդիպեցին շաղ, կարմրաթուշ և անբեղ մի տղամարդու աչքերին,— ինչո՞ւ նա ֆրոնտում չէ: Երևի գործարանատիրոջ կամ մի որևէ զոռքա առևտրականի որդի է, ծառայությունից խուսափել է սրիկան,— նրա համար ի՞նչ հայրենիք, ի՞նչ բան,— և «աշխատում է պաշտպանության համար», ճարպակալում, հարմարությունների մեջ սիրում կանանց...»

«Բայց վերջ ի վերջո ո՞ւմ հետ ես դու»,— հարց տվեց նա ինքն իրեն, ու ժպտալով, որոշեց. «Դեհ, իհարկե, հենց սրանց հետ եմ: Սրանց մեջ է իմ մի մասնիկը, իսկ ես սրանց կոլեկտիվի մասնիկն եմ... ինչ լավ ու վատ բան որ կա իմ դասակարգի մեջ, այս կամ այն շափով կա նաև իմ մեջ: Թերևս իմ մաշկը մի քիչ ավելի բարակ է, քան այդ պարարտ խոզի մաշկը, թերևս, այդ իսկ պատճառով, ես ավելի հիվանդոտ կերպով եմ վերաբերվում ամեն ինչին, ու երևի այդ պատճառով էլ ես աղնվորեն պատերազմի մեջ եմ և ոչ թե «աշխատում եմ պաշտպանության համար», ու հենց այդ պատճառով էլ այն օրերին, ձմռանը, Մոզիլյովում, երբ ես ավտոմոբիլում տեսա տապալված կայսրին, որը մեկնում էր զորակայանից, տեսա նրա տխուր շրթունքները ու անզոր կերպով ծնկին դրված ձեռքի ցնցող, անարտահայտելի դիքքը, ընկա ձյան վրա ու հեկեկացի երեխայի նման... Ծս հո ազնվորեն չեմ ընդունում ունյուցիան, չեմ կարող ընդունելը

Միբոս է՛լ, բանականութունս էլ հակառակում են... Գլուխս վար կղնեմ հնի համար, կյա՛նքս կտամ առանց տատանվելու, առանց դրանով պարծենալու, պարզապես, զինվորի եման: Բայց արդո՞ք շատերն այսպես կվարվեն»:

Գունատվելով, նա հիշողության մեջ խորագույն, հուզիչ պայծառութեամբ վերականգնեց փետրվարյան գունազարդ այն երեկոն, նահանգապետի տունը Մոզիլյովում, սառնամանիքից եղյամակալած, շուգունեց ցանկապատը և դրանից դենը փոված ձյունը, որ պսպղում էր ցուրտ մուժով շղարշված արեգակի ոսկե շողերի տակ: Դնեպրի զառիվեր ափից դենը երկինքը գեղազարդված է լազուրով, կինաբարով, դեղին ոսկեջրով, հորիզոնում յուրաքանչյուր գիծը այնպես աննշմարելիորեն օդային է, որ ափսոսում ես հայացքով շոյափել: Շքողան առաջ կանգնած զորակայանի պաշտոնյաների, զինվորականների, քաղաքացիական տարագով մարդկանց մի փոքրիկ ամբոխ... Մեկնելու է ծածկված ավտոմեքենան, նրա մեջ նստած են կարծես Ֆրեդերիքսը և ցարը, որ թիկնել է նստելատեղի մեջքին: Սրա նիհարած գեմքը մի ինչ-որ մանիշակագույն երանգավորումով է: Գուհատ ճակատի վրա՝ կազակական ուղեկցորդի պահագործի տարադին համապատասխան փափախի շեղ, սև կիսաբոլորակը:

Լիստնիցկին գրեթե վազում էր իրեն զարմանքով նայող մարդկանց կողքից: Նրա աչքերում, ևս փափախի եզրից, իջեում էր պատիվ տվող ցարի ձեռքը, ականջներում դժժում էին մեկնող ավտոմեքենայի անաղմուկ, դատարկ ընթացքը և ստորացուցիչ մնջությունը ամբոխի, որը լուսթյամբ էր ճանապարհում վերջին կայսրին...

Լիստնիցկին դանդաղ բարձրացավ ա՛յն տան սանդուղքով, ուր տեղավորված էր գնդի շտաբը: Նրա այտերը դեռ գողում էին և արյուն-արցունք էր հեղվում լացակուլած աչքից: Երկրորդ հարկում, սանդուղքի հարթակում նա իրար հետևից երկու ծխախոտ ծխեց, սրբեց ակնոցը, երկուական աստիճան վազեց վերև, երրորդ հարկ:

Գնդի հրամանատարը Պետրոգրադի քարտեզի վրա նշեց, ինչ շրջանը, ուր Լիստնիցկու հարյուրյակը պետք է պահպաներ կառավարական հիմնարկությունները, թվեց հիմնարկ-

ները, մանրամասն հաղորդեց, թե ինչ ժամանակ և ինչ պահակներ պետք է կարգել ու փոխել, վերջում ասաց.

— Ձմեռային պալատ, Կերենսկուն...

— Ո՛չ մի խոսք Կերենսկու մասին... — մահացու կերպով սփրթնած, բարձր շնչաց կիստնիցկին:

— Եվզենի Նիկոլակիչ, պետք է պաղարյուն լինել...

— Գնդապետ, ես խնդրում եմ ձեզ:

— Բայց, սիրելիս...

— Ես խնդրում եմ:

— Ձեր շղերը...

— Հրամայո՞ւմ եք այժմ պարեկներ ուղարկել Պուտիլովի գործարան, — ծանր շնչելով՝ հարցրեց Լիստնիցկին:

Գնդապետը կծելով շրթունքները, ժպտալով, թոթվեց ուսերը, պատասխանեց.

— Հենց այժմ, և անպայման դասակապետ սպայով:

Լիստնիցկին շտաբից դուրս եկավ բարոյապես ընկճված, իր ապրած օրերի հուշերից և գնդի հրամանատարի հետ ունեցած խոսակցությունից ճզմված: Գրեթե հենց տան մոտ տեսավ Դոնի 4-րդ գնդի կազակական մի պարեկ, — գունդը տեղավորված էր Պետրոգրադում: Սպայի բաց շիկակարմիր ձիու սանձից տխուր կախված էին թոշնած, կենդանի ծաղիկներ: Սպայի սպիտակաբեղ դեմքի վրա սահեց ժպիտը:

— Կեցցե՛ն հայրենիքի փրկիչները... — իջնելով մայթից ու լայնեզր գլխարկը թափահարելով՝ գոչեց մի ինչ-որ խանդավառ, տարիքավոր պարոն:

Սպան սիրալիք կերպով պատիվ տվեց: Պարեկը սլացավ վագոնով: Լիստնիցկին նայեց կազակներին ողջունող պարոնի հուզված, խոնավաշուրթ դեմքին, նրա խնամքով կապված, գունազեղ փռչկապին, ու դեմքը կնճոտելով, կորանալով, ներս ընկավ իրենց տան շքադռնից:

XI

14-րդ գնդի սպայական կազմը մեծ համակրանքով ընդունեց գնեբրալ Կոռնիլովի նշանակումը իբրև Հարավ-արևմտյան ճակատի գլխավոր հրամանատար: Նրա մասին սիրով ու հարգանքով էին խոսում, իբրև մի մարդու, որը եր-

կաթե բնավորութիւն ուներ և անկասկած կարող էր երկիրը դուրս բերել փակուղուց, ուր նրան հասցրել էր ժամանակավոր կառավարութիւնը:

Լիստնիցկին առանձնապես ջերմ կերպով ընդունեց այդ նշանակումը: Նա փորձում էր հարյուրյակների կրտսեր սպաների և իրեն մոտիկ կազակների միջոցով իմանալ, թե կազակներն ինչպես են վերաբերվում դրան, բայց ստացված տեղեկութիւնները նրան չ՛ուրախացրին. կազակները լռում էին կամ անտարբեր պատասխաններ էին տալիս.

— Մեզ համար մեկ է...

— Ո՛նց է նա, արի ու իմացիր...

— Թե որ նա հաշտութեան համար աշխատի, այդ դեպքում, իհարկե...

— Նրա բարձրանալուց մեր դրութիւնը հո չի՞ թեթևանա:

Մի քանի օրից հետո այն սպաների մեջ, որոնք քաղաքացիական բնակչութեան և զինվորականների ավելի լայն շրջանների հետ էին շփվում, համառ լուրեր էին պատվում, որ իբր թե Կոռնիլովը հուպ է տալիս ժամանակավոր կառավարութեանը, պահանջելով, որ ռազմաճակատում վերականգնու՜մի մահվան պատիժը և կիրառվեն մի շարք վճռական ձեռնարկումներ, որոնցից կախված է բանակի վիճակը և պատերազմի վախճանը: Ասում էին, թե Կերենսկին վախենում է Կոռնիլովից և հավանորեն բոլոր ջանքերը կգործադրի, որպէսզի ռազմաճակատում գլխավոր հրամանատարի պաշտօնում նրան փոխարինի ավելի հնազանդ մի գեներալով: Տալիս էին զինվորական միջավայրում հայտնի գեներալների անունները:

Հուլիսի 19-ին բոլորին գարմացրեց կառավարական հազորագրութիւնը՝ Կոռնիլովին գերագույն գլխավոր հրամանատար նշանակելու մասին: Շուտով փոխ-յասավուլ Ատարշչիկովը, որ լայն ծանոթութիւններ ուներ սպայական միութեան Գլխավոր կոմիտեում, վկայակոչելով միանգամայն հավաստի աղբյուրները, պատմում էր, որ Կոռնիլովը ժամանակավոր կառավարութեանը ներկայացնելու համար պատրաստած իր զեկուցագրում պնդում էր հետևյալ գլխավորագույն ձեռնարկումների անհրաժեշտութեան վրա. երկրի ամբողջ տերիտորիայում թիկունքային զորքերի ու բնակչութեան

նկատմամբ մտցնել ռազմ-ռեուլյուցիոն դատարանների իրավասութիւն, գործադրելով մահվան պատիժ մի շարք ամենածանր, գլխավորապես զինվորական հանցագործութիւնների համար. վերականգնել ռազմական պետերի կարգապահական իշխանութիւնը. նեղ շրջանակների մեջ դնել կոմիտեների գործունեութիւնը և սահմանել նրանց պատասխանատվութիւնը օրենքի առաջ և այլն:

Այդ նույն օրվա երեկոյան Լիստնիցկին իր հարյուրյակի և ուրիշ հարյուրյակների սպաների հետ ունեցած խոսակցութեան ժամանակ սուր և ուղղակի կերպով հարց դրեց՝ ո՛ւմ հետ են նրանք:

— Պարոնայք սպաներ,— ասում էր նա զսպված հուզմունքով,— մենք ապրում ենք իբրև միահամուռ մի ընտանիք: Մենք գիտենք, թե ինչ է ներկայացնում մեզանից յուրաքանչյուրը, բայց մեր միջև շատ ցավոտ հարցեր մինչև այժմ մնացել են չլուծված: Ե՛վ ահա հենց այժմ, երբ պարզ նըշմարվում են գերագույն հրամանատարի և կառավարութեան տարաձայնութիւնների հեռանկարները, մենք պետք է ուղղակի հարց դնենք՝ ո՛ւմ հետ ենք և ո՛ւմ ենք կողմնակից: Եկեք, ուրեմն, խոսենք ընկերաբար, առանց կեղծելու:

Փոխ-յասավուլ Ատարշչիկովն առաջինը պատասխանեց.

— Ես պատրաստ եմ գեներալ Կոռնիլովի համար քամել թի իմ և թե ուրիշի արյունը: Նա բոլորեղային ազնվութիւն ունեցող մարդ է, ու միայն նա է, որ ի վիճակի է ոտքի կանգնեցնելու Ռուսաստանը: Տեսեք, թե նա ինչ է անում բանակում: Զէ՞ որ միայն նրա շնորհիվ մասամբ ազատութիւն տվին զինվորական պետերի ձեռքերին, իսկ մինչև այդ գոյութիւն ուներ կոմիտեների գերակշռող ազդեցութիւն, եղբայրացում, դասալքութիւն: Ի՛նչ խոսք կարող է լինել: Ամեն մի կարգին մարդ Կոռնիլովի կողմն է:

Ատարշչիկովը, որ բարակ ոտներ, անշափ լայն կուրծք ու լայն թիկունք ուներ, տաքացած էր խոսում: Երևում էր, որ բարձրացրած հարցը խիստ հուզում էր նրան: Վերջացնելով նայեց սեղանի մոտ խմբված սպաներին, ծխախոտի մուշտուկով սպասողաբար շքեացրեց ծխախոտատուփին: Նրա աջ աչքի ստորին կուպի վրա դարչնագույն, ուռուցիկ սիսեռահատիկի նման նստել էր խալը: Դա խանգարում էր վերին կո-

պին՝ աչքը պինդ ծածկելու, և դրանից էլ, առաջին անգամ Ատրաշչիկովին նայելիս, այնպիսի տպավորություն էր ստացվում, որպես թե նրա աչքերը լեցուն են մշտական ներողամիտ-սպասողական քմծիծաղով:

— Եթե ընտրություն անենք բուշնիկներին, Կերենսկու և Կոռնիլովի մեջ, ապա, իհարկե, մենք Կոռնիլովի կողմն ենք:

— Մեզ համար դժվար է դատել, թե ինչ է ուզում Կոռնիլովը, արդյո՞ք միայն կարգ ու կանոնի վերականգնումը Ռուսաստանում, թե՞ էլի մի որևէ այլ բանի վերականգնում... — Դա պատասխան չէ սկզբունքային հարցին:

— Ո՛չ, պատասխան չէ:

— Եթե պատասխան է՛լ է, ապա, համենայն դեպս, անխելք պատասխան է:

— Իսկ դուք ինչի՞ց եք վախենում, հարյուրապետ. միապետության վերականգնումի՞ց:

— Ես դրանից չեմ վախենում, այլ ընդհակառակը, այդ եմ ցանկանում:

— Ուրեմն էլ բանն ի՞նչ է:

— Պարոննե՛ր, — վճռական, կոշտ ձայնով ասաց Դուգովը, որ վաղուց չէ վախժիստը էր ու մարտական սիրազորությունների համար խորունկի աստիճան էր ստացել, — ինչի՞ մասին եք վիճում: Ավելի լավ է լուրջ ասացե՛ք, որ մենք՝ կազակներս, պետք է կառչենք գեներալ Կոռնիլովից, ոնց որ երեխեն բռնում է մոր փեշից: Մա պետք է ասել առանց ծուռ մտքի, շիտակ: Թե որ նրանից պոկվենք, կկորչենք: Ռուսաստանը մեզ աղբի մեջ կթաղի: Այստեղ գործը պարզ է. որտեղ որ նա է, այնտեղ էլ մենք ենք:

— Ա՛յ, ինչ եմ ասո՞ւմ, հենց այդպես է:

Ատրաշչիկովը ձեռքով ցնծագին թփթփացրեց Դուգովի ուսին ու ծիծաղկոտ աչքերը հառեց կիստնիցկուն: Վերջինս ժպտալով, հուզվելով, ծնկների վրա հարթում էր շալվարի ծալքերը:

— Ուրեմն ի՞նչպես, պարոնայք, սպաներ, ատամաններ, — մի քիչ բարձրաձայն ձայնով բացականչեց Ատրաշչիկովը, — մենք Կոռնիլովի կողմն ենք...

— Դեհ, իհարկե:

— Դուգովը միանգամից քանդեց գորդյան հանգույցը:

— Ամբողջ սպայությունը նրա կողմն է:

— Մենք շենք ուզում բացառություն կազմել:

— Թանկագին լավը Գեորգիևիչին, կազակին և հերոսին — ուռա՛:

Ծիծաղելով ու բաժակներն իրար զարկելով, սպաները թեյ էին խմում: Խոսակցությունը, որ կորցրել էր քիչ առաջվա լարվածությունը, պտտվում էր վերջին օրերի իրադարձությունների շուրջ:

— Մենք հո խմբովին գերագույնի կողմն ենք, բայց կազակները տատանվում են... — անվճռական ասաց Դուգովը:

— Ի՞նչպես թե ատատանվում են», — հարցրեց կիստնիցկին:

— Այնպես, էլի՛: Տատանվում են, ու պրծավ-գնաց... նրանք, շան որդենիքը, ուզում են վերադառնալ տուն, կնանոնց մոտ... Ձինվորի դժվար կյանքից գազազել են...

— Մեր գործն է կազակներին տանել մեր հետևից, — հարյուրապետ Չերնոկուտովը բուռնցքը շմփացրեց սեղանին, — այո՛, տանել: Հենց դրա համար էլ մենք սպայական ուսադիրներ ենք կրում:

— Հարկավոր է համբերատարություն բացատրել կազակներին, թե նրանք ում հետ պետք է գնան:

Կիստնիցկին գլալով շիկացրեց բաժակին. հավաքելով սպաների ուշադրությունը, շեշտելով բառերը. ասաց.

— Խնդրում եմ հիշել, պարոններ, որ այժմ մեր աշխատանքը պետք է լինի, ինչպես ասաց Ատրաշչիկովը, բացատրել կազակներին իրերի իսկական դրությունը: Պետք է կազակին դուրս բերել կոմիտեների ազդեցության տակից: Այստեղ հարկավոր է բնավորությունների բեկում, եթե ոչ ավելի, գոնե, օրինակ, այնպիսի բեկում, որպիսին մեր մեծամասնությունը վիճակվեց ապրել փետրվարյան հեղաշրջումից հետո: Առաջվա ժամանակներում, — ասենք տասնվեց թվականին, — ես կարող էի ծեծել կազակին, երկչուղ կրելով, որ մարտում նա գնդակ կարձակի ծոծրակիս, իսկ փետրվարից հետո հարկավոր եղավ զգուշանալ, որովհետև եթե ես խփեի որևէ հեմարի, ինձ կսպանեին հենց այնտեղ, խրամատներում, առանց սպասելու հարմար մոմենտին: Հիմա բոլորովին ուրիշ է բանը: Մենք պետք է մտերմանանք կազակի հետ, — կիստնիցկին

շեշտեց այդ բարը:— Դրանից է կախված ամեն ինչ: Դուք գիտե՞ք, թե այժմ ինչ է կատարվում առաջին ու շորրորդ գնդերում:

— Կոշմա՛ր է:

— Այո՛, կոշմա՛ր,— շարունակեց Լիստնիցկին:— Սպաները առաջվա նման անշրպետվում էին կազակներից, և դրա հետևանքով բոլոր կազակներն էլ զլխովին ընկան բոլշևիկների ազդեցության տակ և իրենք էլ իննսուն տոկոսով բոլշևիկներ դարձան: Հո պարզ է, որ մեզ համար անխուսափելի են ահեղ իրադարձությունները... Հուլիսի երեքի և հինգի օրերը լոկ ահեղ նախազգուշացում են անփուլթների համար: Կամ մեզ կվիճակվի հանուն Կոռնիլովի կռվել ռևոլյուցիոն դեմոկրատիայի զորքերի դեմ, կամ բոլշևիկները ուժեր կուտակելով ու լայնացնելով իրենց ազդեցությունը, էլի մի ռևոլյուցիա կկատարեն: Նրանց մոտ կարճատև դադար է, ուժերի կենտրոնացում, իսկ մեզ մոտ՝ թափթփվածություն... Եվ մի՞թե կարելի է այդպես... Կազակը հո պե՞տք կզապազա տուրուղմբոցի ժամանակ...

— Հա՛րկ է որ, մենք առանց կազակների նույնն ենք, ինչ որ զրոն առանց միավորի,— հոգոց հանեց Դոլզովը:

— Ճի՛շտ է, Լիստնիցկի:

— Նույնիսկ շա՛տ ճի՛շտ է:

— Ռուսաստանի մի քաղ գերեզմանումն է...

— Դու կարծում ես մենք այդ շե՛նք հասկանում: Հասկանում ենք, բայց երբեմն անզոր ենք որևէ բան անելու: «№ 1 հրամանը»¹ և «Օկոպնայա պրավդան»² իրենց սերմերն են ցանում:

— Իսկ մենք դիտում ենք ծլերը, փոխանակ դրանք ուտ-

¹ «№ 1 երաման» — Պետրոգրադի Սովետի Գործադիր Կոմիտեի 1917 թ. մարտի 1-ի հրամանը, որով զորամասերում մտցվում էին ընտրովի կազմակերպություններ և այդ կազմակերպությունների վերահսկողություն հին, ցարական հրամանատարական կազմի գործողությունների վրա:

² «Օկոպնայա պրավդա» — օրաթերթ, լատիշական երկրամասի ս. դ. ազգական կազմակերպության Բյուրոյի և ռուսական սեկցիայի օրգան, հրատարակվում էր 1917 թվականին: Լայն չափով տարածված թերթ էր, զգալիորեն նպաստեց զինվորների մասսաների բոլշևիկացման:

նատակ անելու և հօր ու մոխիր դարձնելու,— բղավեց Ատարշչիկովը:

— Ոչ, չենք դիտում, մենք անզոր ենք:

— Սա՛ւա եք ասում, խորունժի: Մենք միայն անփուլթ ենք:

— Ճի՛շտ չէ՛:

— Ապացուցե՛ք:

— Կամա՛ց, պարոններ:

— «Պրավդան» ջախջախեցին... Կերենսկին հետին խելքով է խելացի...

— Սա ի՞նչ է... հո բազար չի՛: Չի՛ կարելի, է՛:

Անհեթեթ ճշոցների ուժեղ աղմուկը հետզհետե հանդարտվեց: Հարյուրյակներից մեկի հրամանատարը, որ լարված հետաքրքրությամբ լսել էր Լիստնիցկու խոսքերը, ուշադրություն խնդրեց:

— Ես առաջարկում եմ յասավուլ Լիստնիցկուն հնարավորություն տալ վերջացնելու իր խոսքը:

— Խնդրո՛ւմ ենք:

Լիստնիցկին բոռուցքներով շփելով ծնկների սուր անկյունները, շարունակեց.

— Ես ասում եմ, որ հենց այն ժամանակ է՛լ, այսինքն գալիք մարտերում, քաղաքացիական պատերազմում,— ես միայն այժմ եմ հասկացել, որ այն անխուսափելի է,— հավատարիմ կազակը պետք կզա: Հարկավոր է մարտնչել և նրան ետ խլել կոմիտեններից, որոնք ձգտում են դեպի բոլշևիկները: Դա կենսական անհրաժեշտություն է: Չէ՞ որ նոր ցնցումների դեպքում առաջին ու շորրորդ գնդերի կազակները կզոհակահարեն իրենց սպաներին...

— Պա՛րզ է:

— Չե՛ն խնայելու:

— ... Ու նրանց փորձը,— որ ի դեպ ասած՝ խիստ դառն է,— պետք է զաս լինի մեզ համար: Առաջին ու շորրորդ գնդերի կազակներին,— ասենք հիմա նրանք ի՞նչ կազակներ են որ,— ապագայում հարկ կլինի կախել, կախել երկուսից մեկին, կամ ուղղակի բոլորին էլ գլորել... Պետք է ոչնչացնել դաշտի մոլախոտը: Ուրեմն եկե՛ք մեր կազակներին հեռու

պահենք այն սխալներից, որոնց համար հետագայում նրանք ստիպված կլինեն հատուցում տալ:

Լիստնիցկուց հետո խոսք վերցրեց հարյուրյակներից մեկի հենց այն հրամանատարը, որը նրան բացառիկ ուշադրութեամբ էր լսում: Հին, կաղրային այդ սպան, որ ինը տարի ծառայել էր գնդում, չորս անգամ վիրավորվել պատերազմի ընթացքում, խոսում էր այն մասին, որ առաջվա ժամանակներում ծանր էր ծառայությունը: Կազակական սպաները հետին տեղ էին բռնում, նեղվում էին, ծառայության մեջ թույլ չափով էին բարձրացվում, ու սպայական կադրերի գերակշռող մասի համար զորական ավագի աստիճանը վերջինն էր լինում. սպայի ստելով՝ հենց այդ հանգամանքով էլ բացատրվում է կազակական վերնախավերի ինտելիցենցիաներում ծանր էր ծառայության ժամանակ: Բայց, շնայելով դրան, նա ասում էր, որ հարկավոր է ամեն կերպ աջակցել Կոռնիլովին, կազակական զորքերի միությունը նորհրդի և սպայական միության Գլխավոր կոմիտեի միջոցով ավելի ամուր կապվել նրա հետ:

— Թող Կոռնիլովը դիկտատոր լինի,— կազակական զորքերի համար դա փրկություն է: Նրա օրով մենք թերևս ավելի լավ ապրենք, քան ապրում էինք ցարի օրով:

Արդեն կեսգիշերից անց էր: Քաղաքի վրա շոքել էր պարզ, սպիտակավուն գիշերը՝ գիսախռիվ ամպերով: Պատուհանից երևում էին ծովակալության աշտարակի շուգուններ, մթին, սուր ծայրը և դեղին, վարար լույսերը:

Սպաները խոսեցին մինչև լուսաբաց: Որոշվեց շաբաթը երեք անգամ կազակների հետ զրույցների անցկացնել քաղաքական թեմաների շուրջ, դասակարգել սպաների վրա պարտականությունները դրվեց ամեն օր դասակների հետ պարապել մարմնամարզությանը և ընթերցումով՝ ազատ ժամանակը օգտագործելու և քաղաքականության քայքայիչ մթնոլորտից կազակների մտքերը հեռացնելու համար:

Ցրվելուց առաջ երգեցին «Ցնցվեց, հուզվեց խաղաղ Դոնը ուղղափառ»-ը, խմեցին տասներորդ անգամ դրված ինքնաեռի թելը, բաժակներն իրար զարկելով՝ կատակաբար բաժակաճառեր արտասանեցին: Եվ արդեն բոլորովին վերջացնելու վրա էին, երբ Ատարշիկովը Դոլգովի հետ փսփսալով, գոչեց.

— Այժմ իրրե դժուրե մենք ձեզ կհյուրասիրենք կազակական մի հին երգով: Հապա՛, լուսթյո՛ւն: Պատուհանը պետք է բանալ, թե չէ ծխից կխեղդվենք:

Երկու ձայնը,— Դոլգովի թավ, բեկուն բասը և Ատարշիկովի մեղմ, չափազանց գուրեկան տենորը սկզբում չէին հարմարվում իրար, ամեն մեկն իր տեմպով էր երգում, բայց վերջում ձայները ներդաշնակվեցին, հմայիչ գեղեցկությամբ էին հնչում:

... Բայց և հպարտ է Դոնը մեր խաղաղ, Դոնը հայրենի,—
Անօրեններին գուցե չի տվել, օ՛նց ապրել,— նա չի հարցրել Մոսկովին:
Ու միշտ էլ կտրուկ թրով է զարկել թուրքի ծոծրակին:
Ու տարեցտարի մեր խաղաղ Դոնի մայր-տափաստանը
Իրեն ուղղափառ հավատի համար ու ամենասուրբ տիրամոր համար,
Ազատ, ալեծովի մեր Դոնի համար մարտի՛ է կոչել ոսոխների դեմ...

Ատարշիկովը ծնկների վրա մատները խաշմերուկ արած, երգում էր բարձր տոնով, ամբողջ ժամանակվա ընթացքում ոչ մի անգամ չզննվեց, շնայելով, որ երգելիս շատ առաջ էր անցնում Դոլգովի հուժկու բասից. տեսքով չափազանց մոռյալ էր, ու միայն վերջում կիստնիցկին նկատեց, թե ինչպես նրա աչքի դարձնագույն խալի վրայից արցունքի շողուն մի կայլակ էր գլորվում:

Երբ արդեն մյուս հարյուրյակների սպաները գնացել էին, իսկ մնացածները պառկել քնելու, Ատարշիկովը նստեց կիստնիցկու մահճակալին, և ուռուցիկ կրծքի վրա տնտղելով կապույտ, խունացած տարատակալը, շնչաց:

— Դու հասկանո՞ւմ ես, Եվգենի... ես անչափ սիրում եմ Դոնը, կազակական կյանքի այդ ամբողջ հին, դարերով արմատացած կացութաձևը: Սիրում եմ մեր կազակներին, կազակուհիներին, սիրում եմ ամեն ինչ: Տափաստանային օշինդրի բուլբուլից լացս գալիս է... Եվ ահա, երբ ծաղկում է արևածաղիկը ու Դոնի վրա տարածվում անձրևից թրջված խաղաղի այգիների բույրը,— այնքա՛ն խորունկ ու ցավոտ եմ սիրում... դու կհասկանաս... Իսկ հիմա մտածում եմ՝ արդյո՞ք մենք չենք հղում հենց այս կազակների գլուխը, արդյո՞ք այս ճամփով ենք մենք ուզում նրանց տանել...

— Ինչի՞ մասին ես խոսում,— ուշադիր հարցրեց Լիստնիցկին:

Ատարշիկովի սպիտակ շապկի օձիքի տակից նայիվ, պատանեկորեն հուզիչ կերպով սևին էր տալիս թուխ պարանոցը: Դարչնագույն խալի վրա ծանր կախված էր կոպի մուգ-կապտավուն շրջանակը, պրոֆիլից երևում էր կիսագոց մի աչքի թրջված լույսը:

— Ես մտածում եմ՝ արդյո՞ք դա հարկավոր է կազակներին:

— Հապա ուրեմն ի՞նչ է հարկավոր նրանց:

— Զգիտեմ... Բայց ինչո՞ւ են նրանք այդպես տարերայնորեն հեռանում մեզնից: Ռեուլյուցիան ասես ոչխարների ու այծերի է բաժանել մեզ, մեր շահերը կարծես տարբեր են:

— Գիտե՞ս ինչ,— զգուշութամբ սկսեց խոսել Լիստնիցկին,— այստեղ արտահայտվում է իրադարձությունները ըմբռնելու տարբերությունը: Մենք ավելի շատ կուլտուրա ունենք, մենք կարող ենք քննադատաբար արժեքավորել այս կամ այն փաստը, իսկ նրանց մոտ ամեն ինչ ավելի պրիմիտիվ է, հասարակ: Բուլձևիկները նրանց համոզում են, թե պետք է վերջացնել պատերազմը, ավելի ճիշտ՝ այն վերածել քաղաքացիական պատերազմի: Նրանք կազակներին զրզռում են մեր դեմ, և որովհետև կազակները հոգնած են ու նրանց մեջ ավելի շատ է կենդանականը և չկա հայրենիքի առաջ պարտքի ու պատասխանատվության այն բարոյական, ուժեղ գիտակցությունը, որը կա մեր մեջ, ուստի միանգամայն հասկանալի է, որ դա բարենպաստ հող է գտնում: Նրանց համար ի՞նչ է հայրենիքը: Մի հասկացողություն, որ, համենայն դեպս, վերացական է. «Դոնի զորաց երկիրը Փրոնտից հեռու է ու գերմանացին այնտեղ չի հասնի»,— այսպես են դատում նրանք: Հենց սա է ամբողջ դժբախտությունը: Պետք է նրանց ճիշտ բացատրել, թե ինչ հետևանք կունենա այս պատերազմը քաղաքացիական պատերազմի վերածելը:

Լիստնիցկին խոսում էր, ենթագիտակցորեն զգալով, որ իր խոսքը նպատակին չեն հասնում և որ Ատարշիկովն այժմ նրա առաջ կփակի իր հոգեկան աշխարհի դռները:

Այդպես էլ եղավ. Ատարշիկովն ինչ-որ անհասկանալի

բան մտնաց, երկար նստեց առանց խոսելու, և Լիստնիցկին թեպետև փորձեց, բայց չկարողացավ ըմբռնել. թե այժմ ինչ մթության մեջ են թափառում լռող ընկերոջ մտքերը:

«Հարկավոր էր սրան մինչև վերջ արտահայտվելու հնարավորություն տալ...»— ավստոսանքով մտածեց նա:

Ատարշիկովը բարի գիշեր մաղթեց, այնպես էլ գնաց առանց մի խոսք ասելու: Մի րոպե բացեց անկնդծ խոսակցությունը, մի փոքր բարձրացրեց անհայտի ա՛յն սև վարագույրի ծայրը, որով յուրաքանչյուր մեկը թաքնվում է ուրիշներից, ու կրկին իջեցրեց այն:

Լիստնիցկին հուզված էր այն պատճառով, որ չէր կարողացել ըմբռնել ուրիշի խորհրդավոր մտքերը: Նա ծխեց, մնաց պառկած՝ լարված նայելով գորշ, մեղմ մթությանը, ու անսպասելիորեն հիշեց Ակսինյային, արձակուրդի օրերը, որոնք ծայրածայր լեցուն էին նրանով: Քնեց, խաղաղվելով մտորումներից ու պատահական, կցկտուր հուշերից,— ա՛յն կանանց մասին, որոնց ուղիները մի ժամանակ խաշաձևվել էին իր հետ:

XII

Լիստնիցկու հարյուրյակում ծառայում էր Բուկանովսկայա ստանիցայի կազակ Իվան Լագուտինը: Առաջին ընտրությունների ժամանակ նա ընտրվել էր զնդի ռազմա-ուկուլյուցիոն կոմիտեի անդամ, մինչև զնդի Պետրոգրադ ժամանելը առանձնապես աչքի չէր ընկնում, բայց հուլիսի վերջերին դասակապետ սպան Լիստնիցկուն հաղորդեց, որ Լագուտինը լինում է Պետրոգրադի բանվորական ու զինվորական դեպուտատների սովետի ռազմական սեկցիայում, հավանորեն կապված է սովետի հետ, որովհետև նկատվել է, որ նա իր դասակի կազակների հետ հաճախակի զրույցներ է ունենում և բացասական կողմից ազդում նրանց վրա: Հարյուրյակում երկու դեպք էր եղել, երբ կազակները հրաժարվել էին պահակներ ու պարեկներ նշանակվելուց: Դասակապետ սպան այդ դեպքերը վերագրում էր կազակների վրա Լագուտինի ունեցած ազդեցության:

Լիստնիցկին որոշեց, որ անհրաժեշտ է մի կերպ ավելի

մոտիկից ճանաչել Լազուտիներին, ուսումնասիրել նրան: Կազակի հետ սրտաբաց խոսակցություն ունենալը հիմարություն և անզգուշություն կլինեիր, դրա համար էլ Լիստնիցկին որոշեց հարմար առիթի սպասել: Առիթը շուտով վրա հասավ: Հուլիսի վերջին երրորդ դասակը, կարգագրի համաձայն, պետք է գիշերով հսկեր Պուտիլովի գործարանին կից փողոցները:

— Ես կգնամ կազակների հետ, — նախազգուշացրեց Լիստնիցկին դասակապետ սպային, — ասացեք, որ ինձ համար թամբեն սև ձին:

Լիստնիցկին «համենայն դեպս», — ինչպես ինքն էր ասում, երկու ձի էր պահում: Բանքերի օգնությամբ հագնվելով՝ նա իջավ բակ: Դասակը ձի էր նստել: Մշուշոտ, տեղտեղ լուսավորված մթնոթյան մեջ անցան մի քանի փողոց: Լիստնիցկին դիտմամբ ետ մնաց, հետևից կանչեց Լազուտիներին: Սա շուտ տվեց իր անբարետես ձիուկը, մոտեցավ, կողքից սպասողաբար նայեց յասավուլին:

— Ի՞նչ նորություն կա ձեզ մոտ, կոմիտեում, — հարցրեց Լիստնիցկին:

— Ոչինչ չկա:

— Դու ո՞ր ստանիցայից ես, Լազուտին:

— Բուկանովսկայա ստանիցայից:

— Ո՞ր խուտորից:

— Միտկինից:

Հիմա նրանց ձիերն կողք-կողքի էին գնում: Լիստնիցկին լապտերների լույսի տակ շեղակի նայում էր կազակի մորուքավոր դեմքին: Լազուտիների գլխարկի տակից երևում էին կոկիկ սանրված մազերը, փափուիկ թշերի վրա խուճուճված էր անհամաչափ մորուքը, խելացի, մի փոքր խորամանկ աչքերը փոս էին ընկել հոնքավերևի ուռուցիկ աղեղների տակին:

«Տեսքով հասարակ, մոայլ մարդ է, բայց ի՞նչ է թաքնըված նրա հոգու մեջ: Հավանորեն ատում է ինձ, ինչպես և այն ամենը, ինչ-որ կապված է հին ռեժիմի հետ, «օրհնված դագանակի» հետ... — մտածեց Լիստնիցկին և հայտնի չէ ինչու ուզեց իմանալ Լազուտիների անցյալը:

— Ընտանիք ունե՞ս:

— Ճիշտ այդպես: Կին ու երկու երեխա:

— Տեսեսություն:

— Ի՞նչ տեսեսություն, ի՞նչ բան, — հեզնարար, ափսոսանքի տոնով ասաց Լազուտինը, — ոչ վատ ենք ապրում, ոչ էլ լավ: Դե, կազակի օրն ի՞նչ պիտի լինի՞ որ, մի կերպ քարշ ենք տալի մեր կյանքը... Մեր հողը ավազահող է, — մտածելով՝ մոայլ տոնով ավելացրեց Լազուտինը:

Լիստնիցկին մի ժամանակ Բուկանովսկայա ստանիցայի միջով գնում էր Սերբյակովո կայարանը: Նա պարզ վերհիշեց մեծ ճանապարհից մի փոքր հեռու գտնվող այդ խուլ ստանիցան, որ հարավից եզերված է բոլորովին հարթ, լայնատարած մարգագետնով, գոտեորված է խոպեր գետի քմահաճ ծրուվածքներով: Դեռ այն ժամանակ բլուրի կատարից, Ելանսկայա ստանիցայի սահմանից, տասներկու վերստ տարածությունից տեսել էր ցածրագիր այգիների կանաչ մուժը, սպիտակ, բարձր զանգակատունը, որ ասես բոլորովին կրծած մի մեծ ոսկրակտոր լիներ:

— Մեր հողը ավազախառն է, — հոգոց հանեց Լազուտինը:

— Երևի ուզում ես վերադառնալ տուն, հը՞:

— Բա ո՞նց, պարոն յասավուլ, մարդ ուզում է շուտ գնալ, էլի՞: Ծա՛տ վնաս ենք տեսել պատերազմի ժամանակ:

— Է-է՞, ախպերս, հազիվ թե հնարավոր լինի շուտ վերադառնալ...

— Հնարավոր կլինի:

— Պատերազմը հո չե՞նք վերջացրել:

— Շուտով կվերջացնեն: Շուտով տուն կգնանք, — համառորեն պնդեց Լազուտինը:

— Դեռ իրար հետ է՞լ պիտի կռվենք: Ի՞նչ ես կարծում: Լազուտինը, որ աչքերը հառել էր թամբի դաշին, մի փոքր լռելուց հետո հարցրեց.

— Ո՞ւմ հետ պիտի կռվենք:

— Դեհ, ո՞վ գիտի... Թեկուզ բոլշևիկների հետ:

— Ու Լազուտինը էլի՞ երկար լռեց, ասես ննչեց ձիերի սմբակների քթքթոցից, որ համաչափ էր պարի նման: Երեք ռոպե լուռ գնում էին: Լազուտինը դանդաղ արտասանելով բառերը, ասաց.

— Մենք ու նրանք բաժանելու ոչինչ չունենք:

— Իսկ հո՞ղը:

- Հողը բոլորին էլ կհերիքի:
- Դու գիտե՞ս, թե ինչի են ձգտում բուլճարիկները:
- Քիչ-միչ լսած կամ...

— Ուրեմն, քո կարծիքով, ի՞նչ պետք է անել, եթե բուլճարիկները գան մեր վրա՝ մեր հողերը զավթելու նպատակով կազակներին ստրկացնելու նպատակով: Գերմանացիները դեմ դու հո կուվե՞լ ես, հո պաշտպանե՞լ ես Ռուսաստանը:

- Գերմանացին, այդ ուրիշ բան է:
- Իսկ բուլճարիկները:

— Է՛հ, պարոն յասավուլ,— ըստ երևույթին որոշելով արտահայտվել, բարձրացնելով գլուխը ու համառորեն փնտրելով կիստնիցկու հայացքը, խոսեց կագուտինը,— բուլճարիկները չեն խլի իմ մի կտոր հողը: Իմ ունեցածը հենց մի փայլաբաժին է, իմ հողը նրանց հարկավոր չէ... Բայց ահա, օրինակի համար,— միայն թե դուք շնեղանաք,— ձեր հայրիկը տասը հազար դեսյատին հող ունի...

— Ոչ թե տասը, այլ շորս հազար:

— Դեհ, թեկուզ շորս հազար, բա այդ քի՞չ է: Որ ուղիղն ասենք, բա դա կա՞րգ է, հը՞: Թե որ վերցնենք ամբողջ Ռուսաստանը, ձեր հոր նմանները շա՛տ ու շատ են: Ուրեմն, միտք արեք, պարոն յասավուլ, որ ամեն մարդ էլ ուտել է ուզում: Դուք է՛լ եք ուզում ուտել, ուրիշ ամեն տեսակ մարդիկ է՛լ: Հո մենակ ցիգանն էր, որ իրեն յարուին սովորեցնում էր շուտել, միթամ առանց կերի է՛լ կապրի, էլի՛: Իսկ խեղճ յարուն ծոմ էր պահում, ծոմ էր պահում, ամա մի տասն օրից հետո սատկեց... Ցարի ժամանակ ծուռ կարգեր էին տիրում, խեղճ ժողովրդի համար բոլորովին անարգար կարգեր... Հրե՛ն, ձեր հայրիկին եզոտ գաթա էր բաժին ընկել, շորս հազար, ամա նա հո երկու բկով չի կուլ տալի, նա էլ մեզ պես, հասարակ մարդկանց պես մի բուկ ունի: Հա՛րկ է որ, ժողովուրդը նեղված է... Բուլճարիկները ճիշտ են նշան բռնում, իսկ դուք ասում եք՝ կուվել...

Կիստնիցկին նրան լսում էր թաքցրած հուզմունքով: Ի վերջո նա արդեն հասկանում էր, որ անզոր է մի որևէ ծանրակշիռ փաստարկ բերելու, գգում էր, որ կազակը պարզ, սպանիչ փաստերով իրեն նեղն է լծել, և նա շփոթվեց, շարա-

ցավ, որովհետև ներքուստ, հոգու խորքում գիտակցում էր իր անիրավացիությունը:

— Դու բուլճարիկ ես, ինչ է:

— Այստեղ անունը ի՞նչ գործ ունի...— հեզնաբար ու դանդաղ պատասխանեց կագուտինը,— բանը անունը չի, այլ արդարությունը: Ժողովրդին արդարություն է հարկավոր, իսկ դա բոլորն էլ ոտքի տակ են տալի, թաղում են: Ասում են, որ արդարությունը վաղուց է մեռել:

— Ահա թե քո գլխին ինչ են լցնում սովորյալ բուլճարիկները... Ուրեմն, իզուր չէ, որ դու բարեկամանում ես նրանց հետ:

— Է-է՛, պարոն յասավուլ, կյանքը ինքն է մեզ պես համբերողների գլուխը լցրել այդ մտքերը, իսկ բուլճարիկները՝ միայն պատրույզը կվառեն...

— Դու թող այդ հեքիաթ-մեքիաթը: Հարկ չկա կատակ անելու,— արդեն ցասկոտ վրա բերեց կիստնիցկին:— Պատասխանիր ինձ, դու խոսեցիր իմ հոր հողի մասին, առհասարակ կալվածատիրական հողի մասին, բայց չէ՞ որ դա սեփականություն է: Եթե դու երկու շապիկ ունես, իսկ ես մեկն էլ չունեմ, ուրեմն ի՞նչ խոսք, քո կարծիքով ես պետք է խլե՞մ քո շապիկը:

Կիստնիցկին շտեսավ, բայց կագուտինի ձայնից կուահեց, որ նա ժպտում է:

— Ես ինքս կտամ ավելորդ շապիկը: Ֆրոնտում ոչ թե ավելորդ, այլ վերջին շապիկս էի տալիս, շինելը տկտր շա՛նիս վրա էի հագնում, բայց արի ու տես, որ ոչ ոք էլ չի ուզում մի թիզ հող զիջել...

— Լավ, դու քի՞չ հող ունես, պակասո՞ւմ է, հը՞,— կիստնիցկին բարձրացրեց ձայնը:

Մի քիչ անձամբ կագուտինը հուզմունքից շնչասպառ, համարյա բղավելով, պատասխանեց.

— Դու կարծում ես, ինձ համա՞ր է հոգիս ցավում: Լեհաստանում էինք,— մարդիկ ո՞նց են ապրում այնտեղ: Տեսե՞լ ես թե չէ: Իսկ մեր շորս բոլորը ի՞նչպես են ապրում մուծիկները... Ես հո տեսե՞լ եմ: Մարդու սիրտը արյունո՞վ է լցվում... Կարծում ես ես նրանց չե՞մ խղճում, հը՞: Կարելի է

ես շա՛տ ու շատ եմ ցավել թեկուզ այն լեհացու համար, հե-
տաքրքրվել նրա դառն վիճակով:

Լիստնիցկին ուզում էր ինչ-որ խայթող բան ասել, բայց
Պուտիլովի գործարանի գորշ, ցցուն կորպուսների կողմից
լսվեց մի սուր աղաղակ՝ «բռնեցե՛ք»: Դղրդաց ձիերի ոտների
դոփյունը, ականջ ծակեց կրակոցը: Մտրակը թափահարելով,
Լիստնիցկին բաց թողեց ձիու գլուխը:

Լիստնիցկին ու Լազուտինը միաժամանակ մոտեցան փո-
զոցների խաշմերուկի մոտ խմբված դասակին: Կազակները
սվսվացնելով թրերը, իջնում էին ձիերից, խմբի մեջտեղում
թպրտում էր նրանց բռնած մարդը:

— Ի՞նչ է, ի՞նչ բան է,— որոտաց Լիստնիցկին՝ ձին քշե-
լով ամբոխի մեջ:

— Ինչ-որ մի իժ է, քար գցեց...

— Շարտեց մեր վրա ու փախավ:

— Հասցրո՛ւ դրան, Արժանով:

— Ա՛խ դու սրիկա՛, քա՛ր ես գցում, հա՛-ա:

Դասակապետ ուրյադնիկ Արժանովը կախվելով ձիուց,
բռնել էր կարճահասակ, սև վերնաշապիկով, առանց գոտու
մի մարդու օձիքից: Ձիերից իջած երեք կազակ կապում էին
նրա թևերը:

— Ո՞վ ես դու,— ինքն իրեն կորցրած՝ բղավեց Լիստ-
նիցկին:

Բռնվածը բարձրացրեց գլուխը, նրա մոռյլ, սփրթնած
դեմքի վրա ծոմովել, պինդ իրար էին հպվել լուռ շրթունք-
ները:

— Ո՞վ ես դու,— Լիստնիցկին կրկնեց հարցը.— քա՛ր
ես շարտում, հա՞, սրիկա՛: Դե՞հ, լո՞ւմ ես: Արժա՛նով...

Արժանովը թռավ ձիուց, բաց թողեց բռնվածի օձիքը,
թափ առավ ու խփեց նրա դեմքին:

— Թակեցե՛ք դրան,— միանգամից դարձնելով ձին,
հրամայեց Լիստնիցկին:

Ձիերից իջած երեք թե շորս կազակ, գետին գցելով կապ-
ված մարդուն, սկսեցին հարվածել մտրակներով: Լազուտինը
թռավ ձիուց, վազեվազ մոտեցավ Լիստնիցկուն:

— Պարո՛ն յասավու... Այս ի՞նչ եք անում... Պարո՛ն
յասավու,— նա դողոջ, կաշուն մատներով բռնեց յասա-

վուլի ծնկից, աղաղակեց,— այդպես չի՛ կարելի... ախր նա
մա՛րդ է, ի՞նչ եք անում, հը՛:

Լիստնիցկին թափահարեց ձիու սանձը, լռեց: Նետվելով
դեպի կազակները, Լազուտինը Արժանովի մեջքն առավ
թևերի մեջ, ու սայթաքելով, թուրը ոտների մեջ գցելով, փո-
ձում էր ետ քաշել նրան: Արժանովը դիմադրում էր, քրթմըն-
ջում:

— Դու շատ մի՛ փոթոթվի, է՛յ: Նա քար գցի, իսկ ես
սուս կենամ, հա՛... Թո՛ղ... Թո՛ղ, ասում եմ քեզ...

Կազակներից մեկը կռացավ, ուսից վերցրեց հրացանը
ու դրա կոթով խփեց գետնին ընկած մարդու զալարվող
մարմնին: Մի րոպե անց սալահատակով մեկ սողաց ցածր,
աղեկտուր ու վայրի աղաղակը:

Հետո էլ մի քանի վայրկյան լուռթյուն,— և նույն ձայնը,
բայց արդեն երիտասարդական ճկունությամբ, խեղդվելով,
ցավից կերկերուն, հարվածներից հետո տնքալուց խզվելով,
կցկտուր ճիշեր էր արձակում:

— Սրիկանե՛ր... Կոնտրոկոլյուցիոներներ... Խփեցե՛ք, օ-
օֆ... ա-ա՛-ա-այ...

Շրը՛մփ, շրը՛մփ, շրը՛մփ,— լսվում էին հարվածները:
Լազուտինը վազեվազ մոտեցավ Լիստնիցկուն. պինդ
սեղմվելով նրա ծնկին, շանզոտելով թամբի կողը, շնչաս-
պառ գոչեց.

— Խի՛ղճ արա:

— Ե՛տ քաշվիր, է՛:

— Ցասավո՛ւ... Լիստնիցկի... Լսո՛ւմ ես, պատասխան
կտաս:

— Թքա՛ծ քեզ վրա,— մոմոաց Լիստնիցկին և ձին քշեց
Լազուտինի վրա:

— Տղերք,— գոչեց Լազուտինը՝ վազելով մի կողմ կանգ-
նած կազակների մոտ,— ես գնդի ռեկոմի անդամ եմ... Ես
ձեզ հրամայում եմ՝ մահից ազատեցեք մարդուն... Պատաս-
խան... պատասխան կտաք, հա՛-ա... Հին ժամանակը չէ...

Անմիտ, կուրացուցիչ ատելությունը թունդ համակեց
Լիստնիցկուն: Նա մտրակով խփեց ձիու ականջների մեջտե-
ղին ու քշեց Լազուտինի վրա: Նազանի սև, հրացանի քսուկի
հոտ արձակող փողը դեմ անելով նրա դեմքին, ճղճղաց.

— Լոի-ի՛-ր, դավաճան, բռլշկի՛կ, թե չէ կգնդակահա-
րեմ:

Կամքի մեծագույն լարումով մատը դեն տարավ ատրճա-
նակի հրահանից, ծառս արեց ձին, սլացավ:

Մի քանի րոպեից հետո նրան հետևեցին երեք կազակ-
ները: Արժանովի և Լապինի ձիերի միջև, առանց ոտները գե-
տին դնելու, քարշ էր գալիս բռնված մարդը՝ մարմնին հուպ
կպած, թաց շապկով: Կազակների թևերից կախված, նա կա-
մացուկ ճոճվում էր, ոտները քսում սալաքարերին: Դեպի վեր
ցցված նրա սուր ուսերի միջև օրորվում էր արյունոտ, պատըռ-
ված գլուխը, կախվում ծոծրակի վրա՝ բարձրացնելով սպի-
տակին տվող կզակը: Մի քիչ հեռվից ընթանում էր երրորդ
կազակը: Լուսավորված նրբանցքի անկյունում նա մի կառք
տեսավ. կիսով շափ կանգնելով ասպանդակի վրա, ձին քշեց
դեպի կառքը: Ինչ-որ կարճ խոսք ասելով, մտրակը սպառնա-
գին խփեց սապոգի ձտքին, ու կառապանը հնազանդ շտապո-
ղականությամբ կառքը քշեց դեպի Արժանովն ու Լապինը,
որոնք կանգ էին առել փողոցում:

Մյուս օրը Լիստնիցկին արթնացավ նախորդ օրը իր կա-
տարած մեծ, անուղղելի սխալի գիտակցությամբ: Կծոտելով
շրթունքները, նա վերհիշեց կազակների վրա քար նետած
մաքդուն ծեծելու տեսարանը և այն, ինչ որ այնուհետև տեղի
էր ունեցել իր և Լազուտինի միջև: Կնճոտեց դեմքը: Մտած-
կոտ հազաց: Հագնվելով, մտածեց, որ գնդի կոմիտեի հետ
հարաբերությունները սրվելուց խուսափելու համար առայժմ
չպետք է ձեռք տալ Լազուտինին, այլ ավելի լավ է սպասել,
մինչև որ միջադեպին ներկա եղած կազակների հիշողության
մեջ հարթվի Լազուտինի հետ տեղի ունեցած ընդհարումը, և
այն ժամանակ ծածուկ կերպով մեջտեղից վերացնել նրան:

«Ա՛մա թե բարեկամացա կազակի հետ...» — ինքն իրեն
դառնությամբ հեզում էր Լիստնիցկին ու հետագա բոլոր
օրերին գտնվում էր կատարված դեպքի վատ տպավորության
տակ:

Օգոստոսի սկզբներին, պայծառ, արևաշող մի օր Լիստ-
նիցկին Ատարշիկովի հետ շրջում էր քաղաքում: Սպաների
ժողովի օրը նրանց միջև եղած խոսակցությունից հետո ոչինչ
չկար, որ կարողանար վերացնել այն ժամանակ ստեղծված

անորոշությունը: Ատարշիկովը ինքնամփոփ էր, թաքցնում
էր շարտահայտված մտքերը, և որքան էլ Լիստնիցկին փոր-
ձում էր բաց անել նրա լեզուն, նա ծածկում էր այն անթա-
փանցելի վարագույրը, որ սովորաբար կրում է մարդկանց մե-
ծամասնությունը՝ դրանով ուրիշների աչքից թաքցնելով իր
իսկական դեմքը: Լիստնիցկուն միշտ թվում էր, որ մարդը
շփվելով ուրիշ մարդկանց հետ, իր արտաքին դեմքի տակ էլի
ինչ-որ մի ուրիշ դեմք է պահում, որը երբեմն այնպես էլ
մնում է չպարզված: Նա հաստատապես հավատում էր, որ
եթև ուզածդ մարդուց պոկես հենց այդ վերին ծածկուցը, ապա
նրա տակից դուրս կգա իսկական, մերկ, ոչ մի կեղծիքով
չպճնված միջուկը: Եվ այս պատճառով էլ նա միշտ հիվան-
դագին ցանկություն էր ունենում իմանալու, թե ինչ է թաք-
նված այլևայլ մարդկանց կոպիտ, մոայլ, աներկյուղ, լկտի,
հանդիստ, ուրախ արտաքինի տակ: Տվյալ դեպքում, մտածե-
լով Ատարշիկովի մասին, նա լոկ մի բան էր կռահում,—
վերջինը տանջալից կերպով ելք է փնտրում ստեղծված հակա-
սություններից, կազակականը կապակցում է բռլշկիականի
հետ: Այս ենթադրությունը նրան ստիպեց դադարեցնել
Ատարշիկովի հետ մերձենալու փորձերը, իրեն ավելի հեռու
պահել:

Նրանք բայում էին Նևսկի պողոտայով, երբեմն ան-
նշան ֆրագներ փոխանակում:

— Գնա՞նք մի բան ուտելու,— առաջարկեց Լիստնիցկին
ու աչքերով ցույց տվեց մի ռեստորանի դուռ:

— Կարելի է,— համաձայնեց Ատարշիկովը:

Նրանք ներս մտան ու կանգ առան՝ մի փոքր շփոթված
նայելով իրենց շուրջը,— բոլոր սեղանները բռնված էին:
Ատարշիկովն արդեն շուտ էր գալիս հեռանալու, բայց պա-
տուհանի մոտ զրված սեղանից վեր կացավ ուշադրությամբ
նրանց նայող, ուռուցիկ դեմքով, լավ հագնված մի պարոն,
որը նստած էր երկու կնոջ հետ, մոտեցավ՝ քաղաքավարու-
թյամբ բարձրացնելով կաթսայածե գլխարկը:

— Ներողություն եմ խնդրում: Արդյոք չէի՞ք ցանկանա
գրավել մեր սեղանը: Մենք գնում ենք:— Նա ժպտում էր՝
ցույց տալով ծխելուց դեղնած, նոսր ատամները, ձեռքի շար-
ժումով հրավիրելով դեպի սեղանը:— Ես ուրախությամբ ծա-

ռայութիւն կմատուցեմ պարոնայք սպաներին: Գուք մեր պարծանքն եք:

Սեղանի մոտ նստած կանայք վեր կացան: Նրանցից մեկը, որ բարձրահասակ էր ու սև, շտկում էր սանրվածքը, մյուսը, որ հասակով ավելի փոքր էր, սպասում էր՝ խաղացնելով հովանոցը:

Սպաները շնորհակալութիւն հայտնեցին պարոնին, որը սիրալիր կերպով նրանց հնարավորութիւն էր տվել օգտվելու սեղանից, ու անցան դեպի պատուհանը: Իջեցրած վարագույրի միջով դեղին ասեղների պես սփռոցի վրա էին ընկել գալուկ ճառագայթները: Կերակուրների հոտը խեղդել էր սեղանների վրա դրված կենդանի ծաղիկների հուզիչ, նրբին բուրմունքը:

Լիստնիցկին սառուլցով բանջարապուր պատվիրեց, ու սպասելով, մտազբաղ տնտղում էր ծաղկամանից պոկած դեղնակարմիր մի ծաղիկ: Ատարշչիկովը թաշկինակով սրբում էր քրտնած ճակատը, հոգնածորեն խոնարհված նրա աչքերը, հաճախակի թարթելով, հետամուտ էին լինում արևի արտացոլված ճառագայթին, որ երեւում էր հարևան սեղանի ոտի վրա:

Նրանք դեռ ուտում էին, երբ երկու սպա, բարձրաձայն խոսելով, մտան ռեստորան:

Առջևից քայլողը աչքերով ազատ սեղան փնտրելով, արեւվից թունդ սևացած դեմքը դարձրեց դեպի Լիստնիցկին: Նրա շեղադիր, սև աչքերում առկայծեց ուրախութիւնը:

— Լիստնիցկի,— այդ դո՞ւ ես...— մոտենալով, վստահորեն, բոլորովին առանց քաշվելու գոչեց սպան:

Նրա սև բեղերի տակ վառ փայլեցին ատամները: Լիստնիցկին ճանաչեց յասավու: Կալմիկովին, սրա հետևից մոտեցավ Չուբովը: Նրանք պինդ սեղմեցին միմյանց ձեռքերը: Իր նախկին պաշտոնակիցներին ծանոթացնելով Ատարշչիկովի հետ, Լիստնիցկին հարցրեց.

— Հը՛, այդ ո՞ր քամին բերեց այստեղ:

Ուրբելով բեղերը, Կալմիկովը հարևանցիորեն, շեղակի նայեց այս ու այն կողմ, ասաց.

— Գործուղված ենք: Հետո կպատմեմ: Գու քո մասին պատմիր: Ի՞նչպես ես ապրում տասնչորսերորդ գնդում:

... Նրանք միասին դուրս եկան: Կալմիկովը և Լիստնիցկին ետ մնացին, շուտ եկան հենց առաջին նրբանցքը, ու կես ժամից հետո, անցնելով քաղաքի աղմկոտ մասից, քայլում էին, խոսում կամացուկ, երկյուղած նայում իրենց շուրջը:

— Մեր երրորդ կորպուսը գտնվում է Ռումինական ֆրոնտի ռեզերվում,— աշխույժ պատմում էր Կալմիկովը:— Մեկ ու կես շաբաթ առաջ գնդի հրամանատարից հրաման եմ ստանում հանձնել հարյուրյակը, հարյուրապետ Չուբովի հետ մեկնել դիվիզիայի շտաբի տնօրինութիւն տակ: Հրաշալի է: Հանձնում եմ: Ժամանում ենք դիվիզիայի շտաբ: Օպերատիվ բաժանմունքից գնդապետ Ս...— դու նրան ճանաչում ես,— գաղտնի հաղորդում է ինձ, որ ես պետք է անհասպաղ մեկնեմ գնեքրալ Կրիմովի մոտ: Չուբովի հետ գնում ենք կորպուս: Կրիմովն ընդունում է ինձ, և որովհետև նա գիտե, թե սպաներից ում են ուղարկում իր մոտ, ուղղակի հայտարարում է հետևյալը. «Իշխանութիւն գլուխ են կանգնած այնպիսի մարդիկ, որոնք գիտակցաբար դեպի կործանում են տանում երկիրը. անհրաժեշտ է փոխել կառավարական վերնախավը, գուցեև ժամանակավոր կառավարութիւնը փոխարինել ռազմական դիկտատուրայով»: Նա տվեց Կոռնիլովի, որպէս հավանական թեկնածուի անունը, հետո ինձ առաջարկեց մեկնել Պետրոգրադ, սպայական միութեան Գլխավոր կոմիտեի տնօրինութիւն տակ: Հիմա այստեղ մի քանի հարյուր հուսալի սպաներ են հավաքված: Գու հասկանո՞ւմ ես, թե մենք ինչ դեր ենք խաղալու: Սպայական միութեան Գլխավոր կոմիտեն կազակական զորքերի միութեան Խորհրդի հետ համերաշխ է աշխատում, հանգուցային կայարաններում և դիվիզիաներում հարվածային գումարտակներ է կազմակերպում: Ահա այն ամենը, ինչ որ պետք է զալու մոտիկ ապագայում...

— Ի՞նչ է դուրս գալու, դու ի՞նչ ես կարծում:

— Ա՛յ քեզ բան: Ապրելով այստեղ, մի՞թե դուք չեք պարզել իրադրութիւնը: Անկասկած, կառավարական հեղաշրջում կլինի, Կոռնիլովը իշխանութեան գլուխ կանցնի: Բանակը հո սարի պես կանգնած է նրա կողմը: Այնտեղ, մեզ մոտ այսպես են մտածում. կա երկու համազոր ուժ,— Կոռնիլովը և բոլշևիկները: Կերենսկին երկու աղացքարերի արանքումն է. մեկը կամ մյուսը կճզմի նրան: Առայժմ թող Ալի-

սայի՛ անկողնում: Նա մի ժամվա խալիֆա է:— Կալմիկովը, մի փոքր լուելուց հետո, մտազբաղ տնտղելով թրափունջը, ասաց.— Մենք, էպպես ասած, զինվորներ ենք շախմատի դաշտում, իսկ այդ զինվորները հո չգիտեն, թե խաղացողի ձեռքը իրենց ուր է տանելու... Օրինակ, ես շեմ պատկերացնում այն ամենը, ինչ որ կատարվում է գլխավոր զորակայանում: Գիտեմ, որ գեներալիտետի,— Կոռնիլովի, Լուկոմսկու, Ռոմանովսկու, Կրիմովի, Դենիկինի, Կալեզիևի, էրգելիի և ուրիշ շատերի միջև ինչ-որ խորհրդավոր կապ, համաձայնություն կա...

— Սակայն բանակը... արդյո՞ք ամբողջ բանակը կգնա Կոռնիլովի հետևից,— հարցրեց Լիստնիցկին՝ հետզհետե արագացնելով քայլերը:

— Զինվորությունն իհարկե չի գնա: Մենք կտանենք նրան:

— Դու գիտե՞ս, որ Կերենսկին ձախակողմյանների ճրնշման տակ ուզում է հեռացնել գերագույն հրամանատարին:

— Զի՛ համարձակվի: Հետևյալ օրն Լեթ նրան ծունկի կչոքեցնեն: Սպայական միության Գլխավոր կոմիտեն բավական կատեգորիկ կերպով նրան հայտնել է՝ դրա վերաբերյալ իր հայացքը:

— Երեկ նրա մոտ ներկայացուցիչներ ուղարկվեցին կազակական զորքերի միության խորհրդի կողմից.— ժպտալով ասաց Լիստնիցկին:— Նրանք հայտարարեցին, որ կազակությունը մտքովն էլ չի անցկացնում Կոռնիլովին հեռացնելը: Դու գիտե՞ս, թե նա ինչ պատասխանեց. «Դա ինսինուացիա է: Ժամանակավոր կառավարությունը միտք է՛լ չունի այդպիսի բան ձեռնարկելու»: Հանդստացնում է հասարակայնությունը ու միևնույն ժամանակ ք...-ի նման ժպտում սովորեալի գործկոմիս:

Կալմիկովը քայլելիս հանեց սպայական դաշտային տետրը, բարձրաձայն կարդաց.

— «Հասարակական գործիչների խորհրդակցությունը ողջունում է ձեզ, ռուսական բանակի գերագույն առաջնորդին:

¹ Այլստ — Ալեքսանդրա Ֆլոդորովնա (մինչև ամուսնությունը — իշխանուհի Ալիսա Հեսսենցի), Նիկոլայ 11-ի կինը:

խորհրդակցությունը հայտարարում է, որ բանակում և Ռուսաստանում ձեր հեղինակությունը զցելու ամեն տեսակ փորձերը հանցագործություն է համարում և իր ձայնը միացնում է սպաների, գեորգևյան կավալերների և կազակների ձայնին: Մանր փորձության ահեղ ժամին ամբողջ մտածող Ռուսաստանը հույսով ու հավատով է նայում ձեզ: Թող աստված օգնի ձեզ հզոր բանակի վերաստեղծման և Ռուսաստանը փրկելու ձեր մեծ սխրագործության մեջ: Ռոձյանկո»¹: Կարծեմ պա՞րզ է: Կոռնիլովին հեռացնելու մասին խոսք էլ չի կարող լինել... Ի դեպ, երեկ դու տեսա՞ր նրա ժամանումը:

— Ես միայն գիշերը եկա Ցարսկոյե Սելոյից:

Կալմիկովը ժպտաց՝ միանգամից ցույց տալով ատամների համաշափ շարքը և վարդագույն, առողջ լնդերը: Նրա նեղդիր աչքերը կկոցվեցին, աչքերի անկյուններում սարդոստայնի պես բարակ, բազմաթիվ կնճիռներ առաջացան:

— Կլասիկ բա՛ն էր: Պահագորը — թեքիցիների մի հեծելավաշտ: Ավտոմոբիլների վրա — գնդացիներ: Այս բոլորը շարժվեցին դեպի Չմեռային պալատ: Բավական աներկիմաստ նախազգուշացում... քա՛հ-քա՛հ-քա՛հ: Հապա մի տեսնեիր փրշոտ փափախներով այդ սֆաթները: Օ՛, արժեք տեսնել նրանց: Ցուրահատուկ տպավորություն են թողնում:

Շրջելով Մոսկովյան-Նարվյան ուայոնում, սպաները բաժանվեցին:

— Մենք, ժենյա, չպետք է աչքից կորցնենք միմյանց,— հրաժեշտ տալու ժամանակ ասաց Կալմիկովը,— վատ ժամանակ է գալիս: Պինդ կպիր հողից, թե չէ կընկնես:

Հեռացող Լիստնիցկու հետևից, կիսով շափ նրա կողմը դառնալով, Կալմիկովն ասաց.

— Մոռացա քեզ ասել: Հիշո՞ւմ ես մեր Մերկուլովին՝ նկարչին:

— Է՞:

— Մայիսին օպանվեց:

¹ Ռոձյանկո Մ. Վ. (1859—1924) — խոշոր կավածատեր, III և IV Պետական դամայի նախագահ, Կերենսկու օրով — կոնտրակոլուցիոն ուժերի գործունյա կազմակերպիչ: Հոկտեմբերյան ռեյուլուցիայից հետո գտնվում էր սպիտակ բանակում, այնուհետև փախավ արտասահման:

— Չի՛ կարող պատահե՛լ:

— Այն էլ ինչպե՛ս սպանվեց,— պատահաբար: Ավելի անհեթեթ մահ չէր կարող լինել: Մի հետախույզի ձեռքով պայթեց նոնակը, նրա թևերը կտրվեցին մինչև արմունկները, իսկ Մերկուրովից մենք գտանք միայն ներքին օրգանների մի մասը և շարդոտված ցեխը¹: Երեք տարի մահը խնայում էր նրան...

Կալմիկովը էլի ինչ-որ բան բղավեց, բայց քամին պտտեց գորշ փոշին, բերեց բառերի միայն կցկտուր վերջավորութունները: Լիստնիցկին թափահարեց ձեռքը, գնաց՝ մի-երկու անգամ հտ դառնալով ու նայելով նրա կողմը:

XIII

Օգոստոսի 6-ին գերագույն գլխավոր հրամանատարի շտաբի պետ գեներալ Լուկոմսկին գլխավոր զորակայանի առաջին գեներալ-բնակապետի, գեներալ Ռոմանովսկու միջոցով կարգադրություն ստացավ Յ-րդ հեծյալ կորպուսը և Տեղական դիվիզիան նեվել — Ն. Սոկոլնիկի — Վելիկիե Լուկի շրջանում կենտրոնացնելու մասին:

— Ինչո՞ւ տվյալ շրջանում, չէ՞ որ այդ զորամասերը գտնվում են Ռումինական ֆրոնտի ռեզերվում,— հարցրեց զարմացած Լուկոմսկին:

— Չգիտեմ, Ալեքսանդր Սերգեևիչ, ձշտությամբ հաղորդում եմ գերագույն հրամանատարի հրամանը:

— Ե՞րբ ստացաք հրամանը:

— Երեկ: Գիշերվա ժամը տասնմեկին գերագույնը կանչեց ինձ և հրամայեց այսօր առավոտյան դրա մասին գեկուցել ձեզ:

Ռոմանովսկին ոտնաթաթերի վրա մի փոքր քայլեց պատուհանի մոտ, ու կանգ առնելով Միջին Եվրոպայի ստրատեգիական քարտեզի առաջ, որ Լուկոմսկու կաբինետում բռնել էր պատի կեսը, շափազանցրած ուշադրությամբ դիտելով քարտեզը, մեջքը Լուկոմսկու կողմը դարձրած, ասաց.

— Դուք բացատրվեցիք... Նա այժմ իր կաբինետում է:

Լուկոմսկին սեղանից թղթեր վերցրեց. բազկաթոռը ետ տարավ, գնաց այն հաստատուն. շեշտված քայլափոքով, որով քայլում են բոլոր շաղացող, տարեց զինվորականները: Դուռն մոտ իրենից առաջ թողնելով Ռոմանովսկուն, ասաց՝ ակնբևարար հետևելով իր մտքերի ընթացքին:

— Ըիշտ է: Այո:

Կոռնիլովի կաբինետից այդ պահին դուրս էկավ Լուկոմսկուն անծանոթ, բարձրահասակ, երկարասրունք մի գրեղնապետ: Նա բաղաբավարությամբ ճանապարհ տվեց, գնաց միջանցքով, մի փոքր կաղալով, ծիծաղելի ու սարսափելի շարժմամբ ցնցելով կոնտուզիայից վնասված ուսը:

Կոռնիլովը մի փոքր դեպի առաջ թեքված, ձեռքերը շեղակի դիրքով սեղանին հենած, ասում էր իր առաջ կանգնած հասակավոր մի սպայի.

— ... պետք էր սպասել: Դուք ինձ հասկացա՞ք: Խնդրում եմ Պսկով ժամանելուց հետո անհապաղ հաղորդել: Կարող եք գնալ:

Սպասելով, որ սպան դուրս գնա, Կոռնիլովը աշխույժ, պիրկ շարժմամբ նստեց բազկաթոռին. մյուս բազկաթոռը մոտեցնելով Լուկոմսկուն, հարցրեց.

— Դուք Ռոմանովսկուց ստացա՞ք իմ կարգադրությունը երրորդ կորպուսի տեղափոխման մասին:

— Այո: Ես եկա այդ առիթով խոսելու: Ինչո՞ւ եք դուք կորպուսի կենտրոնացման համար ընտրել մատնանշված ուայոնը:

Լուկոմսկին ուշադրությամբ նայում էր Կոռնիլովի թուխ դեմքին: Այդ դեմքը անթափանցելի էր, ասիականորեն անտարբեր. այտերի վրայից, քթից մինչև կոշտ բերանը, որ ծածկված էր նոսր, կախ բեղերով, իջնում էին ծուռումուռ, ծանոթ կնճիռների: Դեմքի շոր, խիստ արտահայտությունը խախտվում էր միայն մի մազափնջով, որ մի տեսակ մանկականորեն-հուզիչ դիրքով իջել էր ճակատին:

Բազկաթոռի մեջքին թիկնած, փոքրիկ, շորացած ձեռքով կզակը բռնած ու մյուս ձեռքը Լուկոմսկու ծնկին հպելով, Կոռնիլովը կկոցեց մոռզուական, առկայծուն աչքերը, պատասխանեց.

— Ես ուզում եմ հեծելազորը կենտրոնացնել ոչ թե հատ-

¹ Ցեխ — հեռադիտակ (Ցեխի գործարանի):

կապես հյուսիսային ֆրոնտի հետևում, այլ այնպիսի ուշա-
նում, որտեղից հեշտ լինի հարկավոր դեպքում այն փոխա-
դրել հյուսիսային կամ արևմտյան ֆրոնտները: Ըստ իս,
ընտրված ուշադր ատավելապես բավարարում է այս պահան-
ջին: Դուք այլ կե՞րպ եք մտածում: Ի՞նչ:

Լուկոմսկին անորոշ թոթվեց ուսերը:

— Արևմտյան ֆրոնտի համար երկյուղ կրելու ոչ մի
հիմք չկա: Ավելի լավ է հեծելագորը կենտրոնացնել Պսկովի
ռայոնում:

— Պսկովի՞,— հարցրեց Կոռնիլովը՝ ամբողջ մարմինը
թեքելով դեպի առաջ, ու գեմքը կնճռոտելով, քիչ բանալով
բարակ, խամրած շրթունքը, բացասաբար պտտեց գլուխը:

— Ո՛չ, Պսկովի ուշադր հարմար չէ:

Լուկոմսկին հոգնած, ծերունական շարժումով ձեռները
դրեց բազկաթոռի կողերին, զգուշությամբ ընտրելով բառերը,
ասաց.

— Լավը Գյորգիևիչ, ես իսկույն կանեմ անհրաժեշտ
կարգադրութունները, բայց այնպիսի տպավորութուն եմ
ստանում, որ դուք ինչ-որ մի բան չեք ասում... Հեծելագորի
կենտրոնացման համար ձեր ընտրած ուշադր շատ լավ է այն
դեպքում, եթե հարկավոր լիներ հեծելագորը նետել դեպի
Պետրոգրադ կամ Մոսկվա, բայց հեծելագորի այդպիսի կենտ-
րոնացումը չի ապահովում հյուսիսային ֆրոնտը թեկուզ հենց
այն պատճառով, որ դժվար կլինի այն տեղափոխել: Եթե
ես չեմ սխալվում և դուք իսկապես չեք ասում ինչ-որ մի
բան, ապա խնդրում եմ՝ կամ ինձ բաց թողեք ֆրոնտ գնա-
լու, կամ ամբողջովին ինձ ասացեք ձեր ենթադրութուննե-
րը: Շտաբի պետը կարող է իր տեղում մնալ պետի կողմից
միայն լիակատար վստահության դեպքում:

Կոռնիլովը գլուխը թեքած, լարված լսում էր և այնու-
մեծնայնիվ մարդկային հասարակ աչքով կարողացավ նկա-
տել, թե ինչպես հուզմունքը հազիվ տեսանելի, ժլատ կար-
մրութուն էր առաջացրել Լուկոմսկու արտաքուստ սառն
դեմքի վրա: Մի քանի վայրկյան մտածելով, նա պատաս-
խանեց.

— Դուք իրավացի եք: Ես ունեմ որոշ նկատառումներ,
որոնց մասին ձեզ հետ դեռ չեմ խոսել... Խնդրում եմ կարգա-

դրութուն անել հեծելագորը փոխադրելու մասին և շտապ
կարգով այստեղ կանչեցեք երրորդ կորպուսի հրամանատար
գեներալ Կրիմովին, իսկ ես ու դուք մանրամասն կխոսենք
Պետրոգրադից վերադառնալուց հետո: Հավատացեք, Ալեք-
սանդր Սերգեևիչ, ես չեմ ուզում որևէ բան թաքցնել ձեզա-
նից,— Կոռնիլովը շեշտեց վերջին ֆրազը և լսելով դուռն
թխկոցը, արագ շուռ եկավ:— Մտե՛ք:

Ներս մտան գլխավոր զորակայանի կոմիսարի օգնական
Ֆոն Վիգինը և ցածրահասակ, սպիտակահեր մի գեներալ:
Լուկոմսկին վեր կացավ. հեռանալիս լսեց, թե ինչպես Ֆոն
Վիգինի հարցին Կոռնիլովը խիստ տոնով պատասխանեց.

— Հիմա ես ժամանակ չունեմ գեներալ Միլլերի գործը
վերանայելու: Ի՞նչ... Այո՞, ես մեկնում եմ:

Վերադառնալով Կոռնիլովի կաբինետից, Լուկոմսկին եր-
կար կանգնեց լուսամուտի առաջ: Շփելով ձեռմակող, սրա-
ծայր մորուքը, մտազբաղ նայում էր, թե ինչպես այգում քա-
մին լիզում է շագանակների խիտ գանգուրները ու ծածանում
արևի տակ փայլող, կորացած խոտաբույսերը:

Մի ժամից հետո 3-րդ հեծյալ կորպուսի շտաբը գերա-
զույն գլխավոր հրամանատարի շտաբի պետից հրաման ստա-
ցավ պատրաստվել տեղափոխվելու: Նույն օրը կորպուսի
հրամանատար գեներալ Կրիմովը, որ իր ժամանակին, Կոռ-
նիլովի ցանկությամբ, հրաժարվել էր 11-րդ բանակի հրամա-
նատարի պաշտոնին նշանակվելուց, ծածկագիր հեռագրով
շտապ կանչվեց գլխավոր զորակայան:

Օգոստոսի 9-ին Կոռնիլովը թեքինցիներին մի հեծելա-
վաշտի պահպանությամբ հատուկ գնացքով մեկնեց Պետ-
րոգրադ:

Մյուս օրը զորակայանում լուրեր էին պտտվում գերա-
զույնի հեռացման և նույնիսկ ձերբակալման մասին, բայց
11-ի առավոտյան Կոռնիլովը վերադարձավ Մոսկվայով:

Ժամանակուց անմիջապես հետո նա իր մոտ հրավիրեց
Լուկոմսկուն: Կարդալով հեռագիրն ու ամփոփագրերը, նա
խնամքով շտկեց սպիտակափայլ թևածալը, որ հստակորեն
ստվերագծված էր ձեռքի նեղ, ձիթենագույն դաստակով, շո-
շափեց օձիքը: Հապճեպորեն սահող այդ շարժումներով ար-
տահայտվում էր նրա համար անսովոր հուզմունքը:

— Այժմ մենք կարող ենք ավարտել այն ժամանակ ընդհատված խոսակցությունը, — ասաց նա ցածրաձայն: — Ես ուզում եմ անդրադառնալ այն նկատառումներին, որոնք ինձ դրդեցին երրորդ կորպուսը փոխադրել դեպի Պետրոգրադ և որոնց մասին ես ձեզ հետ դեռ չեմ խոսել: Դուք գիտեք, որ օգոստոսի երեքին, երբ ես եղա Պետրոգրադում, կառավարության նիստում, Կերենսկին ու Սավինկովը՝ նախազգուշացրին ինձ, որ ես չշոշափեմ պաշտպանության առանձնապես կարևոր հարցերը, որովհետև, նրանց ասելով, մինիստրներին մեջ անհուսալի մարդիկ կան: Ես, գերագույն գլխավոր հրամանատարս, հաշիվ տալով կառավարության առաջ, չեմ կարող խոսել օպերատիվ պլանների մասին, որովհետև չկան երաշխիքներ, որ իմ ասածները մի քանի օրից հետո հայտնի չեն լինի գերմանական հրամանատարությունը: Եվ դա կառավարությունն է: Եվ մի՞թե դրանից հետո ես կարող եմ հավատալ, թե նա կփրկի երկիրը: — Կոռնիլովը արագ, ամուր քայլերով հասավ մինչև դուռը, փակեց բանալիով, ու վերադառնալով, սեղանի առաջ հուզված քայլելով, ասաց. — Իսկ ու վիրավորական է, որ ինչ-որ փախչողներ են կառավարում երկիրը: Կամքի բացակայություն, բնավորության թուլություն, անճարակություն, անվճռականություն, հաճախ սոսկ ստորություն, — ահա թե ինչն է ղեկավարում այդ, թող ներվի ասել, «կառավարության» գործողությունները: Բոլշևիկները Կերենսկուն բնաջինջ կանեն այնպիսի պարոններին բարեհաճ մասնակցությամբ, ինչպես Չիրնովը² և ուրիշները... Ահա թե ինչ դրություն մեջ է գտնվում Ռուսաստանը, Ալեքսանդր Սերգեևիչ: Ղեկավարվելով ձեզ հայտնի սկզբունք-

¹ Սավինկով Բ. Վ. (1879—1925) — էսէռների կուսակցության պարագլուխներից մեկը: Փետրվարյան սոցիալիստիկ հեղափոխությունից հետո մինիստր էր Կերենսկու կաբինետում. երա առաջարկով ռազմաճակատում մահվան պատիժ սահմանվեց: Հակոբյանների հետո սովետական իշխանության ամենաշարունակաբար ղեկավարողներից մեկն էր, աշխատակցում էր Կալեդինի, Կոռնիլովի, Կոլչակի, Վրանգելի հետ:

² Չիրնով Վիկտոր (ծնվ. 1876 թ.) — էսէռների կուսակցության պարագլուխ: 1918 թ. ամառվա չեխ էսէռական սպիտակ զվարդիական ապստամբության գործունյա մասնակից: 1918 թ. աշնանը մեկնեց արտասահման՝ չաղադրեցնելով ՍՍՀՄ-ի դեմ ուղղված կոնտրռեյտիոն աշխատանքը: 1921 թ. փորձեց անցնել Կրոնշտադտի խռովության ղուխը:

ներով, ես ուզում եմ հայրենիքը պաշտպանել նոր ցնցումներից: Երրորդ հեծյալ կորպուսը ես տեղափոխում եմ գլխավորապես նրա համար, որ օգոստոսի վերջին մոտեցնեմ Պետրոգրադին, և եթե բոլշևիկները կովի գուրս գան, ինչպես հարկըն է դատաստան տեսնեմ հայրենիքի դավաճանների հետ: Օպերացիայի անմիջական ղեկավարությունը հանձնում եմ գեներալ Կրիմովին: Ես համոզված եմ, որ անհրաժեշտության դեպքում նա առանց երկար մտածելու կ'ախի բանվորական և զինվորական ղեկավարների ամբողջ Սովետը: Ժամանակավոր կառավարություն... Հը՛մ, մենք դեռ կտեսնենք... Ես ոչինչ չեմ փնտրում: Փրկե՛լ Ռուսաստանը... փրկե՛լ ինչ կերպ էլ լինի, ամեն գնով...:

Կոռնիլովը դադարեցրեց քայլելը. կանգ առնելով Լուկոմսկու դիմաց, կտրուկ հարցրեց.

— Ընդունո՞ւմ եք իմ համոզմունքը, որ միայն այսպիսի միջոցառումներ կարելի է ապահովել երկրի ու բանակի ապագան: Ինձ հետ դուք կգնա՞ք մինչև վերջ:

Հուզված, ուժգին սեղմելով Կոռնիլովի վտիտ, տաք ձեռքը, Լուկոմսկին մի փոքր բարձրացավ տեղից:

— Կիովին ընդունում եմ ձեր հայացքը: Կգնամ մինչև վերջ: Պետք է մտածել, կշռադատել և հարվածել: Հանձնարարեցեք ինձ, կավր Գյորգիևիչ:

— Ես մշակել եմ պլանը: Մանրամասնությունները կմշակեն գնդապետ Լեբեդևը և կապիտան Ռոժենկոն: Չէ՞ որ դուք, Ալեքսանդր Սերգեևիչ, ծանրաբեռնված եք աշխատանքով: Վստահեցեք ինձ, մենք դեռ ժամանակ կունենանք: ամեն ինչ քննարկելու. և եթե անհրաժեշտ լինի, համապատասխան փոփոխություններ մտցնելու:

Այդ օրերին: գլխավոր զորակայանը տեղային կյանքով էր ապրում: Ամեն օր ռազմաճակատներից, այլևայլ զորամասերից պաշտպանական գույնի փոշոտ բլուզներով, արևից սևացած և հողմահար դեմքերով սպաներ էին գալիս Մոդիլյով, նահանգապետի տուն՝ առաջարկելով իրենց ծառայությունը, ժամանում էին սպայական կոմիտեի և կազակական խորհրդի պճնազարդ ներկայացուցիչները, սուրհանդակներ էին գալիս Դոնից, Կալեդինի — Դոնի զորաց բրկրի կազակներից առաջին նշանակովի զորական ատամանի կողմից: Ժամանում էին քաղաքացիական տարազով ինչ-որ մարդիկ:

Գալիս էին այնպիսի մարդիկ, որոնք անկեղծորեն ուզում էին օգնել Կոռնիլովին՝ ոտքի կանգնեցնելու փետրվարին ընկած հին Ռուսաստանը, բայց կային նաև այնպիսի անզղներ, որոնք սուր հոտառությամբ զգում էին մեծ արյունահեղության հոտը, նախագուշակում էին, թե ում ամուր ձեռքն է երկրից արյուն առնելու, և հավաքվում էին Մոզիլյովում այն հույսով, թե իրենք էլ մի բան կպոկեն։ Գորբինսկու, Զավոյկոյի, Ալադյինի անունները զորակայանում հռչակվում էին որպես այնպիսի մարդկանց անուններ, որոնք մոտիկ առնչություն ունեին գերագույնի հետ։ Գլխավոր զորակայանում և Գոնի Զորաց ստամանի շտաբում փափսում էին, թե Կոռնիլովը չափից դուրս դուրահավատ է ու դրա հետևանքով ավանտյուրային շրջապատի մեջ է ընկել։ Բայց միևնույն ժամանակ սպայության լայն շրջաններում իշխում էր այն համոզմունքը, թե Կոռնիլովը Ռուսաստանի վերականգնման գրոշն է։ Եվ բոլոր կողմերից այդ գրոշի տակ էին հավաքվում ռեստավրացիայի մոլի ջատագույնները։

Օգոստոսի 13-ին Կոռնիլովը մեկնեց Մոսկվա՝ պետական խորհրդակցության։

Տաք, մի քիչ ամպամած օր։ Երկինքն ասես կապտավուն ալյումինից էր ձուլված։ Զենիթում՝ փրշոտ, յասամանագույն փեշերով մի ամպ։ Ամպից շեղակի, ծիածանի ցոլքերում բեկբեկվող, բարեբեր անձրև է գալիս գաշտերի վրա, ռելսերի վրա շաշող գնացքի վրա, թեթև սառնամանիքից հեքիսթայնորեն եղյամակալած անտառի վրա, կեշիների հեռավոր, ջրանկարչական պատկերի նման ցայտուն ուրվագծերի վրա, ամբողջովին դալուկ հագած նախաշնանային հողի վրա։

Գնացքը դեպի ետ է նետում տարածությունը։ Գնացքի հետևից գորշ քղանցատուտի նման ձգվում է ծուխը։ Վազոնի բաց պատուհանի մոտ է պաշտպանական գույնի համազգեստ հագած, փոքրամարմին գեներալը, կրծքին գեորգեյան խաչեր։ Կկոցելով շեղադիր, ածխանման սև աչքերը, նա գլուխը պատուհանից դուրս է հանում, ու անձրևի հորդ կաթիլները առատորեն թրջում են արևից վաղուց սևացած նրա դեմքը ու սև, կախ բեղերը. քամին օրորում, դեպի ետ է սանրում մանկականորեն ճակատին ընկած մազափունջը։

Կոռնիլովի Մոսկվա ժամանելուց մի օր առաջ յասավուլ Լիստնիցկին կազակական զորքերի միության հորհրդի առաջնապետ կարևոր մի հանձնարարությամբ ժամանեց այնտեղ։ Մոսկվայում գտնվող կազակական մի գնդի շտաբին հանձնելով մի ծրար, նա իմացավ, որ հետևյալ օրը սպասվում է Կոռնիլովի ժամանումը։

Լիստնիցկին կեսօրին Ալեքսանդրյան կայարանում էր։ Յպասարանի յահլիճը և առաջին ու երկրորդ կարգերի դահլիճները լեփ-լեցուն են մարդկանցով. գերակշռում են զինվորականները։ Կառամատույցում շարք է կանգնում Ալեքսանդրյան ռազմական դպրոցից՝ նշանակված պատվավոր պահակը, ուղանցույց կամուրջի մոտ կանգ է առել Մոսկվայի կանացի մահվան գումարտակը²։ Կեսօրվա ժամը մոտ երեքին ժամանում է գնացքը։ Միանգամից դադարում է խոսակցությունը։ Նվազախմբի հնչեղ, բամբ նվագ ու բազմաթիվ ոտների քստքստան դոփյուն։ Խոնաված բազմությունը Լիստնիցկուն հրելով, նետեց կառամատույց։ Դուրս գալով իրար գլխի թափված ամբոխի միջից, նա տեսավ, որ գլխավոր հրամանատարի վաղոնի առաջ երկշարք կանգնում են թեքիցիները։ Լաքից փայլող վաղոնի պատը պլպլում, արտացոլում է նրանց վառ-կարմիր խալաթները։ Մի քանի զինվորականների ուղեկցությամբ դուրս գալով վաղոնից, Կոռնիլովը սկսեց անցնել պատվավոր պահակի, զնույտացիաների առջևից, որոնք ուղարկված էին գեորգեյան շքանշանակիրների միության, բանակի ու նավատորմի սպա-

¹ Ալեքսանդրյան ռազմական դպրոց — ցարական Ռուսաստանում ռազմական ուսուցման հաստատություն, որ իր սաներին՝ յունկերներին պատրաստում էր սպայական կոչման համար։ Ինչպես հայտնի է, քաղաքացիական պատերազմի ժամանակ յունկերները կատաղի զինված սպարար էին մղում կոնտրոկուցիայի կողմից։

² Մահվան գումարտակ — Առաջին համաշխարհային պատերազմի վերջում այսպես կոչված նաբվածային զորամասեր էին կազմակերպվում կամավորներից։ Կերենսկու ժամանակ գոյություն ունեին հատուկ հարվածային գնդեր և նույնիսկ կանացի հարվածային օմահվան գումարտակա շարվածային զորամասերը զարձան կոնտրոկուցիայի գործիք։

ների միութեան, կազակական զորքերի միութեան խորհրդի կողմից:

Գերագույն հրամանատարին ներկայացող անձանց թվում կիստնիցկին ճանաչեց Դոնի ատաման Կալեդինին և գննեբալ Զայոնշկովսկուն, մնացածների անունները տալիս էին նրա շրջապատող սպաները:

— Կիսլյակովը, — հաղորդակցության ճանապարհների մինիստրի օգնական:

— Քաղաքագլուխ Ռուզնև:

— Իշխան Տրուբեցկոյ — գլխավոր ղորակայանի դիվանագիտական գրասենյակի պետ:

— Պետական խորհրդի անդամ Մուսին-Պուշկին:

— Ֆրանսիական ռազմական կցորդ, գնդապետ Կայո:

— Իշխան Գուլիցին:

— Իշխան Մանսիրյով... — հնչում էին քծնոտ, հարգալից ձայները:

Կիստնիցկին տեսնում էր, թե ինչպես պլատֆորմի երկարութեամբ խիտ կանգնած, նրբագեղ հագնված կանաչ ծաղիկներ էին նետում դեպի իրենց կողմը եկող Կոռնիլովի վրա: Մի վարդագույն ծաղիկ պսակով կպավ Կոռնիլովի համազգեստի ակսերանտին ու կախ ընկավ: Կոռնիլովը մի փոքր շփոթված, անվճռական շարժմամբ գցեց այն: Երկարամորուք մի ձեռունի ուրալցի, կակազելով, սկսեց ողջունի խոսք ասել կազակական տասներկու զորաց անունից: Կիստնիցկուն շահողվեց լսել մինչև վերջ, — նրան ետ մղեցին դեպի պատը: Քիչ մնաց կտրեին թրի փոկը: Պետական դամայի անդամ Ռոդիչևի ճառից հետո Կոռնիլովը նորից առաջ շարժվեց՝ ամբոխով խիտ շրջապատված: Սպաները իրար ձեռքից բռնած, պահպանական շղթա կազմեցին. բայց ամբոխը նրանց դես-դեն գցեց: Դեպի Կոռնիլովը տասնյակ ձեռքեր էին մեկնվում: Մի ինչ-որ շաղ, հերարձակ տիկին մանր քայլերով գնում էր նրա կողքից՝ աշխատելով շրթունքները հպել նրա բաց կանաչ համազգեստի թևքին: Ելքի մոտ ողջունի խլացուցիչ, որոտընդոստ աղաղակների տակ Կոռնիլովին բարձրացրին ձեռների վրա, տարան: Կիստնիցկին ուսի ուժգին շարժմամբ մի կողմ հրեց ինչ-որ մեծաշուք պարոնի, կարողացավ կառչել Կոռնիլովի լաքած սապոգից,

որ մի վայրկյան երևաց իր աչքերի առաջ: Ճարպկորեն բռնելով Կոռնիլովի ոտը, դրեց ուսին. ու չզղալով դրա շնչին ծանրութունը, հուզմունքից շնչասպառ լինելով, աշխատելով միայն պահպանել հավասարակշռությունը և քայլի ուղիքը, առաջ շարժվեց՝ դանդաղորեն տարվելով բազմութեան հըրմըշտոցով, աղաղակներից և նվազախմբի նվազից խլացած: Ելքի մոտ հապճեպ շտկեց վերնաշապկի ծալերը, որ հըրմըշտոցի մեջ դուրս էր ընկել գոտու տակից: Բազմութունը սանդուղքի վրայից լցվեց հրապարակը: Առջևում՝ ամբոխ, շարեշար կանգնած, կանաչ տարագով զորքեր, հեծյալ շարքով կազակական մի հարյուրյակ: Զեռքը գլխարկի հովարին տարած, թարթելով թրջված աչքերը, նա փորձեց, բայց չկարողացավ դադարեցնել շրթունքների անզուսպ դողը: Հետո թույլ հիշում էր, թե ինչպես էին շխկում լուսանկարչական ապարատները, խոնվում բազմութունը, հանդիսավոր քայլվածքով գնում յունկերները ու դրանց իր առջևից անցկացնելով, կանգնել էր բարեկազմ, ձգված, կարճ, մոնղոլի դեմքով գեներալը:

Մեկ օրից հետո Կիստնիցկին մեկնեց Պետրոգրադ: Տեղավորվելով վերին պառնիկատեղի վրա, նա փռեց շինելը, ծխեց՝ մտածելով Կոռնիլովի մասին:

«Կյանքը վտանգի ենթարկելով, փախավ գերութունից, կարծես գիտեր, որ այսպես հարկավոր կլինի հայրենիքին: Ինչպիսի՞ դեմք, ասես բնածին քարից է կերտված, — ոչ մի ավելորդ, սովորական բան... Նույնպես է և բնավորութունը: Նրա համար հավանորեն ամեն ինչ պարզ է, հաշվի տակ առնված: Կգա հարմար մոմենտը, ու նա կ'առջնորդի մեզ: Տարօրինակ է, ես նույնիսկ չգիտեմ, թե ով է նա, — միայն պետական է: Կոնստիտուցիոն միապետություն... Ա՛յ, եթե յուրաքանչյուր մեկը այնպես վստահ լիներ իր վրա, ինչպես նա»:

Մտավորապես այդ նույն ժամին Մոսկվայում, Մեծ թատրոնի կուլուարներում, Մոսկվայի պետական խորհրդակցության անդամների նիստի ընդմիջման ժամանակ երկու

գեներալ,— մեկը վտիտ, մոնղոլի դեմքով, մյուսը ամրա-
կազմ, «ոզնիկ» ձևով մազերը խուզած, քառակուսի գլխով,
կարճ պարանոցով, թունքերի կոկիկ սանրված, մի քիչ սպի-
տակ մազերով և գանգին պինդ սեղմված ականջակոնքե-
րով,— առանձնացած, քայլում էին պարկետահատակի մի
կարճ հատվածի վրա, խոսակցում ցածր ձայնով:

— Դեկլարացիայի այդ կետը նախատեսում է զորամա-
սերում վերացնել կոմիտեները:

— Այո:

— Միասնական ֆրոնտը, համախմբվածությունն ան-
ալայման անհրաժեշտ են: Առանց իմ մատնանշած ձեռնար-
կումների կենսագործման, չկա փրկություն: Բանակն օրգա-
նապես անընդունակ է կռվելու: Այդպիսի բանակը ոչ միայն
հաղթանակ չի տա, այլև չի կարողանա դիմանալ որևէ շա-
փով ուժեղ հարձակման: Զորամասերը լլկված են բոլշևիկյան
պրոպագանդայով: Իսկ այստե՞ղ, թիկունքո՞ւմ: Դուք տեսնում
եք, թե բանվորներն ինչպես են վերաբերվում իրենց սանձա-
հարման միջոցները գտնելու ամեն մի փորձին,— գործադուլ-
ներ և ցույցեր: Խորհրդակցության անդամները պետք է ոտով
գնան... Խայտառակություն: Թիկունքի ռազմականացում,
աճեղ, պատիժ ձեռքի հաստատում, բոլոր բոլշևիկների, այդ
քայքայիչների անխնա ոչնչացում,— ահա մեր մերձավորա-
գույն խնդիրները: Ես կարո՞ղ եմ հետազայում էլ վստահ լի-
նել ձեր աջակցության վրա, Ալեքսեյ Մաքսիմովիչ:

— Ես անվերապահորեն ձեզ հետ եմ:

— Ես հավատացած էի դրանում: Ենորհակալ եմ: Դուք
տեսնում եք, որ երբ հարկավոր է գործել վճռականապես և
հաստատուն կերպով, կառավարությունը սահմանափակվում
է կիսամիջոցներով և հնչուն ֆրազներով,— որպես թե ճեր-
կաթով ու արյունով կճզմենք այն մարդկանց փորձերը, ով-
քեր, ինչպես կարճ ժամանակ առաջ, ոտնձգություն կանեն
ժողովրդական իշխանության դեմ: Ո՛ր, մենք սովոր ենք
նախ գործն անել, հետո խոսել: Նրանք հակառակն են անում:
Դեհ... կզա ժամանակ, նրանք կքաղեն կիսամիջոցների իրենց
քաղաքականության պտուղները: Բայց ես չեմ ցանկանում
մասնակցել այդ անպատվարեք խաղին: Ես եղել եմ ու կմնամ

բացահայտ կռվի կողմնակից, դատարկախոսությունը հատուկ
չէ իմ բնավորության:

Կարճ գեներալը կանգ առնելով խոսակցի դիմաց, տըն-
տըղեց վերջինի մուգ-պաշտպանական գույնի ֆրենչի, մետա-
ղե մի կոճակը, հուզմունքից մի փոքր կակազելով՝ ասաց.

— Հանել են զնչկալը, իսկ այժմ իրենք են վախենում
իրենց ռևոլյուցիոն դեմոկրատիայից, խնդրում են ֆրոնտից
հուսալի զորամասեր ուղարկել դեպի մայրաքաղաքը ու միև-
նույն ժամանակ, այդ դեմոկրատիային զոհացնելու համար,
վախենում են որևէ ռեալ բան ձեռնարկելուց: Մի քայլ ա-
ռաջ, մի քայլ ետ... Միայն մեր ուժերի լիակատար կոնսոլի-
դացիայով, բարոյական ամենաուժեղ ճնշումով մենք կկա-
րողանանք զիջումներ քամել կառավարությունից, իսկ եթե
ոչ, այն ժամանակ կտեսնենք: Ես երկար չեմ մտածի ֆրոնտը
բաց անելու վերաբերյալ,— թող գերմանացիները նրանց
խելքի բերեն:

— Մենք խոսեցինք Դուստովի՞ հետ: Կազակությունը ձեզ,
չավր Գյորգիևիչ, ըստ ամենայնի օժանդակություն ցույց
կտա: Մեզ մնում է համաձայնեցնել հետագա համատեղ
գործողությունների հարցը:

— Նիստից հետո ինձ մոտ ես սպասում եմ ձեզ և մնա-
ցածներին: Ձեզ մոտ, Դոնում ի՞նչպես է տրամադրությունը:

Ամրակազմ գեներալը քառանկյունաձև, պլպլացնելու
չափ մաքուր սափրված կզակը սեղմելով կրծքին, մռայլ, տա-
կեանց հայացքը հառել էր իր առաջ: Նրա լայն բեղերի
տակին դողացին շրթունքների անկյունները, երբ նա պա-
տասխանեց.

— Իմ մեջ չկա նախկին հավատը կազակի նկատմամբ...
Հիմա առհասարակ դժվար է դատել տրամադրությունների
մասին: Անհրաժեշտ է կոմպրոմիս. կազակությունը պետք է
որոշ շիջումներ անի, որպեսզի իր կողմը պահի ոչ կազակ
զյուղացիներին: Այս ուղղությամբ մենք որոշ միջոցառում-
ներ ենք ձեռնարկում, բայց չի կարելի երաշխավորել հաջո-

1 Դուստով Ա. Ի. (1864—1922) — կազակական ատաման: Հոկտեմ-
բերյան օրերին սպիտակ-կազակական նոր կազակերպված զորամասերի
պարագլուխներից մեկն էր:

զությունը: Վախենում եմ, որ կազակների և ոչ կազակ գյուղացիության շահերի բախումից էլ հենց պառակտում առաջանա... Հո՛ղ... այժմ այդ առանցքի շուրջն են պտտվում թե մեկի և թե մյուսի մտքերը:

— Դուք պետք է ձեր ձեռքի տակ ունենաք կազակական հուսալի զորամասեր, որպեսզի ապահովվեք ամեն տեսակ ներքին պատահականություններից: Գլխավոր զորակայան վերադառնալուց հետո ես կխոսեմ լուկոմսկու հետ, և մենք հավանորեն հնարավորություն կգտնենք մի քանի զունդ ուղարկել Դոնի շրջանը:

— Շատ երախտապարտ կլինեմ ձեզ:

— Այսպես ուրեմն, այսօր մենք կհամաձայնեցնենք ապագայում մեր համատեղ գործողությունների հարցը: Ծաղիմորեն հավատում եմ մեր մտածած գործողությունների բարեհաջող ավարտին, բայց բախտը խարդախ է, գեներալ... Եթե նա, հակառակ ամեն ինչի, երես դարձնի ինձինք, կարո՞ղ եմ հուսալ, որ Դոնում, ձեզ մոտ ապաստան կգտնեմ:

— Ոչ միայն ապաստան, այլև պաշտպանություն: Չէ՞ որ կազակները հնուց հայտնի են իրենց հյուրընկալությամբ և աղ ու հացով:

Ամբողջ խոսակցության ընթացքում առաջին անգամ ժրպտաց Կալեդինը՝ մեղմելով տակեմանց հայացքի մուսլ հոգնածությունը:

Մի ժամից հետո Կալեդինը՝ Դոնի ատամանը, լուռ դահլիճում հանդես եկավ կազակական տասներկու զորաց պատմական դեկլարացիայով:

Դոնում, Կուբանում, Թերեքում, Ուրալում, Ուսսուրիում. կազակական հողերում սահմանից մինչև սահման, մի ստանիցայի հողից մինչև մյուսի հողը այն օրվանից սև սարդոստայնի նման տարածվեցին մեծ դավադրության թևերը:

XV

Հունիսյան մարտերի հրանոթային կրակով ավերված մի ավանի ավերակներից մի վերստ հեռավորությամբ, անտառի կողքին ծուռումուռ ձգվել էին խրամատների զիզզազները:

Կազակական հատուկ հարյուրյակը գրավել էր անտառի եզրի մոտ գտնվող ճակատամասը:

Հետևում, անանցանելի լաստենուտի և մատղաշ կեչուտի դալարիքից դենը փռված էր թուխ-կարմրավուն հողածխային ճահիճը, որ մի ժամանակ, դեռ մինչև պատերազմը շահագործման էր ենթարկվում. կարմիր հատապտղի նման ճոխ ծաղկում էր փշավարդենին: Աջ կողմում, անտառի կարկանուն հրվանդանից դենը ձգվում էր արկերով փորփրված խճուղին, ասես նրա վրայով երթևեկություն չէր էլ եղել. իսկ անտառի եզրին աճել էին վտիտ, գնդակներից ջարդոտված քոլտորը, կորացել ածխացած կոճղերը, թուխ կավի նման դեղնին էր տալիս խրամատի պատվարը, մերկ դաշտով մեկ հետո՛ւ, այս ու այն կողմ էին ձգվել խրամատների կնճիռները: Հետևում, նույնիսկ շահագործման ժամանակ փորփրված ճահիճը, նույնիսկ ավերված խճուղին կյանքի, լքած աշխատանքի հետքեր էին ցույց տալիս, իսկ անտառի եզրի մոտ մարդկային աչքի հանդիպ հողը դառն ու անուրախ պատկեր էր ներկայացնում:

Այդ օրը Իվան Ալեքսեևիչը, անցյալում Մոխովի աղացի մեքենավարը, գնաց մերձակա ավանը, ուր գտնվում էր առաջին կարգի գումակը, ու վերադարձավ միայն իրիկնադեմին: Քայլելով դեպի իր գետնատունը, նա հանդիպեց Զախար Կորոլյովին: Թուրը դիպցնելով իրար վրա ամրացրած, հողով լցված պարկերին, անհեթեթ թափահարելով ձեռքերը, Զախարը համարյա վազում էր: Իվան Ալեքսեևիչը մի կողմ քաշվեց, ճանապարհ տվեց, բայց Զախարը բռնեց նրա վերնաշապկի կոճակից, ու խաղացնելով աչքերի անառողջ-դեղին սպիտակուցները, փսփսաց.

— Լսե՛լ ես, աչ կողմից հետևազորը հեռանում է: Գուցե թողնո՞ւմ են ֆրոնտը:

Զախարի մորուքը, որ կարծես անշարժ կանգ առած հեղեղ լիներ, կարծես սև թուշից էր ձուլված,— գտնվում էր հրեշավոր, անկարգ վիճակում, աչքերը սովալլուկ, թախծոտ ազահություններ էին նայում:

— Այսինքն ո՞նց թե թողնում են:

— Հեռանում են, բայց թե ոնց, ես չգիտեմ:

— Կարելի է հերթափոխվում են, հը՞: Գնանք դասակապետի մոտ, իմանանք:

Զախարը շուտ եկավ ու քայլեց դեպի դասակապետի գետնատունը՝ սայթաքելով ցեխոտ, թաց գետնի վրա:

Մի ժամից հետո հարյուրյակը, որին հերթափոխել էր հետևազորը, գնում էր ավան: Առավոտը ձիապահներից վերցրին ձիերը, արագ երթով սլացան դեպի թիկունք:

Մանր անձրև էր գալիս: Տխուր կորացել էին կեշիները: Ճանապարհը մտավ անտառ, ու ձիերը զգալով խոնավութունը և նախորդ տարվա սաղարթի նեխված, սուր ու տաղտուկալի հոտը, սկսեցին փնշալ, ավելի աշխույժ ընթանալ: Թփերի վրա վարդագույն ուլունքների նման պլպլում էր վայրի թուզը, շինջ սպիտակութամբ շողում էին անձրևով ողողված հազարտերևուկի փրփրանման զլխիկները: Քամին ծառերից խոշոր ծանրաքաշ կաթիլներ էր թափում ձիավորների վրա: Ահին էին տալիս շինելների ու զլխարկների բծերը, ասես որսորդական հրացանի կոտորակի հետքեր լինեին: Դասակի շարքերի վերևում սահում էր մախորկայի ցնդող ծուխը:

— Վերցրին ու քշում են, սատանան գիտե թե ուր:

— Խրամատներից չե՞ս բեզարել, հը՞:

— Դրուստ, ո՞ւր են քշում մեզ:

— Ծրևի վերակազմելու համար է:

— Այդ չի երևում:

— Է՛յ, ստանիցա, ծխենք, մոռանանք զարդ ու ցավ:

— Իմ դարդը մախաղիս մեջ է...

— Պարոն յասավուլ, թույլ տվեք երգել:

— Թույլ է տալիս, էլի՞... Արխիպ, սկսիր:

Առջևի շարքերում մեկը հազալով մաքրեց կոկորդը, սկսեց.

Գնում էին բանակից կազակները դեպի տուն,

Պազոնները ուսերին ու խաչերը կրծքերին:

Նամացած ձայները թույլ ձայնակցեցին երգին ու լռեցին: Զախար Կորոլյովը, որ իվան Ալեքսեևիչի հետ մի շարքում էր գնում, կիսով չափ կանգնեց ասպանդակների վրա, հեզանքով բղավեց.

— Է՛յ, քոռ ալևորներ, բա մերոնք այդպե՞ս են երգում: Ժամի պատի տակին ողորմութունն եք խնդրում, տո՛, աղքատ Ղազարոսներ: Ա՛մա երգիչներ եք, հա՛-ա...

— Դեհ, դու սկսիր:

— Նրա վիզը կարճ է, ձենի համար տեղ չկա:

— Պարծեցար, իսկ հիմի պոչը քաշում ես, հա՞:

Կորոլյովը բռունցքի մեջ առավ ոչլոտած մորուքի սև խուրձը, մի վայրկյան գոցեց աչքերը, և ուժգին թափահարելով սանձը, երգեց առաջին բառերը.

Մյ, խնդացեք, Դոնի խիզախ կազակներ...

Ասես արթնանալով զի՛լ հնչող նրա ձայնից, հարյուրյակը թնդաց.

Իրեն պատվով ու փառքով.—

և թաց անտառով մեկ, բացուտ-ճանապարհով որոտաց երգը.

Մյ, ցույց տվեք ընկերներին մեր բուր,—

Հրացանով ո՛նց ենք շարդում թշնամուն:

Ջարդում ենք ու մարտակարգը չենք խախտում,

Ու հենց միայն հրամաններն ենք լսում:

Ուր որ տանեն մեր հայրերը — պետերը,

Գնում ենք մենք, զարկում, խոցում, թրատում:

Օրվա ամբողջ ճանապարհն անցան երգերով, ուրախանալով, որ դուրս են պրծել «գալլի գերեզմանոցից»: Իրիկնադեմին լցվեցին վազոնները: Գնացքը ընթանում էր դեպի Պսկով: Եվ միայն երեք կայարան անցնելուց հետո իմացան, որ հարյուրյակը 3-րդ հեծյալ կորպուսի մյուս զորամասերի հետ գնում է Պետրոգրադ՝ սկսվող անկարգությունները ճնշելու համար: Դրանից հետո խոսակցությունները առժամ դադարեցին: Կարմիր վազոններում երկար ժամանակ տաղտկալի լուռություն էր տիրում:

— Կրակից ելանք բոցի մեջ ընկանք,— ասաց բարակ ու երկար Բորշչևը՝ արտահայտելով մեծամասնության համար ընդհանուր միտքը:

Իվան Ալեքսեևիչը, որ փետրվարից սկսած հարյուրյակի

կոմիտեի նախագահն էր, գնացքը առաջին անգամ կանգ առած նեղուն պես գնաց հարյուրյակի հրամանատարի մոտ:

— Կազակները հուզվում են, պարոն յասավուլ:

Ցասավուլը երկար նայեց Իվան Ալեքսեևիչի կզակի խոր փոսիկին, ժպտալով ասաց.

— Ես է՛լ եմ հուզվում, սիրելիս:

— Մեզ ո՞ւր են ուղարկում:

— Պետրոգրադ:

— Խաղաղացնելո՞ւ:

— Իսկ դու կարծում էիր անկարգություններին նպաստելո՞ւ:

— Մենք ոչ մեկն ենք ուզում, ոչ մյուսը:

— Դե՛հ, այդ մեզ չեն է՛լ հարցնում:

— Կազակները...

— Էլի «կազակները»,— արդեն շարացած ընդհատեց նրան հարյուրյակի հրամանատարը,— ես ինքս գիտեմ, թե կազակներն ինչ են մտածում: Ինձ հաճելի՞ է այս միսիան, հա՛: Ահա, վերցրու, կարդա հարյուրյակում: Հետևյալ կայարանում ես կզրուցեմ կազակների հետ:

Հրամանատարը տվեց ծալված մի հեռագիր, ու դեմքը կենտոտելով, սկսեց նկատելի զզվանքով ծամել պահածո մսի ճարպոտ պատռները:

Իվան Ալեքսեևիչը վերադարձավ իր վագոնը: Չեռքում այնպես էր պահել հեռագիրը, որ կարծես դա փայտի վառվող կտոր լիներ:

— Կանչեցեք կազակներին մյուս վագոններից:

Գնացքն արդեն շարժվեց, իսկ կազակները դեռ լցվում էին վագոնը: Հավաքվեց մի երեսուն մարդ:

— Հրամանատարը հեռագիր է ստացել: Հիմի կարդաց:

— Հապա՛, ի՞նչ է գրված, տո՛ւր:

— Կարդա, մի՛ խոսա:

— Կռիվը վերջացա՞վ:

— Էլ ո՛նց չէ:

Իվան Ալեքսեևիչը քար լուծյան մեջ բարձրաձայն կարգաց գերագույն գլխավոր հրամանատար Կոռնիլովի կողը: Հետո կազակները քրտնած ձեռքերով վերցնում, նայում էին թերթիկը, որի բառերն աղավաղվել էին հեռագրատանը:

Իս, գերագույն գլխավոր հրամանատար Կոռնիլով, ամբողջ ժողովըրդի առաջ հայտարարում եմ, որ զինվորի պարտքը, ազատ մուսուստանի քաղաքացու անձնուրացությունը և հայրենիքի նկատմամբ անտանձան սերը, հայրենիքի կեցության այս ծանր ռուպեններին ինձ ստիպեցին շնթարկվել ժամանակավոր կառավարության հրամանին և շթողնել բանակի: Նավատորմի գերագույն հրամանատարությունը, Այս որոշումն ընդունելիս պաշտպանություն գտնելով Ֆրոնտների բոլոր գլխավոր հրամանատարների կողմից, ես հայտարարում եմ ամբողջ ուս ժողովրդին, որ գերադասում եմ մեռնել, քան թե հեռացվել գերագույն գլխավոր հրամանատարի պաշտոնից: Մուս ժողովրդի իսկական զավակը միշտ էլ մեռնում է իր պոստում և հայրենիքին զո՛հ է բերում այն մեծագույնը, որ ունի — իր կյանքը:

Հայրենիքի զոյւթյան իրոք որ զարհուրելի այս ռուպեններին, երբ երկու մայրաքաղաքների մատույցները համարյա բաց են ուրախացող թշնամու հաղթական առաջարժման համար, ժամանակավոր կառավարությունը, մոռանալով երկրի բուն իսկ անկախ զոյւթյան մեծ հարցը, ժողովրդի մեջ ցնորական երկյուղ է տարածում կոնտրակույցիայի նկատմամբ, որի ամենարագ մարմնացմանը նա ինքն է նպաստում կառավարելու իր անկարողությանը, իր թույլ իշխանությանը, իր անվճռական գործողություններով:

Ես, իմ ժողովրդի հարազատ զավակը, որ բոլորի աչքի առաջ ամբողջ կյանքս նվիրել եմ նրան անձնուրացությանը ծառայելուն, չեմ կարող չպաշտպանել իմ ժողովրդի մեծ ապագայի մեծ ազատությունները: Բայց այժմ այդ ապագան գտնվում է թույլ, անկամ ձեռքերում: Ամբարտապան թշնամին կաշառքի ու դավաճանության միջոցով մեզ մոտ տեր ու տնօրինություն է անում ինչպես իր տանը, կործանում է բերում ուս ժողովրդի ոչ միայն ազատությանը, այլև զոյւթյանը: Արթնացե՛ք, ուս մարդիկ, ու տեսե՛ք այն անհատակ անդունդը, դեպի ուր շեշտակիորեն գնում է մեր հայրենիքը:

Նուսափելով ամեն տեսակ ցնցումներից, նախազուլացնելով որևէ կերպ ուսական արյուն թափելուց, երկպառակտչական կովից, ու մոռանալով բոլոր նախատիքներն ու վիրավորանքները, ես ամբողջ ժողովրդի առաջ դիմում եմ ժամանակավոր կառավարության և ասում. եկեք ինձ մոտ, գլխավոր զորակայան, որտեղ ձեր ազատությունն ու անվտանգությունն ապահովված են իմ ազնիվ խոսքով, և ինձ հետ միասին մշակեցե՛ք ու առաջ բերե՛ք ժողովրդական պաշտպանության այնպիսի մի կազմ, որը, ապահովելով ազատությունը, ուս ժողովրդին տաներ դեպի մեծ ապագան, որը արժանի է հզոր և ազատ ժողովրդին:

Գ Ե Ն Ի Ր Ա Վ Կ Ե Ն Ի Վ Ի Վ

Հետևյալ կայարանում գնացքը կանգնեցրին: Սպասելով առաքման, կազակները հավաքվեցին վագոնների մոտ, բըննարկեցին Կոռնիլովի հեռագիրը և Կերենսկու հեռագիրը, որ

հենց նոր կարգաց հարյուրյակի հրամանատարը և որը Կոռնիլովին գավաճան և կոնտրուկտուցիոններ էր հայտարարում: Կազակները շփոթված խոսակցում էին: Հարյուրյակի հրամանատարը և դասակապետ սպաները նույնպես շփոթվել էին:

— Գլխիս մեջ ամեն բան խառնափնթորվել է,— գանգատվում էր Մարտին Շամիլը:— Արի ու հասկացիր, թե նրանցից ով է մեղավորը:

— Իրենք խառնակչություն են անում ու զորքերի մեջ էլ խառնակչություն գցում:

— Մեծավորները շաղությունից կատաղում են:

— Ամեն մեկն ուզում է մեծ լինել:

— Պաները կոպում են, կազակների ջանն է դուրս գալի:

— Ամեն բան տակնուվրա է լինում... Փորձանք է, հա՛-ա:

Մի խումբ կազակներ մոտեցան Իվան Ալեքսեևիչին, պահանջեցին՝

— Գնա հրամանատարի մոտ, իմացիր, թե ինչ պետք է անել:

Խմբով գնացին հարյուրյակի հրամանատարի մոտ: Սպաները իրենց վագոնում հավաքված, ինչ-որ խորհրդակցում էին: Իվան Ալեքսեևիչը մտավ վագոն:

— Պարոն հրամանատար, կազակներն ուզում են իմանալ, թե հիմի ինչ պետք է անել:

— Ես հիմա դուրս կգամ:

Հարյուրյակը վերջին վագոնի մոտ հավաքված, սպասում էր: Հրամանատարը խառնվեց կազակների բազմությանը. անցնելով մեղտեղը, բարձրացրեց ձեռքը:

— Մենք ենթարկվում ենք ոչ թե Կերենսկուն, այլ գերագույն գլխավոր հրամանատարին և մեր անմիջական պետերին: Ճի՞շտ է: Դրա համար էլ մենք պետք է առանց առարկության կատարենք մեր պետերի հրամանը և գնանք դեպի Պետրոգրադ: Մայրահեղ դեպքում մենք, հասնելով Դնո կայարանը, Դոնի առաջին դիվիզիայի հրամանատարի մոտ կարող ենք պարզել դրությունը, հետո տեսնենք ինչ կլինի: Ես կազակներին խնդրում եմ չհուզվել: Դեհ, այսպիսի ժամանակ ենք ապրում, էլի՛:

Հարյուրյակի հրամանատարը դեռ երկար խոսում էր զին-

վորական պարտքի, հայրենիքի, հեղափոխության մասին, հանգստացնում էր կազակներին, խուսափողական պատասխաններ էր տալիս հարցերին: Նա հասավ իր նպատակին. այդ ժամանակ գնացքին շոգեքարը կցեցին (կազակները շոգետեխն, որ իրենց հարյուրյակի երկու սպա, զենքով սպառնալով կայարանապետին, հաջողացրել էին գնացքի արագ առաքումը), ու կազակները գնացին իրենց վագոնները:

Մի օր ու գիշեր գնում էր էշելոնը, մոտենում Դնո կայարանին: Գիշերը նորից կանգնեցրին այն, ուղարկեցին Ուսուրիական և Դաղստանյան գնդերի էշելոնները: Կազակների գնացքը տեղափոխեցին պահեստի երկաթգծի վրա: Նրա կողքից, գիշերային թափանցիկ մթության մեջ, լույսեր արձակելով, սլացան Դաղստանյան գնդի վագոնները: Լսվում էին հետզհետե նվազող կոկորդային խոսակցությունները, զուռնայի նվագը, երգերի օտարոտի եղանակները:

Արդեն կեսգիշերին ուղարկեցին հարյուրյակը: Սակավազոր շոգեքարը երկար կանգնեց ջրմուղի մոտ, հնոցի կրակից կայծկլտող լույս էր ընկնում գետնին: Մեքենավարը ծխում էր, նայում պատուհանից, կարծես ինչ-որ բանի էր սպասում: Շոգեքարը մոտիկ վագոնի կազակներից մեկը գլուխը հանեց դանից, բղավեց.

— Է՛յ, աղբերացու, շարժվիր, թե չէ հիմի կկրակենք:

Մեքենավարը շրթունքներով դեն շարտեց ծխախոտը, մի փոքր լռեց՝ ըստ երևույթին հետևելով դրա աղեղնաձև թռիչքին, թեթև հազալով ասաց.

— Բոլորին հո չե՞ք գնդակահարի,— ու պատուհանից ներս քաշվեց:

Մի քանի րոպեից հետո շոգեքարը քաշեց վագոնները, շաշեցին բուֆետները, թթթբացին ցնցումից իրենց հավասարակշռությունը կորցրած ձիերի սմբակները: Գնացքն անցավ ջրմուղի կողքից, լուսավորված պատուհանների հատուկնետ քառակուսիների ու երկաթգծից դենը գտնվող կեշիների մթին խմբի կողքից: Կազակները ձիերին կեր տալուց հետո քնեցին, ոմանք արթուն էին, ծխում էին կիսաբաց դռների մոտ՝ նայելով վեհասքանչ երկնքին, մտածելով իրենց դրություն մասին:

Իվան Ալեքսեևիչը պառկել էր Կորոլյովի կողքին, դառն

ճեղքից նայում էր հոսանուտ, ցիրուցան աստղերին: Անցած օրվա ընթացքում, ամեն ինչ կշռադատելով, նա հաստատապես որոշել էր ամեն կերպ դիմադրել հարյուրյակի հետագա առաջարժմանը ղեպի Պետրոգրադ. պառկած մտածում էր. թե կազակներին ինչպես տրամադրի իր որոշման կողմը, ինչպես ազդի նրանց վրա:

Դեռ մինչև Կոռնիլովի կողը նա պարզ գիտակցում էր, որ կազակները շեն կարող Կոռնիլովի հետ միևնույն ճանապարհով գնալ, բնազդն ասում էր, որ Կերենսկուն էլ չպետք է պաշտպանել. զոռ տվեց մտքին, որոշեց՝ շթողնել, որ հարյուրյակը հասնի Պետրոգրադ, իսկ եթե վիճակվի է՛լ ոմանց հետ զարկվել, ապա այդ թող լինի Կոռնիլովի հետ, բայց ոչ թե Կերենսկու համար, ոչ թե նրա իշխանության, այլ այն իշխանության համար, որը կգա նրանից հետո: Որ Կերենսկուց հետո ցանկալի, իրոք իրենց իշխանությունն էր լինելու, դրանում նա ավելի քան հավատացած էր: Դեռ ամառը նա առիթ էր ունեցել լինելու Պետրոգրադում, գործկոմի՝ ռազմական օժանդակում, ուր նրան ուղարկել էր հարյուրյակը՝ խորհուրդ հարցնելու հարյուրյակի հրամանատարի հետ ծագած կոնֆլիկտի առթիվ. դիտելով գործկոմի աշխատանքը, բանակցելով մի քանի բոլշևիկ ընկերների հետ, մտածում էր՝ «Այս ոսկե կմախքը կծածկվի մեր բանվորական մտով.— ա՛յ, դա կլինի իշխանություն: Մեռիր, Իվան, բայց կառչիր նրանից, կառչիր, ինչպես երեխան մոր ծծից»:

Այդ գիշեր, ձիու տապալակի վրա պառկած, սովորականից ավելի հաճախ, մեծ, մինչև այդ չապրած ջերմ սիրով էր վերհիշում այն մարդուն, որի ղեկավարությամբ գաղափար էր կազմել իր կոշտ ճանապարհի մասին: Մտածելով, թե մյուս օրն ինչ պետք է ասեր կազակներին, հիշեց նաև Շտոկմանի խոսքերը կազակների մասին, դրանք կրկնում էր հաճախ, ասես մեխ էր խփում մինչև գլխիկը. «Կազակությունն իր էությունամբ պահպանողական է: Երբ դու կազակին համոզես բոլշևիկյան իդեանների իրավացիությունը, շմոռանաս այս հանգամանքը, գործիր զգուշությամբ, մտածելով, կարողացիր հարմարվել իրադրության: Սկզբում ղեպի քեզ կվերաբերվեն նույն նախապաշարմունքով, որով թե դու և թե Միշկա Կոռնիլովը սկզբում վերաբերվում էիք ղեպի ինձ, բայց այդ թող

քեզ շփոթեցնի: Համառորեն հասկացրու,— վերջնական հաշտությունը մեր կողմը կլինի»:

Իվան Ալեքսեևիչը կարծում էր, որ եթե կազակներին համոզի չգնալ Կոռնիլովի հետ, ոմանց կողմից առարկությունների կհանդիպի, բայց առավոտյան, երբ իր վագոնում զգուշությամբ խոսք բացեց, որ պետք է պահանջել վերադառնալ ռազմաճակատ և ոչ թե գնալ Պետրոգրադ, հենց յուրայինների դեմ կովելու, կազակները սիրով համաձայնեցին և մեծ պատրաստակամությամբ որոշեցին հրաժարվել Պետրոգրադ գնալուց: Զախար Կորոլյովը և Զերնիշևսկայա ստանիցայի կազակ Տուրիլինը Իվան Ալեքսեևիչի ամենամոտ համախոհներն էին: Նրանք ամբողջ օրը վագոնից վագոն անցնելով, խոսում էին կազակների հետ, իսկ երեկոյան, ինչ-որ մի կիսակայարանում, հրք գնացքը դանդաղեցրեց ընթացքը, երրորդ դասակի ուրյադնիկ Պշենիշևիկովը մտավ այն վագոնը, որտեղ գտնվում էր Իվան Ալեքսեևիչը:

— Հենց առաջին կայարանում՝ հարյուրյակը իջնում է գնացքից,— հուզված գոչեց նա, դիմելով Իվան Ալեքսեևիչին:— Դու կոմիտեի ի՞նչ նախագահ ես, եթե չդիտես, թե կազակներն ինչ են ուզում: Հերի՛ք է մեզ խաբեն: Էլ չենք գնա... Սպաները մեր վիզը չվան են գցում, իսկ դու սուս ու փուս ես արել: Դրա համար ենք ընտրել քեզ: Էլ ի՞նչ ես ատամներդ ցույց տալի:

— Վաղուց պետք էր այդպես խոսել,— ժպտալով ասաց Իվան Ալեքսեևիչը:

Երբ գնացքը կանգ առավ, նա առաջինը դուրս թռավ վագոնից: Տուրիլինի ուղեկցությամբ գնաց կայարանապետի մոտ:

— Մեր գնացքը շուղարկես: Այստեղ իջնելու ենք:

— Ի՞նչպես թե,— շփոթված հարցրեց կայարանապետը,— ես ստացել եմ կարգադրություն... ուղեգիր...

— Զենդ կտրի՛ր,— բարկությամբ ընդհատեց նրան Տուրիլինը:

Նրանք գտան կայարանի կոմիտեն, դրա նախագահին, ամբակազմ, խարտյաշ հեռագրիչին բացատրեցին գործի էությունը, ու մի քանի բոպից հետո մեքենավարը գնացքը հաճույքով տարավ փակուղի:

Հապճեպորեն կամրջակներ դնելով վագոնների դռներին, կազակները սկսեցին իջեցնել ձիերը: Իվան Ալեքսեևիչը կանգնել էր շոգեքարշի մոտ, երկար ոտները լայն դրած, ժպտացող, թուխ դեմքից սրբելով քրտինքը: Հարյուրյակի սփրթնած հրամանատարը վազեմազ մոտեցավ նրան:

— Ի՞նչ ես անում... Գիտե՞ս, թե...

— Գիտե՞մ,— ընդհատեց նրան Իվան Ալեքսեևիչը:— Իսկ դու, պարոն յասավուլ, ձենդ կտրիր:— Ու գունատվելով, ունգները շարժելով, կտրուկ ասաց.— Հերիք է ինչքան ձենիդ զոռ տվիր: Հիմի մենք շենք է՛լ ուզում քեզ լսել: Այդպե՛ս:

— Գերագույն հրամանատար Կոռնիլովը...— կատաղելով սկսեց յասավուլը, բայց Իվան Ալեքսեևիչը, նայելով փխրուկ ավազի մեջ թաղված, հնամաշ սապոգներին, թեթևացած թափահարեց ձեռքը, խորհուրդ տվեց.

— Նրան կախ տուր վզիցդ, խաչի փոխարեն, իսկ մեզ նա հարկավոր չի:

Ցասավուլը շուռ եկավ կրունկների վրա, վազեց դեպի իր վագոնը:

Մի ժամից հետո հարյուրյակը առանց սպանների, բայց կանոնավոր մարտակարգով դուրս եկավ կայարանից, ճանապարհվեց դեպի հարավ-արևմուտք: Առջևի դասակում, գնդացրորդների կողքից գնում էին հարյուրյակի հրամանատարությունը ստանձնած Իվան Ալեքսեևիչը և նրա օգնականը,— ցածրահասակ, երկարականջ Տուրիլինը:

Դժվարությամբ կողմնորոշվելով նախկին հրամանատարից գրաված քարտեզի վրա, հարյուրյակը հասավ Գորելոյի գյուղը, կանգ առավ գիշերելու: Ընդհանուր ժողովը որոշեց գնալ ռազմաճակատ, իսկ կանգնեցնելու փորձի դեպքում կռվել:

Կապելով ձիերի ոտները և պահպանական հսկողություն կարգելով, կազակները պառկեցին քնելու: Կրակ չվառեցին: Զգացվում էր, որ մեծամասնության տրամադրությունը ընկած է, պառկեցին առանց սովորական խոսակցությունների ու կատակների, միմյանցից թաքցնելով իրենց մտքերը:

«Բա որ միտները փոխեն ու մեղա գա՞ն»,— անհանգրստությամբ մտածեց Իվան Ալեքսեևիչը՝ շինելը վրան քաշելով: Ասես նրա միտքը կռահելով, մոտեցավ Տուրիլինը:

— Քնա՞ծ ես, Իվան:

— Դեռ չէ:

Տուրիլինը նստեց նրա ոտների մոտ ու տարուբերելով ծխախոտի կայծը, շնչաց.

— Կազակները հուզվում են... խառնակչութուն գցեցին, հիմի էլ վախում են: Շիլա-փլավ սարքեցինք... բանը դժվար է, դու ի՞նչ ես կարծում:

— Հետո կերևա՛, էլի՛,— հանգիստ պատասխանեց Իվան Ալեքսեևիչը:— Դու հո չե՞ս վախենում:

Տուրիլինը գլխարկի տակ քորելով գլուխը, ծուռ ժպտաց.

— Դրուստն ասած՝ վախում եմ... Երբ որ սկսեցինք, չէի վախում, իսկ հիմի շղկված եմ:

— Այդքան վախենո՞ւմ ես պատժից:

— Դեհ, ի՞նչ արած, Իվան, ուժը նրա կողմն է:

Նրանք երկար ժամանակ լուռ էին: Գյուղում հանգան լույսերը: Որտեղից-որտեղ, ուռուտով ծածկված, ճահճոտ, փոքրիկ մարգագետնից գալիս էր բազերի կոնչոցը:

— Բաղերը կոնչում են,— մտազբաղ ասաց Տուրիլինը ու նորից լռեց:

Գիշերային մեղմ, փաղաքուշ անդորրությունը արածում էր մարգագետնում: Խոտաբույսերի վրա ցող էր նստում: Զեփյուռը դեպի կազակական իջևանավայրն էր բերում նեխված ճահճաբույսերի, ճահճոտ գետնի, ցողված խոտի միախառն հոտը: Երբեմն — ձիերի ոտնակապանքի շրխկոց, դրանց փընչոց և պառկող ձիու ծանր ղոփյուն ու տնքոց: Հետո՞ դարձյալ քնած լուռություն, հեռո՞ւ-հեռվում վայրի, ւրու բազի հազիվ լսելի, խոպոտ կանչ և ավելի մոտ՝ էգ բազի սպտասխան-կոնչյունը: Մթության մեջ անտեսանելի թևերի շեշտակի, արագ շփշփոց: Գիշեր: Անդորր: Մարգագետնի մշուշոտ թացություն: Արևմուտքում, երկնքի ստորոտում — բարձրացող, մուգ կապտավուն ամպակույտեր: Իսկ մեջտեղում, Պըսկովյան հնամենի հողի վերևում, որպես անդուլ հիշեցում, որպես մի լայն, լուսավառ ճանապարհ, ձգված է Միր Կաթինը:

Լուսաբացին հարյուրյակը ճանապարհ ընկավ: Անցան Գորելոյի գյուղը, նրանց հետևից երկար նայում էին կանայք ու երիտասարդներ, որոնք կովերը քշում էին արածելու: Բարձրացան արևածագից աղյուսե-կարմիր գույն առած մի բլրակ:

Տուրիլինը նայելով շուրջը, ոտով բռթեց իվան Ալեքսեևիչի ասպանդակը:

— Մտիկ արա, հետևից ձիավորներ են գալիս...

Երեք ձիավոր, փոշու վարդերանգ բատիստով պատած, անցնելով գյուղից, գալիս էին լրիվ արագությամբ:

— Հա-արյու-ուրյա-ա՛կ, կանգնի՛ր,— հրաման տվեց իվան Ալեքսեևիչը:

Կազակները, սովորական արագությամբ շարվեցին, գորշ քառակուսի կազմեցին: Ձիավորները կես վերստ հեռավորությամբ անցան վարդի: Նրանցից մեկը, կազակական մի սպա, հանեց թաշկինակը, թափահարեց զլխավերևում: Կազակները լարված նայում էին մոտեցողներին: Սպան, որ պաշտպանական գույնի համազգեստով էր, գալիս էր առջևից, մնացած երկուսը շերքեզկաներով էին ու մի քիչ ետ էին մնում:

— Ի՞նչ գործով եք գալիս,— ընդառաջ գնալով՝ հարցրեց իվան Ալեքսեևիչը:

— Բանակցությունների համար,— ձեռքը զլխարկի հո՛վարին տանելով՝ պատասխանեց սպան:— Ձեզանից ո՞վ է ընդունել հարյուրյակը:

— Ես:

— Ես լիազորված եմ Դոնի առաջին կազակական դիվիզիայից, իսկ սրանք Տեղական դիվիզիայի ներկայացուցիչներն են,— սպան աչքերով ցույց տվեց լեռնցիներին, և ամուր քաշելով սանձը, ձեռքով շոյեց քրտնաթոր ձիու թաց, պսպղուն պարանոցը:— Եթե ցանկանում եք բանակցություններ վարել, հրամայեցեք, որ հարյուրյակն իջնի ձիերից: Ես պետք է հաղորդեմ դիվիզիայի պետ, գեներալ-մայոր Գրեկովի բանավոր կարգադրությունը:

Կազակներն իջան ձիերից: Իջան նաև եկած ներկայացուցիչները: Մտնելով կազակների բազմության մեջ, նրանք անցան մեջտեղը: Հարյուրյակը տեղ բաց արեց, մի փոքրիկ բոլորակ կազմեց:

Առաջինը խոսեց կազակ սպան.

— Կազակներ, մենք եկել ենք ձեզ համոզելու, որ լավ մտածեք և կանխեք ձեր վարմունքի ծանր հետևանքները: Երեկ դիվիզիայի շտաբը իմացավ, որ դուք, ենթարկվելով ինչ-որ մարդկանց հանցավոր հորդորանքներին, ինքնակամ թո-

ղել եք վագոնները, և այսօր մեզ ուղարկել է ձեզ հաղորդելու անմիջապես Դոն կայարանը վերագառնալու կարգադրությունը: Տեղական դիվիզիայի զորքերը և հեծելազորի մյուս զորամասերը երեկ գրավել են Պետրոգրադը,— այսօր հեռագիր է ստացված: Մեր ավանզարդը մտել է մայրաքաղաք, գրավել բոլոր կառավարական հիմնարկությունները, բանկերը, հեռագրատունը, հեռախոսի կայանները և բոլոր կարևոր կետերը: Ժամանակավոր կառավարությունը փախել է և համարվում է տապալված: Լա՛վ մտածեք, կազակներ: Չէ՞ որ դուք դեպի կործանում եք գնում: Եթե դուք շենթարկվեք դիվիզիայի հրամանատարի կարգադրության, ձեր դեմ զինված ուժեր կուղարկվեն: Ձեր վարմունքը համարվում է դավաճանություն, մարտական առաջադրանքի չկատարում: Դուք անվերապահորեն ենթարկվելով միայն կարող եք կանխել եղբայրական արյուն թափելը:

Երբ ներկայացուցիչները մոտեցան, իվան Ալեքսեևիչը, հաշվի առնելով կազակների տրամադրությունը, հասկացավ, որ բանակցություններից խուսափել չի կարելի, որովհետև բանակցություններից հրաժարվելը անխուսափելիորեն պետք է հակառակ հետևանքների հասցնեք: Մի փոքր մտածելով, նա կարգադրեց, որ հարյուրյակն իջնի ձիերից, ինքը աննկատելիորեն աչքով արավ Տուրիլինին, բազմության միջից մոտեցավ ներկայացուցիչներին: Սպայի ճառի ժամանակ տեսավ, որ կազակները լսում են զլուխները կախած, մռայլված. ոմանք իրար մեջ փսփսում էին: Զախար Կորոյցովը ծուռ ժրպտում էր, նրա սև մորուքը փովել էր ոչլուտած շապկի վրա, ասես շուգունի կանգ առած հոսանք լինեք. Բորշչևը խաղացնում էր մտրակը, շեղակի նայում մի կողմ. Պշենիչնիկովը բաց բերանը կլորացրած, նայում էր խոսող սպայի աչքերին. Մարտին Շամիրը կեղտոտ ձեռքը տանում էր թշերին, հաճախակի թարթում աչքերը, նրա հետևից դեղնին էր տալիս Բագրովի տափակ դեմքը. գնդացրորդ Կրասնիկովը սպասողաբար կկոցել էր աչքերը. Տուրիլինը ֆսսալով էր շնչում. պեպենոտ Օբնիզովը զլխարկը ծոծրակին քաշած, պտտում էր զլուխը ինչպես եզ, որը վզի վրա զգում է լուծը. ամբողջ երկրորդ դասակը կանգնել էր առանց զլուխը բարձրացնելու, ինչպես աղոթքի ժամանակ. միաձուլլ ամբոխը լուում էր,

մարդիկ հուզված ու ծանր էին շնչում, դեմքի վրա շփոթմունք էր երևում...

Իվան Ալեքսեևիչը հասկացավ, որ կազակների տրամադրության մեջ բեկման մոմենտ է առաջացել. էլի մի քանի րոպե, և ճոռոմախոս սպային կհաջողվի շուռ տալ հարյուրյակն իր ուզած կողմը: Հարկավոր էր ինչ կերպ էլ լինի ոչընչացնել սպայի խոսքերի թողած տպավորությունը, սասանել դեռ չարտահայտած, բայց կազակների մտքում արդեն կազմված օրոշումը: Նա բարձրացրեց ձեռքը, լայնացած, տարորեն փայլող աչքերով նայեց ամբոխին:

— Եղբայրներ,— մի բիշ սպասեցեք,— ու դիմեց սպային.— Հեռագիրը ձեզ մո՞տ է:

— Ի՞նչ հեռագիր,— զարմացավ սպան:

— Պետրոգրադը վերցնելու մասին:

— Հեռագիրը... Ո՛չ, Հեռագիրն այստեղ ի՞նչ գործ ունի:

— Ըհը՛մ, չկա...— թեթևացած շունչ առավ ամբողջ հարյուրյակը:

Ու շատերը բարձրացրին գլուխները, հույս արտահայտող աչքերը հանեցին Իվան Ալեքսեևիչի վրա, իսկ սա, բարձրացնելով խոպոտ ձայնը, արդեն հեզնաբար, վստահորեն ու զայրացած գոչեց՝ տիրաբար իր վրա գրավելով կազակների ուշադրությունը:

— Ասում ես չկա, հա՛: Իսկ մենք քեզ կհավատա՞նք: Ուզում ես վնա՞ս հասցնել, հը՞:

— Խարբարյություն-ուն,— որոտաց հարյուրյակը:

— Հեռագիրն ինձ չի հասցեագրված: Կազակներ,— սպան համոզելու ժեստով ձեռները սեղմում էր կրծքին:

Բայց նրան արդեն չէին լսում: Իվան Ալեքսեևիչը զգալով, որ հարյուրյակի համակրանքը և վստահությունը վերըստին անցել են իր կողմը, կտրուկ ասում էր,— կարծես ալմաստով ապակի էր կտրում:

— Թեկուզև վերցնեիք,— մեր ճամփեն ուրիշ է, ձերը՝ ուրիշ: Մենք չենք ցանկանում կովի մերունց դեմ: Մենք չենք գնա ժողովրդի դեմ: Թշնամացնե՞լ եք ուզում: Չէ՛, այստեղ հիմարներ չկան: Չենք ուզում ոտքի կանգնեցնել գեներալների իշխանությունը: Այդպե՛ս:

Կազակները միահամուռ կերպով հավանության բացա-

կանչություններ արեցին, բազմությունը ճոճվեց, այս ու այն կողմից գոչեցին.

— Ա՛յ, ինչ եմ ասո՞ւ-ում:

— Ուղիղ կետին խփեց:

— Ճիշտ է-է...

— Ռա՛դ անել այդ բարեծննդություններին:

— Խնամախոսներ են եկել, դրա՛նց մտիկ...

— Պետերբուրգում, հրե՛ն, կազակական երեք գունդ կա, ամա նրանք կասկածում են, թե ո՞նց դուրս գան ժողովրդի դեմ:

— Իվա՛ն, լսում ես, մի լավ կոթիր դրանց, թող իրենց փաստ-փուստն հավաքեն ու գնան:

Իվան Ալեքսեևիչը նայեց ներկայացուցիչներին. կազակական սպան շրթունքներն իրար սեղմելով, համբերությամբ սպասում էր. նրա հետևում, ուս ուսի տված, կանգնել էին լեռնցիները,— վայելչակազմ, երիտասարդ, մի ինգուշ-սպա ձեռները խաչել էր շքեղ շերքեզկայի վրա, սև փափախի տակից փայլում էին նրա շեղագիր, փոքրիկ նշաձև աչքերը. մյուսը,— տարեց, խարտյաշ մի օսեթին,— կանգնել էր մի ոտը անփույթ կերպով մի կողմ դրած. ձեռքը թրի գլխիկին դրած, նա հեզնոտ, զննող աչքերով նայում էր կազակներին: Իվան Ալեքսեևիչը հենց նոր ուզում էր ընդհատել բանակցությունները, բայց կազակական սպան կանխեց նրան. ինգուշ սպայի հետ փսփսալով, նա հնչեղ ձայնով գոչեց.

— Դո՛նեցինե՛ր, թույլ տալիս եք, որ մի խոսք ասի Վայրենի դիվիզիայի ներկայացուցիչը:

Ինգուշը առանց համաձայնություն սպասելու, անկրունկ սապոգներով թեթևաքայլ անցավ բոլորակի մեջտեղը, ջղայնորեն շտկեց վահանակներով զարդարված գոտին:

— Կազա՛կ եղբայրներ,— սկսեց նա՝ ոռուսներն կոտրատելով,— ինչի՞ ալսպես ղալմաղալ անել, հը՞: Պետք է խոսել առանց շարանալու: Դուք չե՞ք ուզում գեներալ Կառնիլովին: Դուք պատերա՞զմ եք ուզում. խնդրե՛մ: Մենք կկռվենք: Վախեցող չկա: Իսկի էլ չկա: Հենց այսօր մենք ձեզ կսխկենք: Մեր հետևից լեռնցիների երկու գունդ է գալի: Վա՛հ, ի՞նչ ղալմաղալ կարող է լինել, ինչի՞ համար է դա:— Սկզբում

նա խոսում էր ակներև հանգստութեամբ, բայց վերջում արդեն ձայնը բարձրացնելով, կրթոտ, ցասկոտ ֆրազներ էր աւում. նրա կոտորատով, կոկորդային ձայնով հնչող ճառի մեջ մայրենի լեզվի բառերն էին խցկվում:— Ձեզ շփոթեցնում է հրե՛ս այս կազակը. նա բոլշևիկ է, իսկ դուք գնում եք նրա հետևից: Վա՛հ, ինչ եմ տեսնում ես: Ձերբակալեցեք սրան, ղլինաթափեցե՛ք սրան:

Համարձակ ժեստով նա ցույց էր տալիս Իվան Ալեքսեևիչին, ու գունատված, խոսելիս ձեռները դեռ ու դեն շարժելով, դարչնավուն կարմրութեամբ պատած դեմքով այս ու այն կողմ էր ընկնում նեղ բոլորակի մեջ: Նրա ընկերը, տարեց խարտյաշ օսեթինը սառն հանգստություն էր պահպանում. կազակական սպան տնտղում էր մաշված թրափունջը: Կազակները նորից լռեցին, նորից շփոթություն առաջացավ նրանց շարքերում: Իվան Ալեքսեևիչը անընդհատ նայում էր ինգուշ սպային, զազանավարի սպիտակին տվող նրա ատամներին, ձախ քունքից հոսող քրտնքի գորշ, առատ կաթիլներին, վշտացած մտածում էր, որ իզուր է բաց թողել այն մոմենտը, երբ կարելի էր մի խոսքով վերջացնել բանակցությունները և տանել կազակներին: Տուրիլինը փրկեց դրությունը: Նա անցավ բոլորակի մեջտեղը, ցասկոտ թափահարեց ձեռները՝ կտրելով շապկի օձիքի կոճակները, ու կատաղած, փրփրած, բզվեց խոպոտ ձայնով.

— Գարշելի՛ օձեր... Գրողի՛ տարածներ... Սրիկաներ... Ձեր գլուխը եղում են, բ...եր, իսկ դուք ականջներդ եք կախել... Սպաները իրենց ուզածն են փաթաթում ձեր վզին... ի՞նչ եք անում, ի՞նչ եք անու-ու-ում: Նրանց թրատել է պետք, իսկ դուք լսում եք նրանց... Նրանց գլուխները պետք է թռուցնել, նրանց արյունը պետք է թափել: Դուք այստեղ մլու արեք. մինչև որ մեզ շրջապատեն, հա՛... Գնդացիներին կրակ թափեն... Տեսնեմ ոնց միտինգ կանք գնդացիներին կրակի տակ... Ձեր աչքին թոզ են փչում, մինչև որ իրենց զորքը մոտենան... է-է, միթամ կազակներ եք, հա՛-ա: Ցուր-կա՛ հագնողներ:

— Ձի՛ նստել...— որոտընդոստ ձայնով գոռաց Իվան Ալեքսեևիչը:

Նրա ճիշդ շրապնելի նման պայթեց ամբոխի վրա: Կա-

զակները նետվեցին դեպի ձիերը: Ցրիվ եկած հարյուրյակը մի ընկերից հետո արդեն դասակային շարասյուններ կազմեց: — Լսեք, կազակներ՛ր,— դես-դեն էր ընկնում կազակական սպան:

Եվան Ալեքսեևիչը ուսից իջեցրեց կարաբինը. ուռուցիկ հողերով մատը պինդ դնելով հրահանին, սանձի բերանոցը քաշելով ցատկոտող ձիու շրթունքների մեջ, բզվեց.

— Վերջացան բանակցությունները: Հիմի եթե ձեզ հետ խոսելու լինենք, ա՛յ, այս լեզվով կխոսենք:

Նվ նա ազդու կերպով թափահարեց հրացանը:

Դասակներն իրար հետևից դուրս եկան ճանապարհը: Մտնայելով, կազակները տեսնում էին, թե ինչպես ներկայացուցիչները, ձի նստելով, ինչ-որ խորհրդակցում են: Ինգուշն աչքերը կկոցած, տաք-տաք խոսելով, ինչ-որ բան էր ապացուցում, հաճախ բարձրացնում ձեռքը. նրա շերքեզկայի թևածալի մետաքս աստառը ձյան պես սպիտակին էր տալիս:

Իվան Ալեքսեևիչը վերջին անգամ նայելով, տեսավ կուրացուցիչ կերպով փայլող այդ մետաքսի շերտը, ու նրա աչքերի առաջ հայտնի չէ ինչու պատկերացան՝ շոր քամուց ալեկոծվող Դոնի կուրծքը, կանաչավուն, փրփրաբաշ ալիքները և ձկնորս-որորի ծոված, ալիքի կատարին իր ծայրով զարկվող սպիտակ թևը:

XVI

Արդեն օգոստոսի 29-ին Կրիմովից ստացվող հեռագրերից Կոռնիլովի համար պարզ էր, որ զինված հեղաշրջման գործը կործանվել է:

Կեսօրվա ժամը երկուսին Կրիմովի կողմից գլխավոր զորակայան ժամանեց հանձնատար սպան: Կոռնիլովը երկար գրուցեց նրա հետ, հետո կանչեց Ռոմանովսկուն. ջղայնորեն ինչ-որ մի թուղթ ճմռթելով, ասաց.

— Ամեն ինչ խորտակվում է: Մենք տանուլ կտանք... Կրիմովը չի կարողանա իր ժամանակին կորպուսը մոտեցնել Պետրոգրադին, մոմենտը բաց կթողնվի, իսկ հապաղելը հիմա հավասար է կործանման: Այն, ինչ որ այնպես հեշտ իրագործելի էր թվում, հազարավոր խոչընդոտների է հանդիպում...

Վախճանը կանխորոշված է բացասական իմաստով... Ահա... նայեցեք, թե ինչպես են փոխադրվել զորքերը:— Նա քարտեզը մոտեցրեց Ռոմանովսկուն, քարտեզի վրա նշումներ էին արված, թե վերջին պահին որտեղ էին գտնվում կորպուսի և Տեղական դիվիզիայի էջելոնները. ջղաձգությունը զիզգազած և անցավ նրա եռանդալից, անքնությունից սփրթնած դեմքով:— Այդ ամբողջ երկաթուղային խուժանը խոչընդոտներ է հարուցում մեր ճանապարհին: Նրանք շեն մտածում, որ հաջողության դեպքում ես կհրամայեմ կախել տասը երկաթուղայինից մեկին: Մանոթացեք կրիմովի զեկուցագրի հետ:

Մինչդեռ Ռոմանովսկին իր մեծ ձեռքով շփում էր ուռած, յուղոտ դեմքը ու կարդում զեկուցագիրը, Կոռնիլովն արագարագ գրեց.

Նովոչերկասկի, զորաց ատամաւ Ալեքսեյ Մաքսիմովիչ Կալեդինին ժամանակավոր կառավարությանն ուղարկված ձեր հեռագրի էությունը հաղորդել են ինձ: Դավաճանների ու մատնիչների դեմ ուղղված ապարդյուն պայքարում մաշելով համբերությունը, տեսնելով հայրենիքի անխուսափելի կործանումը, պանծալի կազակությունը զենքը ձեռքին կպաշտպանի կյանքն ու ազատությունը մեր երկրի, որը աճել ու ընդարձակվել է նրա աշխատանքներով ու արյունով: Մեր հարաբերությունները որոշ ժամանակվա ընթացքում ճնշված են մնում: Խեղդում եմ ձեզ գործել ինձ հետ համաձայնեցված կարգով,— այնպես, ինչպես ձեզ կթելադրի հայրենիքի սերը և կազակի պատիվը: 658.29.8.17:

Գ Ե Ե Ե Ե Ե Կ Կ Կ Կ Կ Կ

— Անմիջապես հաղորդեցեք այս հեռագիրը, — վերջացնելով խնդրեց նա Ռոմանովսկուն:

— Կհրամայե՞ք երկրորդ անգամ հեռագիր ուղարկել իշխան Բագրատիոնին, որ հետագա ընթացքը կատարվի երթային կարգով:

— Այո, այո:

Ռոմանովսկին մի փոքր լռելով՝ մտազբաղ ասաց.

— Ըստ իս, կավր Գյորգիևիչ, առայժմ մենք դեռ պեսի՞միստորեն տրամադրված լինելու հիմք չունենք: Դուք անհաշտ եք գուշակում դեպքերի ընթացքը...

Կոռնիլովը անապարանոք ձեռքը դեռ-դեռ նետելով, փորձում էր բռնել մի փոքրիկ, կապտավուն, ճախրող թիթեռնիկ

նրա մատները իրար էին սեղմվում, դեմքը մի փոքր լարված, սպասողական արտահայտություն ուներ: Թիթեռնիկը օդի շարժումից տատանվելով, իջնելով, սավառնում էր թևերը բացած, ձգտում դեպի բաց լուսամուտը: Կոռնիլովին այնուամենայնիվ հաջողվեց բռնել նրան, ու թիթեռնիկը շունչ առավ, ընկավ բազկաթուղի մեջքին:

Ռոմանովսկին պատասխան էր սպասում իր ռեպլիկային, բայց Կոռնիլովը մտազբաղ ու մոռալ ժպտալով, սկսեց պատմել հետևյալը.

— Այսօր ես երազ տեսա: Որպես թե ես հրաձիգ դիվիզիաներից մեկի բրիգադի հրամանատար եմ, Կարպատյան լեռներում հարձակում եմ գործում: Շտաբի հետ միասին ժամանում ենք մի ինչ-որ ֆիրմա: Մեզ դիմավորում է մի հասակավոր, շքեղ հագնված ռուսին: Նա ինձ կաթ է հրամայում, ու հանելով թաղիքի, սպիտակ զլխարկը, մաքուր գերմաներենով ասում է՝ «Կեր, գեներալ. այս կաթը արտասովոր բուժիչ հատկություն ունի»: Ծա որպես թե խմում եմ ու շնմ զարմանում, որ ռուսինը ձեռքը ազատավարի թիֆփացնում է ուտիս: Հետո մենք գնում էինք լեռներով, և արդեն կարծես ոչ թե Կարպատներում, այլ Աֆղանստանում, այժի մի ինչ-որ կածանով... Այո, հենց այժի կածանով. մեր ոտների տակից քարեր ու դարչնագույն խիճ էին թափվում, իսկ ներքևում, կիրճից զենք հարավային մի փարթամ, սպիտակ արևով ողողված լանդշաֆտ էր երևում...

Թեթև, միջանցիկ քամին շարժում էր սեղանի վրա եղած թղթերը, հոսում պատուհանի բաց փեղկերի արանքով: Կոռնիլովի մշուշված ու հեռավոր հայացքը թափառում էր հեռու-հեռու, Դեկալից զենք, գոգաշատ լանջերով մեկ, որոնք կտրտված էին բրոնզե-դեղնավուն, փոքրիկ մարգերով:

Ռոմանովսկին հետամուտ եղավ նրա հայացքին և ինքը աննկատելիորեն հոգոց հանելով, աչքերը դարձրեց դեպի Դեկալը, որ քամու բացակայությամբ ապակու էր նմանվում ու թիթեռնափայլ էր արձակում, դեպի մշուշապատ դաշտերը, որոնք ծածկված էին նբրագույն նախաշնանային ռետուշով:

Պետրոգրադի վրա ուղարկվող 3-րդ հեծյալ կորպուսի ու Տեղական (Վայրենի) դիվիզիայի զորամասերը փոխադրվում էին հսկայական երկարություն ունեցող ութ երկաթուղիներով, Ռեվել, Վեզենբերգ, Նարվա, Յամբուրգ, Գատչինա Սոմրինո, Վիրիցա, Չուգովո, Գդով, Նովոգորոդ, Դնո, Պսկով, Լուգա,— ու մնացած բոլոր միջանկյալ կայարաններն ու կիսակայարանները բռնված էին դանդաղ շարժվող, կանգ առած էշելոններով: Գնդերը ավագ հրամանատարական կազմի ամեն մի բարոյական ազդեցությունից դուրս էին գտնվում, միմյանցից անջատված հարյուրյակները կորցնում էին փոխադարձ կապը: Խառնաշփոթությունն ուժեղանում էր նրանով, որ կորպուսը իրեն միացրած Տեղական դիվիզիայի հետ երթի ժամանակ բանակի էր վերածվում: պահանջվում էր որոշ տեղափոխություն և ցրված զորամասերի ի մի հավաքում, էշելոնների վերախմբավորում: Այս ամենը առաջ էր բերում խառնափնթորություն, անհեթեթ, հաճախ շհամաձայնեցված կարգադրություններ, շիկացնում էր առանց այն էլ լարված-չղայնոտ մթնոլորտը:

Իրենց ճանապարհին հանդիպելով երկաթուղային բանվորների ու ծառայողների տարերային դիմադրության, հաղթահարելով խոչընդոտները, Կոռնիլովի բանակի էշելոնները կամացուկ մոտենում էին Պետրոգրադին, խմբվում էին հանգույցներում, նորից ցրվում:

Վազոնների կարմիր վանդակներում, թամբերը հանած, կիսաքաղցած ձիերի մոտ խոնվում էին Գոնի, Ուսուրիի, Օրենբուրգի, Ներչինսկի և Ամուրի կազակները, ինգուլներ, շերքեզներ, կաբարդացիներ, օսեր, դաղստանցիներ: Սպասելով առաքման, էշելոնները ժամերով կանգնում էին կայարաններում, ձիավորները խմբով դուրս էին թափվում վազոններից, մորեխի նման լցվում կայարանների շենքերը, խոնվում երկաթձածների վրա, կլանում ամբողջ ուտելիքները, որ մնացած էր լինում առաջ անցած էշելոններից, ծածուկ կերպով մթերք էին գողանում բնակիչներից, թալանում պարենի պահեստները:

Կազակների դեղին ու կարմիր լամպասներ, դրագունները

պճնագեղ կուրտկաներ, լեռնցիների շերքեզկաններ... Գույններից աղքատ հյուսիսային բնությունը գույների այդպիսի ճոխ խայտարղետություն երբեք չէր տեսել:

Օգոստոսի 29-ին Պավլովսկի մոտ Վայրենի դիվիզիայի 3-րդ բրիգադը իշխան Գագարինի հրամանատարությամբ արդեն հանդիպեց հակառակորդին: Դիվիզիայի առջևից ընթացող ինգուլական և Չերքեզական գնդերը հասնելով մի տեղ, ուր երկաթուղին քանդված էր, իջան վագոններից ու երթական կարգով գնացին Ցարսկոյե Սելոյի ուղղությամբ: Ինգուլների հեծյալ պարեկները հասան մինչև Սոմրինո կայարանը: Գնդերը դանդաղ տեմպով ժամալում էին հարձակումը, նեղում գվարդիականներին, սպասելով, որ մոտենան դիվիզիայի մնացած զորամասերը: Իսկ վերջիններս Դնոյում առաքման էին սպասում: Մի քանիսները դեռ այդ կայարանն էլ չէին հասել:

Վայրենի դիվիզիայի հրամանատար իշխան Բագրատիոնը գտնվում էր կայարանամերձ կալվածքում, սպասում էր, որ կենտրոնանան մնացած զորամասերը, ռիսկ չէր անում երթակարգով գնալ մինչև Վիրիցա:

28-ին նա Հյուսիսային ռազմաճակատի շտաբից ստացավ հետևյալ հեռագրի պատճենը.

Ինդրում եմ 3-րդ կորպուսի հրամանատարին և Գոնի 1-ին, Ուսուրիական և Կովկասյան Տեղական դիվիզիաների պետերին հաղորդել զերագույն գլխավոր հրամանատարի հրամանը, որ եթե որևէ չնախատեսված հանգամանքների հետևանքով դժվարանա էշելոնների ընթացքը երկաթուղով, ապա զերագույն գլխավոր հրամանատարը դիվիզիաներին հրամայեց հետագա առաջարժույթը կատարել երթակարգով: 1917 թ. օգոստոսի 27, № 6411:

Ռ Ո Մ Ա Ն Ո Վ Ո Կ Ի

Առավոտյան ժամը մոտ 9-ին Բագրատիոնը հեռագրով հաղորդեց Կոռնիլովին, որ առավոտյան ժամը 6-ից 40 րոպե անց Պետրոգրադի օկրուգի շտաբի պետ գնդապետ Բագրատունուց ստացել է Կերենսկու հրամանը՝ ետ դարձնել բոլոր էշելոնները և որ դիվիզիայի էշելոնները կանգնեցրած են ճանապարհին, Գաշկի կիսակայարանից մինչև Օրեդեժ կայարանը, որովհետև, ժամանակավոր կառավարության կարգա-

գրութեամբ, երկաթուղին ձողիկներ¹ չի տալիս. բայց շնայելով, որ իր ստացած՝ կոռնիլովի մակագրութիւնը ասում էր հետևյալը.

Իշխան Բագրատիոնին: Շարունակել առջջարժումը երկաթուղով: Եթե երկաթուղով հնարավոր չլինի, երթակարգով գնալ մինչև Լուգա, որտեղ ամբողջովին անցնել գնեհրալ Կրիմովի տրամադրութեան տակ:

Բագրատիոնն այնուամենայնիվ սիրտ չարեց երթակարգով գնալ և կարգադրեց նստել կորպուսի շտաբի վագոնները:

Այն գունդը, որտեղ մի ժամանակ ծառայել էր Եվգենի Լիստնիցկին, Դոնի 1-ին կազակական դիվիզիայի կազմի մեջ մտնող մնացած գնդերի հետ միասին Պետրոգրադի դեմ էր ուղարկվում Ռեվել—Վեդենբերգ—Նարվա գծով: Ամսի 28-ին, ցերեկվա ժամը 5-ին գնդի երկու հարյուրյակից բաղկացած մի էջելոն ժամանեց Նարվա: էջելոնի հրամանատարն իմացավ, որ գիշերը մեկնել չի կարելի, որովհետև Նարվայի ու Յամբուրգի միջև ճանապարհը փլացրած է, երկաթուղային գումարտակի մի մասը արտակարգ գնացքով ուղարկված է այնտեղ, ու առավոտյան, եթե երկաթգիծը վերականգնված չլինի, էջելոնը կուղարկվի: էջելոնի հրամանատարը կամա թծակամա համաձայնվեց: Նա մոթմոթալով մտավ իր վագոնը, նորութիւնը հաղորդեց սպաներին, նստեց թեյ խմելու:

Իջավ ամպամած գիշերը: Մովածոցից փչում էր խոնավ, խիստ ուժեղ քամին: Ծանապարհների վրա, վագոնների մեջ կամացուկ խոսակցում էին կազակները, շողեքարշերի շշակներից անհանգստացող ձիերը ոտները խփում էին փայտե հատակներին: էջելոնի պոչում երգում էր երիտասարդական կազակական մի ձայն, մթութեան մեջ զանգատվում հայտնի չէ ում.

է՛հ, մնաք բարով, քաղաք ու ավան,
է՛հ, մնաք բարով, խոտոր հայրենի,

¹ Երկաթուղային ձողիկներ (жезлы).— գնացքների երթևեկութեանը կանոնավորելու միջոցներից մեկը, որով մեքենավարը կայարանից մեկնում է. միայն հատուկ ձողիկ ստանալուց հետո, որը ցույց է տալիս, թե երկաթգիծն ազատ է:

է՛հ, մնաք բարով, դու, ալ ու ավան
Սաղիկ իմ սիրած, աղջիկ գեղանի:
Առավոտ ծեղից մինչև իրիկուն
Իս պառկում էի զլուխս ձեռքիդ,
Իսկ հիմի ծեղից մինչև իրիկուն
Այս հրացանն եմ պահում իմ ձեռքին...

Համբարանցի գորշ, ահագին շենքի հետևից դուրս եկավ մի մարդ: Մի քիչ կանգնեց, ականջ դրեց երգին. դիտեց լույսերի դեղին կետերով նշված երկաթգծերը, վստահորեն քայլեց գեպի էջելոնը: Նրա քայլերը խուլ դոփում էին շպալների վրա, լուռ՝ երբ նա ոտ էր դնում տոփանած, կավախառն հողին: Նա անցավ վերջին վագոնի կողքից, ու դուռն մոտ կանգնած կազակը ընդհատելով երգը, ձայն տվեց նրան.

— է՛յ, ո՞վ ես:

— Իսկ դու ո՞ւմ ես ուզում,— հեռանալով՝ դժկամ պատասխանեց մարդը:

— Ի՞նչ ես թրև գալի գիշերով: Ձեզ, ժուլիկներիդ, մենք թրմփացնում ենք: Թոցնելու բա՞ն ես ման գալի, հա՞:

Մարդը առանց պատասխանելու անցավ մինչև գնացքի մեջտեղը, զլուխը դուռն ճեղքից խոթելով՝ հարցրեց.

— Սա ո՞ր հարյուրյակն է:

— Բռնավորների,— քրքջացին մթութեան միջից:

— Լուրջ եմ հարցնում, ո՞րն է:

— Երկրորդը:

— Բա ո՞րտեղ է շորրորդ դասակը:

— Առջևից վեցերորդ վագոնումն է:

Շողեքարշի կողմից վեցերորդ վագոնի մոտ երկու կազակ ծխում էին: Մեկը պպզել էր, երկուսը կանգնած էին: Նրանք լուռ նայում էին իրենց մոտեցող մարդուն:

— Բարև, կազակներ, ո՞նց եք:

— Փա՛ռք աստծու,— պատասխանեց մեկը՝ զննելով եկվորի դեմքը:

— Նիկիտա Դուգինը սա՞ղ է: Այստե՞ղ է:

— Ե՛ս եմ որ կամ,— զրնգուն տենորով պատասխանեց պպզած կազակը ու վեր կացավ, կրունկով ճզմեց ծխախոտի մնացորդը:— Չեմ ճանաչում քեզ: Ո՞վ ես, ո՞րտեղից:— Նա կարկառեց երկարամորուք դեմքը՝ աշխատելով լավ տեսնել

շինել հաղած և զինվորի ճխլտված գլխարկով մարդուն, և հանկարծ զարմանքով գոչեց՝ Ի՛լյա, Բունչուկ, հոգիդ սիրեմ, այդ ո՞ր բամին ու ո՞րտեղից քեզ բերեց:

Կոշտ ձեռքի մեջ Բունչուկի մազոտ ձեռքը պահած, թեքվելով նրա կողմը, ցածր ձայնով ասաց.

— Սրանք մեր տղերքն են, սրանցից չվախենաս: Ո՞րտեղից ես եկել, հը՞: Ասա, է՛, տո՛, ա՛յ գլխամեռ:

Բունչուկը ձեռք տալով բարևեց մյուս կազակներին, խոսված, շուգունե-խուլ ձայնով պատասխանեց.

— Պիտերից եմ եկել, դժվարությամբ գտա ձեզ: Գործ կա: Պետք է խոսել: Որքա՛ն ուրախ եմ, որ ողջ-առողջ եմ տեսնում:

Նա ժպտում էր, նրա գորշ, խոշոր, լայնաճակատ դեմքի վրա սպիտակին էին տալիս ատամները, ջերմորեն, զուսպ և ուրախ փայլում էին աչքերը:

— Խոսե՛լ,— զրնգաց մորուքավորի բարակ ձայնը,— դու սպա ես, ամա, ուրեմս, մեզ հետ ընկերություն անելուց շե՞ փախչում: էհ, շնորհակալություն, Իլյուշա, փա՛ռք Քրիստոսին, թե չէ մենք երազներիս մեջ էլ մի անուշ խոսք չենք լսել... — նրա ձայնը բարեսիրտ, անշար ծիծաղի վերածվեց:

Բունչուկը նույնպես կատակեց սիրալիր կերպով.

— Լա՛վ, Լա՛վ, հերիք է չուր պղտորես: Դու էլի խաղ ես անում, կատակում ես, իսկ քո մորուքը պորտիցդ էլ ցած է իջել:

— Մենք կարող ենք երբ ասես վեր անել մորուքներս, բայց դու ասա, ի՞նչ կա այնտեղ, Պիտերում: Բունտերը սկսվե՛լ են:

— Գնանք վագոն,— խոստմնալից առաջարկեց Բունչուկը:

Նրանք մտան վագոն: Դոգինը ոտներով հրեց ոմանց, ցածր ձայնով ասաց.

— Վեր կացեք, տղերք: Մեզ հյուր է եկել շատ հարկավոր մի մարդ: Դեհ, շուտ արեք, զինվոր տղերք, վեր կացեք:

Կազակները մշմշալով վեր էին կենում: Մեկի մեծ, ծխախոտի և ձիու քրտինքի հոտ արձակող ձեռները մթության մեջ զգուշությամբ շոշափեցին թամբի վրա նստած Բունչուկի դեմքը. թավ, մազութե մի ձայն հարցրեց.

— Բունչուկն է:

— Ծա եմ: Այդ դո՞ւ ես, Զիկամասով:

— Ծա եմ, ես. բարև, աղբերս:

— Բարև:

— Հիմի վազ կտամ, կանչեմ երրորդ դասակի տղերանց:

— Լա՛վ... Թոհր:

Երրորդ դասակը եկավ համարյա ամբողջովին, միայն երկուսը մնացին ձիերի մոտ: Կազակները մոտենում էին Բունչուկին, մեկնում կոշտ ձեռները, կռանում, լապտերի լույսի տակ դիտում նրա լայն, մի փոքր մոայլ դեմքը, մերթ Բունչուկ էին անվանում, մերթ Իլյա Միտրիչ, մերթ էլ Իլյուշա, բայց բոլոր ձայների մեջ միևնույն տոնով էր հնչում ընկերական ջերմ ողջույնը:

Վագոնում օղբ ծանրացավ: Տախտակե պատերի վրա դողում էին լույսի ցոլքերը, երերվում ու մեծանում էին այլանդակ ստվերները, ձիթաճրագի թանձր, ծխոտ լույս էր արձակում լապտերը:

Բունչուկին հոգատարությամբ նստեցրին լապտերի մոտ: Առջևի մարդիկ պազեցին, մնացածները նեղ բոլորակ կազմեցին նրա շուրջը: Տենոր ձայն ունեցող Դուգինը հազաց,— մաքրեց կոկորդը:

— Քո նամակը, Իլյա Միտրիչ, մենք ստացանք անցած օրը, ամա ուզում ենք լսել քեզ, որ դու մեզ խորհուրդ տաս, թե հետագայում ինչ պետք է անենք: Ախր մեզ դեպի Պիտեր ենք ըլում, բա ո՞նց պիտի լինի:

— Գիտե՞ս ինչ, Միտրիչ,— ասաց դուռնի մոտ կանգնած մի կազակ, որի կնճոտտ ականջից գինդ էր կախված,— հենց այն կազակը, որին մի ժամանակ վիրավորել էր կիստից-կին, թույլ շտալով, որ նա թեյ եռացնի խրամատի վահանի վրա,— մեզ մոտ զանազան ագիտատորներ են գալի, համոզում են, թե մի՛ գնաք Պետրոգրադի վրա, թե մենք մերտեց դեմ չպետք է կովենք, ու այս տեսակ զանազան բաներ են ասում: Մենք էլ լսում ենք, ամա նրանց այնքան էլ չենք հավատում: Օտար մարդիկ են: Կարելի է նրանք մեզ ծուռ ճանապարհով են տանում, ես ի՞նչ գիտեմ: Թե հրաժարվես, Կոռնիլովը շերքեզներ կուղարկի մեր դեմ, ու էլի արյունահեղություն կլինի: Իսկ դու մերն ես, կազակ ես, մենք էլ քեզ ավելի շատ ենք հավատում և մինչև իսկ շատ շնորհակալ

ենք, որ մեզ Պիտերից նամակներ էիր գրել ու լրագրեր դըր-
կել... այստեղ, դրուստն ասած, թղթի սով էր, իսկ երբ որ
լրագիր ենք ստանում...

— Ի՞նչ ես դուրս տալի, է՛, սարսաղ,— զայրացած ընդ-
հատեց մեկը,— դու անգրագետ ես, կարծում ես բոլորն էլ
անգե՞տ են քեզ պես: Միթամ մենք լրագրերը ծխելու թուղթ
դարձրինք, հա՞: Նախ և առաջ, Իլյա Միտրիչ, մենք գլխե-
զլուխ դրանք կարդում ենք:

— Գլխից դուրս տվեց գրողի տարածը:

— «Մխելու համա՛ր»,— ա՛յ քեզ պոչով սուտ:

— Խելոքին մեկ ասա, սարսաղին՝ հազար:

— Աղբե՛ր, ես հո այդ մտքով չասի՞,— արդարանում էր
ականջին գինդ ունեցող կազակը:— Հարկ է, որ մենք թերթե-
րը նախ և առաջ կարդում էինք...

— Հենց դո՛ւք էիք կարդում:

— Ես գրի սեն ու սպիտակը շեմ իմացել... նրա համար
եմ ասում, որ առհասարակ կարդում էինք, էլի՛, հետո արդեն
ծխելու համար գործածում...

Բունչուկը թեթև ժպտալով, նստել էր թամբի վրա, նայում
էր կազակներին. նրա համար անհարմար էր նստած խոսել,
նա վեր կացավ ու մեջքը դարձնելով դեպի լապտերը, դան-
դաղ, լարված ու անվստահ սկսեց իր խոսքը.

— Պետրոգրադում դուք անելիք շունեք: Այնտեղ ոչ մի
բունտ չկա: Գիտե՞ք, թե ինչու են ձեզ այնտեղ ուղարկում.
Ժամանակավոր կառավարությունը տապալելու համար...
Այո՛, Ո՞վ է ձեզ տանում. ցարական գեներալ Կոռնիլովը:
Նրան ինչի՞ համար է հարկավոր մեջտեղից վերացնել Կե-
րենսկուն, — որ ինքը նստի նրա տեղը: Զգուշ ճղճ, կազակ-
ներ, ուզում են ձեր վզից հանել փայտե լուծը, իսկ եթե նոր
լուծ դնեն, դա պողպատե լուծ կլինի: Երկու փորձանքից փոք-
րագույնը պետք է ընտրել: Այնպես չէ՞: Ինքներդ դատեցեք.
ցարի ժամանակ ձեր քիթ ու մոռթն էին շարդում, ձեր ձեռ-
քով պատերազմից օգուտ էին քաղում: Կերենսկու օրով էլ
օգուտ են քաղում, բայց քիթ ու մոռթ չեն շարդում: Կե-
րենսկու օրով գոնե մի քիչ ավելի լավ է: Բայց է՛լ ավելի լավ
կլինի Կերենսկուց հետո, երբ իշխանությունը կանցնի բոլ-
շևիկներին: Բոլշևիկները պատերազմ չեն ուզում: Երբ իշ-

խանությունը նրանց ձեռքում լինի, իսկույն հաշտությու-
ն կկնքվի: Ես Կերենսկու կողմը չեմ, նրա հերն է՛լ անիծած,—
նրանք բոլորն էլ միևնույն մեռոնով են օծված:— Բունչուկը
ժպտաց, թևքով սրբեց ճակատի քրտինքը, շարունակեց.—
բայց ես ձեզ կոչ եմ անում շթափել բանվորների արյունը և
առայժմ պաշտպանել ժամանակավոր կառավարությունը:
Ինչո՞ւ պաշտպանել: Որովհետև եթե լինի Կոռնիլովը, Ռու-
սաստանը կողոզվի բանվորների արյունով, նրա օրով ավելի
դժվար կլինի խլել իշխանությունը և հանձնել աշխատավոր
ժողովրդին:

— Մի քիչ կաց, Իլյա Միտրիչ,— դուրս գալով հետին
շարքերից, ասաց միջահասակ մի կազակ, որ նույնպես վա-
յելակազմ էր, ինչպես Բունչուկը. նա հազաց, մաքրեց կո-
կորդը, շփեց երկար ձեռները, որոնք նման էին հնամենի
կաղնու բացված արմատներին, ու ժպտացող, բաց-կանաչ,
մատաղ տերևների պես կաշուն աչքերը հռոնկով Բունչուկին,
հարցրեց.— Դու լծի մասին խոսեցիր... Բա որ բոլշևիկները
վերցնեն իշխանությունը, մեր վզին ի՞նչ լուծ կդնեն:

— Ինքդ քեզ վրա՞ պիտի լուծ դնես, ինչ է:

— Ո՞նց թե ինքս:

— Այնպես: Բոլշևիկների օրով ո՞ւմ ձեռքին պիտի լինի
իշխանությունը,— քո ձեռքին, եթե քեզ ընտրեն, կամ Դու-
գինի և կամ այս մարդու ձեռքին: Կլինի ընտրովի իշխանու-
թյուն, սովետ: Հասկացա՞ր:

— Իսկ վերևից ո՞վ է լինելու:

— Ում որ ընտրեն: Եթե քեզ ընտրեցին, ուրեմն դու էլ
կլինես վերևում:

— Այդպե՞ս է որ: Հո չե՞ս փշում, Միտրիչ:

Կազակները ծիծաղեցին, բոլորն էլ խոսեցին միանգա-
մից, նույնիսկ դռան մոտ կանգնած ժամապահն էլ մի բուպճ
ետ քաշվեց տեղից, միջամտեց խոսակցության:

— Բա հողի մասին նրանք ի՞նչ են ասում:

— Չե՞ն վերցնի մեր հողը:

— Պատերազմը կվերջացնե՞ն: Թե՞ հիմի միայն խոս-
տումներ են տալի, որ մեզ իրենց կողմը քաշեն:

— Դու մեզ ամեն բան ուղիղ պատմիր:

— Մենք այստեղ խարխափում ենք մթության մեջ:

— Ուրիշներին հավատալը վտանգավոր է: Շատ են փշուս...

— Երեկ մի նավաստի լաց էր լինում Կերենսկու համար, իսկ մենք նրան մազերից քարշ տվինք ու վագոնից դուրս գցեցինք:

— «Դուք,— ասում է,— հականեր եք...» Այ քեզ սարսաղ մարդ:

— Մենք այդ խոսքերը չենք հասկանում. ինչո՞վ կարելի է դրանք ուտել:

Բունչուկը դեպի բոլոր կողմերը դառնալով, ուշադիր նայում էր կազակներին, սպասում, որ նրանք հանդարտվեն: Լերդեն չբացել էր սկզբում եղած նրա անվստահությունը իր ձեռնարկման հաջողության նկատմամբ, և նա, տիրանալով կազակների տրամադրության, արդեն հաստատ գիտեր, որ ինչ կերպ էլ լինի, էշելոնը կկանգնեցնի Նարվայում: Մի օր առաջ, երբ ներկայացել էր կուսակցության Պետրոգրադի շրջանային կոմիտեին և իրեն առաջարկել իբրև ագիտատոր Պետրոգրադին մոտեցող Դոնի 1-ին գիվիզիայի զորամասերում աշխատելու համար, վստահ էր հաջողության նկատմամբ, բայց երբ հասել էր Նարվա, վստահությունը խախտվել էր: Նա գիտեր, որ կազակների հետ ինչ-որ ուրիշ խոսքերով պետք է խոսել, երկյուղով զգում էր, որ թերևս ընդհանուր լեզու չգտնի, որովհետև, ինն ամիս առաջ վերադառնալով բանվորական միջավայրը, վերստին սերտորեն միաձուլվել էր նրա հետ,— ելույթներ ունենալիս գիտեր, որ իրեն լավ են ընդունում և հասկանում են կես խոսքից, իսկ այստեղ, իր հայրենակիցների մեջ պահանջվում էր մի ուրիշ, կիսով չափ մոռացված, սևահողի լեզու, մողեսի ճկունություն, համոզելու ինչ-որ մի մեծ ուժ, որպեսզի ոչ միայն բորբոքիր, այլև վառեր, որպեսզի ոչնչացնեի դարերով արմատացած երկյուղն անհնազանդության, ճզմեր քարացածությունը, ներշնչեր իր իրավացիության զգացումը ու նրանց տաներ իր հետևից:

Սկզբում, երբ սկսեց խոսել, հենց իր լսողությամբ իր ձայնի մեջ բռնում էր սայթաքող անվստահությունը, ինչ-որ մի կեղծիք, արհեստականություն, ասես կողմնակի կերպով ունկնդրում էր իր անհյուսթ քաղերին, ու սարսափում էր բե-

րած փաստարկների անհամոզիչ բնույթից, տանջալից կերպով զոռ էր տալիս գլխին՝ որոնելով ինչ-որ հատու, ծանր բառեր, որոնցով ջարդեր, խորտակեր... Եվ դրա փոխարեն անասելի դառնությամբ զգում էր, թե ինչպես օձառի պղպղջակների նման ցնդում են իր շուրթերից պոկվող թեթևամիտ արտահայտությունները, իսկ գլխի մեջ խճողվում են ամուլ, սայթաքող մտքերը: Նա կանգնել էր քրտնախաշ վիճակում, ծանր շնչելով: Խոսում էր միևնույն խոցող մտքով տարված,— «ինձ այսպիսի մեծ գործ են վստահել, և ահա ես իմ սեփական ձեռքով փչացնելու եմ այն... Բառերը չեմ կապակցում... ախր ի՞նչ է պատահել ինձ: Մի ուրիշը իմ տեղը լինեի, հազար անգամ ավելի լավ կխոսեր ու կհամոզեր... է-է, գրողը տանի, որքա՛ն անշնորհք եմ ես»:

Կանաչ, կպչուն աչքերով կազակը, որ հարց էր տվել լծի մասին, սթափվեց կիսով չափ թմրած վիճակից. դրանից հետո սկսված խոսակցությունը ուղքի գալու, զորանալու հնարավորություն տվեց Բունչուկին, ու այնուհետև, ինքն էլ զարմանալով իր վրա, զգալով ուժերի անսովոր հորդամը և գունագեղ, սուր, հատու խոսքերի ամենաճոխ պաշարը, նա բռնկվեց, ու արտաքին հանգստության տակ թաքցնելով վրա հասած հուզմունքը, արդեն ծանրակշիռ ու ցասկոտ կերպով էր մեկնաբանում նենգամիտ հարցերը, խոսակցությունը տանում ինչպես այն ձիավորը, որը խաղաղացրել է մինչ այն շընտելացած, վազքից փրփրած ձիուն:

— Հապա ասա, ինչո՞վ է վատ Սահմանադիր ժողովը:

— Ձեր լենինին հո գերմանացիներն են բերել... չէ՞: Բա ո՞րտեղից է եկել... ծառի գլխից է իջել, ինչ է:

— Միտրիչ, դու քո ցանկությամբ ես եկել, թե՛ ուղարկել են քեզ:

— Դոնի հողերը ո՞ւմ ձեռքը կընկնեն:

— Ցարի օրով մենք ինչո՞վ էինք վատ ապրում:

— Մենչևիկները հո նո՞ւյնպես ժողովրդի կողմն են:

— Մենք ունենք կազակների ներկայացուցիչների ժողով, իշխանությունը ժողովրդական է, մեր ինչի՞ն են պետք սովետները,— հարցնում էին կազակները:

Կեսգիշերից անց էր, երբ ցրվեցին: Հետևյալ առավոտյան քրոշեցին, որ երկու հարյուրյակներն էլ հավաքվեն մի-

ախնգի: Բունչուկը մնաց վազոնում գիշերելու: Չիկամասովը նրան առաջարկեց պառկել իր հետ: Քնելուց առաջ խաշակնքելով, պառկելով, նախագգուշացրեց.

— Իլյա Միտրիչ, կարելի է դու առանց վախենալու ես պառկում, ամա ներող եղիր... Մեր վրա ոչինչ կան, աղբերս: Եթե վրադ քաշվեն, շնեղանաւ: Այնպիսի մեծ-մեծ ոչինչ կան, որ ուղղակի փորձանք է: Ամեն մեկը խումբ-գորջան հորթի շափ կլինի:— Մի փոքր լռելուց հետո կամացուկ հարցրեց.— Իլյա Միտրիչ, բա կենինք ի՞նչ ազգից է: Մի խստըով, նա ո՞րտեղ է ծնվել ու մեծացել:

— Լենինը: Ռուս է:

— Մի՞թե:

— Այո, ռուս է:

— Չէ, ազգերս: Երևում է, որ դու նրա մասին քիչ բան գիտես,— սեփական գերագանցության շեշտով ասաց Չիկամասովը:— Գիտե՞ս, որ նա մերոնցից է: Դոնի կազակներից է, Սալսկի օկրուգից, Վելիկոկոնյաժեսկայա ստանիցայից, հասկացա՞ր: Ասում են, որ ծառայել էր իբրև հրետանավոր: Նրա արտաքինն էլ է մերոնց նման, այնպես է, ինչպես ցածր կազակներինը,— թշերը լիքը, աչքերը խոշոր:

— Ո՞րտեղից ես լսել:

— Կազակներն էին խոսում իրար մեջ, ես էլ լսեցի:

— Ո՛չ, Չիկամասով: Նա ռուս է, Միմրիսկի նահանգից:

— Չէ՛, չեմ հավատա: Մինչև իսկ շատ պարզ է, որ չեմ հավատա: Պուգաչը (Պուգաչև) հո կազակ էր: Բա Ստեփան Ռազինը: Բա Երմակ Տիմոֆեևի՞չը: Ըհը՛մ: Բոլորը, ովքեր աղքատ ժողովրդին ցարերի գեմ են հանել,— բոլորն էլ կազակներից են: Իսկ դու ասում ես՝ Միմրիսկի նահանգից է: Մինչև իսկ, Միտրիչ, մարդ նեղանում է, որ այդպիսի բան է լսում...

Բունչուկը ժպտալով հարցրեց.

— Հենց այդպես էլ ասում են, որ կազակ է:

— Կազակ է, այո, միայն թե հիմի ինքը չի ասում այդ բանը: Ես մարդու երեսին նայեցի թե չէ, իսկույն ճանաչում եմ:— Չիկամասովը ծխեց, ու մախրակայի սուր հոտը փչելով Քունչուկի գեմքին, մտազբաղ հազաց:— Չարմանում եմ ես, և մենք այստեղ թունդ վիճեցինք, քիչ մնաց կովիներ. եթե

նա, Վլադիմիր Իլիչը մեր կազակներից է, հրետանավոր է, ո՞րտեղից կարող էր այդպիսի մեծ գիտություն ստանալ: Ասում են, թե պատերազմի սկզբին նա գերի է ընկել գերմանացիներին, սովորել այնտեղ, հետո անցել բոլոր գիտությունները ու սկսել էր նրանց բանվորների բունտ առաջ բերել և ուսումնականներին նեղը լծել,— ու դրանք թունդ վախեցան: «Գնա՛ ուր կուզես, մեծաճակատ,— ասում են,— Քրիստոս քեզ հետ, թե չէ դու այստեղ այնպիսի գործեր կրանես, որ մեր տունը կքանդես»,— ու նրան ճանապարհ գցեցին Ռուսաստան, վախեցան, որ չլինի՞ թե նա բանվորներին ոտքի հանի Օ-օ՛. նա ուժով մարդ է, հա՛-ա,— Չիկամասովը վերջին ֆրազն արտասանեց ո՛չ առանց պարծենկոտության և ուրախ ծիծաղեց մթության մեջ:— Դու նրան չե՞ս տեսել, Միտրիչ, չէ՞, ափսո՛ս: Ասում են, թե նա շատ մեծ գլուխ ունի:— Չիկամասովը մի քիչ հազաց, քթածակներից բաց թողեց ծխի գորշ քուլաները ու վերջացնելով ծխելը, շարունակեց.— Ա՛յ թե կնանիքը ինչպիսի մարդիկ պիտի ծնեին, հա՛-ա: Գլուխ է, գլուխ: Նա հլա դեռ շատ թագավորներ կգցի թախտից...— ու շունչ առավ.— Չէ՛, Միտրիչ, դու ինձ հետ մի վիճի. Իլիչը կազակ է... Ի՞նչ կարիք կա դա թաքուն պահել: Միմրիսկի նահանգում այդպիսիները երբեք էլ չեն լինում:

Բունչուկը լռեց, երկար պառկեց ժպտալով, առանց աչքերը փակելու:

Շուտ չքնեց. իրոք որ շատ ոչինչներ էին քաշվել նրա վրա, սողում էին շապկի տակ, կծում, դաղում անտանելի քոսի նման. կողքին հոգոց հանում, մարմինն էր քորում Չիկամասովը, մեկի փնջացող, անհանգիստ ձին խախտում էր անդորրությունը: Նա արդեն քուն էր մտնում, բայց գծոված ձիերը կոճեցին, սկսեցին ոտները խփել հատակին, կատաղի փրչալալ:

— Հերիք է կատաղես, անտեր... բը՛ռո, բը՛ռո, անիծված...— տեղից վեր թռչելով, քնկոտ, բարակ ձայնով բղավեց Դուզինը ու ինչ-որ ծանր բանով խփեց մոտիկ կանգնած ձիուն:

Բունչուկը ոչինչներից տանջվելով, սրտնեղությամբ գիտակցելով, որ արդեն քունը փախել է, շուտ եկավ մյուս

կողքի վրա, սկսեց մտածել հետևյալ օրվա միտինգի մասին: Փորձեց պատկերացնել, թե ինչպես կդիմադրեն սպաները, քմծիծաղ տվեց. «Երևի կփախչեն, եթե կազակները միահամուռ կերպով բողոքեն, ասենք, ո՞վ գիտե ինչ կլինի: Համենայն դեպս կպայմանավորվեմ կայազորի կոմիտեի հետ»: Մի տեսակ ակամա վերհիշեց պատերազմի մի միջադեպ, 1915 թվականի հոկտեմբերին տեղի ունեցած մի գրոհ, և ապա հիշողությունը, ասես ուրախանալով, որ իրեն ուղղել են դեպի ծանոթ, տափտափած արահետը, սկսեց համառորեն ու շարախնդությամբ մեջտեղ բերել կցկտուր երևույթներ, — դեմքեր, սպանված ուս և գերմանացի զինվորների այլանդակ պողաներ, այլևայլ խոսքեր, երբեմն տեսած պեյզաժների անգունագեղ, ժամանակի ընթացքում աղոտած բեկորներ, շարտահայտված, հայտնի չէ ինչու պահպանված մտքեր, թնդանոթաձգության արձագանքներ՝ ներքուստ հագիվ զգալի, գնդացրի ծանոթ տկտկոց և ժապավենի խշշոց, հոխորտալից մեղեդի, մի ժամանակ սիրած կնոջ բերանի անշափ գեղեցիկ, մի փոքր խամրած տեսքը ու դարձյալ՝ պատերազմի բեկորներ, — սպանվածներ, եղբայրական շիրիմների ցածրանիստ թմբեր...

Բունչուկն անհանգստացավ. ելավ, նստեց, ասաց լսելի ձայնով թե մտածեց՝ «Մինչև մահս չեմ մոռանալու այս հուշերը, և ոչ միայն ես, այլև բոլոր նրանք, ովքեր կենդանի կմնան, չեն մոռանա: Խեղեցին, անարգեցին կյանքը... Նզովվածներ, նզովվածներ... Դուք մահով էլ չեք քավի ձեր հանցանքը...»

Վերհիշեց նաև տասներկու տարեկան Լուշային, Պետրոզրադի մետաղագործ բանվորի, իր ա՛յն ընկերոջ աղջկան, որը սպանվել էր պատերազմում և որի հետ ինքը մի ժամանակ աշխատել էր Տուլայում: Երեկոյան գնում էր Բուլվարով: Աղջիկը, այդ անբարեկազմ, վտիտ անչափահասը, նրստել էր վերջին նստարանին, համարձակ տարածել բարալիկ ստները, ծխում էր: Նրա թառամած դեմքի վրա — հոգնած աչքեր, ներկած, անժամանակ հասունությունից երկարած շրթունքների անկյուններում — դառնություն: «Զե՞ք ճանաչում, քեռի», — խոպոտ հարցրեց նա, ժպտաց պրոֆեսիոնալ սովորությամբ ու վեր կացավ, մանկականորեն անօգ ու

դառն լացեց կորացած, գլուխը սեղմելով Բունչուկի արմունկներին:

Բունչուկը քիչ մնաց շնչասպառ լինեք իրեն համակած, գազի պես թունավոր ատելությունից. գունատվելով, կրճըտացրեց ատամները, հառաչեց: Հետո երկար շփում էր մազոտ կուրծքը, շրթունքները դողում էին. նրան թվում էր, որ ատելությունը վառվում է կրծքում, կիզվող խարամի մի կտորի նման, ու մարմրելով, խանգարում շնչառությունը ու պատճառում այդ ցավը ձախ կողքին, սրտի տակ:

Նա չընեց մինչև առավոտ: Լուսաբացին դեմքը դեղնած, սովորականից ավելի մռայլ գնաց երկաթուղայինների կոմիտե, պայմանավորվեց, որ կազակական էշելոնը Նարվայից դուրս չեն թողնի, ու մի ժամից հետո դուրս եկավ կայազորի կոմիտեի անդամներին որոնելու:

Գնացք վերադարձավ ժամը ութին: Քայլելիս ամբողջ մարմնով զգում էր առավոտյան թեթև զովությունը՝ տարտամորեն ուրախանալով թե իր ճանապարհորդության հավանական հաջողությունից, թե արևից, որ ընկել էր համբարանոցի ժանգոտ կտուրից և թե որտեղից-որտեղ լսվող կանացի ձայնի զրնգուն, քաղցրահնչուն տեմբրից: Արշալույսից առաջ ուժեղ, հորդառատ ու կարճատև անձրև էր եկել: Երկաթգծերի ավազոտ հողը ողողատված էր, պահպանել էր փոքրիկ առվակների հետքերը, անձրևի քաղցրավուն բույր էր արձակում և իր մակերեսին, այնտեղ, ուր թաղվել էին անձրևի կաթիլները, պահպանել էր մի քիչ շորացած, փոքրիկ փոսիկների խիտ ցանքը, — ասես շեշտովել էր ծաղիկ հիվանդությունից:

Գնացքի կողքից անցնելով, դեպի Բունչուկն էր գալիս շինել հագած, բարձրաճիտք ու ցեխոտ սապոգներով մի սպա: Բունչուկը ճանաչեց յասավուլ Կալմիկովին, մի քիչ դանդաղեցրեց քայլերը՝ սպասելով նրա մոտենալուն: Նրանք հանդիպեցին միմյանց: Կալմիկովը կանգ առավ, նրա շեղադիրք սև աչքերը սառն փայլ արձակեցին:

— Խորունժի Բունչուկ: Դու ազատ ե՞ս: Ներիր, ես քեզ ձեռք չեմ տա...

Նա պինդ սեղմեց շրթունքները, ձեռները դրեց շինելի գրպանները:

— Թա մտադիր էլ չեմ քեզ ձեռք մեկնելու... Դու շտապեցիր,— հեզանքով պատասխանեց Բունչուկը:

— Դու այստեղ կաշի՞դ ես փրկում, հա՞, Քե՞... Պետրոզրադից ես եկել, Դուցե քոսոտ Կերենսկու կողմի՞ց:

— Դա ի՞նչ է, հարցաքննութի՞ւն:

— Օրինական հետաքրքրություն երբեմնի դասալքած մարդու բախտի մասին:

Բունչուկը թաքցնելով քմծիծաղը, թոթվեց ուսերը:

— Կարող եմ հանգստացնել քեզ. ես Կերենսկու կողմից չեմ եկել:

— Բայց դուք հո այժմ, վերահաս վտանգի հանդեպ, սրբտանց միավորվում եք: Հը՞մ, այդպե՞ս, այնուամենայնիվ ո՞վ ես դու: Ուսադիրներ շունես, զինվորի շինել ես հագել...— Կալմիկովը ունգնեցրը ծոմոնց, արհամարհանքով ու ափսոսանքով դիտեց Բունչուկի մի քիչ կորացած կերպարանքը:— Քաղաքական գործակա՞լ ես, հը՞,— ու պատասխանի չըսպասելով՝ շուռ եկավ, գնաց ձեռները թափահարելով:

Դուգինը իր վագոնի առաջ դիմավորեց Բունչուկին:

— Ո՞րտեղ ես, է՛, միտինգը արդեն սկսվել է:

— Ի՞նչպես թե սկսվել է:

— Այնպես, էլի՛: Մեր հարյուրյակի հրամանատար Կալմիկովը բացակա էր, իսկ այսօր շոգեքարշով եկավ Պիտանրից, հավաքեց կազակներին: Հենց հիմի գնաց, որ նրանց գլուխը եղի:

Բունչուկը մի քիչ կանգնեց, հարցրեց, թե Կալմիկովը երբվանի՞ց էր գործուղվել Պետրոզրադ: Դուգինի ասածից իմացավ, որ Կալմիկովը համարյա մի ամիս բացակայել էր:

Շնա մեկն է ռևոլյուցիային այն դահիճներից, որոնց Կոունիլովը Պիտանր էր ուղարկում ումբ նետելն ուսումնասիրելու պատրվակով: Ուրեմն իսկական կոունիլովական է: Լա՞վ»,— կցկտուր մտածեց նա՝ Դուգինի հետ գնալով միտինգի վայրը:

Համբարանոցից դենը — կազակական վերնաշապիկների ու շինելների գորշ-կանաչ զանգված: Մեջտեղում, սպաներով շրջապատված կանգնել էր Կալմիկովը շուռ տված տակառի վրա, հատու ձայնով, բառերը շեշտելով, բղավում էր.

— ...հասցնել հաղթական վախճանի: Մեզ վստահում են, որ մենք կարգարացնենք այդ վստահությունը: Այժմ ես

կկարգամ գններալ Կոունիլովի հեռագիրը, որ ուղղված է կազակներին:

Նա ավելորդ հապճեպությամբ ֆրենչի կողքի գրպանից հանեց ճխլուված մի թերթիկ, փսփսաց էշելոնի պետի ականչին:

Բունչուկն ու Դուգինը մոտեցան, խառնվեցին կազակներին:

Կազակներ, թանկագին հայրենակիցներ,— ազդու և ոգևորված կարդում էր Կալմիկովը.— մի՞թե ձեր նախնիների կյանքի գեղով չէր, որ լայնանում ու ընդարձակվում էին ուսաստանյան պետության սահմանները, մի՞թե ձեր հզոր առաքինությամբ, ձեր սխրագործություններով, զոհերով ու հերոսությամբ չէր, որ ուժեղ էր մեծ Ռուսաստանը: Դուք, խաղաղ Դոնի, սրանչազեղ Կուբանի, բուռնաթափ Քերեքի ազատ, անկաշկանդ զավակներ, Ուրալի, Օրենբուրգի, Աստրախանի, Սեմիրեչենսկի տափաստաններից ու լեռներից և հեռավոր Անդրբայկալից, Ամուրից և Ուսսուրիից թուած հզոր արծիվներ, միշտ էլ պահպանել ենք ձեր դրոշակների պատիվն ու փառքը, և ուս աշխարհը լեցուն է ձեր հայրերի ու պապերի սխրագործությունների վերաբերյալ զրույցներով: Այժմ հասել է ժամը, երբ զուք պետք է օգնության հասնեք հայրենիքին: Ըս մեղադրում եմ ժամանակավոր կառավարությանը անվճռական գործողությունների, կառավարելու անճարակության և անընդունակության համար, երկրի ներսում գերմանացիների լիակատար տեր ու տնօրինության համար, որի մասին է վկայում Կազանում եղած պայթյունը,— այնտեղ պայթել է մոտ մեկ միլիոն արկ և ոչնչացել 12000 զնդացի: Ավելին: Ըս մեղադրում եմ կառավարության մի քանի անդամներին՝ հայրենիքին ուղղակի դավաճանելու համար և դրա վերաբերմամբ բերում եմ հետևյալ ապացույցը. օգոստոսի 3-ին, երբ ես եղա ժամանակավոր կառավարության նիստում, Ձեռնային պալատում, միևիսուր Կերենսկին ու Սավինկովն ինձ ասացին, թե չի կարելի ամեն ինչի մասին խոսել, որովհետև միևիսուրների մեջ կան անհավատարիմ մարդիկ: Պարզ է, որ այդպիսի կառավարությունը երկիրը դեպի կործանում է տանում: Եր չի կարելի հավատալ այդպիսի կառավարության և նրա օրով չի կարող փրկություն լինել դժբախտ Ռուսաստանի համար... Այս պատճառով, երեկ, երբ ժամանակավոր կառավարությունը, ի հաճույս թշնամիների, ինձանից պահանջեց թողնել գերագույն զլխավոր հրամանատարի պաշտոնը, ես, որպես կազակ, խղճից ու պատվից դրդված, ստիպված էի հրաժարվել այդ պահանջը կատարելուց, գերադասելով մեռնել կովի դաշտում, քան թույլ տալ խայտառակություն և դավաճանություն հայրենիքի հանդեպ: Կազակներ, ուս աշխարհի՛ ասպետներ, դուք խոստացել եք ինձ հետ միասին ոտքի ելնել հայրենիքի փրկության համար, երբ ես այդ հարկավոր համարեմ: Հասել է ժամը,— հայրենիքը մահվան նախօրյակն է ապրում, ես չեմ ենթարկվում ժամանակավոր կառավարության կարգադրություններին և ազատ Ռուսաստանի փրկության համար գնում եմ նրա դեմ և նրա ա՛յն

առկատատխանատու խորհրդականների դեմ, որոնք ծախում են հայրենի-
քը: Կազակներ, պաշտպանեցեք բաշարի կազակության պատիվն ու
փառքը, և դրանով դուք կփրկեք հայրենիքը ու ռևոլյուցիայի նվաճած
ազատությունը: Ուրեմն լսեցեք ու կատարեցեք իմ հրամանները: Եկե՛ք իմ
հետևից: 1917 թվականի օգոստոսի 23: Գերագույն գլխավոր հրամանատար
գեներալ Կոռնիլով:

Կալմիկովը մի փոքր լռեց. ծալելով թերթիկը, բղավեց.

— Բուլշևիկների և Կերենսկու ազենտները խոչընդոտներ
են հարուցում մեր զորամասերը երկաթուղով փոխադրելու
դեմ: Ստացված է գերագույն գլխավոր հրամանատարի հրա-
մանը,— եթե հնարավոր չլինի փոխադրությունը կատարել
երկաթուղով, ապա պետք է Պետրոգրադի վրա գնալ երթա-
կան կարգով: Հենց այսօր մենք ճանապարհվում ենք: Պատ-
րաստվեցեք վազոններից իջնելու:

Բունչուկը արմունկներով ոմանց դեպ-դեմ հրելով, անցավ
մեջտեղը. առանց մոտենալու սպանների խմբին, հնչեղ ձայ-
նով, միտինգավարի գոռաց.

— Ընկե՛ր կազակներ, ինձ ձեզ մոտ են ուղարկել Պետ-
րոգրադի բանվորներն ու զինվորները: Ձեզ տանում են եղ-
բայրասպան պատերազմի, ռևոլյուցիան ջախջախելու հա-
մար: Եթե դուք ուզում եք ժողովրդի դեմ գնալ, եթե դուք
ուզում եք վերականգնել միապետությունը,— գնացեք... Բայց
Պետրոգրադի բանվորները և զինվորները հույս ունեն, որ
դուք կայնենի շեք լինի: Նրանք ձեզ եղբայրական բոցավառ
սղջույն են ուղարկում և ուզում են, որ դուք լինեք նրանց ոչ
թե թշնամիները, այլ դաշնակիցները...

Նրան թույլ չտվեցին վերջացնել խոսքը: Անասելի աղ-
մուկ բարձրացավ, աղաղակների մրրիկը ասես Կալմիկովին
պոկեց տակառից: Կռանալով, նա արագ քայլեց դեպի Բուն-
չուկը. մի քանի քայլ հեռավորությամբ շուտ եկավ կրունկների
վրա:

— Կազակներ, խորունժի Բունչուկը անցյալ տարի փա-
խել էր Ֆրոնտից, դուք այդ գիտեք: Եվ ի՞նչ, մի՞թե մենք պի-
տի լսենք այս վախկոտին և դավաճանին:

Վեցերորդ հարյուրյակի հրամանատարը, զորական ավագ
Սուկինը իր հաստ, որոտալից ձայնով խլացրեց Կալմիկովի
ձայնը.

— Ձերբակալե՛լ նրան, սրիկային: Մենք արյուն էինք
թափում, իսկ նա իրեն փրկում էր թիկունքում... Բունցե՛ք
նրան:

— Հլա սպասենք, աղբե՛ր:

— Թող խոսի:

— Տո՛, խելքի եկեք. ուրիշի բերանը մի՛ փակեք: Թող
պարզի՛ իրեն ուղղությունը:

— Ձերբակալե՛լ:

— Դասալիքները մեզ պետք չեն:

— Խոսի՛ր, Բունչուկ:

— Միտրի՛չ, մի լավ սխկի դրանց, է՛:

— Կորչի՛-ի՛-ի:

— Սո՛ւս, շան ծիծ կերած:

— Կոթի՛ր դրանց, կոթի՛ր դրանց: Բունչուկ: Մի՛ խնայիչ

Տակառի վրա թռավ բարձրահասակ, առանց գլխարկի մի
կազակ, գնդի ռեկոմի անդամը: Նրա բարակ պարանոցի վրա
օձաձև պտտվում էր բոլորովին խուզած, ձմեռվա սեխի պետ
կոնավոր գլուխը: Նա կազակներին ջերմորեն կոչ էր անում
չենթարկվել ռևոլյուցիայի դավաճան գեներալ Կոռնիլովին,
խոսում էր ժողովրդի դեմ կովելու կործանարար հետևանքի
մասին, ու դիմելով Բունչուկին, այսպես վերջացրեց իր
խոսքը.

— Իսկ դուք, ընկեր, չկարծեք, թե մենք ձեզ արհամար-
հում ենք ոնց որ պարոնայք սպաները: Մենք ձեզ ուրախու-
թյամբ ենք ընդունում և հարգում ինչպես ժողովրդի ներկա-
յացուցչին, ու մեկ էլ նրա համար ենք հարգում, որ դուք սպա-
լինելով, չէիք ճնշում կազակներին, այլ մեզ հետ ոնց որ թձ
աղբոր պես էիք վարվում: Մենք ձեզանից կոպիտ խոսք չենք
լսել, ու չկարծեք, որ մենք, անուսում մարդիկ, չենք հասկա-
նում վարվեցողությունը,— անուշ խոսքը ոչ թե միայն մար-
դը, այլ անասունն է՛լ է հասկանում: Խորունկ գլուխ ենք
տալի ձեզ ու խնդրում ենք հայտնել Պիտերի բանվորներին
ու զինվորներին, որ մենք նրանց վրա ձեռք չենք բարձրացնիչ
Կարծես դափ զարկեցին. հավանության աղաղակների
որոտմունքը հասավ լարվածության վերջին աստիճանին ու
դանդաղ, մեղմանալով, դադարեց:

Կուրատելով բարեկազմ իրանը, Կալմիկովը վերստին

բարձրացավ տակառի վրա: Հեալով, մեռելի պես գունատ-վելով, նա խոսում էր ալեհեր Դոնի փառքի ու պատվի, կազակութեան պատմական առաքելութեան մասին, սպանների ու կազակների համատեղ թափած արյան մասին:

Կալմիկովին փոխարինեց ամբակազմ, բաց-շիկամազ մի կազակ: Բունչուկի դեմ ուղղված նրա շարամիտ ճառը ընդհատեցին, հեռտորի թևից բռնեցին ու ներքև քաշեցին: Տակառի վրա թռավ Չիկամասովը: Ձեռները թափահարելով այնպես, որ կարծես փայտ էր ջարդում,— գոռաց.

— Չե՛նք գնա: Չե՛նք իշնի վագոններից: Հեռագրի մեջ գրված է, որ իբր թե կազակները խոստացել են ոգնել Կոռնիլովին, իսկ ո՞վ է մեզ հարցրել: Մենք նրան խոսք չենք տվել: Կազակական Միութեան խորհրդի սպաններն են խոսք տվել: Գրեկովը պոչ է խաղացրել, թող նա էլ օգնի...

Հետզհետե ավելի հաճախ էին հերթափոխվում խոսողները: Բունչուկը կանգնել էր լայնաճակատ գլուխը թեքած, դեմքը գորշ-կարմրավուն, մթին գույն էր առել, պարանոցի ու քունքերի վրա, ուռած երակներում շեշտակի խփում էր արյունը: Խտանում էր էլեկտրականացած մթնոլորտը: Զգացվում էր, որ եթե էլի մի քիչ այդպես շարունակվի, որևէ անմիտ վարմունքով, արյունո՞վ միայն կխաղաղվի լարվածությունը:

Կայազորի զինվորները խմբով եկան կայարանից, ու սպանները միտինգից հեռացան:

Կես ժամից հետո Դուդինը հեալով վազեց Բունչուկի մոտ:

— Միտրիչ, ի՞նչ անենք... Կալմիկովը ինչ-որ պատրաստություն է տեսնում: Հիմի վագոններից իջեցնում են գնդացիները, ու ձիավոր սուրհանդակին ինչ-որ տեղ ուղարկեցին:

— Գնանք այնտեղ: Հավաքիր մի քսան կազակ: Շո՛ւտ: Էշելոնի պետի վագոնի մոտ Կալմիկովը ու երեք սպա գնդացիները բռնում էին ձիերին: Բունչուկն առաջինը մոտեցավ, նայեց կազակներին, ու ձեռքը տանելով շինելի զորպանը, հանեց բոլորովին նոր, խնամքով մաքրված սպայական «նագան» ատրճանակը:

— Կալմիկով, դու ձեռքակալված ես: Ձեռներդ...

Կալմիկովը ձիուց մի կողմ թռավ, կողքի թեքվեց, ձեռքը

տարավ ատրճանակի պատյանին, բայց այն հանել չկարողացավ. գնդակը վզալով թռավ նրա գլխավերևից. կանխելով կրակոցի ձայնը, Բունչուկը խուլ, վայրագին գոռաց.

— Ձեռներդ...

Նրա նազանի հրահանը, բանալով զարկանի փոքրիկ կտուցը, դանդաղ, կիսով չափ բարձրացավ: Կալմիկովը կկոցած աչքերով հետևում էր նրան, դժվարութեամբ բարձրացնում ձեռները, ճքացնում մատները:

Սպանները դժկամ հանձնեցին զենքերը:

— Հրամայում եք թրերս է՞լ հանենք,— քաղաքավարի հարցրեց մի երիտասարդ խորունժի-գնդացորդը:

— Այո՛:

Կազակները ձիերից իջեցրին գնդացիները, տարան վագոն:

— Սրանց հսկելու համար ժամապահներ կարգել,— դիմեց Բունչուկը Դուդինին:— Չիկամասովը կձեռքակալի մյուսներին ու այստեղ կբերի: Լսո՞ւմ ես, Չիկամասով: Իսկ Կալմիկովին ես ու դու կտանենք կայազորի ուղևոր: Ցասավուլ Կալմիկով, բարեհաճիր առաջ անցնել:

— Ա՛յ քեզ ճարակութեամբ,— հիացմունքով ասաց սպաններից մեկը, թռավ վագոն, աչքերով ուղեկցեց հեռացող Բունչուկին, Դուդինին ու Կալմիկովին:

— Պարոններ, ամոթ է, պարոններ: Մենք մեզ երեխաների պես պահեցինք: Ոչ ոք գլխի շնկալ իր ժամանակին խփելու այդ սրիկային: Երբ նա ատրճանակն ուղղեց Կալմիկովի վրա, այստեղ հարկավոր էր գլուխը նրան, ու պրծավ գնաց:— Զորական ավագ Սուկինը վրդովված նայեց սպաններին, զողոջուն մատներով դանդաղորեն մի սիգար հանեց ծխախոտատուփից:

— Նրանք հո մի ամբողջ դասակ էին... Բոլորիս էլ կզենդակահարեին,— մեղավորի տոնով ասաց խորունժի-գնդացորդը:

Սպանները լուռ ծխում էին, երբեմն նայում միմյանց: Դեպքի արագ կատարումը շարժեցրել էր նրանց:

Կալմիկովը, կծոտելով սև բեղի ծայրը, առժամանակ լուռ էր քայլում: Նրա ձախ, ուռուցիկ թուշն այրված էր, կարծես նա ապտակ էր ստացել: Հանդիպող բնակիչները նայում էին

զարմացած, կանգ էին առնում, փսփսում: Նարվայի վերևում մտալովում էր իրիկնադեմի մառախլապատ երկինքը: Ճանապարհների վրա թափված էր կեչիների տերևների ոսկին,— օգոստոսը հեռանալիս թափթփել էր այն: Եկիզեցու կանաչ գմբեթի վերևից ազուպներ էին թռչում: Հեռու-հեռուում, կայարանից, մթնշաղված դաշտերից դեմը արդեն փովել էր գիշերը, իսկ Նարվայից դեպի Պսկով, դեպի Լուգա, երկնքի խուպանով, ամայությունով մեկ դեռևս սահում էին երեկոյի կայարաններով շարված, պատառոտված ամպերը. անցնելով աննշմար սահմանը, գիշերը նեղում էր մթնշաղը:

Կայարանի մոտ Կալմիկովը կտրուկ շուռ եկավ, թքեց Բունչուկի երեսին:

— Սրիկա՛-ա...

Բունչուկը թքից խույս տալով, զայրացած բարձրացրից հոնքերը, ձախ ձեռքով երկար սեղմեց դեպի գրպանը սահող այ ձեռքի դաստակը:

— Գնա՛...— զոռով արտասանեց նա:

Կալմիկովը քայլեց այլանդակ հայհոյելով, բերանից կեղտոտ բառեր թափելով, որոնք առաջացել էին ռազմաճակատում, մահացու թախծից, ահից, հուսալքումից ու ցավից:

— Մատնի՛չ, դավաճա՛ն, դու սրա համար պատասխան կտաս,— բղավում էր նա հաճախ կանգ առնելով, քշելով Բունչուկի վրա:

— Գնա՛, խնդրում եմ...— ամեն անգամ հորդորում էր Բունչուկը:

Ու Կալմիկովը սեղմելով բոունքները, կրկին պոկվում էր տեղից, քայլում օրորվելով, ինչպես վազքից ուժասպառ եղած ձի: Նրանք մոտեցան ջրմուղին: Կալմիկովն ատամները կրճտացնելով՝ բղավում էր.

— Դուք ոչ թի կուսակցություն եք, այլ հասարակության գարշելի տականքների բանդա: Ո՞վ է ձեզ ղեկավարում,— գերմանական գլխավոր շտաբը: Բուլլեիկենի՛ր... հա՛-հա՛-հա՛: Ծիվաղներ: Ձեր կուսակցությունը, այդ խառնամբոխին գնում են ինչպես բ... գյադա-գյուղաներ... ծախսեցեք հայրենիքը... Ես ձեզ բոլորիդ մի կախադանից կկախեի... Օ-օ-օ: Կգա՛ ժամանակը... Ձեր այդ կենինը երեսուն մարկով ծախեց

Թուսաստանը. չէ՞... Կուլ տվեց միլիոնը ու անհայտացավ... տաժանակիրը...

— Կանգնի՛ր պատի տակ,— ձայնը երկարացնելով, կալկալելով, բղավեց Բունչուկը:

Դուգինը վախեցավ, անհանգիստ շարժումներ արեց:

— Ի՛լյա Միտրիչ, կաց, ի՞նչ ես անում, սպասի-ի՛ր...

Բունչուկը զայրույթից այլանդակված, մթնած, դեմքով հարձակվեց Կալմիկովի վրա, ուժեղ խփեց նրա քունքին: Ոտների տակ ճմոթելով Կալմիկովի գլխից ընկած գլխարկը, նրան քարշ տվեց դեպի ջրմուղի մթին պատը:

— Կանգնի-ի՛ր:

— Ի՞նչ ես անում... է՛յ... Չհամարձակվե՛ս... Չհամարձակվե՛ս խփել...— դիմադրելով՝ բռռում էր Կալմիկովը:

Մեջքը խուլ զարկելով ջրմուղի սև պատին, նա շտկվեց, հասկացավ.

— Ուզում ես սպանե՞լ:

Բունչուկը կողքի թեքվելով, հապճեպ քաշեց ատրճանակը, որի հրահանը կպել էր գրպանի աստառին:

Կալմիկովը մի քայլ արեց դեպի առաջ՝ արագ կոճկելով շինելի բուր կոճակները:

— Կրակիր, շան որդի, կրակիր: Տես, թե ինչպես են կարողանում մեռնել ուս սպաները... Ես մեռնելուց առա-աջ...

Գնդակը մտավ նրա բերանը: Ջրմուղի հետևում, սանդղաձև բարձրությամբ մեկ հնչեց խուպոտ արձագանքը. Երկրորդ քայլն անելիս սայթաքելով, Կալմիկովը ձախ ձեռքով բռնեց գլուխը, ընկավ: Կծկվեց կլոր աղեղի ձևով, արյունից սևացած ատամները բերանից թափեց կրծքին, մշմշալով ճպճպացրեց լեզուն: Հենց որ նրա մեջքը շտկվեց ու ընկավ թաց խիճի վրա, Բունչուկը մի անգամ էլ կրակեց: Կալմիկովը գալարվեց, շուռ եկավ կողքի, քուն մտնող թռչունի նման գլուխը տարավ ուսին, կարճ հեծկլտաց:

Ճանապարհների առաջին խաչմերուկում Դուգինը հասավ Բունչուկին:

— Մի՛տրիչ... Ի՞նչ արեցիր, Միտրիչ... Ինչի՞ համար նրան սպանեցիր:

Բունչուկը սեղմեց Դուգինի ուսերը. բորբոքված, աներբը

հայտնաբերելու համար նրա աշխատանքները, տարրերն հանդիսանալու մասին ձայնով ասավ:

— Կամ նրանք կըստնեն մեզ, կամ մենք — նրանց... Միջին ճանապարհ չկա: Գերիներ չկան: Արյան դեմ — արյուն: Ով ում... Ոչնչացման պատերազմ... Հասկացա՞ր: Այնպիսիներին, ինչպես Կալմիկովն էր, պետք է ոչնչացնել, ճշմել ինչպես իժերին: Պետք է գնդակահարել նաև նրանց, ովքեր խղճուկ են այդպիսիներին... Հասկացա՞ր: Ի՞նչ ես քիթդ կախել: Արիացիր, շա՛ր եղիր: Եթե Կալմիկովը իշխանություն ունենար, մեզ կգնդակահարեր առանց պայտրոսը բերանից հանելու, իսկ դու... է՛հ, փսնջո՞տ:

Դուգիների գլուխը երկար գողում էր, ատամները իրար էին զարկվում, և նա ինչ-որ անհեթեթ շփոթություն էր գետնին դնում խունացած սապոգներով մեծ ոտները:

Լուռ քայլում էին նևղիկ փողոցի դատարկ հունով: Բունչուկը երբեմն ետ էր նայում: Նրանց վերևում, մթության մեջ դեպի արևելք էին սահում սև ու սուգ հագած, ցածր ամպերը: Դրանց միջից, օգոստոսյան երկնքի մի փոքրիկ կտորից մեռելի կանաչ, ծուռ աչքի նման նայում էր կրկնված անձրևով լվացված կիսալուսինը: Ծանապարհների մոտիկ խաչմերուկում, միմյանց սեղմվելով, կանգնել էին մի գինվոր և ուսերին սպիտակ շալ գցած մի կին: Զինվորը գրկում էր կնոջը. քաշում դեպի իրեն, շնչում, իսկ կինը ձեռները դեմ անելով նրա կրծքին, ետ էր գցում գլուխը, կերկերուն ձայնով մրմրելով՝ «Չեմ հավատում, չե՛մ հավատում», — և խուլ, շարճհորին ծիծաղում էր:

XVIII

Օգոստոսի 31-ին Պետրոգրադում ինքնասպանություն գործեց Կերենսկու կողմից այնտեղ կանչված գեներալ Կրիմովը:

Մեղալականով դեպի Ձմեռային պալատ գնացին Կրիմովի բանակի ղեկավարները և զորամասերի հրամանատարները: Այն մարդիկ, ովքեր կարճ ժամանակ առաջ ժամանակավոր կառավարության դեմ կռվելու էին գնում, հիմա քրեությունները գլուխ էին խոնարհում Կերենսկու առաջ, հավասար

տելով նրան իրենց հավատարիմ հպատակության զգացումները:

Բարոյապես շախախված լինելով, Կրիմովի բանակը դեռ հոգեվարժի մեջ էր. զորամասերը ինքնաբերական էին ընթանում դեպի Պետրոգրադ, բայց այդ շարժումն արդեն կորցրել էր ամեն մի իմաստ, որովհետև կոռնիլովյան խռովությունը մոտենում էր իր վախճանին, մարում էր բնագալյան կրակի պես վերև նետված ռեակցիայի կայծը, ու հանրապետության ժամանակավոր կառավարիչը, — ճիշտ է, այդ օրերի ընթացքում կորցրել էր ուռած թշերի մոտությունը, — նապոլեոնավարի ցնցելով կաշվե սունապանների մեջ սեղմված սրունքները, կառավարության հերթական նիստում արդեն խոսում էր «քաղաքական լիակատար ստարիլիզացիայի» մասին:

Կրիմովի մահից մի օր առաջ գեներալ Ալեքսեևը նշանակվեց գերագույն գլխավոր հրամանատար: Կոռնիկոս ու բժախնդիր Ալեքսեևը, հասկանալով իր գրության ամբողջ ողորմելի երկիմաստությունը, սկզբում կտրականապես հրաժարվեց, բայց հետո ընդունեց պաշտոնը՝ ղեկավարվելով լոկ մի ցանկությունով, — թեթևացնել Կոռնիլովի և ա՛յն մարդկանց վիճակը, ովքեր այսպես թե այնպես մասնակցել էին հակակառավարական խռովությունը կազմակերպելուն:

Օգոստոսի 31-ին ճանապարհից նա ուղիղ հեռագրաթելով բանակցեց գլխավոր զորակայանի հետ՝ փորձելով իր համար պարզել Կոռնիլովի վերաբերմունքը դեպի իր նշանակումը և ժամանումը: Տաղտկալի բանակցությունները ընդմիջումով տևեցին մինչև ուշ գիշեր:

Նույն օրը Կոռնիլովի մոտ տեղի էր ունենում շտաբի պաշտոնյանների և նրան մոտիկ անձանց խորհրդակցություն: Նրա դրած ա՛յն հարցի առթիվ, թե արդյո՞ք նպատակահարմար է հետագա պայքարը ժամանակավոր կառավարության դեմ, խորհրդակցությանը ներկա գտնվողների մեծամասնությունը արտահայտվեց պայքարը շարունակելու օգտին:

— Խնդրում եմ ձեզ արտահայտվել, Ալեքսանդր Սերգեևիչ, — դիմեց Կոռնիլովը Լուկոմսկուն, որը լուր էր ամբողջ խորհրդակցության ընթացքում:

Ինչքինը զուսպ, բայց վճռական խոսքերով առարկում էր երկպառակտչական կոփվր շարունակելու դեմ:

— Անձնատ՞ր լինել,— խստորեն ընդհատելով նրան, հարցրեց Կոռնիլովը:

Լուկոմսկին թոթվեց ուսերը:

— Հետևություններն ինքնին են բխում:

Դեռ էլի կես ժամ շարունակվեցին խոսակցությունները Կոռնիլովը լուռ էր, ըստ երևույթին կամքի հակառակ լուռում էր զսպում ինքն իրեն: Շուտով նա արձակեց խորհրդեղակցությունը, իսկ մի ժամից հետո Լուկոմսկուն կանչեց իր մոտ:

— Դուք իրավացի եք, Ալեքսանդր Սերգեևիչ,— նա ճտացրեց մատները ու մարած, դժգույն, ասես մոխրոտած աչքերով մի կողմ նայելով, հոգնածորեն ասաց.— Հետագա դիմադրությունը և՛ հիմարություն, և՛ հանցագործություն կլինեն:

Մատները երկար տկտկացնում էր սեղանին, ունկնդրում ինչ-որ բանի,— գուցե սեփական մտքերի մկնային իրանցման. մի քիչ լռելուց հետո հարցրեց.

— Միխայիլ Վասիլևիչը ե՞րբ կգա:

— Վաղը:

Սեպտեմբերի 1-ին ժամանեց Ալեքսեևը: Ժամանակավոր կառավարության հրամանով այդ նույն օրվա երեկոյան նա ձերբակալեց Կոռնիլովին, Լուկոմսկուն և Ռոմանովսկուն: Նախքան ձերբակալվածներին «Մետրոպոլ» հյուրանոցն ուղարկելը, ուր նրանք պետք է պահվեին հսկողության տակ, Ալեքսեևը քսան ընդհանուր առ երես զուրկեց Կոռնիլովի հետ. նրա սենյակից դուրս ելավ խորապես հուզված, գրեթե ինքն իրեն կորցրած: Ռոմանովսկին փորձեց անցնել Կոռնիլովի մոտ, բայց վերջինիս կինը կանգնեցրեց նրան:

— Ներեցեք, Լավր Գյորգիևիչը խնդրել է ոչ ոքի չթողնել իր մոտ:

Ռոմանովսկին հարևանցիորեն նայեց կնոջ գունատված դեմքին ու ետ քաշվեց. հուզմունքից նրա աչքերը թարթում էին, այտերի վերին մասերը սևին էին տալիս:

Հենց հետևյալ օրը Բերդիչևում ձերբակալվեցին Հարավարևմտյան ռազմաճակատի գլխավոր հրամանատար գեներալ Գենիկինը, նրա շտաբի պետ գեներալ Մարկովը, գեներա-

լ Վանովսկին և Հատուկ բանակի հրամանատար գեներալ էրգելին:

Բիխովում, իգական դիմնազիայում անփառունակ կերպով ավարտվեց պատմությունը դատապարտված կոռնիլովյան շարժումը: Ավարտվեց՝ առաջացնելով նոր շարժում. էլ ո՞րտեղ, եթե ոչ այնտեղ ծագեցին գալիք քաղաքացիական պատերազմի և ծավալուն ճակատով հեղափոխության վրա հարձակվելու պլանների սաղմերը:

XIX

Հոկտեմբերի վերջերին, վաղ առավոտյան յասավու Լիստնիցկին գնդի հրամանատարից կարգադրություն ստացավ հարյուրյակի հետիոտն շարքերով գնալ Պալատի հրապարակը: Վախմիստրին կարգադրություն անելով, Լիստնիցկին շտապ հագնվեց:

Սպաները վեր կացան հորանջելով, հայհոյանք թափելով:

— Բանն ի՞նչ է:

— Բանը բուլճարների մեջ է:

— Պարոններ, ո՞վ է վերցրել իմ փամփուշտները:

— Ո՞ր պետք է գնանք:

— Լսո՞ւմ եք. կրակում են:

— Ի՞նչ կրակել, է՛: Դուք լսողության հալյուցինացիա ունեք:

Սպաները դուրս ելան բակը: Հարյուրյակը դասակային շարասյուններ էր կազմում: Լիստնիցկին կազակներին արագ երթով ռակից դուրս տարավ: Նևսկին դատարկ էր: Որտեղից-որտեղ իսկապես հատուկներ կրակոցներ էին լսվում: Պալատի հրապարակով մեկ շարժվում էր զրահապատը, շքրչում էին յունկերները: Փողոցները խոր լուծվում էին պահատանում: Ձմեռային պալատի դարբասի մոտ կազակներին դիմավորեցին մի խումբ յունկերներ և չորրորդ հարյուրյակի կազակ սպաները: Նրանցից մեկը, հարյուրյակի հրամանատարը, Լիստնիցկուն մի կողմ կանչեց:

— Ամբողջ հարյուրյակը ձեզ հետ է:

— Այո: Ի՞նչ կա որ:

— Երկրորդ, հինգերորդ ու վեցերորդ հարյուրյակները

չեկան, հրաժարվեցին, բայց գնդացրային խումբը մեզ հետ է: Ի՞նչպես են տրամադրված կազակները:

Լիստնիցկին կարճ թափ տվեց ձեռքը:

— Վա՛յ է: Իսկ առաջին ու շորրորդ գնդե՞րը:

— Չկան: Չեն է՛լ գա: Գիտե՞ք, որ այսօր բոլշևիկներին հարձակում է սպասվում: Սատանան գիտե, թե ինչ է կատարվում, — ու թախծոտ շունչ առավ: — Կա՛մ չէ՞ր լինի այս ամբողջ խառնաշփոթությունից փախչել դեպի Դոն...

Լիստնիցկին հարյուրյակը տարավ բակ: Կազակները հրացանները խաչմերուկ դնելով՝ ցրվեցին հրապարակի պես ընդարձակ բակում: Սպաները հավաքվեցին հետու կողաշենքում: Մխում էին: Խոսքեր էին փոխանակում:

Մի ժամից հետո եկան յունկերների մի գունդ և կանանց դումարտակը: Յունկերները տեղավորվեցին Պալատի շքամուտքի սրահում, գնդացիները տարան այնտեղ: Հարվածայնուհիները՝ խմբվում էին բակում: Թրևող կազակները մոտենում էին նրանց, կեղտոտ կատակներ էին անում: Ուրյադնիկ Արժանովը շրմփացրեց ցածրահասակ, կարճ շինել հագած մի կնոջ մեջքին:

— Ա՛յ քիթի, քո գործը երեխաներ բերելն է, իսկ դու տղամարդու գործ ես բռնում:

— Ինքդ բեր, — հաստ ձայնով, բարկացկոտ պատասխանեց անսիրալիք քիթիքը: —

— Ջանիկնե՛րս, դուք է՞լ եք մեզ հետ, — կպչում էր հարվածայնուհիներին հնադավան ու կնամուլ Տյուկովնովը:

— Չաղկե՛լ դրանց այդ խունջիկ-մունջիկներին:

— Ոտները տնկող քաջեր:

— Նստե՛իք տանը, էլի՛: Դա ձեր ինչի՞ն էր պետք, ի-ի՛հ:

— Տանու երկփողանիներ:

— Առչե՛ից — գինվոր, իսկ հետե՛ից — տերտեր թե ինչ, սատանան գիտի... Թյո՛ւ, օյին է, էլի՛:

— Է՛յ, հարվածող, քամակդ քեզ քաշի, թե չէ կհասցնեմ հրացանիս կոթով:

Նայելով կանանց, կազակները թոքոտ էին, ուրախանում: Բայց կեսօրին ուրախ տրամադրությունը չքացավ: Հար-

վածայնուհիները դասակների բաժանված, հրապարակից սուճու հաստ ձողեր էին բերում, դարբասի առաջ բարիկազներ սարքում: Նրանց կարգադրություններ էր անում մի շազ, տղամարդու նմանվող կին, որը լավ նստած շինելի վրա Գեորգեյան մեղալ ուներ: Զրահապատը սկսեց ավելի հաճախ անցնել հրապարակով, յունկերները ինչ-որ տեղից սլալատ տարան ձեռքի արկղեր՝ փամփուշտներով ու գնդացրային ժապավեններով:

— Է՛հ, տղերք, պինդ կացեք, հա՛-ա:

— Դուրս է գալի, որ պիտի կովե՞նք:

— Բա ի՞նչ էիր կարծում, հարվածայնուհիներին խուշուտելու համար են քեզ այստեղ բերել:

Լազուտինի մոտ խմբվում էին հայրենակիցները, — Բուկանովսկայա և Սլաշևսկայա ստանիցաների կազակները: Նրանք ինչ-որ խորհրդակցում էին, մի տեղից մի այլ տեղ անցնում: Սպաները անհայտացել էին: Բակում, բացի կազակներից ու հարվածայնուհիներից, ոչ ոք չկար: Համարյա հենց դարբասի մոտ մնացել էին գնդացրորդների թողած գնդացիները, դրանց թաց վահանակները ազոտ, գորշ գույն ունեին:

Իրիկնադեմին մանր ձյուն իջավ: Կազակները սկսեցին հուզվել:

— Ի՞նչ կարգ է սա, է՛. բերել են այս բակը ու պահում են առանց պարենի:

— Պետք է գտնել Լիստնիցկուն:

— Կգտնե՛ս, ո՞նց չէ: Նա պալատումն է, իսկ յունկերները մեզ նմաններին այնտեղ չեն թողնում:

— Պետք է մարդ ուղարկել խոհանոցը բերելու:

Խոհանոցը բերելու համար նշանակեցին երկու կազակ:

— Գնացե՛ք առանց հրացանի, թե չէ կրոնեն, — խորհուրդ տվեց Լազուտինը:

Երկու ժամ սպասում էին խոհանոցին: Ոչ խոհանոցը, ոչ էլ սուրհանդակներն էին գալիս: Ինչպես պարզվեց, Սեմյոնովյան գնդի զինվորները ետ էին գարձրել բակից գուրե-եկած խոհանոցը: Մթնելուց առաջ դարբասի մոտ հավաքված հարվածայնուհիները խիտ շղթա կազմեցին. ձողերի սակ պատկած, սկսեցին կրակել հրապարակի վրայով: Կա-

¹ Հարվածայնուհիներ. այստեղ — կանանց հարվածային դումարտակի (ւմահվան զամարտակի) զինվորներ:

դակնորդը չէին մասնակցում հրաձգութեան, ծխում էին, ձանձուրանում, կագուտինը հարյուրյակը հավաքեց պատի մոտ ու երկյուղած նայելով պալատի լուսամուտներին, ասաց.

— Այ թե ինչ, տղերք: Մենք այստեղ անելիք չունենք: Պետք է հեռանալ, թե չէ իզուր տեղը կտուժենք: Կսկսեն հրակոծել պալատը, իսկ մենք ի՞նչ մեղք ունենք: Սպանների իզն ու թոզն էլ չկա... մեզ անիծե՛լ են, ինչ է, որ այստեղ կորչենք: Հա՛յդա դեպի տուն, այստեղ թրև գալու կարիք չկա: Իսկ ժամանակավոր կառավարությունը... ախր նա մեր ինչին է պետք, է՛: Ի՞նչ եք կարծում, տղերք:

— Բակից դուրս գնաս թե չէ, բոլշևիկները կսկսեն հնձել զնդացիներով:

— Կլուխներս կթռցնեն:

— Չի կարող պատահել...

— Դեհ. գոռ տուր խելքիդ:

— Չէ՛. աղբիւր, կմնանք մինչև վերջ:

— Մեր գործը հորթի գործ է, — կեր ու պառկիր:

— Ով ինչ ուզում է անի, իսկ մեր դասակը գնում է:

— Սենք է՛լ ենք դնում:

— Մարդիկ ուղարկենք բոլշևիկների մոտ. թող մեզ ձեռնառնեն, մենք էլ նրանց ձեռն չենք տա:

Մոտ եկան առաջին ու չորրորդ հարյուրյակի կազակները: Խորհրդակցեցին մի քանի րոպե: Երեք կազակ. — յուրաքանչյուր հարյուրյակից մեկը, — դարբասից դուրս ելան, իսկ մի մամից հետո վերադարձան երեք նավաստու ուղեկցությամբ: Նավաստիները ցատկեցին դարբասի մոտ կուտակված ձողերի վրայից, շինծու անհոգութեան տեսքով անցան բակով. մոտեցան կազակներին, բարեկցին: Նրանցից մեկը, սև բեղերով, չկոճկած բաճկոնով ու ծոծրակին քաշած գդակով, գեղեցիկ մի երիտասարդ, անցավ կազակների բազմության մեջտեղը:

— Ընկե՛ր կազակներ, մենք, Բալթյան ռևոլյուցիոն նավատորմի ներկայացուցիչներս, եկել ենք ձեզ առաջարկելու, որ հեռանաք Ձմեռային պալատից: Դուք չպետք է պաշտպանեք ձեզ օտար բուրժուական կառավարությունը: Թող նրան պաշտպանեն բուրժուական լակոտները, լուսկերները: Ոչ մի զինվոր չի դուրս եկել ժամանակավոր կառավարությանը:

պաշտպանելու, — և ձեր եղբայրները: — առաջին ու չորրորդ գնդերի կազակները, — միացել են մեզ: Ով ուզում է մեզ հետ գնալ, թող անցնի այնտեղ, ձախ կողմը:

— Հլա կաց, աղբերս, — առաջ անցավ առաջին հարյուրյակի քաջատես մի ուրյագնիկ, — ձեզ հետ գալը մենք կբաժանեք... բա որ բոլշևիկները մեզ կտորեն:

— Ընկերներ, Պետրոգրադի ռազմառևոլյուցիոն կոմիտեի անունից մենք ձեզ լիակատար անվտանգություն ենք խոստանում: Ոչ ոք ձեզ ձեռ չի տա:

Սևաբոց նավաստու կողքին կանգնեց մյուսը, վայելակազմ ու չեչոտ մի նավաստի: Հաստ, եզան վիզը դեռ ու դին գարձնելով՝ նայեց կազակներին, ձեռքը խփեց բաճկոնով սրկված, ուռուցիկ կրծքին:

— Մենք ձեզ կողեկցենք: Կասկածելու կարիք չկա, եղբայրներ, մենք ձեր թշնամիները չենք, Պետրոգրադի պրոլետարներն էլ ձեր թշնամիները չեն, այլ թշնամիները հրե՛ն նրանք են:

Նա ցցած մեծ մատը տնկեց պալատի կողմը ու ժպտաց՝ բաց անելով պինդ նստած, սուր ատամները:

Կազակները անվճռականություն էին ցույց տալիս, հարվածայնուհի կանայք մոտենում էին, լսում, նայում կազակներին ու էլի գնում դեպի դարբասը:

— Է՛յ, կնանիք, կգա՞ք մեզ հետ, — բղավեց երկարամուրթ, հաղթանդամ մի կազակ:

Պատասխան չստացավ:

— Վերցրեք հրացանները, գնանք, — վճռականապես ասաց կագուտինը:

Կազակները միահամուռ կերպով վերցրին հրացանները, շարք կանգնեցին:

— Գնդացիները վերցնե՞նք թե չէ, — հարցրեց սևաբեղ նավաստուն մի գնդացորդ կազակ:

— Վերցրեք: Թող չմնան կազետներին:

Կազակների գնալուց առաջ լրիվ կազմով երևացին հարյուրյակների սպաները: Կանգնեցին իրար զլխի հավաքված, անընդհատ նայում էին նավաստիներին: Շարք կանգնելուց հետո հարյուրյակները շարժվեցին: Առջևում գնդացրային խումբը տանում էր գնդացիները: Անվակները թեթև ճոճը-

ոում էին, շրխկալով դիպչում մանր քարերին: Բաճկոնով նա-
վաստին քայլում էր առաջին հարյուրյակի գլխային դասակի
կողքից: Ֆեդոսեևսկայա ստանիցայի բարձրահասակ, բաց-
շիկահեր մի կազակ բռնել էր նրա ձեռքը, մեղավորի տոնով
և հուզված ասում էր.

— Սիրելիս, մենք հո չե՞նք ուզում ժողովրդի դեմ գնալ:
Անխելքություն արեցինք, եկանք այստեղ, ամա թե որ գի-
տենայինք, մի՞թե կգայինք:— Ու տխուր պտտում էր քյա-
քուլավոր գլուխը:— Հավատա խոսքիս, չէինք գա, աստված
վկա:

Չորրորդ հարյուրյակը վերջինն էր գնում: Գարբասի մոտ,
ուր հավաքվել, խոնվել էր ամբողջ կանացի գումարտակը,
կանգ առան: Քաջառոջ մի կազակ, բարձրանալով ձողերի
վրա, համոզիչ ու նշանակալից կերպով թափահարեց երկար-
եղունգ, սև մատք, ասաց.

— է՛յ, հրաձիգներ, ականջ արեք ինձ: Ա՛յ, հիմի մենք
գնում ենք, իսկ դուք կնկա անխելքություն եք անում, մնում
եք: Հա՛, ինչ եմ ասում, միայն թե սարսաղություն չլինի: Թե
որ կրակեք մեր քամակից, ետ կդառնանք ու բոլորիդ էլ
կթրատենք, կտոր-կտոր կանենք: Կավ չե՞մ ասում, հը՞. Դեհ,
հլա մնաք բարով:

Նա իջնում է ձողերից, վազելավազ հասնում յարայիններին,
ժամանակ առ ժամանակ ետ է նայում:

Կազակները հասնում են համարյա մինչև հրապարակի
մեջտեղը: Մեկը ետ նայելով՝ հուզված ասում է.

— Տղերք, մտիկ արեք: Մեր հետևից մի սպա է վազում:
Շատերը քայլելիս շուռ են տալիս գլուխները, նայում են:
Թուրը ձեռքով պահած, հրապարակով վազում է բարձրահաս-
ակ մի սպա:

- Նա թափ է տալիս ձեռքը:
- Դա Ատարշիկովն է, երրորդ հարյուրյակից է:
- Այդ ո՞րն է:
- Թոյով է, աչքին խաչ կա:
- Ուզում է գալ մեզ հետ:
- Նա լավ տղա է:

Ատարշիկովն արագ հասնում է հարյուրյակին, հեռվից

երևում է, թե ինչպես նրա դեմքին գողում է ժպիտը: Կազակ-
ները ձեռքով են անում, ժիժաղում:

- Հո՛ւպ տուք, պարոն հարյուրապետ:
- Շո՛ւտ, շո՛ւտ:

Պալատի գարբասից — մի հատ կրակոցի շոր ճաչթյուն:
Ատարշիկովը լայն թափահարում է թևերը ու իրանը ետ քցե-
լով, ընկնում է մեջքի վրա, թեթև ցնցում է ստները, զարկ-
վում է սալահատակին, փորձում է վեր կենալ: Հարյուրյակ-
ներք, կարծես հրաման լսելով, ցրվում, երեսները դարձնում
են գնպի պալատը: Շուռ աված գնդացիների մոտ ծնկել է
անձնակազմը: Ժապավենների շրջուն: Բայց պալատի դար-
բասի մոտ, սոճու ձողերի հետևում ոչ ոք չկա: Կրակոցը կար-
ծես կուլ է տվել հարվածայնուհիներին ու սպաներին, որոնք
մի րոպե առաջ հավաքվել էին այնտեղ: Հարյուրյակները
դարձյալ հապճեպ շարվում են, գնում, արդեն քայլերն արա-
գացնելով: Վերջին դասակի երկու կազակ վերադառնում են
այն տեղից, ուր ընկել էր Ատարշիկովը: Մեկը քաշվում է
բարձր, այնպես որ բոլոր հարյուրյակները լսեն.

— Վերավորվել է ձախ թիակի տակից: Սաղ է:
Համաշափ քայլքը որոտալից ու հստակ է հնչում: Բաճ-
կոնավոր նավաստին հրաման է տալիս:

— Ձախ ուսն առա՛ջ... ա՛րջ...
Հարյուրյակները պտտվում են, շուռ են գալիս: Նրանց
լուծյամք է ճանապարհում սկզված, կուզիկացած պալատը:

XX

Տաք աշուն էր: Անձրևներ էին գալիս: Բիխովի վրա հաղ-
վադեպ էր երևում անզոր արեք: Հոկտեմբերին սկսեցին չվել
վայրի թռչունները: Նույնիսկ գիշերները պաղ, սև հողի վրա
հնչում էր կոռուկների գառն, հուզող կանչը: Շտապում էին
չվող երամները՝ փախչելով մոտալուտ ցրտերից, օդի վերին
շերտերում մրսեցնող հյուսիսային քամիներից:

Բիխովի կալանավորները, որոնք ձերբակալվել էին Առ-
նիլովի գործով, մեկ ու կես ամիս դատի էին սպասում: Այդ
ժամանակվա ընթացքում նրանց կյանքը բանտում մի տեսակ
խաղաղվեց ա եթե ոչ բոլորովին սովորական, ապա յուրա-

հատուկ կերպով կայուն ձևեր ընդունեց: Առավոտները, նա-
խաճաշից հետո, գեներալները զրոսանքի էին գնում. վերա-
դառնալով, ստանում էին փոստը, ընդունում իրենց այցելող
հարազատներին ու ծանոթներին, ճաշում, «մեռյալ» ժամից
հետո առանձին-առանձին զբաղվում էին իրենց սենյակնե-
րում, երեկոները սովորաբար հավաքվում էին Կոռնիլովի
մոտ, երկար զրուցում էին ու խորհրդակցում:

Իգական գիմնագիայում, որը բանտի էր վերածված,
ներանք այնուամենայնիվ ապրում էին ո՛չ առանց կոմֆորտի:

Արտաքին հսկողությունը կատարում էին գեորգևյան գու-
ժարտակի զինվորները, ներքին հսկողությունը — թեքինցի-
ները: Բայց այդ հսկողությունը թեպետև որոշ շափով սահ-
մանափակում էր կալանավորների ազատությունը, այնուամե-
նայնիվ խիստ էական առավելություն էր ներկայացնում.
այնպես էր կազմակերպված, որ կալանավորները ուզած ժա-
մանակ, ցանկության դեպքում, կարող էին փախչել հեշտու-
թյամբ և անվտանգ: Բիխովի բանտում գտնվելու ամբողջ
ժամանակվա ընթացքում նրանք անարգել կերպով հարաբե-
րություններ էին պահպանում արտաքին աշխարհի հետ,
ճնշում էին գործադրում բուրժուական հասարակության վրա՝
պահանջելով արագացնել քննությունն ու դատը, կորցնում
էին խռովության հետքերը, հետամուտ լինում սպաների
տրամադրության ու ծայրահեղ դեպքում փախչելու էին պատ-
րաստվում:

Կոռնիլովը իրեն հավատարիմ թեքինցիներին իր մոտ պա-
հելու խնդրով մտահոգված, դիմեց Կալեդինին, և վերջինս
նրա թախանձանքով, շտապ կարգով մի քանի վագոն հաց
ուղարկեց Քուրբեստան, թեքինցիների սովալուկ ընտանիք-
ներին: Սպաների, — կոռնիլովյան խռովության մասնակից-
ների ընտանիքներին օգնելու համար Կոռնիլովը խիստ կրտ-
րուկ բովանդակությամբ մի նամակով դիմեց Մոսկվայի ու
Պետրոգրադի խոշոր բանկիրներին. սրանք առանց հապա-
ղելու ուղարկեցին մի քանի տասնյակ հազար ռուբլի՝ վախե-
նալով իրենց համար անշահավետ մերկացումներից: Մինչև
նոյեմբեր չէր ընդհատվում Կոռնիլովի ու Կալեդինի եռան-
դուն նամակագրությունը: Հոկտեմբերի կեսին Կալեդինին
ուղարկած մի երկար նամակում Կոռնիլովը հարցնում էր, թե

ինչպես է գործերի դրությունը Դոնում, և կազակներն ինչ-
պես կվերաբերվին, եթե ինքը ժամանի այնտեղ: Կալեդինը
դրական պատասխան ուղարկեց...

Հոկտեմբերյան հեղաշրջումը տատանեց Բիխովի կալա-
նավորների ուսնատակի հոգը: Հետևյալ օրն ևեթ, սուրհան-
դակներ թռան բոյոր կողմերը. ու արգեն մեկ շաբաթից հե-
տո, որպես արծաղանք կալանավորների բախտի նկատմամբ
ոմանց անհանգստության, հնչեց գերագույն գլխավոր հրա-
մանատար գեներալ Դուխոնինին հասցեատրված՝ Կալեդինի
նամակը, որով սա թախանձագին խնդրում էր նրաշխավո-
րությամբ ազատել Կոռնիլովին և մյուս ձեռքակալվածնե-
րին: Նույնպիսի խնդրանքով գլխավոր գորակայանին դիմե-
ցին կազակական զորքերի միության Խորհուրդը և բանակի
ու նավատորմի սպաների միության Գլխավոր կոմիտեն:
Դուխոնինը հապաղում էր:

Նոյեմբերի 1-ին Կոռնիլովը նրան մի նամակ ուղարկեց:
Նամակի լուսանցքներում Դուխոնինի արած դիտողություն-
ները պարզ ապացուցում են, թե որքան անզոր էր գլխավոր
գորակայանը, որը այդ ժամանակ արդեն փաստորեն կոր-
ցրել էր ամեն մի իշխանություն բանակի նկատմամբ,
ուժասպառ վիճակում իր վերջին օրերն էր ապրում:

• Հարգելի պարոն,
Նիկոլայ Նիկոլաևիչ,

Բախտը Ձեզ այնպիսի դրության մեջ է դրել, որ Ձեզանից է կախված
իրադարձությունների ընթացքը փոխելը, որոնք երկրի համար կործանա-
բար ուղղություն են ընդունել: Գլխավորապես ավագ հրամանատարական
կազմի անվճարակառության ու թողություն շնորհիվ Ձեզ համար վրա է
հասնում այն ռոպեն, երբ մարդիկ պետք է կամ հանդգնեն, կամ հեռա-
նան, այլապես նրանց վրա կընկնի երկրի կործանման պատասխանատու-
թյունը և բանակի վերջնական քայքայման խայտառակությունը:

Ինչ հասնող ոչ յրիվ, կցկտուր տեղեկությունների համաձայն, դրու-
թյունը Կանը է: Բայց դեռ անել չէ: Բայց այն անել կդառնա, եթե Դուք
թույլ տաք, որ բոլշևիկները վերցնեն գլխավոր գորակայանը կամ եթե
կամավոր կերպով ճանաչեք նրանց իշխանությունը:

Ձեր տրամադրության տակ եղած Գեորգևյան գումարտակը, որ կիսով
չավ ենթարկվել է պրոպագանդի ազդեցության, և թույլ թեքինյան գունդը
ամենևին էլ բավական չեն:

Նախատեսելով իրադարձությունների հետագա ընթացքը, ես կարծում

եմ, որ Ձեզ անհրաժեշտ է անհապաղ ձեռնարկել այնպիսի միջոցներ, որոնք հաստատապես ապահովելով գլխավոր զորակայանը, բարենպաստ իրազրույթուն սահման վերահաս անարխիայի դեմ հետազոտ պայքարը կազմակերպելու համար:

Սա այգալիս միջոցներ եմ համարում—

1. Անմիջապես Մոզիլյով փոխադրել Չեխական գնդերից մեկը և լեհական ուլանական զունդը:

Դուխոնիցի դիտողությունը: Զորակայանը դրանց լիովին հուսալի չի համարում: Այդ զորամասերը առաջիններից մեկը զինադադար արեցին բուլղերի կանգնելու հանդեպ:

2. Օրշան, Սմոլենսկը, ժլոբինը և Կոմելը գրավել լեհական կորպուսի զորամասերով, վերջինիս ղեկավարներն ուժեղացնել հրետանիով՝ ի հաշիվ Ֆրոնտի կազակական մարտկոցների:

Կրտսդություն: Օրշան և Սմոլենսկը գրավելու համար կենտրոնացված են 2-րդ Կուրանյան ղեկավարի և Աստրախանի կազակների մի բրիգադ: Ձերբակալվածների անվտանգության տեսակետից ցանկալի չէ Բիխովից տանել 1-ին լեհական ղեկավարի գունդը: 1-ին ղեկավարի զորամասերը թույլ կադրեր ունեն և այս պատճառով ունակ ուժ չեն ներկայացնում: Կորպուսը որոշակիորեն այնպիսի գիրք է բռնում, որ չխառնվի Ռուսաստանի ներքին գործերին:

3. Օրշան—Մոզիլյով—ժլոբին գծի վրա կենտրոնացնել Չեխոսլովակյան կորպուսի բոլոր զորամասերը, Կոնսիլովյան զունդը,— դրանք ղեկավարող և Մոսկվա փոխադրելու պատրվակով,— ու առավելապես հուսալի մեկ-երկու կազակական ղեկավար:

Կրտսդություն: Կազակներն անհաշտ գիրք են բռնել՝ չկապել բուլղերի կանգնելու դեմ:

4. Նույն ուսյունում կենտրոնացնել անգլիական ու քելզիական բոլոր զորահամբերանները, դրանց անձնակազմը փոխարինել բացառապես սպաներով:

5. Մոզիլյովում և դրան ամենամոտ կետերից մեկում, հուսալի հակառակորդ տակ կենտրոնացնել հրացանների, փամփուշտների, զնդարիների, ամոտատ հրացանների և ձեռնանուակների պաշար՝ դրանք սպաներին ու կամավորներին բաժանելու համար, որոնք անպայման կհավաքվեն հիշյալ ուսյունում:

Կրտսդություն: Մա կարող է էրացիաներ առաջացնել:

6. Ամուր կապ և Ջրգրիտ համաձայնություն հաստատել Դոնի, Փերեթի և Կուրանի զորաց ատամանների հետ, այլև լեհական ու չեխոսլովակյան կոմիտեների հետ: Կազակները սրոշակիորեն արտահայտվել են երկրամ կարգը վերականգնելու օգտին, իսկ լեհերի ու չեխերի համար Ռուսաստանում կարգը վերականգնելու հարցը նրանց սեփական գոյության հարցն է:

Օրեցօր ավելի տագնապալից լուրեր էին գալիս: Բիխովյում աճում էր անհանգստությունը: Մոզիլյովի ու Բիխովի միջև երթևեկում էին Կոնսիլովին բարիք ցանկացողների ավտոմոբիլները, նրանք Դուխոնիցից պահանջում էին ազատել կալանավորներին: Կազակական խորհուրդը նույնիսկ ծածուկ սպառնալիքների էր դիմում:

Դուխոնիցի, որ ճնշված էր վերահաս իրադարձությունների ծանրության տակ, միայն այժմ էր գիտակցել այն անշարժ պատասխանատվությունը, որ ստանձնելով գերագույն հրամանատարությունը, վերցրել էր իր վրա,— տատանվում էր նոյեմբերի 18-ին նա կարգադրեց կալանավորներին ուղարկել Դոն, բայց իսկույն վերացրեց իր կարգադրությունը:

Հետևյալ օրվա առավոտյան խիստ ցեխոտված մի ավտոմոբիլ մոտեցավ Բիխովի գիմնազիա-բանտի գլխավոր դռան: Վարորդը ստորաբարձ քաղաքավարության մեջ բացեց ավտոմոբիլի դռնակը, ու ավտոմոբիլից դուրս եկավ տարեց, բարեկազմ մի սպա: Նա պահակապետ սպային փաստաթղթեր ներկայացրեց գլխավոր շտաբի գնդապետ Կուսոնսկու անունով:

— Սա եկել եմ գլխավոր զորակայանից: Ունեմ անձնական հանձնարարություն ձերբակալված գեներալ Կոնսիլովին: Որտե՞ղ կարող եմ տեսնել պարետին:

Պարետը,— Թեքիսյան գնդի փոխ-գնդապետ էր հարգուր,— եկվորին անմիջապես տարավ Կոնսիլովի մոտ: Ներկայանալով, Կուսոնսկին շեշտված, հազիվ նկատելի աֆեկտացիայով զեկուցեց.

— Չորս ժամից հետո գլխավոր զորակայանը առանց կուլի կհանձնի Մոզիլյովը: Գեներալ Դուխոնիցի հրամայեց հաղորդել ձեզ, որ բոլոր կալանավորները պետք է անմիջապես հեռանան Բիխովից:

Կուսոնսկուն հարցեր տալով Մոզիլյովում տիրող դրու-
թյան մասին, Կոռնիլովը հրավիրեց փոխ-գնդապետ էրհարդ-
տին: Ձախ ձեռքի մատների վրա ծանր հենվելով սեղանի
ծայրին, ասաց.

— Անմիջապես ազատեցեք գեներալներին: Թեքինցիները
թող պատրաստվեն գիշերվա ժամը տասներկուսին մեկ-
նելու: Ես գնում եմ գնդի հետ:

Ամբողջ օրը շրջիկ դարբնոցում հետև, խոխոտում էր
փուքսը, կարմրին էր տալիս շիկացած ածուխը, զնգում էին
մուրճերը, մսուրների մոտ շարացած փնչում էին ձիերը: Թե-
քինցիները լրիվ պայտում էին ձիերը, նորոգում ձիասարքը,
մաքրում հրացանները, պատրաստվում:

Գեներալները ցերեկով մեկ-մեկ հեռացան կալանավա-
րից: Իսկ խուլ, գայլի գիշերվա կեսին, երբ գավառական
փոքրիկ քաղաքը մարել էր լույսերը ու քնել անդորր, խո-
րունկ քնով, Բիխովի գիմնազիայի բակից սկսեցին դուրս
գալ ձիավորները.— յուրաքանչյուր շարքում՝ երեքը: Նրանց
սևաթույր, ասես քանդակած կիրպարանքները պարզ նշմար-
վում էին պողպատագույն երկնքի ֆոնի վրա: Զիավորները,
որ փետուրները ցցած սև թուղունների էին նման, գնում էին
բարձր փափախները աչքերին քաշած, ցրտից կծկվում թամ-
բերի վրա, բաշլուղներով ծածկում խոնավ-թուխ դեմքերը:
Գնդի շարասյան մեջտեղում, գնդի հրամանատար գնդապետ
Կյուզելգենի կողքին, բարձր, լղար ձիու վրա կորացել ու
ճոճվում էր Կոռնիլովը: Նա դեմքը կնճոռտում էր Բիխովի
նեղիկ փողոցներով սլացող պաղ քամուց, կկոցված, փոք-
րիկ աչքերով նայում էր ցուրտ, աստղալից երկնքին:

Ձիերի նոր պայտած սմբակների համաշափ դոփյունը
հնչեց փողոցներով մեկ ու մեղմանալով, լռեց քաղաքի ծայ-
րամասում:

XXI

Երկրորդ օրն էր, որ նահանջում էր գունդը: Նահանջում
էր դանդաղ, կովելով: Գյուղական բարձրադիր ճանապարհնե-
րով ձգվում էին ռուսական ու ռումինական բանակների գու-
մակները: Ավստրո-գերմանական միացյալ զորամասերը անց-

նում էին նահանջողների խոր թիկունքը, փորձում էին սեղ-
մել օղակը:

Երեկոյան հայտնի դարձավ, որ 12-րդ գնդին ու նրա հա-
րևան ռումինական բրիգադին շրջապատում է սպառնում:
Մայրամուտի ժամանակ հակառակորդը ռումիններին դուրս
քշեց հովիտների գյուղից և արդեն առաջ շարժեց մինչև
«480» բարձունքները, որ սահմանակից են Գոլշյան լեռնանց-
քին:

Գիշերը 12-րդ գունդը, հեծյալ-լեռնային դիվիզիոնի մի
մարտկոցով ուժեղացրած, հրաման ստացավ դիրքեր գրավել
Գոլշյան հովտի ստորին մասում: Պահպանական հսկողու-
թյուն կարգելով, գունդը հանդիպական մարտի պատրաստ-
վեց:

Այդ գիշեր Միշկա Կոշևոյը և նույն խուտորի երկարա-
հասակ Ալեքսեյ Բեշնյակը գաղտնքում էին: Թաքնվել էին մի
յառի տակ, լքած ու փված մի ջրհորի կողքին, շնչում էին
սառնամանիքից նոսրացած օդը: Ամպամած, բրդոտ երկնքով
մեկ երբեմնակի սահում էր վայրի սագերի ուշացած երամը,
զգույշ կոնչուկներով նշում իր ընթացքի ուղղութիւնը: Կոշե-
վոյը սրտնեղութամբ հիշելով, որ չի կարելի ծխել, կամացուկ
փսփոսաց.

— Ձարմանալի է կյանքը. Ալեքսեյ... մարդիկ կույրերի
պես խարխափելով են ման գալի, հանդիպում իրար ու հեռա-
նում, երբեմն էլ մեկը մյուսին ոտնատակ է անում... Կապրես
այսպես, մահվան կողքին, ու կզարմանաս, թե ինչի՞ համար
է այս ամբողջ գլխացավանքը: Իմ կարծիքով աշխարհքում
մարդու ներսից ավելի ահավոր բան չկա, ոչնչով չես կարող
լուսավորել ու տեսնել մինչև հատակը... Ա՛յ, հիմի ես պառ-
կած եմ քեզ հետ, ամա չգիտեմ, թե դու ինչի մասին ես
մտածում, ու ամբողջ կյանքումս էլ չեմ իմանա, թե ինչ տե-
սակ կյանք ես անցկացրել.— չգիտեմ, դու էլ իմ մասին
բան չգիտես... Կարելի է ես ուզում եմ սպանել քեզ, իսկ դու
հիմի ինձ պաքսիմաթ ես տալի, ոչինչ չես կասկածում...
մարդիկ իրենց մասին քիչ բան գիտեն: Ամառը ես հոսպի-
տալում էի: Կողքիս մի գինվոր էր պառկած, Մոսկվայից էր:
Նա շարունակ հետաքրքրվում, հարցուփորձ էր անում, թե ոնց
են ապրում կազակները, ինչ են անում, ինչպես են: Նրանք

կարծում են, թե կազակը հենց միայն մտրակով է, կարծում են, թե կազակը վայրենի է, ոչ սիրտ ունի, ոչ հոգի, բայց չէ՞ որ մենք էլ մարդ ենք. մենք էլ ենք սիրում կնանկոնց, գուրգուրում աղջիկներին, լալիս ենք մեր դարդը, ուրիշի ուրախությունով չենք ուրախանում... Ի՞նչ կասես, Ալյոշկա: Ահա, ես այնպե՛ս եմ ուզում ապրե՛լ. հենց որ միտք եմ անում, թե աշխարհքում ինչքա՞ն սիրուն կնանիք կան. սիրտըս կուշ է գալիս: Գիտեմ, որ երբեք էլ չեմ կարող սիրել նրանց, բոլորին— և ուզում եմ բոռալ դարդից: Այնպե՛ս եմ քաշում կնանկոնց կարոտը, որ ամեն մեկին էլ կխտտեի զրթվածի պես... Ով որ ձեռս ընկներ, կգուրգուրեի, մենակ թե սիրուն լինեիր... թե չէ ի՛նչ կյանք են մոգոնել որ,— տալիս են քեզ մեկին, դե արի ու մինչև մեռնելդ գլուխ ցավացրու նրա հետ... Բա այդ ձանձրալի չի՞: Մյուս կողմից էլ կոփվմոփվ են հնարել, ու այսպես...

— Տո, թոկից փախած բուղա, քամակդ այդքան ծակծղկել են, էլի խելքի չե՞ս եկել, հը՞,— բարեսրտություն մը նախատում էր Բեշնյակը:

Կոշևոյը, մեջքին ընկած, լռում էր, երկար դիտում երկրների ամայությունը, ու երազկոտ ժպտալով, հուզականորեն քնքուշ փայփայում պաղած, անմատչելիորեն անտարբեր հողը:

Հերթափոխությունից առաջ գերմանացիները բռնեցին նրանց: Բեշնյակը, որ կարողացել էր կրակել, պազեց ատածները կրճատցնելով, կուացավ, ընկավ մահացու զարկից. գերմանական դանականման սվինը բրդեց նրա փորոտիքը, պատռեց միզափամփուշտը և պիրկ դողաց՝ խրվելով ողնաշարի մեջ: Կոշևոյին վար գցեցին հրացանի կոթի հարվածով: Ամբակազմ մի լանդտուրմիստ նրան կես ժամ տարավ շալակին դրած: Միշկան ուշքի եկավ, զգաց, որ խեղդվում է արյունից, խոր շունչ առավ, ու հավաքելով ուժերը, առանց դժվարություն պոկվեց գերմանացու մեջքից: Նրա վրա համազարկ տվին, բայց գիշերն ու թփուտը փրկեցին,— փախավ:

Երբ նահանջը արդեն դադարել էր, և ռուս-ռումինական գործառնաբեր դուրս էին եկել օղակից, 12-րդ գունդը դիրքերից հանվեց և ուղարկվեց թիկունք, իր ճակատամասից դի-

պի ձախ, մի քանի վերստ հեռու: Հայտարարվեց գնդին տրրված հրամանը,— փակոցային սպասարկություն կատարել, ճանապարհների վրա դիրքեր կարգել, հետևել, որ դասալիքները չփախչեն դեպի թիկունք, բռնել դրանց՝ չքաշվելով գնեք գործադրելուց, և հսկողության տակ ուղարկել դիվիզիայի շտաբը:

Միշկա Կոշևոյը առաջիններից մեկը նշանակվեց հսկողության համար: Նա և էլի երեք կազակ առավոտյան դուրս եկան մի փոքրիկ գյուղից ու վախճախատի ցուցումով տեղավորվեցին եգիպտացորենի արտի ծայրում, ճանապարհից մի քիչ հեռու: Ծանապարհը անցնում էր ծմակի կողքից ու չքանում բլրաշատ, քառակուսաձև հերկերով շերտատված հարթավայրում: Կազակները հերթով դիտում էին: Կեսօրից հետո նկատեցին մի խումբ զինվորներ, տասը հոգի, որոնք գալիս էին կազակների կողմը: Երևում էր, որ զինվորները մտադիր էին այնտեղից անցնելիս շմոնել տափարակ բլուրի տակին գտնվող գյուղը: Մոտենալով ծմակին, նրանք կանառան, ծխեցին, ակներևաբար խորհրդակցում էին, հետո քայլեցին՝ փոխելով ուղղությունը, շուտ գալով դեպի ձախ:

— Վախեցնե՞մ դրանց,— վեր կենալով եգիպտացորենի ցողունների մացառուտից, հարցրեց Կոշևոյը մյուսներին:

— Կրակիր օդի մեջ:

— Է-հե՛յ, կանգնեցե՛ք:

Զինվորները, որ կազակներից մի քանի տասնյակ սածեն հեռու էին, լսելով բղավոցը, մի բուպե կանգ առան ու նորից, ասես դժկամորեն, շարունակեցին գնալ:

— Կանգնե՛-ե-ե-ել,— զոռաց կազակներից մեկը,— իրար հետևից հինգ անգամ կրակելով օդի մեջ:

Հրացանները ուսերից կախած, կազակները հասան դանդաղ քայլով զինվորներին:

— Ինչո՞ւ չեք կանգնում, է՞: Ո՞ր զորամասից եք, ո՞ւր եք գնում: Տվե՛ք ձեր փաստաթղթերը,— վազվազ մոտենալով՝ բղավեց ուրյազնիկ Կոլիչևը, պոստի պետը:

Զինվորները կանգ առան: Երեքը դանդաղ իջեցրին հրացանները:

Հետևից քայլողը կուացավ, մի կտոր հեռախոսալարով կապեց սապոգի պոկված ներքանը: Նրանք բոլորն էլ չափա-

գանց կեղտոտ, պատառուտված հագուստով էին: Շինելների փեշերին երկատամնուկի դարչնագույն պատյանների էին կպել: Երևում էր, որ նրանք այդ գիշեր պառկել էին անտառում, մացառուտներում: Երկուսի գլխներին դրված էին ամառային գլխարկներ, մյուսների գլխներին — գառան մորթու հորշ-կեղտոտ փափախներ՝ արծակած ծալերով ու ճոճվող կապիշներով: Կերչինը, — ըստ երևույթին ավագը, որ բարձրահասակ էր և ծերունու պես կորացած, դողացնելով այտերի ճլորած տոպրակները, քթից հնչող, բարկացկոտ ձայնով բղավեց.

— Ուզածներդ ի՞նչ է, հը՞: Մենք ձե՞ռ ենք տալի ձեզ: Ի՞նչ եք կպել:

— Ձեր փաստաթղթե՛րը, — շինծու խստությամբ նրան ընդհատեց ուրյադնիկը:

Նոր թրծած ազյուսի պես կարմիր դեմքով, կապուտաշյա մի զինվոր գոտու: տակից հանեց շշանման մի նոնակ, և դսթափահարելով ուրյադնիկի քթի տակ, առաջ նայելով ընկերների, յարոսյավյան շուտասելուկով վրա տվեց.

— Ա՛ն քեզ փաստաթուղթ, աղբերացու: Ա՛ն քեզ: Սա քեզ համար մի ամբողջ տարվա մանդատ է: Պահպանիր կյանքըդ, թե չէ այնպես կըրմփացնեմ, որ փոր ու փսորդ կթափվի: Հասկացա՞ր: Հասկացա՞ր թե չէ, հը՞...

— Դու խելո՞ք կաց, հա՛-ա, — կրծքից հրելով նրան, մոայլվում էր ուրյադնիկը: — Խելոք կաց, չե՛ս վախեցնի մեզ, մենք առանց այն էլ զարկված ենք: Դուք դասալիքներ եք, դե ուրեմն հա՛յդա դեպի շտաբ: Այնտեղ ձեզ պես գյազանների հախիցը կզան:

Ձինվորները միմյանց նայելով, իջեցրին հրացանները: Նրանցից մեկը, որ սև բեղերով էր, հյուծված, ըստ երևույթին հանքափոր բանվոր, ցասկոտ աչքերը հռուխով մերթ Կոշևոյի ու մերթ մյուս կազակների վրա, շշնջաց.

— Սվիններով կխփենք ձեզ, հա՛-ա... Դե՛հ, ուղ եղեք, հեռացե՛ք: Աստված վկա, հիմի գնդակ կուտեցնեմ...

Կապուտաշյա զինվորը գլխավերևում պտտում էր նրոնակը. առջևից գնացող բարձրահասակ, կորացած զինվորը սվինի ժանգոտ ծայրով քերծեց ուրյադնիկի շինելի փեշը. հանքափոր բանվորի նմանվողը մայր էր հայհոյում և հրա-

ցանի կոթով սպառնում Միշկա Կոշևոյին, իսկ վերջինիս մատը դողում էր հրահանի վրա ու երերվում էր հրացանի ազուստը, որ նա արմունկով սեղմել էր կողքին. կազակներից մեկը կարճիկ մի զինվորի շինելի ծալերից բռնած, քաշքշում էր երկարած ձեռքով ու երկյուղալի նայում մյուսներին, վախենալով, որ իրեն կխփեն հետևից:

Շրշում էին եգիպտացորենի ցողունների շորացած տերևները: Բլրաշատ հարթավայրից դենը երփներանգ կապուտին էին տալիս լեռնաճյուղերը: Գյուղի մոտ, խոզաններում շիկակարմրավուն կովեր էին թափառում: Մմակի մերձակայքում քամին պաղ, փոշոտ մշուշ էր բարձրացնում: Քնած և անդորր էր հոկտեմբերի դժգույն ցերեկը. ժլատ արևով ողողված դաշտանկարի վրա մեղմակի անդորրություն, լուսթյուն էր իջել: Իսկ ճանապարհից քիչ հեռու հավաքվել էին անհեթեթ ցասումով բռնված մարդիկ, պատրաստվում էին իրենց արյունով ողողել անձրևներից հագեցած, սերմանված, պարարտ հողը:

Կրքերը մի փոքր հանդարտեցին, ու զինվորները և կազակները փոքր-ինչ աղմկելուց հետո սկսեցին ավելի հաշտ խոսակցել:

— Երեք օր է, որ մենք եկել ենք դիրքերից: Մենք թիկունքում թրև չենք գալի, իսկ դուք փախում եք, բա մտթ չի՞: Թողնում եք ձեր ընկերներին: Բա ո՞վ պիտի պահի Ֆրոնտը, հը՞: Է-է՛, միթամ մարդիկ եք, էլի՞... Իմ ընկերոջը հենց կողքիս տվին սպանեցին սվինով, — ես ու նա գաղտնքում էինք, իսկ դու ասում ես, թե մենք կոխվեցինք չենք եղել: Հապա, մի դու է՛լ կոխվեցինք այնքա՛ն լինեի՞ր, ինչքան մենք, — ցասկոտ ասում էր Կոշևոյը:

— Հերի՛ք դուրս տաք, է՛, — ընդհատեց նրան կազակներից մեկը, — գնա՛նք շտաբ, պրծավ-գնաց:

— Ճամփա տվեք, կազակներ, թե չէ խաչը վկա կկրակենք, — համոզում էր հանքափորի տեսք ունեցող զինվորը: Ուրյադնիկը հուզված տարածում էր ձեռները.

— Ձենք կարող այդ անել, աղբերս: Թեկուզ մեզ խփեք, միևնույն է, չեք ազատվի. մեր հարյուրյակը հրե՛ն, գյուղումն է...

Բարձրահասակ, կորացած զինվորը մերթ սպառնում էր,

մերթ հորդորում, մերթ էլ սկսում էր խնդրել նվազանսարու-
թ վերջո նա կեղտոտ փամփշտակալից հանեց ծղնոտով փա-
թաթած մի շիշ, ու քծնաբար աչքով անհելով Կոշևոյին, շքն-
չաց.

— Մենք ձեզ, կազակներ, փող-մող էլ կտանք, ա՛յ, սա
էլ... գերմանական արաղ է... էլի ուրիշ բաներ կհավաքենք
ու կտանք... բաց թողեք մեզ, ի սեր Քրիստոսի... Մի տուն
լիքը երեխաներ կան, ինքդ ես հասկանում... Հոգիներս դուրս
են եկել, դարդ ու ցավից մեռնում ենք... Բա մինչև ե՞րբ, է՞...
Տե՛ր աստված, մի՞թե չեք բաց թողնի:— Նա կոշիկի ճիտքի
տակից արագ հանեց ծխախոտի տոպրակը, դրա միջից թափ
ովեց Կերենսկու երկու ճիւղոված թղթադրամ, սկսեց համա-
ռարեն խոթել Կոշևոյի բուռը:— Վերցրո՛ւ, վերցրու Փո՛ւ,
տեր աստված... Մի՛ կասկածի... մենք առանց դրան էլ կծըլ-
կենք... փողն ի՞նչ է որ... առանց դրան է՛լ կարելի է... Վերց-
րո՛ւ: էլի՛ կհավաքենք-կտանք...

Ամոթից կարմրած Կոշևոյը նրանից հեռու քաշվեց՝ ձեռ-
ները քամակին տարած, պտտելով գլուխը: Արյունը թափով
խփեց դեմքին, աչքերից արցունքներ քամեց. «Բեռնյակի
պատճառով եմ շարացել... Ի՞նչ եմ անում... ինքս դեմ եմ
պատեքազմին, իսկ արանց բռնել եմ. ի՞նչ իրավունք ունեմ,
է՞... Զահրուսար ըլի, միթամ գործ քմ քունել, էլի՛: Բա սա
շանորդություն չի՞»:

Նա մտեցավ ուրյադնիկին ու նրան մի կողմ տաքափ-
առանց աչքերին նայելու ասաց.

— Արի դրանց բաց թողնենք, էլի՛: Ի՞նչ կասես, Կոլիչև.
Թող գնան, խաչք վկա...

Ուրյադնիկը նույնպես մի կողմ նայելով, կարծես այդ
ակնթարթում ինչ-որ ամոթալի բան կատարելով, ասաց.

— Թող գնան... Ի՞նչ գործ ունենք գրանց հետ: Մենք էլ
չուտով այդ տեսակ գրություն մեջ ենք լինելու... Մեղքներս
ի՞նչ թաքցնենք:

Ու դառնալով դեպի զինվորները, վրդովված բզավեց.

— Անիրավներ, ձեզ հետ մարդափարի, կարգին են վար-
վում, փսկ գուք փող եք գեմ անում: Մենք փող չունե՞նք, թե՛
է:— Ու բարկությունից կարմրատակեց:— Ռադ արեք քսակ-
նեղդ, թե չէ կռնեմ շտաբ...

Փազակները մի կողմ քաշվեցին: Նայելով գյուղի դա-
տարկ, հեռու փողոցներին, Կոշևոյը բղավեց հեռացող զին-
վորների հետևից.

— Է՛յ, դմբոներ, ո՛ւր եք քշում բաց տեղերով: Հրե՛ն
ծմակը, ծլկեցեք այնտեղ, իսկ գիշերը կճղեք, թե չէ մյուս
պոստին կհանդիպեք, կբռնեն:

Զինվորներն այս ու այն կողմ նայեցին, տատանվելով
իրար գլխի հավաքվեցին ու գայլերի պես իրար հետևից,
գորշ-պղտոր գույնի շղթա կազմած, քայլեցին կաղամախի-
նեռով փրշոտված ձորահովտի ուղղությամբ:

Նոյեմբերի սկզբում կազակներին այլևայլ լուրեր էին
հասնում Պետրոգրադում եղած հեղաշրջման մասին: Շտաբ-
ների սուրհանդակները, որ սովորաբար բոլորից ավելի իրա-
զեկ են լինում, պնդում էին, թե ժամանակավոր կառավարու-
թյունը փախել է Ամերիկա, իսկ Կերենսկուն բռնել են նա-
վաստիները, կնգել գլուխը, կուպր են քսել, ինչպես անառակ
կնոջ, երկու օր ման ածել Պետրոգրադի փողոցներում:

Ավելի ուշ, երբ պաշտոնական հաղորդագրություն ստաց-
վեց ժամանակավոր կառավարությունը տապալելու և իշ-
խանությունը բոլշևիկներին անցնելու մասին, կազակները
լարեցին իրենց ուշադրությունը, սակվեցին: Շատերն ուրա-
խանում էին՝ սպասելով պատերազմը վերջանալուն, բայց
անհանգստություն էին պատճառում այն լուրերի խուլ արձա-
գանքները, թե Յ-րդ հեծյալ կորպուսը Կերենսկու հետ միա-
սին գնում է Պետրոգրադի վրա, իսկ հարավից զոռում է
Կալեդինը, որը կարողացել է կազակական զնդերը նախօրոք
կենտրոնացնել Գոմում:

Ռազմաճակատը քայքայվում էր: Ծթե հոկտեմբերին զին-
վորները հեռանում էին առանձին-առանձին, անկազմակերպ
խմբերով, ապա նոյեմբերի վերջին դիրքերից հեռանում էին
վաշտերը, զումարտակները, զնդերը. ոմանք հեռանում էին
առանց բռնների, բայց մյուսները վերցնում էին զնդերի
գույքը, ավերում պահեստները, զնդակահարում սպաներին,
ճանապարհին կողոպտում իրենց ուղած բաները և անկաշ-
կանդ կատաղի, վարար հեղեղի պես հոսում դեպի հայրենիք:

Այդ պայմաններում անիմաստ էր 12-րդ զնդի խնդիրը,—

գասալիքներ բռնել,— և գունդը նորից դիրքերը գնալուց հետո, ապարդյուն փորձեր անելով ծածկել այն ծակերն ու ճեղքվածքները, որ առաջացնում էր իր ճակատամասերը լքող հետևազորը,— դեկտեմբերին դուրս եկավ դիրքերից, երթական կարգով հասավ ամենամոտ կայարանը, ու գնդի մարտը գույքը, զնդացիները, փամփուշտների պաշարը և ձիերը բռնելով, ուղևորվեց մարտերով բռնկած Ռուսաստանի խորքը...

12-րդ գնդի էջելոնները Ուկրաինայի միջով դեպի Գոն էին գնում: Զնամենկայի մերձակայքում բուլշևիկները փորձեցին զինաթափել գունդը: Բանակցությունները կես ժամ տևեցին: Կոշևոյը ու էլի հինգ կազակ, հարյուրյակների ունկամների նախագահները, խնդրեցին իրենց ճանապարհ տալ առանց զինաթափելու:

— Զենքերը ձեր ինչի՞ն են պետք,— հարցնում էին կայարանի սովդեպի անդամները:

— Մեր բուրժույցներին ու գնեբրալներին շարդելու, Կալեդինի պոչը կտրելու համար են,— բուլոթի փոխարեն պատասխանեց Կոշևոյը:

— Զենքերը պատկանում են մեզ, մեր զորամասին, չե՞նք տա,— հուզվում էին կազակները:

էջելոններին ճանապարհ տվին: Կրեմենչուգում նորից զինաթափման փորձ եղավ: Համաձայնեցին ճանապարհ տալ միայն այն ժամանակ, երբ գնդացրորդ կազակները վազոնների բաց դռների մոտ տեղավորելով գնդացիները, պատրաստվեցին կայարանը գնդակոծելու, իսկ հարյուրյակներից մեկը շղթա կազմեց. պառկեց երկաթգծի կողքին: Եկատերինոսլավի մոտ կարմիր գվարդիական մի ջոկատի հետ տեղի ունեցած փոխ-հրաձգությունն էլ շօգնեց,— գունդը մասամբ զինաթափեցին, վերցրին գնդացիները, ավելի քան հարյուր արկղ փամփուշտ, դաշտային հեռախոսի ապարատները ու մի քանի փաթեթ փշալար: Կազակները մերժումով պատասխանեցին սպաներին ձերբակալելու առաջարկին: Ամբողջ ճանապարհին կորցրին միայն մի սպա,— գնդի ադյուտանտ Չիրկովսկուն, որին մահվան դատապարտեցին իրենք, կազակները, իսկ դատավճիռն ի կատար ածեցին Չուբատին ու մի ինչ-որ կարմիրգվարդիական նավաստի:

Դեկտեմբերի 17-ի երեկոյան Սինիլնիկովո կայարանում կազակները վազոնից դուրս քաշեցին ադյուտանտին:

— Հենց սա՞ էր հալածում կազակներին,— ուրախ հարցրեց Սեժովյան նավատորմի շեյտ մի նավաստի, որը զինված էր մաուզերով և ճապոնական հրացանով:

— Դու կարծում էիր, թե մենք սխալ ենք ճանաչել: Ո՛չ, մենք չենք վրիպել, լավ ենք բռնել սրան,— հեռավոր ասաց Չուբատին:

Ադյուտանտը, մի երիտասարդ փոխ-յասավուլ, խլշկոտած նայում էր շուրջը, քրտնած ձեռքով շփում էր մազերը ու շէր զղում ոչ զեմքը ծակող ցուրտը, ոչ էլ հրացանի կոթի պատճառած ցավը: Չուբատին ու նավաստին նրան մի քիչ հեռացրին վազոնից:

— Հենց այս տեսակ սատանաների դեմ են ապստամբում մարդիկ, ու ռևոլյուցիան էլ հենց սրա նմանների դեմ է բարձրացել... Ու-ո՞ւ-ու, երես առած, մի զոդա, թե չէ կփշրվես,— շշնջում էր Չուբատին, ու զլխարկը հանելով, խաչակնքեց:

— Պինդ կաց, պարոն փոխ-յասավուլ:

— Պատրաստվեցի՞ր,— մաուզերը ճոճելով ու շարաճը-ճիռնն ժպտալուց սպիտակափայլ ատամները բանալով՝ հարցրեց նավաստին Չուբատին:

— Պատրաստ եմ:

Չուբատին մեկ անգամ էլ խաչակնքեց, շեղակի նայեց, թե ինչպես նավաստին, մի ոտը ետ դրած, բարձրացնում է մաուզերը ու լարված կկոցում աչքերը,— ու մտայն ժպտալով առաջինը կրակեց:

Զապլինի մերձակայքում գունդը պատահաբար մասնակից եղավ անարխիստների և ուկրաինացիների միջև տեղի ունեցած կռվին, կորցրեց երեք կազակ, որոնք սպանվեցին, ու զոռով առաջ անցավ, մեծ դժվարություններով մաքրելով ճանապարհը, որ բռնված էր մի ինչ-որ հրաձիգ դիվիզիայի էջելոններով:

Երեք օրից հետո գնդի առջևի էջելոնը արդեն բռնաթափվեց Միլլերովո կայարանում:

Մնացածները խրվեցին Լուգանսկում:

Գունդը կիսով չափ պակաս կազմով (մյուսները դեռ կա-

յաբանից ցրվել-գնացել էին իրենց տները) հասավ Կարգին խուտորը: Մյուս օրը աճուրդով ծախեցին ռազմական ավա-
րը,— ավատրիացիներից գրաված, ռազմաճակատից բերած
ձիերը. բաժանեցին զնդի զրամական գումարները, հագու-
տեղենը:

Կոշեոյը և Տատարսկի խուտորի մյուս կազակները երե-
կոյան մեկնեցին իրենց տները: Բարձրացան սարը: Ներքե-
վում, Զիրի սպիտակավուն, սառցապատ ոլորանի մոտ, որ
ամենագեղեցիկն է Դոնի վերին ավազանում, փուլած էր Կար-
գին խուտորը: Շոգեաղացի ծխնելույզից սորուն զնդիկներով
դուրս էր թռչում ծուխը. հրապարակու՞ սեկն էին տալիս
մարդկանց ամբոխները. երեկոյան ժամասացության զան-
գերն էին զարկում: Կարգինի բլրակից դենը հազիվ երևում
էին Կլիմովսկի խուտորի ռոտեինների կատարները, դրան-
ցից, ձյունած հորիզոնի մուգ-կապտավուն մուժից էլ դենը
առկայծում ու բոսորափայլում էր մշուշված, երկնքի կեսը
բռնած վերջալույսը:

Տասնութ ձիավոր անցան կուրգանը, որին կոթնել էին
հրեք կորացած, վայրի խնձորենիներ, ու թեթև վարգով, թամ-
բերի ճոճոցով սլացան դեպի հյուսիս-արևելք: Բլրաշարքից
դենը գողավարի թաքնվել էր ցուրտ գիշերը: Կազակները
բաշլուղներով փաթաթված, երբեմն դաշտային քառատրոփի
էին անցնում: Հատու, հնչեղ շրխկում էին պայտերը: Ձիերի
սմբակների տակից դեպի հարավ էր հոսում տրորված ճա-
նապարհը. ճանապարհի երկու կողմում յառցակալել էր
կարճ ժամանակ առաջ տաքությունից քիչ հալված ձյունա-
շերտը, կառչել խոտարույսերի ցողուններից, լուսնի լույսի
տակ փայլում էր կարճագույն, երերուն ցուքերով:

Կազակները լուռ խթանում էին ձիերը: Ծանապարհը դե-
պի հարավ էր հոսում: Արևելքում, Դուբովենկի ձորակում
պտտվում էր անտառը: Ձիերի ոտների կողքից երևում ու
չբանում էին նապաստակների ցանցակերպ, օղածն հետ-
քերը: Տափաստանի վերևում կազակական վահանակավոր
գոտու նման ձգվել էր երկինքը գետևորած Միր Կաթինը:

ՀԻՆԳԵՐՈՐԳ ՄԱՍ

1917 թվականի ուշ աշնանը կազակները սկսեցին վե-
րագանալ ռազմաճակատից: Եկավ ծերացած Խրիստոնյան
երեք կազակների հետ, որոնք նրա հետ ծառայում էին 52-րդ
գնդում: Վերագարձան ծառայութունից բոլորովին դուրս
եկածները,— առաջվա պես անմորուք-անբեղ Անիկուշկան,
հրետանավորներ Իվան Տամիլինը ու Ֆակով Պողկովան,
սրանցից հետո՝ Մարտին Շամիլը, Իվան Ալեքսեևիչը, Զա-
խար Կորոլյովը, անճոռնի կերպով երկարահասակ Բորչևը.
դեկտեմբերին անսպասելի երևաց Միտկա Կորշունովը, մի
շաբաթից հետո — 12-րդ գնդում եղած կազակների մի ամ-
բողջ խումբ՝ Միշկա Կոշևոյը, Պրոխոր Զիկովը, ծերունի Կա-
շուլինի որդին՝ Անդրեյ Կաշուլինը, Ծպիֆան Մակասևը, Ծգոր
Մինիլինը:

Ավատրիական սպայից գրաված գեղեցիկ, բաց դեղ-
նավուն ձիով ուղղակի Վորոնեժից եկավ իր գնդից կտրված,
կալմիկանման Ֆեդոտ Բոդովսկովը, որը հետո երկար պատ-
մում էր, թե ինչպես էր անցել Վորոնեժի նահանգի գյուղե-
րով, որոնք ոտքի էին ելել հեղափոխության շնորհիվ, և թե
ինչպես էր ծլկել կարմիրզավարդիական շոկատների քթի տա-
կից՝ ապավինելով իր ձիու կայտառությանը:

Նրանից հետո արդեն Կամենսկայայից եկան բոլշևիկա-
ցած 27-րդ գնդից փախած Մերկուլովը, Պետրո Մելեխովը և
Նիկոլայ Կոշևոյը: Հենց նրանք էլ խուտորում լուր տարածե-
ցին, որ Գրիգորի Մելեխովը, որը վերջին ժամանակներում
ծառայում էր պահեստի 2-րդ գնդում, անցել էր բոլշևիկներին

կողմը, մնացել Կամենսկայայում: Նույն 27-րդ գնդում տեղ էր գտել անցյալում անկարգ ու անհոգ, ձիագող Մաքսիմկա Գրյազնովը, որը վերահաս խառնակ ժամանակների նորույթով և իր բեֆին ապրելու հնարավորությամբ զրավված, հարել էր բուլղարիկներին: Մաքսիմկայի մասին ասում էին, թե նա շտեմնված այլանդակությամբ և նույնքան շտեմնված վայրագ կայտառությամբ աչքի ընկնող մի ձի է ձեռք բերել. ասում էին, թե Մաքսիմկայի ձիու ամբողջ մեջքի վրայով ձգված է բնական արծաթափայլ բրդի մի շերտ, թե ձին բարձր չէ, բայց երկար է ու հենց եզան կարմիր գույն ունի: Գրիգորիի մասին քիչ էին խոսում,— չէին ուզում խոսել, գիտենալով, որ նրա և խուտորցիների ճանապարհները բաժանվել են, իսկ թե կմիանա՞ն նորից,— այդ չի երևում:

Խրճիթները, ուր կազակները վերադարձան իբրև տերեր կամ սպասված հյուրեր,— լցվեցին բերկրանքով: Հենց այդ բերկրանքն էլ ավելի կտրուկ, ավելի անագորույն կերպով էր ընդգծում ա՛յն մարդկանց խուլ, անանց վիշտը. ուլքեր առմիշտ կորցրել էին հարազատներին ու մերձավորներին: Չէին վերադարձել շատ կազակներ,— ընկել էին Գալիցիայի, Քուկովինայի, Արևելյան Պրուսիայի, Մերձկարպատյան, Ռումինիայի դաշտերում, նրանց դիակները ընկել ու փտել էին հրանոթային հոգեհանգստի ներքո, և հիմա քոլախոտերով էին ծածկվել եղբայրական շիրիմների բարձր թմբերը, դրանք նստել էին անձրևներից, պատել իխրուն ձյունով: Ու որքան էլ հերարձակ կազակուհիները վազ տան փողոց և ձեռները ճակատներին դրած նայեն, չեն վերադառնա իրենց սիրելիները: Որքան էլ արցունքներ թափվեն ուռած ու գունատ աչքերից, չի՛ ամոքվի դարդը: Որքան էլ լաց լինեն տարեդարձերի ու մեռելոցների օրերին, արևելյան քամին նրանց ճիչերը չի՛ հասցնի մինչև Գալիցիա և Արևելյան Պրուսիա, մինչև եղբայրական շիրիմների կուռ եկած թմբերը...

Խոտարույսերով են ծածկվում գերեզմանները, վաղեմությամբ է պարուրվում վիշտը: Քամին կորցնում էր մեռածների հետքերը, ժամանակն էլ կկորցնի ա՛յն մարդկանց արյուն-արցունքն ու հուշերը, ուլքեր շտեման ու չեն տեսնի հարազատներին, որովհետև կարճ է մարդկային կյանքը և մեղ բոլորիս էլ վիճակված չէ երկար քայլել գետնի վրա:

Գլուխը շոր գետնին էր խփում Պրոխոր Շամիլի կինը, ատամներով կրծում հողե հատակը, նայելով, թե ինչպես հանդուցյալ ամուսնու վերադարձած եղբայրը, Մարտին Շամիլը փայփայում է իր հղի կնոջը, գուրգուրում երեսնաներին ու նրանց ընծաներ բաժանում: Մեծկվում էր հեզ կինը ու ջղաձգված սողում գետնի վրա, իսկ շուրջը ոչխարների խմրի նման հավաքվում էին երեսաները, լալիս էին, սարսափահար աչքերով նայում իրենց մորը:

Պոկի՛ր հագեղ վերջին շապկի օձիքը, անբա՛խտ կին, պոկի՛ր անուրախ, ծանր կյանքից նոսրացած մազերդ. կծի՛ր կծոտված, արյունլվիկ դարձած, շուրթերդ, կոտրի՛ր աշխատանքից այլանդակված ձեռներդ ու ծեծկվի՛ր դետնի վրա, դատարկ խրճիթի շեմքին: Չկա՛ քո խրճիթի տերը. չկա՛ քո ամուսինը, քո երեսանների հայրը, ու հիշիր, որ ոչ ոք չի փայփայելու ոչ քեզ, ոչ էլ քո որբերին, ոչ ոք քեզ չի փրկի ուժից վեր աշխատանքից և աղքատությունից, ոչ ոք գիշերը քո գլուխը չի սեղմի իր կրծքին, երբ դու կընկնես հոգնատանջ, ու ոչ ոք քեզ չի ասի այն, ինչ որ նա մի ժամանակ ասում էր. «Դարդ մի՛ անի, Անիսկա, կապրենք, էլի»: Ամուսին չե՛ս ունենա դու, որովհետև քեզ չորացրել, տգեղացրել են աշխատանքը, կարիքը, երեսաները. հայր չեն ունենա քո կիսատ կյո՛ր. խլնքոտ երեսաները. ինքդ պիտի անես վար ու ցանքը, և ուժից վեր լարվածությունից շնչասուլատ լինելով, օրանը թափես հնձիչից. կիտես սալի վրա, եղանով բարձրացնես ցորենի ծանր խրճերը և զգաս, թե ոնց ինչ-որ բան է պոկվում փորիդ տակին, հետո էլ, ցնցոտիներով ծածկված, պիտի ջղաձգվես, արյունաքամ լինես:

Տնտղելով Ալեքսեյ Բեշնյակի հին սպիտակեղենը, լալիս էր նրա մայրը, դառն, ժլատ արցունք էր թափում, հոտ էր քաշում, բայց որդու քրտնքի հոտը միայն վերջին շապիկից էր առնում, որ բերել էր Միշկա Կոշևոյը, ու գլուխը դնելով այդ շապիկին, օրորվում էր պառավը, աղիողորմ հեծկտում, դրոշմված, կեղտոտ, բյազե շապիկը նախշում արցունքներով:

Որբացան Մանիցկովի, Աֆոյնկա Օզերովի, Սվլանդի Կալինինի, Լիխովիզովի, Երմակովի և ուրիշ կազակների ընտանիքները:

Միայն Ստեփան Աստախովի վրա ոչ ոք չէր լալիս, լացող չկար: Դատարկ էր նրա փակ տունը, նույնիսկ ամառ ժամանակ կիսավեր էր ու մռայլ: Ակսինյան ապրում էր Յագոդնոյում, խուտորում նրա մասին առաջվա պես քիչ բան էին լսում, իսկ նա խուտոր չէր գալիս. երևի դրա կարոտը չէր քաշում:

Դոնեցի օկրուգի վերին ստանիցաների կազակները հայրենակցական խմբերով էին տուն գալիս: Դեկտեմբերին վերադարձան Վեշենսկայա ստանիցայի խուտորների համարյա բոլոր ճակատայինները:

Տատարսկի խուտորի միջով գիշեր-ցերեկ անցնում էին տասը — քառասուն ձիավորներից բաղկացած խմբեր՝ ուղիվորովելով Դոնի ձախ կողմը:

— Ո՞րտեղացի եք, աղբեր-տղերք, — տնից դուրս գալով՝ հարցնում էին ծերունիները:

— Չյորնայա ուշկայից:

— Զիմովնայայից:

— Դուբրովկայից:

— Ռեշետովսկից:

— Դուդարևսկից:

— Գորոխովսկից:

— Ալիմովսկից, — լսվում էին պատասխանները:

— Կովեցիք-պրծա՞ք, ինչ է, — նենգաբար հարցնում էին ծերունիները:

Ճակատայիններից ոմանք, խղճով ու հեզ մարդիկ, — ժպտում էին:

— Հերի՞ք է, հայրեր: Հա՛, կովեցիք էլ, պրծանք էլ:

— Հոգիներս ելան, տուն ենք գնում:

Իսկ ովքեր ավելի հանդուգն էին, ավելի բարկացկոտ, մայր էին հայհոյում, այսպիսի խորհուրդ էին տալիս:

— Գնա, ա՛յ բիձա, պոչդ քաշիր:

— Ի՞նչ ես հարց ու փորձ անում, ուզածդ ի՞նչ է, հը՞:

— Քեզ պես փսփսանները շատ են այստեղ:

Չմտան վերջում Նովոշերկասկի մերձակայքում արդեն սկզբնավորվում էին քաղաքացիական պատերազմի սաղմերը, իսկ Դոնի վերին ավազանում, խուտորներում և ստանիցաներում գերեզմանային լուսթյուն էր տիրում: Միայն խրճիթ-

ներում թաքուն, երբեմն էլ ակնհայտնի ընտանեկան երկպառակություն էր տեղի ունենում. ծերունիները գժավում էին ճակատայինների հետ:

Պատերազմի մասին, որ բռնկվել էր Դոնի Զորաց մարզի մայրաքաղաքի մոտ, միայն լուրեր լսելով գիտեին. անորոշ կերպով հասկանալով առաջացած քաղաքական հոսանքները, սպասում էին դեպքերին, ականջ դնում:

Մինչև հունվար Տատարսկի խուտորում էլ հանգիստ էին ապրում: Ռազմաճակատից վերադարձած կազակները հանգըստանում էին իրենց կանանց մոտ, լավ սնվում, շինն զգում, որ խրճիթների շեմքերին իրենց ավելի դառն փորձանքներ ու ծանրություններ են սպասում, քան իրենք ապրել էին անցած պատերազմում:

II

Գրիգորի Մելեխովը 1917 թվականի հունվարին մարտական սխրագործությունների համար խորունժիի աստիճան էր ստացել, նշանակվել 2-րդ պահեստի գունդը իրրե դասակապետ սպա:

Սեպտեմբերին, թոքերի բորբոքումից ապաքինվելուց հետո, նա արձակուրդ ստացավ. մեկ ու կես ամիս ապրեց տանը. հիվանդությունից հետո կազդուրվեց, քննվեց օկրուգային բժշկական հանձնաժողովում և նորից ուղարկվեց գունդ: Հոկտեմբերյան հեղաշրջումից հետո հարյուրյակի հրամանատարի պաշտոն ստացավ: Հենց այդ ժամանակ էլ նրա տրամադրությունն մեջ բեկում առաջացավ, որ շուրջը տեղի ունեցող իրադարձությունների ու գնդի սպաներից մեկի, — հարյուրապետ ՆՖիմ Իզվարինի հետ ծանոթանալու հետևանքն էր:

Իզվարինի հետ Գրիգորին ծանոթացավ արձակուրդից գալու առաջին օրը, հետո նրա հետ մշտապես շփվում էր ծառայության մեջ և ծառայությունից դուրս, ու իրեն համար աննկատելի կերպով ընկնում էր նրա ազդեցության տակ:

ՆՖիմ Իզվարինը Գունդրովսկայա ստանիցայի մի ունեվոր կազակի որդի էր, կրթություն էր ստացել Նովոշերկասկի յունկերական ուսումնարանում, ավարտելուց հետո մեկնել էր

առձմաճակատ, Դոնի 10-րդ կազակական գունդը, այնտեղ ծառայել մոտ մի տարի, ստացել, ինչպես ինքն էր ասում, «սպայական գեորգևյան խաչ կրծքի վրա և ձեռքի նւնակի տասնչորս բեկոր մարմնի բոլոր հարմար և անհարմար տեղերում» ու ընկել էր պահեստի 2-րդ գունդը՝ իր ծառայության կարճատև կարիերան ավարտելու համար:

Լինելով արտասովոր ընդունակությունների տեր, անկասկած շնորհալի մարդ, ունենալով այնպիսի կրթություն, որը զգալիորեն բարձր էր կազակ սպայության կրթության սովորական նորմայից, Իզվարինը մոլեռանդ կազակ-ավտոնոմիստ էր: Փետրվարյան հեղափոխությունը ցնցեց նրան, իր մտքերը տարածելու հնարավորություն տվեց, և նա, կապվելով անկախություն տենչող կազակական շրջանների հետ, սկսեց հմուտ կերպով ագիտացիա մղել Դոնի 2որաց մարզի լիակատար ավտոնոմիայի օգտին, կառավարման ա՛յն կարգը հաստատելու համար, որը Դոնի մարզում գոյություն ունեւր զեռ նախքան կազակության ստրկացումը Վելիկոուսիայի կողմից: Նա գերազանցորեն գիտեր պատմությունը, դուրաբորբոք էր, միտքը պայծառ էր և զգաստ. գերող ու գեղեցիկ կե՞րպով էր նկարագրում գալիք ազատ կյանքը հայրենի Դոնում, — երբ կկառավարի կազակական ներկայացուցիչների պետական ժողովը, երբ ոչ մի ոուս չի լինի մարզի սահմաններում, ու կազակությունը իր կառավարական սահմանների վրա ունենալով սահմանապահ պոստեր, առանց զլուխ ծուելու կխոսի Ուկրաինայի ու Վելիկոուսիայի, որպես հավասարների հետ ու նրանց հետ առևտուր և փոխանակություն կանի: Իզվարինը պատեցնում էր պարզամիտ կազակների ու սակավ կրթված սպայության գլուխները: Գրիգորին էլ ընկավ նրա ազդեցության տակ: Սկզբում նրանց միջև տաք վեճեր էին տեղի ունենում, բայց կիսագրագետ Գրիգորին անզեն էր իր հակառակորդի համեմատությամբ, ու Իզվարինը նրան հեշտությամբ էր ջախջախում բանավոր մարտերում: Վիճում էին սովորաբար զորանոցի մի որևէ անկյունում, իսկ ունկընդիրների համակրանքը միշտ թեքվում էր Իզվարինի կողմը: Նա իր դատողություններով, ապագա անկախ կյանքի նկարագրությամբ տպավորություն էր թողնում կազակների

վրա, — շոշափում էր ունևոր, ստորին կազակության մեծ մասի փայփայած, առավելապես գաղտնի իղձերը:

— Բա մենք առանց Ռուսաստանի ո՞նց պիտի ապրենք, և՛թե ոչինչ չունենք բացի ցորենից, — հարցնում էր Գրիգորին:

Իզվարինը համբերատարությամբ բացատրում էր.

— Ես հնարավոր չեմ համարում միայն Դոնի մարզի անկախ ու մեկուսացած գոյությունը: Ֆեդերացիայի, այսինքն միավորման հիմունքներով մենք համատեղ կապրենք Կուրանի, Թերեքի ու կովկասյան լեռնցիների հետ: Կովկասը հարուստ է հանքերով, այնտեղ մենք ամեն ինչ կգտնենք:

— Բա քարածո՞ւխ:

— Դոնեցի ավազանք մեր ձեռքի տակ է:

— Բայց չէ՞ որ դա Ռուսաստանին է պատկանում:

— Թե այն ում է պատկանում և ում տերիտորիայում է գտնվում, այդ զեռ վիճելի հարց է: Բայց նույնիսկ այն դեպքում, եթե Դոնեցի ավազանը մնա Ռուսաստանին, մենք շատ քիչ բան ենք կորցնում: Մեր Ֆեդերատիվ միությունը արդյունաբերության վրա չի հենվելու: Մեր երկիրը իր բնույթով ագրարային է, ու քանի որ այդպես է, ուրեմն մեր փոքրիկ արդյունաբերությունը ածուխով ապահովելու համար մենք դա կգնենք Ռուսաստանում: Եվ ոչ միայն ածուխ, այլև ուրիշ շատ բան կգնենք Ռուսաստանից, — փայտեղեն, մետաղի արդյունաբերության արտադրանք և այլն, իսկ փոխարենը կմատակարարենք բարձր տեսակի ցորեն, նավթ:

— Իսկ անջատվելը մեզ ի՞նչ օգուտ կտա:

— Մեծ օգուտ: Ամենից առաջ կազատվենք քաղաքական խնամակալությունից, կվերականգնենք ոուսական ցարերի ոչնչացրած մեր կարգերը, կարտաքսենք կազակական դասին չպատկանող եկվոյ գյուղացիներին: Տասը տարվա ընթացքում, արտասահմանից մեքենաներ ներմուծելու միջոցով այնպես կբարձրացնենք մեր տնտեսությունը, որ տասն անգամ ավելի կհարստանանք: Հողը մերն է, մեր նախնիների արյունով է ողողված, նրանց ոսկորներով է պատրաստված, իսկ մենք, Ռուսաստանի կողմից նվաճված, չորս հարյուր տարի պաշտպանում էինք նրա շահերը ու մեր մասին չէինք մտածում: Մենք դեպի ծով ելքեր ունենք: Մենք կունենանք ամե-

նաուժեղ ու ամենամարտունակ բանակ, ու ոչ միայն: Ուկրաինան, այլև Ռուսաստանն էլ չի համարձակվի ոտնձգություն: անել մեր անկախության դեմ:

Իզվարինը տիպիկ կազակ էր, — միջահասակ, վայելչակազմ, լայնաթիկունք. շհասունացած վարսակի գույնի, դեղնավուն, խուճուճ մազեր, թուխ դեմք, թեք, սպիտակ ճակատ, թխությունը պատել էր միայն այտերը՝ մինչև խարտյաշ հոնքերի մակարդակը: Նա խոսում էր բարձր, հլու տենորով: սովորություն ուներ խոսելիս սուր ցնցել ձախ հոնքը ու մի տեսակ յուրովի շարժել փոքր, սապատավոր քիթը. դրանից էլ թվում էր, թե նա միշտ ինչ-որ հոտ է քաշում: Կորովի քայլվածքը, շագանակագույն աչքերի շիտակ հայացքում ու իր կեցվածքում արտահայտվող ինքնավստահությունը նրան տարբերում էին զնդի մյուս սպաներից: Կազակները նրան բացահայտ, թերևս ավելի մեծ հարգանք էին տաժում, քան զնդի հրամանատարին:

Իզվարինը երկար զրուցում էր Գրիգորիի հետ, ու վերջինս, զգալով, որ իր ոտների տակ երերվում է մինչ այդ կայուն հողը, մոտավորապես նույն հոգեվիճակն էր ապրում, ինչ որ մի ժամանակ ապրել էր Մոսկվայում, Մենդիրյովի ակնարկաբանում հանդիպելով Գարանժային:

Հոկտեմբերյան հեղաշրջումից հետո շուտով նրա և Իզվարինի միջև տեղի ունեցավ հետևյալ խոսակցությունը.

Ընկնելով հակասությունների մեջ, Գրիգորին զգուշությամբ հարցեր էր տալիս բոլշևիկների մասին.

— Հապա՛, Եֆիմ Իվանիչ, ասա, քո կարծիքով բոլշևիկները ո՞նց են, ճի՞շտ են դատում թե ոչ:

Անկյունաձև ծոնով հոնքը, քմծիծաղից կնճռոտելով քիթը, Իզվարինն ասաց.

— Ոնց են դատո՞ւմ: Հա՛-հա՛-հա... Սիրելիս, դու կարծես նորածին երեխա ես... Բոլշևիկներն ունեն իրենց ծրագիրը, իրենց հեռանկարներն ու ակնկալությունները: Բոլշևիկներն իրավացի են իրենց տեսակետով, մենք էլ՝ մեր տեսակետով: Գիտե՞ս ինչպես է անվանվում բոլշևիկների պարտիան: Զգիտե՞ս: է՛, ո՞նց թե շգիտես. Ռուսաստանի սոցիալ-դեմոկրատական բանվորական պարտիա: Հասկացա՞ր: Բանվոր-կա՛ն: Այժմ նրանք շողորորթում են թե գյուղացիներին

և թե կազակների հանդեպ, բայց նրանց մոտ հիմնականը բանվոր դասակարգն է: Նրանք վերջինիս ազատագրություն են բերում, իսկ գյուղացիությանը՝ մի նոր, գուցե սովելի վատթար ստրկացում: Կյանքում այնպես չի լինում, որ բոլորն էլ հավասար ապրեն: Եթե բոլշևիկները հաղթանակեն, բանվորների դրությունը լավ կլինի, մնացածներինը՝ վատ: Եթե միապետությունը վերադառնա, կավժատներին էլ այլոց դրությունը լավ կլինի, մնացածներինը՝ վատ: Մեզ ոչ առաջիններն են հարկավոր, ոչ էլ երկրորդը: Մեզ անհրաժեշտ է ունենալ մերը, և ամենից առաջ ազատվել բոլոր խճամակալներից, լինի դա Կոռնիլովը, Կերենսկին թե Լենինը: Առանց դրանց էլ կապրենք մեր տանը: Աստված ազատի բարեկամներից, իսկ թշնամիներից մենք ինքնիրա կազատվենք:

— Բայց կազակների մեծամասնությունը բոլշևիկների կողմն է... գիտե՞ս:

— Գրիշա, բարեկամս, հասկացիր ա՛յ թե ինչ, — սա հիմնականն է. այժմ կազակն ու գյուղացին բոլշևիկների հետ են գնում: Գիտե՞ս ինչու:

— Ինչո՞ւ:

— Որովհետև... — Իզվարինը ծամոնց քիթը, կլորացնելով այն՝ ծիծաղեց. — Որովհետև բոլշևիկները կողմնակից են հաշտության, անհապաղ հաշտության, իսկ պատերազմը կազակների ա՛յ թե որ տեղին է նստել:

Նա ուժգին շրմփացրեց իր պիրկ, թուխ վզին, ու շտկելով զարմանքից բարձրացած հոնքը, գոչեց.

— Դրա համար էլ կազակներից բոլշևիզմի հոտ է գալիս և նրանք բոլշևիկների հետ համաքայլ են ընթանում: Բա՛ւ՛յց, հենց որ կվերջա-անա պա-տե-րազմը և բոլշևիկները ձեռք կզցեն կազակական տիրություններին, կազակության ու բոլշևիկների ճանապարհները կբաժանվեն: Սա հիմնավորված է և պատմականորեն անխուսափելի: Կազակական կյանքի այսօրվա կառուցվածքի և սոցիալիզմի-բոլշևիկյան ուսուցիչայի վերջնական արդյունքի միջև անանցանելի անդունդ կա...

— Ես ասում եմ... — խուլ քրթմնշաց Գրիգորին, — որ ոչինչ չեմ հասկանում... Ինձ համար դժվար է դրանից զուլիս

հանել... Մոլորվում եմ, ոնց որ թե տափաստանում, թիփի-
բորանի մեջ լինեմ...

— Դու դրանով շեռ պրծնի: Կյանքը կստիպի հասկանալ,
ու ոչ միայն կստիպի, այլև քեզ ուժով որևէ կողմ կբշի:

Այս խոսակցությունը տեղի ունեցավ հոկտեմբերի վեր-
ջերին: Իսկ նույնմեբերին Գրիգորին պատահմամբ հանդիպեց
մի ուրիշ կազակի, որը խոշոր դեր խաղաց Դոնի մարզում
հեղափոխության պատմության մեջ, — Գրիգորին հանդիպեց
Ֆյոդոր Պոդտյոկովին, ու կարճատև տատանումներից հետո
նրա հոգու մեջ վերստին գերակշռեց առաջվա ճշմարտու-
թյունը:

Այդ օրը կեսօրից ձյունախառն մանր անձրև էր մաղում:
Իրկինադեմին եղանակը պարզեց, ու Գրիգորին որոշեց գնալ
28-րդ գնդի փոխ-խորունժիի, կազակ Դրոզդովի բնակարանը:
Կես ժամից հետո նա արդեն Դրոզդովի բնակարանի դռան
առաջ սապոզներն էր սրբում փոռոցին քսելով, ծեծում էր դու-
ռը: Սենյակում, ուր լզարիկ ֆիկուսներ ու հնամաշ կարասի-
ներ էին դրված, բացի տանտիրոջից, սպայական ծալովի
մահճակալի վրա, մեջքը դեպի պատուհանը դարձրած, նստել
էր ամբակազմ մի կազակ՝ զվարդիական մարտկոցի վախ-
միստրի ուսադիրներով: Մեջքը կորացած, նա լայն տարածել
էր ոտները սև մահուդե շալվարով, կլոր ու լայն ծնկների վրա
դրել նույնպես լայն, շիկամազ ձեռները: Վերնաշապիկը քիպ
նստել էր նրա կողերին, փոթել թևատակերին, քիչ էր մնում
պատուվեր լայն և ուռուցիկ կրծքի վրա: Լսելով դռան ճոռոցը,
նա շուտ տվեց կարճ, պարարտ վիզը, սառն հայացքով նայեց
Գրիգորիին և մի փոքր ուռած կոպերի տակ, նեղ ակնակա-
պիճներում թաղեց բիբերի պ:սղ լույսը:

— Մանոթվեցեք: Սա, Գրիշա, համարյա մեր գրկիցն է,
ուստիսոպերցի է, Պոդտյոկովը:

Գրիգորին ու Պոդտյոկովը լուռ սեղմեցին միմյանց ձեռ-
ները: Գրիգորին նստեց, ժպտաց տանտիրոջը:

— Ես կեղտոտեցի հատակը, հո չե՞ս բարկանա:

— Չէ՛, մի վախենա: Տանտիրուհին կարբի... Թեյ կխմե՞ս:
Տանտերը, որ ցածրահասակ էր, ձկան պես արագաշարժ,
ժխելուց դեղնած, օխրայի գույնի մատով թեթև շոշափեց ինք-
նանոր, ափսոսանքով ասաց.

— Մառն պիտի խմես:

— Ես չեմ ուզում: Մի՛ անհանգստանա:

Գրիգորին ծխախոտ առաջարկեց Պոդտյոկովին: Սա իր
հաստիկ, կարմիր մատներով երկար փորձեց հանել պինդ
դարսված սիգարներից մեկը. շփոթմունքից կարմրելով,
սրտնեղությամբ ասաց.

— Չեմ կարողանում վերցնել... փո՛ւ, անիծված:

Վերջապես, նա սիգարը գլորելով դուրս բերեց ծխախոտա-
տուփի կափարիչի վրա, ժպտալուց կկոցված և դրանից է՛լ
ավելի փոքրացած աչքերը դարձրեց Գրիգորիի վրա: Գրիգո-
րիին դուր եկավ նրա անբռնադատ վարվելաձևը, նա հարց-
րեց.

— Ո՞ր խուտորից եք:

— Մնվել եմ Կրուտովսկում, — հաճույքով խոսել սկսեց
Պոդտյոկովը, — այնտեղ եմ մեծացել, իսկ վերջին ժամա-
նակներս ապրում էի Ուստ-Կլինովսկում: Կրուտովսկին դուք
հո գիտեք, երևի լսած կլինես, չէ՞: Համարյա Ելանսկայայի
սահմանի կողքին է: Պլեշակովսկի խուտորը գիտե՞ս: Նրանից
դենը Մատվենն է ու մեր ստանիցայի կողքին Տյուկովնովսկի
խուտորն է, հետո էլ մեր խուտորներն են, որտեղ ես ծնվել
եմ, — Վերին և Ներքին Կրուտովսկին:

Խոսակցության ժամանակ նա Գրիգորիին մերթ «դու» էր
ասում, մերթ «դուք», խոսում էր ազատ, ու մի անգամ, արդեն
իրեն ընտելացած զգալով նույնիսկ շոշափեց Գրիգորիի ուսն
իր ծանր ձեռքով: Նրա մեծ, մի քիչ շեշտ, մաքուր սափրված
գեմքի վրա պլպլում էին խնամքով ոլորված բեղերը, թաց
մազերը սանրված էին, փոքրիկ ականջների մոտ խճճված,
ձախ կողմից մի քիչ խոպոպված: Նա հաճելի տպավորությու-
ն կթողներ, եթե քիթը մեծ և մի փոքր տնկված չլիներ: Առաջին
հայացքից նրա աչքերում ոչ մի արտասովոր բան չկար, բայց
Գրիգորին, մոտիկից դիտելով, համարյա զգաց դրանց կա-
պարե ծանրությունը: Լինելով մանր, նմանվելով կարտեշի,
դրանք փայլում էին նեղ խոռոչներից՝ ինչպես հրակնատնե-
րից, գետնին խոնարհեցնում հանդիպական հայացքը, ծա-
նրը տաղտուկ համառությամբ կենտրոնանում մի կետի վրա:

Գրիգորին հետաքրքրությամբ նայում էր նրան, նշում
բնորոշ մի գիծ. Պոդտյոկովը համարյա չէր թարթում աչքե-

րը, խոսակցի իր մոտայլ հայացքը հառում էր խոսակցի վրա, նայում մերթ այս ու մերթ այն առարկային, ըստ որում, նրա կարճլիկ, արևավառ արտևանունքները շարունակ իջած ու անշարժ էին լինում: Միայն երբեմն նա իջեցնում էր ուռած կոպիտը ու նորից թափով բարձրացնում, նշան բռնում աչքերի նետերով, հարևանցիորեն դիտում ամբողջ շրջապատը:

— Հետաքրքիր բան է, տղերք,— ասաց Գրիգորին՝ դիմելով տանտիրոջը և Պողոտյուկովին,— պատերազմը կվերջանա, ու մենք կապրենք նոր կյանքով: Ուկրաինայում կկառավարի Ռադան¹, մեզ մոտ — կազակ ներկայացուցիչներին ժողովը:

— Ատաման Կալեդինը,— ցածր ձայնով ուղղեց Պողոտյուկովը:

— Միևնույն է: Ի՞նչ տարբերություն:

— Տարբերություն չկա,— համաձայնեց Պողոտյուկովը:

— Մենք հիմի խոնարհաբար մնաս բարով ենք ասում մայր-Ռուսաստանին,— կրկնում էր Գրիգորին Իզվարինի ասածները՝ ցանկանալով իմանալ, թե դրան ինչպես կվերաբերվեն Գրոզդովը և գվարդիական մարտկոցի այդ հսկան,— կլինեն մեր կարգերը, մեր իշխանությունը: Խախտնե՞րին կթըշենք կազակական հողից, կտարածենք մեր սահմանները, ու ոչ ոք չի համարձակվի մոտենալ: Կապրենք այնպես, ինչպես հնում ապրել են մեր պապերը: Ես կարծում եմ, որ ռևոլյուցիան ձեռնտու է մեզ համար: Դու ի՞նչ ես ասում, Գրոզդով: Տանտերը ժպտաց, մարմնի աշխույժ շարժումներ կատարեց:

— Իհարկե, ավելի լավ կլինի: Մուժիկները տարան մեր ուժը, մեզ օր շին տալիս: Հեշ շես հասկանա, թե ինչ բան է,— նշանակված բոլոր ատամանները ինչ-որ գերմանացիներ

¹ Ռադա — Ուկրաինական (կենտրոնական) ռադա — Ուկրաինայի նացիոնալիստական կոնտրակոլուցիոն բուրժուազիայի գործադիր օրգան, որը կազմվեց 1917 թ. ապրիլի 6-ին: 1918 թ. հունվարի վերջին ապստամբած բանվորներն ու գյուղացիները արտաքսեցին Ռադան, որը օկուպանտների պինված ուժերի օգնությամբ վերադարձավ Ուկրաինա և հենց կալվածատերերը, կուլակները և օկուպանտները այն լիկվիդացրին 1918 թ. ապրիլի 29-ին, այն պահին, երբ կոնտրակոլուցիային ավելի հաստատուն իշխանություն էր հարկավոր:

են,— էլ ֆոն Բաուբե, էլ ֆոն Գրաբեն ու դրանց նմանները: Բոլոր հողերը կտրեցին-տվին այդ շտաբ-օֆիցերներին... Հիմի գոն շունչ կքաշենք:

— Բա Ռուսաստանը կհաշտվի՞ դրա հետ,— ոչ ոքի չդիմելով՝ կամացուկ հարցրեց Պողոտյուկովը:

— Իհարկե կհաշտվի,— հավատացրեց Գրիգորին:

— Ու միևնույն բանը կլինի... Նույն բորշը, ամա ավելի շրիկ:

— Ո՞նց թե:

— Շա՛տ պարզ:— Պողոտյուկովը արագորեն խաղացրեց աչքերը, ուղիղ, ծանր մի հայացք նետեց Գրիգորիի վրա:— Ատամանները էլի կդադեն աշխատավոր ժողովրդին: Արի ու գլուխ ծոխ ամեն մի նորին բարեծննդության առաջ, իսկ նա կտա ու կջարդի քիթ ու մոռթոյ: էլի նույնը... Հիանալի կյանք... Քարը կախիր վզիցդ ու ընկիր յառից:

Գրիգորին վեր կացավ: Փոքրիկ սենյակում ետ ու առաջ քայլելով, մի քանի անգամ դիպավ Պողոտյուկովի շված ծնկներին. կանգ առավ նրա դիմաց, հարցրեց.

— Բա ո՞նց:

— Մինչև վերջ:

— Այսի՞նքն:

— Քանի որ գործը սկսել ենք, ուրեմն պետք է տանել մինչև վերջ: Քանի որ ռադ արեցինք ցարին ու կոնտրակոլուցիան, ուրեմն պետք է աշխատենք, որ իշխանությունն անցնի ժողովրդին: Իսկ ջո ասածները հեքիաթ են, երեխաների համար են: Հնում մեզ ցարերն էին ճնշում, հիմի էլ կճնշեն ուրիշները, թե փորձես ձեն հանել...

— Իսկ ջո կարծիքով ո՞նց պիտի լինի, Պողոտյուկով:

Ու Պողոտյուկովի ծանր հայացքը, նեղլիկ սենյակում ելք փնտրելով, դարձյալ սահեց դես ու դեն:

— Հարկավոր է ժողովրդական... ընտրովի իշխանություն: Թե որ գեներալների թաթի տակ ընկնես, էլի պատերազմ կլինի, իսկ դա մեզ հարկավոր չի: Չորս բոլորդ, աշխարհքով մեկ այնպիսի իշխանություն պիտի հաստատվի, որ ժողովրդին չճնշեն, պատերազմի չհանեն: Թե չէ՞ ի՞նչ դուրս կգա: Ճղված շալվարդ ինչքան կուզես շուռ տուր, դրանով ծակերը շին ծածկվի:— Ձեռները ուժգին զարկելով ծնկներին, Պող-

տյուրկովը ցասկոտ ժպտաց, բացեց մանր, պինդ նստած ատամները:— Մենք պետք է հեռու փախչենք հնից, թե չէ վզներիս այնպիսի լուծ կդնեն, որ ցարական լծից էլ վատ կլինի:

Գրիգորին ձեռքով օդի մեջ ասես ինչ-որ անորոշ բան բռնելով լարված հարցրեց.

— Հողը կտանք, հա՞: Բուրբին էլ մի-մի կտոր բաժի՞ն կհասնենք:

— Չէ՛... ինչի՞ համար,— ինքն իրեն կորցրեց ու կարծես շփոթվեց Պողոտյուկովը:— Հողից մենք չենք դիչի: Հողը կբաժանենք մեր, կազակների մեջ, կալվածատերերի հողն է՛լ կվերցնենք, իսկ մուծիկներին չի կարելի տալ: Շատը նրանցն է, քիչը՝ մերը: Որ բաժանեցիր, մեկ սովի ճանկը կգցեն:

— Բա մեզ ո՞վ է կառավարելու:

— Ինքներս,— աշխուժացավ Պողոտյուկովը:— Կհաստատենք մեր իշխանությունը, ու պրծավ-գնաց: Միայն թե հիմի մեր փորքաշը մի քիչ թուլացնեն, ու մենք կկարողանանք դեն գցել Կալեդիներին:

Կանգ առնելով քրտնակալած պատուհանի առաջ, Գրիգորին երկար դիտում էր փողոցը, երեխաներին, որոնք ինչ-որ սրամիտ խաղ էին խաղում, դիմացի տների թաց կտուրները, նախապարտեզի մերկ կաղամախու գորշ, դալուկ ճյուղերը, ու չէր լսում, թե ինչի մասին էին վիճում Գրոզդովն ու Պողոտյուկովը. տանջալից կերպով ջանում էր ըմբռնել խառնափնթոր մտքերը, ինչ-որ բան մտածել, որոշել:

Տասն ըոպեի շափ կանգնել էր նա, լուռ էր, ապակու վրա անունների սկզբնատուեր էր գծում: Դրսում, ցածրիկ տան կտուրի վրա մարմրում էր նախաձմեռային, թորշոմած, մայր մտնող արևը. կտուրի ժանգոտ կատարին ասես կողքի դըրված, նա բոսորագույն, տամուկ փայլ էր արձակում, թվում էր, թե հենց հիմա պոկ կգա ու կզլորվի կտուրի այս կամ մյուս կողմը: Քաղաքային այգուց թափվում էին անձրևով ծեծված, շորացած տերևները, ու թռչելով Ուկրաինայից, Լուգանսկից, կայարանով մեկ սրարշավում էր ժամ առ ժամ սաստկացող քամին:

Նովոչերկասկը ձգողության կենտրոն էր դարձել այն բոլոր մարդկանց համար, որոնք փախչում էին բուլշևիկյան հեղափոխությունից: Դոնի ստորին ավազանն էին գալիս ջոջ գեներալները, ռուսական քայքայված բանակի նախկին բախտատնօրենները՝ հույս դնելով ռեակցիոն կազակների օժանդակության վրա, մտադրվելով այդ պլացդարմից սկսել ու ծավալել հարձակումը սովետականացած Ռուսաստանի դեմ:

Նոյեմբերի 2-ին գեներալ Ալեքսեևը ռոտմիստր Շապրոնի ուղեկցությամբ ժամանեց Նովոչերկասկ: Բանակցելով Կալեդինի հետ, նա ձեռնամուխ եղավ կամավորական ջոկատների կազմակերպման: Հյուսիսից փախած սպաները, յունկերները, հարվածայինները, ռուսանոցները, զինվորների զորամասերի ապադասակարգայնացած տարրերը, կազակների թվին պատկանող ամենակտիվ հակահեղափոխականներն ու հենց սուր արկածներ և թեկուզ Կերենսկու դրամանիշներով բարձր ուճիկ փնտրողները կազմեցին ապագա Կամավորական բանակի կմախքը:

Նոյեմբերի վերջերին ժամանեցին գեներալներ Դենիկինը, Լուկոմսկին, Մարկովը, էրդելին: Այն ժամանակ Ալեքսեևի ջոկատներում արդեն կար ավելի քան հազար մարդ:

Դեկտեմբերի 6-ին Նովոչերկասկում երևաց Կոռնիլովը, որը ճանապարհին թողել էր իրեն ուղեկցող թեքինցիներին ու հաղուստը փոխած՝ հասել Դոնի սահմանները:

Կալեդինը, որ այն ժամանակ կարողացել էր դեպի Դոն բերել Ռումինական և Ավստրո-գերմանական ռազմաճակատներում եղած համարյա բոլոր կազակական գնդերը, դրանք դասավորեց Նովոչերկասկ — Չերտկով — Ռոստով — Տիխորեցկայա երկաթուղու վրա: Բայց կազակները, որոնք հոգնել էին եռամյա պատերազմից և հեղափոխական տրամադրություններ էին վերադարձել ռազմաճակատից, առանձնապես ցանկություն չունեին բուլշևիկների դեմ կռվելու: Գնդերի կազմում մնացել էր հեծյալների նորմալ քանակության համարյա մի երրորդ մասը: Առավելապես լրիվ պահպանված գնդերը, — 27-ը, 44-ը և 2-րդ պահեստի գունդը, — գտնվում էին Կամենսկայա ստանիցայում: Իր ժամանակին Պետրո-

գրադից այնտեղ էին ուղարկվել նաև լեյք-գվարդիայի Ատամանյան և լեյք-գվարդիայի Կազակական գնդերը: Ռազմա-ճակատից եկած 58-րդ, 52-րդ, 43-րդ, 28-րդ, 12-րդ, 29-րդ, 35-րդ, 10-րդ, 39-րդ, 23-րդ, 8-րդ և 14-րդ գնդերը և 6-րդ, 32-րդ, 28-րդ, 12-րդ և 13-րդ մարտկոցները տեղավորվել էին Չերտկովոյում, Միլլերովոյում, Լիխայայում, Գլուբոկայայում, Չվերևում, ինչպես նաև հանքարանների շրջանում: Խոպերի և Ուստ-Մեդվեդիցկու օկրուգների կազակներից բաղկացած գնդերը ժամանում էին Ֆիլոնովո, Ուրյուպինսկայա, Սերբյակովո կայարանները, միառժամանակ մնում էին այդ վայրերում, հետո ցրիվ էին գալիս:

Տիրաբար դեպի իրենց էին քաշում հայրենի խրճիթները, ու չկար մի այնպիսի ուժ, որը կարողանար կանգնեցնել կազակների տարերային հոսանքը դեպի տուն: Դոնի գնդերից միայն 1-ը, 4-ը և 14-ն էին գտնվում Պետրոգրադում, այն էլ երկար շմնացին այնտեղ:

Կալեդինը փորձում էր մի քանի, առանձնապես անհուսալի զորամասերը ցրել կամ մեկուսացնել առավելապես կայուն զորամասերով շրջապատելու միջոցով:

Նոյեմբերի վերջին, երբ նա առաջին անգամ փորձեց ճակատային զորամասերը տանել ռևոլյուցիոն Ռոստովի վրա, կազակները, մոտենալով Ակսայկայային, հրաժարվեցին հարձակման գնալուց, ետ դարձան: «Կարկատանային» ջոկատների լայն ծավալված կազմակերպումը տվեց իր հետևանքները. նոյեմբերի 27-ին Կալեդինը արդեն ի վիճակի էր գործելու կայուն, կամավորական ջոկատներով, ուժեր փոխառելով նաև Ալեքսեևից, որը այդ ժամանակ մի-երկու գումարտակ էր հավաքել:

Դեկտեմբերի 2-ին կամավորական զորամասերը կովով գրավեցին Ռոստովը: Կոռնիլովի ժամանելուց հետո կամավորական բանակի կազմակերպման կենտրոնը փոխադրվեց այնտեղ: Կալեդինը մենակ մնաց: Կազակական զորամասերը նա դասավորեց մարզի սահմանների վրա, շարժեց դեպի Ցարիցին և Սարատովի նահանգի սահմանը, բայց շուտափույթ լուծում պահանջող, ակտուալ խնդիրների համար գործի էր դնում միայն սպայական-պարտիզանական ջոկատները:

միայն դրանց վրա կարող էին հենվել օրեցօր խարխուլող, անզոր կազակական իշխանությունը:

Դոնեցի հանքափորներին խաղաղացնելու համար նոր հավաքազրված ջոկատներ ուղարկվեցին: Մակեևկայի շրջանում շահատակում էր յասավուլ Չերնեցովը, այնտեղ էին գտնվում նաև 58-րդ կազակական կանոնավոր գնդի զորամասերը: Նովոչերկասկում հապճեպ կազմվեցին Սեմիլետովի, Գրեկովի ջոկատները, այլևայլ գուգազներ. Նյուսիսում, Խոպերի օկրուգում սպաններից ու պարտիզաններից կազմվեց այսպես կոչված՝ «Ստենկա Ռազինի» ջոկատը: Բայց կարմիրգվարդիականների զորասյունները արդեն երեք կողմից մոտենում էին մարզին: Խարկովում, Վորոնեժում արդեն ուժեր էին կուտակվում հարված տալու համար: Դոնի վրա սև ամպեր էին հավաքվում, խտանում: Քամիները Ուկրաինայից արդեն բերում էին առաջին մարտերի թնդանոթային որոտմունքը: Ահավոր օրեր էին սպասում մարզին: Վրա էր հասնում շոնդալից ժամանակը:

IV

Նովոչերկասկի վրա դանդաղ սահում էին դեղնավուն-սպիտակ, մակույկների պես ուռուցիկ ամպերը: Բարձր, ամպերից վեր, լազուրում, հենց եկեղեցու շողուն գմբեթի վերևում անշարժ կախվել էր փետրավոր մի ամպի գանգուր կարակուլը, նրա երկար պոչը իջնում էր ալեձև ու վարդագույն-արծաթավուն ցուլք էր սփռել հեռու-հեռվում, Կրիվյանսկայա կայարանի վրա:

Մագել էր դալուկ արևը, բայց ատամանի պալատի լուսամուտները, արտացոլելով այն, վառ առկայծում էին: Փայլում էին տների երկաթե թեք կտուրները, նախորդ օրվա անձրևի թացությունը դեռ իր վրա պահում էր բրոնզե ծրմակը, որը դեպի Նյուսիս էր պարզել սիբիրյան թագը:

Կրեշչենսկի վերելքով բարձրանում էր հետիոտն կազակների մի դասակ: Արևը թույլ անդրադառնում էր նրանց հրացանների սվինների վրա: Առավոտի անդորր լուսթյան մեջ, որը խախտում էին հատուկենտ, հետիոտն անցորդները և

կառքերի թկթկոցները, հաղիվ էր լսվում կազակների համա-
չափ քայլվածքը:

Այդ առավոտ Իլյա Բունչուկը Մոսկվայի գնացքով ժամա-
նեց Նովոչերկասկ: Նա վերջինը դուրս եկավ վագոնից՝ ծած-
կելով աշնանային, հնամաշ վերարկուի փեշերը, քաղաքա-
ցիական հագուստի մեջ իրեն զգալով անհարմար ու ան-
ընտել:

Կառամատույցում քայլում էին մի ժանդարմ և ինչ-որ
առիթով քրքջացող երկու շահել աղջիկ: Բունչուկը մտավ քա-
ղաք. էժան, քրքրված ճամպրուկը պահել էր թևատակին: Ամ-
բողջ ճանապարհին, մինչև ծայրամասի փողոցը մարդիկ հա-
մարյա չէին հանդիպում: Բունչուկը շեղակի ճանապարհներով
անցավ քաղաքը, կես ժամից հետո կանգ առավ մի փոքրիկ,
կիսավեր տնակի առաջ: Վաղուց շնորոգված այդ տնակը
ողորմելի տեսք ուներ: Ժամանակն իր թաթն էր դրել նրա
վրա, ու այդ թաթի ծանրությունից նստել, փոս էր ընկել
կտուրը. ծովել էին պատերը. կախ էին ընկել փեղկերը, ան-
ճոռնի կերպով ծոմովել պատահանները: Բանալով բակի
դուռը, Բունչուկը անհանգստությամբ դիտեց տնակը և նեղ
բակը, քայլեց դեպի տան մուտքը:

Փոքրիկ, նեղ միջանցքի կեսը բռնել էր զանազան շուկ ու
փալասով լցված մի սնդուկ: Բունչուկը մթության մեջ ծունկը
խփեց սնդուկի անկյան, առանց ցավ զգալու բացեց դուռը:
Առջևի ցածրիկ սենյակում ոչ ոք չկար: Նա անցավ երկրորդ
սենյակը, ու այնտեղ էլ ոչ ոքի չգտնելով, կանգնեց շեմքի
վրա: Նրա զլուխը շմեց շափազանց ծանոթ հոտից, որ հա-
տուկ էր միայն այդ տանը: Մի հայացքով ընդգրկեց ամբողջ
կահավորությունը. ծանրանիստ սրբապատկերներ օթախի
առջևի անկյունում, մի մահճակալ, մի սեղան, դրա վերևում՝
հնությունից բծավորված մի հայելի, լուսանկարներ, մի քա-
նի հնամաշ, վիհենական աթոռ, կարի մեքենա, թախտի վրա՝
երկար գործածությունից գույնը թափած մի ինքնահո: Հան-
կարծակի և արագ բաբախող սրտով, բերանով օդ ներշնչե-
լով, — ասես խեղդվելիս լինեիր, — Բունչուկը շուռ եկավ. վար
զցեց ճամպրուկը, դիտեց խոհանոցը. առաջվա պես հաճե-
լիորեն կանային էր տալիս ֆուքսինով ներկված, ուռուցիկ
վառարանը, կապույտ, շիթ վարագույրի տակից նայում էր

քավթառ, խայտարեղես կատուն. նրա աչքերը իմաստավոր-
ված, գրեթե մարդկային հետաքրքրություն էին արտահայ-
տում. երևում էր, որ հազվադեպ էին այցելուները: Սեղանի
վրա խառնիխուռն ընկած էին անլվա ամանները, դրա կող-
քին, տաբուրետի վրա դրված էր բրդից մանած թելի մի
կծիկ, պսպղում էին գործելու ճաղերը, որոնք շորս տեղից
խրված էին կիսատ թողած գուլպայի ճիտքի մեջ:

Ութ տարվա ընթացքում այստեղ ոչինչ չէր փոխվել: Բուն-
չուկը ասես երեկ էր գնացել այստեղից: Նա դուրս վազեց:
Բակի ծայրում գտնվող մարագի դռնից դուրս եկավ կուզիկ,
կյանքից ու ապրումներից կորացած մի պառավ: «Մայ-
րի՛կ... Օ՛, մի՞թե նա է...» Բունչուկը դողող շուրթերով նետ-
վեց դեպի պառավը: Գլխից պոկեց փափախը, ճխտեց
բռունցքով:

— Դուք ո՞ւմ եք ուզում, ո՞ւմ, — անհանգիստ հարցրեց
պառավը՝ ձեռքը տանելով խամրած հոնքերին, անշարժ
կանգնած:

— Մայրի՛կ... — խուլ հեծկտաց Բունչուկը, — մի՞թե
չես ճանաչում, հը՞...

Սայթաքելով, նա քայլեց դեպի մայրը, տեսավ, թե ինչ-
պես վերջինս ցնցվեց նրա կանչից, ասես հարվածից, — ըստ
երևույթին ուզում էր վազել, բայց ուժերը դավաճանեցին, և
պառավը քայլեց օրորվելով, կարծես հաղթահարելով քամու
դիմադրությունը: Բունչուկը նրան գրկեց, երբ պառավն ար-
դեն ընկնում էր, սկսեց համբուրել նրա փոքրիկ, խորշումած
դեմքը, վախից ու անհուն բերկրանքից մթնած աչքերը, հա-
ճախակի ու շվարած թարթեց իր աչքերը:

— Իլյո՛ւշա... Իլյո՛ւշենկա... Զավա՛կս, չճանաչեցի...
Տեր աստված, ո՞րտեղից եկար... — շնչում էր պառավը՝
փորձելով շտկվել ու կանգնել թուլացած ոտների վրա:

Նրանք մտան տուն: Եվ միայն այստեղ, իր ապրած խոր
հուզման բուպեններից հետո, Բունչուկը վերստին զգաց, որ
նեղվում է ուրիշի վերարկուից. վերարկուն նեղ էր, սեղմում
էր թևատակերը. դժվարացնում յուրաքանչյուր շարժումը: Նա
հանեց վերարկուն, թեթևացած նստեց սեղանի մոտ:

— Կարծում էի, թե քեզ էլ կենդանի չեմ տեսնի... Քանի՞

տարի է, որ չկայիր: Ազի՛ց բալա: Ո՞նց ճանաչեի քեզ, երբ դու այդքան մեծացել ես, ծերացել:

— Դե ասա, ի՞նչպես ես ապրում, մայրիկ,— ժպտալով հարցրեց Բունչուկը:

Շփոթությամբ պատմելով իր կյանքի մասին, պառավը դես-դեն էր ընկնում. սեղան էր գցում, ինքնաեռի մեջ ածուխ լցնում, և արցունքներն ու ածխամրուրը քսելով լացակումած դեմքին, հաճախակի մոտենում էր որդուն, շոյում նրա ձեռները, դողում, սեղմվում նրա ուսին: Պառավը ջուր տաքացրեց, լվաց որդու զուգը, սնդուկի հատակից հանեց հնությունից դեղնած մաքուր սպիտակեղենը, կերակրեց հարազատ հյուրին ու նստեց մինչև կեսգիշեր, աչքերը հառել էր որդու վրա, հարցեր տալիս, տխրությամբ օրորում զուգը:

Մոտակա զանգակատան վրա խփեց ժամի երկուսը՝ երբ Բունչուկը պառկեց քնելու: Նա միանգամից քուն մտավ, մոռացավ ներկան. նրան թվում էր, թե ինքը, արհեստավորական դպրոցի փոքրիկ, շարաճճի մի աշակերտ, երկար վազվրզելուց հետո պառկել է, քուն է մտնում, իսկ մայրը ահաբաց է անում խոհանոցի դուռը, խիստ տոնով հարցնում՝ «Իլյուշա, սովորե՞լ ես վաղվա դասերդ»: այդպես էլ քնեց լարված-բերկրալի ժպիտը դեմքին:

Մինչև լուսաբաց մայրը մի քանի անգամ մոտենում էր նրան, շտկում վերմակը, բարձը, համբուրում լայն ճակատը, որի վրա շեղակի ընկել էր շեկ մազերի մի փունջ, և ապա հեռանում անլսելի քայլերով:

Մեկ օրից հետո Բունչուկը մեկնեց: Առավոտյան նրա մոտ եկավ զինվորի շինել հագած և բոլորովին նոր ու պաշտպանական գույնի զլխարկ դրած ընկերը, ցածր ձայնով ինչ-որ բան ասաց նրան, ու Բունչուկն անհանգստացավ, արագ հավաքեց ճամպրուկը, մոր լվացած մի զույգ սպիտակեղենը դրեց դրա մեջ եղած իրերի վրա, հագավ վերարկուն՝ հիվանդագահին կնճռոտելով դեմքը: Հուզված, հապճեպորեն հրածեղատվեց մորը, խոստացավ գալ մի ամսից հետո:

— Ո՞ր ես գնում, Իլյուշա:

— Ռոստով, մայրիկ, Ռոստով: Շուտով կգամ... Դու... դու դարդ մի՛ արա, մայրիկ,— սիրտ էր տալիս նա պառավին: Վերջինս շտապելով հանեց կրծքի փոքրիկ խաչը, ու

համբուրելով որդուն, խաչակնքելով նրան, խաչը կախեց նրա պարանոցից, անցկացրեց օձիքի տակ, իսկ մատները դողում էին, մատները սառն էին:

— Պահիր կրծքիդ, Իլյուշա, սա սուրը նիկոլայ Միլիկեցունն է: Ո՛վ սուրբ, զթառատ, պաշտպանիր ու փրկիր որդուս... Սա իմ մինուճար զավակն է...— շշնջում էր պառավը, լացակումած աչքերը սեղմում խաչին:

Բուռն հուզմամբ գրկելով որդուն, մայրը կորցրեց ինքն իրեն, շարժման անկյունները դողացրին, գառնորեն ներքև սահեցին: Գարնան անձրևի կաթիլները պես մեկիկ-մեկիկ արցունքներ ընկան Բունչուկի մազոտ ձեռքին: Նա իր պարանոցից անջատեց մոր ձեռքերը, պոկվեց նրանից ու մոայլադեմ դուրս վազեց:

Ռոստովի կայարանի շենքը լեփ-լեցուն է մարդկանցով: Հատուկը ծածկված է ծխախոտի մնացորդների, արևածաղկի կճեպի հաստ շեքառով: Կայարանի հրապարակում կայազորի զինվորները պետական հագուստեղեն, ծխախոտ, գողացված իրեր են ծախում: Դանդաղ շարժվում, դժժում է բազմացող ամբոխը, որ սովորական է հարավային առափնյա քաղաքների մեծամասնության համար:

— Ասմոլովի-ի՛-ի, Ասմոլովի բաց պապիրո-ո՛-ոս,— ձվում է ծխախոտ վաճառող մի տղա:

— էժա՛ն կտամ, պարոն քաղաքացի...— Բունչուկի հենց ականջին թաքուն շշնջաց կասկածելի տեսք ունեցող ինչ-որ արևելյան տիպի մի մարդ ու աչքով ցույց տվեց իր շինելի ուռած փեշը:

— Բոված սեմիշկա՛, ա՛յ լավ սեմիշկա,— կշկան ձայներով կանչում են շենքի մուտքի առջև կանգնած աղջիկներն ու կանայք:

Սևծովյան վեց նավաստի բարձր խոսակցելով, քրքջալով, անցան ամբոխի միջից: Նրանց վրա — տոնական տարազ, ժապավեններ, ոսկեփայլ կոճակներ, լայնատուտ, ցեխոտված շալվարներ: Մարդիկ հարգանքով ճանապարհ էին բաց անում նրանց առաջ:

Բունչուկը քայլում էր, դանդաղորեն ճեղքելով ամբոխը:

— Ոսկի՞ է, հա՞: Զահրումար է: Կե՛ղծ է քո օսկին... բա

ես չե՞մ տեսնում, ինչ է,— ժաղրանքով ասում էր առդիտ-
հեռագրիչների խմբի մի զինվոր:

Թափահարելով կասկածելի, ծանրաքաշ ոսկե մի շղթա:
վաճառողը ցասկոտ բռռում էր նրա վրա:

— Ի՞նչ ես տեսնում, է՞... Ոսկի է, մաքուր ոսկի, լա՛վ
իմանաս, մի հաշտարար դատավորից նմ առել... Գե կորի
գնա, է՛, քրջոտի մեկը: Ուզում ես իմանալ, թե ինչ հանգի
ոսկի է, հա՞-ա... ա՛ռ քեզ...

— Նավատորմիդը չի գնա... Ինչո՞ւ հիմարություններ
դուրս տալ,— լսվեց մոտիկից:

— Ինչո՞ւ չի գնա:

— Թիրթիրում, այնտեղ...

— Է՛յ, ճուտիկ, բեր այստեղ:

— Մենք հինգերորդ համարին ձայն տվինք: Ուրիշ կերպ
չի կարելի. հաշիվ չէ...

— Համով մամալիգա՛: Գնա՛ց-չմնաց: Ինչքա՞ն տամ:

— Էշելոնի պետը խոսք տվեց, որ էգուց կգնանք:

Բունչուկը գտավ կուսակցության կոմիտեի շենքը, սան-
դուղքով բարձրացավ երկրորդ հարկ: Նրա դեմը կտրեց մի
բանվոր-կարմիրզվարդիական, որ զինված էր ճապոնական
հրացանով, ծայրին դաշույնի պես սվին:

— Ո՞ւմ եք ուզում, ընկեր:

— Ընկեր Աբրամսոնին: Այստե՞ղ է նա:

— Չախ կողմից երրորդ սենյակը:

Ցածրահասակ, քթեղ, բզեզի սևությամբ մի մարդ, ձայն
ձեռքի մատները սերթուկի ծոցը դրած. աջը մեթոդիկորեն
թափահարելով, կշտամբում էր խոսակցին,— տարեց մի
երկաթուղայինի:

— Այդպես չի՛ կարելի: Եվ դա կազմակերպություն չէ:
Ազիտացիայի այդպիսի ձևերով դուք հակառակ հետևանքնե-
րի կհասնեք:

Դատելով երկաթուղայինի դեմքի շփոթված, մեղավոր ար-
տահայտությունից, նա ուզում էր ինչ-որ բան ասել, արդա-
րանալ, բայց բզեզի պես սև գլխով մարդը շէր թողնում, որ
նա բերանը բաց անի. այդ մարդը, ըստ երևույթին չափա-

զանց ջղայնացած լինելով, բղավում էր՝ չցանկանալով լսել
խոսակցին ու խուսափելով նրա հայացքից.

— Անմիջապես աշխատանքից հեռացրեք Միտչենկոյին:
Մենք չենք կարող անտարբեր դիտել այն, ինչ որ կատար-
վում է ձեզ մոտ: Վերխոցկին պատասխանատու կլինի ռե-
լյուցիոն դատարանի առաջ: Նա ձերբակալվա՞ծ է, հա՞... Ես
պետք է պնդեմ, որ նրան գնդակահարեն,— խոսքը կտրուկ
վերջացրեց նա և բորբոքված դեմքը դարձրեց դեպի Բուն-
չուկը. դեռ վերջնականապես չհանգստացած, խիստ տոնով
հարցրեց.— դուք ի՞նչ էիք ուզում:

— Աբրամսոնը դո՞ւք եք:

— Այո:

Բունչուկը նրան տվեց իր փաստաթղթերը և Պետրոգրադի
պմենապատասխանատու ընկերներից մեկի նամակը, նստեց
մոտակա լուսամուտի զոգին:

Աբրամսոնը ուշադրությամբ կարդաց նամակը, մոռյլ
ժպտալով (նա իրեն անհարմար զգաց իր ցասկոտ քղափոցի
համար), խնդրեց.

— Մի քիչ սպասեք, հիմա կխոսենք:

Նա բաց թողեց շվարած երկաթուղայինին: դուրս ելավ,
մի րոպեից հետո բերեց սափրված մի զինվորականի, որի
ստորին ձեռտի վրա թրով կտրած վերքի կապտավուն հետք
էր երևում և որը կադրային սպայի կեցվածք ուներ:

— Սա մեր ազմա-ռեոլյուցիոն կոմիտեի անդամ է: Ծա-
նոթացեք: Դուք, ընկեր... Ներեցեք, ես մոռացա ձեր ազ-
գանունը:

— Բունչուկ:

— ... ընկեր Բունչուկ... դուք կարծես մասնագիտությամբ
գնդացրո՞րդ եք:

— Այո՛:

— Ի՞նչ էլ հենց այդ է հարկավոր,— ժպտաց զինվորա-
կանը:

Ժայիտից մի փոքր կարմրեց նրա ամբողջ սպին, ականջի
ծայրից մինչև կզակը:

— Դուք կարո՞ղ եք հնարավորին չափ կարճ ժամկետում
կարմիրզվարդիական բանվորներից գնդացրային խումբ կազ-
մակերպել,— հարցրեց Աբրամսոնը:

¹ Մամալիգա — եփպտացորենի շիլա: (Մ. Բ.):

— Կաշխատեմ: Ժամանակի խնդիր է:

— Կա՛վ, որքա՞ն ժամանակ է հարկավոր ձեզ: Մի շաբաթ, երկու՞, երե՞ք,— թեքվելով դեպի Բունչուկը, հարցրեց զինվորականը ու պարզ, սպասողաբար ժպտաց:

— Մի քանի օր:

— Հրաշալի՛:

Արբամսունը սրբեց ճակատը, մի քիչ շղայնոտ տոնով ասաց.

— Կայազորի զորամասերը չափազանց բարոյալքված են, նրանք ոեալ արժեք չունեն: Կարծում եմ, ընկեր Բունչուկ, որ մեզ մոտ, ինչպես և ամենուրեք, մեր հույսը բանվորների վրա է: Մովսիսները հուսալի են, իսկ զինվորները... Դրա համար էլ, գիտե՞ք, ուզում էինք ունենալ մեր գնդացրորդները:— Նրա մորուքի սև-կապտավուն օղակները շարժվեցին, նա մտահոգված հարցրեց.— նյութական ապահովության կողմից ո՞նց եք. լա՛վ, մենք այդ մասին կհոգանք: Այսօր ճաշե՛լ եք: Դեհ, իհարկե ոչ:

«Այդ որքա՞ն ես դու քաղցած մնացել, բարեկամ, որ կուշտին մի հայացքով տարբերում ես քաղցածից, և որքան վիշտ կամ սարսափ ես ապրել, որ այդպես ճերմակել է մազերիդ մի փունջը»,— հուզումնալի փաղաքշանքով մտածեց Բունչուկը՝ նայելով Արբամսունի սևահեր գլխին, որի աջ կողմում կար բոլորովին սպիտակած մի մազափունջ: Եվ արդեն իրեն ուղեկցող մի մարդու հետ Արբամսունի բնակարանը գնալիս Բունչուկը նրա մասին շարունակ մտածում էր. «Ի՞նչ լավ մարդ է, իսկական բոլշևիկ է: Նրա մեջ կա անողորմ խստություն, ու միևնույն ժամանակ պահպանվել է լավը, մարդկայինը: Նա առանց վարանելու մահվան պատիժ է տալիս ինչ-որ սաբոտաժնիկ Վերխոցկուն, ու միևնույն ժամանակ գիտե՞ս պահպանել ընկերոջը և հոգալ նրա մասին»:

Ամբողջովին գտնվելով Արբամսունի հետ ունեցած հանդիպումի ջերմ տպավորության տակ, հասավ նրա բնակարանը, որ գտնվում էր Տագանրոգսկի պողոտայի ժայրում, հանգրստացավ մի փոքրիկ, գրեթե լեցուն սենյակում, ճաշեց, Արբամսունի երկտողը տվեց տանտիրուհուն, պառկեց մահճակալի վրա: Հետո շէր հիշում, թե ինչպես քնեց:

Չորս օրվա ընթացքում, առավոտից մինչև երեկո Բունչուկը պարապում էր բանվորների հետ, որոնք պարտիայի կոմիտեի կողմից ուղարկված էին նրա տրամադրության տակ: Նրանք տասնվեց հոգի էին: Տարբեր պրոֆեսիաների, տարբեր հասակի և նույնիսկ տարբեր ազգությունների մարդիկ էին. երկու բեռնող բանվոր, ուկրաինացի-պոլտավացի եվլիիչկոն և ռուսացած հույն Միխալիդին, գրաշար Ստեփանովը, ութ մետաղագործ, Պարամոնովի հանքարանի բրիչ Զելենկովը, լղար հացթուխ հայ Գևորգյանցը, ռուսական գերմանացիներից որակյալ փականագործ Իոհանն Ռերինդերը, դեպոյի երկու բանվոր, ու տասնութերորդ ուղեգիրն էլ բերեց մի կին՝ զինվորի բամբակաբաճկոնով ու ոտներին անհամապատասխան, մեծ սապոգներով:

Նրանից ընդունելով մի փակ ծրար, շկոահելով նրա գալու նպատակը, Բունչուկը հարցրեց.

— Դուք վերադառնալիս կարո՞ղ եք մտնել շտաբ:

Կինը ժպտաց, շփոթվելով ուղղեց լայն փոված մազերը, որոնք լաշակի տակից դուրս էին թափվել, ու անհամարձակ ասաց.

— Ես ուղարկված եմ ձեզ մոտ...— և հաղթահարելով բողբոջական շփոթմունքը, կակազելով, ավելացրեց.— իբրև գնդացրորդ:

Բունչուկը թունդ կարմրեց:

— Գժվե՞լ են նրանք, ինչ է: Իմ խումբը հո կանանց գումարտակ չի՞... Դուք ներեցեք, բայց ձեզ համար անհարմար է այս գործը. ծանր աշխատանք է, տղամարդու ուժ է հարկավոր... Սա ի՞նչ բան է... Ոչ, ես չեմ կարող ձեզ ընդունել: Հոնքերը կիտելով, Բունչուկը բացեց ծրարը, արագ կարգաց ուղեգիրը, որի մեջ կարճ ասված էր, թե նրա տրամադրության տակ և ուղարկվում պարտիայի անդամ ընկ. Աննա Պոգուդկոն, ու մի քանի անգամ կարդաց Արբամսունի գրությունը, որ կցված էր ուղեգրին:

Թանկագին ընկ. Բունչուկ.

Ձեզ մոտ ենք ուղարկում լավ ընկեր Աննա Պոգուդկոյին:

Մենք զիջեցինք նրա ջերմ թախանձանքներին և ուղարկելով նրան, հուսով ենք, որ Դուք նրան մարտական գնդացրորդ կդարձնեք: Ես ճանաչում եմ այդ աղջկան: Նրան ջերմորեն հանձնարարելով Ձեզ, խնդրում եմ մի բան. նա արժեքավոր աշխատող է, բայց տաքարյուն է, մի քիչ խանդավառ (դեռ տարված է ջահելության հովերով), շթողնեք, որ նա անմիտ քայլեր անի, պահպանեցեք նրան:

Ձեզ մոտ ցեմենտող կազմը, կորիզը, անկասկած, այդ ութ հոգի մետաղագործներն են. նրանցից առանձնապես ուշագրավ է ընկ. Բոգոլոյը: Ծատ գուրծունյա և ռեկլուցիային նվիրված ընկեր է: Ձեր գնդացրային ջոկատն իր կազմով ինտերնացիոնալ է, — այդ լավ է. մարտունակ կլինի:

Արագացրեք ուսուցումը: Տեղեկություններ կան, որ իբր թե Կալեդինը մեր դեմ արշավանքի է պատրաստվում:

Ընկ. ողջունով՝ Ս. Աբրամսոն

Բունչուկը նայեց իր առջև կանգնած աղջկան (նրանք գտնվում էին Մոսկովսկայա փողոցի տներից մեկի գետնահարկում, որտեղ տեղի էր ունենում ուսուցումը): Ժլատ լուսւսը ստվերել էր կնոջ դեմքը, պարզ շեր ցույց տալիս դիմագծերը:

— Էհ, ի՞նչ արած, — անսիրալիր ասաց Բունչուկը, — եթե այդ ձե՛ր իսկ ցանկությունն է... Աբրամսոնն էլ ահա խնդրում է... Մնացեք:

Բոլոր կողմերից խիստ շրջապատում էին երախը բաց «մաքսիմ» գնդացիքը, ողկույզների նման կախվում դրա վրա, հենվում առջևինների մեջքերին, ազահ հետաքրքրություններ վառվող աչքերով հետևում, թե ինչպես Բունչուկի հմուտ ձեռներով գնդացիքը հեշտություններ մասերի էր բաժանվում: Բունչուկը վարժ, դիտմամբ դանդաղ շարժումներով նորից հավաքում էր այն. բացատրում առանձին մասերի կառուցվածքը և դերը, սովորեցնում գնդացրի հետ վարվելու եղանակները, ցույց էր տալիս նշանառության, նշանոցի կանոնները, բացատրում, թե ինչ շահով է գնդակը խոտորվում

հետադժից, բացատրում գնդակի թուխքի առավելագույն հասողությունը: Սովորեցնում էր, թե ինչպես պետք է տեղավորվել կովի ժամանակ, հակառակորդի կրակի տակ հարվածի շնթարկվելու համար. ինքը պառկում էր վահանակի տակ, որի պաշտպանական ներկը տեղ-տեղ թափվել էր, ասում էր, թե ինչ առավելություն ունի տեղի հաջող ընտրությունը, ինչպես պետք է տեղավորել ժապավենների արկերը:

Բոլորն էլ հեշտություններ էին յուրացնում, բացի հացթուփի Գևորգյանցից: Սրա գործը գլուխ չէր գալիս. որքան էլ Բունչուկը ցույց էր տալիս գնդացիքը քանդելու կանոնները, Գևորգյանցը ոչ մի կերպ չէր կարողանում դրանք պահել հիշողության մեջ, շփոթում էր, կորցնում ինքն իրեն ու ասում.

— Ինչո՞ւ բան չի դուրս գալի: Է-է՛, շեղավ... ես եմ մեղավոր... հարկավոր էր սա այստեղ դնել: Էլի շեղավ... — հուսահատություններ քաղում էր նա: — Ինչո՞ւ, է:

— «Ինչու» հա «ինչու», — նրա տնազն էր անում թխադեմ, ճակատի ու այտերի վրա վառողի մուգ-կապտավուն բծեր ունեցող Բոգոլոյը: — Բան չի դուրս գալի, որովհետև դու դղում ես: Ա՛յ թե ոնց պիտի անել, — ցույց էր տալիս նա՝ տվյալ մասը վատահունքությամբ դնելով իր տեղը: — Ես մանկությունից հետաքրքրվում էի ռազմական գործով. — ընդհանուր քրքիջի տակ նա մատը տանում էր դեմքի մուգ-կապտավուն բծերին. — Թնդանոթ էի շինում, թնդանոթը տրաքեց, ու ես վնասվեցի: Հիմի արի ու տես, որ ընդունակությունն եմ ցույց տալի:

Նա իրոք որ բոլորից ավելի արագ և հեշտությամբ յուրացրեց գնդացրային գործը: Միայն Գևորգյանցն էր եռմնում, հաճախակի լսվում էր նրա կերկերուն, ջղայնոտ ձայնը.

— Էլի՛ շեղավ: Ինչո՞ւ, չգիտեմ:

— Ա՛յ քեզ ավանակ, ա՛յ քեզ ավանակ: Ամբողջ Նախիջևանում մի հատ է, — վրդովվում էր խոնավ շրթունքներով և բարկացկոտ հույն Միխայիլին:

— Այդքան էլ մարդ դժբո՞ւ լինի, — ավելացնում էր զուսպ Ռեբինդերը:

— Այստեղ քեզ համար բուրլիկ թխելու տեղ չի, —

փնչում էր հվիլիչկոն, ու բոլորն էլ բարեսրտությամբ ծիծաղում էին:

Միայն Ստեփաննովը, կարմրելով, շղայնացած բղավում էր.

— Հարկավոր է ցույց տալ ընկերոջը և ոչ թե ծիծաղել:

Նրան պաշտպանում էր Կրուտորոգովը,— դեպոյի բարձրահասակ, մեծ ձեռներով, դուրս ընկած աչքերով, տարեց մի բանվոր, որը կարգալույծ տերտերի էր նման:

— Միծաղում եք, սարսաղներ, իսկ գործը կանգ է առել: Ընկե՛ր Բունչուկ, սաստիք այդ գծերին կամ ուղի արա գնան գրողի ծոցը: Ռեուլյուցիան վտանգի մեջ է, իսկ սրանք հա՛ ծիծաղում են: Կուսակցության անդամների՛ս մտիկ... Ձեր տո՛ւնը շինվի, հո անբան կենդանիներ չե՞ք,— բաս ձայնով գոչում էր Կրուտորոգովը՝ թափահարելով մուրճի պես ծանր բունցքը:

Աննա Պոգուդկոն սուր հետաքրքրությամբ խորամուխ էր լինում ամեն ինչին: Նա անվերջ հարցեր էր տալիս Բունչուկին, բունում նրա անճոռնի աշնանային վերարկուի թևքից, շարունակ լինում էր գնդացրի մոտ:

— Բա որ պատյանի շուրջ սառի, ի՞նչ կլինի, իսկ ուժեղ քամու դեպքում գնդակն ի՞նչ չափով կխտտորվի: Բա սա ի՞նչպես պիտի անել,— հարցեր էր թափում նա և մեծ, սև, երերուն փայլ նետող աչքերը սպասողաբար հռուում Բունչուկի վրա:

Բունչուկը նրա ներկայությամբ իրեն մի տեսակ անհարմար էր զգում. ասես վրեժ առնելով այդ անհարմարության համար, նրա նկատմամբ լինում էր խստապահանջ, դիտավորյալ կերպով սառն, բայց մի ինչ-որ հուզիչ, արտասովոր բան էր զգում, երբ առավոտները Պոգուդկոն ճշտապահությամբ, ժամը ուղիղ յոթին մտնում էր գետնահարկ՝ ձեռները կանաչ կուրտկայի թևքերի մեջ պահած, քստքստացնելով զինվորի մեծ սապոգների ներբանները: Նա հասակով մի քիչ ցածր էր Բունչուկից, գեր էր այն պիթրկ շաղությամբ, ուր հատուկ է ֆիզիկական աշխատանք կատարող բոլոր առողջ ազգիկներին. թերևս մի քիչ կորացած էր, գուցե նույնիսկ տգեղ երևար, եթե չլինեին մեծ, ճառագայթող աչքերը, որոնք արտասովոր կերպով ամբողջովին գեղեցկացնում էին նրան:

Չորս օրվա ընթացքում Բունչուկը նույնիսկ չկարողացավ լավ տեսնել նրան: Գետնահարկը կիսախավար էր, ու հարմար է՛լ չէր. ժամանակ է՛լ չկար զննել նրա դեմքը: Հինգերորդ օրվա երեկոյան նրանք միասին դուրս եկան: Պոգուդկոն առջևից էր քայլում. բարձրանալով սանդուղքի վերջին աստիճանի վրա, շուռ եկավ ու ինչ-որ հարց տվեց, ու Բունչուկը ներքուստ ախ արավ՝ իրիկնային լույսի տակ նայելով նրան: Սովոր շարժմամբ ուղղելով մազերը, Պոգուդկոն պատասխան էր սպասում, գլուխը մի քիչ ետ գցած, շեղակի նայելով Բունչուկի կողմը: Բայց Բունչուկը չլսեց հարցը. դանդաղ բարձրանում էր աստիճաններով, ճնշվում քաղցր-հիվանդագին զգացումից: Պոգուդկոյի կարմրավուն ոունդները, մայր մըտնող արևով լուսավորված, հագիվ շարժվում էին լարվածությունից (անհարմար էր առանց լաշակը հանելու շտկել մազերը): Բերանի գծերը առնական էին ու միևնույն ժամանակ մանկականորեն քնքուչ: Մի քիչ բարձրացած վերին շրթունքի վրա սևին էր տալիս մի փոքրիկ խալ, որը ավելի պարզ էր երանդավորում ժաշկի զալուկ սպիտակությունը:

Բունչուկը թեքեց գլուխը, ասես հարված էր սպասում, ու կատակի տալով ասաց.

— Աննա Պոգուդկո... համար երկրորդ գնդացրորդ, դու գեղեցիկ ես ինչպես ուրիշի երջանկությունը:

— Դատարկ բան է,— վստահորեն ասաց ու ժպտաց Աննան,— այդ դատարկ բան է, ընկեր Բունչուկ... Ես հարցնում եմ՝ ե՞րբ պետք է գնանք հրաձգարան:

Ժպտալուց նա կարծես դարձավ ավելի պարզ, մատչելի, երկրային: Բունչուկը կանգ առավ նրա կողքին. շշմած դիտելով փողոցի ծայրը, ուր նստել էր արևը և բոսորավառ փայլով ողողել ամեն ինչ,— կամացուկ պատասխանեց.

— Հրաձգարա՞ն: Վաղը: Ո՛ւր պիտի գնաս: Ո՛րտեղ ես ապրում:

Աննան ասաց ծայրամասի ինչ-որ նրբանցքի անունը: Քայլեցին միասին: Փողոցի մի անկյունում Բոգովոյը հասավ նրանց:

— Բունչուկ, լսիր. էգուց ի՞նչպես պիտի հավաքվենք:

Ճանապարհին Բունչուկը բացատրեց, որ պետք է հավաքվել Տիխայա պուրակի մոտ, Կրուտորոգովը և հվիլիչկոն

գնդացիորդ կառքով կրերեն այնտեղ. պետք է հավաքվել առաւ-
վոտյան ութին: Բողոքովը նրանց հետ անցավ երկու թաղ,
հրաժեշտ տվեց: Բունչուկը և Աննա Պողոզիկոն մի քանի բո-
ւսք լուռ էին քայլում: Աննան շեղակի, հարեանցիորեն նա-
յելով Բունչուկին, հարցրեց.

- Դուք կազա՞կ եք:
- Այո՞:
- Անցյալում սպա՞:
- Դեհ, ես ի՞նչ սպա եմ որ:
- Ո՞րտեղացի եք:
- Նովոշերկասկից:
- Վաղո՞ւց եք Ռոստովում:
- Մի քանի օր է:
- Իսկ դրանից առա՞ջ:
- Պետրոգրադում էի:
- Ո՞ր թվականից եք կուսակցութեան մեջ:
- Հազար ինն հարյուր տասներեք թվականից:
- Իսկ ձեր ընտանիքը ո՞րտեղ է:
- Նովոշերկասկում, — արագ վրա բերեց Բունչուկը և աղերսագին պարզեց ձեռքը. — Սպասիր, թող ե՛ս հարցնեմ. գու ռոստովցի՞ ես:
- Ոչ, ես ծնվել եմ Եկատերինոսլավում, բայց վերջին ժամանակներս այստեղ եմ ապրել:
- Հիմա ես պիտի հարցնեմ... Ուկրաինուհի՞ ես:
- Աննան մի վայրկյան տատանվեց, կտրուկ պատաս-
խանեց.
- Ո՛չ:
- Հրեուհի՞ ես:
- Այո: Ի՞նչ կա որ: Մի՞թե լեզուս մատնում է ինձ:
- Ոչ:
- Իսկ ի՞նչպես իմացար, որ ես հրեուհի եմ:
- Աշխատելով Աննայի հետ համաքայլ գնալ, փոքր քայլեր անելով, Բունչուկը պատասխանեց.
- Ականջդ, ականջիդ ձեռք և աչքերդ: Իսկ առհասարակ քո մեջ այնքա՛ն քիչ բան կա քո ազգից... — Ու մտածելով՝ ավելացրեց. — Լա՛վ է, որ դու մեզ մոտ ես:
- Ինչո՞ւ, — հետաքրքրվեց Աննան:

— Ա՛յ թե ինչու. հրեաների մասին այնպիսի կարծիք
կա, թե հրեաները միայն ուրիշներին են կրակի տակ ուղար-
կում, իսկ իրենք չեն գնում. ես գիտեմ, որ շատ բանվորներ
այդպես են մտածում, ես ինքս էլ բանվոր եմ, — ավելացրեց
Բունչուկը: — Այդ սխալ է, և դու ահա փայլուն կերպով հեր-
քում ես այդ սխալ կարծիքը: Դու կրթութուն ստացե՞լ ես:

— Այո, անցյալ տարի ավարտեցի գիմնազիան: Իսկ
դուք ի՞նչ կրթութուն ունեք: Ծս այս նրա համար եմ հարց-
նում, որ ձեր լեզուն մատնում է ձեր ո՛չ բանվորական ծա-
գումը:

— Ծս շատ եմ կարդացել:

Դանդաղ քայլում էին: Աննան դիտմամբ պտտվում էր
փողոցներում, ու իր մասին կարճ պատմելով, շարունակում
էր հարցեր տալ Կոռնիլովի խոսվածքայն, Պիտերի բանվոր-
ների տրամադրության Հոկտեմբերյան հեղաշրջման մասին և
Հեովում, Դոնի ափերի մոտ հրացանային կրակոցներ
ճայթեցին, գնդացիորդ իր ճարճատյունով ճեղքեց անդորրու-
թյունը: Աննան շոռացավ հարցնել.

— Ի՞նչ սիստեմի գնդացի է:

— Լյուխս:

— Ժապավենի ո՞ր մասն է կրակված:

Բունչուկը շատասխանեց, նա հիացմունքով դիտում էր
լուսարձակի նարնջագույն, զմրուխտե եղյամով ցողված շո-
շափուկը, որ խարխիս գցած նավից երկար ձգվել էր դեպի
երկինքը՝ վերջալույսի ցուրերով վառված:

Ծրեք ժամ շրջելով քաղաքի դատարկ փողոցներում, նրանք
բաժանվեցին մի տան դարբասի առաջ, ուր ապրում էր Ան-
նան:

Բունչուկը տուն վերադարձավ ներքին անգիտակցական
գոհունակութեամբ ջերմացած: «Լա՛վ ընկեր է, խելացի աղ-
ջիկ է: Հաճելի զրույց արեցինք, և ահա թեթևացավ հոգիս:
Կոպտացել եմ ես այս ժամանակվա ընթացքում, իսկ մարդ-
կանց հետ ընկերական շփումն անհրաժեշտ է, այլապես
կկոշտանաս ինչպես զինվորի պաքսիմատը...» — մտածում
էր նա ինքն իրեն խաբելով և գիտակցելով, որ խաբում է:

Արբամսոնը, որ հենց նոր էր եկել ռազմա-ռեուլյուցիոն
կոմիտեի նիստից, սկսեց հարցուփորձ անել գնդացիորդին

պատրաստութեան մասին. ի միջի այլոց Աննա Պոգուդկոյի մասին էլ հարցրեց.

— Ի՞նչպէս է նա: Եթէ հարմար չէ, մենք կարող ենք նրան ուրիշ աշխատանքի ուղարկել, փոխարինել մեկ ուրիշով:

— Ո՛չ, ի՞նչ ես ասում,— վախեցավ Բունչուկը,— շատ ընդունակ աղջիկ է:

Նա աղջկա մասին խոսելու գրեթէ անհաղթահարելի ցանկութիւնն էր զգում և իրեն զսպեց միայն կամքը մեծ շափով լարելու շնորհիվ:

VI

Նոյեմբերի 25-ի կեսօրին Կալիգինի գործերը նովոչերկասկից շարժվեցին դեպի Ռոստով: Սկսվեց հարձակումը: Երկաթուղագծի երկարութեամբ, թմբի երկու կողմից գալիս էին Ալեքսեևի սպայական ջոկատի նոսր շղթաները: Աջ թևից ավելի խիտ շղթայով շարժվում էին յունկերների գորշ կերպարանքները: Պոպովի ջոկատի կամավորները շրջանցում էին ձախ թևում գտնվող առափնյա կարմրակավ մի յառ: Մի քանիսն էր, որոնք հեռվից փոքրիկ, գորշ գնդիկներ էին թվում, թռչում էին յառից. անցնելով Դոնը, հավաքվում էին, կանգ առնում նորից, առաջ շարժվում:

Կարմիրզավարդիական շղթայում, որ դիրքեր էր բռնել Նախիջևանի ծայրամասերում, անհանգիստ դրութիւնն էր տիրում: Բանվորներից շատերը, որոնք առաջին անգամ էին հրացան վերցրել, վախ էին զգում, դեպի առաջ սողում, նրանց սև վերարկուները կեղտոտվում էին աշնանային ցեխից. ումանք բարձրացնում էին գլուխները. դիտում էին տարածութիւնից փոքրացած՝ սպիտակների կերպարանքները:

Շղթայում, գնդացրի մոտ Բունչուկը ծնկած դիտում էր հեռագիտակով: Նախորդ օրը նա իր անհարմար աշնանային վերարկուն փոխարինել էր շինելով, որի մեջ իրեն սովորական, հանգիստ վիճակում էր զգում:

Առանց հրամանի կրակ բացեցին: Զոհմացան լարված լուսթյան: Հենց որ ճայթեց առաջին կրակոցը, Բունչուկը կանգնեց հասակով մեկ, հայհոյանք թափեց, բղավեց.

— Դա-դա-րեցնե՛լ...

Կրակոցների բազմաթիվ ճայթուները խլացրին նրա րղավոցը, ու Բունչուկը ձեռք քաշեց դրանից. աշխատելով հրաձգութեան մեջ լսելի դարձնել իր ձայնը, Բոգովոյին հրաման տվեց՝ «Կրակ»: Վերջինս ժպտացող, բայց գունատված դեմքով ընկավ փակաղակին, մատները դրեց ծոծրակալի բռնակներին: Գնդացրի ծանոթ ճարճատուները ծակծկեց Բունչուկի ականջները: Մի բուպե նա նայեց հակառակորդի պառկած շղթայի կողմը՝ աշխատելով որոշել, թե արդյոք ճիշտ է խփում գնդացիրը, հետո վեր թռավ, շղթայի երկայնքով վազեց դեպի մյուս գնդացիրները:

— Կրակ:

— Ետն՛ւ է... օ՛հ-հո-հո-հո,— բոռաց Խվիլիշկոն՝ վախեցած և ուրախ դեմքը դարձնելով Բունչուկի կողմը:

Կենտրոնից հաշված երրորդ գնդացրից կրակող տղերքը այնքան էլ հուսալի չէին: Բունչուկը վազում էր նրանց մոտ: Ծանապարհի կեսին, կռանալով, հեռագիտակը դրեց աչքերին. ապակիների քրտնակալած կլորակների միջից երևում էին շարժվող, գորշ գնդիկները: Հակառակորդի կողմից խփում էին ճշգրիտ, կենտրոնացված համազարկով: Բունչուկն ընկավ գետնին և արդեն պառկած որոշեց, որ երրորդ գնդացրի նշանառութիւնը ճիշտ չէ:

— Ավելի ցա՛ծր, հիմարնե՛ր...— գոռում էր նա գալարվելով, սողալով շղթայի երկարութեամբ:

Նրա գլխավերևում, մոտիկից լսվում էր գնդակների մահառիթ սվավոցը: Ալեքսեևականները, ինչպէս վարժութիւնների ժամանակ, ճիշտ էին կրակում:

Գնդացրի մոտ, որ անհեթեթ կերպով վեր էր ցցել քիթը, տափել էին գնդացրորդները. նշանառու հույն Միխայիլին շափից դուրս բարձր նշան բռնած, գնդակների տարափ էր թափում, առանց դադար առնելու, վատնելով ժապավենների պաշարը. նրա կողքին պառկել էր վախով բռնված, սփրթնած Ստեպանովը. նրանց հետևում երկաթուղայինը, Կրուտոգորովի ընկերը, գլուխը դրել էր գետնին, կուշ եկել կրիայի նման, լայն տարածել ոտները:

Միխայիլին մի կողմ հրելով, աչքերը կկոցած, Բունչուկը երկար ճշտում էր նշանոցը, խսկ երբ իր ձեռքի տակ

գնդացիքը խփեց ու ցնցվելով, ճարճատեց համաշափ, դա իր հետևանքները տվեց. վազեվազքով առաջացող յունկերների փոքրիկ խումբը բլրակից ետ շարտվեց, նրանցից մեկն ընկավ բլրակի կավախառն, մերկ կատարին:

Բունչուկը վերադարձավ իր գնդացրի մոտ: Սփրթնած Բոգոլոյը (նրա այտերի վառողանման բծերը ավելի պարզ էին կապույտին տալիս) պառկել էր կողքի վրա, ու հայհոյանք թափելով, կապում էր փափուկ տեղից վիրավորված ոտը:

— Կրակիր, տո, անիծված... — չորեքթաթ լինելով, գոռում էր նրա կողքին պառկած վառ-շիկահեր մի կարմիր-գվարդիական. — կրակիր, է՛: Չե՞ս տեսնում, որ հարձակվում եմ:

Սպայական շոկատի շղթաները հանդիսավոր վազեվազքով հոսում էին երկաթգծի թմբի երկարությամբ:

Բոգոլոյին փոխարինեց Իեբրինդերը: Հմուտ կերպով, խնայողաբար, առանց տաքանալու կրակում էր գնդացրից:

Իսկ ձախ թևից նապաստակի ցատկումներով մոտենում էր Գևորգյանցը, ընկնում իր վերևից թռչող յուրաքանչյուր գնդակից, ախ ու վախով դիմում Բունչուկին.

— Բան չի դուրս գալի... Չեմ կարողանում կրակել:

Բունչուկը համարյա առանց կռանալու, վազեվազ անցնում էր ծուռումուռ պառկած շղթայի կողքից:

Դեռ հեռվից տեսավ, որ Աննան ծունկ է չոքել գնդացրի կողքին, ու ետ տանելով դեմքին թափված մազերը, ձեռքի տակից նայում է թշնամու շղթային:

— Պառկիր... — նրա համար վախենալով ու սփրթնելով, գայրացած գոշեց Բունչուկը, — պառկիր, ասում եմ քեզ...

Աննան նայեց նրա կողմը ու շարունակեց ծնկաչոք մնալ: Քիչ էր մնում, որ Բունչուկի բերանից քարի պես ծանր մի հայհոյանք թռչեր: Նա վազեց դեպի Աննան, զոռով նրան տափեց գետնին:

Գնդացրի վահանակի հետևում ֆսֆսում էր Կրուտոգորովը:

— Խափանվել է, չի գործում, — դողալով, կամացուկ ասաց նա Բունչուկին, — աչքերով փնտրեց Գևորգյանցին, հազալով աղաղակեց. — փախել է անիծվածը, փախել է ջոզարշեխի խլեզը... նա իր ախ ու վախով հոգիս բերանս բերեց... Չի թողնում, որ մարդ աշխատի...

Գևորգյանցը մոտեցավ սողալով, օձավարի գալարվելով: Նրա սև, շափրված մորուքին ցեխ էր կպել ու շորացել: Կրուտոգորովը շուռ տալով իր քրտնակալած, եզան վիզը, մի վայրկյան նայեց նրան, հրաձգության որոտմունքից էլ բարձր ձայնով բղավեց.

— Ժապավենները ո՞րտեղ ես ձխտել... Անասո՛ւն... ցեխո՞տ փալաս... Բունչուկ, Բունչուկ, ու՛ղ արա դրան, թե չէ կսատկացնեմ:

Բունչուկը տնտղում էր գնդացիքը: Մի գնդակ ուժգին խփեց վահանակին, ու նա ձեռքը ետ քաշեց, ասես վառվող առարկայի էր դիպցրել:

Կարգավորելով գնդացիքը, ինքը սկսեց կրակել: Աներկյուղ առաջացող ալեքսեակահաններին ստիպեց պառկել ու թաքստոց փնտրելով, դեպի ետ սողաց:

Հակառակորդի շղթաները մոտենում էին: Հեռագիտակով երևում էր, թե ինչպես էին գալիս կամավորները, — հրացանները փոկի առած, հազվադեպ պառկելով: Նրանց կրակը ավելի սաստկացավ: Կարմիրգվարդիականների շղթայում ընկան երեքը, ընկերները սողալով մոտեցան, վերցրին նրանց հրացաններն ու փամփուշտները, — մեռածներին գնեքը հարկավոր չէ... Կրուտոգորովի գնդացրի կողքին պառկած Բունչուկի և Աննայի աչքերի առաջ, շղթայում գնդակը խփեց բոլորովին ջահել մի կարմիրգվարդիական տղայի: Սա երկար թպրտաց ու խոխոաց, փաթաթաններով ոտները խփեց գետնին և ի վերջո, հենվելով տարած ձեռքերի վրա, մի քիչ բարձրացավ, տնքաց, ընկավ երեսի վրա՝ վերջին անգամ արտաշնչելով օդը: Բունչուկը կողքից նայում էր Աննային: Աղջկա մեծ, լայնացած աչքերից սարսափ էր կաթում: Նա անթարթ նայում էր զինվորի հնամաշ փաթաթաններով փաթաթված՝ տղայի ոտներին, չէր լսում, թե ինչպես Կրուտոգորովը դեմառդեմ գոռում էր.

— Ժապավեն... ժապավեն... տուր, է՛... Աղջիկ, ժապավեն տուր:

Կալեդինականները թևային խոր շրջանցումով ետ մղեցին կարմիրգվարդիական շղթան: Նախիջևանի արվարձանի փողոցներում երևում ու չքանում էին նահանջող կարմիրգվարդիականների սև վերարկուներն ու շինելները: Աչ թե՛

ծայրի գնդացիներն ընկա՛վ սայիտակներէ՛ ձեռքը: Ինչ-որ ավագ յունկեր դեմառո՛ծ գնդակահարեց հույն Միխալիդիին, երկ-րորդ գնդացորդդին խոցոտեցին սլիկներով, ինչպես վարժա-կան խրտվիլակ. դնդացրորդներից միայն գրաշար Ստեպա-նովը փախավ:

Նահանջը կանգ առավ, երբ նավերից թռան առաջին արկերը:

— Շղթա՛ կազմել... Իմ հետևի՛ց... — առաջ վազելով գոռաց ուկու՛մի մի անդամը, որ ծանոթ էր Բունչուկին:

Կարմիրզավարդիական շղթան ճոճվեց, ու բեկվելով՝ հար-ձակման նետվեց: Երեքը գրեթե կողք-կողքի սլացան Բունչուկի և նրանից չհեռացող Կրուտոգորովի, Աննայի ու Գևորգյանցի կողքից: Մեկը ծխում էր, մյուսը քայլելիս հրացանի փակա-զակը խփում ծնկին, երրորդն ուշադրությամբ դիտում էր իր վերարկուի ցեխոտված փեշերը: Նրա դեմքին, բեղերի ծայ-րերին մեղավորի քմծիծաղ էր նշմարվում. կարծես նա ոչ թե դեպի մահ էր գնում, այլ ընկերական քեֆից տուն էր վերա-դառնում, ու դիտելով ցեխոտված վերարկուն, որոշում էր, թե իրեն ինչ պատժի է ենթարկելու դարձվոր կնիկը:

— Հրե՛ն նրանք, — գոչեց Կրուտոգորովը՝ ցույց տալով հեռավոր մի ցանկապատ և դրանից դեմը վխտացող գորշ մարդուկներին:

— Տեղակայե՛լ. — Բունչուկը անճոռնի կերպով շուռ տվեց գնդացիները:

Գնդացրի ահարկու տրաքոցները Աննային ստիպեցին փակել ականջները: Նա պպզեց, տեսավ, թե ինչպես ցանկա-պատից դեմը դադարեց շարժումը, իսկ մի բոպից հետո այն-տեղից համաշափ խփեցին համազարկերը, ու գնդակները թռան վերևից՝ անտեսանելի ճեղքեր բանալով երկնքի գորշ պարուսիների մեջ:

Ճայթում էին հապճեպ հրաձգության հատու զարկերը, անբոց խանձվում գնդացիների մոտ օձի նման զալարվող ժապավենները: Պարզ ու լիահունչ տրաքովում էին հատ-հատ կրակոցները: Կրճտում, կաղկանձում, ոռնում էին կար-միրզավարդիականների գլխավերևից թռչող արկերը, որ ար-ձակում էին նավերից սևծովյան նավաստիները: Աննան տե-սավ, թե ինչպես կարմիրզավարդիականներից մեկը, որ բարձ-

րահասակ էր, գառան մորթու փափախով, անզլիական ձևով կտրած բեղերով, դիմավորում, ակամա գլուխ տալով էր ուղեկցում վերևից թռչող ամեն մի արկ, գոռում էր.

— Զա՛ն, ձեզ մատաղ, շա՛տ թափվեցեք, շարդեք նրանց:

Իրոք որ հետզհետե ավելի շատ արկեր էին թափվում: Սո-վայինները ճշտելով հրաձգությունը, կոմբինացված կրակ էին տեղում: Շրապնելները հաճախակի պայթում էին դանդաղ նահանջող կալեդինականների առանձին խմբերի վրա: Ըիշտ նպատակին խփող մի հրանոթի արկերից մեկը պայթեց թըշ-նամու նահանջող շղթայի մեջ: Պայթյունի սև սյունը դեռ ու դեռ շարտեց մարդկանց, ծուխը շոքեց ձագարի վրա, ցրիվ նկավ: Աննան գցեց հեռադիտակը, հառաչեց, կեղոտոված ձեռներով ծածկեց սարսափահար աչքերը. նա հեռադիտակի ապակե կլորակների մեջ տեսավ պայթյունի մրկասյունը և ուրիշների ոչնչացումը: Նրա կոկորդը բռնվեց դառն ջղա-կծկումով:

— Ի՞նչ պատահեց, — թեքվելով նրա կողմը, հարցրեց Բունչուկը:

Աննան ատամներն իրար սեղմեց, նրա լայնացած բիբե-րը գունատվել, մշուշվել էին:

— Չեմ կարող...

— Արիացիր, Աննա... լսո՞ւմ ես, հը՞, լսո՞ւմ ես... Այգ-պես չի կարելի... չի-չի՛ կարելի... — հնչում էր Աննայի ականջին հրամանի ազդու ձայնը:

Աջ թևում, մի փոքրիկ բլուրի տակին, ձորակում հավաք-վում էր հակառակորդի հետևակը: Բունչուկը նկատեց այգ-գնդացիներ ավելի հարմար մի տեղ տանելով, բլուրը և ձորակը առավ կրակի տակ:

Տա-տա-տա-տա-տա... տա-տա-տա-տա՛, — անհամա-շափ, ընդհատումներով աշխատում էր Ռեբինդերի գնդա-ցիները:

Քսան քայլ հեռավորությամբ մեկը խուպոտված, բարկաց-կոտ ձայնով գոռում էր.

— Պատգարակներ բերեք... չկա՞ն... Պատգարակներ... —

— Նշանո-ո-ցը-ը... — ծոր էր տալիս գասակապետի, — ճակատային զինվորներից մեկի ձայնը, — տասնո՛ւթ... գա-սա՛կ, կրա՛կ:

Իրիկնադեմին մտալ երկրի վրա, պտույտ գալով, իջան ձյան առաջին փաթիլները: Մի ժամից հետո թաց, կաշուն ձյունը բարակ, սպիտակ շերտով ծածկեց դաշտը ու սպանվածների դորշ և սև դիակները, — դրանք ընկած էին ամենուրեք, ուր հարձակվել ու նահանջել էին կովոզները:

Իրիկնադեմին կալեդիանականները ետ քաշվեցին:

Առաջին ձյունով մի փոքր սպիտակին տվող այդ գիշերը Բունչուկը գտնվում էր գնդացրային ուղեկալում: Կրուտոգորովը որտեղից որտեղ ձեռք բերած մի շքեղ տապակակ գլխին գցած, թել-թել, թրջված միս էր ուտում, թքում, հայհոյում ցածր ձայնով: Գևորգյանցը հենց այդտեղ, ծայրամասի մի տան դարբասի մոտ իր փաթթած թուփունի կրակով տաքացնում էր կապտած, ցրտից կծկված մատները, իսկ Բունչուկը նստել էր փամփուռի ցիկեկ արկղի վրա, շինելի փեշով փաթթել ցրտից դողացող Աննային, ու նրա աչքերից վերցնելով նրա ամուր սեղմված, խոնավ ձեռները, երբեմնակի համբուրում էր դրանք: Քնքշության խոսքերը, որոնց սովոր չէր Բունչուկը, դժվարութեամբ էին պոկվում նրա շուրթերից:

— Կա՛վ, այդ ի՞նչպես կարելի է... Դու հո պինդ էիր... Ա՛նյա, լսիր, հավաքիր ուժերդ... Անյա... Միրելիս... բարեկամս... Ոչինչ, կընտելանաս... Եթե հայարտութունը քեզ թուլ չի տալիս հեռանալ, ապա ուրիշ տեսակ եղիր: Այդպես չի կարելի նայել սպանվածներին... Անցիր անտարբեր, և ուրիշ ոչինչ: Մտքերիդ ազատութուն շտաս, սանձահարի դրանք: Ա՛յ, տեսնո՞ւմ ես, դու ուրիշ բան էիր ասում, բայց էլի կնոջ բնութիւնը հաղթահարում է քեզ:

Աննան լուռ էր: Նրա ձեռներից աշնանային հողի և կնոջ ջերմութեան բույր էր զգացվում:

Իջնող ձյունը երկինքը ծածկում էր մթին, նուրբ քողով: Թմրեցուցիչ նիհն էր շոքել բակի, մոտակա դաշտի, գազանաբար դարանակալած քաղաքի վրա:

VII

Ռոստովի մոտ և հենց Ռոստովում վեց օր մարտեր էին տեղի ունենում:

Կովում էին փողոցներում ու ճանապարհների խաչմերուկ-

ներում: Կարմիրզավարդիականները երկու անգամ թողին Ռոստովի կայարանը ու երկու անգամն էլ այնտեղից դուրս քշեցին հակառակորդին: Վեց օրվա ընթացքում գերիներ շեղան որևէ կողմից:

Նոյեմբերի 26-ի իրիկնադեմին Բունչուկն ու Աննան ապրանքային կայարանի կողքից անցնելիս տեսան, որ երկու կարմիրզավարդիական գնդակահարում են գերի վերցրած մի սպայի. Բունչուկը մի փոքր կոշտ տոնով ասաց Աննային, որը դեմքը շուռ էր տվել այդ տեսարանից.

— Ա՛յ, դա խելոք բան է: Պետք է սպանել նրանց, ոչընչացնել առանց խնայելու. նրանք մեզ չեն խնայի ու մենք դրա կարիքը չենք էլ զգում, հարկ չկա նրանց ներելու: Թող կորչեն: Պետք է երկրի հրեսխց ջնջել այդ գարշախնքը: Եվ առհասարակ ո՛չ մի ներողամտութուն, երբ գործը վերաբերում է ռեպուցիայի բախտին: Իրավացի են դրանք, այդ բանվորները:

Երրորդ օրը նա հիվանդացավ: Մի օր մնաց ոտի վրա, հետզհետե աճող սրտխառնուք և ամբողջ մարմնի թուլութուն էր զգում, գլուխը լցվում էր թուշի դնդոնգոցով և անհաղթահարելի ծանրութեամբ:

Դեկտեմբերի 2-ի լուսարացին կարմիրզավարդիական նոսրացած, փոքրիկ ջոկատները հեռանում էին քաղաքից: Բունչուկը Աննայի ու Կրուտոգորովի օգնութեամբ քայլում էր սայլի հետևից, որը բարձած էր գնդացրով ու վերավորներով: Նա մեծագույն դժվարութեամբ էր տանում իր նվաղած, անուժ մարմինը, ասես երազի մեջ էր փոխում երկաթի պես ծանրացած ոտները, հանդիպում Աննայի հեռավոր, գորովազին ու տազնապալից հայացքին, ու կարծես հեռվից էր լսում նրա խոսքերը:

— Նստիր սայլին, Իլյա: Լսո՞ւմ ես: Դու ինձ հասկանո՞ւմ ես, Իլյուշա: Խնդրում եմ քեզ, նստիր, ախր դու հիվանդ ես:

Սակայն Բունչուկը չէր հասկանում Աննայի խոսքերը, չէր հասկանում նաև այն, որ տիֆը ուժասպառ է արել և արդեն հաղթահարել է իրեն: Որտեղից որտեղ, չթափանցելով նրա գիտակցության մեջ, լսվում էին օտարոտի և տարորեն ծանոթ ձայները, որտեղից որտեղ, հեռվում մոլեգնող, տազնապա-

լից հրով էին վառվում Աննայի սև աչքերը, հրեշավոր կերպով ճոճվում, ծածանվում էր Կրուտոգորովի մորուքը:

Բունչուկը իր լայն ձեռները տանում էր գլխին, սեղմում վառվող, կարմրած դեմքին: Նրան թվում էր, թե իր աչքերից արյուն է կաթում, իսկ անեզր ու երեքուն, իրենից ինչ-որ անտեսանելի վարագույրով կտրված ամբողջ աշխարհը ծառս է լինում, պոկվում իր ոտների տակից: Նրա զառանցող երևակայութունը անասելի կերպարներ էր պատկերում: Նա հաճախ կանգ էր առնում, դիմադրում Կրուտոգորովին, որը ուզում էր նրան սալ նստեցնել:

— Հարկավոր չէ, սպասիր: Դու ո՞վ ես... Ո՞րտեղ է Աննան... Ինձ մի կտոր հող տուր... Իսկ նրանց ոչնչացրու,— իմ հրամանով գնդացրի կրակի տակ առ: Ուղիղ նշանառութուն... Կաց, որքա՛ն տաք է...— Խոխոում էր նա՝ ձեռքը դուրս քաշելով Աննայի ձեռքերից:

Նրան ուժով նստեցրին սալին: Նա մի բուսե դեռ զգում էր ինչ-որ այլատեսակ հոտերի սուր խառնուրդը, վախով փորձում էր վերագրանել դիտակցութունը, հաղթահարել իրեն, ու չհաղթահարեց: Փակվեց նրա վերևում սև, անունը դատարկութունը: Միայն հեռու բարձունքում անկյունակերպ վառվում էին մի ինչ-որ արևակնային, լազուրե կապտությամբ գեղազարդված փնջիկ ու խաչաձևվում էին ոսկեպայծառ կայծակների գեղազաներն ու օղերը:

VIII

Կտուրներից ընկնում էին ծղնտից մի փոքր գեղնած սառցալեզվակները, ապակու պես զրնգալով փշրվում: Խուտորում տաքությունից ջրափոսեր ու հալուտներ էին առաջացել. փողոցներում հոտ քաշելով թափառում էին շմազաթափված կովերը: Մտերը, ինչպես զարնանը, ծվլում էին, վխտում բակերի ցախակույտերի մեջ: Հրապարակում Մարտին Շամիլը ընկել էր բակից փախած մի գեր, շիկակարմիր ձիու հետևից: Ձին դիբ բարձրացնելով Դոնի նժույզներին հատուկ թել-թել պողը, քամուց փոփառացնելով շանրված բաշը, վազում էր ցատկոտելով, սմբակներով դեմ շարտում կիսահալ ձյան կտորները, հրապարակում պտույտներ էր կատա-

րում, կանգ առնում եկեղեցու ցանկապատի մոտ, հոտոտում աղյուսը. սպասում էր տիրոջ մոտենալուն, մանուշակագույն աչքը ծռում նրա ձեռքի սանձի վրա ու նորից թռչում կատաղի քառատրոփով:

Հունվարը ամպամած, տաք օրեր էր շնորհում երկրին: Նայելով Դոնին, կազակներն անժամանակ վարարում էին սպասում: Միրոն Գրիգորևիչն այդ օրը երկար կանգնել էր հետին բակում, դիտում էր ձյունով ուռճացած մարգագետինը, Դոնի կապույտ-կանաչավուն սառույցը, ու մտածում էր. «Մտիկ, է՛, այս տարի էլ թունդ վարարելու է, ոնց որ անցած տարին էր: Ա՛մա թե ձյուն է եկել, հա՛-ա: Մանր է նստել ձյունը, գետինը ո՞նց շունչ քաշի»:

Միտկան պաշտպանական գույնի հենց մի շապիկ հագած՝ մաքրում էր կովանոցը: Սպիտակ փափախը քշել էր ծոճրակի վրա: Քրտինքի մեջ կորած, ուղիղ մազերը թափվել էին ճակատին: Միտկան դրանք ետ էր տանում կեղտոտ, գոմաղբի հոտ արձակող ձեռքի արտաքին մասով: Բակի դարբասի մոտ թափված էին անասունների թրիքի սառած կտորները, դրանց վրա թրեում էր բրդոտ, արու մի այծ: Ոչխարները ցանկապատի տակ իրար զլխի էին հավաքվել: Մի թոխի, որ մորից էլ բարձր էր, փորձում էր ծծել նրան, մայրը թոխլուն քշում էր զլխի հարվածներով: Մի կողմում օղանման պոզերով սև ղոշը քսվում էր արորին:

Ամբարի մոտ, որի դուռը ներկված էր կավով ու դեղին գույն ուներ, փովել էր կախ ընկած թշերով, դեղին հոնքերով մի որձ շուն: Դրսի կողմից, ծածկի տակ, ամբարի պատերից կախված էին ձկնորսական պիտույքները. Գրիշուկա պապին հենակին կոթնած, դիտում էր դրանք. երևի մտածում էր մոտալուտ զարնան և ձկնորսական պիտույքները նորոգելու մասին:

Միրոն Գրիգորևիչը անցավ կալը, հոգատար աչքով զննեց խոտի դեզերը, ուզում էր փոցխով հավաքել այծերի թափթրփած՝ կորեկի ծղնոտը, բայց նրա ականջին օտար ձայներ հասան: Նա փոցխը գցեց դեզի վրա, զնաց բակ:

Միտկան մի ոտը հեռու դրած, թուփուն էր փաթաթում, սիրածի ասեղնագործած շքեղ թուփունի տոպրակը պահել էր երկու մատների արանքում: Նրա կողքին կանգնել էին Խրիս-

տոնյան ու Իվան Ալեքսեևիչը: Խրիստոնյան ատամանական կապույտ գլխարկի միջից հանեց ծխելու կեղտոտված թուղթը: Իվան Ալեքսեևիչը բակի հյուսկեն դարբասին հենված, շինելը բացած, խառնխատում էր գինվորական բամբակած շալվարի գրպանները: Կզակի վրա սեխն էր տալիս խորունկ մի ծակ: Սափրված, պլպլան դեմքի վրա ստվերվում էր վրդովմունքը: Ըստ երևույթին նա մի բան էր մոռացել:

— Բարև, Միրոն Գրիգորեիչ, քեֆդ ո՞նց է,— հարցրեց Խրիստոնյան:

— Փա՛ռք ասածո, բարով հազար բարի:

— Առ, թուփուն փաթթիր:

— Շնորհակալ ենք: Նոր եմ ծխել:

Ձեռք տալով կազակներին, Միրոն Գրիգորեիչը հանձն կարմրակատար փափախը, շփեց բիզ-բիզ կանգնած, սպիտակավուն մազերը և ժպտաց:

— Հը՛, խեր ըլի ձեր գալը, աղբերացու ատամանցիներս Խրիստոնյան վերևից ներքև նայեց նրան, միանգամից չպատասխանեց. նախ՝ երկար թքոտեց թուղթը,— եզան լեզվի պես անհարթ, մեծ լեզուն քսեց դրան, ու արդեն փաթաթելով թուփունը, ասաց բամբ ձայնով.

— Միտրիի հետ, ուրեմս, գործ կա:

Ոտները քստքստացնելով, նրանց կողքից անցավ Գրիշակա պապին: Նա տարավ ձկնորսական պարագայքը, որ բռնել էր երկարած ձեռքին: Իվան Ալեքսեևիչը և Խրիստոնյան հանեցին փափախները, բարևեցին նրան: Գրիշակա պապին ուռկանները դրեց արտաքին սանդուղքի մոտ, վերադարձավ:

— Հը՛, այդ ո՞նց է որ նստել եք տանը, ուզվեցին. քեֆ եք քաշում ձեր կնանոնց կողքին, հա՛-ա,— դիմեց՝ նա կազակներին:

— Ի՞նչ կա որ,— հարցրեց Խրիստոնյան:

— Դեհ, Խրիստուշկա, սո՛ւս արա: Միթամ չգիտե՛ս, էլի՛:

— Աստված վկա, չգիտեմ,— երզվեց Խրիստոնյան.—

Այն խաչը վկա, չգիտեմ, պապո:

— Անցած օրը մի մարդ էր եկել վորոնեծից, վաճառական էր, Սերգեյ Պլատոնիչ Մոխովի ծանոթը թե բարեկամազգականը,— չգիտեմ: Հա՛, եկել է ու ասում է, թե Չյորտկովում ուրիշ զորք է կանգնած,— հենց այդ ըլուշկիկները:

Ռուսաստանը կովով գալիս է մեր վրա, իսկ դուք մտնել եք ձեր տները: Դու էլ, մունդուկ... լսո՛ւմ ես, Միտկա: Ի՞նչ ես սսկել, հը՛: Ի՞նչ եք մտածում դուք:

— Մենք ոչինչ էլ չենք մտածում,— ժպտաց Իվան Ալեքսեևիչը:

— Հենց այդ է փորձանքը, որ ոչինչ չեք մտածում,— տաքացավ Գրիշակա պապին:— Ձեզ վանդակի մեջ կղնեն ոնց որ կաքավներին: Մուծիկները ձեզ գերի կդարձնեն, քիթ ու մուփներդ կջարդեն...

Միրոն Գրիգորեիչը զուսպ ժպտում էր. Խրիստոնյան ձեռքով շփում, սվսվացնում էր վաղուց չսափրած կոշտ մորուքը. Իվան Ալեքսեևիչը ծխում, նայում էր Միտկային, իսկ վերջինիս կատվի ակնարիբերը կայծկլտում էին, ու շէր կարելի հասկանալ,— ծիծաղո՞ւմ են նրա կանաչ աչքերը, թե՛ մշուշվում անկուշտ բարկությամբ:

Մի քիչ խոսելով, Իվան Ալեքսեևիչը և Խրիստոնյան հրաժեշտ տվին, Միտկային կանչեցին բակի դռան մոտ:

— Դու երեկ ինչո՞ւ չեկար ժողով,— խստորեն հարցրեց Իվան Ալեքսեևիչը:

— Ժամանակ չունեի:

— Իսկ Մելխիսովների մոտ զնալու ժամանակ կա՞ր, հա՞:

Միտկան զլխի շարժմամբ փափախը իջեցրեց ճակատին, ծածուկ շարանալով ասաց.

— Չե՛կա, ու պրծավ գնաց: Ինչի՞ մասին պիտի խոսենք:

— Եկել էին խուտորի բոլոր ճակատայինները, Պետրո Մելխիսովը չկար: Գիտե՞ս... որոշեցինք խուտորի կողմից դեղեգատներ ուղարկել Կամենսկայա: Հունվարի տասին այնտեղ ճակատայինների համազումար է լինելու: Վիճակ զցեցինք, թե ով պիտի գնա. վիճակն ընկավ այս երեքիս,— ինձ, Խրիստոնյային և քեզ:

— Ես չեմ գնա,— վճռականապես հայտարարեց Միտկան:

— Ի՞նչ ես ասում:— Խրիստոնյան մռայլվեց ու բռնեց Միտկայի վերնաշապկի կոճակից:— Կտրվո՞ւմ ես մերոնցից, հը՞: Ձեռ չի՞ տալի:

— Սա Պետկա Մելխիսովի հետ է...— Իվան Ալեքսեևիչը

չոչափեց Խրիստոնյայի շինելի թևքը, նկատելիորեն գունատ-
վելով ասաց.— 'Իե՛հ, գնանք: Երևում է, որ այստեղ մենք
գործ չունենք... Չե՞ս գնա, Միտրի:

— Չէ՛... Ասի «չէ», ուրեմս չեմ գնա:

— Բարո՛ւ մնաս,— Խրիստոնյան թեքեց գլուխը:

— Հաջողութ՛յուն:

Միտկան հայացքը մի կողմ դարձնելով, իր տաք ձեռքը
մեկնեց նրան, գնաց տուն:

— Ի՛ժ,— ցածրաձայն ասաց Իվան Ալեքսեևիչը ու մի
վայրկյան դողացին նրա ունգները:— Ի՛ժ,— ավելի հնչեղ
կրկնեց նա՝ նայելով հեռացող Միտկայի լայն մեջքին:

Ճանապարհին մտնելով մի քանի տուն, հայտնեցին ճա-
կատայիններից ոմանց, որ Կորշունովը հրաժարվել է գնալուց
և որ իրենք երկուսով վաղը մեկնում են համագումար:

Հունվարի 8-ի լուսաբացին Խրիստոնյան և Իվան Ալեք-
սեևիչը մեկնեցին խուտորից: Իր ցանկությամբ նրանց տարավ
Յակով Պողկովան: Մի զույգ հիանալի ձիեր սահնակի միակ
առեղին լծված, արագությամբ անցան խուտորը, դուրս եկան
բլրակը: Հալհոցը մերկացրել էր ճանապարհը: Տեղ-տեղ, ուր
հալվել էր ձյունը, սահնակը կաշում էր հողին, ընթանում ցրն-
ցումներով, ձիերը զոռ էին տալիս, պիրկ ձգում փոկերը:

Կազակները գնում էին սահնակի հետևից: Պողկովան
առավոտյան թեթև սառնամանիքից կարմրած, քայլում էր,
սապոզներով ջարդոտում զրնգուն սառույցը: Նրա դեմքին
պլպլում էր կարմրությունը, միայն ձվածե սպին դիակնային
կապտություն ուներ:

Ճանապարհի կողմից, հատիկավոր, նստած ձյան վրայով
Խրիստոնյան դժվարությամբ բարձրանում էր բլուրը, Կլանում
օդը, շնչասպառ լինում, որովհետև 1916 թվականին Դուբնո-
յի մերձակայքում հոտ էր քաշել գերմանական հեղձուցիչ
գազերից:

Բլրակի վրա ուժեղ քամի էր փչում: Ավելի ցուրտ էր:
Կազակները լուռ էին: Իվան Ալեքսեևիչը դեմքը ծածկում էր
քուրքի օձիքով: Հեռվից մոտենում էր մի փոքրիկ անտառ:
Ճանապարհը դրա միջից անցնելով, գուրս էր գալիս բլրա-
շարքի կատարը, ուր շատ կուրգաններ կային: Անտառում
վտակի նման վշշում էր քամին: Ճյուղաշատ կաղնիների

բների վրա ոսկեվուն նախշեր էին առաջացրել ժանդի թեփու-
կապատ շերտերը: Հեռվում ճուղղում էր կաշաղակը: Նա պո-
չը ծուծ, թռչում էր ճանապարհի վերևից: Քամին քշում էր
նրան, ու նա թռչում էր շեշտակի թափով. խայտարղետ թե-
վերը փռած:

Պողկովան, որ խուտորից մինչև այդտեղ լուռ էր, շուտ
եկավ դեպի Իվան Ալեքսեևիչը, բառերը պարզ արտասանելով
ասաց (հավանորեն մտքում վաղուց պատրաստել էր այդ
արտահայտությունը).

— Համագումարում աշխատեցեք, որ գործը լինի առանց
պատերազմի: Կովոդներ չեն գտնվի:

— Հասկանալի է,— համաձայնեց Խրիստոնյան, որ
նախանձելով դիտում էր կաշաղակի ազատ թռիչքը, ու թռչու-
նի անհոգ, երջանիկ կյանքը մտքում համեմատեց մարդկային
կյանքի հետ:

Նրանք Կամենսկայա հասան հունվարի 10-ի իրիկնադե-
մին: Կազակները բազմությունները մեծ ստանիցայի փողոց-
ներով գնում էին դեպի կենտրոնը: Զգալի աշխուժություն էր
նկատվում: Գտնելով Գրիգորի Մելիսովի բնակարանը, Իվան
Ալեքսեևիչն ու Խրիստոնյան իմացան, որ նա տանը չէ: Տան-
տիրուհին, որ շաղ և խարտյաշ մի կին էր, ասաց, որ նա
գնացել է համագումար:

— Որտե՛ղ է դա, հենց այդ համագումարը,— հարցրեց
Խրիստոնյան:

— Երևի օկրուգային վարչությունում կամ փոշտում,—
պատասխանեց տանտիրուհին ու Խրիստոնյայի թթի առաջ
անտարբերությամբ ծածկեց դուռը:

Համագումարը լիովին եռուն վիճակում էր: Մեծ, բազ-
մապատահան սենյակը հազիվ էր տեղավորել պատգամա-
վորներին: Շատ կազակներ էին խմբվել սանդուղքի վրա, մի-
ջանցքներում, հարևան սենյակներում:

— Արի՛ իմ հետևից,— տնքաց Խրիստոնյան՝ գործի
դնելով արմունկները:

Իվան Ալեքսեևիչը անցավ նրա հետևից բացված նեղ
ձեղքով: Համարյա հենց այն սենյակի դռան մոտ, ուր տեղի
էր ունենում համագումարը, Խրիստոնյային կանգնեցրեց մի

կաղակ, որի առողջանութիւնից երևում էր, որ նա Դոնի ստորին ավազանի կազակներից էր:

— Կամայ հրեիբ լավ կլինենք, գոմեշ,— խայթող տոնով ասաց նա:

— Թո՛ղ, է՛:

— Այստեղ էլ կկանգնես: Հո տեսնում ես, որ տեղ չկաս:

— Թող, մո՞ժակ, թե չէ կսխկեմ: Կջնջխեմ, հա՛-ա,— խոստացավ խրիստոնյան, ու հեշտությամբ բարձրացնելով ցածրահասակ կազակին, դեն քշեց նրան, առաջ անցավ:

— Ա՛յ քեզ ա՛րջ:

— Աժդահա ատամանցի է, հա՛-ա:

— Ուժով է մարդը: Չորս դյուլմանոց թնդանոթ կշալակիէ:

— Ո՛նց դեն գցեց նրան, հա՛-ա:

Հո՞ծ բազմությամբ կանգնած կազակները ժպտում էին, ակամա հարգանքով նայում խրիստոնյային, որը մի գլխաշափ բարձր էր բուրդից:

Գրիգորիին գտան հետին պատի մոտ: Նա պպզել էր, ծխում էր, զրուցում մի ինչ-որ կազակի՝ 35-րդ գնդի պատգամավորի հետ: Նա տեսավ իրենց խուտորի բնակիչներին, ու նրա կախ ընկած, սևաթույր բեղերը շարժվեցին ժպտալուց:

— Օ՛-օ... այդ ո՞ր քամին բերեց ձեզ: Բարև, Իվան Ալեքսեևիչ, բարև, խրիստոնյա ապեր, ո՞նց ես:

— Դե՛հ, ուրեմս, սաղ ենք, էլի՛,— քմծիծաղ տվեց խրիստոնյան՝ Գրիգորիի ամբողջ ձեռքը տեղավորելով իր կես արշինանոց ձեռքի մեջ:

— Մերոնք ո՞նց են:

— Փա՛ռք աստծու՛ Բարև ղրկեցին: Հերըդ չասաց, որ գնաս տեսության:

— Պետրոն ո՞նց է:

— Պետրոն...— Իվան Ալեքսեևիչը ակամա ժպտաց,— Պետրոն մեզ նմանների հետ գլուխ չի դնում:

— Գիտեմ: Է՛, բա նատալյա՞ն, երեխանե՞րս: Տեսե՞լ եք:

— Բոլորն էլ ողջ-առողջ են, բարևում են: Հերըդ նեղացած է...

Խրիստոնյան գլուխէ շարժելով դիտում էր սեղանի

շուրջ նստած նախագահութիւնը: Նա մտածեց իր հետեւից: Է՛լ էր տեսնում բուրդին: Օգտվելով նիստի մի փոքրիկ ընդմիջումից: Գրիգորին շարունակում էր հարցուփորձը: Խուտորի, այնտեղ եղած նորութիւնների մասին պատմելիս Իվան Ալեքսեևիչը կարճ հաղորդեց ճակատայինների ժողովի մասին, որոնք իրեն ու խրիստոնյային ուղարկել էին այստեղ: Նա սկսեց հարցուփորձ անել, թե ինչ է կատարվում Կամենսկայայում, բայց այդ ժամանակ սեղանի շուրջ նստածներից մեկը հայտարարեց.

— Հիմի, ժողովականներ, պիտի խոսի հանքափոր բանվորների պատգամավորը: Խնդրվում է ուշադրությամբ լսել, ինչպես նաև կարգ պաշտպանել:

Հաստ շրթունքներով, միջահասակ մի մարդ շտկեց դիպի վեր սանրված շեկ մագերը, սկսեց խոսել: Մեղունների դժժոց հիշեցնող ձայները միանգամից կտրվեցին:

Նրա տաք, կրքոտ ճառի առաջին իսկ բառերից Գրիգորին և մյուսները զգացին ուրիշի համոզմունքի ուժը: Նա ասում էր, թե ինչպիսի դավաճանական քաղաքականութիւն է վարում Կալեդինը, որը կազակությանը դրդում է պայքարել Ռուսաստանի բանվոր դասակարգի և գյուղացիության դեմ, խոսում էր կազակների ու բանվորների շահերի ընդհանրության մասին, այն նպատակների մասին, որ հետապնդում են բուշկեկները՝ պայքար մղելով կազակական կոնտրոկուլուցիայի դեմ:

— Մենք եղբայրական ձեռք ենք մեկնում աշխատավոր կազակության և հույս ունենք, որ ի դեմս ճակատային կազակության հավատարիմ զինակիցներ կգտնենք սպիտակգվարդիական բանդայի դեմ մղվող պայքարում: Ցարական պատերազմի ֆրոնտներում բանվորներն ու կազակները միասին էին արյուն թափում, ու բուրժուազիայի տականքների դեմ ուղղված պատերազմում,— որոնց հովանավորում է Կալեդինը,— մենք պետք է միասին լինենք, ու միասին կլինենք: Ձեռք-ձեռքի տված մենք կգնանք կովելու նրա՛նց դեմ, ովքեր ամբողջ հարյուրամյակների ընթացքում ստրկացրել են աշխատավորներին,— թնդում էր հանքափորի շեփորային ձայնը:

— Շա-ա՛-ան որդի, թափի՛ր նրա փոր ու փսորը...—

ցնծութեամբ շնորհում էր Խրիստոսնյան ու այնպես էր սեղմում Գրիգորիի արմունկը, որ Գրիգորին կնճռոտում էր դեմքը:

Իվան Ալեքսեևիչը լսում էր բերանը մի քիչ բացած, լարվածութունից հաճախակի թարթում էր աչքերը, մոմոտում:

— Ճիշտ է, ա՛յ, դա ճիշտ է:

Պատգամավորից հետո, օրորվելով ինչպես հացենին քամուց, խոսեց մի ինչ-որ բարձրահասակ հանքափոր: Վեր կացավ նա, շտկվեց, կարծես ծալված լիներ, նայեց բազմաշյա ամբոխին ու երկար սպասեց՝ մինչև որ դադարեր դժժոցելու Այդ հանքափորը բռնանավի պարանի էր նման. հանգուցավոր էր, հուսալի կերպով պինդ, կոշտ պլպլում էր կանաչ գույնով, ասես արջասպած լինելու նրա դեմքի ծակոտիններում սևին էին տալիս ածխափոշու փոքրիկ, շմաքրվող կետերը, ու նույնպիսի ածխալին փայլ ունեին գեղնավուն աչքերը, որոնք իրենց գույնը պցել էին մշտական մթութունից ու երկրի ընդերքի սև շերտերից: Նա թափահարեց կարճ մազերը, բռունցքները սեղմած ձեռները,— ասես քլունգ էր զարկում:

— Զինվորների համար ո՞վ մահվան պատիժ մտցրեց Ֆրոնտում. Կոռնիլովը: Ո՞վ է Կալեդինի հետ մեզ խեղդում. նա՛.— ու վրա տվեց, մոլեգնաբար աղաղակեց.— Կազակներ, եղբայրներ, եղբայրներ, եղբայրներ, ո՞ւմ կողմը պիտի լինեք: Կալեդինն ուզում է, որ մենք եղբայրական արյուն թափենք: Ո՛չ, ո՛չ, նրանց գործը զուլիս չի գա: Կսխկենք, ջարդ ու փշուր կանենք նրանց: Այդ հիդրաներին ծովը կթափենք:

— Շա-ա՛-ան որդի...— Խրիստոսնյան ժպտալուց բերանը լայն բացած, ձեռներն իրար զարկեց, ու չըսպեց իրեն, գոռաց.— Ճի՛-իշտ է-է... ձաղկիր նրանց:

— Սո՛ւս արա, Խրիստան, ի՛նչ ես անում: Քեզ դուրս կգցեն,— վախեցավ Իվան Ալեքսեևիչը:

Հագուտինը,— Բուկանովսկայալի կազակը և երկրորդ գումարման Համառուսական Կենտրոնական կազակական բաժնի առաջին նախագահը,— կազակներին խանդավառեց իր բացաշունչ, ո՛չ սահուն, բայց նրանց սրտից բխող խոսքերով: Խոսեց նախագահող Պողոտյուկովը, նրանից հետո՝ անգլիական ձևով կտրած բեղերով, գեղեցիկ Շչադենկոն:

— Ո՞վ է դա,— պարզելով փոխանցման ձեռքը, հարցրեց Խրիստոսնյան Գրիգորիին:

— Շչադենկոն է: Բոլշեիկներին մոտ հրամանատար է:

— Իսկ այն մե՞կը:

— Մանդելշտամն է:

— Ո՞րտեղից:

— Մոսկվայից:

— Իսկ նրանք ովքե՞ր են,— Խրիստոսնյան մատնացույց արեց Վորոնեժի՝ համագումարի մի խումբ պատգամավորներին:

— Դոնե մի քիչ լուր, Խրիստան:

— Տե՛ր աստված, ախր, ուրեմս, հետաքրքիր է, է՛... Դու ինձ ասա, հրե՛ն այն մեկը, որ Պողոտյուկովի կողքին է նստել, այն երկար մարդը, ո՞վ է նա:

— Կրիվոշիկովն է, Ելանսկայա ստանիցայի Գորբատով խուտորից: Նրանից դենը մերոնք են,— Կուզինովը, Դոնեցկովը:

— Մի բան էլ հարցնեմ... հրե՛ն, այն մեկը... չէ՛, չէ՛... ա՛յ, ծայրից նստածը, որ թյաքուով է:

— Ելիսեև... չգիտեմ որ ստանիցայից է:

Խրիստոսնյան բավարարված լինելով լոռեց, առաջվա լարված ուշադրությամբ լսում էր նոր հոնաորին և իր հուժկու ձայնով առաջինն էր բոլորից բարձր գոռում՝ «Ճի-ի-իշտ է-է...»

Ստյոխինից, բոլշեիկ մի կազակից հետո ելույթ ունեցավ 44-րդ գնդի պատգամավորը: Նա դժվարությամբ, կցկուտր կերպով էր արտասանում նախադասութունները. ասում է մի բառ, կարծես դրոշմ է դնում օդի մեջ, ու լռում է, քիթը վեր քաշում. բայց կազակները մեծ համակրանքով էին լսում նրան, միայն երբեմն ընդհատում հավանության ձայներով: Հստ երևույթին նրա ասածները ջերմ արձագանք էին գտնում ունկնդիրների մեջ:

— Եղբայրներ, մեր համագումարը պետք է այնպես մոտենա այս լուրջ գործին, որ ժողովուրդը վնաս չբաշի, որ ամեն բան էլ հանդիստ ու լավ վերջանա,— կմկմալով ասում էր նա:— Ծս սա նրա համար եմ ասում, որ մենք արյունահեղ կովի մեջ չընկնենք: Առանց այն էլ երեք ու կես տարի

հալումաշ եղանք խրամատներումը, ու թե որ, խոսքի օրինակ,
էլի բանը կովի հասնի, ուրեմս չէ, կազակները բեզարած են...

— Ճի-ի՛շտ է՝ է...

— Բուրոտվին ճիշտ է:

— Կոխվ շենք ուզում!...

— Պետք է համաձայնության գալ թե բոլշևիկների և թե
կազակական ներկայացուցիչների ժողովի հետ:

— Պետք է հաշտութեամբ գործ բռնել և ոչ թե... բռունցք
թափ տալ:

Պողոտյուկովը բռունցքով ծեծում էր սեղանը, ու դժժոցը
դադարում էր: Ու նորից շփելով կարճիկ մորուքը, 44-րդ
գնդի պատգամավորը կմկմում էր:

— Մենք պետք է համագումարից մեր դեպուտատներն
ուղարկենք նովոչեբկասկ ու հաշտ կերպով խնդրենք, որ
կամավորները ու դաշնական պարտիզանները այստեղից հե-
ռանան: Բոլշևիկներն էլ նույնպես գործ չունեն մեզ մոտ:
Բանվոր ժողովրդի թշնամիների հետ մենք ինքներս հաշիվ
կտեսնենք: Ուրիշի օգնությունը հլա դեռ մեզ պետք չի, իսկ
երբ որ պետք լինի, մենք այն ժամանակ կխնդրենք օգնել մեզ:

— Այդ խոսքը տեղին չէ:

— Ճի-ի՛շտ է՝ է:

— Կա՛ց, է՛. ի՞նչն է «ճիշտ»: Բա որ նրանք մեր վզին
չոքե՞ն, այն ժամանակ արի ու օգնություն ուզի: Չէ՛, խխպեր,
մինչև առուն ջուր գա, գորտի աչքը դուրս կգա:

— Պետք է մեր իշխանությունը կազմենք:

— Թուխը հլա շնատած, ուզում ես տակիցը ձագ հա-
նել... մեղա քեզ, աստված: Այս տեսակ էլ անխելք մարդի՛կ:

44-րդ գնդի պատգամավորից հետո ոգևորվել ու ջերմ խոս-
քեր ասաց կազուտինը: Նրան ընդհատում էին ճշոցներով:
Առաջարկ ստացվեց՝ տասը բուսի ընդմիջում անել, բայց հենց
որ լուծություն տիրեց, Պողոտյուկովը անմիջապես հայտարարեց
ջերմորեն խանդավառված բաղմութեանը:

— Կազա՛կ եղբայրներ, մենք այստեղ խորհրդակցում
ենք, իսկ աշխատավոր ժողովրդի թշնամիները քնած չենք
Մենք հենց ուզում ենք, որ համ գելերը կուշտ լինեն, համ էլ
ոչխարները սաղ մնան, իսկ Կալեդինը հո այդպես չի մտա-
ծում: Մենք բռնել ենք նրա հրամանը՝ հենց այս համագու-

մարի բոլոր մասնակիցներին ձերբակալելու մասին: Հիմի
կկարդացվի այդ հրամանը:

Համագումարի անդամներին ձերբակալելու վերաբերյալ
Կալեդինի հրամանը կարդալուց հետո պատգամավորների
բաղմութեան մեջ հուզմունք առաջացավ: Այնպիսի աղմուկ
բարձրացավ, որը հարյուրապատիկ ավելի ուժեղ էր, քան
լինում է որևէ ստանիցայի ժողովատեղում:

— Պետք է գործ անել և ոչ թե խոսակցություններով
դրադվել:

— Տո կամա՛ց, է՛... Սո՛ւսս...

— էլ ի՞նչ «կամաց». գա՛րկ, պրծավ-գնաց...

— Լոբո՛վ, Լոբո՛վ... Դրանց մի խոսք ասա...

— Մի քիչ սպասենք...

— Կալեդինը հո հիմար չի:

Գրիգորին լուռ լսում էր, դիտում դելեգատների ճոճվող
զուխներն ու ձեռները ու շհամբերեց. կանգնելով ոտների
մատների վրա, գոռաց.

— Լոեցեք, տո, սատանաներ... Այստեղ հո բազար չի:
Թողեք Պողոտյուկովը մի խոսք ասի...

Իվան Ալեքսեևիչը վեճի բռնվեց 8-րդ գնդի պատգամա-
վորներից մեկի հետ:

Խրիստոնյան մոռնում էր՝ պաշտպանվելով իր հետ միև-
նույն գնդում ծառայած մի կազակի հարձակումից:

— Այստեղ, ուրեմս, պետք է պահակ ունենալ: Դու ինձ...
է-է՛, ի՞նչ ես դուրս տալի... խելքի կարաս, տո, հոգի՛դ սի-
րեմ. մեր թուրը կտրուկ է, ինքներս գործ կտեսնենք:

Չայների որոտմունքը հանդարտվեց (այդպես ուժաս-
պառ քամին փչում է ծածանվող ցորենի վրա և այն թեքում
գետնին), Կրիվոշիկովի աղջկական-բարակ ձայնը ճեղքեց
դեռ չհասունացած լուծությունը:

— Կորչի՛ Կալեդինը: Կեցցե՛՛ կազակական Ռազմա-ռե-
վոլյուցիոն կոմիտեն:

Բաղմութունը դժժաց, Ականջներին զարնվող, ծանր կե-
մի պես ոլորվեցին հավանության միաձուլ որոտընդոստ ճի-
շերը: Կրիվոշիկովը կանգնել էր ձեռքը բարձրացրած: Դրա
վրա կամացուկ դողում էին մատները, ինչպես տերևները շի-

վերի վրա: Հագիվ էր հանդարտվել խլացուցիչ աղմուկը, երբ նույնպիսի բարակ, զրնգուն ու հնչեղ ձայնով, որով հետագայն դուռն էն գայլին, Կրիվոշլիկովը աղաղակեց.

— Առաջարկում եմ մեզանից ընտրել կազակական Ռազմա-ակտյուցիոն կոմիտե: Նրան հանձնարարել պայքար մղել Կալեդինի դեմ և կազմակեր...

— Հա-ա-ա-ա-ա... — արկի նման պայթեց ճիշը, առաստաղից թափվեցին պոկված սվաղի կտորները:

Սկսվեց ուկրոմի անդամների ընտրությունը: Կազակների մի աննշան մասը, որին ղեկավարում էին 44-րդ գնդի ելույթ ունեցած պատգամավորը և ուրիշները, շարունակում էր պընդեղել, թե հարկավոր է կոնֆլիկտը խաղաղ ճանապարհով հարթել Դոնի կառավարության հետ, բայց համազումարում ներկա գտնվողների մեծամասնությունը այլևս չէր պաշտպանում նրանց. կազակները զայրացած՝ լսելով Կալեդինի հրամանը իրենց ձեռքակալելու մասին. նրանք պնդում էին ակտիվորեն դիմադրել Նովոշերկասկին:

Գրիգորին շմնաց մինչև ընտրությունների վերջը. նրան շտապ կանչեցին գնդի շտաբ: Գնալուց առաջ դիմեց Խրիստոնյային և Իվան Ալեքսեևիչին.

— Հենց որ վերջանա, եկեք ինձ մոտ, տուն: Հետաքրքիր է, թե ովքեր անգամ կընտրվեն:

Իվան Ալեքսեևիչը վերադարձավ գիշերով:

— Պողոտյուկովը, — նախագահ, Կրիվոշլիկովը, — բարտուղար, — շեմքից հայտարարեց նա:

— Անդամները:

— Իվան Լազուտինը, Գոլովաչևը, Մինաևը, Կուզնեցովը, էլի ինչ-որ ուրիշները:

— Բա ո՞ւր է Խրիստանը, — հարցրեց Գրիգորին:

— Նա կազակների հետ գնաց Կամենսկայայի իշխանությունները ձեռքակալելու: Տաքացել-թեժացել է կազակը, թքես վրեն, թուրք կպճպճա: Փորձանք է, էլի:

Խրիստոնյան վերադարձավ լուսարացին: Տսֆալով հանեց ոտնամանները, քթի տակին ինչ-որ փնթփնթաց: Գրիգորին վառեց լամպը. նրա սևացած դեմքի վրա տեսավ արյուն ու ճակատի վերևում — հրազենի զարկից առաջացած քերժվածք:

— Այդ ո՞վ է խփել քեզ... Կապե՛մ: Հիմի... սպասիր բիեստ գտնեմ. — վեր թռավ մահճակալից, մառլյա ու բինտ գտավ:

— Կլավանա, ոնց որ թե շան կծած լինի, — փնթփնթում էր Խրիստոնյան: — Սա, ուրեմս, զինվորական պետի արածն է, — քերեց նազանի զարկով: Ոնց որ հյուրեր, շքամուտքից մտանք նրա մոտ, իսկ նա սկսեց պաշտպանվել: Մի կազակի է՛լ վիրավորեց: Ուզում էի, ուրեմս, նրա հոգին հանել, որ տեսնեի, թե ինչ տեսակ բան է դա, սպայի հոգին, ամա կազակները շթողին, թե չէ ես կկմշտեի... այնպես կկմշտեի, որ շունը կփչեր:

IX

Մյուս օրը, Կալեդինի հրամանով, Դոնի 10-րդ կազակական գունդը ժամանեց Կամենսկայա՝ նպատակ ունենալով ձեռքակալել համագումարի բոլոր մասնակիցներին և զինաթափել առավելապես ուկրոցիոն կազակական զորամասերը:

Այդ ժամանակ կայարանում միտինգ էր: Կազակների հսկայական բազմությունը դժժում էր, տարբեր կերպով արձագանքում մի ինչ-որ լատիչ հետտորի ճառին:

Բեռնաթափվելով. գունդը հարեց միտինգին: Զոկովի բարձրահասակ, կոկիկ հագնված գունդորովցիները, որոնք գնդի կազրերի կեսն էին կազմում, խառնվեցին մյուս գընդերի կազակների հետ: Նրանց տրամադրության մեջ անմիջապես կտրուկ բեկում առաջացավ: Կալեդինի կարգադրությունը կառարելու վերաբերյալ գնդի հրամանատարի հրամանին կազակները մերժումով պատասխանեցին: Նրանց մեջ հուզմունք սկսվեց, իրբև հետեանք ուժեղ ագիտացիայի, որ ծավալել էին բոլշևիկների կողմնակիցները:

Իսկ այդ ժամանակ Կամենսկայան բռնված էր ճակատամերձ տենդով. հապճեպ կազմված կազակական ջոկատները ուղարկվում էին գրավելու և իրենց ձեռքում պահելու վերջրած կայարանները, հաճախակի էշելոններ էին մեկնում Զվերևո — Լիխայա ուղղությամբ: Զորամասերում հրամանատարական կազմի վերընտրություններ էին կատարվում: Կամենսկայայից թաքուն մեկնում էին պատերազմ շրջանիցող

կազակները: Ուշացած ժամանեցին խուտորների ու ստանիցաների պատգամավորները: Փողոցներում շտեմնված աշխույժ երթևեկություն էր տեղի ունենում:

Հունվարի 13-ին բանակցությունների համար Կամենսկայա ժամանեց Դոնի կառավարության պատգամավորությունը, որի մեջ մտնում էին կազակական ներկայացուցիչների ժողովի նախագահ Ազեկը, ժողովի անդամներ Սվետոզարովը, Ուլանովը, Կարևը, Բաժելովը և յասավուլ Կուշնարյովը:

Կայարանում նրանց դիմավորեց ժողովրդի հոծ բազմությունը: Լեյբ-գվարդիայի Ատամանյան գնդի կազակներից բաղկացած պահակախումբը եկվորներին ուղեկցեց մինչև փոստ-հեռագրական գրասենյակի շենքը: Ամբողջ գիշեր տեղի ունեցավ Ռազմա-ռևոլյուցիոն կոմիտեի անդամների ու կառավարության կողմից ժամանած պատգամավորության համատեղ նիստը:

Ռազմա-ռևոլյուցիոն կոմիտեից ներկա էր տասնյոթ մարդ: Պողտյուկովն առաջինը, պատասխանելով Ազեկի ճառին, որը Ռազմա-ռևոլյուցիոն կոմիտեին մեղադրում էր Դոնին դավաճանելու և բոլշևիկների հետ համաձայնության գալու մեջ, — խիստ հակահարված տվեց նրան: Պողտյուկովից հետո ելույթ ունեցան Կրիվոշիկովը, Լազուտինը: Յասավուլ Կուշնարյովի ճառը հաճախակի ընդհատվում էր միջանցքում խմբված կազակների աղաղակներով: Գնդացրորդներից մեկը ռևոլյուցիոն կազակների անունից պահանջում էր ձերբակալել պատգամավորությանը:

Խորհրդակցությունը ոչ մի հետևանքի չհանգեց: Արդեն գիշերվա ժամը մոտ երկուսին, երբ պարզվեց, որ անկարելի է համաձայնության գալ, ընդունվեց կազակական ներկայացուցիչների ժողովի անդամ Կարևի առաջարկը, որ Ռազմա-ռևոլյուցիոն կոմիտեի պատգամավորություն գնա Նովոչերկասկ՝ իշխանության հարցերը վերջնականապես լուծելու համար:

Դոնի կառավարության պատգամավորության մեկնելուց հետո Նովոչերկասկ մեկնեցին նաև Ռազմա-ռևոլյուցիոն կոմիտեի ներկայացուցիչները՝ Պողտյուկովի գլխավորությամբ: Մեկնելու համար ընտրվել էին Պողտյուկովը, Կուդինովը,

Կրիվոշիկովը, Լազուտինը, Սկաչկովը, Գոլովաչևը և Մինաևը: Իբրև պատանդներ, մնացին Ատամանյան գնդի սպաները, որոնք ձերբակալվել էին Կամենսկայայում:

X

Վազոնի պատուհանից երևում էր, թե ինչպես էր գալարվում բուքը: Կիսաքանդված ցցապատնեշի կողքերին երևում էին քամու հավաքած ձյան կուտակները: Դրանց ծուռումուռ կատարները գծված էին թռչունների ոտների խայտաճամուկ հետքերով:

Դեպի հյուսիս էին սահում կիսակայարանները, հեռագրասյունները և ամբողջ անծայրածիր, ձյան միապաղաղ ծածկոցով տաղտկալի տափաստանը:

Պողտյուկովը նոր, կաշվե տուժուրկա հագած, նստել էր պատուհանի մոտ: Նրա դեմուդեմ, փոքրիկ սեղանին կոթնած, պատուհանից դուրս էր նայում նեղ թիկունքով, անշափահասի նման վտիտ Կրիվոշիկովը: Մանկականորեն պայծառ նրա աչքերը ակնկալություն և անհանգստություն էին արտահայտում: Լազուտինը սանրով կոկում էր փոքրիկ, շեկիկ մորուքը: Հաղթանդամ կազակ Մինաևը ձեռներն էր տաքացնում շոգեջեռուցման խողովակի վրա, հանգիստ չէր նստում նստարանին:

Գոլովաչևն ու Սկաչկովը վերևի տեղերում պառկած, կամացուկ զրուցում էին:

Վազոնում ծխախոտի ծուխ էր լցված, ցուրտ էր: Պատգամավորության անդամները, գնալով Նովոչերկասկ, իրենց զգում էին անհաստատ վիճակում: Խոսակցությունները կրցկրտուր էին: Տաղտկալի լուծություն էր տիրում: Անցան Լիխայա կայարանից: Պողտյուկովը արտահայտեց ընդհանուր միտքը.

— Բան չի դուրս գա: Չենք համաձայնվի:

— Իդուր ենք գնում, — նրան պաշտպանեց Լազուտինը: Նորից երկար լռեցին: Պողտյուկովը համաշափ շարժում էր ձեռքի դաստակը, ասես մակույկ էր անցկացնում ուռկանի օղերի միջով: Նա երբեմն դիտում էր մի փոքրիկ պսպղուն իր տուժուրկան, հիանում նրանով:

Մոտենում էր Նովոչերկասկը: Քարտեզի վրա դիտելով

Գոնը, որ քաղաքից ձգվում էր դեպի հեռուն, Մինաեր սկսեց ցածրաձայն պատմել.

— Մեկ էլ տեսար, կազակները ատամանյան գնդում վերջացրին իրենց ծառայության ժամանակը, պատրաստվեցին տուն գնալու: Իրենց ունեցածը, սնդուկները, ձիերը բռնում են վագոններին: Էշելոնը գնում է, և ահա Վորոնեժի մոտ, որտեղ առաջին անգամ պետք է անցնել Գոնը, գնացքը առնող մեքենավարը դանդաղեցնում է ընթացքը, շատ է դանդաղեցնում... Նա գիտե, թե ինչու է բանը: Հենց որ գնացքը սկսում է անցնել կամուրջի վրայից, օ-օ... ինչե՛ր են կատարվում: Կազակներն ուղղակի դիվոտում են. «Դո՛նը, մեր Դո՛նը, մարմանդ Դո՛նը, մեր հերն ու մե՛րը, մեր հարագա՛տը, ուա՛-ա-ա,— ու կամրջից, երկաթե բազրիքի վրայով, պատուհաններից գլխարկներ, հին շինելներ, շալվարներ, բարձի երեսներ, շապիկներ, զանազան մանր-մունր բաներ են շարտում հենց ջրի մեջ: Մառայությունից վերադառնալով, ընծաներ են տալի Դոնին: Մտիկ ես անում,— ջրի երեսին լողում են ատամանական կապույտ գլխարկները, ոնց որ կարապներ կամ ծաղիկներ... Վաղուց գոյություն ունեն այդ սովորությունը:

Գնացքը դանդաղեցրեց ընթացքը, կանգ առավ: Կազակները վեր կացան: Կրիվոշիկովը շինելի վրայից կապելով գոտին, ծուռ ժպտաց.

— Ահա և տեղ հասանք:

— Սա ի՞նչ է, աղ ու հաց շեն բերում,— փորձեց կատակել Սկաչկովը:

Առանց դուռը ծեծելու ներս մտավ բարձրահասակ, կորովի տեսքով մի յասավուլ: Նա զննող, ցրակոտ աչքերով նայեց պատգամավորության անդամներին, դիտավորյալ կոպտությամբ ասաց.

— Ինձ հանձնարարված է ուղեկցել ձեզ: Նեղություն քաշեցեք, պարոնայք բուլշեիկներ, շուտ թողնել վագոնը: Սա չեմ երաշխավորում ամբոխի վարմունքը և... ձեր ողջ-առողջ մնալը:

Նա առանձնապես ավելի երկար նայեց Պողոտյովին, ավելի ճիշտ՝ նրա սպայական տուժուրկային. արդեն ակհահայտ թշնամությամբ հրաման տվեց.

— Դուրս եկեք վագոնից, շո՛ւտ:

— Ահա նրանք, սրիկաները, կազակության դավաճանները,— ամբոխով լեցուն կառամատույցից բղավեց ինչ-որ մի երկարաբեղ սպա:

Պողոտյովիովը գունատվեց, նա մի փոքր շփթված, շեղակի հայացքով նայեց Կրիվոշիկովին: Սա դուրս էր գալիս Պողոտյովի հետևից. ժպտալով՝ շշնջաց.

— «Մենք հավանության ձայներ ենք լսում, ոչ թե գովեստի քաղցր թնդյունների մեջ, այլ կատաղության վայրենի աղաղակներում...» Լսո՛ւմ ես, Ֆյոդոր:

Պողոտյովիովը թեպետև շլսեց վերջին բառերը, այնուամենայնիվ ժպտաց:

Նրանց ուղեկցում էր սպայական ուժեղ մի կարգախումբ: Մինչև մարդային վարչություն հասնելը վայրագություններ էր անում նրանց ուղեկցող, ինքնադատաստանի ծարավի ամբոխը: Պատգամավորներին վիրավորում, անկարգություն էին անում ոչ միայն սպաներն ու յունկերները, այլև ինչ-որ կազակներ, վայելուչ հագնված կանայք և աշակերտներ:

— Ի՛նչ այլանդակություն եք թույլ տալիս,— դիմեց վրդովված Լագուտինը իրենց ուղեկցող սպաներից մեկին:

Վերջինս ատելությամբ լեցուն աչքերով ոտից-գլուխ չափեց նրան, շշնջաց.

— Շնորհակալ եղիր աստծուց, որ կենդանի կմնաս... Եթե իմ իշխանությունը լիներ, ես քեզ նման գյադային... ի-ի-ի՛հ, գարշելի՛:

Մի ուրիշ, ափելի շահել սպա, կշտամբազ հայացքով զրուպեց նրան:

— Ա՛յ քեզ օյի՛ն,— հարմար պահ գտնելով՝ շշնջաց Գոլովաչևը Սկաչկովի ականջին:

— Կարծես մահվան պատժի են տանում...

Մարդային վարչության դահլիճը շտեղավորեց հավաքված ժողովրդին: Մինչդեռ ժամանած պատգամավորները տեղավորվում էին սեղանի մի կողմում, հետևելով ինչ-որ կարգադրիչ հարյուրապետի ցուցումներին,— մոտեցան կառավարության անդամները:

Բուզանակու ուղեկցությամբ ամուր, ամբողջ ոտնաթաթերով մեկ, գայլի քայլերով եկավ մի փոքր կորացած Կալե-

գինը՝ նա ետ քաշեց իր աթոռը, նստեց, հանգիստ շարժումով սեղանին դրեց պաշտպանական գուլնի զլխարկը, որի վրա սպիտակին էր տալիս սպայական գգականիշը, կոկեց մազերը, ու ձախ ձեռքի մատներով ֆրենչի կողքի մեծ զբրպանը կոճկելով, մի քիչ թեքվեց Բոգաևակու կողմը, որը նրան ինչ-որ բան էր ասում: Կալեդինի յուրաքանչյուր շարժումը լիցուն էր հաստատուն, հանգիստ ինքնավստահութիամբ, հասուն ուժով. սովորաբար իրենց այդպես են պահում այն մարգիկ. ովքեր իշխանութիան տեր են եղել, մի շարք տարիների ընթացքում մշակել մի առանձին կեցվածք ու քայլվածք, զբլի առանձնահատուկ դիրք, որով տարբերվել են ուրիշներից: Նրա և Պողոտյուկովի միջև շատ բան նույնանման էր: Իսկ Թոգաևակին, որը վայելատես Կալեդինի կողքին շատ ավելի անբարետես էր թվում, հուզվում էր սկսվելիք բանակցություններից:

Բոգաևակին ինչ-որ բան էր ասում՝ շարժելով կախ բեզերի խարտյաշ քիվերով ծածկված շրթունքները, ակնոցի տակից փայլում էին նրա սուր, շեղադիր աչքերը: Զղայնոտությունը արտահայտվում էր նրանով, որ նա հապճեպորեն էր շտկում օձիքը, դողդոջուն, անհաստատ շարժումներով ձեռքը տանում կորնթարդ, լիքը կզակին, խաղացնում լայն ակնակապիճների վերևում թևավորված հոնքերը:

Կենտրոնում նստած Կալեդինի երկու կողմից տեղավորվեցին Դոնի կառավարության անդամները: Նրանցից ոմանք՝ Կարևը, Սվետոգարովը, Ուլանովը, Ազեևը, եղել էին Կամենսկայայում. մի քիչ հեռու նստեցին Նլատոնցևը, Մելնիկովը, Բոսսեն, Շոշնիկովը, Պոլյակովը:

Պողոտյուկովը լսեց, թե ինչպես Միտրոֆան Բոգաևակին ցածր ձայնով ինչ-որ բան ասաց Կալեդինին:

Վերջինս կկոցած աչքերով մի ակնթարթում նայեց Պողոտյուկովին, որը տեղ էր գրավում նրա դեմոլոն, ու ասաց.

— Ես կարծում եմ, որ կարելի է սկսել:

Պողոտյուկովը ժպտաց, հաղորդեց պատգամավորության գալու նպատակը: Կրիվոշլիկովը սեղանի վրայով մեկնեց Ռազմա-ուսույուցիոն կոմիտեի վաղօրոք պատրաստված ուտիմատումը, բայց Կալեդինը սպիտակ ձեռքի շարժումով ետ առավ թուղթը, կտրուկ ասաց.

— Միտք չունի ժամանակ կորցնել կառավարության յուրաքանչյուր անդամին այդ փաստաթղթի հետ ժանթացնելու վրա: Նեղություն քաշեցեք բարձրաձայն կարդալու ձեր ուտիմատումը: Հետո կքննարկենք:

— Կարդա՛, — հրամայեց Պողոտյուկովը:

Նա իրեն արժանավայել կերպով էր պահում, բայց, ըստ երևույթին, ինչպես և պատգամավորության բոլոր անդամները, իրեն այնքան էլ հանգիստ չէր զգում: Կրիվոշլիկովը վեր կացավ: Մարդկանցով լեփ-լիցուն դահլիճով մեկ հնչեց աղջկականորեն զրնգուն և միևնույն ժամանակ անզունագեղ նրա ձայնը:

Դոնի զորաց մարզում ռազմական գործողությունների կատարման գործում զորամասերի վրա ամբողջ իշխանությունը սույն 1918 թվականի հունվարի 10-ից զորաց ատամանից անցնում է Դոնի կազակական ռազմա-ուսույուցիոն կոմիտեին:

Սույն թվականի հունվարի 15-ին ետ են կանչվում ու զինաթափում են ուսույուցիոն զորքերի դեմ գործող բոլոր շտկատները, ինչպես նաև կամավորական զուգազները, յունկերների ուսումնարանները և պրոպարշիկների դպրոցները: Այդ կազմակերպությունների բոլոր մասնակիցները, որոնք Դոնի մարզում չէին ապրում, Դոնի մարզի սահմաններից աքսորվում են իրենց բնակության վայրերը:

Մանքագրություն: Ձևքները, հանդերձանքը և հագուստեղները պետք է հանձնվեն Ռազմա-ուսույուցիոն կոմիտեի կոմիսարին: Նովոչերկասկից մեկնելու համար անցաթուղթ է տալիս Ռազմա-ուսույուցիոն կոմիտեի կոմիսարը:

Նովոչերկասկ քաղաքը պետք է գրավեն Ռազմա-ուսույուցիոն կոմիտեի նշանակած կազակական զնդերը:

Կազակական ներկայացուցիչների ժողովի անդամները սույն հունվարի 25-ից անիրավազոր են հայտարարվում:

Դոնի մարզի հանքարաններից և գործարաններից ետ է կանչվում զորաց կառավարության նշանակած ամբողջ ոստիկանությունը:

Արյունահղությունից խուսափելու համար Դոնի ամբողջ մարզում, ստանիցաներում ու խուստրներում հայտարարվում է, որ զորաց կառավարությունը կամավոր կերպով հրաժարվում է իր լիազորություններից և իշխանությունը անհապաղ հանձնվում է Մարզային կազակական ռազմա-ուսույուցիոն կոմիտեին՝ մինչև որ մարզում ամբողջ բնակչության մշտական աշխատավորական իշխանություն կկազմվի:

Հազիվ էր լուել Կրիվոշլիկովի ձայնը, երբ Կալեդինը բարձրաձայն հարցրեց.

— Ո՞ր գործասերն են ձեզ լիազորել:

Պողոտյուկովը մի հայացք փոխանակեց Կրիվոշչիկովի հետ. սկսեց թվել.

— Լեյբ-գվարդիայի Ատամանյան գունդը, Լեյբ-գվարդիայի Կազակական գունդը, վեցերորդ մարտկոցը, քառասունչորսերորդ գունդը, երեսուներկուերորդ մարտկոցը, տասնչորսերորդ առանձին հարյուրյակը... — թվելիս նա սեղմում էր ձախ ձեռքի մատները. դահլիճում սկսեցին փսփրտալ, նենգավոր քմծիծաղ լսվեց, ու Պողոտյուկովը մտալվելով, շիկամազ ձեռները դրեց սեղանին, բարձրացրեց ձայնը, — քսանութերորդ գունդը, քսանութերորդ մարտկոցը, տասներկուերորդ մարտկոցը, տասներկուերորդ գունդը...

— Քսանիններորդ գունդը, — կամացուկ հուշեց Լազուտինը:

— ... Քսանիններորդ գունդը, — արդեն ավելի վստահ ու բարձրաձայն շարունակեց Պողոտյուկովը, — քսաներեքերորդ մարտկոցը, Կամենսկայայի տեղական զորախումբը, տասներորդ գունդը, քսանյութերորդ գունդը, երկրորդ հետևակ գումարտակը, երկրորդ պահեստի գունդը, ութերորդ գունդը, տասնչորսերորդ գունդը:

Մանր հարցերից և մտքերի կարճ փոխանակությունից հետո Կալեդինը կուրծքը հեննելով սեղանի եզրին, հայացքը տեղեկելով Պողոտյուկովի վրա, հարցրեց.

— Դուք ճանաչո՞ւմ եք ժողովրդական կոմիսարների Առվեսի իշխանությունը:

Մի բաժակ ջուր խմելով, Պողոտյուկովը ջրամանը դրեց ափսեի մեջ, թևքով սրբեց բեղերը, խուսափողաբար պատասխանեց.

— Այդ կարող է ասել միայն ամբողջ ժողովուրդը:

Մեջ մտավ Կրիվոշչիկովը, վախենալով, որ պարզամիտ Պողոտյուկովը կարող է բերանից ավելորդ խոսք թոցնել.

— Կազակները շեն հանդուրժում մի այնպիսի օրգան, որի մեջ մտնում են «ժողովրդական ազատության պարտիայի»¹ ներկայացուցիչները: Մենք կազակներ ենք, ու մեզ մտտ պետք է լինի մեր, կադակական կառավարությունը:

¹ «Ժողովրդական ազատության պարտիա» — այդպես էր կոչվում կադակների կոնտրակոլյուցիոն կուսակցությունը:

— Խճչպես հասկանալ ձեզ, երբ Սովետի գլուխ են կանգնած Նախամկեսները և դրանց նմանները:

— Նրանց վստահել է Ռուսաստանը, վստահում ենք և մենք:

— Նրանց հետ հարաբերություններ ունենալո՞ւ եք:

— Այո՛:

— Պողոտյուկովը հավանություն տալով «ընճճ» արեց, պաշտպանեց այդ հայտարարությունը.

— Մենք հաշվի ենք առնում ոչ թե անձանց, այլ իդեանս Զորաց կառավարության անդամներից մեկը պարզամտությամբ հարցրեց. «Արդյո՞ք ժողովրդի օգտին է աշխատում ժողովրդական կոմիսարների Սովետը»:

Պողոտյուկովի զննող հայացքը սահեց նրա կողմը: Ժրպտալով, Պողոտյուկովը լուռ մնաց, ձեռքը տարավ դեպի ջրամանը, ջուր լցրեց բաժակի մեջ և ազահուությամբ խմեց: Մտաբավը նեղում էր նրան, — ասես նրա մեջ թե՛ կրակ կար և նա հստակ ջուր էր լցնում այդ կրակի վրա:

Կալեդինը մատներով թփթփացնում էր սեղանին, հետաքրքրությամբ հարցեր էր տալիս.

— Դուք բուլեփկների հետ ինչ առնչություն ունեք:

— Մենք ուզում ենք մեզ մոտ, Դոնի մարզում կազակական ինքնավարություն հաստատել:

— Այո, բայց ձեզ հավանորեն հայտնի է, որ փետրվարի շորսին հրավիրվելու է կազակական ներկայացուցիչների ժողովը: Անդամները վերջնաբերվելու են: Դուք համաձայն եք փոխադարձ վստահություն սահմանել:

— Ո՞չ, — Պողոտյուկովը բարձրացրեց դեպի ներքև ուղղված հայացքը, կտրուկ պատասխանեց. — Եթե դուք փոքրամասնություն կազմեք, մենք ձեզ թելադրում ենք մեր կամքը:

— Բայց չէ՞ որ դա բռնություն է:

— Այո՛:

Մխտրոֆան Բոգասկին հայացքը Պողոտյուկովից փոխադրելով Կրիվոշչիկովի վրա, հարցրեց.

— Դուք ճանաչո՞ւմ եք կազակական ներկայացուցիչների ժողովը:

— Այնքան, որքան... — Պողոտյուկովը թոթովից լայն օսները: — Ասարգային ռազմա-ոկուլյուցիոն կոմիտեն կհրավիրի... ընձ... բնակչության ներկայացուցիչների համագումար: Սա կաշխատի բոլոր զորամասերի վերահսկողության տակ: Եթե համագումարը մեզ չբավարարի, մենք նրան շինք ճանաչի:

— Ապա ո՞վ պետք է դատավոր լինի: — Կալեդինը վեր քշեց հոնքերը:

— Ժողովո՞ւրդը: — Պողոտյուկովը հպարտորեն ետ տարավ գլուխը. խշաքնելով տուժուրկայի կաշին, ընկավ քանդակավոր աթոռի մեջքին:

Կարճ ընդմիջումից հետո խոսեց Կալեդինը: Դահլիճում գաղարեց աղմուկը, լուսության մեջ հատակ հնչում էր ատամների ձայնի ցածր, աշխանային դալկությունը բրանգավորված տեմբրը:

— Կառավարությունը չի կարող իր լիազորություններից հրաժարվել Մարգային Ռազմա-ոկուլյուցիոն կոմիտեի պահանջով: Ներկա կառավարությունը ընտրվել է Դոնի ամբողջ բնակչության կողմից, և ոչ թե առանձին զորամասերը, այլ միայն այդ բնակչությունը կարող է պահանջել, որ մենք հրաժարվենք լիազորություններից: Բոլշևիկների հանցավոր ագիտացիայի ներգործությամբ, — իսկ նրանք ձգտում են իրենց կարգերը փաթաթել մարզի վզին, — դուք պահանջում եք իշխանությունը հանձնել ձեզ: Դուք կույր գործիք եք բոլշևիկների ձեռքին: Դուք կատարում եք գերմանական վարձկանների կամքը՝ շփտակցելով այն հսկայական պատասխանատվությունը, որ ամբողջ կազակության հանդեպ վերցնում եք ձեր վրա: Խորհուրդ եմ տալիս փոխել ձեր մտազրույթունը, որովհետև շտեմնաված փորձություններ եք բերում հայրենի երկրին, գծովելով կառավարության հետ, որը արտահայտում է ամբողջ բնակչության կամքը: Ծա չեմ կառչում իշխանությունից: Կհավաքվի զորաց ներկայացուցիչների Մեծ ժողովը, ու նա էլ կտնօրինի երկրի բախտը, բայց մինչև նրա գումարվելը ես պետք է մնամ իմ պոստում: Վերջին անգամ խորհուրդ եմ տալիս փոխել ձեր մտազրույթունը:

Կալեդինից հետո խոսեցին կազակական և այլ բնակչության կառավարության անդամները: Ռեկոմի անդամներին

գլխին քաղցր-մեղր հորդորանքներով լեցուն ճառ թափեց էսէն Բոսսեն:

Ընդհատելով նրան, կազուտինը գոչեց.

— Մեր պահանջն է՝ հանձնեցե՛ք իշխանությունը Ռազմա-ոկուլյուցիոն կոմիտեին: Կարիք չկա սպասելու, եթե զորաց կառավարությունը կողմնակից է հարցի խաղաղ լուծման...

Բոգակակին ժպտաց.

— Ուրեմն ի՞նչ...

— ... Պետք է ի գիտություն ընդհանուրի հայտարարել, որ իշխանությունն անցել է Ռեկոմին: Չի՛ կարելի սպասել երկու և կես շաբաթ, մինչև որ հավաքվի ձեր ժողովը: Ժողովուրդը առանց այն էլ սարսափելի զայրացած է:

Իր ճառը երկար ծամծամ էր Կարևը, անիրագործելի կոմպրոմիս էր փնտրում Սվետոզարովը:

Պողոտյուկովը ջղայնությամբ էր լսում նրանց: Նա հարեվանցիորեն դիտեց յուրայինների դեմքերը, նկատեց, որ կազուտինը մոռացվում է ու գունատվում, Կրիվոշիկովը աչքերը հառել է սեղանին, Գոլովաչևը անհամբերությամբ ուզում է մի բան ասել: Սպասելով հարմար պահին, Կրիվոշիկովը կամացուկ շնչաց՝ «Ասա»:

Պողոտյուկովը կարծես այդ էր սպասում: Աթոռը ետ քաշելով, նա սկսեց խոսել լարվածությամբ, հուզմունքից կրմկըմալով, որոնելով համոզման ինչ-որ ուժեղ, ջախջախիչ խոսքեր:

— Ձեր ասածը ճիշտ չէ: Եթե զորաց կառավարությանը հավատային, ես հաճույքով կհրաժարվի մեր պահանջներից... բայց չէ՞ որ ժողովուրդը չի հավատում: Ոչ թե մենք, այլ դուք եք քաղաքացիական պատերազմ սկսում: Ինչո՞ւ եք կազակական հողումը ապաստան տվել զանազան փախած գեներալներին: Հենց դրա համար էլ բոլշևիկները կովով գալիս են մեր խաղաղ Դոնի վրա: Ծա ձեզ չե՛մ ենթարկվի: Չեմ թույլ տա: Թող իմ դիակի վրայով անցնեն: Մենք ձեր առաջ փաստեր ենք դնում: Ծա չեմ հավատում, որ զորաց կառավարությունը փրկի Դոնը: Ի՞նչ միջոցներ են կիրառվում այն զորամասերի դեմ, որոնք շին ցանկանում ձեզ ենթարկվել... Ը-հը՛մ, հենց այդ է բանը: Ինչո՞ւ եք ձեր կամավորներին

ուղարկում հանքափոր բանվորների դեմ: Դրանով ձեռ շուրջը
զայրույթ եք առաջացնում: Ասացեք ինձ, ո՞վ կերաշխավորի,
թե զորաց կառավարությունը բանը քաղաքացիական պատե-
րազմի չի հասցնի... Ինչո՞վ պիտի կովեք: Ժողովուրդն ու
ճակատային կազակները մեր կողմն են:

Դահլիճում քամու սոսափյունի նման սահեց ծիծաղը.
լավեցին ցասկոտ բացականչություններ Պողոտյուկովի հաս-
ցեին: Նա բորբոքված-կարմրած դեմքը դարձրեց դեպի դահ-
լիճը, ու այլևս չթաքցնելով դառն զայրույթը, գոռաց.

— Միծաղում եք հիմի, իսկ հետո լաց կլինեք,— ու շուտ
եկավ Կալեդինի կողմը, հրացայտ աչքերը հռոց նրա վրա.—
Մենք պահանջում ենք իշխանությունը հանձնել մեզ, աշխա-
տավոր ժողովրդի ներկայացուցիչներին, ու հեռացնել բոլոր
բուրժուականներին և Կամավորական բանակը... Ներկա կառա-
վարությունը նույնպես պետք է հեռանա:

Կալեդինը հոգնածորեն կախեց գլուխը:

— Ես միտք էլ չունեմ նովոչերկասկից հեռանալու և շեմ
հեռանա:

Փոքրիկ ընդմիջումից հետո նիստը վերսկսվեց Մելնիկովի
տաք ճառով.

— Կարմիրզավարդիական ջոկատները դեպի Դոն են աճա-
պարում, որպեսզի ոչնչացնեն կազակությունը: Նրանք իրենց
խելահեղ կարգերով կործանեցին Ռուսաստանը և ուզում են
մեր մարդն էլ կործանել: Պատմությունը չգիտի այնպիսի օրի-
նակներ, որ մի խումբ ինքնակոչներ ու ստահակներ խելա-
ցիորեն և ժողովրդի օգտին երկիր կառավարեն: Ռուսաստանը
կզարթնի ու դուրս կշարտի այդ Օտրեպկներին: Իսկ դուք,
ուրիշի խելահեղությունամբ կուրացած, ուզում եք մեր ձեռքից
խլել իշխանությունը, որ գուռ քաց անեք բուլշեիկների հա-
մար: Ո՛չ:

— Իշխանությունը հանձնեցեք Ռեկոմին, ու բուլշեիկները
կզադարեցնեն հարձակումը...— ասաց Պողոտյուկովը:

Կալեդինի թուլտվությամբ հասարակության միջից հան-
գես եկավ փոխյասավուլ Շեինը, որը շարքային կազակից
հասել էր փոխյասավուլի աստիճանին և ուներ գեորգևյան
բոլոր շորս խաշերը: Նա շտկեց վերնաշապկի փոթերը, ասես

ստուգատեսի էր ներկայանալու, և միանգամից հարձակման
անցավ.

— Ինչո՞ւ լսել դրանց, կազակներ,— բղավեց նա բարձր,
հրամանի ձայնով, ձեռքը թրի պես թափահարելով.— մեր
բուլշեիկների ճանապարհները տարբեր են: Միայն Դոնին և
կազակությանը դավաճանողները կարող են խոսել իշխանու-
թյունը սովետներին հանձնելու մասին և կոչ անել կազակ-
ներին՝ բուլշեիկների հետ ընթանալու:— Եվ արդեն ուղղակի
մատնացույց անելով Պողոտյուկովին, անմիջականորեն նրան
դիմելով, Շեինը կռացավ, բղավեց.— Մե՛թե դուք կարծում
եք, Պողոտյուկով, որ Դոնը կգնա ձեզ նման թերուսի ու ան-
գրագետ կազակի հետևից: Եթե գնացողներ էլ լինեն, ապա
դրանք կլինեն մի փոքրիկ խումբ գազազած կազակներ,
որոնք կտրվել են տանից: Բայց նրանք կզարթնեն, բարե-
կամ, ու հենց քեզ էլ կկախեն:

Դահլիճում սկսեցին շարժվել գլուխները, ինչպես քամուց
օրորվող արևածաղկի գլխիկները. լավեց հավանության ձայ-
ների դժժոցը: Շեինը նստեց: Մալավոր կիսամուշտակով, գո-
րական ավագի ուսողիրներով մի ինչ-որ սպա, զգացվելով,
հետևից ձեռքը թփփպացնում էր նրա ուսին: Կողքին խըռ-
նրվում էին սպաները: Կանացի հիստերիկ մի ձայն հուզմուն-
քով կշկշաց.

— Ենորհակալություն, Շեին, շնորհակալություն:

— Կեցցես, յասավուլ Շեին, շա՛տ ապրես,— գիմնագիա-
կան աքլորային տկար, բաս ձայնով կանչեց վերնասրահի
մշտական հաճախորդներից մեկը, միանգամից մի ավելաբո
աստիճան շնորհելով փոխ-յասավուլ Շեինին:

Ճռռամխոսները, Դոնի կառավարության մոնետիկները
դեռ երկար հորդորում էին կազակներին — Կամենսկայայում
կազմված Ռեկոմի տնդամներին: Դահլիճը լցվել էր ծխախո-
տի կապտավուն ծխով, օդը ծանր էր: Երկնքում իր ցերեկա-
յին երթն էր ավարտում արևը: Սառնամանիքային, եղևնա-
նման ոստիկներ էին կպչում պատուհանների արտաքին
ապակիներին: Պատուհանների գոգերին նստածները լսեցին
եկեղեցիների իրիկնային զանգահարությունը ու քամու ոռ-
նոցի միջից՝ շօգեթաքշի խոպոտ շաշյունները:

Լազուտինը շահմբերեց. ընդհատելով զորաց հոնտորնե-
րից մեկը, դիմեց Կալեդիինին.

— Վճռեցեք գործը, ժամանակն է վերջացնել:

Նրան ցածր ձայնով լռեցրեց Բոգանսկին.

— Մի՛ հուզվեք, Լազուտին: Ահա ջուրը: Ընտանիքավոր-
ների և կաթվածահարության նախահակում ունեցողների հա-
մար հուզվելը վտանգավոր է: Եվ հետո, առհասարակ, ըն-
դունված չէ ընդհատել հոնտորներին, այստեղ հո մի որևէ
սովորեալ չէ:

Լազուտինն է՛լ կծու պատասխանեց նրան, բայց բոլորի
ուշադրությունը վերստին դարձավ դեպի Կալեդիինը: Ինչպես
և սկզբում, նա դարձյալ քաղաքական խաղ էր խաղում, ու
գարձյալ զարնվում Պոդոլյովի պատասխանների հասա-
րակ, գեղջկական գրահին:

— Դուք ասացիք, որ եթե մենք իշխանությունը ձեզ
հանձնենք, ապա բոլշևիկները կդադարեցնեն իրենց հարձա-
կումը Դոնի վրա: Բայց դո՛ւք եք այդպես մտածում: Իսկ թե
ինչպես կվարվեն բոլշևիկները, գալով այստեղ,— դա մեզ
հայտնի չէ:

— Կոմիտեն հավատացած է, որ բոլշևիկները կհաստա-
տեն իմ ասածները: Փորձեցեք,— իշխանությունը հանձնեցեք
մեզ, Դոնից վճռեցեք կամավորներին,— և դուք կտեսնեք,
որ բոլշևիկները կվերջացնեն պատերազմը:

Մի քիչ հետո Կալեդիինը վեր կացավ: Նրա պատասխանը
վաղորոք պատրաստված էր. Չքննեցովը արդեն հրաման էր
ստացել ջոկատ հավաքել իխայա կայարանի վրա հարձակ-
վելու համար: Բայց, ժամանակ շահելու համար, Կալեդիինը
խորհրդակցությունն ավարտեց գործը ձգձգելու դիտավորու-
թյամբ.

— Դոնի կառավարությունը կքննարկի Ռեկոմի առա-
ջարկը և վաղը ժամի տասին գրավոր պատասխան կտա:

XI

Դոնի կառավարության պատասխանը, որ հետևյալ օր-
վա առավոտյան հանձնվեց Ռեկոմի պատգամավորությանը,
ասում էր հետևյալը.

Դոնի Զորաց կառավարությունը, քննարկելով կազակական Ռազմա-
ուսուցիչի կոմիտեի պահանջները, որ ներկայացրել է կոմիտեի դեպու-
տացիան Առամանյան, Լեյբ-կազակական, 44-րդ, 28-րդ, 29-րդ, 10-րդ,
27-րդ, 23-րդ, 8-րդ, 2-րդ պահեստի և 43-րդ գեդերի, 14-րդ առանձին
հարյուրյակի, 6-րդ գվարդիական, 32-րդ, 28-րդ, 12-րդ և 13-րդ մարտկոց-
ների, 2-րդ հետևակ գումարտակի և Կամենսկայայի տեղական զորախմբի
անունից, հայտարարում է, որ կառավարությունը հանդիսանում է մարզի
ամբողջ կազակ բնակչության ներկայացուցիչը: Բնակչության կողմից
ընտրված կառավարությունը իրավունք չունի մինչև ներկայացուցիչների
նոր ժողովի հրավիրումը հրաժարվել իր լիազորություններին:

Դոնի Զորաց կառավարությունը անհրաժեշտ էր գտել ժողովի նախկին
կազմը արձակել և թե՛ ստանիցաների, թե՛ զորամասերի դեպուտատների
վերընտրություններ կատարել: Ժողովն իր նոր կազմով, ազատորեն ըն-
տրվելով (ագիտացիայի լիակատար ազատությամբ) կազակական ամ-
բողջ բնակչության կողմից, ուղիղ, հավասար և զաղտնի քվեարկության
հիմունքով, կհավաքվի Նովոչերկասկ քաղաքում, հին տոմարով սույն
թվականի փետրվարի 4-ին, ամբողջ ոչ-կազակ բնակչության համագու-
մարի հետ միաժամանակ: Միայն կազակական ներկայացուցիչների
ժողովը, ուսուցիչայով վերականգնված օրինական օրգանը, որը ներկա-
յացնում է մարզի կազակ բնակչությունը,— իրավունք ունի արձակելու
զորաց կառավարությունը և ընտրելու նորը: Այդ ժողովը միաժամանակ
կքննարկի զորամասերի կառավարման և այն հարցը, թե արդյոք պե՛տք
է լինեն կամ չլինեն իշխանությունը պաշտպանող ջոկատներն ու կամա-
վորական գուզազները: Ինչ վերաբերում է Կամավորական բանակի կազ-
մակերպման և գործունեության, ապա միավորված կառավարությունը
դեռ առաջ որոշում էր ընդունել Երանց առնել կառավարության վերահսկո-
ղության տակ՝ Մարգային ռազմական կոմիտեի մասնակցությամբ:

Որպես թե զորաց կառավարության կարգած ոստիկանությունը
հանքա-գործարանային աշխույժ էր կանչելու հարցի վերաբերմամբ կա-
ռավարությունը հայտարարում է, որ ոստիկանության հարցը փետրվարի
4-ին կդրվի ժողովի քննարկման:

Կառավարությունը հայտարարում է, որ տեղական կյանքի կառուց-
մանը կարող է մասնակցել միայն տեղական բնակչությունը, այս պատ-
ճառով էլ նա, կատարելով ժողովի կամքը, անհրաժեշտ է գտնում բոլոր
միջոցներով պայքարել, որպեսզի բոլշևիկյան զինված ջոկատները, որոնք
ձգտում են մարզի վրին փաթաթել իրենց կարգերը, չմտնեն մարզը:
Բնակչությունն ինքր, և միայն նա պետք է տնօրինի իր կյանքը:

Կառավարությունը քաղաքացիական պատերազմ չի ցանկանում, նա
բոլոր միջոցներով ձգտում է գործը վերջացնել խաղաղ ճանապարհով,
որի համար Ռազմա-ուսուցիչի կոմիտեն առաջարկում է մասնակցել
բոլշևիկյան ջոկատներն ուղարկվելիք դեպուտացիային:

Կառավարությունը գտնում է, որ եթե մարզի նկատմամբ կողմնակի
յոկատները չմտնեն մարզի սահմանները, քաղաքացիական պատերազմ էլ
չի լինի, որովհետև կառավարությունը միայն պաշտպանում է Դոնի

երկրամասը, ոչ մի հարձակողական գործողություն չի ձեռնարկում, իր կամքը չի փաթաթում մնացած Ռուսաստանի վրին, ուստիև չի ցանկանում, որ կողմնակի որևէ մեկն էլ իր կամքը փաթաթի Դոնի վրին:

Կառավարությունն ապահովում է ընտրությունների լիակատար ազատությունը ստանդիցաներում և զորամասերում, և յուրաքանչյուր քաղաքացի կկարողանա ծավալել իր ազիտացիան և իր տեսակետը պաշտպանել ներկայացուցիչների ժողովի նշանակված ընտրությունների ժամանակ: Կազակների կարիքները հետազոտելու համար բոլոր դիվիզիաներում ալժամ ևեթ պետք է զորամասերի ներկայացուցիչներից հանձնաժողովներ նշանակվեն:

Դոնի Զորաց կառավարությունը առաջարկում է այն բոլոր զորամասերին, որոնք իրենց դելեգատներն են ուղարկել Ռազմա-նկույուցիոն կոմիտե, վերադառնալ Դոնի երկրամասը պաշտպանելու իրենց նորմալ աշխատանքին:

Զորաց կառավարությունը իր մտքովն էլ չի անցկացնում, որ Դոնի մեր զորամասերը զուրա գան կառավարության դեմ և դրանով երկպառակաշակական պատերազմ սկսեն ետադղ Դոնի մարզում:

Ռազմա-նկույուցիոն կոմիտեն պետք է արձակվի նրան ընտրող զորամասերի կողմից և բոլոր զորամասերը զրա փոխարեն պետք է իրենց ներկայացուցիչներն ուղարկեն զոյուցիոն ունեցող մարզային ռազմական կոմիտե, որը միավորում է մարզի բոլոր զորամասերը:

Զորաց կառավարությունը պահանջում է, որ Ռազմա-նկույուցիոն կոմիտեի ձերբակալած բոլոր անձինք անհապաղ ազատվեն, իսկ աղմուխաբորացիան, մարզում նորմալ կյանքը վերականգնելու նպատակով, պետք է վերադարձվի իր պարտականությունների կատարման:

Հանդիսանալով միայն անեղան թվով կազակական զորամասերի ներկայացուցիչ, Ռազմա-նկույուցիոն կոմիտեն իրավունք չունի պահանջներ ներկայացնել բոլոր զորամասերի անունից, առավել և՛՝ ամբողջ կազակության անունից:

Զորաց կառավարությունը բոլորովին անթույլատրելի է համարում կոմիտեի հարաբերությունները ժողովրդական Կոմիտեների Սովետի հետ և նրա դրամական օժանդակությունից օգտվելը, որովհետև այդ կնշանակել ժողովրդական Կոմիտեների Սովետի ազդեցությունը տարածել Դոնի մարզի վրա, մինչդեռ կազակական ներկայացուցիչների ժողովը և ամբողջ մարզի ոչ-կազակ բնակչության համագումարը, ինչպես նաև Ուկրաինան, Սիբիրը, Կովկասը և առանց քաջատուժյան բոլոր կազակական զորքերը անընդունելի են համարել Սովետների իշխանությունը:

Զորաց կառավարության նախագահ, Զորաց ատամտանի օգնական՝ Ս. Բոգատևի:

Դոնի Զորաց ավագներ՝ Ելատոնցև, Պոլյակով, Մեյլեիկով:

Ա՛յն դելեգացիայի կազմում, որ Դոնի կառավարությունն ուղարկեց դեպի Տագանրոգ, բուլշևիկների հետ բանակցութուններ մղելու համար, մեկնեցին նաև Կամենսկայայի ուկրոնի անդամներ Լազուտինը և Սկաչկովը: Պողոտյուկովը և մնացածները առժամ պահվեցին Նովոչերկասկում, իսկ այդ ժամանակ Չերնեցովի ջոկատը մի քանի հարյուր հոգով, մի ժանր մարտկոցով ու երկու թեթև թնդանոթով կատաղի հարձակում գործեց ու գրավեց Զվերևո — Լիխայա կայարանները, և այնտեղ մեկ վաշտից ու երկու հրանոթից բաղկացած առաջակալ թողնելով, հիմնական ուժերով հարձակում գործեց Կամենսկայայի վրա: Հյուսիսային Դոնեց կիսակայարանի մոտ կոտրելով ուկրուցիոն կազակական զորամասերի դիմադրությունը, Չերնեցովը հունվարի 17-ին գրավեց Կամենսկայան: Բայց արդեն մի քանի ժամից հետո տեղեկություն ստացվեց, որ Սաբլինի կարմիրզարդիական ջոկատները Զվերևոյից, հետո էլ Լիխայայից զուրա են քշել այնտեղ մնացած չերնեցովականների առաջակալը: Չերնեցովը աճապարեց դեպի այնտեղ: Ճակատային կարճատև հարվածով նա ետ շարտեց 3-րդ Մոսկովյան ջոկատը, մարտում խիստ քայքայեց խարկովյան ջոկատը և խուճապահար նահանջող կարմիրզարդիականներին ետ շարտեց դեպի ելման դիրքը:

Նրբ արդեն Լիխայայի ուղղությամբ դրոթյունը վերականգնված էր, Չերնեցովը իր ձեռքը վերցնելով նախաձեռնությունը, վերադարձավ Կամենսկայա: Հունվարի 19-ին Նովոչերկասկից մի ջոկատ եկավ նրան օժանդակելու համար: Հետևյալ օրը Չերնեցովը որոշեց հարձակվել Գլուբոկայայի վրա:

Ռազմական խորհրդում հարյուրապետ Լինկովի առաջարկով որոշվեց Գլուբոկայան գրավել շրջանցելու միջոցով: Չերնեցովը վտանգավոր էր համարում երկաթուղու գծով հարձակվելը, որովհետև վախենում էր, որ այդ ուղղությամբ կհանդիպի Կամենսկայայի ուկրոնի զորամասերի և Չերտկովոյից նրանց օգնության եկած կարմիրզարդիական ջոկատների համառ դիմադրության:

Գիշերն սկսվեց խոր շրջանցումը: Չերնեցովն ինքն էր տանում զորասյունը:

Արդեն լուսանալու էր, երբ մոտեցան Գլուբոկայային:

Ճշտութեամբ վերադասավորվեցին, շղթա կազմեցին: Տալով վերջին կարգադրութիւնները, Չերնեցովն իջավ ձիուց, ու տրորելով թմրած ոտները, խոպոտ հրամայեց վաշտերից մեկի հրամանատարին.

— Առանց ցերեմոնիաների, յասավու: Դուք ինձ հասկացա՞ք:

Նա տաքանալու համար քայլեց տեղում, ձյան պինդ շերտի վրա, ճոճոցնելով սապոգները. ծոց սպիտակ կարակուլե փափախը, ձեռնոցով շփեց կարմրած ականջը: Նրա փայլուն, հանդուգն աչքերի տակ անքնութիւնից կապույտ կլորակներ էին առաջացել: Շրթունքները ցրտից կնճռտվել էին: Կարճ կտրած բեղերի վրա եղյամի խավ էր նստել:

Տաքանալով, նա թռավ ձիու վրա, շտկեց պաշտպանական գույնի սպայական կիսամուշտակի ծալերը, ու թամբի զաշից վերցնելով սանձը, խթանեց Դոնի հերաթափ, շիկակարմրավուն նժույզը, սրտանց ու վստահորեն ժպտաց.

— Սկսե՛նք:

XII

Կամենսկայայում ճակատային կազակութեան համագումար հրավիրվելուց առաջ փոխյասավու Իզվարինը փախավ գնդից: Նախորդ օրը նա եղավ Գրիգորիի մոտ ու, ակնարկելով իր հեռանալու մասին, ասաց.

— Ստեղծված պայմաններում դժվար է ծառայել զրնգում: Կազակները դեգերում են երկու ծայրահեղութիւնների միջև,— բուլշևիկներ և առաջվա միապետական կարգերը: Ոչ ոք չի ուզում պաշտպանել Կալեդինի կառավարութիւնը, մասամբ նույնիսկ այն պատճառով, որ նա ձեռ չի քաշում իր պարիտետից, ոնց որ խեղկատակը՝ շիկշիկաններից: Իսկ մեզ հարկավոր է վճռական, ուժեղ կամքի տեր մարդ, որը կարողանա ոչ-կազակ բնակչութեանն իր պատշաճ տեղը տալ... Բայց ես գտնում եմ, որ ավելի լավ է ներկա մոմենտում պաշտպանել Կալեդինին՝ գործը վերջնականապես տանուլ շտալու համար:— Մի քիչ լռելուց հետո, ծխախոտը վառելով, հարցրեց.— Դու... կարծեմ կարմիրների հավատն ես ընդունել:

— Համարյա թե,— համաձայնեց Գրիգորին:

— Անկեղծորե՞ն թե՞ Գոլուբովի նման փորձում ես համակրանք ձեռք բերել կազակների մեջ:

— Ինձ համակրանք հարկավոր չէ: Ինքս եմ ելք փնտրում:

— Դու դեմ ես առել պատին, և ոչ թե ելք գտել:

— Տեսնե՛նք...

— Վախենում եմ, Գրիգորի, որ մենք հանդիպենք իբրև թշնամիներ:

— Կովի դաշտում բարեկամներին չեն ճանաչում, Եֆիմ Իվանիչ,— ժպտաց Գրիգորին:

Իզվարինը մի քիչ նստեց ու գնաց, իսկ առավոտյան չքացավ, ասես գետնի տակ ա՛նցավ:

Համագումարի օրը Վեշենսկայա ստանիցայի Լեբյաժի խուտորի մի կազակ-ատամանցի հկավ Գրիգորիի մոտ: Գրիգորին մաքրում և հրացանի յուղով յուղում էր նագանը: Ատամանցին մի քիչ նստեց և գնալուց առաջ որսիս թե ի միջի ալյուց ասաց, մինչդեռ բացառապես դրա համար էր եկել (նա գիտեր, որ Գրիգորիի կնկանը խլել էր Լիստնիցկին, Ատամանյան գնդի նախկին սպան, ու վերջինիս պատահամբ տեսնելով կայարանում, եղել էր նախազգուշացնելու).

— Գրիգորի Պանտելեիչ, այսօր ես կայարանում տեսաք բարեկամին:

— Ո՞ւմ:

— Լիստնիցկուն: Ծանաչո՞ւմ ես նրան:

— Ե՛րբ տեսար, արագ հարցրեց Գրիգորին:

— Մոտ մի ժամ առաջ:

Գրիգորին նստեց: Վաղեմի վիրավորանքը գայլ խեղդող գամփոռ նման բռնեց նրա սիրտը: Թշնամու նկատմամբ նա առաջվա պես ուժեղ թափով ոխ չէր զգում, բայց գիտեր, որ եթե նրան հանդիպի այժմ, սկսվող քաղաքացիական պատերազմի պայմաններում, երկուսի միջև արյունահեղութիւն կլինի: Անսպասելիորեն լսելով Լիստնիցկու մասին, հասկացավ, որ հին վերքը չի մոռացվել վաղեմութիւնից. անզգուշ խոսքով շոշափիր այն,— ու արյուն կգա: Գրիգորին հաճույքով վրեժ կառնե՞ր անցածի համար, այն բանի համար, որ գարշելի մարդու մեղքով խամրել էր կյանքը և առաջվա լիա-

բյուն, մեծ բերկրանքի տեղում հռչակող, անհաղթ թախիծ ու
թռչնած դաշկուծյուն էր մնացել:

Մի փոքր լռելով, զգալով, թե ինչպես է դեմքից անցնում
ոչ այնքան թունդ կարմրութունը, հարցրեց.

— Այստե՞ղ է եկել, չգիտե՞ս:

— Հազիվ թե: Երևի Չերկասկ է գնում:

— Հը՛մ...

Ատամանցին խոսեց համագումարի, գնդի նորութուննե-
րի մասին ու գնաց: Հետագա բոլոր օրերում Գրիգորին, որ-
քան էլ ջանք թափեց, չկարողացավ ամոքել սիրտը ճմլող
ցավը: Քայլում էր շքմած, սովորականից ավելի հաճախ էր
վերհիշում Ակսինյային. բերանում դառնութուն էր զգում,
սիրտը թուլանում էր: Մտածում էր նատալյայի, երիխաների
մասին, բայց ժամանակը մարել էր դրանից սպասվելիք
ուրախութունը, վաղեմութունը մոռացնել էր տվել այն: Մի-
տը Ակսինյայի հետ էր, վերջինս նրան քաշում էր ծանր ու
տիրաբար:

Երբ Չերնեցովը վրա տվեց, հարկավոր եղավ շտապ նա-
հանջել Կամենսկայայից: Գոնի ուկրաին ջլատված ջոկատնե-
րը, կիսով չափ պակասած կազակական հարյուրյակները ան-
կարգ կերպով բեռնվում էին գնացքներին, հեռանում երթա-
կան կարգով, թողնում այն ամենը, ինչ որ չէր կարելի ձեռքով
տանել, ինչ որ ծանր էր: Պարզ երևում էր, որ չկա կազմա-
կերպվածութուն, չկա կայուն մարդ, որը հավաքեր ու դասա-
վորեր իրոք խոշոր այդ բոլոր ուժերը:

Ընտրովի հրամանատարներից աչքի ընկավ վերջին օրե-
րում որտեղից-որտեղ հայտնված զորական ավագ Գոլուբովը:
Նա ընդունեց կազակական ամենամարտական 27-րդ գնդի
հրամանատարութունը և միանգամից, խստութուններ բա-
նեցնելով, գործը գլուխ բերեց: Կազակներն անվերապահո՞-
րեն ենթարկվում էին նրան, տեսնելով նրա մեջ այն, ինչ որ
պակասում էր գնդին, — գունդը համախմբելու, պարտակա-
նութունները բաշխելու, առաջնորդելու կարողութուն: Այդ
նա էր, Գոլուբովը, հաստ, ուռուցիկ թշերով, լկտի աչքերով
սպան, որ կայարանում թափահարելով թուրը, գոռում էր
բեռնումը ուշացնող կազակների վրա.

— Խ՛նչ եք անում, հը՞: Օլի՞ն եք խաղում... ձեր այսինչը.

ձեր մերը... Բեռնեցեք, է՛: Ռեուլուցիայի անունից հրամայում
եմ անմիջապես ենթարկվել... Ի-ի-ի՞նչ... Այդ ո՞վ է դեմագո-
գը: Կգնդակահարեմ, սրիկա... Լո՞ն՛... Սարտածնիկներին
և ծածուկ կոնտրակուլուցիոններին ես ընկեր չե՛մ:

Ու կազակները ենթարկվում էին: Ըստ հին սովորության
շատերին այդ նույնիսկ դուր էր գալիս. դեռ հնից ձեռ չէին
քաշել: Իսկ առաջվա ժամանակներում ով կաշի պլոկող էր,
նա էլ լավագույն հրամանատարն էր կազակների աչքում:
Այնպիսիների մասին, ինչպես Գոլուբովն էր, ասում էին՝ «նա
մեղավորի կաշին է քերթում, իսկ արդարի հետ խղճով է
վարվում»:

Գոնուկովի զորամասերը ետ քաշվեցին ու հեղեղեցին
Գլուբովյան: Բոլոր ուժերի հրամանատարութունն ըստ էու-
թյան անցավ Գոլուբովին: Երկու օրից էլ պակաս ժամանա-
կամիջոցում նա ի մի հավաքեց քայքայված զորամասերը,
պատշաճ միջոցներ ձեռք առավ Գլուբովյան իր ձեռքում
պահելու համար: Նրա պահանջով Գրիգորի Մելիխովը 2-րդ
պահեստի գնդի երկու հարյուրյակից և ատամանցիների մի
հարյուրյակից կազմված դիվիզիոնի հրամանատար էր դար-
ձել:

Հունվարի 20-ի երեկոյան Գրիգորին դուրս եկավ իր
բնակարանից, ատամանցիներից կարգած ուղեկալները ստու-
գելու համար, ու հենց դարբասի մոտ հանդիպեց Պողոտյու-
կովին: Վերջինս ճանաչեց նրան:

— Դո՞ւ ես, Մելիխով:

— Ես եմ:

— Ո՞ր ես գնում:

— Ուղեկալները նայելու: Վաղո՞ւց ես եկել Չերկասկից:
է՛, ո՞նց եղավ:

Պողոտյուկովը մոռալվեց:

— Ժողովրդի երգվյալ թշնամիների հետ գործը հաշտու-
թյամբ զլուխ չես բերի: Տեսա՞ր, թե ինչ օյին խաղացին: Բա-
նակցութուններ... իսկ իրենք Չերնեցովին մեջտեղ բերին:
Կալեդինը ինչպիսի՞ իժ է, հա՛-ա: է՛հ, ես իսկի ժամանակ չու-
նեմ, շուտ պետք է գնամ շտաբ:

Նա արագ հրաժեշտ տվեց Գրիգորիին, լայն քայլերով
գնաց դեպի կենտրոնը:

Գեո մինչև Ռեկոմի նախագահ ընտրվելը նա բավական փոխվել էր Գրիգորիի և մյուս, ժանոթ կազակների նկատմամբ, նրա ձայնի մեջ գերազանցության ու որոշ մեծամտության նշաններ էին արտահայտվում: Իշխանությունը գինությունից պես շմեցրել էր բնությունից հասարակ կազակի գլուխը:

Գրիգորին բարձրացրեց շինելի օձիքը, գնաց՝ արագացնելով քայլերը: Գիշերն ըստ երևույթին խիստ ցուրտ էր լինելու: Կիրգիզիայի կողմից քամի էր փչում: Երկիրը պայծառանում էր: Զգալիորեն ցուրտ էր: Խոպոտ ճոճում էր ձյունը: Լուսինը սահում էր մեղմակի և կողքի ծոված, ինչպես հաշմանդամը սանդուղքով բարձրանալիս: Տներինց դենը փովել էր մթնշաղային գորշ կապտությունը սքողված տափաստանը: Գիշերամուտի այն ժամն էր, երբ ջնջվում են ուրվագծերը, գույները, տարածությունը, երբ ցերեկվա լույսը դեռ մաքառում է գիշերային մթնության դեմ ու ամեն ինչ թվում է անիրական, հեքիաթային, երերուն. ու նույնիսկ բույրերն էլ այդ ժամին, կորցնելով իրենց թնդությունը, ունենում են իրենց առանձնահատուկ, սքողված երանգները:

Ստուգելով ուղեկայները, Գրիգորին վերադարձավ իր բնակարանը: Տանտերը, որ երկաթուղային ծառայող էր, պեպենոտ և խարդախ դեմքով, — ինքնաեռ գցեց, նստեց սեղանի մոտ:

— Հարձակվելո՞ւ եք:

— Հայտնի չէ:

— Թե՞ մտածում եք սպասել նրանց:

— Հետո կերևա:

— Միանգամից ճիշտ է: Դեհ, դուք ինչո՞վ պիտի հարձակվեք որ. իհարկե, ավելի լավ է սպասել: Պաշտպանվելը ավելի ձեռնտու է: Ես ինքս գերմանական պատերազմում ծառայում էի իբրև սակրավոր, տակտիկական ստրատեգիայից կարգին գլուխ էի հանում... Ուժեղ քիչ են, քիչ:

— Բավական է, — Գրիգորին խուսափեց իրեն ճնշող խոսակցությունից:

Բայց տանտերը պնդեցություններ հարցուփորձ էր անում, պատվում սեղանի շուրջ, մահուդե բաճկոնակի տակից քորում արբամիկ ձկան փորի պես լղար փորը:

— Հրետանի շա՞տ կա: Թնդանոթներ, թնդանոթներ, էլի՞:

— Սառայել ես, բայց ծառայությունը չգիտես, — սառը կատաղությամբ ասաց Գրիգորին ու այնպես շոնց աչքերը, որ տանտերը մի կողմ նետվեց՝ ասես ուշաթափությունից. — ծառայել ես, բայց չգիտես... Խնչ իրավունք ունես ինձ հարցուփորձ անելու մեր զորքերի քանակի և մեր պլանների մասին: Քեզ պիտի տանեմ հարցաքննության...

— Պարո... սպա... Աղավ... աղավնյակ... — ամբողջովին կուլ տալով բառերի վերջավորությունները, կմկմաց գույները գցած տանտերը, սևին էին տալիս նրա կիսաբաց բերանի շեշերը. Հիմարու... հիմարություն էր, ներեցեք...

Թեյի ժամանակ Գրիգորին պատահմամբ բարձրացրեց գլուխն ու նայեց նրան, նկատեց, որ նրա աչքերը արագ թարթեցին ինչպես կայծակի հարվածի պահին, իսկ երբ թարթիչները բացեցին աչքերը, դրանց արտահայտությունն այլ էր, փաղաքշական և գրեթե պաշտող: Տանտիրոջ ընտանիքը, — կինն ու երկու շափահաս աղջիկները, — շնչալով խոսքեր էր փոխանակում: Գրիգորին կիսատ թողեց երկրորդ բաժակը, գնաց իր սենյակը:

Շուտով որտեղից որտեղ եկան 2-րդ պահեստի գնդի շորորող հարյուրյակի վեց կազակներ, որոնք տեղավորված էին նույն բնակարանում, Գրիգորիի հետ միասին: Նրանք բարձրաձայն խոսում, ծիծաղում, թեյ էին խմում: Գրիգորին արդեն քուն մտնելիս լսում էր նրանց հատուկենտ խոսքերը: Մեկը պատմում էր (Գրիգորին ձայնից ճանաչեց դասակապետ Բախմաչևին, Լագունսկայա ստանիցայի կազակին), մնացածները երբեմն դիտողություններ էին անում:

— Այդ կատարվեց իմ ներկայությամբ: Գործովկայի շորջանից, համար տասնմեկ հանքարանից գալիս են երեք բանվոր, ասում են՝ մեզ մոտ կայազոր է հավաքվել, գենքի կարիք կա, դեհ, բաժին հանեք, ինչ որ կարող եք: Իսկ Պողոտյուկովը... Ես հո ինքս լսեցի, — նա բարձրացրեց ձայնը՝ պատասխանելով մեկի ուրիշին, — ասում է՝ «Դիմեցեք Սաբլինին, ընկեր, իսկ մեզ մոտ ոչինչ չկա»: Ո՞նց թե ոչինչ չկա: Ես գիտեմ, որ ավելորդ հրացաններ կային: Այստեղ ուրիշ բան կար... Խանդոտություն արտահայտվեց, որ մուծիկներն են խառնվում գործին:

— Եվ ճիշտ է,— ասաց մեկ ուրիշը,— արի ու նրանց գննք տուր, իսկ նրանք կկուվեն թե ոչ, հայտնի չի: Իսկ երբ հարցը վերաբերի հողին, ձեռք կմեկնեն:

— Մենք լա՛վ ենք ճանաչում նրանց,— ասաց երրորդը: Բախմաշուր թեյի գողը մտազբաղ զնգզնգացրեց բաժակին. զարկելով այն իր խոսքերի տակտով, բառերը շեշտելով, ասաց.

— Չէ, սա ոչ մի բանի նման չի: Բոլշևիկները ամբողջ ժողովրդի համար գիշումներ են անում, իսկ մենք վատ բոլշևիկներ ենք... Միայն թե Կալեդինին դեն պցենք, հետո արդեն հուպ կտանք...

— Բայց հոգիդ սիրեմ,— հորդորանքով հնչեց մեկի ճկուն, համարյա երեխայական ձայնը,— հասկացիր, որ մենք ոչինչ չունենք տալու: Ամեն մի տանը մեկ ու կես դեսյատին հարմար հող է ընկնում, մնացածը կավ է, ձորակներ, արտատեղեր: Է՛լ ի՞նչ կա տալու:

— Քեզանից շեն է՛լ վերցնում, բայց կան այնպիսիներք, որոնք հարուստ են հողով:

— Բա զորաց հո՞ղը:

— Խոնարհաբար շնորհակալ ենք: Քո հողը տուր, հետո արիշից մուրա... Մի՛թամ բա՛ն ասացիր, էլի՛:

— Զորաց հողը մեզ պետք կգա:

— Էլ ի՞նչ ասել կուզի:

— Ազահությունը լավ բան չի:

— Ի՞նչ, ազահություն, է՞:

— Գուցե պետք լինի տեղափոխել վերի՝ մեր կազակների: Գիտե՛նք մենք նրանց հողերը. դեղին ավազ և ուրիշ աշինչ:

— Հենց ա՛յդ է բանը:

— Մենք ոչ ձևելու ենք, ոչ էլ կարելու:

— Առանց արալի դրանից գլուխ չես հանի:

— Է՛խ, տղերք ջան: Անցած օրը այստեղ թալանեցին գինու պահեստը: Մեկը լողաց սպիրտի մեջ, խեղդվեց:

— Կարգին խմե՛ր, էլի: Այնպես, որ ջանը ճնկճնկաբ:

Գրիգորին կես քնի մեջ լսում էր, թե ինչպես կազակները տեղ էին գցում հատակի վրա, հորանջում, քորվում, էլի՞ ու էլի խոսում հողի, հողաբաժանության մասին:

Լուսարացից առաջ պատուհանի տակ ճայթեց մի կրակոց: Կազակները վեր թռան: Գրիգորին վերնաշապիկը հագնելիս շէր գտնում թեքը: Ութի վրա հագավ կոշիկները, վերցրեց շինելը: Դրսում ճթճթում, ճայթում էին կրակոցները: Գրոզբուրով անցավ մի սայլ: Մեկը դռան մոտ գոռում էր հնչեղ, վախեցած ձայնով.

— Վերցնե՛լ հրացանները... հրացաննե՛րը...

Չերնեցովի շղթաները ետ մղելով ուղեկալները, մտնում էին Գլուբոկայա: Գորշ, մռայլ մթության մեջ ձիավորներն այս ու այն կողմ էին նետվում: Սապոգները թիթփացնելով, վազում էին հետևակները: Փողոցների խաչմերուկում գնդացի էին դնում: Մի երեսուն հոգի կազակ, շղթա կազմած, առաջ անցան: Մի օղակ ևս վազեվազ անցավ նրանցքը: Շրջակում էին փակաղակները՝ փամփուշտները մղելով հրացանների փողերի մեջ: Հետևյալ թաղում մեկը բղավում էր հրամանի բարձր, հնչեղ ձայնով.

— Երկրորդ հարյուրյակ, շո՛ւտ: Ո՞վ է այնտեղ խախտում շարքը... Զգա-ա՛ստ: Գնդաքորոզները՝ աչ թևը: Պատրա՛ստ է: Հարյուրյա՛-ակ...

Դղրդալով անցավ մարտկոցային մի դասակ: Չիերը քառատրոփ էին սլանում: Ձիավորները թափահարում էին մտրակները: Ռմբարկղների շաշունը, անիվների որոտը, լաֆետների զղրոցը միախառնվում էին ծայրամասում սաստկացող հրաձգությանը: Մատիկ տեղում միանգամից որոտացին գնդացիները: Փողոցի մյուս անկյունում, կպչելով նախապարտեզի մոտ գտնվող ծածկված դեղին, շրջվեց հայտնի չէ ուր սլացող դաշտային խոհանոցը:

— Տո՛, սատանա, քո՞ն ես, ինչ է... Բա շե՞ս տեսնում: Ո՛ւր ես քշում:— Այնտեղից բղավեց մեկը ծանր մահացու վախեցածի ձայնով:

Գրիգորին դժվարությամբ հավաքեց հարյուրյակը, վարգելով տարավ կայարանի ծայրը: Այնտեղից արդեն հոծ խումբերով գալիս էին նահանջող կազակները:

¹ Վերի — Գոնի վերին ավազանի (Մ. Ք.):

— Ո՞ւր է, է՞... — Գրիգորին բռնեց առջևից եկողի հրացանը:

— Թո՛ղ... — կազակը քաշեց հրացանը: — Թո՛ղ, սրիկա... Ինչո՞ւ ես բռնում: Չե՞ս տեսնում, — նահանջում են...

— Ուժը նրանն է...

— Քշո՛ւմ է սարսաղի պես...

— Ո՞ւր ենք գնալու... Ո՞ր երկիրը, — Միլևերովոյի կո՞ղմը, — հեռավո՞ր թղավում էին ումանք:

Գրիգորին փորձեց իր հարյուրյակով շղթա կազմել ծայրամասում, մի ինչ-որ երկար մարագի մոտ, բայց փախչողների նոր բազմությունը նրանց ոտնատակ արավ: Գրիգորիի հարյուրյակի կազակները խառնվելով փախչողներին, իրենք էլ ետ փախան դեպի փողոցները:

— Կանգնե՛լ... Չփախչե՛լ... Կրակում եմ... — կատաղությունից զողալով՝ գոռում էր Գրիգորին:

Նրան չէին հնազանդվում: Փողոցի երկարությունը գրեզացրային կրակ թափվեց. կազակները մի վայրկյան խումբ-խումբ ընկան գետնին, սողալով մոտեցան պատերին ու սլացան դեպի խոտորնակի փողոցները:

— Հիմի դրանք չես կանգնեցնի, Մելիխով, — բղավեց զասակապետ Բախմաշևը՝ վազեմագ անցնելով նրա կողքից ու մոտիկից նայելով նրա աչքերին:

Գրիգորին գնաց կազակների հետևից, նա կրճտացնում էր ատամները, թափահարում հրացանը:

Խուճապը, որով բռնվել էին զորամասերը, վերջացավ նրանով, որ զորամասերն անկարգ վիճակում փախան Գլուբոկայայից: Նահանջեցին, թողնելով ջոկատի համարյա ամբողջ նյութական մասը: Միայն լույսը բացվելիս հաջողվեց հավաքել հարյուրյակները և նրանց նետել հակահարձակման:

Կարմրատակած, քրտնած Գոլուրովը, որ արձակած կիսամուշտակով էր, սլանում էր իր 27-րդ գնդի շարժվող շղթաների առջևից. մետաղե, լարված ձայնով գոռում էր.

— Քայլո՞ւ՜մ գնալ... Չպառկե՛լ... Մարշ, մա՛րշ...

14-րդ մարտկոցը դիրք բռնեց, հրանոթները հանեց քարշակներին. մարտկոցի ավագ սպան ուժարկղի վրա կանգնած, նայում էր հեռադիտակով:

Մարտը սկսվեց ժամը վեցին: Կազակների ու Պետրովի վորոնեժյան ջոկատի կարմիրզվարդիականների խառն շղթաները հոժ բազմությունը առաջ նետվեցին, ֆիգուրների սև շարաններով ուրվագծվեցին ձյունե ֆոնի վրա:

Արևելքից ցուրտ քամի էր փչում: Քամու ծվատած ամպի տակից արշալույսը ցուցադրել էր իր արյունամած եղբւր:

Գրիգորին ատամնայան հարյուրյակի կեսը ուղարկեց 14-րդ մարտկոցը պաշտպանելու, մնացածների հետ հարձակման անցավ:

Հրաձգության ճշտման առաջին արկը ընկավ շերենցովյանների շղթայից հեռու, նրա առջևի կողմում: Պայթյունի փրշոտ, նարնջագույն-կապույտ դրոշը դեպի վեր թռավ: Դղրդալով պայթեց երկրորդ կրակոցը: Հրանոթները մեկ-մեկ ճշտում էին հրաձգությունը:

Վը՛զ-վըզ-վը՛զ... — թռավ-սլացավ արկը:

Մի վայրկյան լարված լուծյուն, հրացանային համազարկեր, ու արկի հեռավոր, որոտալից պայթյուն: Թշնամու շղթայից դենը թռչելուց հետո արկերը հետզհետե ընկնում էին շղթայի մոտ: Քամուց աչքերը կկոցելով, Գրիգորին գոհունակության զգացմամբ մտածեց՝ «Գտան տեղը»:

Աչք թևից հարձակվում էին 44-րդ գնդի հարյուրյակները: Գոլուրովն իր գունդը տանում էր կենտրոնից: Գրիգորին նրա ձախ կողմում էր: Նրանից դենը, ձախ թևից հարձակվում էին կարմիրզվարդիական ջոկատները: Գրիգորիի հարյուրյակներին երեք գնդացի էր տրված: Դրանց հրամանատարը, որ կարճահասակ մի կարմիրզվարդիական էր մռայլ դեմքով և խիստ մազոտ, լայն ձեռքերով, ճարտարությամբ էր վարում հրաձգությունը՝ կասեցնելով հակառակորդի հարձակողական մասներները: Նա շարունակ գտնվում էր այն գնդացիի մոտ, որը առաջ էր շարժվում ատամանցիների շղթայի հետ: Նրա հետ կար ամրակազմ, շինել հագած մի կին-կարմիրզվարդիական: Գրիգորին անցնելով շղթայի երկարությունը, շարացած մտածեց՝ «Ա՛յ քեզ կնամո՛ւ. եկել է դիրքերը, ու էլի կնկանից ձեռ չի քաշել: Արի ու կովիր այդ տեսակների կողքին... Մնում է, որ վերցրած լինեիր յորդան-դոշակն ու բոլոր լակոտ-լուկոտներին...» Գնդացրային զորախմբի պետը մոտեցավ Գրիգորիին, կրծքի վրա շտկեց նագանի քուղը:

— Գո՞ւզ եք այս ջոկատի հրամանատարը:

— Այո, ես եմ:

— Ես խափանիչ կրակ կրանամ ատամանյան կիսահարյուրյակի ճակատամարտում: Տեսնո՞ւմ եք, մեզ ճամփա չեն տալի:

— Կա՛մ,— համաձայնեց Գրիգորին և շուտ եկավ, լսելի հրաձգությունը դադարեցրած գնդացրի կողմից եկող աղաղակը:

Երկարամորուք, հաղթանդամ մի գնդացրորդ վայրագությամբ գոռում էր.

— Բունչուկ... ախր մեքենան կհալվի... Տո՛, գարշելի սատանա, մի՞թե կարելի է այդպես:

Նրա կողքին ծնկել էր շինել հագած կինը: Վերջինիս սև աչքերը, որ վառվում էին բրդե լաշակի տակից, Գրիգորիին հիշեցրին Ակսինյային, և նա կարոտ աչքերով մի պահ անթարթ նայեց կնոջը՝ պահելով շնչառությունը:

Կեսօրին Գոլուբովի հանձնատարը մի գրություն բերեց Գրիգորիին: Դաշտային տեղից անհավասար կտրված թերթիկի վրա խոշոր, ծուռումուռ տառերով գրված էր.

Գոնի Ռեկոմի անունից ձեզ հրամայում եմ ձեր հրամանատարությանը հանձնված երկու հարյուրյակներով դուրս գալ դիրքից և արագ ընթացքով գնալ հակառակորդի աչ թևն անցնելու, ուղղություն վերցնելով դեպի այն տեղամասը, որ երևում է այստեղից, հողմաղացից ձախ, ձորակի ուղղությամբ... Քողարկեցեք ձեր ընթացքը (մի քանի անընթեռնելի բառ...) Խփել թևից, հենց որ մենք վճռական գրոհի անցնենք Գոլուբով:

Գրիգորին մի կողմ տարավ երկու հարյուրյակը ու նստեցրեց ձիերին, ետ քաշվեց, աշխատելով, որ հակառակորդը շորոշի հարյուրյակների ընթացքի ուղղությունը:

Քսան վերստ շուրջանակի ճանապարհ անցան: Ձիերը գնում էին խոր ձյան մեջ թաղվելով: Ձորակը, որով գնում էին հակառակորդին շրջանցելու, լցված էր ձյունով: Տեղ-տեղ ձյունը մինչև ձիերի փորն էր հասնում: Գրիգորին ականջ զննելով հրանոթների որոտմունքին, անհանգստությամբ նայում էր ժամացույցին, որ հանված էր Ռուսիներից սպանված գերմանական մի սպայի ձեռքից. նա վախենում էր, որ

կուշանա: Կողմնացույցով ստուգում էր ուղղությունը, և այնուամենայնիվ մի քիչ ավելի ծովեց դեպի ձախ, քան հարկավոր էր: Ձորակի մի լայն ձյուղով դուրս եկան բաց դաշտը: Ձիերից քրտինքի գոլորշի էր բարձրանում, նրանց աճուկները թրջվել էին: Ձիերից իջնելու հրաման տալով, Գրիգորին առաջինը վազեվազ բարձրացավ մի բլրակ: Ձիերը մնացին ձորակում, ձիապահների հետ: Կազակները մի քիչ թեք լանջով գնացին Գրիգորիի հետևից: Նա ետ նայեց, իր հետևում տեսավ ձիերից իջած ձորակի ձյունապատ լանջի վրա ցրիվ շարժվող ավելի քան հարյուր մարտիկներին, ու իրեն ավելի վստահ, ավելի ուժեղ զգաց: Նրան, ինչպես և ամեն մեկին, մարտում միշտ էլ սաստիկ համակում էր յուրայինների հետ լինելու զգացմունքը: Արագորեն որոշելով իրագրությունը, Գրիգորին հասկացավ, որ առնվազն մի կես ժամ ուշացել էր,— հաշվի չէր առել ճանապարհի դժվարությունը:

Գոլուբովը ստրատեգիական համարձակ մանևրով համարյա կտրեց շերենցովյանների նահանջի ճանապարհը, կողքերից առաջակալներ կարգեց և ճակատային գրոհով գնում էր կիսով չափ օղակված հակառակորդի վրա: Որոտում էին մարտկոցային համազարկերը: Ճայթում էին հրացանների կրակոցները, կարծես արճճե մանր գնդիկներ էին զարկվում երկաթե անոթին. շրայները թափվում էր շերենցովյանների ջախջախվող շղթաների վրա, խիտ ընկնում ու պայթում էին արկերը:

— Շղթա՛ կազմել...

Գրիգորին իր հարյուրյակով հարձակվեց թևից: Ասես վարժական հրաձգություն էին կատարում,— առաջ էին նետվում առանց պառկելու, բայց մի ինչ-որ ճարպիկ շերենցովյան, որ աշխատում էր «մաքսիմկա» գնդացրի վրա, այնպես վարպետորեն գնդակոծեց շղթան, որ կազակները իսկույն պառկեցին՝ շարքից կորցնելով երեք մարդ:

Կեսօրվա ժամը երեքին գնդակը խփեց Գրիգորիին: Արճիճի շիկացած գնդիկը, նիկելի պատյան հագած, ծակեց նրա ոտի մսե հյուսվածքը, ծնկից վերև: Զգալով տաք հարվածը և արյան նողկալի, ծանոթ կորուստը, Գրիգորին կրճատացրեց ատամները: Շղթայից դուրս սողաց, ցասկոտ վեր թռավ տեղից, խիստ թափահարեց գնդակի կոնտուզիայից վնասված

գլուխը: Ոտի ցավը ուժեղանում էր նաև այն պատճառով, որ գնդակը շուրջ չէր եկել: Խփելով Գրիգորիին, ծակելով շինելը, շալվարը և մաշկը, մնացել էր մկանների մեջ սառելու: Այրող, սուր ցավը խանգարում էր շարժվելուն: Պառկած մնալով, Գրիգորիին հիշեց 12-րդ գնդի հարձակումը Տրանսիլվանիայի լեռներում, Ռումինիայում, երբ վիրավորվեց ձեռքից: Նրա աչքերի առաջ պարզ պատկերացավ այն գրոհի տեսարանը: Չուբատին, Միշկա Կոշևոյի զայրացած դեմքը, Սմելյան Գրոշևը, որ աճապարում էր սարն ի վար՝ տանելով վիրավորված հարյուրապետին:

Հարյուրյակների հրամանատարությունն ընդունեց սպա Պավել Լյուբիշկինը, Գրիգորիի օգնականը: Նրա հրամանով երկու կազակ Գրիգորիին տարան ձիապահների մոտ: Վերջինիս ձի նստեցնելով, կազակները կարեկցարար խորհուրդ տվին.

— Կապեցեք վերքը:

— Բինտ կա՞:

Գրիգորին արդեն նստել էր թամբին, բայց, մտածելով, իջավ ձիուց, ցած գցեց շալվարը, ու քրտնած մեջքի, փորի ու ոտների սարսուռից դեմքը կնճռտելով՝ հապճեպ կապեց դաղված, արյունահոս, փոքրիկ վերքը, որ ասես փոքրիկ դանակի հարվածից էր առաջացել:

Իր հանձնատարի ուղեկցությամբ, նույն շուրջանակի ճանապարհով նա ճանապարհվեց դեպի այն վայրը, որտեղից սկսել էին հակահարձակումը: Դիտեց ձիերի խոր հետքերը ձյան մեջ, ծանոթ ուրվագծերն այն ձորակի, որով մի քանի ժամ առաջ տարել էր իր հարյուրյակները: Նրա քունը տանում էր, ու արդեն չցիտես ինչու հեռավոր և ավելորդ էր թվում այն, ինչ որ տեղի էր ունենում բլուրի վրա:

Իսկ այնտեղ ձյան փոշու բազմաքանակ, ցաք ու ցրիվ քուլաներ էին բարձրացնում հրացանային կրակոցները, որոտում էր հակառակորդի ծանր մարտկոցը՝ իրկելով յուրայիններին, երբեմն էլ ճարճատող գնդացիները կետաշար էին թափալում, աեսես անտեսանելի գիծ էին քաշում մարտի հանգամանքների տակ:

Գրիգորին երեք վերստ գնում էր ձորակով: Ձիերը թաղվում էին ձյան մեջ:

— Քշիր դեպի բաց դաշտը...— փնթփնթալով ասաց նա հանձնատարին՝ դուրս գալով ձորակի ձյունապատ ափը:

Հեռվում, դաշտում, ինչպես գետնին նստած ագռավներ, տեղ-տեղ սևին էին տալիս սպանվածների դիակները: Հորիզոնի հենց ծայրում առանց ձիավորի մի նժույգ էր թռչում, որը այստեղից շատ փոքրիկ էր թվում:

Գրիգորին տեսավ, թե ինչպես շերնեցովյանների հիմնական զորախումբը, ջարդված ու նոսրացած, կովից դուրս գալով ու հտ դառնալով, նահանջում է դեպի Գլուբոկայա: Նա իր շիկակարմրավուն ձին քշեց քառատրոփով: Հեռվում երևում էին կազակների առանձին խմբերը: Մոտենալով դրանցից մեկին, Գրիգորին տեսավ Գոլուբովին: Գոլուբովը իրանը հտ գցած, նստել էր ձիու վրա: Դեղնած, կարակուլ բուրբուրվ կիսամուշտակի կոճակներն արձակված էին, փափախը ծռված էր, ճակատը քրտնակալած: Ոլորելով իր վախժիստրական, ծայրերը վերև ցցված բեղերը, Գոլուբովը խուպոտ ձայնով գոչեց.

— Մե՛լեխով, կեցցես: Այդ ի՞նչ է, վիրավորվե՞լ ես: Սատանան տանի: Ոսկորը չի՞ վնասվել:— Ու պատասխանի չսպասելով, թունդ ժպտաց:— Գլխովին, գլխովին ջարդեցինք... Սպայական ջոկատն այնպես ցրիվ տվինք, որ էլ չհավաքվի: Կտրեցինք նրանց պոչը:

Գրիգորին ծխախոտ խնդրեց: Ամբողջ դաշտից հավաքվում էին կազակները: Հեռվում սևին տվող բազմության միջից ձին արագ քշելով, գալիս էր մի կազակ:

— Քառասուն գերի ենք վերցրել, Գոլուբով...— հեռվից բղավեց նա,— քառասուն սպա և հենց Չերնեցովին:

— Սուտ չե՞ս ասում:— Գոլուբովը վախեցած վեր-վեր թռավ թամբի վրա ու սլացավ՝ անխնա մտրակելով բարձր, սպիտակ ոտներով ձին:

Գրիգորին մի քիչ սպասելուց հետո ձին քշեց նրա հետևից:

Գերի բռնված սպաների հոծ բազմությանը, բոլոր կողմերից շրջապատած, ուղեկցում էին երեսուն կազակներ, որոնք 44-րդ գնդից և 27-րդ գնդի մի հարյուրյակից էին: Գերիների առջևից գալիս էր Չերնեցովը: Հետապնդումից փախչելիս նա դեն էր գցել կիսամուշտակը և այժմ գալիս էր

միայն թեթև, կաշվե կուրտկայով: Նրա ձախ ուսադիրը պոկված էր: Երեսին, ձախ աչքի մոտ արյունոտ քերթվածք էր երևում: Նա գալիս էր արագ, համաշափ քայլերով: Փափախը ծռել էր, և դա անհոգության ու կտրիճության տեսք էր տալիս նրան: Վախի նշույլ անգամ չկար նրա կարմրած դեմքին. երևում էր, որ մի քանի օր չէր սպիրվել. այտերն ու կզակը ծածկված էին շեկ, ոսկեվուն մորուքով: Չերենցովը մտայլ և արագ հայացքներ էր նետում դեպի իրեն վազող կազակների վրա. հոնքերի արանքում դառն, ատելություն արտահայտող կնճիռ էր ստվերվում: Քայլելիս նա վառեց լուցիկին, ծխեց, սիգարետը սեղմեց վարդագույն, պիրկ շրթունքների անկյունով:

Սպաները մեծ մասամբ երիտասարդներ էին, միայն մի քանիսի մազերը սպիտակին էին տալիս եղյամի նման: Մեկը, որ վիրավորվել էր ոտքից, ետ էր մնում, հետևից հրացանի կոթով նրան հրում էր կարճահասակ, մեծագլուխ ու շեշտ մի կազակ: Համարյա Չերենցովի կողքից քայլում էր բարձրահասակ, կորովի մի յասավուլ: Երկուսը (մեկը՝ խորունժի, մյուսը՝ հարյուրապետ) գալիս էին թևանցուկ արած, ժպտալով. սրանց հետևից՝ առանց զլխարկի, գանգրահեր ու թիկնեղ մի յունկեր: Մեկը վրան գցել էր զինվորի շինել՝ եզրերը կարով կպցրած ուսադիրներով: Մեկն էլ նույնպես առանց զլխարկի էր, սպայական կարմիր բաշլուղը քաշել էր սև, կանացիորեն գեղեցիկ աչքերին. քամին բաշլուղի ծայրերը գցում էր նրա ուսերին:

Գոլուբովը ձիով գալիս էր նրանց հետևից: Մի քիչ ետ մնալով, նա բղավեց կազակների վրա:

— Լսեցե՛ք... Գերիների ողջամնացության համար դուք պատասխանատու եք ուզմա-ռևոլյուցիոն ժամանակվա ամենայն խստություններ: Անվնաս կհասցնեք շտաբ:

Նա կանչեց հեծյալ կազակներից մեկին, թամբին նրստած, մի երկտող գրեց, ծալեց ու տվեց կազակին:

— Թո՛ւր: Սա տուր Պողոտյուկովին:

Դիմելով Գրիգորիին, հարցրեց.

— Դու կգնա՞ս այնտեղ, Մելիխով:

Դրական պատասխան ստանալով, Գոլուբովը ձին քշեց Գրիգորիի կողքից, ասաց.

— Հայտնի՞ր Պողոտյուկովին, որ ես Չերենցովին վերցնում եմ երաշխավորություն: Հասկացա՞ր... Գե՛հ, այդպես էլ ասա: Գնա:

Գրիգորին գերիների խմբից առաջ անցնելով, հասավ Ռեկոմի շտաբը, որ գտնվում էր դաշտում, ինչ-որ խուտորի մերձակայքում: Ուկրաինական մի լայն սայլի կողքին, որի անիվները սառցակալել էին և որի վրա կանաչ պատյանով մի գնդացի էր դրված, ետ ու առաջ էր քայլում Պողոտյուկովը: Հենց այնտեղ էլ, կրունկներն իրար խփելով, թրևում էին շտաբի աշխատողները, բանբերները, մի քանի սպա և հանձնատար կազակները: Մինակը, ինչպես և Պողոտյուկովը, կռվի տեղից նոր էր վերադարձել: Սայլին նստած, նա մշմշալով կծոտում էր սպիտակ, սառած հացը, ծամում կոճկոճացնելով:

— Պողոտյուկով,— Գրիգորին մի կողմ անցավ,— հիմի կբերեն գերիներին: Կարդացի՞ր Գոլուբովի գրությունը:

Պողոտյուկովն ուժով թափահարեց մտրակը. գլուխը կախելով ու աչքերն արյունով լցված՝ բղավեց.

— Թքել եմ Գոլուբովի վրա... Շատ էլ շատ բան է ուզում նա: Արի ու երաշխավորությամբ տուր նրան Չերենցովին, այդ ավազակին ու կոնտրոլուցիոններին... Չե՛մ տա... Պետք է դրանց բոլորին գնդակահարել և ուրիշ ոչինչ:

— Գոլուբովն ասաց, որ նրան երաշխավորությամբ է վերցնում:

— Չեմ տա... Ասացի, որ չեմ տա, պրծավ-գնաց: Նրան պետք է դատել ռևոլյուցիոն դատով և իսկույն պատժել, որ ուրիշներին էլ խրատ լինի... Գիտե՞ս,— արդեն հանգիստ ասաց Պողոտյուկովը՝ ակնապիշ նայելով գերիների մոտեցող խմբին,— գիտե՞ս թե նա որքան արյուն է խմել,— ծով արյուն... Քանի՞-քանի հանքափոր բանվորի գլուխ է կերել... ու դարձյալ, կատաղությամբ լեցուն, մոլեգնաբար շեց աչքերը.— Չե՛մ տա:

— Այստեղ բղավելու կարիք չկա,— Գրիգորին էլ բարձրացրեց ձայնը. նա դողում էր ամբողջ մարմնով: Պողոտյուկովի կատաղությունն ասես նրան էլ էր տիրել:— Այստեղ ո՛վ ասես, որ դատավոր չի: Հապա՛, մի այնտեղ գնալիր,— Գրիգորին պնդեցրեց զողացնելով. գուցե տվեց մարտի դաշտը:—

Իմ գերիների գլխին կարգադրութիւն անողներդ շատ-
շատ եք:

Պողոտյուկովը ետ քաշվեց՝ ձեռքում սեղմելով մտրակը:
Հեռվից գոռաց.

— Ես այնտեղ եղել եմ, չկարծես թե սայլ եմ նստել ու
ճղել: Իսկ դու, Մելիխով, լոհր, խելքդ գլուխդ հավաքիր...
Հասկացա՞ր... Դու ո՞ւմ հետ ես խոսում... այդպե՛ս... Սպա-
յական սովորութիւններդ թո՛ղ: Ռեկոմն է դատում և ոչ թե
ամեն տեսակ...

Գրիգորին ձին քշեց նրա վրա, ու մոռանալով վերքը,
թռավ գետին, սուր ցավից ընկավ մեջքի վրա: Կսկծող վեր-
քից հոսեց արյունը: Առանց կողմնակի օգնութեան նա վեր
կացավ, մի կերպ հասավ սայլին, կողքով հենվեց հետին
զսպանակին:

Գերիները մոտեցան: Հետիոտն ուղեկցորդների մի մասը
խառնվեց հանձնատարներին և շտաբը պահպանող կազակ-
ներին: Կազակները դեռ կովի ազդեցութեան տակ էին, լար-
վածութիւնից ու ցասումից փայլում էին նրանց աչքերը,
նրանք դիտողութիւններ էին փոխանակում կովի մանրա-
մասնութիւնների ու վախճանի մասին:

Պողոտյուկովը ծանր քայլելով փլվող ձյան վրա, մոտե-
ցավ գերիներին: Դրանց բոլորի առջև կանգնած Չերնեցովը
նայեց նրան՝ փայլուն, հանդուգն աչքերը արհամարհանքով
կկոցած. ձախ ոտը ազատորեն ետ դրած և ճռճելով այն, վե-
րին ատամների սպիտակ պայտիկը սեղմել էր դեպի ներս
տարած կարմիր շրթունքին: Պողոտյուկովը դեմառդեմ մոտե-
ցավ նրան: Նա ամբողջովին դողում էր, նրա շթարթող աչ-
քերը սևեռված էին փորփրված ձյան վրա, ու բարձրանալով՝
հանդիպեցին Չերնեցովի անվախ, արհամարհական հայաց-
քին, և այն բեկեցին ատելութեան ծանրութեամբ:

— Բռնվեցի՛ր... Իժ,— զայրագին, ցածր ձայնով ասաց
Պողոտյուկովը և մի քայլ ետ քաշվեց. ծուռ, սև ժպիտը սրի
հարվածի նման շերտատեց նրա այտերը:

— Կազակութեան դավաճան,— սրիկա, մատնիչ,— ա-
տամները կրճտացնելով՝ հնչեղ ասաց Չերնեցովը:

Պողոտյուկովը տմբամբացրեց գլուխը՝ ասես ապտակներից

խուսափելու համար. նա մթնեցրեց դեմքը, բաց բերա-
նով հեիհն կլանում էր օդը:

Այնուհետև ամեն ինչ կատարվեց ապշեցուցիչ արագու-
թեամբ: Ատամները բացած, գունատ Չերնեցովը բռնեց-
ները կրծքին սեղմելով, ամբողջովին դեպի առաջ թեքված,
հարձակվեց Պողոտյուկովի վրա: Զղաճութիւնից սեղմվող
նրա շրթունքներից անհասկանալի բառեր էին թռչում՝ մայր
հայհոյելու բառերի հետ խառնված: Նրա ասածը լսում էր
միայն դանդաղորեն ետ-ետ գնացող Պողոտյուկովը:

— Մնում է քեզ... գիտե՞ս թե չէ,— Չերնեցովը խիստ
բարձրացրեց ձայնը:

Այդ բառերը լսեցին թե՛ գերի սպաները, թե՛ նրանց
ուղեկցողները և թե՛ շտաբի աշխատողները:

— Հա՛-ա-ա՛-ա...— խեղդվողի նման խուպոտ մոնչաց
Պողոտյուկովը ձեռքը տանելով թրի կոթին:

Միանգամից լուռութիւն տիրեց, Պարզ լսվեց ձյան ղրո-
ղըռոցը, երբ Մինակը, Կրիվոշիկովը ու էլի մի քանի մարդ
նետվեցին դեպի Պողոտյուկովը: Բայց վերջինս կանխեց
նրանց. ամբողջ մարմնով շուռ գալով դեպի աջ, սպզելով,
պատյանից դուրս քաշեց թուրը, առաջ նետվեց և սարսափելի
ուժով խփեց Չերնեցովի գլխին:

Գրիգորին տեսավ, թե ինչպես Չերնեցովը ցնցվեց, ձախ
ձեռքը բարձրացրեց գլխի վրա, կարողացավ պաշտպանվել
հարվածից. տեսավ, թե ինչպես ջարդվեց Չերնեցովի թրատ-
ված դաստակը և թուրը անձայն խփվեց նրա ետ տարած
գլխին: Սկզբում զլորվեց փափախը, հետո էլ ցողունը կո-
տրրված հասկի նման դանդաղ ընկավ Չերնեցովը՝ տարօրի-
նակ կերպով ծմումված բերանով ու տանջանքից կկոցված,
ասես կայծակից կնճռոտված աչքերով:

Պողոտյուկովը մի անգամ էլ թրով խփեց արդեն ընկած
Չերնեցովին, դանդաղ, ծանր քայլերով ետ քաշվեց, միաժա-
մանակ սրբելով թրի արյունոտված, թեք փորակները:

Հենվելով սայլին, նա դարձավ դեպի ուղեկցողները,
շնչահեղձ, խուպոտ ձայնով գոռաց.

— Թրատե՛լ դրանց... Բոլորին... Ես դրանց... Գերիներ
չկան... Կտոր-կտոր անել...

Տհնդորեն ճայթել սկսեցին կրակոցները: Սպաներն իրաք

դիպչելով, դեռ ու դեռ նեղակեցին: Կանացի գեղեցիկ աչքերով ու սպայական կարմիր բաշլուղով պորուչիկը փախավ՝ ձեռները գլխին դրած: Գնդակը նրան ստիպեց բարձր ցատկում կատարել, — ասես արգելապատի վրայից: Պորուչիկն ընկավ ու էլ ոտքի չելավ: Երկուսը թրատեցին կորովի տեսք ունեցող, բարձրահասակ յասավուլին: Նա բռնում էր թրերի սայրերից, նրա կտրատված ձեռներից արյունը թափվում էր թևքերի վրա. նա ճշում էր երեխայի նման, ընկնում ծնկների, մեջքի վրա, գլուխը թավալում ձյան մեջ. երեսին երևում էին միայն արյունով ողողված աչքերը ու սև բերանը, որտեղից թռչում էր անընդմեջ ճիչը: Թրերը կտրատում էին նրա դեմքը, սև բերանը, իսկ նա դեռ էլի ճշում էր սարսափից ու ցավից բարակած ձայնով: Գոտին պոկված շինելով մի կազակ ոտները նրա երկու կողմից դնելով, կրակեց ու սպանեց նրան: Գանգրահեր յունկերը քիչ մնաց ճեղքեր ուղեկցողների շղթան և փախչելու. ինչ-որ մի ատամանցի վրա հասավ և խփեց ծոծրակին ու սպանեց: Այդ նույն ատամանցին գրնդակով խփեց հարյուրապետի թիակների արանքին. վերջինը փախչում էր քամուց ծածանվող շինելով: Հարյուրապետը պպզեց ու մատներով այնքան քրքրեց կուրծքը, մինչև որ մեռավ: Ալեխառն փոխ-յասավուլին սպանեցին հենց կանգնած տեղում. հրաժեշտ տալով կյանքին, նա ձյան մեջ ոտներով խորունկ փոս փորեց, ու կապած ձիու նման էլի ոտները կխփեր գետնին, եթե կազակները չխղճային ու չսպանեին նրան:

Գրիգորին առաջին պահին, հենց որ սկսվեց կոտորածը, պոկվեց սայլից, ու պղտորված աչքերից չփախցնելով Պողոտյուկովին, կաղալով, արագ քայլեց նրա կողմը: Հետևից նրան բռնեց Մինակը, կոտրեց, ոլորեց նրա թևերն ու խլեց նագանը. մթնած աչքերը հառելով նրա աչքերին, հեալով հարցրեց.

— Բա դու ի՞նչ էիր կարծում:

XIII

Կուրացուցիչ-պայծառ, ձյունապատ բլրալանջը, արեգակի շնարակով ու անամպ օրվա լուրթ երանգով ողողված,

ապիտակին էր տալիս, շաքարաշող կայծկլտում: Նրա տակին գույնղզուն լաթերից կարված վերմակի նման փռվել էր Յլլխուվի Ռոզ ավանը: Ձախ կողմում կապույտին էր տալիս Սվինյուխան, աջ կողմում միգամած բծերի նման փռվել էին փոքրիկ խուտորներն ու գերմանական գաղութները, հեռվում կապտել էր Տերնովսկայան: Արևելքում, ավանից դեռ պպզել ու դեպի վերև էր սողում հեղեղատներով կտրատված, տափարակ ու փոքրիկ մի բլրակ: Դրա վրա շարեշար ցցվել էին դեպի Կաշար ձգված հեռագրասյունները:

Օրը հազվադեպ պայծառ էր և ցուրտ: Արևի շուրջը ծիածանանման շերտեր էին մշուշվել: Քամին սուրում էր հյուսիսից: Տափաստանում թափառում էր բուբը: Բայց ձյունապատ, լայնարձակ տարածությունները պայծառ էին հորիզոնից հորիզոն, միայն արևելքում, հորիզոնի բուն իսկ սայրի տակ տափաստանը սքողված էր բաց-մանուշակագույն մուժով:

Պանտելեյ Պրակոֆևիչը, որ Միլլերովոյից տանում էր Գրիգորին, որոշեց կանգ շառնել Յլլխուվի Ռոզում, այլ հասնել Կաշարի և այնտեղ գիշերել: Նա տանից մեկնել էր Գրիգորի հեռագրով, հունվարի 28-ի երեկոյան ժամանել էր Միլլերովո: Գրիգորին նրան սպասում էր իջևանում: Առավոտյան նրանք մեկնեցին և ժամը մոտ տասնմեկին արդեն անցան Յլլխուվի Ռոզից:

Դուրսովայայի մոտ մարտում վիրավորվելուց հետո Գրիգորին մի շաբաթ պառկեց Միլլերովոյում, շրջիկ լազարեթում. մի քիչ բուժելով ոտը, որոշեց տուն մեկնել: Իրենց ստանիցայի կազակները նրա համար ձի բերին: Գրիգորին գնում էր դժգոհության և ուրախության խառն զգացումով. դժգոհ էր, որովհետև իր զորամասը թողնում էր Դոնում իշխանության համար մղվող սայթարի հենց եռուն շրջանում. ուրախ էր հենց միայն այն մտքից, որ կտեսնի հարազատներին, խուտորը. ինքն իրենից թաքցնում էր Ակսինյայի տեսնելու ցանկությունը, բայց նրա մասին է՛լ էր մտածում:

Հայրը և նա հանդիպելիս մի տեսակ օտար թվացին միմյանց: Պանտելեյ Պրակոֆևիչը (Պետրոն ինչ-որ փսփսացել էր նրա ականջին) մոռյլ աչքերով էր նայում Գրիգորին, նրա կարճ, լորձնոտ հայացքներում դժգոհություն, սպասողական տազնապ էր արտահայտվում: Կայարանում երեկոյան

նա Գրիգորիին երկար հարցութիւններ քննարկելու մարդուն բոցավառութեամբ իրադարձութիւններին մասին, որոնք պատասխաններն ըստ երևույթին նրան չէին բավարարում: Նա կծուտում էր ճերմակած մորուքը, նայում իր թաղիքն, կաշվե տակերով ոտնամաններին, քիթը վեր էր քաշում: Վեճի բռնարկն զժկամորեն, բայց, պաշտպանելով Կալեդիին, տաքացավ, առաջվա պես բղավեց Գրիգորիի վրա և նույնսկ կաղ ոտը խփեց հատակին:

— Գլուխս մի՛ տանի, է՛: Աշնանը Կալեդիինը եղավ մի խուտորում: Հավաքվեցինք ժողովատեղում, նա ելավ սեղանի վրա, խոսեց մեծամեծների հետ և ոնց որ թե աստվածաշնչից խոսեր, — ասավ, որ կզան մուժիկները, կոհիվ կլինի, ու եթե որ մենք դես-դեն թրև գանք, ամեն բան կվերջնեն ու կսկսեն բնակութիւն հաստատել մեր մարզում: Նա դեռ այն ժամանակ գիտեր, որ կոհիվ կլինի: Բա դուք ի՞նչ եք մտածում, շան տղերք, հը՛: Թե՛ նա ձեզանից քիչ բան գիտի: Ուսումով գնե՛րալ է, բանակ է կառավարել, ու քեզանից քիչ բան գիտի, հը՛: Կամենսկում էլ հենց քեզ պես դատարկ-մատարկ խոսողներ, անուսում մարդիկ են նստել, ու խառնակում են ժողովրդին: Քո այդ Պողոտյուկովն ո՞վ է որ. վախճիտը է, չէ՛... 0-0՛, իմ աստիճանի մարդ: Ա՛յ քեզ բա-ա՛ն... տես թե ինչ օրի հասանք... Դրանից հետո գնալ չի կարելի:

Գրիգորին ակամա էր վիճում հոր հետ: Դեռ նրան շտեմած, գիտեր, թե նա ինչ խելքի տեր է: Իսկ այստեղ մի նոր բան մեջտեղ ընկավ. Գրիգորին ոչ կարող էր ներել, ոչ էլ մոռանալ Չերնեցովի սպանութիւնը և գերի սպաներին առանց դատի գնդակահարելը:

Միակ առեղին լծված ձիերը հեշտութեամբ էին քաշում փոքրիկ սահնակը: Գրիգորիի թամբած ձին վազում էր հետևից, երկար սանձով սահնակին կապված: Ծանապարհին երևում էին մանկութիւնից ծանոթ ավաններն ու խուտորները, — Կաշարի, Պապովկա, Կամենկա, Նիժնե-Յարլոնովսկի, Գրաչև, Յասենովկա: Մինչև իրենց խուտորը հասնելը Գրիգորին ամբողջ ճանապարհին մի տեսակ անկապ ու անհեթեթ կերպով մտածում էր վերջին իրադարձութիւնների մասին, փորձում էր գեթ հարկանցիորեն նշել ապագան, բայց միտքը հասնում էր մինչև տանը սպասվելիք հանգիստը ու այնու-

հետև փակուղու էր դեմ առնում: «Տուն կհասնեմ, մի քիչ կհանգստանամ, կբուժեմ վերքս, իսկ հետո... — մտածում էր նա ու մտքում ձեռք քաշում ամեն ինչից. — հետո տեսնեք ինչ կլինի: Գործն ինքը ցույց կտա...»

Նրան նեղում էր նաև պատերազմից առաջացած հոգնածութիւնը: Նա ուզում էր երես դարձնել ատելութեամբ բռնկված, թշնամի ու անհասկանալի ամբողջ աշխարհից: Այնտեղ, հետևում ամեն ինչ խճողված էր, հակասական: Դժվարութեամբ էր ուրվագծվում ճիշտ ճանապարհը. ինչպես բարակ ցախե կամուրջ, նրա ոտների տակ երերվում էր հողը, ճանապարհը ճյուղավորվում էր, և նա վստահ չէր, թե արդյո՞ք այն ճյուղով պիտի գնա, որով գնում է: Նա գրավվում էր բուլշևիկներով — գնում էր այդ ճամփով, ուրիշներին էլ տանում իր հետևից, հետո էլ մտածումներին մեջ էր ընկնում, սիրտը սառչում էր: «Մի՞թե իրավացի է Իզվարինը: Բա ո՞ւմ կողմը բռնել: Այդ մասին էր տարտամորեն մտածում Գրիգորին՝ թիկնելով սահնակի մեջքին: Բայց երբ պատկերացնում էր, թե ինչպես գարնան համար կպատրաստի ցանքարանները, սայլերը, կարմիր ուռից մսուր կգործի, իսկ երբ մերկանա ու շորանա հողը, կգնա վար անելու, և աշխատանքին կարոտած ձեռներով մաճը բռնած, կթայլի գութանի հետևից՝ զգալով դրա կենդանի տրոփույնը և ցնցումները, ու երբ պատկերացնում էր, թե ինչպես է կլանելու մատղաշ կանաչի ու ձյան խոնավութեան զմայլական բույրը դեռ չկորցրած, խոփերով շուռ տված սևահողի քաղցր շունչը, — հոգին ցնծութեամբ էր լցվում: Ուզում էր խնամել անասուններին, խոտ դիզել, շնչել թառամած իշտովույտի, սեզի բույրը, գոմաղբի բարկ հոտը: Խաղաղութիւն և անդորրութիւն էր ուզում Գրիգորին. հենց դրա համար էլ ամոթխած բերկրանք էր թաքցնում մոռյալ աչքերում՝ նայելով շուրջը, — ձիերին, հոր պինդ մեջքին, որի վրա քիպ նստել էր քուրքը: Ամեն ինչ՝ թե քուրքի ոչխարենու հոտը, թե շմաքոված ձիերի տնավարի տեսքը, թե ավանում, հավանոցից կանչող մի որևէ աքաղաղ, — նրան հիշեցնում էր կիսամոռացված նախկին կյանքը: Այստեղ, խուլ վայրերում այդ ժամանակ կյանքը նրան քաղցր ու արբեցուցիչ էր թվում ինչպես գայլուկի ոգելից խմիչքը:

Մյուս օրվա իրիկնադեմին մոտեցան խուտորին: Գրիգոր-

րին բլրակից նայեց Դոնին. հրե՛ն Կնկա ճահճուտները՝ եղեգ-
նի սամույր մուշտակով պատած. հրե՛ն շոր բարդին, իսկ գե-
տանցը արդեն առաջվա տեղում չէ: Խուտորը, թաղերի ծա-
նոթ քառակուսիները, եկեղեցին, հրապարակը... Գրիգորիի
արյունը խփեց գլխին, երբ տեսավ իրենց տունը: Հուշերը
պաշարեցին նրան: Զրհորի բարձրացրած կոունկը ուռնու
փայտից շինված ձեռքը դեպի վեր ցցած, ասես կանչում էր
նրան:

— Հը՛, աչքերդ հո չե՛ն թրջվում,— ետ նայելով ժպտաց
Պանտելեյ Պրակոֆևիչը, ու Գրիգորին առանց խորամանկե-
լու և կեղծելու ասաց.

— Թրջվում ես... այն էլ ինչպե՛ս...

— Այ թե ինչ է նշանակում հայրենիք,— գոհունակու-
թյամբ հոգոց հանեց Պանտելեյ Պրակոֆևիչը:

Նա սահնակը քշեց խուտորի մեջտեղը: Զիբը աշխույժ
վազում էին բլուրն ի վար, սահնակը թափ առած՝ ներքև էր
սլանում: Գրիգորին կռահեց հոր միտքը, բայց և այնպես,
հարցրեց.

— Էլ ինչո՞ւ ես քշում խուտորի մեջտեղը: Գնա մեր փո-
ղոցը, էլի՛:

Պանտելեյ Պրակոֆևիչը շուտ գալով ու ժպտալով էլյամա-
կալած մորուքի տակին, աչքով արեց.

— Տղաներիս կովի էի ճամփել իբրև շարքային կազակ-
ներ, իսկ հիմի սպաներ են դարձել: Բա ո՞նց, տղայիս շտա-
նե՞մ խուտորի միջով, որ հպարտանամ: Թող մտիկ անեն ու
նախանձեն: Ի՞նչ ասեմ, աղբերս, սիրտս ուրախությունից պար
է գալի:

Գլխավոր փողոցում նա զուսպ ձայնով բղավեց ձիերի
վրա. կողքի թեքվելով խաղացրեց ծոպավոր մտրակը, ու
ձիերը տան մոտիկությունը զգալով (ասես չէին էլ անցել հա-
րյուր քառասուն վերստ ճանապարհը), ավելի աշխույժ, արագ
վազեցին: Հանդիպող կազակները բարևում էին, բակերից ու
խրճիթների պատուհաններից, ձեռների տակից նայում էին
կնանիքը. հավերը կշկշում, թովռալով անցնում էին փողոցը:
ԱՄեն ինչ լավ էր գնում: Անցան հրապարակը: Գրիգորիի ձին
ա՛քը ծոնց Մոխովի ցանկապատին կապված մի ինչ-որ ձիու
վրա, խրխնջաց ու ճարձրացրեց գլուխը: Երևաց խուտորի

ծայրը, Աստախովի տան կտուրը... Բայց հենց այստեղ էլ,
փողոցների առաջին խաչմերուկում, մի ցավալի բան եղավ.
փողոցի միջով վազ տվող մի խոճկոր շշկվեց, ընկավ ձիերի
սմբակների տակ, խոխոաց ու դեն գլորվեց ճզմված, ճվճվա-
լով, աշխատելով բարձրացնել ջարդոտված մեջքը:

— Թյո՛ւ, գրողը տանի քեզ...— ցասկոտեց Պանտելեյ
Պրակոֆևիչը, կարողացավ մտրակով շրմփացնել ճզմված
խոճկորին:

Թարսի պես դա պատկանում էր Անյուտկային, Աֆոյնկա
Օզերովի այրուն, որը մի շար և շափից դուրս լեզվանի կնիկ
էր: Նա անմիջապես դուրս թռավ բակը, լաշակը գցելով գըլ-
խին, այնպիսի յուզալի հայհոյանքներ թափեց, որ Պանտե-
լեյ Պրակոֆևիչը մինչև անգամ կանգնեցրեց ձիերը, ետ
դարձավ:

— Զենդ կտրի, է՛, դմբու: Ի՞նչ ես բղավում: Կվճարենք
քոսոտ գոճուդ համար:

— Սադայե՛՛լ... Գրողը բկիցդ բռնի... քոսոտ է՛լ, մի բան
էլ ավելի, թոփա՛լ շուն... Ա՛յ, հիմի քեզ քարշ կտամ ստամա-
նի մոտ...— աղաղակում էր կինը, թափահարում ձեռները:—
Քո մերը, քո մեռելը, ես քեզ ցույց կտամ, թե ոնց պիտի ոտ-
նատակ անես որբի անասունը...

Պանտելեյ Պրակոֆևիչը ցասկոտեց, կարմրելով բղա-
վեց.

— Լիրբ, անզգամ:

— Անիծված թուրք...— արագ վրա բերեց Օզերովան:

— Շա՛ն քած, շնից ծնված,— Պանտելեյ Պրակոֆևիչը
բարձրացրեց հաստ ձայնը:

Բայց ե՞րբ էր եղել, որ Անյուտկա Օզերովան խոսքի տակ
մնար:

— Քոփակ, քավթառ բ...դ. ախմախի մեկը: Ուրիշի տա-
փանի գող... կնանոնց հետևից ընկնող...— կաշաղակի ճըթ-
վըթոցով վրա տվեց Անյուտկան:

— Ինխդ փակիր, շուն... թե չէ կդադեմ մտրակով:

Բայց այստեղ Անյուտկան այնպիսի մի բան ասաց, որ
նույնիսկ Պանտելեյ Պրակոֆևիչը, շատ բան տեսած, ընկած-
ելած մարդ,— շփոթմունքից կաս-կարմիր գուլն առավ ու
նրա քրտինքը իսկույն դուրս տվեց:

— Քշի՛ր սահնակը, է՛... Ի՞նչ ես կպել,— բարկությամբ ասաց Գրիգորին, տեսնելով, որ մարդիկ հետզհետե դուրս են գալիս տներից և ուշադրությամբ ականջ դնում ծերուկ Մելեխովի ու նամուսով այրի կին Օգերովայի կարծիքների պատահական փոխանակության:

— Ամա՛ թե լեզու է, հա՛-ա... երասանի շփի երկար.— Պանտելեյ Պրակոֆևիչը վրդովված թքեց ու այնպես քշեց ձիերը, որ կարծես ուզում էր հենց Անյուտկային գցել սահնակի տակ:

Մի թաղ անցնելով, նա վախեցած ետ նայեց:

— Ո՞նց է կատաղել-փրփրել... Թյո՛ւ, դարձվորի մեկը... Քիչ էր մնում շաղությունից տրաքվի,— փափազով ասաց նա.— Հարկավոր էր քեզ էլ քո խոզի ձագի հետ ոտնատակ անել: Արի ու այդ տեսակ լեզվանի անզգամի ձեռքն ընկիր. քեզ սաղ-սաղ կուլ կտա:

Անցան խրճիթի կապույտ փեղկերի կողքից: Պետրոն առանց գլխարկի, առանց գոտու, միայն վերնաշապիկ հագած, բացեց դարբասը: Մուտքի սանդուղքից երևացին Դունյաշկայի ճերմակ լաշակը և ծիծաղկոտ դեմքը՝ փայլող, սև աչքերով:

Համբուրելով եղբորը, Պետրոն հարևանցիորեն նայեց նրա աչքերին:

— Ողջ-առո՞ղջ ես:

— Վերք եմ ստացել:

— Որտե՞ղ:

— Գլուքոկայայի մոտ:

— Ախր ի՞նչ գործ ունեիր այնտեղ: Վաղուց պետք է տուն գայիր:

Նա գուրգուրանքով ու բարեկամաբար թափահարեց Գրիգորիին, ձեռքից-ձեռք հանձնեց Դունյաշկային: Գրկելով քրոջ պիրկ, հաստունացած ուսերը, Գրիգորին համբուրեց նրա շըրթունքներն ու աչքերը, ետ ընկավ, զարմանալով ասաց.

— Օ-հո-ո՛, այս ի՞նչ ես դառել, Դունյախա... Ի՞նչ հիասնալի աղջի՛կ, իսկ ես կարծում էի, թե տգեղ, անպետք դուրս կգաս:

— Է՛, ի՞նչ ես ասում, աղբերս...— Դունյաշկան խուլյա տվեց կամթելուց ու Գրիգորիի նման թունդ ժպտալով, ցույց

տալով սպիտակափայլ ատամները, մի կողմ անցավ:

Իլլինիչնան գրկած բերեց երեխաներին. Նատալյան վազելով կանխեց նրան: Նա զարմանալիորեն փարթամացել էր ու գեղեցկացել: Կոկիկ սանրված, սև ու փայլուն մազերը, ճոխ հանգույցով ծոծրակին նստած, ստվերագծել էին ուրախությունից կաս-կարմիր կտրած դեմքը: Նա փարվեց Գրիգորիին, մի քանի անգամ արագորեն ու անպատեհաբար շուրթերը հպեց նրա այտերին, բեղերին, ու Իլլինիչնայի ձեռքից պոկելով որդուն, վերջինիս մեկնեց Գրիգորիին:

— Տե՛ս թե ինչ տղա ունես, է՛,— հպարտ բերկրանքով զրնգաց նրա ձայնը:

— Թող մի մտիկ տամ իմ որդուն, է՛,— Իլլինիչնան հուզվելով ետ մղեց Նատալյային:

Մայրը թեքեց Գրիգորիի գլուխը, համբուրեց նրա ձակատը և կոշտ ձեռքով հարևանցիորեն շոյելով նրա դեմքը, հուզմունքից և ուրախությունից լաց եղավ:

— Բա աղջիկդ, Գրի-իշա-ա... Դեհ, գրկիր, է՛...

Նատալյան շալով փաթաթած փոքրիկ աղջկան նստեցրեց Գրիգորիի մյուս թևին ու վերջինս շփոթվելով, շփտեր ում նայել.— Նատալյայի՞ն, մո՞րը, թե երեխաներին: Մուռլ աչքերով, նոթոտ տղան իսկական Մելեխովյան ցեղից էր. սև, մի փոքր ցասկոտ աչքերի նույն երկարավուն ձևը, նույն լայնադիր հոնքերը, աչքերի կապտավուն, ուռուցիկ սպիտակուցները և թուխ մաշկը: Նա կեղտոտ թաթիկը տանում էր բերանը, ու կողքի ծոված, անմատչելիորեն, համառությամբ նստում էր հորը: Գրիգորին տեսնում էր դստրիկի միայն փոքրիկ, ուշադիր ու նույնպես սև աչիկները,— երեսը ծածկված էր շալով:

Գրիգորին երկու երեխային գրկած, փորձեց քայլել դեպի արտաքին սանդուղքը, բայց ոտի սուր ցավ զգաց:

— Վերցրու սրանց, Նատաշա...— Գրիգորին քմծիծաղ տվեց բերանի մի կողմով, մեղավորի նման.— Թե չէ ես չեմ կարողանա բարձրանալ սանդուղքով...

Խոհանոցի մեջտեղում, մազերը շտկելով, կանգնել էր Դարյան: Ժպտալով, նա ազատորեն մոտեցավ Գրիգորիին, գոցեց ծիծաղկոտ աչքերը, խոնավ ու տաք շուրթերը հպեց նրա շուրթերին:

— Թուլթունի հոտ է փչում,— և ուրախ խաղացրեց ներկած, ասես տուշով նկարոված հոնքերի ազնվները:

— Թող մի անգամ էլ մտրկ տամ քեզ: Անունիդ մեռնեմ, զավակս, որդի՛ս:

Գրիգորին ժպտում էր, քաղցր հուզմունքով էր լցվում նրա սիրտը, երբ նա դեմքը սեղմում էր մոր ուսին:

Պանտելեյ Պրակոֆևիչը բակում արձակեց ձիերը, կազկազ պտույտ եկավ սահնակի շուրջը, նրա լայն լաթագոտին և ականջավոր փափախի կարկաջը ալ-կարմրին էին տալիս: Պետրոն Գրիգորիի ձին արդեն տարավ ախոռ, թամբն էլ տարավ հաշտը ու քայլելիս ինչ-որ բան ասաց Գունյաշկային, որը սահնակից իջեցնում էր նավթով լիքը մի փոքրիկ տակառ:

Գրիգորին հանեց քուրքը և շինելը, կախեց մահճակալի մեջքից, սանրեց մազերը: Նստելով նստարանին, նա կանչեց որդուն.

— Արի ինձ մոտ, Միշատկա: Արի, արի, բա չե՞ս ճանաճում ինձ:

Առանց թաթիկը բերանից հանելու, երեխան մոտեցավ կողքով, անհամարձակ կանգ առավ սեղանի մոտ: Մայրը վառարանի կողմից սիրագորով ու հպարտ նայում էր նրան: Նա ինչ-որ շնչաց աղջկա ականջին, իջեցրեց գրկից, կամացուկ հրեց:

— Դեհ, գնա՛:

Գրիգորին գրկեց երկու երեխային. նստեցնելով ծնկներին հարցրեց.

— Չե՞ք ճանաչում ինձ, պուճուրիկներս: Դու է՛լ չես ճանաչում հայրիկիդ, Պոլյուշկա:

— Դու հայրիկը չե՞ս,— շնչաց տղան (քրոջ կողքին նա իրեն ավելի համարձակ էր զգում):

— Բա ո՞վ եմ ես:

— Ուրիշ կազակ ես:

— Ա՛յ քեզ բա՛ն...— Գրիգորին քրքջաց:— Բա քո հայրիկը ո՞րտեղ է:

— Նա ծալայության մեջ է,— գլուխը կախելով, համոզվիչ տոնով ասաց աղջիկը (նա ավելի ժիր էր):

— Այդպես էլ հարկավոր է դրան, բախիկներս: Թող գի-

տենա իր տունը: Թե չէ մի ամբողջ տարի ով գիտի ուր է ման գալի, արի ու ճանաչիր դրան,— շինժու խստությամբ վրա բերեց Իլլինիչնան ու ժպտալով պատասխանեց Գրիգորիի ժպտին:— Քեզնից քո կնիկն էլ շուտով ձեռ կքաշի: Մենք արդեն ուզում էինք նրա համար փեսացու ճարել:

— Հա՛-ա՛, այդպե՞ս, նատալյա,— կատակով դիմեց Գրիգորին կնոջը:

Նատալյան կարմրեց ու, հաղթահարելով յուրայինների հանդեպ առաջացած շփոթմունքը, մոտեցավ Գրիգորիին, նստեց կողքին, անսահմանորեն երջանիկ աչքերով երկար, ոտից-գլուխ դիտեց նրան, տաք, կոշտ ձեռքով շոյեց նրա շոր, դարչնագույն ձեռքը:

— Դարյա, սեղան գցիր:

— Բա նա կնիկ չունի՞,— ծիծաղեց Դարյան, ու էլի նույն շորորուն, թեթև քայլվածքով գնաց դեպի վառարանը:

Դարյան առաջվա պես բարակ էր, պճնված: Բրդե, մանուշակագույն գուլպաները պիրկ պատել էին նրա վտիտ, գեղեցիկ ոտները, քոշերը կանոնավոր, քիպ նստել էին ոտներին. մուգ-կարմիր, ծալ-ծալ շրջազգեստը պիրկ կոճկված էր մեջքին, շուրջը ասեղնագործած զոգնոցը փայլում էր մաքուր սպիտակությամբ: Գրիգորին հայացքը դարձրեց իր կնոջ վրա. վերջինիս արտաքինի մեջ էլ որոշ փոփոխություն նկատեց: Նատալյան նրա գալու առիթով լավ էր հագնվել. սատինե կապույտ կոֆտան, որը նեղ, ծայրերը ժանյակավոր թևքերով էր, ծածկել էր նրա բարեկազմ իրանը, ուռել փափրիկ, մեծ կրթժի վրա. ասեղնագործած, ծալավոր փեշերով կապույտ շրջազգեստը ներքևում լայն էր, վերևում քիպ նստել էր մարմնին: Գրիգորին շեղակի դիտեց նրա շաղ, համաչափ ոտները, գրբ-գոխ, պիրկ փորը ու շաղացած զամբիկ ձիու զավակի պես լայն կոնքը ու մտածեց. «Կազակուհուն կճանաչես բոլոր կանանց մեջ: Այնպես են հագնվում, որ ամեն բան աչքի ընկնի. կուզես մտիկ արա, կուզես՝ ոչ: Իսկ մուժիկ կանայք առչեից էլ, հետևից էլ միատեսակ են, ասես մեշուկ հագած են ման գալի...»

Իլլինիչնան բռնեց նրա հայացքը, դիտավորյալ պարծենկոտությամբ ասաց.

— Այ թե մեզ մոտ օֆիցերները կնանիքը ոնց են ման գալի: Քաղաքի կնանիքն էլ գլուխները քարովն են տվել:

— Ի՞նչ եք ասում, է՛, մայրիկ,— Դարյան ընդհատեց նրան,— մենք ո՞նց կհասնենք քաղաքի կանանց: Հրե՛ս, ականջիս օղը կտորվել է, ու մի գոռ էլ չարժի,— վերջացրեց նա տրտունջով:

Գրիգորին ձեռքը դրեց կնոջ լայն, աշխատանքից պնդացած մեջքին, առաջին անգամ մտածեց. «Միրուն կնիկ է, աչքի խնդում... Բա ո՞նց է ապրել առանց ինձ: Երևի կազակները աչք էին դնում վրան, ու ինքն էլ, ո՛վ գիտե, աչք է դրել մեկնու մեկին: Բա որ ուրիշների հետ քամսված լինի՞»: Այս անակնկալ մտքից նրա սիրտը ճմլվեց, հոգու մեջ դառնություն առաջացավ: Նա զննողաբար նայեց նատալյայի վարդագեղ, պլպլան և օծանելիքով բուրրող դեմքին: Նատալյան շիկնեց նրա ուշադիր հայացքից, ու հաղթահարելով շփոթմունքը, շշնջաց.

— Ի՞նչ ես այդպես նայում: Կարոտե՞լ ես, հա՞:

— Դեհ, բա ո՞նց:

Գրիգորին վանեց վատ մտքերը, բայց այդ բուպին ինչ-որ թշնամական, անդիտակցական զգացում էր տածում դեպի իր կինը:

Պանտելեյ Պրակոֆևիչը տնքտնքալով ներս մտավ: Նա խաչակնքեց սրբապատկերների առաջ, ասաց.

— Է՛հ, մի անգամ էլ բարով տեսանք:

— Հազար բարի, ալևորս... հը՛, մրսե՛լ ես: Քեզ էինք սպասում. շին տաք է, հենց եռում է,— դես ու դեն ընկավ Իլլինիչնան՝ շրխկացնելով գդալները:

Արձակելով վզի կարմիր աղլուխը, Պանտելեյ Պրակոֆևիչը սկսեց կաշվե տակերով թաղիքե ոտնամանները խփել հատակին, որ տաքացնի ոտները: Հանեց քուրքը, պոկեց բեղ ու մորուքին կպած սառցալեզվակները, ու նստելով Գրիգորիի կողքին, ասաց.

— Մրսել էի, ամա խուտորում տաքացա... Անյուտկայի գոճին սահնակի տակ գցեցինք...

— Ո՞ր Անյուտկայի,— հետաքրքրությամբ հարցրեց Դարյան ու դանդաղեցրեց մեծ, սպիտակ հացը կտրելով:

— Օգերովայի: Ո՞նց դուրս թռավ անզգամը, ի՞նչ ասես,

որ չթափեց բերանից: Է՛լ այսպես, է՛լ այնպես, է՛լ ժուլիկ, է՛լ ցաքանի գող: Ի՞նչ ցաքան, սատանան գիտե:

Պանտելեյ Պրակոֆևիչը մանրամասն թվեց այն բոլոր մականունները, որ նրան շնորհել էր Անյուտկան. շասաց միայն, որ Անյուտկան երիտասարդական մեղք էր վերագրել նրան՝ անվանելով կանանց հետևից ընկնող: Գրիգորին քրժծիծաղ տվեց, սեղան նստեց: Ցանկանալով արդարանալ նրա աչքում, Պանտելեյ Պրակոֆևիչը տաքացած վերջացրեց խոսքը.

— Այնպիսի ախմախ բաներ դուրս տվեց, որ իսկի շես մարսի: Ուզում էի ետ դառնալ, մտրակով դաղել նրան, ամա Գրիգորին հետս էր, սրա մոտ ոնց որ թե անհարմար էր:

Պետրոն բացեց դուռը, ու Դունյաշկան լաթագոտիով ներս բերեց կարմիր, ճակատը շալտիկ մի հորթ:

— Բարեկենդանին կաթի սերով բիշի ենք ուտելու, հա՛-ա,— ուրախ գոչեց Պետրոն, ոտով բոթեց հորթին:

Ճաշից հետո Գրիգորին բացեց պարկը, նվերներ բաժանեց ընտանիքին:

— Սա քեզ, մայրիկ...— նա մեկնեց մի տաք շալ:

Իլլինիչնան ընդունեց նվերը, հոնքերը կիտեց ու շիկնեց քահել կնոջ նման:

Շալը գցեց ուսերին, ու այնպես պտույտ եկավ և ուսերը խաղացրեց հայելու առաջ, որ Պանտելեյ Պրակոֆևիչը նույն-իսկ զայրացավ.

— Տո՛, քավթառ ագռավ, հենց հայելի՞ն էր քեզ պակաս: Թյո՛ւ...

— Սա էլ քեզ, հայրիկ...— Արագ վրա բերեց Գրիգորին, բոլորի աչքի առաջ բաց անելով կազակական մի նոր գըլ-խարկ՝ բարձր կանգնած կարկաշով ու ալ-կարմիր բոլորքով:

— Ապրես դու, որդիս: Ինձ էլ հենց այս տեսակ գլխարկ էր հարկավոր: Խանութներում այս տարի չէր ճարվում... Ամառը գլխիս ի՞նչ պետք է դնեի... Հին գլխարկով ամոթ էր եկեղեցի գնալ: Այդ հին գլխարկը խրտվիլակի գլխին պետք էր դնել, ամա ե՛ս էի գլխիս դնում...— Բարկացկոտ ձայնով ասում էր Պանտելեյ Պրակոֆևիչը, նայում շուրջը, ասես վախենալով, որ մեկնումեկը կմոտենա ու կխլի որդու նվերը:

Ուզում էր գլխարկը ծածկել հայելու առաջ, բայց Իլլինիչնան հայացքով հետևում էր նրան: Մերունին հասկացավ նրա

հայացքը, իսկույն շուռ եկավ, կաղ-կաղ մոտեցավ ինքնաե-
ռին: Հենց դրա առաջ էլ գլխին դրեց ու ծոցեց գլխարկը:

— Այդ ի՞նչ ես անում, հը՞, ա՛յ քոփակ,— կշտամբեց
Իլլինիչնան:

— Տե՛ր աստված, այդքան էլ անխելք կնի՞կ: Ախր սա
ինքնաեռ է և ոչ թե հայելի: Բա՛ս:

Գրիգորին կնոջը բրդե յուրկացու նվերեց. երեխաներին
մի ֆունտ մեղրակարկանդակ բաժանեց. Դարյային տվեց ակ-
նագարդ գինդեր, Դունյաշկային՝ մի կոֆտացու, Պետրո-
յին՝ պապիրոս և մի ֆունտ ծխախոտ:

Մինչդեռ կանայք, դիտելով նվերները, բլբլացնում էին,
Պանտելեյ Պրակոֆևիչը, «ազոավ» խաղաթղթի թագավորի
տեսք ընդունած, անցավ խոհանոցով և նույնիսկ դուրս ցցեց
կուրծքը.

— Ա՛յ թե ով եմ ես,— լեյք-զվարդիայի կազակական
գնդի կազա՛կ: Մրցանակներ էի ստանում. կայսերական ստու-
գատեսի ժամանակ առաջին մրցանակը ստացա. թամք ու
լրիվ հանդերձանք: Այդպե՛ս էի...

Պետրոն կրծոտելով ցորնագույն բեղը, հիացած նայում էր
հորը. Գրիգորին ծիծաղում էր: Մխեցին, ու Պանտելեյ Պրակո-
ֆևիչը զգուշության համար նայելով պատուհաններին, ասաց.

— Քանի դեռ շեն եկել զանազան ազգականներն ու հա-
րեանները... պատմիր Պետրոյին, թե այնտեղ ինչ է կատար-
վում:

Գրիգորին ձեռքը թափ տվեց.

— Կովում են, էլի՞:

— Բոլշևիկները հիմի ո՞րտեղ են,— նստած տեղում
ավելի հարմար դիրք ընդունելով՝ հարցրեց Պետրոն:

— Գալիս են երեք կողմից. Տիխորեցկայայից, Տագան-
րոզից, Վորոնեժից:

— Լավ, բա ձեր Ռեկոմը ի՞նչ է մտածում: Ինչո՞ւ է նրանց
թողնում մեր հողերը: Խրիստոնյան ու Իվան Ալեքսեևիչը
եկան, էլ ի՞նչ ասես, որ դուրս շտվին, բայց ես նրանց չեմ
հավատում: Չէ, այնտեղ բանը ուրիշ տեսակ է...

— Ռեկոմը,— նա անզոր է: Կազակները փախչում են
իրենց տները:

— Ուրեմն դրա համար էլ Ասվետների կողմն է բռու-
նում: Հա՞:

— Իհարկե, դրա համար:

Պետրոն մի փոքր լռեց. նորից վառեց ծխախոտը, շիտակ
նայեց եղբորը.

— Բա դու ո՞ւմ կողմն ես բռնել:

— Ես սովետական իշխանության կողմն եմ:

— Հիմա՛ր,— վառողի պես ֆշտաց Պանտելեյ Պրակոֆե-
վիչը,— Պետրո, գոնե դու խելքի բեր սրան:

Պետրոն ժպտաց, թփթփացրեց Գրիգորիի ուսին:

— Տաքարյուն է սա, ոնց որ թե չհեծած ձի լինի: Ո՞նց
խրատես սրան, ապի:

— Ինձ խրատելու կարիք չկա՛, — տաքացավ Գրի-
գորին,— ես ինքս հո կույր չե՞մ... Ճակատայիններն այստեղ
ի՞նչ են ասում:

— Ախր մենք ի՞նչ գործ ունենք ճակատայինների հետ:
Թե՞ դու այդ սարսաղ խրիստանին չես ճանաչում: Նա ի՞նչ
կարող է հասկանալ: Ամբողջ ժողովուրդը մոլորվել է, չգիտի
ո՞ր կողմը գնա... փորձանք է, էլի՞:— Պետրոն կծեց բեղը:—
Տե՛ս թե ինչ կլինի գարնանը, արի ու գլուխ հանի... Մենք էլ
ֆրոնտում բոլշևիկների խաղ խաղացինք, իսկ հիմի ժամա-
նակն է խելքի գալ: «Մենք ուրիշի ունեցածից ոչինչ չենք
ուզում, մերն էլ մի՛ վերցնեք»— ա՛յ թե կազակներն ինչ պի-
տի ասեն բոլորին, ովքեր լրբությամբ ջշում են մեր վրա: Իսկ
Կամենսկայայում, ձեզ մոտ կեղտոտ գործ է կատարվում:
Ինամիացել եք բոլշևիկների հետ, նրանք էլ իրենց կարգերն
են հաստատում:

— Դու, Գրիշկա, լա՛վ մտածիր: Դու խելոք տղա ես.
պետք է հասկանաս, որ կազակը ոնց որ կազակ է եղել, այն-
պես էլ կազակ կմնա: Հոտած Ռուսիան չպետք է մեզ կառա-
վարի: Իսկ դու գիտե՞ս, թե հիմի ինչ են ասում ոչ կազակ
գյուղացիք,— ամբողջ հողը բաժանել շնչերի վրա: Այդ ո՞նց
կլինի:

— Բնիկ գյուղացիներին, որոնք վաղուց են ապրում Դո-
նի մարզում, հող կտանք:

— Չահումար կտանք, թող գնան անուշ անեն...— Պան-
տելեյ Պրակոֆևիչը մատներով հայհոյանշան ցույց տվեց:

մեծ, ճանկավոր մատը երկար պտտեց Գրիգորիի սապատավոր քթի շուրջը:

Դրսի սանդուղքի վրա ինչ-որ քայլեր դմբդմբացին: Ճոճուացին սառնամանիքից ճաքած աստիճանները: Ներս մտան Անիկուշկան, հրիստոնյան, Տամիլին Իվանը՝ նապաստակի մորթու շափազանց բարձր փափախով:

— Բարև, զինվոր տղա: Պանտելեյ Պրակոֆևիչ, բե՛ր մաղարիչը, — ահարկու ձայնով բղավեց հրիստոնյան:

Նրա բղավոցից վախենալով, մնչաց հորթը, որ ննջել էր տաք վառարանի մոտ: Հորթը սայթաքելով վեր թռավ, կանգնեց դեռ թույլ ոտների վրա, կլոր, ագատեծ աչքերով նայեց եկածներին, ու երևի վախենալուց էլ բարակ մի շիթ բաց թողեց հատակի վրա: Գունյաշկան բղավեց նրա վրա, թեթևակի շրմփացրեց մեջքին. սրբելով հեղուկը, բերեց մի կեղտոտ աման ու դրեց հորթի տակ:

— Վախեցրի՛ր հորթին, ա՛յ ճվճվան, — բարկությամբ ասաց Իլլինիչնան:

Գրիգորին սեղմեց կազակների ձեռները, հրավիրեց նրստել: Շուտով խուտորի այդ ծայրից էլի կազակներ եկան: Խոսակցության ժամանակ այնքան ծխեցին, որ լամպի բոցը սկզսեց թրթռալ ու հորթն էլ թունդ հազաց:

— Սաղայելը տանի ձեզ, հա՛, — նախատում էր Իլլինիչնան՝ արդեն կեսգիշերին դուրս անելով հյուրերին, — հրե՛ն, զնացե՛ք բակը, այնտեղ էլ փստացրե՛ք ծուխը, թութունակերներ: Գնացե՛ք, գնացե՛ք. մեր տղան ճանապարհ գալուց դեռ չի հանգստացել: Գնացե՛ք, աստված ձեզ հետ:

XIV

Առավոտյան Գրիգորին բոլորից ուշ արթնացավ: Նրան արթնացրեց կտուրի տակին ու պատուհանների փեղկերի հետևում ձախրող ծտերի ճովողունը, որ բարձր էր ինչպես գարնանը: Փեղկերի խոռոչներից ընկել էին արևի ոսկեհուր ճառագայթները: Առողանջում էին պատարագի զանգերը, Գրիգորին հիշեց, որ այդ օրը կիրակի էր: Նատալյան չկար նրա կողքին, բայց փետուրե գոշակը պահել էր նրա մարմնի ջերմությունը: Նատալյան, ըստ երևույթին, նոր էր վեր կացել:

— Նատա՛շա, — կանչեց Գրիգորին:

Ներս մտավ Գունյաշկան:

— Ի՞նչ ես ուզում, աղբերս:

— Բաց արա լուսամուտները և կանչիր Նատալյային: Նա ի՞նչ է անում:

— Մայրիկի հետ կերակուր է եփում: Հիմի կգա:

Նատալյան ներս մտավ, մթությունից կկոցեց աչքերը:

— Զարթեցի՞ր:

Նրա ձեռներից թարմ խմորի հոտ էր գալիս: Գրիգորին պառկած տեղում գրկեց նրան, հիշեց այդ գիշերը, ծիծաղեց:

— Կավ քնեցի՞ր:

— Հա՛, էլի: Մի քիչ ինձ շարշարեց... գիշերը, — Նատալյան ժպտաց, կարմրեց, գլուխը թաղեց Գրիգորիի մազոտ կրծքին:

Գրիգորին օգնեց վերքը կապելու, սնդուկից հանեց նրա տոնական շալվարը, հարցրեց.

— Կհագնե՞ս համազգեստդ, խաչիրն էլ վրեն:

— Է՛հ, չէ՛, — Գրիգորին վախեցած թափ տվեց ձեռքը: Բայց Նատալյան համառորեն խնդրում էր.

— Հագիր, էլի՛: Հայրիկը գոհ կլինի: Բա էլ ինչի՞ համար ես ստացել դրանք, որ սնդուկներում մնան:

Զիջելով նրա թախանձանքներին, Գրիգորին համաձայնվեց: Նա վեր կացավ, Պետրոյից վերցրեց ածելին, սափրվեց, լվաց երեսն ու վիզը:

— Մոծրակդ թրաշեցի՞ր, — հարցրեց Պետրոն:

— Թ՛յո՛ւ, մոռացա:

— Նստիր, ես կթրաշեմ:

Պաղ վրձինը սարսռեցրեց Գրիգորիի վիզը: Հայելու մեջ նա տեսնում էր, թե ինչպես Պետրոն, երեխայի պես լեզվի ծայրը հանած, բանեցնում է ածելին:

— Վիզդ բարակել է ոնց որ եզան վիզը վար անելուց հետո, — ժպտաց Պետրոն:

— Դեհ, պետական ուտիլիթից հո չե՞ս հաստանա:

Գրիգորին հագավ համազգեստը՝ խորունժիի ուսադիրենբրով, խաչրի խիտ շարքով, ու երբ նայեց քրտնակալած հայելուն, ինքն իրեն համարյա շճանաչեց. բարձրահասակ, նի-

հար, գնչուի պես սև մի սպա հայելու միջից նայում էր նրան:

— Դու ոնց որ գնդապետ լինես,— ուրախ ասաց Պետրոն՝ աննախանձ ու հրճվալից նայելով եզոտորը:

Այս խոսքերը, Գրիգորի կամքին հակառակ, նրան հաճույք պատճառեցին: Նա դուրս ելավ ու մտավ խոհանոց: Դարյան զմայլված նայեց նրան: Դուռնյաշկան հիացավ:

— 0-օ-օ, շախով-շուխով տղա...

Իլլինիչնան այստեղ էլ չկարողացավ պահել արցունքները: Կեղտոտ գոգնոցով դրանք սրբելով, պատասխանեց Դուռնյաշկայի հեզնանքին:

— Դու է՛լ ունեցիր սրանց նմանները, շաշանակ: Երկու տղա եմ ունեցիլ, հա՛-ա, ու երկուսն էլ մարդ են դարձել:

Նատալյան ամուսնուց չէր կտրում տարփալից, սիրազեղ ու մշուշված աչքերը:

Գրիգորին շինելը ֆեցեց վրեն ու դուրս եկավ բակ: Նա դժվարությամբ էր իջնում արտաքին սանդուղքից,— ոտի վերքը խանգարում էր նրան: «Առանց հենակի բան չի դուրս գա»,— մտածեց նա՝ հենվելով բազրիքին:

Նրա ոտից գնդակը հանել էին Միլլերովոյում, վերքը ծածկվել էր կինամոնազույն կեղևով: Հենց այդ կեղևն էլ, ձգելով մաշկը, խանգարում էր ոտի ազատ շարժումներին:

Տան պատի տակ, հողաթմբի վրա պառկել էր մի կատու Աբտաքին սանդուղքի մոտ, արևկող տեղում ձյունը հալվել, լճակ էր առաջացրել: Գրիգորին ուշադրությամբ և ուրախացած դիտում էր բակը: Նույնպես արտասանդուղքի մոտ կանգնած էր մի սյուն՝ գլխին ամրացված անիվով: Գրիգորին մանկությունից հիշում էր այդ անիվը, որ սարքված էր կանանց կարիքների համար. առանց սանդուղքից իջնելու, դրա վրա կճուճներով կաթ էին դնում գիշերը պահելու համար, ցերեկը դրա վրա շորանում էին ամանները, արևի տակ թրծվում էին կավե անոթները: Բակում աչքի էին ընկնում մի քանի փոփոխություններ. ամբարի դուռը թափված ներկի փոխարեն ներկված էր զեղին կավով, շարդախը նոր ծածկված էր հացաբույսերի ծղոտով, որը դեռ չէր կորցրել գույնը. գերանների շեղքը ավելի փոքր էր թվում,— երևի դրանց մի մասը օգտագործել էին ցանկապատը նորոգելու համար: Մառանի

հողածածկ սապատի վրա գորշ-կապտավուն մոխիր էր լըցված. մոխրի վրա, ցրտից ոտն իրեն քաշած, կանգնել էր ագռավի պես սև մի աքաղաղ, որին շրջապատել էին աճեցման համար պահվող տասնյակ խայտաբղետ հավեր: Չարդախի տակ զետեղված էր գյուղատնտեսական ինվենտարը՝ ձմեռային վատ եղանակներից պաշտպանելու համար. կողքից ված էին սայլերի թափքերը, կտուրի ճեղքից ընկած արևի լույսի տակ առկայծում էր հնձիչի մի ինչ-որ մետաղե մասը: Ախոռի մոտ, տաք գոմաղբի վրա նստել էին սագերը: Հուլանդական քյաքուլավոր, արու սագը գոռոզաբար, շեղակի նայեց իր կողքից կաղալով անցնող Գրիգորին:

Դիտելով ամբողջ տնտեսությունը, Գրիգորին վերադարձավ խրճիթ:

Նոհանոցում քաղցր բուրում էին կովի հալած յուղը, նոր թխված, տաք հացը: Դուռնյաշկան թրջած խնձորներ էր լվանում նախշավոր ափսեի մեջ: Նայելով դրանց, Գրիգորին հետաքրքրությամբ հարցրեց.

— Աղը դրած ձմերուկ կա՞:

— Նատալյա, հանիր բեր,— արձագանքեց Իլլինիչնան: Պանտելեյ Պրակոֆևիչը եկավ եկեղեցուց: Իր հետ բերած նշխարը ընտանիքի անդամների թվով բաժանեց ինն մասի, տվեց նրանց: Նստեցին նախաճաշելու: Պետրոն, որ նույնպես զուգվել էր, նույնիսկ բեղերին ինչ-որ օժանելիք քսել, նստեց Գրիգորի կողքին: Նրանց դեմուզեմ, տարուրտի ծայրին տեղավորվեց Դարյան: Արևի ճառագայթների մի սյուն ընկել էր նրա վարդագեղ, ճարպաքսուքով օժված գեմքին: Նա կկոցում էր աչքերը, դժգոհությամբ իջեցնում արևի տակ փայլող հոնքերի սև աղեղները: Նատալյան եփած դրում էր ուտեցնում երեխաներին. ժպտալով, երբեմնակի նայում էր Գրիգորին: Դուռնյաշկան նստել էր հոր կողքին: Իլլինիչնան տեղավորվել էր սեղանի ծայրին, վառարանին ավելի մոտիկ:

Կուշտ և շատ էին ուտում, ինչպես բոլոր տոներին: Ոչխարի մսով շշիին հաջորդեց էրիշտան, հետո՝ սլխարի եփած միսը, հավի միսը, ոչխարի ոտներից պատրաստված սառնախաշը, տապակած կարտոֆիլը, կորեկի շիլան՝ կովի լուղով (արդար յուղով), չորացրած բալով էրիշտան, կաթի

սերով բիշին, աղբ դրած ձմերուկը: Գրիգորին փորը տոզաց-
նելով, ծանր վեր կացավ, հարբած խաշակնքեց. հեալով ըն-
կավ մահճակալին: Պանտելեյ Պրակոֆևիչը դեռ շիլա էր
խաշտում. գոչլով պինդ տափտափելով այն, մեջտեղում փոս
արեց, սաթի պես դեղին յուղը լցրեց փոսի մեջ ու սկսեց գոչ-
լով անուշ անել յուղալի շիլան: Երեխաներին թունդ սիրող
Պետրոն կերակրում էր Միշատկային. շարաճճիարար մածուն
էր քսում նրա թշերին ու քթին:

- Հոլեղբայր, հիմարութուն մի՛ անի:
- Ի՞նչ է որ:
- Ինչո՞ւ ես քսում:
- Ի՞նչ կա որ:
- Մայրիկին կասեմ:
- Ի՞նչ:

Միշատկայի մելիսովյան մոռյլ աշիկները բարկացկոտ
կայծկտում էին, դրանց մեջ դողում էին վիրավորանքի ար-
ցունքները. թաթիկով քիթը սրբելով, տեսնելով, որ Պետրոն
ձեռ չի քաշում իր արարքից, նա ճվաց.

— Մի՛ քսիր, էլի... Դժո՞ղք... սարսաղ:

Պետրոն գոհունակությամբ քրքջում էր ու էլի կերակրում
եղբորորդուն. մի գոչլը տանում էր նրա բերանը, մյուսը՝
քթին:

— Ա՛յ քեզ պատիկ տղա... հերիք է, էլի,— փնթփնթաց
Իլլինիչնան:

Գունյաշկան Գրիգորիի մոտ նստելով, պատմում էր.

— Պետրոն հիմար է, մեկ էլ տեսար գլխին մի օլիխ հա-
նեց: Անցած օրը Միշատկայի հետ ելավ բակը. Միշատկան
ուզեց այնպես բան անել, հարցրեց՝ «հորեղբայր, կարելի՞ է
սանդուղքի մոտ»: Պետրոն է՛լ, թե՛ «Ո՛չ, չի կարելի: Մի քիչ
գեներ գնա»: Միշատկան մի քիչ հեռու գնաց: «Բա այս-
տե՞ղ»:— «Ո՛չ, ոչ, վազ տուր ամբարի մոտ»: Երեխին ամբա-
րից տարավ ախոռը, ախոռից էլ կալը: Այնքան դես ու դեն
քշեց, մինչև որ երեխան հենց ուղղակի փոխանի մեջ... Մի
տեսնե՞իր, թե նատալյան ո՞նց էր հայհոյո՞ւմ:

— Տո՛ւր, ես ինքս կուտեմ,— զրնգուն ձայնով խնդրեց
Միշատկան:

Պետրոն չհամաձայնեց, ծիծաղաշարժ կերպով շարժեց
քեղերը.

— Չէ՛, տղաս: Ե՛ս պիտի կերակրեմ քեզ:

— Ե՛ս, իմ ձեռքովը:

— Եզն ու կովը հրե՛ն գոմումն են, գիտե՞ս: Տատիկդ
նրանց պղտոր-մղտոր ջուր է տալի:

Գրիգորին ժպտալով լսում էր նրան խոսակցությունը,
ծխախոտ էր փաթաթում: Պանտելեյ Պրակոֆևիչը մոտեցավ
նրան:

— Միտք ունեմ այսօր գնալ Վեշկի:

— Ինչի՞ համար:

Պանտելեյ Պրակոֆևիչը թունդ զկուտաց էրիշտայից,
չփեց մորուքը:

— Այնտեղ գործ կա թամբագործի հետ. երկու անուր է
սարքել:

— Մի օրում պիտի գնաս ու գա՞ս:

— Ի՞նչ կա որ: Իրիկունը ետ կգամ:

Հանգստանալով, նա քավթառ, այդ տարի կուրացած մա-
տակ ձին լծեց սահնակին, մեկնեց: Ճանապարհն անցնում
էր մարգագետնի միջով: Երկու ժամից հետո հասավ Վեշեն-
սկայա: Գնաց փոստ, կոռպերատիվ խանութ, վերցրեց անուր-
ները ու այցելեց իր վաղուցվա ծանոթին ու քավորին, որ
ապրում էր նոր եկեղեցու մոտ: Տանտերը, որ խիստ հյուրա-
սեր մարդ էր, նրան նստեցրեց ճաշելու:

— Փոշտում եղա՞ր,— հարցրեց նա՝ ինչ-որ խմիչք լըց-
նելով գավաթի մեջ:

— Եղա՞, — ձայնը երկարացնելով պատասխանեց Պան-
տելեյ Պրակոֆևիչը՝ աշալուրջ ու զարմացած նայելով փոքրիկ
գրաֆինին, հոտոտելով օղը, ինչպես շունը — գազանի հետքը:

— Ոչ մի նոր բան չլսեցի՞ր:

— Նոր բա՞ն: Չէ, չլսեցի: Ի՞նչ կա որ:

— Կալեդինը, Ալեքսեյ Մաքսիմովիչը, վերջ է տվել իր
կյանքին:

— Ի՞նչ ես ասու-ո՞ւ-ո՞ւմ:

Պանտելեյ Պրակոֆևիչը նկատելիորեն սփրթնեց, մոռացավ
կասկածելի գրաֆինն ու հոտը, ընկավ աթոռի մեջքին: Տան-
տերը մոռյլ թարթելով աչքերը, ասաց.

— Հեռագրով հաղորդեցին, որ այսօր Նովոչերկասկում գնդակով խփել է իրեն: Ամբողջ մարզում մի հատ խելոք գեներալ էր: Կավալեր էր, բանակի հրամանատար էր եղել: Եվ ինչպիսի՞ հոգու տեր մարդ էր: Նա հո կպաշտպաներ կազակուժյան իրավունքները:

— Կա՛ց, քավոր, բա հիմի ո՞նց կլինի,— շփոթված հարցրեց Պանտելեյ Պրակոֆևիչը՝ ետ տանելով գավաթը:

— Սատանան գիտե: Մանր ժամանակ է գալի: Դեհ, լավ ապրող մարդը հո ինքն իրեն չի՞ խփի:

— Բա ի՞նչ պատճառով է նա այդ արել:

Քավորը, որ ամրակազմ մի կազակ էր ու հնից ձեռք չբաշտող, շարացած թափահարեց ձեռքը:

— Ծակատայինները նրանից երես դարձրին, բուլշեիկներին բերին մեր մարզը, դրա համար էլ ատամանը ինքնասպան եղավ: Էլ կգտնվե՞ն նրա պես մարդիկ: Ո՞վ կպաշտպանի մեզ: Կամենսկում ինչ-որ ուժով եմ է կազմվել, նրա մեջ ճակատային կազակներ կան... Մեզ մոտ էլ... կարելի է լսած լինես, նրանցից հրաման է եկել, թե պետք է ատամաններին վռնդել ու այդ տեսակ ուժովներ ընտրել: Մուժիկներն այդպես են գլուխ բարձրացրել, հա՛-ա,— բուր այն հյուանները, նալբանդները, զանազան գոփիչները. դրանք հո այնքան են վեշենսկում, որքան ճանճ ու մժեղ կա մարգագետնում:

Երկար լռեց Պանտելեյ Պրակոֆևիչը՝ ալեհեր գլուխը կախած. իսկ երբ բարձրացրեց այն, նրա նայվածքը խիստ էր ուզածան:

— Այդ ի՞նչ է գրաֆինի մեջ:

— Սպիրտ է: Քրոջորդիս Կովկասից է բերել:

— Էհ, քավոր ջան, արի խմենք Կալեդինի, հանգուցյալ ատամանի հիշատակին: Երկնային արքայություն նրան:

Խմեցին: Տանտիրոջ աղջիկը, բարձրահասակ, պեպենոտ մի աղջիկ, ուտելիք մատուցեց: Պանտելեյ Պրակոֆևիչը սկզբում նայում էր իր ձեռք, որ գլուխը քաշ արած կանգնել էր տանտիրոջ սահնակի կողքին, բայց վերջինս նրան ասաց.

— Ձիու մասին մի անհանգստանա: Կասեմ, որ կեր ու ջուր տան:

Ու Պանտելեյ Պրակոֆևիչը տաք խոսակցության ու սպիրտի շնորհիվ շուտով մոռացավ թե ձին և թե ամբողջ աշխար-

հը: Նա անկապ պատմում էր Գրիգորիի մասին, ինչ-որ վիճում էր խմած քավորի հետ, վիճում էր ու հետո չէր հիշում, թե ինչի մասին էր վեճը: Զգաստացավ միայն երեկոյան: Որոշեց մեկնել, թեպետև տանտերը խնդրում էր, որ մնա գիշերելու: Քավորի տղան լծեց ձին, քավորն էլ օգնեց սահնակ նստելու: Նա որոշեց ուղեկցել հյուրին. երկուսով պառկեցին սահնակի վրա, գրկվեցին: Սահնակը դեմ առավ դարբասին, հետո էլի դեմ էր առնում յուրաքանչյուր անկյան, մինչև որ դուրս եկավ մարգագետին: Այստեղ քավորը լացեց ու կամավոր կերպով ընկավ սահնակից: Երկար մնաց շորեքթաթ եղած, հետույքը տնկած, ու չկարողանալով ոտքի ելնել, հայհոյանք էր թափում: Պանտելեյ Պրակոֆևիչը յորդա քշեց ձին, շտեսավ, թե ինչպես իրեն ուղեկցող քավորը շորեքթաթ սողում է ձյան մեջ, քիթը դրա մեջ թաղած, երջանկաբար քրքջալով, ու խուպոտ մոթմոթում է.

— Խտուտ շտաս, հա՛-ա... խտուտ շտաս, խնդրուուում եմ:

Պանտելեյ Պրակոֆևիչի ձին մի քանի անգամ մտրակ ուտելով, վազում էր արագ, բայց անվստահ ու կուրորեն: Շուտով նրա տերը, արբեցման թմրությամբ հաղթահարված, գլուխը դրեց սահնակի կողքին, սակեց: Երասանները պատահամբ ընկել էին նրա տակ, և ձին, մնալով անսանձ ու մոլոր, դանդաղեցրեց քայլերը: Հենց առաջին ճամփաբաժնում խոտորվեց, ընկավ Մալիյ Գրոմշյունոկ խուտորի ճանապարհը ու գնաց: Մի քանի րոպեից հետո այդ ճանապարհն էլ կորցրեց: Քայլում էր խուպան, ճանապարհազուրկ տեղերով, անտառի մոտ թաղվում խոր ձյան մեջ. փնչալով իջնում էր ձորահատվածները: Սահնակը դեմ առավ մի թփի ու կանգնեց: Ցնցումը մի վայրկյան արթնացրեց ծերունուն: Պանտելեյ Պրակոֆևիչը մի քիչ բարձրացրեց գլուխը, խուպոտ բղավեց.

— Դե՛հ, սատանա...— ու էլի վար գցեց գլուխը:

Ձին առանց փորձանքի անցավ անտառի կողքից, հաջողությամբ իջավ Դոն, ու առնելով տարթի ծխի հոտը, որ քամին բերում էր արևելքից, ճանապարհվեց դեպի Սեմյոնովսկի խուտորը:

Խուտորից կես վերստ հեռու, Դոնի ձախ կողմում կա մի խորխորատ: Գարնանը հավիող ձյան ջուրը գնում լցվում է

դրա մեջ: Խորխորատի մոտ, ավազոտ ափից աղբյուրներ են բխում. այնտեղ ամբողջ ձմռանը սառույցի կտորները շին կպչում իրար, բաց ջուրը կանաչ, լայն կիսաբուրբակ է կազմել, և Դոնի վրայով անցնող ճանապարհը զգուշութամբ շրջանցում է այն, մի կողմ է շուռ գալիս: Գարնանը, երբ բարձրացող ջուրը խորխորատից հորդառատ հոսում է դեպի Դոն, այդտեղ ջրապտույտ է առաջանում, վշշում է ջուրը, քերքերում հատակը, իրար են զարկվում աղմկոտ ալիքները. ամբողջ ամառը ծածան ձկներ են լինում մի քանի սածեն խորություն ունեցող ջրի մեջ, ափից թափվող, հողմի բերած ցախի կուտակներին մոտիկ:

Մեկխոսովի ձին իր կույր քայլերը ուղղեց հենց դեպի բաց ջուրը, դեպի նրա ձախ եզրը: Մնում էր մի քսան սածեն, երբ Պանտելեյ Պրակոֆևիչը շուռ եկավ, մի փոքր բացեց աչքերը: Սե երկնքից, նրա օձիքի տակից նայում էին աստղերի դեղնականաչ, չհասունացած բալերը: «Գիշեր է...» — մշուշապատ կերպով գլխի ընկավ Պանտելեյ Պրակոֆևիչը և ուժով քաշեց երասանները.

— Դեհ, հե՛յ... Ես քեզ ցույց կտամ, քավթառ յարու:

Ձին սլացավ վարգելով: Մոտիկ ջրի հոտը խփեց նրա քթին: Նա տնկեց ականջները, կույր, տարակուսող աչքերը մի փոքր ծռեց տիրոջ կողմը: Հանկարծ նրա ականջին հասավ իրար զարնվող ալիքների ծփյունը: Կատաղաբար փնջալով, նա մի կողմ նետվեց, ետ-ետ գնաց: Նրա ոտների տակ մեղմ ճքաց ջարդվող, բարակած սառույցը, փլվեց դրա ձյունապատ եզրը: Ձին մահվան զարհուրելի փնջոց արձակեց: Ամբողջ ուժով հենվեց ետին ոտներին, բայց առջևի ոտներն արդեն ընկան ջուրը, թպրտացող ետին ոտների տակ ջարդվում էին սառցաբեկորները: Խշշալով ու ճղփալով, սառույցը ճեղքվեց: Ջուրը կլանեց ձիուն, և սա ջղաձգաբար ցնցեց ետին մի ոտը, խփեց քաշանին: Այդ նույն ակնթարթում Պանտելեյ Պրակոֆևիչը վատ բան զգալով, թռավ սահնակից, ետ-ետ գնաց: Նա տեսավ, թե ինչպես սահնակը ձիու ծանրությունից դեպի ջուրը սահելով, ծառս եղավ, աստղերի լույսի տակ փայլեցին հիմնածողերի տակերը. ընկավ սև-կանաչավուն անդունդը, ու մեղմ վշշաց սառցակտորներով լեցուն ջուրը. քիչ մնաց ալիքները թրջեին Պանտելեյ Պրակոֆևիչին: Անասելի

արագությամբ նա դեպի ետ սողաց և միայն այդ ժամանակ ոտքի ելավ, բղավեց.

— Օգնեցե-ե-ե՛ք, բարի մարդի-ի՛-կ... Խեղդվու-ու-ո՛ւմ ե-ենք...

Նրա հարբածության հետքն էլ չմնաց: Նա նետվեց դեպի բաց ջուրը: Պսպղում էր հենց նոր ջարդված սառույցը: Քամին և հորձանքը բաց ջրի լայն բուրբակով մեկ քում էին սառույցի կտորները, ալիքները ծփում էին, թափահարում կանաչ գանգուրները: Շուրջը մեռելային լուսություն էր տիրում: Հեռավոր խուտորում լույսերը դեղնացնում էին մթությունը: Թավիշե երկնքում վառ առկայծում էին հատիկանման, ասես նոր զտված աստղերը: Քամին պտտում էր ձյան բուբը, որը խռպոտ վայում էր, ալրափոշու նման թռչում բաց ջրի երախը: Իսկ բաց ջուրը աղոտ մշուշվում էր, գրկաբաց ու ահավոր կերպով սևին էր տալիս:

Պանտելեյ Պրակոֆևիչը հասկացավ, որ հիմի բղավելը հիմարություն է, անօգուտ: Նայեց ջուրը, հասկացավ, թե ուր է հասել հարբած վիճակում, ու ցնցվեց՝ իր իսկ դեմ, պտտահած դեպքի դեմ կատաղելուց: Նրա ձեռքում մնացել էր մտրակը, որով նա կարողացել էր թռչել սահնակից: Մայր հայհոյելով, նա մտրակը երկար խփում էր մեջքին, բայց ցավ չէր զգում, — դարադած մորթու քուրքը պաշտպանում էր նրա մարմինը, իսկ ծեծկվելու համար քուրքը հանելն անիմաստ էր թվում: Մորուքից պտղունցով մազ պոկեց, ու մտքում թվելով կորած գնումները, ձիու, սահնակի և անուրի արժեքը, կատաղաբար հայհոյանք թափեց, է՛լ ավելի մոտեցավ բաց ջրին:

— Տո քավթառ, տո քոռ... — դողդողուն, հեծեծագին ձայնով ասաց նա՝ դիմելով ջրասույզ եղած ձիուն, — տո անառակ, քիչ մնաց ինձ էլ ջուրը գցեիր: Ախր ո՞ր սատանան քեզ բերեց այստեղ, է՛... Դեհ գնա, անտեր, սատանաները այդտեղ քեզ կլծեն ու կքշեն, միայն թե մտրակ չունեն... Հրե՛ս, մըտրակն է՛լ ձեզ... — նա մոլեգնաբար թափ առավ, մուգ-կարմրավուն մտրակը շարտեց բաց ջրի մեջտեղը:

Մտրակը թռավ սվավալով, ընկավ այնտեղ ու ջրասույզ եղավ:

Նրբ կալեղինականներն արդեն զգզզել էին հեղափոխական կազակական զորամասերը, Դոնի ուկրմը, ստիպված լինելով փախչել Միլլերովո, շտապեց պարզել իր քաղաքական դեմքը: Նա հետևյալ բովանդակությամբ մի դեկլարացիա ուղարկեց Կալեղինի ու կոնտրոկոլյուցիոն Ուկրաինական ռազայի դեմ ուղղված մարտական գործողությունների ղեկավարի անունով:

Խարկով, 1918 թվականի հունվարի 19: Լուգանսկից, Ձ 449, ժ. 18-ից 20 ռ. անց:— Դոնի կազակական ռազմա-ոկուլյուցիոն կոմիտեն խնդրում է ձեզ հաղորդել Պետրոգրադ, ժողովրդական Կոմիսարների Սովետին Դոնի մարզի հետևյալ բանաձևը:

Կազակական ռազմա-ոկուլյուցիոն կոմիտեն Կամենսկայա ստանիցայում կայացած ճակատային համագումարի որոշման հիման վրա որոշեց.

1. Ճանաչել Ռուսաստանի Սովետական Ռեսպուբլիկայի կենտրոնական պետական իշխանությունը, կազակական, գյուղացիական, զինվորական և բանվորական դեպուտատների սովետների համագումարի Կենտրոնական Գործադիր Կոմիտեն և նրա ընտրած ժողովրդական Կոմիսարների Սովետը:
2. Կազակական, գյուղացիական ու բանվորական դեպուտատների սովետների համագումարում ընտրել Դոնի մարզի երկրային իշխանություն:

Ստեղծագրություն: Նույն մարզային համագումարը լուծում է Դոնի մարզի հողային հարցը:

Այս դեկլարացիան ստացվելուց հետո Ռեկոմի զորքերին օգնության հասան կարմիրգվարդիական զորամասերը, որոնց օգնությամբ էլ շախչախվեց գնդապետ Զերնեցովի ջոկատն ու վերականգնվեց դրուժյունը: Նախաձեռնությունն անցավ Ռեկոմի ձեռքը: Սարլինի ու Պետրովի կարմիրգվարդիական ջոկատները Զվերևոն ու Լիխայան գրավելուց հետո, Ռեկոմի կազակական զորամասերով ուժեղացած, ծավալում են հարձակումը և հակառակորդին քշում դեպի Նովոչերկասկ:

Աջ թևում, Տագանրոգի ուղղությամբ, Նեկլինովկայի մոտ պարտություն կրելով գնդապետ Կուտեպովի կամավորական ջոկատից, Միլլերսը ետ քաշվեց ու ընկավ Ամվրոսիևկա, կորցրեց մի հրանոթ, 24 գնդացի և մի զրահապատ ավտոմոբիլ: Բայց Միլլերսի պարտության ու նահանջի օրը Տա-

գանրոգում, Բալթյան գործարանում ապստամբության բռնկվեց: Բանվորները յունկերներին քաղաքից դուրս քշեցին: Միլլերսը հավաքեց ուժերը, անցավ հարձակման, ու ծավալելով այն, կամավորներին ետ մղեց մինչև Տագանրոգ:

Հաջողությունը բացահայտորեն հակվում էր սովետական զորքերի կողմը: Նրանք երեք կողմից շրջապատում էին Կամավորական բանակը և Կալեղինի «կարկատանային» ջոկատների մնացորդները: Հունվարի 28-ին Կոռնիլովը Կալեղինին մի հեռագիր ուղարկեց, որով հաղորդում էր, թե Կամավորական բանակը թողնում է Ռոստովը ու գնում դեպի Կուրան:

29-ին, առավոտյան ժամը 9-ին ատամանի պալատում Դոնի կառավարության անդամների արտակարգ խորհրդակցություն հրավիրվեց: Կալեղինը բոլորից ուշ եկավ իր բնակարանից: Նա ծանր նստեց սեղանի մոտ, թղթերը մոտեցրեց իրեն: Նրա այտերի վեղիկն մասերը գեղնել էին անքնությունից, գունատ ու մռայլ աչքերի տակ կապույտ բծեր էին առաջացել. կարծես ինչ-որ մի ախտ դեղնացրել էր նրա նիհարած դեմքը: Նա դանդաղ կարգաց Կոռնիլովի հեռագիրը, Նովոչերկասկի հյուսիսային կողմում կարմիրգվարդիականների գրոհին դեմ կանգնած զորամասերի հրամանատարների ամփոփագրերը: Լայն, սպիտակ ձեռնափով մանրակրկիտորեն կոկելով հեռագրերի կույտը, չբարձրացնելով ուռած, կապուտած կոպերը, խուլ ձայնով ասաց.

— Կամավորական բանակը հեռանում է: Արաքը և Նովոչերկասկը պաշտպանելու համար մնացել է հարյուր քառասունյոթ զինվոր...

Աչքի խաղը ցնցեց նրա ձախ կոպը, ջղաձղությունը սահեց սեղմված շրթունքների անկյունից. բարձրացնելով ձայնը, նա շարունակեց.

— Մեր դրուժյունն անհուսալի է: Բնակչությունը ոչ միայն չի օժանդակում մեզ, այլև մեր նկատմամբ թշնամաբար է տրամադրված: Մենք ուժ չունենք, և դիմադրելն էլ անօգուտ է: Սա չեմ ուզում ավելորդ զոհեր, ավելորդ արյունահեղություն: Առաջարկում եմ հրաժարվել ձեր լիազորություններից և իշխանությունը հանձնել ուրիշներին: Սա հրաժարվում եմ զորաց ատամանի իմ լիազորություններից:

Միտրոֆան Պետրովիչ Բոգակսկին, որ լայն լուսամուտից գուրս էր նայում, շտկեց ակնոցը, առանց գլուխը շուռ տալու ասաց.

— Ես նույնպես հրաժարվում եմ իմ լիազորություններից:

— Իհարկե ամբողջ կառավարությունն էլ հրաժարվում է իր լիազորություններից: Հարց է ծագում՝ մենք ո՞ւմ պիտի հանձնենք իշխանությունը:

— Քաղաքային դումային,— չոր պատասխանեց Կալեզիները:

— Պետք է դա ձևակերպել,— տատանվելով ասաց կառավարության անդամ Կարևը:

Մի բոլոր ծանր ու անհարմար լուսից տիրեց: Քրտնակալած պատուհաններից թափանցում էր հունվարյան մռայլ առավոտի աղոտ լույսը: Լուռ էր, ննջում էր մշուշով ու եղյամով սքողված քաղաքը: Չէր զգացվում կյանքի սովորական երակազարկը: Թնդանոթային որոտմունքը (հեռվում, Սուլին կայարանի մոտ տեղի ունեցող մարտերի արձագանքները) մեռցնում էր շարժումը, կախվել էր քաղաքի վրա իբրև խուլ, շարտահայտված սպառնալիք:

Դրսում չոր ու պարզ կոնշում էին թռչող ազդավները: Նրանք ճախրում էին սպիտակ զանգակատան, ասես լեշի վերևում: Սաբրոնայա հրապարակը բաց-մանուշակագույն, թարմ ձյունով էր պատած: Հրապարակով անցնում էին հատուկենտ, հետիոտն մարդիկ, երբեմն էլ — կառապանների սահանակներ, որոնք ձյան վրա հետքեր էին թողնում:

Խախտելով սառն լուսիցները, Բոգակսկին առաջարկեց ակտ կազմել իշխանությունը քաղաքային դումային հանձնելու մասին:

— Հարկավոր է հավաքվել նրանց հետ՝ իշխանությունը հանձնելու համար:

— Ո՞ր ժամն է ամենից հարմար:

— Ավելի ուշ, ժամը չորսին:

Կառավարության անդամները կարծես ուրախանալով, որ քար լուսիցները, վերջապես, խախտվեց, սկսեցին քննարկել իշխանությունը հանձնելու, հավաքվելու ժամանակի հարցը: Կալեզիներ լուռ էր, ուռուցիկ եղունգներով հուշիկ ու համա-

լայի թիթիացնում սեղանին: Կիտած հոնքերի տակին թիթղոնի փայլով մշուշվում էին աչքերը: Անշափ հոգնությունը, նողկանքը, լարվածությունը ծանր ու վանողական էին դարձրել նրա նայվածքը:

Կառավարության անդամներից մեկը, առարկելով մի ուրիշին, խոսում էր երկար ու տաղտկալի: Կալեզիներ զուսպ բարկություն մեղհատեց նրան.

— Պարոններ, կարճ խոսեք: Ժամանակը չի սպասում: Ախր Ռուսաստանը շատախոսությունից կործանվեց: Հայտարարում եմ կես ժամով ընդմիջում: Քննարկեցեք և... հետո, պետք է սա շուտ վերջացնել:

Նա գնաց իր բնակարանը: Կառավարության անդամները, փոքրիկ խմբերի բաժանված, կամացուկ խոսում էին: Մեկն ասաց, թե Կալեզիներ վատ տեսք ունի: Բոգակսկին կանգնել էր լուսամուտի մոտ, նրա ականջին հասավ ցածրաձայն ասված հետևյալ արտահայտությունը:

— Այնպիսի մարդու համար, ինչպես Ալեքսեյ Մաքսիմովիչն է, ինքնասպանությունը միակ ընդունելի ելքն է:

Բոգակսկին ցնցվեց, արագ քայլերով գնաց Կալեզիների բնակարանը: Շուտով նա վերադարձավ ատամանի ուղեկցությամբ:

Որոշվեց հավաքել ժամը 4-ին, քաղաքային դումայի հետ միասին, իշխանությունը նրան հանձնելու և ակտ կազմելու համար: Կալեզիներ վեր կացավ, նրանից հետո մյուսներն էլ վեր կացան: Հրաժեշտ տալով կառավարության մուխռանդ անդամներից մեկին, Կալեզիներ աչքերով հետևում էր ծանովին, որը քիչ չուներ էր Կարևի հետ:

— Բանն ի՞նչ է,— հարցրեց նա:

Ցանովը մոտեցավ մի փոքր շփոթված:

— Կառավարության անդամները,— ո՞չ կազակական մասը,— խնդրում են իրենց փող տալ ճանապարհի համար: Կալեզիներ կնճռոտեց դեմքը, կոշտ ասաց.

— Ես փող չունեմ... Չանձրացրին, էլի՛:

Սկսեցին ցրվել: Բոգակսկին, որ լսել էր այդ խոսակցությունը, Ցանովին մի կողմ կանչեց:

— Գնանք ինձ մոտ: Ասացեք Սվետոզարովին, որ սպասի նախասրահում:

Նրանք դուրս եկան արագ քայլող, կորացած Կալեդինի հետևից: Բոգակակին իր սենյակում մի կապ փող հանձնեց Յանովին:

— Տասնչորս հազար է: Մյուսներին էլ տվեք:

Սվետոզարովը, որ նախասրահում սպասում էր Յանովին, ընդունեց փողը, շնորհակալութուն հայտնեց ու, հրածեշտ տալով, քայլեց դեպի դուրս: Բարապանի ձեռքից ընդունելով շինելը, սանդուղքից աղմուկ լսելով, ետ նայեց: Սանդուղքից ցատկումներով իջնում էր Կալեդինի աղյուտանտը՝ Մուղավսկին:

— Բժիշկ բերել, շո՛ւտ:

Դեն գցելով շինելը, Ցանովը նետվեց նրա կողմը: Հերթապահ աղյուտանտը և հանձնատարները, որոնք խմբվել էին նախասրահում, շրջապատեցին Մուղավսկուն:

— Բանն ի՞նչ է, — սփրթնելով բղավեց Յանովը:

— Ալեքսեյ Մաքսիմովիչը ինքնասպանություն գործեց. — Մուղավսկին հեկեկաց, կրծքի վրա ընկավ սանդուղքի բազրիքին:

Վազեվազ մտեցավ Բոգակակին. նրա շրթունքները դողում էին ասես սարսափելի ցրտից, նա կմկմում էր:

— Ի՞նչ է, ի՞նչ է:

Սանդուղքի վրայով խմբովին, իրարից առաջ անցնելով, վազեցին վերև: Դոփում, դմբդմբում էին նրանց քայլերը: Բոգակակին խոխուռով էր շնչում, բաց բերանով կլանում օդը: Նա առաջինը շրխկալի բացեց դուռը, նախասենյակի միջով վազեց կարհնատ: Կարհնատից կողքի փոքրիկ սենյակը տանող դուռը լայն բացված էր: Այնտեղից սողում ու մշուշվում էր դառնահամ, կապտավուն ծուխը, գալիս էր այրված վառողի հոտը:

— Օ-օ՛խ, օ՛խ, ա-ա՛-ա-ա՛խ-ա... Ալլո՛-շա-ա-ա... սիրելի-ի-խ... — լսվում էր Մարիա Պետրովնա Կալեդինայի անճանաչելիորեն-սարսափելի, ճզմված ձայնը:

Բոգակակին ասես խեղդվելիս պատառոտելով շապկի օձիքը, ներս վազեց: Պատուհանի մոտ կորացել, կանգնել էր Կարևը, կառչել փեղկի դժգույն, ոսկեջրած բռնակից: Նրա մեջքին, սերթուկի տակ ջղաձգաբար իրար էին մոտենում ու հեռանում թիակները, նա սաստիկ, բայց դանդաղ դողում էր:

Չափահաս մարդու խուլ, գազանի ոռնոցին նմանվող հեկեկանքը քիչ մնաց ուշաթափության հասցնեք Բոգակակուն:

Սպայական երթական մահճակալի վրա, ձեռները կրծքին խաչած, մեկնված, մեջքի վրա պառկել էր Կալեդինը: Գլուխը մի քիչ շրջվել էր կողքի, դեպի պատը, բարձի սպիտակ երեսը ստվերել էր կապտավուն, խոնավ ճակատը ու բարձին սեղմված այտը: Աչքերը քնեած-կիսախուփ էին, կոշտ բերանի անկյունները տանջալից կերպով ծամված: Նրա ոտների մոտ ծեծկվում էր ծունկ շոքած կինը: Վերջինիս աղիողորմ, օտարոտի ձայնը սուր էր ու կտրող: Մահճակալի վրա ընկած էր «կոյտ» ատրճանակը: Դրա կողքին, շապիկի վրայով ծուռումուռ հոսում էր արյան սև-կարմավուն, բարակ շիթը:

Մահճակալի կողքին, աթոռի մեջքին կանոնավոր կախված էր ֆրենչը, փոքրիկ սեղանին դրված էր ապարանջան-ծամացույցը:

Բոգակակին ծուռ օրորվելով, ծունկի իջավ, ականջը դեմ արեց Կալեդինի տաք և փափուկ կրծքին: Քացախի հոտի նման թունդ հոտ էր գալիս տղամարդու քրտնքից: Կալեդինի սիրտը չէր բարբախում: Բոգակակին, — նրա ամբողջ կյանքն այդ պահին լսողութուն էր դարձել, — անասելի լարվածությամբ ականջ էր դնում, բայց լսում էր միայն սեղանին դրված ձեռնածամացույցի շկկոցը, արդեն մեռած ատամանի կնոջ խռպոտ, խեղդվող ձայնը ու պատուհանի միջից, — ազոավների շարաբաստիկ, ծանր ու հնչող կոնչոցը:

XVI

Բունչուկը հենց որ առաջին անգամ բացեց աչքերը, տեսավ Աննայի սև աչքերը, որոնք փայլում էին արցունքներով ու ծպիտով:

Սրեք շաբաթ Բունչուկը զառանցանքի մեջ էր, կորցրել էր գիտակցութունը: Սրեք շաբաթ դեգերում էր մի ուրիշ, անշոշափելի ու երևակայական աշխարհում: Գիտակցութունը վերադարձավ դեկտեմբերի 24-ի երեկոյան: Նա լուրջ, մշուշված հայացքով երկար նայում էր Աննային, փորձում էր հիշողության մեջ վերականգնել այն ամենը, ինչ կապված էր Աննայի հետ. սա լուկ մասամբ հաջողվեց նրան, — հիշո-

զուժուներ թույլ էր, ժլատ, շատ բան դեռևս ինչ-որ խոր տեղ էր պահում:

— Ծարավ եմ... — առաջվա պես հեռվից Բունչուկի ականջին հասավ ի՛ր իսկ ձայնը, ու դրանից նա ուրախացավ, ժպտաց:

Աննան շեշտակի մոտեցավ նրան. նա ամբողջովին փայլում էր ժլատ, զուսպ ժպիտով:

— Խմիր իմ ձեռքից, — նա ետ տարավ Բունչուկի ձեռքը, որ թույլ պարզվել էր դեպի բաժակը:

Գլուխը բարձրացնելու ճիգերից դողալով, Բունչուկը խմեց ջուրը ու հոգնածորեն ընկավ բարձին: Երկար նայում էր մի կողմ, ուզում էր մի բան ասել, բայց թուլութունը հաղթահարեց, — նա քնեց:

Ու էլի, ինչպես և առաջին անգամ, արթնանալով, ամենից առաջ տեսավ իրեն նայող Աննայի տագնապալից աչքերը, հետո՝ լամպի շաֆրանե լույսը, դրանից առաջացած սպիտակ կլորակը տախտակե, շնորհած առաստաղի վրա:

— Ա՛նյա, եկ ինձ մոտ:

Աննան մոտեցավ, վերջրեց նրա ձեռքը: Բունչուկը պատասխանեց նրա ձեռքի թույլ սեղմումով:

— Ի՛նչպես ես զգում քեզ:

— Լեզուս, գլուխս, ոտներս կարծես իմը չեն, ես էլ ասես երկու հարյուր տարեկան եմ, — Բունչուկը դժվարությամբ արտասանեց յուրաքանչյուր բառը, մի փոքր լռելով, հարցրեց. — Տի՛ֆ է սա:

— Տի՛ֆ է:

Աչք ածեց սենյակով մեկ, անհասկանալի ասաց.

— Ո՛րտեղ է սա:

Աննան հասկացավ հարցը, ժպտաց:

— Մենք Ցարիցինում ենք:

— Բա դու... ո՞նց եղավ:

— Միայն ես մնացի քեզ հետ, — ու՛կարծես արգարանալով կամ աշխատելով վանել Բունչուկի շարտահայտած ինչ-որ միտքը, հապճեպ վրա բերեց. — Չէր կարելի քեզ թողնել կողմնակի մարդկանց մոտ: Աբրամսոնը և բյուրոյի ընկերներն ինձ խնդրեցին, որ պահպանեմ քեզ... Տեսնո՞ւմ ես, հարկ եղավ անսպասելիորեն քեզ խնամել:

Բունչուկը հայացքով, մազոտ ձեռքի թույլ շարժումով շնորհակալութուն հայտնեց:

— Բա կրուտոգորո՞վքա

— Վորոնեժի վրայով մեկնեց Լուզանսկ:

— Գևորգյա՞նցը:

— Նա... գիտե՞ս... մեռավ տի՛ֆից:

— Օ՛-օ...

Մի փոքր լռեցին՝ ասես հարգելով հանգուցյալի հիշատակը:

— Ես վախենում էի քեզ համար: Դու շատ վատ դրության մեջ էիր, — կամացուկ ասաց Աննան:

— Բա Բոգովո՞յը:

— Բոլորին կորցրի աչքիցս: — Ոմանք մեկնեցին Կամենսկայա: Բայց, լսիր, խոսելը վնասակար չի՞ քեզ համար: Հա, գուցե կա՞թ ես ուզում:

Բունչուկը գլխով բացասական նշան արեց. դժվարությամբ շարժելով լեզուն, շարունակեց հարցուփորձը:

— Աբրամսո՞նը:

— Մի շաբաթ առաջ մեկնեց Վորոնեժ:

Բունչուկը ծանր շուռ եկավ. գլուխը պտտվեց, արյունը ցավազին խփեց աչքերին: Ճակատի վրա զգալով Աննայի պաղ ձեռքը, բացեց աչքերը: Նրան տանջում էր մի հարց. նա կորցրել էր գիտակցութունը, հապա ո՞վ էր կատարում իր կեղտոտ խնամքը, մի՞թե Աննան: Բունչուկի այտերը մի քիչ կարմրեցին. նա հարցրեց.

— Դու մենա՞կ էիր ինձ խնամում:

— Այո, մենակ:

Բունչուկը դարձավ դեպի պատը, շշնջաց.

— Ամո՞թ նրանց... Սրիկանե՛ր: Ինձ թողին քո խնամքին...

Տի՛ֆից հետո առաջացած բարդութունը անդրադարձավ լսողության վրա. Բունչուկը վատ էր լսում: Կուսակցության Ցարիցինի կոմիտեի ուղարկած բժիշկը Աննային ասաց, որ բուժումը կարելի է սկսել միայն այն ժամանակից, երբ հիվանդը վերջնականապես կկազդուրվի: Բունչուկը դանդաղ էր ապաքինվում: Նա հիանալի ախորժակ ուներ, բայց Աննան

խոտորեն դիտար էր պահպանում: Այս հողի վրա նրանց միջև
զգճեր էին լինում:

— Էլի՛ կաթ տուր ինձ,— խնդրում էր Բունչուկը:

— Էլ չի՛ կարելի:

— Խնդրում եմ, տո՛ւր, էլի՛: Հո չե՞ս ուզում, որ ես սո-
վից մեռնեմ:

— Ի՛լյա, դու հո գիտես, որ ես չեմ կարող չափից ավելի
ստելիք տալ քեզ:

Բունչուկը նեղացած լսում էր, դառնում դեպի պատը, հո-
գոց էր հանում, երկար ժամանակ չէր խոսում: Տանջվելով
նրան տածած կարեկցությունից, Աննան հաստատ էր մնում
իր վճռին: Կարճ ժամանակից հետո Բունչուկը մոայլված և
այդ պատճառով է՛լ ավելի ողորմելի տեսքով շուռ էր գալիս,
աղերսանքով խնդրում:

— Կաղամբի թթու չի՞ կարելի: Դե լա՛վ, էլի, Անյա,
խնդրում եմ... Բե՛ր, էլի՛... Վնասակա՞ր է... Դրանք բժշկի
հեքիաթներ են:

Վճռական մերժում ստանալով, Բունչուկը երբեմն ծանր
խոսքերով վիրավորում էր Աննային:

— Դու իրավունք չունես ինձ հետ այդպես վարվելու: Ես
ինքս կկանչեմ տանտիրուհուն ու կխնդրեմ նրանից: Դու ան-
սիրտ ու զզվելի կին ես... Այո, ես սկսում եմ ատել քեզ:

— Դա լավագույն հատուցումն է այն շարժարանքի հա-
մար, որ ես կրեցի՛ լինելով քո դայակը,— պատասխանում
էր նույնպես նեղացած Աննան:

— Ես քեզ չէի խնդրել, որ մնայիր ինձ մոտ: Դրանով ինձ
կշտամբելն անազնվություն է: Դու օգտվում ես քո առավելու-
թյունից: Դե լավ, ի՞նչ արած... Ոչինչ էլ մի տուր ինձ: Թող
ես սատկեմ... Ի՞նչ մեծ բան է:

Աննայի շուրթերը դողում էին, բայց նա զսպում էր
իրեն, լսում էր. ներելով Բունչուկին, համբերությամբ տանում
էր ամեն ինչ:

Միայն մի անգամ, առանձնապես խիստ փոխադարձ նա-
խատինքից հետո, երբ նա հրաժարվեց կարկանդակների մի
ավելորդ բաժին տալ Բունչուկին, վերջինս դեմքը շուռ տվեց,
և Աննան կծկվող սրտով արցունքների կայլակներ տեսավ
նրա աչքերում:

— Դու ուղղակի երեխա ես,— բացականչեց նա:

Վազեց խոհանոց, ափսեով լիքը կարկանդակներ բերեց:

— Կե՛ր, կե՛ր, Իլյուշա, սիրելիս: Դե լավ, էլի՛, մի՛ բար-
կանա: Ա՛յ, վերցրու սա, լավ տապակված է,— ու դողողուն
ձեռներով կարկանդակը ճխտում էր Բունչուկի ձեռքը:

Բունչուկը, որ խորապես տանջվում էր, փորձեց հրաժար-
վել, բայց չկարողացավ. սրբելով արցունքները, նստեց ու
վերցրեց կարկանդակը: Խուճուճ, խիտ մորուքով ծածկված
նրա նիհար դեմքով սահեց մեղավոր ժպիտը, աչքերով ներո-
ղություն խնդրելով՝ նա ասաց.

— Ես երեխայից էլ վատ եմ... Տեսնո՞ւմ ես, քիչ մնաց
լաց լինի...

Աննան նայում էր նրա խիստ բարակ վզին, ներս ընկած,
շապկի բաց օձիքի տակից երևացող լղար կրծքին, ոսկրոտ
ձեռքերին. հուզվելով խորունկ, դեռ չապրած սիրուց ու կա-
րեկցությունից, առաջին անգամ սրտազին ու քնքշորեն համ-
բուրեց նրա շոր, դեղին ճակատը:

Բունչուկը միայն երկու շաբաթից հետո ի վիճակի էր
առանց կողմնակի օգնության քայլել սենյակում: Ցողունի
պես բարակած ոտները ծալվում էին. նա նորից քայլել էր
սովորում:

— Տե՛ս, Աննա, ո՛նց եմ գնո՞ւմ,— փորձում էր քայլել
առանց օգնության և արագ, բայց ոտները չէին դիմանում
մարմնի ծանրության, ներբանների տակից փախում էր հա-
տակը:

Ստիպված լինելով հենվել առաջին հանդիպած հենա-
բանին, Բունչուկը ծերունու պես թույլ ժպտում էր, դալուկ
այտերի մաշկը սլիրկ ձգվում էր, կնճոտվում: Նա ծիծաղում
էր ծերունու կերկերուն, տկար ծիծաղով, ու լարվածությունից,
ծիծաղից թուլացած, կրկին ընկնում էր մահճակալի վրա:

Նրանց բնակարանը մոտիկ էր նավակայանին: Պատու-
հանից երևում էին Վոլգայի ձյունապատ, լայն գոտին, նրա-
նից դեմը՝ լայն, գորշ կիսաղեղով փոված անտառները, հե-
ռավոր դաշտերի մեզմ, ալեձև ուրվագծերը: Աննան երկար
կանգնում էր պատուհանի մոտ, մտածում իր օտարոտի, անըս-
պասելիորեն փոխված կյանքի մասին: Բունչուկի հիվանդու-

թյունը նրանց միջև տարօրինակ մտերմություն էր առաջացրել:

Սկզբում, երկար, տանջալից ճանապարհ անցնելուց հետո, երբ Բունչուկի հետ ժամանեց Ցարիցին, ծանր ու դառն բոլակներ էր ապրում: Աննային առաջին անգամ վիճակվեց այնքան մոտիկից և այնքան մտերմորեն շփում ունենալ սիրած մարդու հետ: Ատամներն իրար սեղմելով, փոխում էր նրա սպիտակեղենը, նրա ոչլոտած, կեղտոտ գլխից սանրելով թափում էր պարազիտները, շուտ էր տալիս քարի պես ծանր նշա մարմինը, ու ցնցվելով, գարշելով, գաղտագողի նայում էր նրա, տղամարդու մերկ, նիհարած մարմնին, այն պատյանին, որի տակ հազիվ բարախում էր իր համար թանկագին կյանքը: Նրա մեջ ծառուում, հակառակվում էր ամեն ինչ, բայց արտաքինի կեղտը չէր բծավորում խորունկ և հուսալի պահած զգացումը: Դրա հրամայական ցուցմամբ սովորեց հաղթահարել ցավն ու տարակուսանքը: Ծվ հաղթահարեց՝ Ե վերջո կար միայն կարեկցություն, ու դուրս թափանցելով, հորդում էր սիրո խորունկ աղբյուրը:

— Մի անգամ Բունչուկն ասաց.

— Այս բոլորից հետո ես քեզ համար զզվելի եմ... այնպես չէ՞:

— Դա մի ստուգում էր:

— Ինչի՞, տոկունության:

— Ո՛չ, զգացմունքի:

Բունչուկը շուտ եկավ ու երկաջ ժամանակ չէր կարողանում զսպել շուրթերի դողը: Հետո նրանք էլ չէին խոսում այդ թեմայից: Խոսքերն ավելորդ ու անգույն կլինեին...

Հունվարի կեսին նրանք Ցարիցինից մեկնեցին Վորոնեժ:

XVII

Հունվարի 16-ի երեկոյան Բունչուկը և Աննան ժամանեցին Վորոնեժ: Երկու օր մնացին այնտեղ ու մեկնեցին Միլլերովո, որովհետև մեկնելու օրը լուրեր էին ստացվել, որ Դոնի բեկոմը և նրան հավատարիմ զորամասերը, կալեդինականների ճնշման տակ ստիպված լինելով թողնել Կամենսկայան, տեղափոխվել էին Միլլերովո:

Միլլերովոն բազմամարդ էր, այնտեղ իրարանցում էր տիրում: Բունչուկը մի քանի ժամ մնաց այնտեղ և հետևյալ քնացքով մեկնեց Գլուբոկայա: Մյուս օրը նա ընդունեց զինդացրային խումբը, իսկ հաջորդ օրվա առավոտյան արդեն մասնակցում էր Չերնեցովի ջոկատի դեմ մղված պայքարին:

Երբ Չերնեցովին արդեն շարդել էին, նրանց անսպասելիորեն վիճակվեց բաժանվել: Աննան առավոտյան վաղեվազ եկավ շտաբից, նա աշխույժ էր ու մի քիչ տխուր:

— Գիտե՞ս, Աբրամսոնն այնտեղ է: Նա շատ է ուզում քեզ տեսնել: Հետո, մի նորություն է՛լ, այսօր մեկնում եմ:

— Ո՞ւր, — զարմացավ Բունչուկը:

— Աբրամսոնը, ես ու էլի մի քանի ընկերներ գնում ենք Վուգանսկ՝ ագիտացիոն աշխատանքի համար:

— Դու թողնո՞ւմ ես ջոկատը, — մի փոքր սառն հարցրեց Բունչուկը:

Աննան ծիծաղեց՝ շիկնած դեմքը սեղմելով նրան:

— Խոստովանիր, քեզ տխրեցնում է ոչ թե այն, որ ես թողնում եմ ջոկատը, այլ այն, որ քեզ եմ թողնում: Բայց չէ՞ որ դա ժամանակավոր է: Ես հավատացած եմ, որ այն աշխատանքով ավելի շատ օգուտ կբերեմ, քան քեզ մոտ: Ագիտացիայի մեջ ես անշուշտ ավելի մասնագետ եմ, քան գնդացրային գործի մեջ... — և շարաճճիորեն խաղացրեց աչքերը, — թեև այդ գործը ուսումնասիրել եմ մի այնպիսի փորձված հրամանատարի ղեկավարությամբ, ինչպիսին Բունչուկն է:

Շուտով եկավ Աբրամսոնը: Առաջվա պես նա եռանդոտ էր, գործունյա, հանգիստ շնատող, ու էլի բզեզային, առեռ կպրած գլխին փայլում էր սպիտակ բիծը: Տեսնելով Բունչուկին, անկեղծորեն ուրախացավ:

— Ոտքի ելար, հա՛: Շա-ա՛տ լավ է: Աննային մենք տանում ենք, — և ինչ-որ բանի մասին գլխի ընկնելով ու այդ ակնարկելով՝ կկոցեց աչքերը. — Դու չե՞ս առարկում, չե՞ս առարկում: Այո... Այո-այո, շա՛տ լավ է: Ես այդ հարցը նրա համար եմ տալիս, որ դուք, հավանորեն, Ցարիցինում ընտելացել եք միմյանց:

— Չե՛մ թաքցնում, որ նրանից բաժանվելն ինձ համար ցավալի է, — Բունչուկը նոթոտ ու բռնազրոսիկ ժպտաց:

— Յավալի՞ է, հա՞... Արգենն այդ է՛լ մեծ բան է... Աննա, լսո՞ւմ ես:

Արրամսոնը մի քիչ քայլեց սենյակում, քայլելիս սնդուկի հետևից վերցրեց Գարին-Միխայլովու փոշոտած հատուրյակը ու շտապելով սկսեց հրածեշտ տալ:

— Շո՞ւտ կվերջացնես, Աննա:

— Գնա: Ծն հիմի կգամ, — պատասխանեց Աննան միջնորմի հետևից:

Փոխելով սպիտակեղենը, նա դուրս եկավ: Հագել էր գին՝ վորի գորշ վերնաշապիկ, վրայից կապել կաշվե գոտի: Կուրծքը մի փոքր դուրս էր ցցել վերնաշապիկի գրպանները. էլի նույն սև յուրկան տեղ-տեղ կարկատած էր, բայց բուրբուրվին մաքուր: Փարթամ, նոր լվացած մազերը խուճուճվել, հանգուցից դուրս էին թափվել: Նա հագավ շինելը. գոտին կապելով՝ հարցրեց (քիչ առաջ եղած նրա աշխուժությունը չքացել էր ու ձայնն էլ կերկերուն էր, աղերսալի).

— Դու այսօր մասնակցելո՞ւ ես հարձակման:

— Դե իհա՛րկե, հո ձեռներս ծալած չե՞մ նստելու:

— Ծն քեզ խնդրում եմ... Լսիր, զգույշ եղիր: Դու այդ կանես ինձ համար, այո՞: Ծն քեզ համար մի ավելորդ զույգ բրդե գուլպա կթողնեմ: Չմրսե՛ս, հա՛-ա, աշխատիր չթրջել սառնեղ, Լուգանսկից կգրեմ քեզ:

Աննայի աչքերը միանգամից դալկացան. հրածեշտ տալով, նա խոստովանեց.

— Տեսնո՞ւմ ես, քեզանից հեռանալը շատ ցավալի է ինձ համար: Սկզբում, երբ Արրամսոնն՝ առաջարկեց մեկնել Լուգանսկ, ես ոգևորվեցի, իսկ այժմ զգում եմ, որ առանց քեզ այնտեղ դատարկություն կլինի: Մի ավելորդ ապացույց, որ զգացմունքն այժմ տեղին չէ, կկաշկանդի... էհ, ինչևիցե, մնաս բարով...:

Ձուսպ, սառն հրածեշտ տվին միմյանց, սակայն Բունչուկն այդ այնպես հասկացավ, ինչպես և պետք էր հասկանալ, — Աննան վախենում էր կորցնել իր վճռականության պաշարը:

Բունչուկը դուրս եկավ ճանապարհ դեմու: Աննան գնաց անհանգստությունում ուսերը ճոճելով, առանց ետ նայելու: Բունչուկն ուզում էր կանչել նրան, բայց հրածեշտի պահին մի

քիչ շեղ, մշուշված նրա հայացքում արտասովոր ու խոնավ փայլ նկատեց. բռնանալով իր կամքի վրա, շինծու զվարթությունը գոչեց.

— Հուսով եմ, որ Ռոնտովում կտեսնվենք: Բարի ճանապարհ, Անյա:

Աննան ետ նայեց, արագացրեց քայլերը:

Նրա գնալուց հետո Բունչուկը սոսկալի թափով զգաց իր մենակությունը: Նա փողոցից վերադարձավ սենյակ, բայց այնտեղից իսկույն դուրս թուրավ, — կարծես վառվելու էր սենյակում... Այնտեղ յուրաքանչյուր առարկա հիշեցնում էր Աննայի ներկայությունը, նրա բույրն էր պահել ամեն մի իր, — և՛ Աննայի մոռացած թաշկինակը, և՛ գին՝ վորի փամփրշտակալը, և՛ պղնձե բաժակը, — այն ամենը, ինչին որ դիպել էին Աննայի ձեռքերը:

Բունչուկը մինչև երեկո թափառում էր ստանիցայում՝ ապրելով շտեմնված անհանգստություն և այնպիսի՞ մի զգացում, որ ասես իրենից ինչ-որ բան էին կտրել և ինքը ոչ մի կերպ չի ընտելանա իր նոր գրությունը: Նա շփոթված նայում էր անծանոթ կարմիրզվարդիականների ու կազակների դեմքերին, ոմանց ճանաչում էր, շատերն էլ իրեն էին ճանաչում:

Մի տեղ նրան կանգնեցրեց մի կազակ, որի հետ ինքը ծառայել էր գերմանական ռազմաճակատում: Նա Բունչուկին տարավ իր բնակարանը, հրավիրեց մասնակցել խաղին: Սեղանի վրա «քսանմեկ» էին խաղում Պետրովի շոկատի կարմիրզվարդիականները և նոր ժամանած մոկրոուսովյան նավաստիները: Մխախտի ծխի մեջ կորած, նրանք խաղաթղթերը շրմփացնում էին սեղանին, խշխշացնում կերենսկու դրամանիշները, հայհոյանք թափում, գոռում մոլեգնարար: Բունչուկին քաշեց մաքուր օդը, — նա դուրս գնաց:

Նրան փրկեց այն, որ մի ժամից հետո հարկ եղավ մասնակցել հարձակման:

XVIII

Կալեզինի մահից հետո նովոչերկասկ ստանիցան իշխանությունը հանձնեց Դոնի զորաց ռազմերթի ատաման գեներալ Նազարովին: Փետրվարի 4-ին կազակական ներկայա-

ցուցիչներին ժողովին հավաքված ղեկագատները նրան ընտրե՞ցին զորաց փոխ-ատաման: Ժողովին հավաքվել էր ղեկագատների մի աննշան մասը, գլխավորապես հարավային օկրուգների,— Դոնի ստորին ավազանի՝ ստանիցաների ներկայացուցիչները: Ժողովը անվանվում էր Փոքր ժողով: Նա իր աշխատանքը սկսեց փետրվարի 4-ին: Նազարովը ժողովի կողմից պաշտպանություն գտնելով, հայտարարեց 17-ից մինչև 25 տարեկանների մորթիլիզացիա, բայց կազակները դժկամությամբ էին զենք վերցնում, շնայելով, որ նրանց վրա սպառնալիքներ էին թափվում և զինված ջոկատներ էին ուղարկվում ստանիցաները՝ մորթիլիզացիա կատարելու համար:

Փոքր ժողովի աշխատանքները սկսվելու օրը Ռումինական ռազմաճակատից, զորական ավագ Տացինի հրամանատարությամբ նովոչերկասկ ժամանեց Դոնի 6-րդ, գեներալ Կրասնոշչոկովի կազակական զունդը: Եկատերինսուլայից սկսած՝ զունդը եկել էր կովելով, բոլշևիկյան օղակը ճեղքելով: Նրան գզգզել էին Պյատիխատկայի, Մեծևայի, Մատվեև Կուրգանի մոտ և ուրիշ շատ տեղերում, բայց, շնայելով դրան, նա ժամանեց համարյա լրիվ կազմով, բոլոր սպանների առկայությամբ:

Գնդի հանդիսավոր դիմավորում կազմակերպվեց: Սարոնայա հրապարակում կայացած մաղթանքից հետո նազարովը կազակներին շնորհակալություն հայտնեց, որ նրանք պահպանել էին դիսցիպլինան, փայլուն կարգ ու կանոնը, ու զենքով եկել էին Դոնը պաշտպանելու:

Ամսի 6-ին զունդը ուղարկվեց ռազմաճակատ, Սուլին կայարանի մերձակայքը, իսկ 8-ին նովոչերկասկում սև լուրեր ստացվեցին. բոլշևիկյան ագիտացիայի ազդեցությամբ զունդը ինքնակամ հեռացել էր դիրքերից ու հրաժարվել զորաց կառավարությունը պաշտպանելուց:

Ժողովի աշխատանքը թույլ էր ընթանում: Բոլորն էլ զգում էին, որ բոլշևիկների դեմ ուղղված պայքարը անհաջողությամբ է վերջանալու: Նազարովը, այդ հուանդուն, դյուրարորբոք գեներալը նիստերի ժամանակ նստում էր գլուխը ձեռքին հենած, ափով ճակատը ծածկած, ասես տանջալից կերպով ինչ-որ մի բանի մասին էր մտածում:

Խորտակվում, ցնդում էին վերջին հույսերը: Բոլշևիկյան

օղակը ճնշում, սեղմում էր մարզի կոկորդը: Տխտրեցկայալի մոտ արդեն որոտում էին հրանոթները: Լուրեր էին գալիս, որ Ցարիցինից դեպի Ռոստով է շարժվում այնտեղի բոլշևիկյան հրամանատար, խորունժի Ավտոնոմովը:

Ամսի 9-ի առավոտյան Ռոստով մտավ կապիտան Չերնովի ջոկատը, որին նեղում էր Սիվերսը, թիկունքից նրան գնդակոծում էին Գնիլովսկայա ստանիցայի կազակները: Խախտ էր նրա դրուժունը, ու Կոռնիլովը հասկացավ, որ Ռոստովում մնալն անվտանգ չէ, հենց այդ օրն էլ հրաման տվեց, որ իր ուժերը նահանջեն դեպի Օլգինսկայա ստանիցան:

Բանվորները ամբողջ օրը Տեմերնիկից կրակում էին կայարանի և սպայական պարեկների վրա: Իրիկնադեմին Ռոստովից դուրս եկավ զորքերի խիտ շարասյունը: Պարարտ, սև խժի նման այն ձգվեց Դոնի կամուրջի վրայով, գալարվելով սողաց դեպի Աքսայ: Կիսատ-պոստ վաշտերը ծանր քայլում էին փխրուն, թաց ձյան վրա: Երևում էին զիմնագիստների վերարկուները՝ պսպղուն կոճակներով ու ռեալիստների՝ կանաչավուն վերարկուները, բայց գերակշռում էին զինվորասպայական շինելները: Դասակների հրամանատարները զընդապետներ ու կապիտաններ էին: Շարքերում կային յունկերներ ու սպաններ,— պրապորշչիկներից սկսած մինչև գնդապետները: Գումակի բազմաթիվ սայլերի հետևից գնում էին փախստականները,— տարեց, սոլիդ մարդիկ՝ քաղաքային վերարկուներով, կրկնակոշիկներով: Կանայք փոքրիկ, արագ քայլերով գնում էին սայլերի կողքից, խրվում խորունկ ձյան մեջ, ճոճվում բարձր կրունկների վրա:

Կոռնիլովյան զնդի վաշտերից մեկի հետ գնում էր Եվգենի Լիստինցկին: Նրա կողքից՝ քպցած շարային սպա, շտաբս-կապիտան Ստարոբելսկին, Սովորովյան Ֆանագորիական գրենադերական զնդի պորուչիկ Բոլազովը ու փոխգնդապետ Լովիչևը,— զառամյալ, անատամ, մարտական մի սպա, որ ամբողջովին ծածկված էր շիկակարմրավուն-ալեխառն մազերով, ասես նա մի ահագին աղվես լիներ:

Թանձրանում էր մթնշաղը: Ցուրտը գոռում էր: Դոնի

1 Ռեալիստ — այստեղ՝ մինչև 1917-ի տեղական պարբերական աշակերտ: (Ս. Ք.):

գետաբերանից մի քիչ շոռ ու խոնավ քամի էր փչում: Լիստ-
նիցկին ըստ իր սովորութեան շխախտելով քայլերի համաշա-
փությունը, ոտներով հունցում էր փխրուն ձյունը, զննում
վաշտի կողքից անցնող մարդկանց դեմքերը: Ծանապարհի
կողքից անցան Կոռնիլովյան գնդի հրամանատար կապիտան
Նեժենցեր և Պրեորրաժենսկի գվարդիական գնդի նախկին
հրամանատար գնդապետ Կուտեպովը կոճակներն արձակած
շինելով և պիրկ ծոծրակին քաշած գլխարկով:

— Պարոն հրամանատար,— դիմեց Նեժենցեին փոխ-
գնդապետ Լովիչը՝ ճարպկութեամբ խաղացնելով հրացանը:
Կուտեպովը շուռ տվեց լայնաճակատ, եզան դեմքը՝ լայ-
նադիր, սև աչքերով ու ծայրատած, բահած և մորուքով. նրա
ուսի հետևից Նեժենցեր նայեց Լովիչի կողմը:

— Հրամայեցեք, որ առաջին վաշտը արագացնի քայլե-
րը: Ախր այսպես գնալով կսառչենք, է՛: Մեր ոտները թրջվե-
լեն, իսկ երթի ժամանակ այսպես քայլելը...

— Այլանդակութիւնն է,— շեփորեց ուժգնաձայն ու
ճվճվան Ստարոբելսկին:

Նեժենցեն առանց պատասխանելու անցավ նրանց կող-
քից: Նա ինչ-որ վիճում էր Կուտեպովի հետ: Մի քիչ հետո
նրանից առաջ անցավ Ալեքսեևը: Կառապանը արագ քշում
էր պարարտ, սևաթույր, պոչերը կապած ձիերը. սմբակների
տակից ձյան փաթիլներ էին թռչում: Սպիտակ, վերցից բե-
ղերով ու բիզ-բիզ, նույնպես սպիտակ հոնքերով Ալեքսեևը,
քամուց կարմրած, գլխարկը քաշել էր մինչև ականջները, նրս-
տել էր կառքի մեջքին կողքի ընկած, ցրտից պաշտպանվելու
համար վերարկուի օձիքը թշին սեղմած: Սպաները ժպտալով
էին նայում բոլորին ծանոթ նրա դեմքին:

Քաղմաթիվ ոտներից փխրունացած ճանապարհին տեղ-
տեղ զեզին ջրափոսեր էին առաջանում: Քայլերը ծանր էր,
մարդկանց ոտները թուլանում էին, թացությունը թափանցում
էր սապոզների մեջ: Լիստնիցկին քայլելիս ականջ էր դնում
առջևում տեղի ունեցող խոսակցություններին: Մորթե բաճ-
կոնով ու կազակական հասարակ փափախով մի սպա թավ
ձայնով ասաց.

— Գուք տեսա՞ք, պորուչիկ. Պետական դումայի նախա-
գահ Ռոձնյակոն, այդ ծերունին, ոտով է գնում:

— Ռուսաստանը Գողգոթա է բարձրանում...

Մեկը հազալով ու խոխուալի խորխելով, փորձեց հեզնել.

— Գողգոթա... միայն այն տարբերությամբ, որ քարա-
րոտ ճանապարհի փոխարեն ձյուն է, այն էլ թաց, պլյուս
գարշելի ցուրտը:

— Գիտե՞ք, պարոններ, թե որտեղ ենք գիշերելու:

— Եկատերինոգարում:

— Պրուխայում մենք մի անգամ այսպիսի ճանապարհ
անցանք...

— Մեզ ինչպե՞ս կընդունի Կուրանը... Խնչ... Ինչ իհար-
կե, այստեղ ուրիշ է բանը:

— Մխախտ ունե՞ք,— հարցրեց Լիստնիցկուն պորու-
չիկ Գոլովաչը:

Նա հանեց կոշտ ձեռնոցը, սիգարեթ վերցրեց, շնորհա-
կալություն հայտնեց, ու զինվորավարի խնչելով, շինելի փե-
շով սրբեց մատները:

— Գեմոկրատական շարժումներ եք յուրացնում, պո-
րուչիկ... — թեթև ժպտաց փոխ-գնդապետ Լովիչը:

— Ուզես-չուզես պիտի յուրացնես: Հապա դուք... գուցե
մի դյուժին թաշկինա՞կ եք վերցրել:

Լովիչը չպատասխանեց: Նրա կարմրավուն-ալեխառն
բեղերից կանաչավուն սառցալեզվակներ էին կախվել: Նա եր-
բման քիթը վեր էր քաշում. դեմքը կնճռոտում ցրտից, որը քա-
մուց բարձրացող շինելի տակից թափանցում էր նրա մարմնի
մեջ:

«Ա՛յ քեզ Ռուսաստանի սերուցքը»,— մտածում էր Լիստ-
նիցկին՝ թունդ կարեկցությամբ դիտելով զորասյան շարքերն
ու գլուխը, որ ծուռումուռ շարժվում էր ճանապարհով:

Սրարշավ անցան մի քանի ձիավորներ, նրանց մեջ, Գոնի
բարձրամարմին մի նժույգի վրա — Կոռնիլովը: Նրա բաց-
կանաչ, կողքի շեղադիր գրպաններով կիսամուշտակը ու սպի-
տակ փափախը երկար ժամանակ երևում էին ու չքանում:
Սպայական գումարտակները բարձրաձայն, թնդալից ուռայով
էին ուղեկցում նրան:

— Այս բոլորը ոչի՛նչ, միայն թե ընտանիքս... — Լովի-
չը ծերունու պես տնքաց, կողքից նայեց Լիստնիցկու աչքե-
րին, ասես համակրանք փնտրելով. — Ընտանիքս մնացել է

Սմտլենսկում...— կրկնեց նա.— կինս ու աղջիկս: Ծննդյան տոներին լրացավ աղջկաս տասնյոթ տարին... Ի՞նչ կասեք, հը՞, յասավուլ:

— Հը՛-ը՛-մ...

— Դուք է՛լ եք ընտանիքավոր: Նովոշերկասկի՞ց եք:

— Ո՛ւ, ես Դոնեցի օկրուգից եմ: Հայրս է մնացել այն-տեղ:

— Չգիտեմ նրանց ինչ կպատահի... Առանց ինձ ի՞նչպես պիտի ապրեն,— շարունակեց կովիչը:

Ստարոբելսկին շղայնորեն ընդհատեց նրան.

— Բուրն էլ ընտանիքներ են թողել: Չեմ հասկանում, թե ինչու եք տրտնջում, փոխ-գնդապետ: Զարմանալի՛ մարդիկ: Ռոստովից դուրս եկան թե չէ...

— Ստարոբելսկի, Պյոտր Պետրովիչ, դուք եղե՛լ եք Տազանրոգի մարտում,— հետևից, շարքի վրայից հարցրեց մեկը:

Ստարոբելսկին շուռ տվեց բարկացած դեմքը, մոռալ ժպտաց:

— Ա՛-ա-ա... Վաղդիմիր Գյորգիևիչ, դո՛ւք ինչպես եք ընկել մեր դասակը: Տեղափոխվե՛լ եք: Ո՛ւմ հետ եք գծավել: Ըհը՛մ... դե, այդ հասկանալի է... Դուք Տազանրոգի մասի՞ն եք հարցնում: Այո, եղել եմ... ի՞նչ կա որ: Միանգամայն ճիշտ է... սպանեցին նրան:

Լիստնիցկին անուշադիր ականջ դնելով խոսակցությանը, հիշեց իր մեկնումը Ցագոդնոյից, հիշեց հորը, Ակսինյային: Նրան նեղում էր սրտում մշուշված թախիծը: Նա թույլ էր քայլում, նայում էր առչուում ճոճվող՝ հրացանների փողերին, որոնց ծայրերին սվիններ էին ամրացված, նայում էր փափախներով, հովարավոր գլխարկներով ու բաշուղներով ծածկված գլուխներին, որոնք օրորվում էին քայլերի ութմով, ու մտածում էր.

«Ինչպես ես, այնպես էլ արտաքսման ենթարկված այս հինգ հազարից յուրաքանչյուր մեկը այժմ ատելություն մը և անսահման ցասումով է լցված: Սրիկաները Ռուսաստանից դուրս շարտեցին, ու մտածում են այստեղ էլ մեզ ոտնատակ անել: Տեսնե՛նք... Կոռնիլովը մեզ Մոսկվա կհասցնի»:

Այդ բոպին նա վերհիշեց Կոռնիլովի ժամանումը Մոսկվա ու բերկրանքով անցավ այն օրվա հուշերին:

Մոտիկ տեղից, հետևից, հավանորեն վաշտի թիկունքից գալիս էր մարտկոցը: Փնշում էին ձիերը, զոգոում հրետասայլերը, գալիս էր նույնիսկ ձիերի քրտնքի հոտը: Լիստնիցկին իսկույն զգաց այդ ծանոթ, հուզիչ հոտը, շուռ տվեց գլուխը. առջևի ձիավարը, երիտասարդ մի պրապորշչիկ, նայեց նրան ու ժպտաց՝ ինչպես ժպտում են ծանոթին:

Մինչև մարտի 11-ը Կամավորական բանակը կենտրոնացվեց Օլգինսկայա ստանիցայի շրջանում: Կոռնիլովը շերտապում այնտեղից դուրս գալ,— սպասում էր, որ Դոնի Զորաց ռազմերթի ատաման գեներալ Պոպովը ժամանի Օլգինսկայա: Պոպովը Նովոշերկասկից գնացել էր անդրդոնյան տափաստաններն իր շոկատով, որն ուներ մոտ 1600 հեծյալ, 5 հրանոթ և 40 գնդացի:

13-ի առավոտյան Պոպովը իր շտաբի պետ գնդապետ Սիդորինի և ուղեկցորդ մի քանի կազակ սպանների ուղեկցությամբ ժամանեց Օլգինսկայա:

Հրապարակում, Կոռնիլովի գրաված տան մոտ նա կանգնեցրեց ձին. բռնելով դաշից, ոտը դժվարությամբ անցկացրեց թամբի վրայից: Նրան օգնեց վրա հասած բանրերը,— սև քյաքուլավոր, երիտասարդ մի կազակ թուխ դեմքով և կիվիվի աչքերի նման սուր աչքերով: Պոպովը սանձը զցցեց նրան, ծանրաքայլ գնաց դեպի արտաքին սանդուղքը: Սիդորինը և սպանները իջան ձիերից ու հետևեցին նրան: Բանրերները ձիերը տարան բակ: Մինչդեռ բանրերներից մեկը, տարեց, ծուռտանի մի մարդ, կերի տուպրակներ էր կախում ձիերի գլուխներից, մյուսը, սև քյաքուլավորը, որ կիվիվի էր նման, արգեն ծանոթացավ տանտիրոջ սպասուհու հետ: Նա ինչ-որ անհեթեթ բան ասաց սպասուհուն. վերջինս, որ կարմրաթուշ մի աղջիկ էր կոկետաբար կապած լաշակով ու բոբիկ ոտներին հագած խոր կրկնակոշիկներով, ծիծաղեց ու նրա կողքից սայթաթելով անցավ հարված ձյան միջից դեպի մարազը:

Վեհատեսիլ, տարեց Պոպովը մտավ տուն: Նախասենյակում շինելը զցցեց ժիր բանրերի թևերին, մտրակը կախեց կախարանից, երկար ու զիլ խնչեց: Բանրերը դեպի դահլիճ

ուզեկցեց նրան ու Միդորինին; որը քայլելիս կոկում էր մազերը:

Խորհրդակցութեան հրավիրված գեներալներն արդեն հավաքվել էին: Կոռնիլովը նստել էր սեղանի մոտ, կոթնել փրոված քարտեզին. նրա աջ կողմում տեղավորվել էր ալեհեր, նիհար, ուղղադիր իրանով ու նոր սափրված Ալեքսեևը: Գեներալները փայլեցնելով խելացի, ծակող աչքերը, խոսում էր Ռոմանովսկու հետ: Լուկոմսկին, որ հեռավոր նամուսթյուն ունեւր Գեներալինի հետ, զանդաղ քայլում էր սենյակում, տնտղում մորուքը: Մարկովը կանգնել էր բակի պատուհանի մոտ՝ դիտելով, թե ինչպես բանքեր կազակները ձիերի մոտ դես ու դեն են քայլում ու ծիծաղելով քչիչում սպասուհի աղջկա հետ:

Եկվորները բարեկեցին ու մոտեցան սեղանին: Ալեքսեևը մի քանի աննշան հարցեր տվեց ճանապարհի և Նովոշերկասկը դատարկելու մասին: Ներս մտավ Կուտեպովը, նրա հետ՝ մի քանի շարային սպաներ, որոնք Կոռնիլովի կողմից հրավիրված էին խորհրդակցութեան:

Գեմառդեմ նայելով Պոպովին, որ նստել էր հանգիստ և ինքնավստահ, Կոռնիլովը հարցրեց.

— Ասացեք, գեներալ, ի՞նչ քանակի է ձեր ջոկատը:

— Հազար հինգ հարյուր հեծյալ, մի մարտկոց, քառասուն գնդացի՝ դրանց անձնակազմով:

— Այն հանգամանքները, որոնք Կամավորական բանակին ստիպեցին հեռանալ Ռոստովից, հայտնի են ձեզ: Երեկ մեզ մոտ խորհրդակցութեան եղավ Որոշվեց գնալ Կուրան, դեպի Եկատերինոգար, որի շրջակայքում գործում են կամավորական ջոկատները: Մենք կշարժվենք այս երթուղով... — Կոռնիլովը մատիտի շորած ծայրը տարավ քարտեզի վրայով, ավելի արագ խոսեց. — Ճանապարհին մեր կողմը կգրավենք Կուրանի կազակութեանը, կկոտորենք այն փոքրաթիվ, անկազմակերպ ու անմարտունակ կարմիրզավարդիական ջոկատները, որոնք կփորձեն մեր շարժման դեմ խոչընդոտներ հարուցել: — Կոռնիլովը նկատեց, որ Պոպովը կկոցված աչքերով մի կողմ է նայում, ու այսպես վերջացրեց իր խոսքը. — Մենք ձեզ առաջարկում ենք ձեր ջոկատով միանալ Կամավոր-

ական բանակին և մեզ հետ միասին գնալ դեպի Եկատերինոգար: Ուժերի մասնատումը հակառակ է մեր շահերին:

— Ես չեմ կարող այդ անել, — վճռականորեն ու կտրուկ հայտարարեց Պոպովը:

Ալեքսեևը մի քիչ թեքվեց նրա կողմը:

— Ինչո՞ւ, թույլ տվեք հարցնել:

— Որովհետև ես չեմ կարող թողնել Դոնի մարզի տերիտորիան ու գնալ ինչ-որ վայրեր, դեպի Կուրան: Հյուսիսից Դոնով պաշտպանված, մենք ձմեռանոցների շրջանում հետամուտ կլինենք իրադարձութեաններին: Հազիվ թե հակառակորդը ակտիվ գործողութեանների դիմի, որովհետև վաղը մյուս օրը կսկսվի հալհլոցը և ոչ միայն հրետանին, այլև հեծելազորն էլ չի կարողանա անցնել Դոնը, իսկ ձմեռանոցների շրջանից, որը միանգամայն ապահովված է կերով և հացով, մենք ամեն ժամանակ և ամեն մի ուղղությամբ կարող ենք պարտիզանական գործողութեաններ ծավալել:

Պոպովը ծանրակշիռ համոզվածությամբ այնպիսի փաստարկներ էր բերում, որոնք անընդունելի էին դարձնում Կոռնիլովի առաջարկը: Նա շունչ առավ, ու տեսնելով, որ Կոռնիլովն ուզում է ինչ-որ բան ասել, կամակորուսյամբ թափահարեց գլուխը.

— Թույլ տվեք վերջացնել... Բացի դրանից, կա նաև խիստ կարևոր մի գործոն, և մեր հրամանատարութեանը դա հաշվի է առնում. այդ մեր կազակների տրամադրութեանն է. — Պոպովը պարզեց մտակալած, սպիտակ ձեռքը, որի ցուցամատի փափկութեան մեջ թաղվել էր ոսկե մատանին. ձայնը մի քիչ բարձրացնելով, նայելով բոլորին, շարունակեց. — Եթե մենք գնանք Կուրան, ջոկատի քայքայման վտանգ կըստեղծվի: Կազակները կարող են չգնալ: Զպետք է մոռանալ այն հանգամանքը, որ իմ ջոկատի մշտական և առավելապես հաստատուն կոնտինգենտը կազակներն են, իսկ նրանք բարոյապես ամենին էլ այնպես կայուն չեն, ինչպես... թեկուզ հենց ձեր զորամասերը: Նրանք ուղղակի անգիտակից են: Չեն գնա, պրծավ գնացի: Իսկ ես չեմ կարող ամբողջ ջոկատը կորց-

¹ Զմեռանոցներ — ձմեռանոցական շրջանների այն խոտորները, որտեղ ձմեռում էին ձիերի հետ միասին: (Մ. Ք.):

նելու ռիսկ անել.— կտրուկ ասաց Պոպովը ու նորից ընդհատեց Կոռնիլովին.— ներողութիւն եմ խնդրում, ես ձեզ հայտանքի մեր որոշումը և համարձակվում եմ հավատացնել ձեզ, որ մենք անկարող ենք այն փոխել: Հասկանալի է, որ ուժերի մասնատումը հակառակ է մեր շահերին, բայց ստեղծված դրութիւնից մի ելք կա: Ես կարծում եմ, որ ելնելով իմ արտահայտած այս նկատառումներից, ավելի խելացի բան կլիներ, եթե Կամավորական բանակը գնար ոչ թե Կուբան,— Կուբանի կազակութիւնն տրամադրութիւնները քիչ անհանգրստութիւն չեն պատճառում ինձ,— այլ Դոնի ջոկատի հետ գնար Անդրդոնյան տափաստանները: Այնտեղ նա, օգտվելով դադարից, կկազդուրվի, գարնանը կհամալրվի Ռուսաստանից եկած կամավորների նոր կազրերով...

— Ո՛չ,— բացականչեց Կոռնիլովը, որ դեռ երեկ կողմնակից էր Անդրդոնյան տափաստանները գնալուն և համառորեն վիճում էր Ալեքսեևի հակառակ կարծիքի դեմ,— անիմաստ է գնալ ձմեռանոցները: Մենք մոտ վեց հազար մարդ ենք...

— Եթե հարցը վերաբերում է պարենին, ապա համարձակվում եմ հավատացնել ձեզ, ձերդ բարձր գերազանցութիւն, որ ձմեռանոցների շրջանը ամենացանկալի վայրն է: Այնուհանդերձ դուք այնտեղ կարող եք ձիեր վերցնել մասնավոր ձիաբույժներից և բանակի մի մասը ձի նստեցնել: Գաշտային մանկրային պատերազմ մղելու համար դուք նոր շանսեր կունենաք: Հեծելազորն անհրաժեշտ է ձեզ, իսկ Կամավորական բանակը դրանով հարուստ չէ:

Կոռնիլովը, որ այդ օրը առանձնապես սիրալիք էր Ալեքսեևի նկատմամբ, նայեց նրան: Հավանորեն նա տատանվում էր մեկ կամ մյուս ուղղութիւնն ընտրելու մեջ, պաշտպանութիւն էր սպասում ուրիշի հեղինակութիւնից: Ալեքսեևին լսեցին մեծ ուշադրութիւնով: Մեր գններալը, որ սովոր էր խընդիրները լուծել կարճ խոսքով, սպառիչ կերպով, մի քանի սեղմ ֆրազներով արտահայտվեց դեպի Եկատերինոզար արշավելու օգտին:

— Տվյալ ուղղութիւնը մեզ համար առավելապես հեշտ կլինի ճեղքել բոլշևիկյան օղակը ու միանալ Եկատերինոզարի մոտ գործող ջոկատին,— վերջացրեց նա:

— Իսկ եթե այդ շահողովի՞, Միխայիլ Վասիլևիչ,— զղուշութեամբ հարցրեց Լուկոմսկին:

Ալեքսեևը ծամծամեց շրթունքները, ձեռքը տարավ քարտեզի վրայով:

— Նույնիսկ եթե անհաջողութիւն լինի, մենք հնարավորութիւն կունենանք հասնել մինչև Կովկասյան լեռները և ցրել բանակը:

Նրան պաշտպանեց Ռոմանովսկին: Մարկովը մի քանի տաք խոսք ասաց: Կարծես թե ոչինչ էլ չկար հակադրելու Ալեքսեևի ծանրակշիռ փաստարկներին, բայց Լուկոմսկին խոսք վերցրեց, հավասարեցրեց կշեռքը:

— Ես պաշտպանում եմ գններալ Պոպովի առաջարկը,— հայտարարեց նա՝ զանդադ արտասանելով բառերը,— Կուբան գնալը կապված է մեծ դժգոհութիւնների հետ, որոնք այստեղ հաշվի առնել հնարավոր չէ: Ամենից առաջ մենք երկու անգամ անցնելու ենք երկաթուղին...

Խորհրդակցութիւնի բոլոր մասնակիցների հայացքները սահեցին քարտեզի վրա, նրա մատի ուղղութիւնով: Լուկոմսկին կտրուկ տոնով շարունակեց.

Բոլշևիկները չեն զլանա պատշաճապես դիմավորել մեզ,— նրանք գործի կղնեն զրահապատ գնացքները: Մեզ մոտ կան ծանր գումակ և բազմաթիվ վիրավորներ: մենք չենք կարող դրանց թողնել: Այդ ամենը չափազանց կծանրաբեռնի բանակը և խոչընդոտ կհանդիսանա նրա ամենաարագ ընթացքին: Այնուհետև, ինձ համար անհասկանալի է, թե որտեղի՞ց է առաջացել այն վստահութիւնը, որ Կուբանի կազակութիւնը դեպի մեզ բարեկամաբար է տրամադրված: Բոլշևիկների իշխանութիւնից իբր թե նեղվող Դոնի կազակութիւնն օրինակով մենք պետք է մեծագույն զզուշութեամբ և առողջ հոռետեսութիւն խոշոր դողալով վերաբերվենք այդպիսի լուրերին: Կուբանցիները տառապում են բոլշևիկյան նույն տրախտմայով, որը բերել են առաջվա ռուսական բանակից... նրանք կարող են թշնամաբար տրամադրված լինել: Ի վերջո պետք է կրկնեմ, որ իմ կարծիքով պետք է գնալ դեպի արևելք, տափաստանները, և ուժեր կուտակելով, այնտեղից սպառնալ բոլշևիկներին:

Իր գններալների մեծամասնութիւնն կողմից պաշտպա-

նություն գտնելով, Կոռնիլովը որոշեց գնալ Վելիկոկնյաժեսկայայի արևմտյան կողմից, երթի ժամանակ բանակի ապաշարքային մասը համալրել ձիերով և արդեն այնտեղից շուռ գալ դեպի Կուբան: Վերջացնելով խորհրդակցությունը, նա մի քանի ֆրազներ փոխանակեց Պոպովի հետ, սառն հրածեշտ տվեց նրան ու գնաց իր սենյակը: Նրան հետևեց Ալեքսեևը:

Դոնի ջոկատի շտաբապետ գնդապետ Սիդորինը, զնգացնելով շպրոները, դուրս ելավ, հյուսիս, ուրախ ձայն տվեց բանբերներին:

— Բերե՛լ ձիերը:

Երիտասարդ, շիկաբեղ կազակական մի հարյուրապետ թուրը վեր պահած ու անցնելով ջրափոսերի միջով, մոտեցավ մուտքի սանդուղքին: Նա կանգ առավ ստորին աստիճանի մոտ, շնչալով հարցրեց.

— Ի՞նչ եղավ, պարոն գնդապետ:

— Վատ չէ՛,— աշխույժ ու կամացուկ պատասխանեց Սիդորինը,— մեր գնե՛րալը հրաժարվեց Կուբան գնալուց: Հիմա մեկնում ենք: Դուք պատրա՞ստ եք, Իզվարին:

— Այո, բերում են ձիերը:

Բանբերները ձիերին նստած, բերում էին դրանք: Սև քյաքուլավոր, կիվիվի նման բանբերը նայում էր իր ընկերոջը:

— Հը՛, սիրո՞ւն է,— փռփկալով հարցրեց նա:

Տարիքավորը զուսպ ժպտաց:

— Ոնց որ ձիու քոսը:

— Բա որ ժամանակ լիներ, կկանչե՞ր, հը՞:

— Ձե՛ն քաշի, տո, սարսաղ: Հիմի հո մեծ պասն է:

Իզվարինը, Գրիգորի Մելիխովի նախկին պաշտոնակիցը, թուով գավակը կախ, ամբողջ ճակատը և ունգները սպիտակ իր ձիու վրա, հրամայեց բանբերներին.

— Դուրս եկեք փողոց:

Պոպովն ու Սիդորինը գնե՛րալներից ոմանց հրածեշտ տալով, իշան սանդուղքից: Բանբերներից մեկը բռնեց ձիուց, գնե՛րալի ոտը դրեց ասպանդակին: Թափահարելով կազակական սովորական մտրակը, Պոպովը ձին յորդա տվեց, նրա հետևից, ասպանդակների վրա կիսականգնած ու մի քիչ առաջ թեքված, սլացան բանբեր կազակները, Սիդորինն ու սպաները:

Մեչետինսկայա ստանիցայում, ուր ժամանեց Կամավորական բանակը երկու օրվա ճանապարհ անցնելուց հետո, Կոռնիլովը լրացուցիչ տեղեկություններ ստացավ ձմեռանոցների շրջանի մասին: Տեղեկությունները բացասական բնույթ ունեին: Հավաքելով շարային զորամասերի հրամանատարներին, Կոռնիլովը հայտարարեց Կուբան գնալու մասին ընդունված որոշումը:

Պոպովի մոտ սուրհանդակ ուղարկվեց, որի միջոցով երկրորդ առաջարկն էր արվում միանալու մասին: Սուրհանդակսպան Ստարո-Իվանովսկի մերձակայքում հասավ բանակին: Պոպովից նրա բերած պատասխանը նույնն էր. Պոպովը քաղաքավարի ու սառն տոնով հրաժարվում էր առաջարկն ընդունելուց, գրում էր, որ իր որոշումը չի կարող փոխվել, և ինքն առայժմ մնում է Սալսկի օկրուգում:

XIX

Գոլուբևի ջոկատի հետ, որը շուրջանակի ճանապարհով գնում էր Նովոչերկասկը գրավելու, մեկնեց նաև Բունչովը: Փետրվարի 10-ին նրանք դուրս եկան Շախտնայայից, անցան Ռազդորսկայա ստանիցան, գիշերամտին արդեն հասան Մելիխովսկայա: Հետևյալ օրվա լուսաբացին մեկնեցին ստանիցայից:

Գոլուբևն արագ երթով էր տանում ջոկատը: Առջևում երևում էր նրա վայելչակազմ կերպարանքը. նա անհամբերությամբ մտրակում էր ձիու գավակը: Գիշերով անցան Բեսսերգենսկայան, ձիերին մի քիչ հանգիստ տվին, ու նորից անասող գիշերվա մթնում շարժվեցին ձիավորները, ձիերի սմբակների տակ ճքճքում էր սալուղու բարակ սառույցը:

Կրիվյանսկու մոտ խոտորվեցին ճանապարհից, բայց իսկույն գտան այն: Երբ մտան Կրիվյանսկայա, արշալույսը լացվեց: Ստանիցայի փողոցները դեռ դատարկ էին: Փաքիկ հրապարակի, ջրհորի մոտ մի ժերոնի կազակ տաշտի մեջ սառույց էր շարդում: Գոլուբևը ձին քշեց-մոտեցավ նրան, ջոկատը կանգ առավ:

— Բարև, ժերուկ:

Կազակը թաթման հագած ձեռքը դանդաղ տարած փափախին, անբարյացակամ պատասխանեց:

— Բարև ձեզ:

— Է՛հ, ի՞նչ կա, պապի, ձեր ստանիցայի կազակները նովոչերկասկ են գնացել, հա՛, Ձեզ մոտ մորիլիզացիա՞ է եղել:

Սերունին շտապ բարձրացրեց կացինը, առանց պատասխանելու գնաց դեպի դարբասը:

— Մեկնե՛՛լ,— ետ դառնալով ու հայհոյելով բղավեց Գուրբեր:

Այդ օրը զորաց Փոքր ժողովը պատրաստվում էր տեղափոխվել Կոնստանտինոպոլսկայա ստանիցան: Գոնի զորաց ռազմերթի նոր ատամանը՝ գեներալ Պոպովը, մայրաքաղաքից արդեն դուրս էր տարել զինված ուժերը, փոխադրել զորական արժեքավոր գույքը: Առավոտյան տեղեկություններ էին ստացվել, որ Գուրբեր Մելիխովսկայայից գալիս է դեպի Բեսսերգենսկայա: Ժողովը յասավուլ Սիվոլոբովին ուղարկեց նովոչերկասկի հանձնման պայմանների մասին Գուրբերի հետ բանակցություններ վարելու: Այնուհետև Գուրբերի հեծյալները դիմադրության չհանդիպելով, ներխուժեցին նովոչերկասկ: Գուրբովն ինքը քրտնած — փրփրակալած ձիով, կազակների հոծ խմբի ուղեկցությամբ մոտեցավ ժողովի շենքին: Շքադուռն մոտ խմբվել էին մի քանի պարապ-սարապ մարդիկ, կանգնել էր բանբերը, որը թամբած ձիով սպասում էր նազարովին:

Բունչուկը թուով ձիուց, վերցրեց ձեռքի գնդացիքը: Գուրբերի ու մյուս կազակների բազմության հետ մտավ ժողովի շենքը: Լսելով բացվող դռան ձայնը, դիլեգատները ընդարձակ դահլիճից շուռ տվին գլուխները, թուևդ սփրթնեցին նրանց դեմքերը:

— Կանգնե-՛՛լ,— լարվածորեն, ասես զորատեսի պահին հրամայից Գուրբեր, ու կազակներով շրջապատված, շտապելուց սայթաքելով, քայլեց դեպի նախագահության սեղանը:

Ժողովի անդամները լսելով այդ հրամայական ձայնը, գռացնելով աթոռները, ոտքի ելան. միայն նազարովը մնաց իր տեղում նստած:

— Ի՞նչպես եք համարձակվում ընդհատել ժողովի նիստը,— զրնգաց նրա ցասկոտ ձայնը:

— Գուրբ ձերբակալված եք. լռե՛՛լ.— Գուրբերը կարմրատակեց, վազեվազ մոտեցավ նազարովին, սրա գեներալական համազգեստի ուսից պոկեց ուսադիրը, խուպոտ ձայնով գոռաց.— Կանգնի՛ր, ասում եմ քեզ: Վերցրե՛ք սրան... է՛յ... քեզ չե՛մ ասում... Տխմա՛ր...

Բունչուկը դուռն մոտ տեղավորում էր գնդացիքը: Ժողովի անդամները խռնվում էին ոչխարի հոտի նման: Կազակները Բունչուկի կողքից քարշ տալով տարան նազարովին, ժողովի նախագահ, վախից բուլբուլովին սփրթնած Վոլոչինովին ու էլի մի քանի մարդկանց:

Թուրը շրխկացնելով, նրանց հետևեց գնում էր Գուրբեր՝ մթնած, կարմիր բծերով պատած դեմքով: Ժողովի մի ինչոր անդամ բռնեց նրա թևքից:

— Պարոն գնդապետ, ձերդ ողորմածություն, հապա մեք ի՞նչ պիտի անենք:

— Մենք ազա՞տ ենք,— նրա ուսի հետևից դուրս ցցվեց մի այլ անդամի դողդոջուն, արագաշարժ գլուխը:

— Ի՞նչ եղեք, է՛,— խուսափելով բղավեց Գուրբեր, ու Բունչուկի կողքից անցնելիս դարձավ ժողովի անդամների կողմը, ոտը խփեց հատակին.— Չքվեցեք, ես ձեր... գլուխ չունեմ ձեզ հետ: Դե՛հ...

Նրա խուպոտ, հողմահար ձայնը դեռ երկար դմբոմբում էր դահլիճում:

Բունչուկը գիշերեց մոր մոտ, իսկ մյուս օրը, երբ նովոչերկասկում լուր ստացվեց, թե Սիվերսը գրավել է Ռոստովը, նա Գուրբերից թուլտվություն ստացավ ու առավոտյան ձիով մեկնեց այնտեղ:

Երկու օր աշխատեց շտաբում, Սիվերսի մոտ, որը նրան ճանաչում էր դեռ «Օկոպնայա պրավդայի» խմբագիր լինելու ժամանակից, հետո գնաց Ռեկոմ, ուր չկար ոչ Աբրամսոնը, ոչ էլ Աննան: Սիվերսի շտաբին կից կազմվել էր հեղափոխական տրիբունալ, որը խիստ դատ ու դատաստան էր տեսնում բռնված սպիտակզավարդիականների դեմ: Բունչուկը աշխատեց մի օր, սպասարկելով դատարանի կարիքներին, մասնակցելով շուրջկալներին, իսկ հետևյալ օրը, էլ հույս չունենալով

Աննային տեսնելու, վազ տվեց Ռեկոմ և դեռ սանդուղքից լսեց Աննայի ծանոթ ձայնը: Սիրտը ուժգին բարբախեց, երբ նա, քայլերը դանդաղեցնելով, մտավ երկրորդ սենյակը, որտեղից լսվում էին ինչ-որ մարդկանց ձայներ և Աննայի ծիծաղը:

Սենյակում, ուր առաջ տեղավորված էր պարետուժյունը, մշուշվել էր ծխախոտի ծուխը: Մի անկյունում, կանացի արդուզարդի մի փոքրիկ սեղանի վրա ինչ-որ բան էր գրում առանց կոճակների շինել հազած մի մարդ՝ ականջակալներն արձակած զինվորական փափախով, նրա շուրջը հավաքվել էին զինվորներ ու քաղաքացիներ՝ կիսամուշտակներով և վերարկունքերով: Նրանք փոքրիկ խմբերի բաժանված՝ ծխում, խոսում էին: Պատուհանի մոտ, մեջքը դեպի դուռը կանգնել էր Աննան, պատուհանի գոգին, խաչմերուկ արած մատներով ծոված ոտի ծունկը բռնած, նստել էր Աբրամսոնը, նրա կողքին, գլուխը թեքած, կանգնել էր լատիշական կերպարանքով մի կարմիրզվարդիական: Նա ծխում էր ու ինչ-որ բան պատմում,— ըստ երևույթին ծիծաղաշարժ բան. Աննան զրնգալի ծիծաղում էր գլուխը ետ տանելով, Աբրամսոնի դեմքը կնձռոտվում էր ժպտալուց, մոտիկ կանգնածները լսում էին, ժպտում, իսկ կարմիրզվարդիականի լայն դեմքի վրա, ասես կացնով խազած յուրաքանչյուր դիմագծի մեջ գաղտուկ ապրում էր այն, ինչ որ խելացի է, սուր և մի փոքր ցասկոտ:

Բունչուկը ձեռքը դրեց Աննայի ուսին:

— Բարև, Անյա:

Աննան ետ նայեց: Նա շառագունեց մինչև պարանոցը, մինչև անրակները, աչքերում արցունքներ երևացին:

— Պա՛հ, այդ ո՞րտեղից: Աբրամսոն, տես, է՛: Ահա, կարծես նոր արծաթադրամ լինի, իսկ դու սրա համար անհանգստանում էիր,— վրա տվեց Աննան առանց աչքերը բարձրացնելու, և շկարողանալով հաղթահարել շփոթմունքը, գնաց դեպի դուռը:

Բունչուկը սեղմեց Աբրամսոնի տաք ձեռքը, նրա հետ մի քանի ֆրազ փոխանակեց, ու զգալով իր դեմքի հիմար, անսահմանորեն երջանիկ ժպիտը, չպատասխանելով Աբրամսոնի ինչ-որ հարցին (նա մինչև իսկ չհասկացավ հարցի իմաստը), մոտեցավ Աննային: Վերջինս ուշքի եկավ, նրան

դիմավորեց ժպտալով և իր շփոթմունքի վրա մի քիչ բարկացած:

— Է՛, նորից բարև: Ի՞նչպես ես, առո՞ղջ ես: Ծ՞րբ ես եկել: Նովոչերկասկի՞ց ես եկել: Գոլուբևի շոկատո՞ւմն էիր: Ահա՛ թե ինչ... Է՛, հետո՞:

Բունչուկը պատասխանում էր հարցերին, անթարթ, ծանր հայացքով զննում Աննային: Վերջինիս պատասխանայվածքը բեկվում, մի կողմ էր սահում:

— Եկ մի ըոպե դուրս գանք շենքից,— առաջարկեց Աննան:

Աբրամսոնը դիմեց նրանց:

— Շո՞ւտ կգաք: Ես քեզ հետ գործ ունեմ, ընկեր Բունչուկ: Մենք մտածում ենք քեզ օգտագործել մի աշխատանքի համար:

— Ես կգամ մի ժամից հետո:

Փողոցում Աննան ուղիղ ու մեղմակի նայեց Բունչուկի աչքերին, սրտենդուփյամբ թափահարեց ձեռքը:

— Ի՛լյա, Ի՛լյա, ի՞նչ վատ էր, որ ես շփոթվեցի... Կարծես փոքրիկ աղջիկ լինեի: Այդ բացատրվում է, նախ, անակնկալով, երկրորդ, մեր անորոշ դրուժյամբ: Էպպես ասած՝ ովքե՞ր ենք ես ու դու: Հովվերզական «հարս ու փեսա»»: Գիտե՞ս, մի անգամ կուզանսկում Աբրամսոնն ինձ հարցնում է՝ «Դու ապրո՞ւմ ես Բունչուկի հետ»: Ես հերքեցի, բայց նա խիստ դիտող տղա է ու չէր կարող շտեմնել այն, ինչ որ աչքի էր ընկնում: Նա ոչինչ չասաց, բայց ես իր աչքերից հասկացա, որ ինձ չի հավատում:

— Պատմիր քո մասին, ի՞նչպես ես և ի՞նչ ես անում:

— Օ՛, մենք այնտեղ առաջ մղեցինք գործը: Հավաքեցինք մի ամբողջ շուկատ,— երկու հարյուր տասնմեկ մարդ: Կալմակերպական ու քաղաքական աշխատանք կատարեցինք... Է՛, մի՞թե կարելի է այդ բոլորը պատմել երկու խոսքով: Ես դեռ չեմ կարողանում ուշքի գալ քեզ հանդիպելուց: Գու ո՞րտեղ... ո՞րտեղ ես գիշերում,— ընդհատելով խոսակցությունը, հարցրեց Աննան:

— Այստեղ... ընկերոջս մոտ:

Բունչուկը շփոթվեց ստեղծուց. այդ գիշերները նա անց էր կացնում Սիվերսի շտաբի շենքում:

— Դու հենց այսօր կտեղափոխվես մեզ մոտ: Հիշո՞ւմ ես, թե ես որտեղ էի ապրում: Մի ժամանակ դու ինձ ճանապարհ էիր դնում:

— Կգտնեմ: Բայց... չե՞մ նեղի քո ընտանիքին:

— Թո՞ղ, է՛, դու ոչ ոքի էլ չես նեղի և առհասարակ շխուսես այդ մասին:

Բունչուկը երեկոյան զինվորի լայն մախաղի մեջ հավաքելով իրերը, գնաց ծայրամասի այն փողոցը, որտեղ ապրում էր Աննան: Աղյուսե մի փոքրիկ տան շեմքին նրան դիմավորեց մի պառավ: Վերջինիս դեմքը մի քիչ հիշեցնում էր Աննային. աչքերի նույն կապտավուն-սև փայլը, մի քիչ ծուռ քիթը, միայն մաշկը կնճռոտ է ու հողազույն և փոս ընկած բերանը պառավութուն է արտահայտում:

— Դո՞ւք եք Բունչուկը, — հարցրեց պառավը:

— Այո:

— Խնդրեմ, անցեք ներս: Աղջիկս ինձ ասել է ձեր մասին: Նա Բունչուկին տարավ մի փոքրիկ սենյակ, ցույց տվեց, թե որտեղ պիտի դնի իրերը, ուստի կորեհն կծկված մատով մի շրջան գծեց.

— Դուք արդեն կապրեք այստեղ: Այս մահճակալը ձերն է:

Նա խոսում էր հրեական յուրահատուկ ակցենտով: Բացի նրանից, տանը կար անշափահաս մի աղջիկ, — նիհար, աչքերը խորունկ, ինչպես Աննայի աչքերը:

Մի քիչ հետո եկավ Աննան: Նա իր հետ աղմուկ ու աշխուժություն բերեց:

— Մեզ մոտ ոչ ոք չի՞ եղել: Բունչուկը չեկա՞վ:

Մայրը նրան ինչ-որ պատասխան տվեց մայրենի լեզվով, և Աննան ամուր, սահուն քայլվածքով մոտեցավ դռան:

— Կարելի՞ է քեզ մոտ:

— Այո, այո՛:

Բունչուկը աթոռից վեր կենալով, գնաց ընդառաջ:

— Հը՛, ո՞նց է, տեղավորվեցի՞ր:

Աննան գոհ, ծիծաղկոտ հայացքով նայեց նրան, հարցրեց.

— Դու բան կերե՞լ ես: Գնանք այնտեղ:

Վերնաշապկի թևքից բռնած, նրան տարավ առաջին սենյակը, ասաց.

— Սա իմ ընկերն է, մայրիկ, — ու ժպտաց, — դուք սրան շնորհակցե՛ք:

— Է՛, ի՞նչ ես ասում, ո՞նց կարող է այդպիսի բան լինել... նա մեր հյուրն է:

Գիշերը Ռոստովում հասունացած ակացիայի պատիճներին նման ճքճքում էին կրակոցները: Երբեմնակի տկտկում էր գնդացիքը, հետո ամեն ինչ լռում էր: Ու, գիշերը, փետրվարյան վեհապանծ, սև գիշերը նորից լռությամբ էր պարուրում փողոցները: Բունչուկն ու Աննան երկար նստեցին հյուրին հատկացված, խիստ մաքուր սենյակում:

— Այստեղ ես ու քույրիկս էինք բնում, — ասաց Աննան: — Տեսնո՞ւմ ես որքան համեստ է մեր բնակարանը, ասես այստեղ միանձնուհիներ են ապրում: Ոչ էժան նկարներ, ոչ լուսանկարներ, ոչ մի բան, որը վայել կլիներ ինձ, իրրև գիմնազիստուհու:

— Ինչո՞վ էիք ապրում, — խոսակցության ժամանակ հարցրեց Բունչուկը:

Եվ Աննան ո՛չ առանց ներքին հպարտության պատասխանեց.

— Ես աշխատում էի Ասմուլովի ծխախոտագործարանում և դասեր էի տալիս:

— Իսկ հիմա՞:

— Մայրիկս կար է անում: Նրանց երկուսին քիչ բան է հարկավոր:

Բունչուկը պատմեց Նովոչերկասկի գրավման, Զվերևոյի ու Կամենսկայայի մոտ եղած մարտերի մանրամասնությունները: Աննան հաղորդեց իր տպավորությունները լուգանսկում և Տագանրոգում կատարված աշխատանքի մասին:

Ժամի տասնմեկին, հենց որ մայրը հանդցրեց մյուս սենյակի լույսը, Աննան գնաց:

XX

Մարտ ամսին Բունչուկին ուղարկեցին Դոնի ուկրաին կից հեղափոխական տրիբունալում աշխատելու: Աշխատանքից ու անքուն գիշերներին հյուժված, դալուկ աչքերով, բարձրահասակ նախագահը նրան տարավ իր սենյակի պատուհանի

մոտ, աւ մատնեքով ձեռքի ժամացոյցը սրբելով (նա շատ-պում էր նիստի), ասաց.

— Ո՞ր թվականից ես կուսակցութեան մեջ: Հը՛մ, լա՛վ է: Դու, ուրեմն, մեզ մոտ պարեաւ կլինես: Անցած գիշերը մենք մեր պարեառին... կաշառակերութեան համար ուղարկեցինք «Դուխոնիսի շտաբը»: Իսկական սաղիստ էր, այլանդակի մեկը, սրիկա, — այդպիսիները մեզ հարկավոր չեն: Այդ աշխատանքը կեղտոտ է, բայց այստեղ էլ պետք է անխախտ պահպանել կուսակցութեան հանդեպ պատասխանատվութեան գիտակցութիւնը, — դու ինձ հասկացիր ինչպես հարկն է... — նա շեշտեց այս ֆրազը. — պահպանել մարդկայնութիւնը: Մենք անհրաժեշտութիւնից դրդված, ֆիզիկապես ունշուցնում ենք կոնտրակուլուցիոններին, բայց չի կարելի դա կրկես դարձնել: Դու հասկանո՞ւմ ես ինձ: Շա՛տ լավ: Գնա, ընդունիր գործերը:

Հենց այդ գիշեր Բունչուկը տասնվեց կարմիրզվարդիականների մասնակցութեամբ քաղաքից երկու-երեք վերստ հեռու գնդակահարեց հինգ մարդ, որոնք դատապարտված էին գնդակահարութեան: Նրանցից երկուսը Գնիլովսկայա ստանիցայի կազակներ էին, մնացածները՝ Ռոստովի բնակիչներ:

Գրեթէ ամեն օր, կեսգիշերին բեռնատար ավտոմոբիլներով քաղաքից դուրս էին տանում դատապարտվածներին, հապճեպ կերպով փոսեր էին փորում նրանց հորելու համար. այդ աշխատանքին մասնակցում էին թե մահապարտները և թե կարմիրզվարդիականների մի մասը: Բունչուկը շարք էր կանգնեցնում կարմիրզվարդիականներին, արտասանում թուշի ձայնի պես խուլ հնչող խոսքերը.

— Ռեուլուցիայի թշնամիների վրա... — ու թափահարում էր նազանը, — կրա՛կ...

Մի շաբաթում նա նիհարեց ու սևացավ, ասես հողով ծածկվեց: Աչքերը փոս ընկան, ջղայնորեն ցնցվող կոպերը չէին սքողում դրանց տարտամ ու թախծոտ փայլը: Աննան միայն գիշերներն էր նրան տեսնում: Նա աշխատում էր Ռեկոմում, ուշ էր տուն գալիս, բայց միշտ էլ օպասում էր, մինչև որ Բունչուկը պատուհանի ծանոթ թխկոցով հայտնեք իր գալու մասին:

Մի անգամ Բունչուկը, ինչպես և միշտ, փերադարձավ կեսգիշերին: Աննան բացեց դուռը, հարցրեց.

— Ընթրելո՞ւ ես:

Բունչուկը չպատասխանեց. հարբածի պես ճոճվելով, անցավ իր սենյակը և առանց շինելը, սապոգներն աւ փափախը հանելու ընկավ մահճակալին: Աննան մոտեցավ նրան, նայեց դեմքին. Բունչուկի աչքերը կպել-կկոցվել էին, բաց արած, ամուր ատամների վրա պսպղում էր լորձը, տիֆից թափվող նոսր մազերի մի թաց փունջ կպել էր ճակատին:

Աննան նստեց նրա կողքին: Կարեկցութեամբ ու ցավը շանգոտ էին Աննայի սիրտը: Շշնջալով հարցրեց.

— Դու քեզ վա՞տ ես զգում, Իլյա:

Բունչուկը սեղմեց նրա ձեռքը, չքաղցրեց ատամները, շուտ եկավ դեպի պատը: Այդպես էլ քնեց առանց մի բառ ասելու, իսկ քնի մեջ ինչ-որ քրթմնջում էր անհասկանալի ու լալազին, ուժ էր անում վեր կենալու: Աննան անբացատրելի երկյուղից ցնցվելով ու սարսափով նկատեց, որ նա քնել էր կիսախուսի աչքերով, կոպերի տակից հիվանդագին փայլում էր ուռուցիկ սպիտակուցների զեղնութիւնը:

— Հեռացի՛ր այնտեղից, — առավոտյան խնդրեց Աննան, — ավելի լավ է գնա ուղմաճակատ: Դու բոլորովին հյուժվել ես, Իլյա: Քեզ կկործանի այդ աշխատանքը:

— Լո՛ւր... — գոռաց Բունչուկը՝ թարթելով կատաղութիւնից սպիտակած աչքերը:

— Մի՛ գոռա: Ծս քեզ վիրավորեցի՞:

Բունչուկը միանգամից հանգավ, ասես գոռոցով դուրս էր թափել կրծքում հավաքված կատաղութիւնը: Հոգնածորեն դիտելով իր ձեռները, ասաց.

— Մարդկային զարշանքը ոչնչացնելը կեղտոտ գործ է: Գնդակահարելը, գիտե՞ս, վնասակար է առողջութեան և հոգու համար... Տե՛ս, է՛... — առաջին անգամ նա այլանդակ հայհոյանք թափեց Աննայի ներկայութեամբ, — կեղտոտ աշխատանքի են գնում կամ հիմարներն ու գազանները, կամ ֆանատիկոսները: Բոլորն էլ ուզում են քայլել ծաղկած այգում, բայց ախր, սատանան նրանց տանի, նախքան ծաղիկներ ու ծառեր տնկելը պետք է մաքրել կեղտը: Պետք է պարարտացնել: Պետք է աղտոտել ձեռները, — նա բարձրացրեց

ձայնը, շնայելով, որ Աննան դեմքը շուռ էր տվել ու լուում էր...— Պետք է ոչնչացնել կեղտը, իսկ այդ գործից զզվում են...— արդեն բղավում էր Բունչուկը՝ բռունցքները խփելով սեղանին, արագ-արագ թարթելով արյունակալած աչքերը:

Աննայի մայրը դռնից ներս նայեց, և Բունչուկը ուշքի գալով, խոսեց ավելի կամաց.

— Ես չեմ հեռանա այս աշխատանքից: Ես տեսնում եմ, խորապես զգում, որ օգուտ եմ բերում: Կմաքրեմ կեղտը, կպարարտացնեմ հողը, որ ավելի բերրի լինի, արգավանդ լինի: Երբևէ նրա վրա կշրջեն երջանիկ մարդիկ... Գուցե նրա վրա քայլի իմ որդին, որը չկա...— նա ծիծաղեց կերկերուն և անուրախ.— Քանի՜-քանի այդ տեսակ իժեհ... տղեր եմ գընդակահարել... Տիգը մի միջատ է, որը կպչում է մարմնին... Մի տասնյակ սպանած կլինեմ հենց այս ձեռներովս...— Բունչուկը պարզեց սեղմված, սևամազոտ, ուրուրի ոտների պես ճանկավոր ձեռները. դրանք ծնկներին խփելով, կամացուկ ասաց.— է՛հ, շհաննա՛մը, վառվել այնպես, որ կայծեր թռչեն, և ոչ թե մխալ... Միայն թե ես, ճիշտ է, հոգնել եմ... Մի քիչ էլ կմնամ ու կգնամ ուղամաճակատ... Դու իրավացի ես...

Աննան, որ լուռ լսում էր նրան, կամացուկ ասաց.

— Գնա ուղամաճակատ կամ ուրիշ աշխատանքի... Թո՛ղ այդ գործը, Իլյա, այլապես դու... խելքդ կթոցնես:

Բունչուկը մեջքը դարձրեց Աննայի կողմը, մատով թրփ-թրփացրեց պատուհանին:

— Ո՛չ, ես պինդ եմ... Դու չկարծես, թե երկաթե մարդիկ կան: Մենք բոլորս էլ միևնույն նյութից ենք ձուլված... Կյանքում չկան այնպիսիները, որոնք շեն վախենում կովից, և այնպիսիները, որոնք սպանելով մարդկանց, բարոյապես ընկճված չլինեն... Բայց սիրտս չի ցավում նրանց, ուսադիրներ կրողների համար... Նրանք գիտակից մարդիկ են, ինչպես նաև ես ու դու: Բայց ահա երեկ հարկավոր եղավ ինն հոգու թվում գնդակահարել երեք կազակ... աշխատավորներ էին... Սկսեցի արձակել մեկի կապանքը...— Բունչուկի ձայնը դառնում էր ավելի խուլ, անլսելի, ասես նա հետզհետե հեռանում էր.— շոշափեցի նրա ձեռքը, որ կարծես կոշիկի ներքան լիներ... կոշտ էր... ամբողջովին կոշտուկներով էր

ծածկված... ձեռքը սև էր... քերծվածքներով էր... Բշտոտ... Գե՛հ, ես գնամ,— նա միանգամից ընդհատեց իր պատմածը և Աննայի համար աննկատելի կերպով մաքրեց ժանդ ջղակծկումով, ասես մազե օղաթոկով բռնված կոկորդը:

Նա հազավ ոտնամանները, մի բաժակ կաթ խմեց, գնաց: Աննան միջանցքում հասավ նրան: Իր ձեռների մեջ երկար պահեց նրա ծանր, մազոտ ձեռքը, հետո այն սեղմեց իր բորբ թշին ու դուրս վազեց:

Եղանակը տաքանում էր: Գարունը Ազովից թափանցում էր Դոնի գետաբազուկները: Մարտի վերջին սկսեցին Ռոստով ժամանել ուկրաինական կարմիրզավարդիական ջոկատները, որոնց նեղում էին հայդամակները և գերմանացիները: Քաղաքում սկսվեցին սպանությունները, կողոպուտները, անկարգ բռնագրավումները: Ռեկոմը ստիպված եղավ զինաթափել վերջնականապես բարոյալքված մի քանի ջոկատ: Հնդհարումներն ու հրաձգությունները չէին դադարում: Նովոչերկասկի մերձակայքում գլուխ էին բարձրացնում կազակները: Մարտ ամսին ստանիցաներում բարդիների բողբոջների նման ուռճանում էին հակասությունները կազակների և ոչ կազակ գյուղացիների միջև, տեղ-տեղ ապստամբություններ էին բռնկվում, կոնտրակոլյուցիոն դավադրություններ էին հայտարարվում: Իսկ Ռոստովն ապրում էր հորդառատ, լիարյուն կյանքով. երեկոները Բուլշայա Սադովայա փողոցում շրջում էին զինվորների, նավաստիների, բանվորների բազմությունները: Միտինգներ էին անում, արևածաղկի սերմ չրթում, թքում մայթերի կողքից հոսող առվակների մեջ, զվարճանում կանանց հետ: Առաջվա պես էլի աշխատում էին, ուտում, խմում, քնում, մեռնում, երեխա ունենում, էին, ուտում, խմում, քնում, մեռնում, երեխա ունենում, սիրում, ատում, շնչում ծովից փչող շոռ քամին, ապրում մեծ ու փոքր կրթերով տարված: Փոթորկով հղի օրերը հույ մոտենում էին Ռոստովին: Զգացվում էր հալչող սևահողի, մոտալուտ մարտերի արյան հոտը:

Պայծառ, արևաշող մի օր Բունչուկը սովորականից շուտ վերադարձավ տուն և զարմացավ, տեսնելով, որ Աննան տանն է:

— Դու հո միշտ էլ ուշ ես գալիս, իսկ այսօր ի՞նչ է պատահել:

— Ես մի քիչ հիվանդ եմ, — ասաց Աննան:

Նա Բունչուկի հետ մտավ վերջինիս սենյակը: Բունչուկը հանեց վերարկուն, բերկրալի, դողդոջ ծպիտով ասաց.

— Անյա, այսօրվանից տրիբունալում չեմ աշխատում:

— Ի՞նչ ես ասում: Հապա քեզ ո՞ւր են ուղարկում:

— Ռեկոմ: Այսօր խոսեցի Կրիվոշիկովի հետ: Նա խոստանում է ինձ որևէ օկրուզ ուղարկել:

Նրանք միասին ընթրեցին: Բունչուկը պառկեց քնելու: Հուզված լինելով, նա երկար ժամանակ չէր կարողանում քուն մտնել, ծխում էր, շուռ էր գալիս կոշտ դռակի վրա, բերկրանքով շունչ էր առնում: Նա մեծ գոհունակությամբ էր հեռանում տրիբունալից, որովհետև զգում էր, որ եթե մի քիչ էլ մնար, չէր դիմանա, կքայքայվեր: Նա չորրորդ ժախտան էր ծխում, երբ լսեց դռան թեթև ճռնչոցը: Բարձրացրեց գլուխը, տեսավ Աննային: Վերջինս ոտաբորիկ, շապկանց ներս մտավ, հուշիկ մոտեցավ նրա մահճակալին: Կուսնի աղոտ, կանաչավուն լույսը պատուհանի փեղկի ճեղքից ընկավ Աննայի մերկ ուսերին: Աննան կոացավ, տաք ձեռքը դրեց Բունչուկի շուրթերին:

— Տեղ տուր: Չայն չհանես...

Պառկեց Բունչուկի կողքին, ճակատից անհամբերությամբ ետ տարավ խաղողի ողկույզի պես ծանր հերափունջը, աչքերը շողացին մշուշվող, կապտավուն կայծերով, նա մի փոքր կոպիտ, ճնշվելով շնչաց.

— Վաղը-մյուս օրը ես կարող եմ գրկվել քեզնից... Ուզում եմ քեզ սիրել ամբողջ թափով, — ու ծանր ցնցվեց ի՞ր իսկ վճռականությունից, — դեհ, շո՛ւտ:

Բունչուկը համբուրում էր նրան ու սարսափով, իր գիտակցությունը հոշոտող մեծ ամոթով զգում, որ ուժ չունի:

Նրա գլուխը ցնցվում էր, տանջալից կերպով բորբոքվում էին այտերը: Աննան ետ քաշվեց, բարկությամբ հրեց նրան, զզվանքով ու գարշանքով, արհամարհանքով ու շնչասպառ հարցրեց.

— Դու... դու անո՞ւժ ես, թե՞... հիվանդ ես... օ-օ՞-օ, որքա՞ն գարշելի է դա... Թո՞ղ ինձ:

Բունչուկն այնպես սեղմեց նրա մատները, որ դրանք թույլ ճքացին, իր հայացքը մեխեց նրա լայնացած, աղոտ կերպով սևին տվող, թշնամական աչքերին, ու կմկմալով, հիվանդագին ցնցելով գլուխը, հարցրեց.

— Ինչո՞ւ, ինչո՞ւ ես նախատում: Այո, ամբողջովին հյուժվել եմ... այժմ նույնիսկ դրա համար էլ անընդունակ եմ... Հիվանդ չեմ... հասկացիր, հասկացիր, քայքայված եմ... է-է՛-է-հե՛...

Բունչուկը խուլ մոնչաց, վեր թռավ մահճակալից, ծխեց: Ասես ծեծված, երկար կուշ եկավ պատուհանի մոտ:

Աննան վեր կացավ, լուռ գրկեց նրան ու հանգիստ, մոր պես համբուրեց ճակատը:

Իսկ մի շաքաթից հետո Աննան նրա թևի տակ թաքցնելով հրակարմիր իր դեմքը, խոստովանեց. —

— ... Կարծում էի, թե առաջ վատնել ես ուժդ... Չգիտեի, որ աշխատանքը բոլորովին մաշել է քեզ:

Եվ այնուհետև Բունչուկը երկար ժամանակ իր վրա զգում էր սիրածի ոչ միայն փայփայանքը, այլև նրա ջերմ, ծայրեծայր լեցուն մայրական հոգատարությունը:

Նրան չուղարկեցին շրջանները: Պողոտյուկովի պահանջով նա մնաց Ռոստովում: Այդ ժամանակ Դոնի ռեկոմում ետում էր աշխատանքը, նա պատրաստվում էր սովետների մարզային համագումարին, Դոնի մյուս կողմում աշխուժացող կոնտրոկոլյուցիայի դեմ ուղղված գոտեմարտին:

XXI

Գետափնյա ուռենիների մոտ աղմկալից կոկոսում էին գորտերը: Արևն անցնում էր բլրակի հետևը: Իրիկնային զովն էր իջնում Սետրակով խուտորի վրա: Չոր ճանապարհի վրա տներից ահագին, շեղակի ստվերներ էին ընկնում: Փռչի բարձրացնելով, տափաստանից գալիս էր նախիրը: Կազակուհիները ճիպտներով քշում կովերը, վերադառնում էին արտավայրից, նորություններ պատմում: Ոտաբորիկ և արդեն արևից թուխ գույն առած կազակ տղաները փողոցներում աթուրմա էին թռչում: Մերուկները՝ լրջադեմ նստոտել էին տները շրջապատող հողաթմբերի վրա:

նուտորը վերջացրել էր ցանքը: Միայն տեղ-տեղ վերջին ցանքը,— կորեկի ու արևածաղկի ցանքն էին ավարտում:

Մայրամասի մի տան մոտ, տապալված կաղնիների վրա նստել էին կազակները: Տանտերը, չեչոտ դեմքով մի հրետանավոր, պատմում էր գերմանական պատերազմում եղած մի ինչ-որ դեպքի մասին: Զրուցակիցները,— ծերունի հարևանը և սրա փեսան, երիտասարդ, գանգրահեր մի կազակ,— լուռ լսում էին: Մուտքի սանդուղքից իջավ տանտիրուհին,— բարձրահասակ, գեղեցիկ ու մարմնեղ, բոյարի կնիկ տեսքով մի կազակուհի: Շրջազգեստի մեջ դրված նրա վարդագույն շապկի թևերը քշտված էին մինչև արմունկները՝ մերկացնելով թուփ կոկիկի թևերը: Դուլը ձեռքին, միմիայն կազակուհիներին հատուկ ազատ, լայն ու նրբագեղ քայլվածքով գնաց կովանոց: Կապույտ բոլորքով, սպիտակ լաշակի տակից դուրս էին թափվել մազերը (նա հենց նոր էր տարթեր դրել վառարանի մեջ՝ շորացնելու և մյուս օրը վառելու համար), բորիկ ոտներին հագած քոշերը քստքստում, փափրիկ ճմլում էին բակում փարթամ աճած, մատղաշ խոտաբույսերը:

Գերանների վրա նստոտած կազակները լսում էին, թե կաթի շիթերն ինչպես էին շրջալուվ հոսում դուլի մեջ: Տանտիրուհին կթեց կովերը, քայլեց դեպի տուն. մի քիչ թեքված, կարապի տեսքով ձախ թևը ծռած, նա տարավ կաթով լիքը լցված դուլը:

— Սյո՛մա, գնալիր հորթը փնտրելու,— զրնգուն ձայնով ասաց նա սանդուղքից:

— Բա Միտյաշկան ո՞րտեղ է,— արձագանքեց տանտերը:

— Սա ի՞նչ գիտեմ, չքվել է:

Տանտերը դանդաղ վեր կացավ, գնաց փողոց: Մերունին ու նրա փեսան նույնպես վեր կացան տուն գնալու: Տանտերը փողոցից կանչեց նրանց.

— Դորոֆեյ Գավրիիչ, արի այստեղ, մտիկ արա:

Մերունին և իր փեսան մոտեցան տանտիրոջը: Սա մատը լուռ տնկեց դեպի տափաստանը: Ճանապարհով մեկ սահում էր փոշու գորշ մշուշը, դրա միջից գալիս էին հետևազորի շարքերը, գումակը, ձիավորները:

— Ոնց որ թե զորք է, հը՞,— պապին զարմանքով կկոցեց աչքերը ու ձեռքը դրեց սպիտակ հոնքերին:

— Այս ի՞նչ բան է, ի՞նչ մարդիկ են,— տարակուսեց տանտերը:

Դարբասից դուրս եկավ նրա կինը՝ կոֆտան ուսերին գցած: Նա նայեց դեպի տափաստանը, շփոթված հառաչեց.

— Այդ ի՞նչ մարդիկ են, Հիսուս Քրիստոս, ինչքա՛ն շատ են:

— Երևում է, որ վատ մարդիկ են...

Մերունին մի քիչ հետո գնաց իր տունը, բարկացկոտ ասաց փեսային.

— Գնա տուն, կարիք չկա նայելու:

Մերխաններն ու կանայք վազ էին տալիս դեպի փողոցի ծայրը, կազակները խումբ-խումբ գնում էին այնտեղ: Տափաստանով, խուտորից մի վերստ հեռավորությամբ, ճանապարհին ձգվել էր զորասյունը. քամին մինչև տներն էր բերում ձայների անպարզ դժժոցը, ձիերի վրնջյունը, անիվների աղմուկը:

— Դրանք կազակներ չեն... մերոնցից չեն,— ասաց ամուսնուն մի կազակուհի:

Ամուսինը թոթվեց ուսերը:

— Իհարկե կազակներ չեն: Չլինի՞ թե գերմանացիներ լինեն: Չէ, ուսներ են... Տես, կարմիր կտոր ունեն... Ըհը՛մ, ա՛յ թե ինչ...

Մոտեցավ Ատամանյան գնդի բարձրահասակ մի կազակ. ըստ երևույթին սա դողէրոցքով էր բռնված. դեմքը ավազագույն-դեղին էր, ասես նա դեղնախտով էր տառապում, մուշտակ ու թաղյակներ էր հագել: Նա բարձրացրեց փրշոտ փափախը, ասաց.

— Տե՛ս թե ինչպիսի դրոշակ ունեն... Բոլշևիկներ են:

— Նրանք են:

Մի քանի ձիավորներ անշատվեցին շարասյունից: Նրանք քառատրոփով սլացան դեպի խուտոր: Կազակներն իրար նայելով սկսեցին լուռ ցրվել, աղջիկներն ու երեխաները դեռ ու դեռ փախան: Հինգ բուլբուլից հետո նրբանցքն ամայացավ: Ձիավորները խմբով մտան նրբանցքը, սրարշավ մոտեցան այն գերաններին, որոնց վրա քառորդ ժամ առաջ նրս-

տած էին կազակները: Կազակ տանտերը կանգնել էր դարբասի կողքին: Առջևի ձիավորը, որ ըստ երևույթին ավազն էր, թուխլիկ ձիով մոտեցավ դարբասին: Նա Կուբանի փափախով էր, պաշտպանական գույնի վերնաշապկի վրա մարտական փոկեր և մի ահագին մետաքսե կարմիր բանտ էր կապել:

— Բարև, տանտեր, բաց արա դարբասը:

Հրետանավորի շեշտ դեմքը սփրթնեց, նա հանեց զլխարկը:

— Իսկ դուք ի՞նչ մարդիկ եք:

— Բա՛ց արա դարբասը, — բղավեց կուբանյան փափախով զինվորը:

Թուխլիկ ձին ծռելով բաբկացկոտ աչքը, փրփրուն բերանի մեջ խաղացնելով սանձի բերանոցը, առջևի ոտով խփեց գործած ցանկապատին: Կազակը բացեց բակի դռնակը, ու ձիավորներն իրար հետևից մտան բակը:

Նա, որ կուբանյան փափախով էր, ճարպկությամբ թռավ ձիուց, ծուռ ոտներով արագ մոտեցավ տան մուտքին: Մինչդեռ մյուսներն իջնում էին ձիերից, նա նստեց մուտքի սանդուղքին, հանեց ծխախոտատուփը: Մխեց, տանտիրոջը ծխախոտ առաջարկեց: Տանտերը հրածարվեց:

— Չե՛ս ծխում:

— Ծնորհակալ եմ:

— Այստեղ ձերոնք հնադավաններ չե՞ն:

— Չէ, ուղղափառներ են... Բա դուք ովքե՞ր եք, — թըթված դեմքով էլի հարցրեց կազակը:

— Մե՛նք: Սոցիալիստական երկրորդ բանակի կարմիր-զվարդիականներն ենք:

Մնացածները ձիերից իջնելով, մոտենում էին սանդուղքին, ձիերը տանում էին սանձերից բռնած, դրանք կապում էին բազրիքին: Մեկը, — ձիու բաշի նման ճակատին թափված բայթուլով վիթխարի մի մարդ, թուրը ոտների մեջ պցելով գնաց ոչխարանոց: Նա տիրաբար բացեց դուռը, կոտանալով ներս մտավ ցածր դռնից, եղջյուրներից բռնած դուրս բերեց մի մեծ, ծանր դմակով կոտած ղոշ:

— Պետրիչենկո, արի օգնիր, — կտրուկ ձայնով բղավեց նա:

Ավատրիական կարճ շինել հագած մի զինվոր վազեվազ

մոտեցավ նրան: Կազակ տանտերը շփում էր մորուքը, նայում շուրջը, — կարծես ուրիշի բակում լիներ: Նա ոչինչ չասաց, ու միայն այն ժամանակ հոգոց հանելով քայլեց դեպի սանդուղքը, երբ թրով մորթած ղոշը ցնցում էր բարակ ոտները:

Տանտիրոջ հետևից տուն մտան կուբանյան փափախով զինվորը ու էլի երկուսը. մեկը շինացի էր, մյուսը ռուս, որը կամչատկացու էր նման:

— Դու շնեղանաս, տանտեր, — շեմքից ներս մտնելով՝ աշխույժ ասաց կուբանցին, — մենք լավ կվճարենք:

Նա ձեռքը թփթփացրեց շալվարի գրպանին, քա՛հ-քա՛հ ծիծաղեց ու հանկարծակի կտրեց ծիծաղը՝ աչքերը հառելով տանտիրուհուն: Վերջինս ատամներն իրար սեղմելով, կանգնել էր վառարանի մոտ, վախեցած աչքերով նայում էր նրան:

Կուբանցին աչքերի անհանգիստ արտահայտությամբ դարձավ դեպի շինացին:

— Դու, խոզյա, քեռու հետ, այս քեռու հետ, — նա մատով ցույց տվեց տանտիրոջը, — կամաց-կամաց գնա, նա խոտ կտա ձիերին... Վեր կաց գնա: Լսո՛ւմ ես: Մենք լավ կվճարենք: Կարմիր զվարդիան թալան չի անում: Գնա, տանտեր, դե՛հ, գնա, — կուբանցու ձայնը հրամայական տոնով էր հնչում:

Կազակը շինացու և մի ուրիշի ուղեկցությամբ դուրս գնաց խրճիթից: Նա դեռ չէր իջել արտաքին սանդուղքից, երբ լսեց կնոջ լացակուած ձայնը: Նա նետվեց հաշտը, ուժով քաշեց դուռը: Թեթև կեռիկը դուրս թռավ օդակից: Կուբանցին շող տանտիրուհու մերկ թևը արմունկից վեր բռնած, նրան քաշում էր դեպի կիսախավար օթախը: Կազակուհին դիմադրում էր, հրում նրա կուրծքը: Կուբանցին փորձեց նրան գրկել մեջքից, բարձրացնել ու տանել, բայց այդ ժամանակ դուռը բացվեց: Կազակն արագ վրա հասավ, կնոջն անջատեց նրանից: Նրա ձայնը զայրագին, բայց հանդարտ էր հնչում:

— Դու հյուր ես եկե՛ք իմ տունը... Ինչո՞ւ ես անպատվում կնկան: Ի՞նչ ես անում, հը՞: Չե՛ս քաշիր, ես քո զենքից չեմ վախենում: Վերցրու ինչ որ պետք է քեզ, թալանիր, բայց կնկան մի՛ մուտատափ: Դու միայն իմ դիակի վրայից կմոտենաս նրան... Իսկ դու, Նյուրկա... — նա դողդոջ ունդնեցրով

դիմեց կնոջը,— գնա Դորոֆեյ քեռուդ մոտ: Այստեղ գործ չունես:

Կուրանցին շտկելով իր զինվորական փոկերը, ծուռ ծպտաց.

— Ա՛մա թե հերսոտ մարդ ես, տանտեր... Բա հանաք է՞լ չի կարելի անել... Ծս ամբողջ վաշտում հայտնի հանաքչի մարդ եմ... գիտե՞ս թե չէ... Ծս սա դիտմամբ արեցի: Ուլեցի մի քիչ վախեցնել կնկանդ. իսկ նա վժժվեց... խոտ տվի՞ր: Զկա՞: Բա ինչո՞ւ հարևաններից չվերցրիր:

Նա դուրս ելավ սուլելով, ուժգին թափահարելով մտրակը: Շուտով ամբողջ ջոկատը մոտեցավ խուտորին: Այն բաղկացած էր մոտ ութ հարյուր հետևակ ու հեծյալ մարդկանցից: Կարմիրզվարդիականները, որոնց մի երրորդ մասը շինացիներ, լատիշներ և այլ օտարերկրացիներ էին, գիշերելու համար տեղավորվեցին խուտորի մոտ: Զոկատի հրամանատարը ըստ երևույթին չէր ուզում գիշերել խուտորում,— լիահույս չէր իր այլացեղ ու սանձարձակ զինվորների նկատմամբ:

Սոցիալիստական Զ-րդ բանակի Տիրասպուլյան ջոկատը, որ զգզված էր հայրմակների և Ուկրաինայի վրայով անցնող գերմանացիների դեմ մղած մարտերում, կռվելով հասավ Դոն, Շեպտոխովկա կայարանում իջավ գնացքից, ու որովհետև առջևում արդեն գերմանացիներն էին, ուստի երթական կարգով շարժվեց Միգուլինսկայա ստանիցայի հողերով,— նրա նպատակն էր անցնել հյուսիս, Վորոնեժի նահանգը: Զոկատում մեծ թիվ կազմող քրեական տարրերի ազդեցություներից բարոյալքված կարմիրզվարդիականները ճանապարհին անկարգություններ էին անում: Ապրիլի լույս 17-ի գիշերը Սետրակով խուտորի մոտ տեղավորվելով գիշերելու համար, շնայելով հրամանատարական կազմի սպառնալիքներին ու արգելքներին, նրանք խմբով գնացին խուտոր, սկսեցին ոչ-խարներ մորթել, խուտորի ծայրում բռնաբարեցին երկու կազակուհու, հրապարակում անկարգ հրաձգություն բացեցին, վիրավորեցին իրենցից մեկին: Գիշերը հարբեցին ուղեկալները (գումակի յուրաքանչյուր սայլի վրա սպիրտ կար): Իսկ այդ ժամանակ խուտորից ուղարկված երեք ձիավոր կազակները արդեն իրարանցում էին բարձրացնում շրջակա խուտորներում:

Կաղակները գիշերով, մթության մեջ թամբում էին ձիերը, վերցնում հանդերձանքը, հապճեպորեն ջոկատներ կազմում ճակատայիններից ու ծերերից և խուտորներում ապրող սպանների, նույնիսկ վախժիստների ղեկավարությամբ շարժվում էին դեպի Սետրակով, շրջապատում կարմիրզվարդիական ջոկատը, հավաքվում ձորակների մեջ ու բլրակների հետևում: Գիշերով կիսահարյուրյակներ էին շարժվում Միգուլինսկայայից, Կոլոդոզնուց, Բոգոմոլովից: Ոտքի ելան վերխնելիքիները, նապուլովցիները, կալինովցիները, եյացիները, կոլոզեզցիները:

Երկնքում մարում էին համաստեղությունները, խոնանում ու մազաթափվում էր գիշերի խավոտ, սև մորթին: Արշալույսին կազակական հեծյալ բազմությունները բուր կողմից հարայ տալով նետվեցին կարմիրզվարդիականների վրա: Գնդացիքը որոտաց ու լռեց, բռնկվեց ու դադարեց անկարգ, խառնափնթոր հրաձգությունը, գործի դրվեցին թրերը:

Մի ժամից հետո գործն ավարտված էր. ջոկատը գլխովին ջախջախվեց, ավելի քան երկու հարյուր մարդ թրատվեց ու գնդակահարվեց, մոտ հինգ հարյուր մարդ գերի բռնվեց: Կազակները գրավեցին երկու մարտկոց շորսական թնդանոթով, քսանվեց գնդացի, հազարավոր հրացաններ, մեծ քանակությամբ մարտական հանդերձանք:

Սեկ օրից հետո արդեն ամբողջ օկրուգով մեկ փողփողում էին մեծ և փոքր ճանապարհներով թռչող ձիավոր սուրհանդակների կարմիր դրոշակները: Թնդում էին ստանիցաներն ու խուտորները: Սովետները տապալվում էին ու հապճեպորեն ատամաններ էին ընտրվում: Կազանսկայա և Վեշենսկայա ստանիցաների հարյուրյակները ուշացումով գնում էին դեպի Միգուլինսկայա:

Ապրիլի քսանից մինչև վերջը Դոնեցի օկրուգի վերին ստանիցաները անջատվեցին: Կազմեցին իրենց օկրուգը, որը կռվեց Վերին Դոնի օկրուգ: Օկրուգային կենտրոն ընտրվեց Վեշենսկայան, որ Միխայլովսկայայից հետո մարզում երկրորդ ստանիցան էր իր բազմամարդությամբ, մեծությամբ ու խուտորների թվով: Առաջվա խուտորներից հապճեպորեն նոր ստանիցաներ էին կազմվում: Կազմվեցին Շումիլինսկայա, Կարգինսկայա, Բոկովսկայա ստանիցաները: Ու վերին Դոնի

օկրուզը, որի մեջ մտան տասներկու ստանիցա և ուկրաինական մի վոլոստ, սկսեց ապրել կենտրոնից մեկուսացած կյանքով: Վերին Դոնի օկրուզի մեջ մտան նախկին Դոնեցի օկրուզի հետևյալ ստանիցաները. Կազանսկայա, Միզոպինսկայա, Շումիլինսկայա, Վեշենսկայա, Ելանսկայա, Կարգինսկայա, Բոկովսկայա և Պոնոմարևսկայա վոլոստը. նախկին Ուստ-Մեդվեդիցկու օկրուզի Ուստ-Խոպերսկայա, Կրասնոկուտսկայա ստանիցաները և Խոպերյան օկրուզի Բուկանովսկայա, Սլաշևսկայա, Ֆեդոսեևսկայա ստանիցաները: Միահամուռ կերպով օկրուզային աստաման ընտրվեց Ելանսկայա ստանիցայի կազակ, ռազմական ակադեմիան ավարտած գեներալ Զախար Ակիմովիչ Ալֆերովը: Ալֆերովի մասին ասում էին, որ նա եղել էր կազակական անշնան մի սպա, հետո իր կողակցի՝ եռանդուն ու խելոք կնոջ շնորհիվ նշանավոր մարդ էր դարձել. ասում էին, որ կինը քաջում էր իր անշնորհք ամուսնու ականջներից և հանգիստ չէր տալիս այնքան ժամանակ, մինչև որ ամուսինը երեք անգամ կտրվելով, շորրորդ անգամ այնուամենայնիվ քննություն էր բռնել ականգնմիա մտնելու համար:

Բայց այդ օրերին Ալֆերովի մասին եթե խոսում էին, ապա շատ քիչ էին խոսում: Մտքերը ա՛յլ բանով էին զբաղված:

XVII

Հեղեղված ջուրը հենց նոր էր սկսում իջնել: Մարգագետնում բանջարանոցների ցանկապատերի կողքին բացվել էր գորշ, տղմոտ հողը, նեղ շերտով փովել ջրի բերած աղբը,— չոր եղեգնի կտորտանքները, ոստեր, բոշխ, նախորդ տարվա տերևներ, տիղմի մեջ թաղված ցախ ու ցուխ: Հազիվ նկատելի կանաչին էին տալիս Դոնի առափնյա, հեղեղված անտառի ուռենիները, ճյուղերից կախվել էին վրձնանման փշփշուկները: Բացվելու վրա էին բարդիների բզզոցները, խուտորի հենց տների մոտ հեղեղով շրջապատված կարմիր ուռի շյուղերը թեքվել էին ջրի վրա: Դրա դեղին, բազի շփետրավորված ձագերին նմանվող բողբոջները սուզվել էին ալիքների մեջ, օրորվում էին քամուց:

Վայրի սագերը, ծովասագիրը, բաղերի երամները արշալույսին լողալով մոտենում էին բանջարանոցներին՝ կեր որոնելու համար: Պղնձե ձայնով աղմկում էին սուզահավերը: Կեսօրին էլ երևում էր, թե ինչպես հողմից ալեկոծվող Դոնի վրա ալիքները գգվում, փայփայում էին սպիտակափորիկ մրտիմներին:

Այդ տարի շատ էին չվող թռչունները: Արշալույսին, երբ կարմրավառ արևածագը արյունամած ցուր է տալիս ջրին, ձկնորս կազակները նավակների վրայից հաճախ կարապներ էլ էին տեսնում, որոնք հանգստանում էին անտառով պաշտպանված որևէ գետախորշում: Բայց խուտորում չափազանց զարմանալի թվաց Խրիստոնյայի և Մատվեյ Կաշուլինի բերած նորությունը. նրանք գնացել էին պետական անտառը, որ երկուսական կաղնի ծառ կտրեն տնտեսական կարիքների համար, ու անտառի միջով անցնելիս տեսան, թե ինչպես ձորակից փախավ մի վայրի այծ իր փոքրիկ ուլիկի հետ: Թուխ-դեղնավուն, լղար այծը դուրս թռավ ուղտափշով ու մամխիով պտտած ձորակից, մտտակա բլրակից մի քանի վայրկյան նայեց ծառ կտրողներին, լարվածությամբ շարժեց բարակիկ, նրբագեղ ոտները. նրա կողքին կուշ էր եկել ուլիկը: Ու լսելով Խրիստոնյայի զարմանք արտահայտող բացականչությունը, այծը այնպես թռավ մատղաշ կաղնուտի միջով, որ կազակները հազիվ կարողացան տեսնել գորշ-կապտավուն, կոկիլիկ կճղակները և ուղաի գույնի, կարճիկ պոչը:

— Այդ ի՞նչ էր,— կացինը ձեռքից զցելով հարցրեց Մատվեյ Կաշուլինը:

Խրիստոնյան ոչնչով չբացատրվող ցնծությամբ դուրս-կանորեն լռին անտառով մեկ գոռաց.

— Այժ է, հա՛— ա: Վայրի այծ է այդ անտերը: Դրա նմանը մենք տեսել ենք Կարպատներում:

— Ուրեմս պատերազմը այդ խեղճին քշել է մեր տափաստաննե՞րը, հա՞:

Խրիստոնյան ստիպված էր համաձայնել:

— Դեհ, իհարկե: Իսկ դու, պապի, տեսա՞ր ծանկը: Փո՛ւ, ցավս տանի նրան: Շուն շան որդի այծ, ինչքա՛ն սիրունիկն էր: Ոնց որ թե երեխա լիներ:

Վերադարձի ամբողջ ճանապարհին նրանք խոսում էին

մարզում շտեմնված այդ վայրի կենդանու մասին: Մատվեչ պապին ի վերջո կասկած հայտնեց:

— Կարելի է այժ չի, հը՞:

— Այժ է: Խաչը վկա, այժ է և ուրիշ ոչինչ:

— Կարելի է... Բա որ այժ է, ինչո՞ւ պոզեր շունի:

— Ախր պոզերը քո ինչի՞ն են պետք, է՞:

— Ես այդ չեմ ասում: Հարցնում եմ՝ թե որ նա այծերի ցեղիցն է... ինչո՞ւ այդ տեսակ տեսք ունի: Դու անպոզ այժ տեսե՞լ ես: Ըհը՞մ, Կարելի է վայրի ոչխա՞ր է...

— Դու, Մատվեչ պապի, ուրեմս, խելքդ թոցրել ես,— նեղացավ Խրիստոնյան,— գնա Մելեխովների մոտ, մտիկ արա: Նրանց Գրիշկայի մտրակը այժի ոտից է: Ընդունո՞ւմ ես այդ, թե չէ:

Ու Մատվեչ պապին այդ օրը գնաց Մելեխովների մոտ: Գրիգորիի մտրակի կոթը իսկապես որ ճարտարությամբ պատած էր վայրի այժի ոտի կաշիով. նույնիսկ փոքրիկ կճղակը անվնաս մնացել էր կոթի ծայրին և նույնպիսի ճարտարությամբ զարդարված էր պղնձե փոքրիկ պայտով:

Մեծ պասի վեցերորդ շաբաթում, չորեքշաբթի օրը Միշկա Կոշևոյը վաղ առավոտյան ձիով գնաց ստուգելու անտառի մոտ գտնվող ձկնորսական գործիքները: Նա լուսաբացին գուրս եկավ տնից: Առավոտյան ցրտից կուշ եկած գետինը անդ-տեղ ծածկված էր բարակ սառույցով, ցիխը պնդացել էր: Միշկան բամբակած կուրտկայով, քոշերով, շալվարի ծայրերը սպիտակ գուլպաների մեջ դրած, գնում էր գլխարկը ծոծրակին, շնչելով ցուրտ օդը, ջրի անալի խոնավության բույրը: Նավակի երկար թիակը դրել էր ուսին: Արձակելով նավակը, արագ ընթացավ դրա մեջ կանգնած, ուժեղ զոռ տալով թիակին:

Արագ ստուգեց ձկնորսական գործիքները, հանեց ձկները, բռնեց, շտկեց ուռկանի թևերը ու կամացուկ ետ գնալով, որոշեց ծխել: Արշալույսը նոր էր բացվում: Արևելքում մուգ-կանաչավուն երկնքի վրա ասես վաթից վեր արյուն էր շաղ տրված: Արյունը տարածվում էր հորիզոնի վրա, ոսկեփայլ, մուգ կարմիր գույն ստանում: Միշկան հետամուտ եղավ սուգահավի դանդաղ թռիչքին, վառեց ծխախոտը: Մուխը տարածվելով ու կառչելով թփերից, ցնդում էր օդում: Միշկան

դիտեց ձկները,— բռնել էր երեք սողոսկուկ, մոտ ութ ֆունտ ծածան, մի ամբողջ կուտակ սպիտակ ձուկ,— ու մտածեց.

«Պետք է մի մասը ծախել: Շլդիկ Լուկեշկան կվերցնի, կփոխանակեմ չորացած տանձով,— մերըս մի օր խոշար կեփի»:

Մխելով գնաց դեպի նավակայանը: Բանջարանոցների ցանկապատի մոտ, ուր նա կապում էր նավակը, մի մարդ էր նստած:

«Այդ ո՞վ կարող է լինել»,— մտածեց Միշկան՝ արագ քշելով նավակը, ճարակությամբ բանեցնելով թիակը:

Ցանկապատի մոտ պազել, կուշ էր եկել Վալետը:

Նա ծխում էր լրագրի թղթով փաթաթած մի ահագին զլանակ:

Ժանտաքիսի աչքերը հիշեցնող նրա սուր, փոքրիկ աչքերը քնկոտ, տարտամ փայլ էին արձակում, դեմքը պատած էր գորշ մազ ու մորուքով:

— Ի՞նչ ես անում,— բղավեց Միշկան:

Նրա բղավոցը դմբդմբաց, կլոր գնդի նման զլորվեց ջրի վրայով:

— Եկ, մոտեցիր:

— Ձուկ բռնելո՞ւ ես եկել:

— Ձուկն ինչի՞ս է պետք:

Վալետը սաստիկ հազաց, առատ թքեց ու դժկամ վեր կացավ: Հասակին անհամապատասխան մեծ շինելը կախվել էր նրանից ինչպես կապանը բոստանի խրտվիլակից: Գլխարկի կախ ընկած եզրերը ծածկել էին սուր, անլվա, ներսից կանաչականջակոնքերը: Նա նոր էր եկել խուտոր, կարմիրզվարդիականի «արատավոր» համբավ էր ձեռք բերել: Կազակները հարցնում էին, թե զորացրումից հետո որտեղ էր եղել, բայց Վալետը խուսափուկ պատասխան էր տալիս, ի շիք էր դարձնում վտանգավոր խոսակցությունները: Իվան Ալեքսեևիչին և Միշկա Կոշևոյին խոստովանել էր, որ չորս ամիս եղել էր կարմիրզվարդիական մի ջոկատում, Ուկրաինայում, գերի էր Լոնդոն հայդամականների մոտ, փախել էր, ընկել Սիվերսի ջոկատը, նրա հետ եղել Ռոստովի մերձակայքում և ինքն իրեն արձակուրդ էր տվել հանգստանալու և կազդուրվելու համար:

Վալետը հանեց գլխարկը, շփեց կոշտ մազերը. նայելով շուրջը, մոտենալով նավակին, խոսպոտ ասաց.

— Վատ են գործերը... վատ են... Վերջացրու ձուկ բրու- նելդ, թե չէ դրանով կտարվենք ու ամեն բան կմոռանանք...

— Ի՞նչ նորութիւններ գիտես, ասա:

Միշկան ձկան լորձի հոտ արձակող իր ձեռքով սեղմեց Վալետի ոսկրոտ ձեռքը, ջերմ ժպտաց: Նրանց կապում էր հին բարեկամութիւնը:

— Երեկ Միգուլինսկայայի մոտ ջարդեցին Կարմիր գվար- դիան: Մեր բուրդը գզում են, աղբիւս...

— Ո՞ր գվարդիան: Որտեղի՞ց էր եկել Մուգիլինսկայա:

— Գնում էին ստանիցայի միջով, կազակները հարձակ- վեցին նրանց վրա... Ահագին թվով գերիներ են քշել Կարգին: Այնտեղ արդեն ուղղա-դաշտային դատարանն իր գործն է տեսնում: Հիմի մեզ մոտ մորիլիզացիա է: Տես, հրե՛ն առա- վոտից զանգ են զարկում:

Կոշեռը կապեց նավակը, ձկները լցրեց տոպրակի մեջ, գնաց՝ թիակի ծայրը լայն-լայն դնելով գետնին: Վալետը քու- ոակի նման մանր քայլերով գնում էր նրա կողքից, վազեմազ առաջ անցնում՝ ծածկելով շինելի փեշերը, ազատորեն թա- փահարելով թևերը:

— Ինձ Իվան Ալեքսեևիչն ասաց: Նա ինձ հենց նոր փո- խեց հերթապահութիւնից, ազացը ամբողջ գիշերը զորդում էր, շատ աղուն է կուտակվել: Հա՛, նա էլ ազացատիրոջից է լսել: Վեշենսկուց ինչ-որ սպա էր եկել Սերգեյ Պլատոնիչի մոտ:

— Հիմի ի՞նչ կլինի,— շփոթվածութիւնը սահեց Միշ- կայի դեմքով, որ առնացել ու գունատվել էր պատերազմի տարիներին. նա կողքից նայեց Վալետին, կրկնեց հարցը.— հիմի ո՞նց կլինի:

— Պետք է ճշել խուտորից:

— Ո՞ւր:

— Կամենսկայա:

— Այնտեղ կազակներն են:

— Գնալ ավելի ձախ:

— Ո՞ւր:

— Դեպի Օբլիվի:

— Ո՞նց կանցնես:

— Ուզենաս կանցնես, թե չէ,— մնա, գրողի ծոցը կզը- նաս,— հանկարծ շարացավ Վալետը:— «Ո՛ւր հա ուր, ոնց կլինի»,— ես ս՛րտեղից գիտենամ: Որ նեղ տեղն ընկար, ինքդ կփնտրես ելքը, հոտ քաշելով կգտնես:

— Էլ ի՞նչ ես հերսոտում: Վրադ պաղ ջուր ածա: Բա Իվանն ինչ է ասում:

— Քո Իվանը մինչև տեղից շարժվի...

— Կամա՛ց, տո... հրե՛ն մի կնիկ է մտիկ անում:

Նրանք վախով, ծուռ նայեցին ջահել մի կնոջ, Փշան Ավդեիչի հարսին, որը բակից դուրս էր քշում կովերը: Միշկան առաջին իսկ փողոցահատից ետ դարձավ:

— Ո՞ւր,— զարմացավ Վալետը:

Կոշեռն առանց ետ նայելու փնթփնթաց.

— Գնում եմ ձկնորսական գործիքները վերցնելու:

— Ինչի՞ համար:

— Հո չպիտի՞ կորչեն:

— Ուրեմս, ճղո՞ւմ ենք,— ուրախացավ Վալետը:

Միշկան թափահարեց թիակը, հեռվից ասաց.

— Գնա Իվան Ալեքսեևիչի մոտ, իսկ ես գործիքները կտա- նեմ տուն ու հիմի կգամ:

Իվան Ալեքսեևիչը արդեն ծանուցել էր մերձավոր կա- զակներին: Նրա որդին վազեց Մելեխովների մոտ, բերեց Գրի- գորիին: Խրիստոնյան ինքն եկավ, ասես զգացել էր վտանգը: Շուտով վերադարձավ Կոշեռը ու սկսվեց խորհրդակցութիւ- նը: Բոլորն էլ խոսում էին միաժամանակ, շտապելով, և բո- պե առ բոպե տազնապալից զանգահարութիւն էին սպասում:

— Պետք է իսկույն եեթ հեռանալ, հենց այսօր հավաքել փասա-փուսան ու հեռանալ,— հուզված ու տաքացած ասավ Վալետը:

— Դու մեզ, ուրեմս, հասկացրու, թե ինչո՞ւ պիտի գնանք,— հարցրեց Խրիստոնյան:

— Ո՞նց թե ինչու: Կսկսվի մորիլիզացիան, կարծում ես քեզ ձեռք չե՞ն տա:

— Զեմ գնա, պրծավ-գնաց:

— Կտանեն:

— Չէ՛, աղբեր: Ես պողերից չվան կապած եղ չեմ, որ քաշեն-տանեն:

Իվան Ալեքսեևիչը, որ խրճիթից դուրս էր արել իր շլդիկ կնկանը, բարկացկոտ վրա բերեց.

— Տանելը կտանեն... Վալետը ճիշտ է ասում: Միայն թե ո՛ւր պիտի գնանք: Ահա թե որն է դժվարությունը:

— Ես արդեն ասել եմ Վալետին,— շունչ առավ Միշկա Կոշևոյը:

— Ի՞նչ եք ասում, է՞, ինձ ավելի շա՞տ բան է հարկավոր, քանց ձեզ, հը՞: Մենա՛կ կգնամ, հա՛-ա: Հոտ քաշողներ պետք չեն: «Ո՛նց կլինի, ո՛ւր գնանք»... Ա՛յ, կտեսնեք, կճանկեն ձեզ, բոլշևիզմի համար բանտ կնստեցնեն... Հանա՞ք եք անում, ինչ է: Բա չե՞ք տեսնում ինչպիսի ժամանակ է... Ամեն բան կարող է կորչել...

Գրիգորի Մելիսովը, որ լրջախոհ, մի ինչ-որ զուսպ ցատումով տնտղում էր պատից հանած մի ժանգոտ մեխ, սառն տոնով ընդհատեց Վալետին.

— Դու մի՛ դուրս տա: Քեզ համար ի՞նչ կա որ, ոչ դարդ ունես, ոչ խելք,— վեր կացար ու գնացիր: Իսկ մենք պետք է լավ մտածենք: Հրե՛ն, ես կնիկ ու երկու երեխա ունեմ... Դու իմ շափ վառողի հո՞տ ես քաշել, հը՞:— Գրիգորին փայլեցրեց սև, հանկարծակի շարացած աչքերը ու գիշատչաբար բաց անելով պինդ, ժանիքանման ատամները, գոռաց.— Հենց միայն լեզվիդ ես զոռ տալի, ախմախ: Վալետ էիր, Վալետ է՛լ մնացիր: Ունեցած-չունեցածդ մի պիչակ է, ուրիշ ոչինչ...

— Կարգին խոսա, տո՛: Օֆիցերությունը ես ցույց տալի, հա՛: Ինչի՞ ես բոռում: Քճե՛լ եմ քո վրա,— թղավեց Վալետը:

Նրա ողնու գունը սփրթնեց կատաղությունից, անհանգիստ ու վայրենաբարո կերպով կայծկլտեցին նեղդիր, գայրացկոտ աչքերը, կարծես գորշ մազ ու մորուքն է՛լ շարժվեց:

Գրիգորին իր բարկությունը թափեց նրա վրա, այն պատճառով, որ վրդովել էին իր հանգիստը, այն հուզմունքի պատճառով, որ ապրել էր ինքը, երբ Իվան Ալեքսեևիչից լսել էր, որ կարմիրզավարդիական շոկատները ներխուժել են իրենց օկրուգը: Վալետի ճշոյը վերջնականապես կատաղեցրեց նրան: Նա վեր թռավ խայթվածի նման, մոտեցավ տաբուրետի

վրա անհանգիստ նստած Վալետին, ու դժվարությամբ զբսպելով հարվածի համար քոր եկող ձեռքը, ասաց.

— Լռիր, օձի ճուտ, խլնքոտի մեկը, կրծոտված լեշ: Ի՞նչ ես հրամաններ տալի: Գնա՛, ո՞վ է քո փեշից բռնում: Չըքվիր, որ հոտդ կտրվի այստեղից: Դե՛հ, դեհ, սսկվիր, թե չէ սֆաթդ ջարդուփշուր կանեմ...

— Թո՛ղ, Գրիգորի, դա լավ չէ,— մեջ մտավ Կոշևոյը՝ Վալետի կնճոտված քթից դեն տանելով Գրիգորի բռունցքը:

— Կազակական սովորությունները պետք է թողնել... Բա չե՞ս ամաշում... հո ամաշում ես, Մելիսով, ամո՞թ է:

Վալետը վեր կացավ. իրեն անհարմար զգալով, թեթև հազալով, քայլեց դեպի դուռը: Եեմքի մոտ շկարողացավ իրեն զսպել, շուռ եկավ, խայթեց շար ժպտացող Գրիգորիին.

— Դեռ կարմիր գվարդիայում է՛լ ես եղել... Ժանդարմերիա... Քեզ նմաններին մենք հազար կտոր ենք արել...

Գրիգորին նույնպես շհամբերեց... Վալետին հրելով դեպի հաշտը, կոխտեղով նրա զինվորի կոշիկների կրունկները, անարկու ձայնով գոռաց.

— Ռադ եղիր, թե չէ ոտներդ ո...ցդ կպոկեմ:

— Ինչի՞ նման է դա: Ձեր տունը շինվի, ոնց որ թե երեխաներ լինեք:

Իվան Ալեքսեևիչը կշտամբանքով օրորեց գլուխը, շեղակի ու թշնամբար նայեց Գրիգորիին: Միշկան լուռ կծոտում էր շրթունքները,— ըստ երևույթին զսպում էր լեզվի ծայրին եղած ցասկոտ խոսքը:

— Բա ինչո՞ւ է նա զլխից դուրս բաներ անում, ինչո՞ւ է շափն անցկացնում,— մի փոքր շփոթված արդարանում էր Գրիգորին. Խրիստոնյան համակրանքով էր նայում նրան և դրանից քաշալերված Գրիգորին ժպտաց պարզ, մանկական ժպիտով:— Քիչ մնաց քոթակեի նրան... Իմ ձեռքն էլ հո... մի անգամ զարկեի, արյունլվիկ կզլորվեր գետին:

— Դեհ, ի՞նչ եք ասում, պետք է գործ անել:

Իվան Ալեքսեևիչը շշկվեց հարցը տվող Միշկա Կոշևոյի սևեռուն հայացքից, դժվարությամբ պատասխանեց.

— Ի՞նչ արած, Միխայիլ... Գրիգորին մասամբ իրավացի է. ո՞նց թե միանգամից հենց վեր կենանք ու թռչնեք: Մենք հո ընտանիքներ ունենք... Սպասիր, է՛... աճապարեց նա՝

նկատելով Միշկայի անհամբեր շարժումը.— Գուցն ոչինչ էլ չի լինի... Ի՞նչ իմանաս: Սետրակովի մոտ ջարդել են ջուկատը, իսկ մնացածները շեն խցկվի... Իսկ մենք մի քիչ կուպասենք: Տեսնենք ինչ կլինի: Տեղն է ասել՝ ես է՛լ կնիկ ու երեխա ունեմ, շոր չկա նրանց հագին, ալյուր չկա... էլ ո՞նց կարելի է վեր կենալ ու գնալ: Բա նրանց հալն ի՞նչ կլինի...

Միշկան ջղայնոտ խաղացրեց հոնքերը, հայացքը մեխեց հողե հատակին:

— Հեռանալու միտք չունե՞ք:

— Ես կարծում եմ, որ պետք է սպասել: Հեռանալ, միշտ էլ կարելի է... դուք ի՞նչ կասեք, Գրիգորի Պանտելեև, դու էլ, Խրիստան...

— Ուրեմս, այդպես է... հետաձգենք:

Գրիգորին Իվան Ալեքսեևիչի և Խրիստոնյայի կողմից անսպասելի պաշտպանություն գտնելով, աշխուժացավ.

— Դե, իհարկե, ես էլ հենց այդ եմ ասում: Հենց դրա համար էլ կովեցի Վալետի հետև ի՞նչ է դա, ծառից մի շիվ կտրելու պես հե՛շտ է, հա՞,— զարկիր, թոցրիր ու պրծավ գնաց... Ասում եմ՝ պետք է մտածել... մտածե՛լ...

Ձը՛նգ-զընգ-զընգ-զը՛նգ.— Թռավ դողանջը զանգակատնից ու ողողեց հրապարակը, փողոցները, նրբանցքները. դողանջը հնչեց վարարած ջրերի գորշ մակերեսին, լեռան կավճոտ, շորացած լանջերին, անտառում ոսպի պես մանր բեկորների բաժանվեց, հառաչելով լռեց: Ու նորից,— արդեն անընդհատ ու տազնապալի,—

Ձը՛նգ-զը՛նգ-զը՛նգ-զը՛նգ...

— Հրե՛ն, կանչում են:— Խրիստոնյան արագ թարթեց աչքերը:— Հիմի գնում եմ նավակ նստեմ: Կանցնեմ Դոնի մյուս կողմը, անտառը: Տեսնեմ ոնց կգտնեն ինձ:

— Ուրեմն ի՞նչ ենք անելու:— Կոշկոյը ձերունու պես ծանր վեր կացավ:

— Հիմի շենք գնա,— բոլորի կողմից պատասխանեց Գրիգորին:

Կոշկոյը մի անգամ էլ խաղացրեց հոնքերը, ճակատից ետ փարավ փարթամ խոպոպներից հյուսված ծանր, ոսկեհուր քյաքուլը:

— Մնաք բարով... Երևում է, որ բաժանվում են մեր ճանապարհները:

Իվան Ալեքսեևիչը ներողաբար ժպտաց.

— Ձահել ես դու, Միշատկա, տաքարյուն ես... Կարծում ես շե՞ն միանա: Կմիա՛-նա-ա՛ն, հուսով եղիր...

Կոշկոյը հրածեշտ տվեց, դուրս ելավ: Բակի միջով անցավ հարևան կալը: Առվի մոտ կուշ էր եկել Վալետը: Նա ասես գիտեր, որ Միշկան այնտեղ է գալու. վեր կացավ, հարցրեց.

— Հը՞:

— Հրածարվեցին:

— Ես առաջ էլ գիտեի: Թույլ մարդիկ են... Բա Գրիշկա՛ն... սրիկա է նա, քո ընկերը: Նա չգիտե իր շարն ու բարին: Ինձ վիրավորեց նա, շան որդին: Ուրախ է, որ ինձնից ավելի ուժեղ է... ձեռիս հրացան լինեք, կսպանեի...— կերկերաձայն ասաց Վալետը:

Քայլելով նրա կողքից, Միշկան նայեց նրա կոշտ, բիզբիզ մազ ու մորուքին, մտածեց՝ «Անպիտանը կսպանեի, հա՛-ա»:

Նրանք քայլում էին արագ, զանգի յուրաքանչյուր դողանջը մտրակի հարվածի պես դաղում էր նրանց:

— Գնանք ինձ մոտ, ուտելիք վերցնենք ու հա՛յրա: Ոտով կգնանք, ձիս կթողնեմ: Դու ոչինչ չե՞ս վերցնելու:

— Ինչ որ ունեմ վրես է,— Վալետը ծուռ ժպտաց,— պալատներ չեմ ունեցել: Կալվածքներ — նույնպես... Կես ամսվա ոռճիկս էլ չեմ ստացել: Ե՛հ, թող մեր ցնփորը, Սերգեյ Պլատոնովիչը կուլ տա: Նա երևի ուրախությունից կպարի, որ ես հաշիվս չմաքրեցի:

Ջանգահարությունը դադարեցրին: Առավոտյան անդորրը, քնեած լուռությունը ոչնչով չէր խախտվում: Ճանապարհի մոտ, մոխրի մեջ հավերը քջուջ էին անում, ցանկապատի կողքին թրևում էին կանաչ խոտը կուշտ կերած հորթերը: Միշկան ետ նայեց. կազակները շտապում էին դեպի հրապարակը. ժողովատեղը: Ոմանք դուրս էին գալիս տներից, քայլելով կոճկում էին սերթուկներն ու համազգեստները: Հրապարակով մի ձիավոր սլացավ: Դպրոցի մոտ մարդիկ էին հավաքվել, սպի-

տակին էին տալիս կանանց լաշակներն ու շրջազգեստները, երևում էին կազակների սև մեջքերը:

Գուլլերը ձեռքին մի կին կանգ առավ, որ ճանապարհ սա Միշկային ու Վալետին. բարկացկոտ ասաց.

— Անցե՛ք, է՛, թե չէ ես կանցնեմ:

Միշկան բարեկեց նրան, ու կինը կամար հոնքերի տակին ժպտալով՝ հարցրեց.

— Կազակները ժողովատեղ են գնում, բա դո՞ւք: Ինչո՞ւ չես գնում այնտեղ, Միխայլա:

— Տանը գործ ունեմ:

Մտոեցան մի նրբանցքի: Երևաց Միշկայի խրճիթի կտուրը, քամուց ճոճվող սարեկարույնը, որին բաշենու մի շոր ճյուղ էր կապված: Բլրակի վրա զանդաղ պտտվում էին հողմաղացի թևերը, դրանց խաչմերուկի վրա փողփողում էր քամու պոկած պարուսիներ, խփում սրածայր կտուրի թիթեղին:

Ամպշող երկնքից արևը աղոտ լույս էր սփռում, բայց եղանակը տաք էր: Դոնից սուրում էր զով զեփյուռը: Փողոցի անկյունում, Արխիպ Բոգատիրյովի բակում կնանիքը զատկի առթիվ կավով ծեփում ու սպիտակեցնում էին մեծ, կլոր խրճիթը: Արխիպ Բոգատիրյովը բարձրահասակ, հնավանի սովորույթներով մի ծերունի էր, մի ժամանակ ծառայել էր գվարդիական մի մարտկոցում: Կանանցից մեկը շաղախում էր կավի ու զոմաղբի խառնուրդը: Կոխոտում էր այն՝ շրջազգեստը վերև քշտած, դժվարությամբ շարժելով սպիտակ, շաղիկ սրունքներով ոտները, որոնց մաշկի վրա երևում էին կարմիր շերտեր,— կապիշների հետքերը: Նա մատներին ծայրերով բռնել էր բարձրացրած շրջազգեստը, գործվածքեղեն կապիշները տարել ծնկներից վերև, դրանք պիրկ թաղվել էին մարմնի մեջ:

Նա շատ պճնասեր էր, ու շնայելով, որ արևը դեռ չէր բարձրացել, նա լաշակով ծածկել էր երեսը: Մյուսները, երկու ջահել կին, Արխիպի հարսները, սանդուղքներով բարձրացել էին մինչև կտուրը, որը մախորկայի գույնի շքեղ ծածկով էր,— ու սպիտակացնում էին պատերը: Սպիտակացնում էին ճիլոպե խոզանակներով, թևքերը քշտել էին մինչև արմունկները, մինչև աչքերը ծածկած դեմքերի վրա սպիտակ կաթիլներ էին թափվում: Կնանիքը երգում էին միահամուռ, միմ-

յանց ներդաշնակվող ձայներով: Մեծ հարսը, այրի Մարիան, որ բացահայտ կերպով գնում էր Միշկա Կոշևոյի մոտ և որը պեպենոտ, բայց բարեկազմ մի կազակուհի էր, ամբողջ խուտորում հայտնի, ուժգնությամբ ու հնչեղությամբ համարյա արական, ցածր ձայնով սկսում էր երգը.

... Ո՞վ է այնպես դառն տանջվում...

Մնացածները ձայնակցում էին ու նրա հետ միասին եռաձայն, հմուտ կերպով երգում այդ դառն, նախվ ու լարագին կանացի երգը:

... Կովի դաշտում իմ սիրելին.

Թնդանոթը ինքն է լցնում,

Միտք է անում նա իմ մասին...

Միշկան ու Վալետը քայլում էին ցանկապատի կողքից, ունկնդրում երգին, ձիերի հնչեղ վրնջոցին, որ գալիս էր մարգաթեանից:

... Նամակ եկավ, մի սև նամակ,

Թե՛ սիրածիս սպանեցին,

Մյ, իմ սիրած ազիզ տղան

Հնկավ-մնաց թփի տակին...

Մարիան նայում էր շուրջը, լաշակի տակից շողում էին նրա գորշ, բորբ աչքերը, նա հետամտում էր անցնող Միշկային, ու ժպտալով, պայծառացնելով սպիտակ բծավորված երեսը, ցածր, սիրազեղ, կրծքային ձայնով երգում էր.

... Գանգոսները նրա շեկիկ

Այնտեղ քամին էր օրորում,

Ու աչքերը, աչքերն անուշ

Սև ազոսն էր կտցահարում:

Միշկան փաղաքուշ ժպտաց նրան, ինչպես միշտ էլ նա այդ անում էր կանանց հանդիպելիս. տանտիրոջ աղջկան, կավը ոտներով տրորող Պելագեյային նա ասաց.

— Յուրեկադ ավելի վերև քշտիր, թե չէ ցանկապատի վրայից բան չի երևում:

Պելագեյան կկոցեց աչքերը.

— Ուզենաս, այնպես էլ կտեսնես:

Մարիան կողքի կանգնել էր սանդուղքի վրա. նայելով այս ու այն կողմ, ձայնը երկարացնելով հարցրեց.

— Ո՞ւր էիր գնացել, շանիկս:

— Չուկ էի բռնում:

— Չհեռանաս, գնանք ամբարում քնենք:

— Հրե՛ն, վեսարդ, անամոթ:

Մարիան շխիացրեց լեզուն, ու քրքշալով, թաց խոզանակը թափահարեց Միշկայի վրա: Սպիտակ կաթիլները ողողեցին վերջինիս կուրտկան ու գլխարկը:

— Դու գոնե Վալետին տայիր մեզ: Միշտ էլ կօգներ տունուտեղը կարգին պահելու,— հեռացողների հետևից գոչեց փոքր հարսը՝ ժպտալով ու բանալով շաքարափայլ ատամները:

Մարիան ցածր ձայնով ինչ-որ բան ասաց, կնանիքը քա՛հ-քա՛հ ծիծաղեցին:

— Անառակ քած,— Վալետը մոայլվեց, արագացրեց քայլերը, բայց Միշկան տաղտկալի ու քնքշորեն ժպտալով, ուղղեց նրան.

— Ոչ թե անառակ, այլ ուրախ կնիկ է: Կհեռանամ, անուշիկս կմնա այստեղ: «Մնաս բարով, հոգուս արև»,— արտասանեց նա մի երգի խոսքերը՝ ներս մտնելով իր բակի դռնակից:

XXIII

Կոշևոյի հեռանալուց հետո կազակները միառժամանակ լուռ նստած էին: Խուտորով մեկ շաշում էր ահագանգը, թույլ զրնգում էին խրճիթի պատուհանները: Իվան Ալեքսեևիչը նայում էր պատուհանից: Չարդախից առավոտյան նոսր ստվեր էր ընկել գետնին: Մածանվող, կանաչ դալարիքի վրա ճերմակ ցող էր նստել: Ապակիների միջից վառ կապույտին էր տալիս երկինքը: Իվան Ալեքսեևիչը նայեց փրշոտ գլուխը՝ կախած ևրիստոնյային:

— Կարելի է գործը դրանով էլ կվերջանա՞, հը՞: Միգուլինցիները շարդեցին ու էլ քիթները շե՛ն խոթի...

— Չէ, աղբեր...— Գրիգորին ամբողջովին ցնցվեց,—

գործը որ սկսել են, հիմի էլ կանգ չեն առնի: Դեհ, ի՞նչ արած, գնա՞նք հրապարակ:

Իվան Ալեքսեևիչը ձեռքը մեկնեց գլխարկին. փարատելով իր կասկածը, հարցրեց.

— Տղերք, իսկապես, մենք հո չե՞նք ժանգոտվել: Միխայիլը տաքարյուն է, բայց գործունյա տղա է... Նա կոթեց մեզ: Նրան ոչ ոք չպատասխանեց: Լուռ դուրս ելան, քայլեցին դեպի հրապարակը:

Մտազբաղ նայելով իր ոտներին, քայլում էր Իվան Ալեքսեևիչը: Նա տանջվում էր այն մտքից, որ կեղծել էր ու այնպես չէր վարվել, ինչպես թելագրում էր գիտակցությունը: Իրավացիությունը Վալետի ու Կոշևոյի կողմն էր. հարկավոր էր հեռանալ և ոչ թե մտատանջության մեջ ընկնել: Այն արդարացումները, որ նա հրամցնում էր ինքն իրեն, անհուսալի էին, ու ինչ-որ մեկի խելամիտ, հեզնոտ ձայնը, որ հնչում էր նրա հոգու մեջ, ճզմում էր այդ արդարացումները ինչպես ձիու սմբակը — ջրափոսի բարակ սառցակեղևը: Իվան Ալեքսեևիչը հաստատ որոշեց միայն մի բան,— առաջին իսկ ընդհարման դեպքում փախչել բոլշևիկների մոտ: Այդ որոշումը նրա մեջ ձևավորվեց մինչև հրապարակ հասնելը, բայց Իվան Ալեքսեևիչն այդ մասին ոչինչ չասաց Գրիգորիին ու ևրիստոնյային, բնագործին հասկանալով, որ նրանք ինչ-որ այլ բան են ապրում, ու հոգու խորքում արդեն երկյուղ կրելով նրանցից: Նրանք Կերեով միասին մերժեցին Վալետի առաջարկը, չգնացին՝ պատճառ բերելով ընտանիքները, մինչդեռ նրանցից յուրաքանչյուրը գիտեր, որ այդ պատճառաբանությունը համոզիչ չէ ու չի կարող արդարացում լինել: Այժմ նրանցից ամեն մեկը յուրովի էր անհարմարություն զգում մյուսների հանդեպ, ասես նրանք անմաքուր, ամոթալի գործ էին կատարել: Իվան Ալեքսեևիչը չհանդուրժելով ցածր լուսությունը, պատժելով ինքն իրեն և մյուսներին, Մոխովի տան դիմաց ասավ.

— Մեղքերս ի՞նչ թաքցնենք. ֆրոնտից եկել էինք իբրև բոլշևիկներ, իսկ հիմի ծակ ու ծուկ ենք մտնում: Մեր տեղը ուրիշները պիտի կռվեն, իսկ մենք կարող ենք միայն կանանց դեմ կռվել...

— Ծա կռվել եմ, թող ուրիշներն էլ փորձեն,— դեմքը շուռ տալով ասաց Գրիգորին:

— Հը՛մ, նրանք... ավազակութիւն են անում, իսկ մենք, ուրեմս, պիտի նրանց կո՛ղմն անցնենք: Այդ ի՞նչ Կարմիր գվարդիա է, հը՞: Բռնաբարում են կանանց, ուրիշի ունեցածը թալանում: Այստեղ պետք է երկու աչքդ շորս անես: Քոռ մարդը, ուրեմս, միշտ էլ գլուխը պատին կխփի:

— Դու այդ տեսե՛լ ես, խրիստան,— ջղայնոտ հարցրեց Իվան Ալեքսեևիչը:

— Մարդիկ են ասում:

— Ա՛-ա... մարդի՛կ...

— Դեհ, հերիք է: Գնանք, քանի դեռ մեզ այստեղ չեն տեսել:

Հրապարակը ճոխ պճնվել էր կազակական լամպասներով, գլխարկներով, երբեմն այստեղ ու այնտեղ սևին էր տալիս մի փրշոտ փափախ: Հավաքվել էր ամբողջ խոտորը: Կանայք շկային: Եկել էին միայն ծերունիները և ուսումնականային հասակի ու ավելի փոքր կազակները: Առջևում, հենակներին հենված, կանգնել էին ամենածեր մարդիկ,— պատվավոր դատավորները եկեղեցական խորհրդի անդամները, դպրոցների հոգաբարձուները, երեցփոխը: Գրիգորին այս ու այն կողմ նայեց, փնտրեց հոր ալեխառն մորուքը: Սերունի Մելեխովը կանգնել էր իր խնամու, Միրոն Գրիգորևիչի կողքին: Նրանց առջևում գորշ, շքեղ, շքանշաններ կպցրած համազգեստով Գրիշակա պապին հենվել էր՝ ուտոտ հենակին: Խնամու կողքին կանգնել էին խնձորի պես կարմիր Փշան Ավդեիչը, Մատվեյ Կաշուկինը, Արխիպ Բոգատիրյովը, կազակական գլխարկ դրած Ատեպին Յացան. ավելի հեռու անընդմեջ, փսաշրջանաձև պատնեջ էին կազմել ծանոթ դեմքերը՝ երկարամորուք Ծգոր Սինիլինը, Յակով Պոդկովան, Անդրեյ Կաշուկինը, Նիկոլայ Կոշևոյը, երկարահասակ Բորշչևը, Անիկուշկան, Մարտին Շամիլը, երկարասրունք աղաքսպան Գրոմովը, Յակով Կոլովեյցինը, Մերկուովը, Ֆեդոտ Բոգովսկովը, Իվան Տամիլինը, Եպիֆան Մակասևը, Զախար Կորոլյովը, Փշան Ավդեիչի որդի Անտիպը, որ կարճաքիթ, կարճահասակ մի կազակ էր: Անցնելով մի կողմ, Գրիգորին իր եղբորը, Պետրոյին տեսավ բոլորակի հակադիր կողմում: Պետրոն նարնջազույն-սև գեորգևյան ժապավեններով վերնաշապիկ հագած, խոսում-ծիծաղում էր թևը կտրած Ալյոշկա Շամիլի հետ: Նրա

ձախ կողմում կանաչին էին տալիս Միտկա Կորշունովի աչքերը: Սա ծխախոտի գլանակն էր վառում Պրոխոր Զիկովի գլանակից: Պրոխորն օգնում էր,— չոելով հորթի իր աչքերը, ճպճպացնում էր շրթունքները,— հրահրում կրակը: Հետևում խմբվել էին երիտասարդ կազակները. բոլորակի մեջտեղում, խախուտ սեղանի մոտ, որի շորս ոտները խրվել էին փուխը, շորացած գետնի մեջ, նստել էր խոտորի ուկոմի նախագահ Նազարը, նրա կողքին, ձեռքով սեղանի երեսին հենված, կանգնել էր Գրիգորին անծանոթ մի հարյուրապետ՝ պաշտպանական գույնի գլխարկով, գլխարկանիշով, ուսադիրներ կպցրած կուրտկայով և նեղ, կանաչ-շագանակագույն գալիֆե շալվարով: Ռեկոմի նախագահը, շփոթված, ինչ-որ բան էր ասում նրան, հարյուրապետը լսում էր մի քիչ կռացած, մեծ ու ցցուն ականջը նախագահի մորուքին թեքած: Հրապարակը մեղվանոցի պես լեցուն էր մեղմ աղմուկով: Կազակները խոսակցում, կատակում էին, բայց բոլորի դեմքերն էլ լարված էին: Մեկը ձանձրացավ սպասելուց, երիտասարդական ձայնով գոչեց.

— Սկսեցեք, էլի՛, ինչո՞ւ եք սպասում, համարյա բոլորն էլ հավաքվել են:

Սպան անբռնադատ շտկվեց, հանեց գլխարկը ու պարզապես, ինչպես ընտանիքի մեջ, սկսեց իր խոսքը.

— Պարոնայք ծերունիներ, և դուք, ճակատային կազակ եղբայրներ, լսե՛լ եք, թե ինչ է կատարվել Սետրակով խուտորում:

— Ո՞վ է դա, ո՞րտեղացի է,— բամբ ձայնով հարցրեց խրիստոնյան:

— Վեշենսկուց, Չյորնայա ուղկայից է, Սալդատով թե ինչ...— պատասխանեց մեկը:

— Մոտ օրերս,— շարունակեց հարյուրապետը,— Սետրակով եկավ Կարմիր գվարդիայի մի շոկատ: Գերմանացիք գրավել էին Ուկրաինան ու շարժվելով դեպի Դոնի Զորաց մարզը, նրանց երկաթուղուց դեն էին քշել: Նրանք էլ շարժվեցին Միգուլինսկու հողով: Գրավելով խոտորը, սկսեցին թալանել կազակների գույքը, բռնաբարել կազակուհիներին, ապօրինի ձերբակալություններ կատարել և այլն: Երբ դեպքի լուրը հասավ շրջակա խուտորները, կազակները զենքը ձեռ-

ներին հարձակվեցին կողոպտիչների վրա: Զոկատի կեսը ոչնչացավ, կեսն էլ գերի ընկավ: Միգուլինցիները հսկայական քանակով ավար վերցրին: Միգուլինսկայա և Կազանսկայա ստանիցաները թոթափեցին բուլղարիկյան իշխանության լուծը: Կազակները մեծից մինչև փոքրը ոտքի ելան պաշտպանելու ետդաղ Դոնը: Վեչինսկայայում ռեկոմը տապալված է, ստանիցայի ատաման է ընտրված, խուտորների մեծ մասում՝ նույնպես:

Հարյուրապետի այս խոսքերի վրա ծերունիները սկսեցին կամացուկ փսփսալ. ռեկոմի նախագահը աթոռի վրա անհանգիստ շարժումներ արեց ինչպես թակարդ ընկած գայլը:

— Ամենուրեք ջոկատներ են կազմված: Դուք էլ պետք է ճակատայիններից ջոկատ կազմեք, որպեսզի ստանիցան պաշտպանեք վայրենի, ավազակային հրոսակախմբերի նոր արշավանքից: Մենք պետք է վերականգնենք մեր վարչութունը: Մեզ հարկավոր չէ կարմիր իշխանությունը, — նա միայն անբարոյականություն է բերում և ոչ թե ազատություն: Մենք հո չենք թույլ տա, որ մուժիկներն անպատվեն մեր կանանց ու քույրերին, որ նրանք ծաղր ու ծանակի ենթարկեն մեր ուղղափառ հավատը, անարգեն սուրբ տաճարները, թալանեն մեր գույքը և սեփականությունը... Այդպես չէ՞, պարոնայք ծերունիներ:

Հրապարակը տեքաց «ճի՛շտ է-է՞» միահամուռ գոռոցից: Հարյուրապետը սկսեց կարդալ խմորատիպով տպված կոչը: Նախագահը հեռացավ սեղանի մոտից՝ մոռանալով ինչ-որ թղթեր: Ամբոխը լսում էր առանց մի բառ ասելու: Հետևում ալարկոտություն մարտեր էին փոխանակում ճակատայինները:

Հենց որ սպան սկսեց կարդալ, Գրիգորին ամբոխի միջից դուրս գնաց. դանդաղ քայլերով դեպի տուն, հասավ տեր-վիսսարիոնի տան անկյունը: Միրոն Գրիգորեկը նկատեց նրա հեռանալը: Արմունկով բոթեց Պանտելիյ Պրակոֆևիչի կողքը:

— Տե՛ս, է՛, փոքր տղեղ գնաց:

Պանտելիյ Պրակոֆևիչը կազալով դուրս եկավ բազմության միջից, խնդրելու և հրամայելու տոնով կանչեց—

— Գրիգորի:

Վերջինս շուտ եկավ կողքի, կանգնեց առանց ետ նայելու:

— Ե՛տ դառ, որդյակ:

— Ինչո՞ւ ես գնում, ե՛տ արի, — թնդացին ձայները ու բազմաթիվ դեմքեր դարձան Գրիգորիի կողմը:

— Հլա դեռ սպա է՛լ է դարձել:

— Քիթդ մի՛ շուտ տա, հա՛-ա:

— Նա բուլղարիկների մեջ է եղել:

— Նույնպես կազակի արյուն է խմել...

— Կարմրամո՞տ:

Ճշոցները հասնում էին Գրիգորիի ականջին: Նա լսում էր ատամներն իրար սեղմելով, ըստ երևույթին մաքառում էր ինքն իր հետ. թվում էր, որ մի ըոպե ևս — ու նա կգնա առանց ետ նայելու:

Պանտելիյ Պրակոֆևիչն ու Պետրոն թեթևացած շունչ առան, երբ Գրիգորին ետ դարձավ ու գլխակոր քայլեց դեպի բազմությունը:

Ծերունիները թունդ եռանդ ցույց տվին: Միրոն Գրիգորեկը Կորշունովը արտառոց արագությամբ ատաման ընտրեց: Պեպենոտ, սպիտակավուն դեմքով նա անցավ բուլղարի մեջտեղը, նախկին ատամանի ձեռքից ամաչկոտությամբ ընդունեց իշխանության խորհրդանիշը՝ ատամանական գավազանը պղնձե գլխիկով: Մինչ այդ նա երբեք ատաման չէր եղել. երբ ընտրում էին նրան, չեմ ու շում էր անում, հրաժարվում, առարկելով, թե ինքը արժանի չէ այդ պատվին և կիսագրագետ է, բայց ծերունիները համառորեն համոզում էին.

— Վերցրո՞ւ գավազանը, մի՛ հակառակի, Գրիգորի:

— Դու մեր խուտորում առաջին տնտեսատերն ես:

— Խուտորի բարիքը չե՛ս ուտի:

— Տես: խուտորի փայերը խմելով չվատես սեց որ Սեմյոնը:

— է-հե՛յ... սա կվատնի:

— Տունը լիքն է, տեղը կհանենք:

— Կքերթենք ոչխարի պես...

Այնքան արտասովոր էին հապճեպ ընտրությունները և ամբողջ կիսամարտական իրադրությունը, որ Միրոն Գրիգորեկը համաձայնվեց առանց երկար խնդրանքների: Ընտրեցին ո՛չ այնպես, ինչպես առաջ, երբ գալիս էր ստանիցայի ատա-

մանը, յուրաքանչյուր տասը տնից մի ներկայացուցիչ էր հրավիրվում, թեկնածուները քվեարկվում էին, իսկ այստեղ— հենց այնպես, էլի, հասարակ ձևով, վռազ-վռազ. «Ովքեր կողմնակից են Կորշունովին, խնդրեմ անցնեն աջ կողմը»: Ամբողջ բազմությունը աճապարեց աջ կողմը, միայն փինաչի Ջինովին, որը Կորշունովի դեմ ոխ ուներ, մնաց իր տեղում մեն-մենակ կանգնած, ինչպես վառված քոթուկը գետառում:

Քրտնած Միրոն Գրիգորևիչը դեռ աչքն էլ չէր թարթել, երբ գավազանը ճխտեցին նրա ձեռքը, հեռվից ու հենց նրա ականջին գոռացին.

- Մաղարիչը վրե՛դ է, հա՛-ա:
 - Բոլորն էլ քեզ ձայն տվին:
 - Թրջե՛լ է պետք:
 - Ատամանին վեր-վե՛ր գցել:
- Բայց հարյուրապետը ընդհատելով աղաղակները, հմուտ կերպով ժողովը տարավ հարցերի գործնական լուծման ուղղությամբ: Նա հարց դրեց ջոկատի հրամանատար ընտրելու մասին և հավանորեն վեշենսկայայում լսած լինելով Գրիգորիի մասին, շողոքորթելով նրան, շողոքորթեց նաև խուտորին.

— Ցանկալի կլինե՞ր ունենալ մի սպա հրամանատար: Գրանով գործը հաջող կգնա կովի դեպքում, կորուստներն էլ քիչ կլինեն: Ձեր խուտորում էլ հերոսներ շատ կան: Ես, կազակներ, չեմ կարող իմ կամքը փաթաթել ձեր վզին, բայց իմ կողմից առաջարկում եմ ընտրել խորունժի Մելեխովին:

- Ո՞ւմ:
 - Նրանք երկուսն են:
- Սպայի հայացքը սահեց բազմության վրայով ու կանգ առավ հետևից երևացող Գրիգորիի կորացած գլխի վրա. նա յայտարարով գռչեց.

- Գրիգորի Մելեխովին... Խ՛նչ եք կարծում, հը՞:
- Կարելի է:
- Խոնարհաբար խնդրում ենք:
- Գրիգորի Պանտելևիչ, գլուխդ շմռնի, հա՛-ա:
- Արի՛ բոլորակի մեջտեղը, արի՛:
- Պերունիններն ուզում են նայել քեզ:

Չետևից հրեցին Գրիգորիին, նա կարմրելով անցավ բռշտակ մեջտեղը, շփոթվելով նայեց շուրջը:

— Տա՛ր մեր տղաներին,— Մատվեյ Կաշուլինը հենակը խփեց գետնին ու եռանդով խաշակնքեց,— տա՛ր ու ղեկավարի՛ր նրանց այնպես, որ մի սիրտ, մի հոգի լինեն, հնազանդ լինեն ոնց որ սագերը արու սագին: Ոնց որ սա հսկում է իր երամը ու պաշտպանում լեշակեր գազանից ու մարդուց, այնպես էլ դու պաշտպանիր: Աստված տա, որ էլի շորս խաշի արժանանաս:

- Պանտելեյ Պրակոֆևիչ, քո տղան...
- Ոսկի գլուխ ունի, հա՛-ա: Խելքի ծով է...
- Թոփա՛լ գրողի՛ տարած, արաղը գալիս է, հա՛-ա:
- Օ-օ՛-օ... ո՛նց ենք խմելու...
- Պարոնայք ծերունիներ, կամաց: Գուցե երկու-երեք ցուցակ կազմենք առանց որևէ կամավորություն: Կամավորներ կարող են լինել, կարող են և չլինել...
- Ծրեք տարի՛:
- Հի՛նգ:
- Ցանկացողներին տանել:
- Ինքդ գնա, հայվան... ո՞վ է քեզ պահում:

Խուտորի վերին ծայրում ապրող շորս ծերունի մոտեցան հարյուրապետին, որը խոստում էր նոր ատամանի հետ: Նրանցից մեկը, կարճահասակ, անատամ մի ծերունի, փողոցի կպցրած մականունով Սունկը, հայտնի էր նրանով, որ ամբողջ կյանքում սրա-նրա հետ կռիվ էր սարքում և այնքան հաճախ էր դատարան գնում, որ իր միակ, ճերմակ ձին կարգին ուսումնասիրել էր դատարանի ճանապարհը. բավական էր, որ նրա հարբած տեղը ընկներ սայլին ու բարձր, ճռճան իր ձայնով գոռար՝ «Գատարան»,— և ձին ինքը ճանապարհով գնում էր ստանիցա: Սունկը ճամփված զգակը քաշելով աչքերին, մոտեցավ հարյուրապետին: Մնացած ծերունիները, որոնցից մեկը բոլորի կողմից հարգված, հիանալի տնտեսատեր Գերասիմ Բուդիրեն էր, կանգ առան Սնկի կողքին: Սունկը, որ իր բոլոր արժանիքներով հանդերձ նաև լեզվանի մարդ էր, առաջինը դիմեց հարյուրապետին.

- Ձերդ բարեծննդություն:
- Խ՛նչ եք ցանկանում, պարոնայք ծերունիներ,— հարյուրապետը քաղաքավարությամբ ծովեց, մոտեցնելով մեծ, մսոտ բլթակ ունեցող ականջը:

— Ձերդ բարեծննդութիւն, դուք, ուրեմս, սխալ եք լսել մեր այդ խուտորցու մասին, որին հրամանատար եք նշանակել: Իսկ մենք, ծերուկներս, բեկանում ենք ձեր այդ որոշումը, և մենք իրավագոր ենք դրա համար: Մենք նրան հակառակ ենք:

— Ինչո՞ւ: Ի՞նչ կա որ:

— Բա մենք ո՞նց վստահանանք նրան, երբ նա ինքը եղել է Կարմիր գվարդիայում, նրանց մոտ ծառայել իբրև հրամանատար ու միայն երկու ամիս առաջ այնտեղից վերադարձել վիրավորված լինելու պատճառով:

Հարյուրապետը շառագունեց: Նրա ականջները կարծես ուռեցին արյունով լցվելուց:

— Զի՞ կարող պատահել: Ես այդ մասին ոչինչ չեմ լսել... Ինձ ոչ ոք այդպիսի բան չի ասել...

— Ճիշտ է, բուշակի է եղել,— խիստ տոնով վրա բերեց Գերասիմ Բուլդիրևը,— մենք նրան չենք հավատում:

— Փոխել նրան: Հրե՛ն, տեսեք ինչ են ասում երիտասարդ կազակները. «Նա,— ասում են,— հենց առաջին կոլում մեզ կզավճանի»:

— Պարոնայ՛ք ծերունիներ,— բղավեց հարյուրապետը՝ կանգնելով ոտների մատների վրա. նա ծերունիներին էր դիմում խորամանկութամբ անտեսում էր ճակատայիններին.— Պարոնայք ծերունիներ, մենք ջոկատի հրամանատար ընտրեցինք խորունժի Մելիխով Գրիգորիին, բայց արդյո՞ք արգելքներ չկան: Հիմա ինձ հայտարարեցին, որ նա ձմռանը եղել է Կարմիր գվարդիայում: Արդյո՞ք դուք կարող եք ձեր որդիներին ու թոռներին վստահել նրան: Դուք էլ, ճակատային եղբայրներ, արդյո՞ք հանգիստ սրտով կգնաք այդպիսի հրամանատարի հետևից:

Կազակները շժմած լռում էին: Միանգամից աղմուկ բարձրացավ. առանձին բացականչություններից ու բղավոցներից ոչ մի բառ չէր կարելի հասկանալ: Հետո արդեն, երբ աղաղակները դադարեցին, փնջաձև հոնքերով ծերուկ Բոգատիրովը անցավ բուլդակի մեջտեղը, ժողովի առաջ հանեց փափախը, նայեց շուրջը:

— Ես իմ կարճ խելքով կարծում եմ, որ մենք այդ պաշտոնը չենք տա Գրիգորի Պանտելիչին: Նա մեղք է գործել,

մենք բուլդրս էլ լսել ենք դրա մասին: Թող նա առաջուց արժանանա մեր հավատին, քավի իր մեղքը, իսկ հետո կտեսնենք: Գիտենք, որ նա լավ կովող է... ամա ամպի տակից արևն է՛լ չի երևա. մենք չենք տեսնում նրա արժանավորությունը, նրա բուշակիական ծառայությունը ծակում է մեր աչքերը:

— Թող նա շարքային լինի,— տաքացած գոչեց երիտասարդ Անդրեյ Կաշուկինը:

— Պետրո Մելիխովը թող հրամանատար լինի:

— Գրիշկային նախրի մեջ քայլելն է՛լ կսազի:

— Թե որ ընտրեինք, մեր գլխին փորձանք կբերեր:

— Իա ինչի՞ս է պետք, է՞: Մա՛տ հարկավոր եք գու՞թ ինձ,— լարվածությունից կարմրելով՝ հետևից գոռում էր Գրիգորին. նա թափահարեց թևը, կրկնեց.— Աղբբբ, ես իսկի էլ հանձն չեմ առնի. գուք իմ ինչի՞ն եք պետք,— ու ձեռները խոթեց շավարի խորունկ գրպանները. գլուխը կախած, կուռնկի քայլերով գնաց դեպի տուն:

Ու նրա հետևից՝

— է-հե՛յ, շատ մի փքվի...

— Մուռգուկի մեկը. ո՞նց է տնկել ծուռտիկ քիթը:

— Օ՛-օ:

— Դամարներումը թուրքի արյուն է, է՛:

— Ձեռն է՛լ չի կտրում. դիրքբրում սպաների առաջ լեզու էր բանեցնում. հիմի էլ այստեղ...

— Ես դառ, է՛յ...

— Պա՛հ-պա՛հ...

— Թող կորի. է՛, թյո՛ւ, հո՛ւշտ, հա՛ւշտ, հա՛ւշտ...

— էլ ի՞նչ եք քամակներդ ցույց տալի դրան, եկեք դատանենք:

Կամաց-կամաց հանգստացան: Թունդ վեճի պահին ինչոր մեկը հրեց մի ուրիշին, մեկը հարված կերավ ու քթից արյուն հոսեց, ջահելներից մեկն էլ անսպասելիորեն հարբատացավ աչքատակի ուռուցքով: Ընդհանուր հաշտությունից հետո անցան ջոկատի հրամանատարի ընտրություն: Ընտրեցին Պետրո Մելիխովին, և սա թունդ կարմրեց հպարտությունից: Բայց հենց այստեղ էլ հարյուրապետը դեմ առավ չնախատեսված մի խոշորագույն, ինչպես կայտառ ձին դեմ է առ-

նում շափից դուրս բարձր արգելապատին. հասավ կամավոր
գրվելու հերթը, իսկ կամավորներ շատնվեցին: Ճակատային-
ները, որոնք սառն էին վերաբերվում դեպի այն ամենը, ինչ
որ կատարվում էր,— տատանվում էին, չէին ուզում ցուցա-
կազրվել, կատակի էին տալիս:

— Հը՛, Անիկեյ, ինչո՞ւ չես գրվում:

Ու Անիկուշկան մոթմոթում էր.

— Ես հլա դեռ ջահել եմ... Ա՛յ, բեղեր է՛լ շունեմ...

— Դու հանաքը դեն թող, հա՛-ա: Մեզ ձե՞ռ ես առնում,—
ներա ականջի տակին բղավեց ծերունի Կաշուլինը:

Անիկեյը ձեռքը թափ էր տալիս, ասես մոծակներ էր
քշում.

— Գնա՛ քո Անդրյուշկային գրի:

— Գրե՛լ եմ:

— Պրոխոր Զի՛կով,— կանչեցին սեղանից:

— Ե՛ս եմ:

— Գրե՛նք քեզ:

— Զգիտեմ...

— Գրեցինք:

Միտկա Կորշունովը լուրջ դեմքով մոտեցավ սեղանին,
կարուկ հրամայեց.

— Գրի՛ր ինձ:

— Դեհ, էլ ո՞վ է ուզում... Բողովակով Ֆեդոտ... դո՞ւ:

— Ես գրիժա ունեմ, պարոնայք ծերունիներ...— քթի
տակին մոթմոթաց Ֆեդոտը՝ ամաչկոտությամբ խոնարհելով
ծուռ, կալմիկական աչքերը:

— Ճակատայինները փառ-փառ ծիծաղեցին՝ ձեռները
տանելով կողերին. կատակասերները մեջտեղ եկան.

— Կնկանդ վերցրու քեզ հետ... Թե որ աղիքներդ դուրս
գան, տեղը կդնի:

— Հա՛-հա՛--հա՛-հա՛...— քրքշում էին հետևից՝ հազա-
լով ու փայլեցնելով ատամներն ու ծիծաղից կկոցվող աչքերը:

Մի ուրիշ կողմից էլ թռչունի պես թռավ մի նոր կատակ.

— Մենք քեզ խոհարար կնշանակենք: Թե որ մուռտառ
բորշշ եփեցիր, այնքան կլցնենք վրեղ, մինչև որ մյուս կողմից
գրիժադ դուրս գա:

— Արագ չես վազի. քեզ նմանների հետ նահանջելը
հաշիվ է:

Ծերունիները զայրանում էին, նախատում.

— Հերիք է, հերիք, խնդալու տեղը չի:

— Սարսաղությունների ժամանակ եք գտել, ինչ է:

— Ամոթ է, տղերք,— խրատում էր մեկը,— բա աստ-
ված. հը՛մ, աստված թողություն չի տա: Այնտեղ մարդիկ են
մեռնում, իսկ դուք... բա աստված ի՞նչ կասի:

— Տամիլին ի՛վա՛ն,— հարյուրապետը շուռ եկավ, նա-
յեց շուրջը:

— Ես հրետանավոր եմ,— պատասխանեց Տամիլինը:

— Գրվո՞ւմ ես: Մեզ հրետանավորներ է՛լ են հարկավոր:

— Գրի՛... է-է՛-հե՛:

Զախար Կորոլյովը, Անիկուշկան ու էլի մի քանի մարդ
ծաղրի առան հրետանավորին:

— Մենք քեզ համար ուռնուց թնդանոթ կշինենք:

— Արկերի փոխարեն դոմաներ կարձակես, կարտեչի
տեղ՝ կարտոլ:

Կատակներով ու ծիծաղով գրվեց վաթսուն կազակ, վեր-
ջինը մեջտեղ եկավ երիտոնյան: Նա մոտեցավ սեղանին,
բառերը շեշտելով ասաց.

— Դեհ, ուրեմս, ճզիր ինձ: Միայն թե առաջուց ասում
եմ, որ չեմ կովելու:

— Բա էլ ինչո՞ւ ես ցուցակագրվում,— ջղայնոտ հարց-
րեց հարյուրապետը:

— Կտեսնեմ, էլի՛, պարոն սպա: Ուզում եմ տեսնել, թե
ինչ կլինի:

— Գրեցե՛ք դրան,— հարյուրապետը թոթվեց ուսերը:
Համարյա կեսօր էր, երբ ցրվեցին հրապարակից: Որոշ-
վեց հենց մյուս օրը մեկնել միգուլինցիներին օգնելու:

Հրապարակում առավոտյան վաթսուն կամավորներից,
հավաքվեց միայն մոտ քառասուն հոգի: Պետրոն, որ զուգվել
էր շինելով ու ճիտքերը բարձր սապոգներով, դիտեց կազակ-
ներին: Շատերը նոր կպցրած, նախկին գնդերի համարներով
նշված, կապույտ ուսադիրներով էին, ոմանք էլ առանց ուսա-
դիրների: Թամբերը ուռճացել էին երթական բռեռով, թամ-
բերի փոկերի տակ ու մախաղների մեջ դրված էր ուտելիք,

սպիտակեղեն, ռազմաճակատից բերած փամփուշտներ: Ոմանք հրացաններով էին, մեծամասնութունը՝ սառն գնեքով:

Կանայք, աղջիկները, երեխաները, ծերունիները հավաքվել էին հրապարակում՝ ռազմիկներին ճանապարհելու: Պետրոն հանգստացած, ձին նստած, շարք կանգնեցրեց իր կիսահարյուրյակը, դիտեց տարբեր գույնի ձիերը, հեծյալներին, նրանցից ոմանք շինելներ էին հագել, ոմանք համազգեստներ, ոմանք անձրևից պաշտպանող բրեզենտե պլաշներ, — ու ընթացքի հրաման տվեց: Փոքրիկ ջոկատը քայլքով բարձրացավ բլուրը, կազակները մոայլադեմ նայում էին խուտորին, հետին շարքում մեկը գնդակ արձակեց: Բլուրի վրա Պետրոն ձեռնոցներ հագավ, թիմարեց ցորնագույն բեղերը ու ձին դարձնելով այնպես, որ սա արագ քայլելով գնում էր ջոկատի կողքից, — բղավեց ժպտալով, ձախ ձեռքով գլխարկը պահած.

— Հարյուրյակ, լսիր իմ հրամանը... Վարգով մա՛րշ...

Կազակներն ասպանդակների վրա կանգնած, թափահարեցին մտրակները, սլացան վարգով: Քամին խփում էր նրանց դեմքերին, թափահարում ձիերի պոչերն ու բաշերը, անձրև էր խոստանում: Սկսվեցին խոսակցությունները, կատակները, երիտտոնյայի սևաթույր, փոքրիկ ձին սայթաքեց: Տերը նրան զազեց մտրակով, հայհոյանք թափեց. ձին պտտելով պարանոցը, թռավ քառատրոփով, դուրս եկավ շարքից:

Մինչև Կարգինսկայա ստանիցան հասնելը կազակները սւրախ տրամադրության մեջ էին: Գնում էին լիովին համոզված, որ ոչ մի պատերազմ չի լինի, որ Միգուլինսկայայի գործը բռնկիկների պատահական մի հարձակում է կազա-կական տերիտորիայի վրա:

XXIV

Իրիկնադեմին ժամանեցին Կարգինսկայա: Ստանիցայում ճակատայիններ չկային, — գնացել էին դեպի Միգուլինսկայա: Հրապարակում, վաճառական և կոռուպի մոտ ձիերից իջեցնելով իր ջոկատը, Պետրոն գնաց ստանիցայի ատամանի բնակարանը: Նրան դիմավորեց բարձրահասակ, ամբողջով, թխադեմ մի սպա: Սա հագել էր երկար, լայն

վերնաշապիկ առանց ուսադիրների, կապել կովկասյան գոտի, կազակական լամպասավոր շավարի ծայրերը գրված էին սպիտակ, բրդե գուլպաների մեջ: Բարակ շրթունքների անկյունից կախվել էր ծխամորճը: Գարշնավուն, կայծկլուտող աչքերի նայվածքը տարօրինակ էր, գաղտագողի: Նա կանգնել էր արտաքին սանդուղքի վրա, ծխում էր, նայում մտտեցող Պետրոյին: Նրա ամբողջ վիթխարի կերպարանքը, կրծքի ու թևերի մկանների ուռուցիկ, թուշի պես պինդ թմբերը, արձք նշմարվում էին վերնաշապիկի տակից, ցույց էին տալիս նրա արտասովոր ուժը:

— Դո՛ւք եք ստանիցայի ատամանը:

Սպան կախ ընկած բեղերի տակից քուլա-քուլա ծուխ արձակեց, բամբ ձայնով պատասխանեց.

— Այո, ես եմ ստանիցայի ատամանը: Ո՞ւմ հետ խոսելու պատիվ ունեմ:

Պետրոն հայտնեց իր ով լինելը: Մեղմելով նրա ձեռքը, ատամանը մի փոքր թեքեց գլուխը:

— Լիխովիդով Ֆյոդոր Դմիտրիևիչ:

Ֆյոդոր Լիխովիդովը, Գուսինո-Լիխովիդովսկի խուտորի կազակ, բնա՛վ սովորական մարդ չէր: Նա սովորել էր յունկերների դպրոցում, ավարտելուց հետո երկար ժամանակով չբացել: Մի քանի տարուց հետո հանկարծակի երևաց խուտորում, բարձրագույն իշխանությունների թույլտվությամբ սկսեց կամավորներ հավաքագրել իսկական ծառայությունն անցած կազակներից: Այժմյան Կարգինսկայա ստանիցայի շրջանում հավաքեց հանդուգն, գլխից ձեռք վերցրած կազակների մի հարյուրյակ, տարավ Պարսկաստան: Այնտեղ իր ջոկատով մնաց մի տարի՝ կատարելով շահի անձնական պահպանությունը: Պարսկական հեղափոխության օրերին փախավ շահի հետ, կորցրեց ջոկատը ու նույնպես հանկարծակի երևաց Կարգինում. իր հետ բերեց կազակների մի մասը, շահի ախոռից վերցրած երեք գտարյուն արաբական նժույզ, բերեց հարուստ ավար, — թանկարժեք գորգեր, ամենահագավագյուտ զարդարանքներ, ամենագեղեցիկ գույներով մետաքսեղեն: Նա մի ամիս քեֆ քաշեց, շավարի գրպաններից մեծ քանակությամբ պարսկական սակեղրամ շոքոտեց, ձյան պես սպիտակ, բարակ ոտներով, գլուխը կարագի նման պահող

ամենագեղեցիկ նժույգով թռչում էր խուտորից խուտոր, նրա նով մտնում և նույնիսկ խանութը, որն է մի բան էր գնում ու փողը վճարում առանց ձեռքից իջնելու, և միջանցիկ դռնով դուրս էր գնում: Յյոզոր կիսովիդովը անհայտացավ նույնպես անսպասելի կերպով, ինչպես և ժամանել էր: Նրա հետ միասին չքացավ նաև իր անբաժան ուղեկիցը՝ բանբերը, Գուստո-կիսովիդովսկու կազակ, պարասեր Պանտելյուշկան. չքացան թե ձիերը և թե այն ամենը, ինչ որ բերված էր Պարսկաստանից:

Կես տարուց հետո կիսովիդովը երևան եկավ Ալբանիայում: Այնտեղից, Գուրացցոյից, նրա ծանոթների անունով Կարգինում ստացվում էին բացիկներ՝ Ալբանիայի լեռնային կապույտ տեսարաններով, տարօրինակ դրոշմներով: Հետո նա տեղափոխվեց Իտալիա, շրջեց Բալկանները, եղավ Ռումինիայում, Արևմտյան Նվրոպայում, համարյա թե Իսպանիա էլ հասավ: Յյոզոր Գմիտրիևիչի անունը խորհրդավորութան մշուշով էր պատած: Խուտորներում նրա մասին ամեն տեսակ լուրեր ու ենթադրություններ էին պտտվում: Միայն մի բան էր հայտնի, — որ նա մոտիկ էր միապետական շրջաններին, Պիտերում ծանոթություններ էր պահպանում բարձրաստիճան անձանց հետ, աչքի ընկնող տեղ էր գրավում ռուս ժողովրդի Միության՝ մեջ, բայց թե արտասահմանում ինչ միսիաներ էր կատարում, այդ մասին ոչ ոք ոչինչ չգիտեր:

Վերադառնալով արտասահմանից, Յյոզոր կիսովիդովը տեղավորվեց Պենզայում, այնտեղի գեներալ-նահանգապետի մոտ: Կարգինում ծանոթները տեսնում էին նրա լուսանկարը ու հետո երկար օրորում գլուխները, շվարած ծլթացնում լեզուները. «Օ-օ-օ... Յյոզոր Գմիտրիևիչը բարձրանում է հա բարձրանում»: «Տեսնե՛ք, թե ինչ մարդկանց հետ է գործ բռնում»: Իսկ լուսանկարի վրա Յյոզոր Գմիտրիևիչը, ժպտալով իր սապատաքիթ, թուխ, սերբի դեմքով, վերցրել է նահանգա-

1 «Всё это дождя и ветра» — և հարյուրյակային, մոլեռանդ միապետական կազմակերպություն էր ցարական Ռուսաստանում: Նա հակասեմիտական ագիտացիա էր մղում, հրեական շարժեր, քաղաքական հակառակորդների սպանություններ էր կազմակերպում՝ կառավարությունից ստանալով հսկայական քանակությամբ դրամ:

պետի կնոջ թևը, վիրջինա լանդո՞ է նստում: Նահանգապետն ինքը սիրալիր ժպտում է նրան ինչպես հարազատին, լայնաքամակ կառապանը պարզած ձեռներով հազիվ է պահում երասանները, ձիերը պատրաստ են իսկույն ևեթ սլանալու՝ կծոտելով սանձի բերանոցները: Յյոզոր Գմիտրիևիչի մի ձեռքը նրբորեն մեկնվել է դեպի փրչոտ փափախը, մյուսը բաժակի պես բռնել նահանգապետուհու արմունկը:

Մի քանի տարվա շքացումից հետո, արդեն 1917 թվականի վերջին Յյոզոր կիսովիդովը ջրի երես հլավ Կարգինում, տեղավորվեց այնտեղ, — կարծես թե երկար ժամանակով: Իր հետ բերեց ուկրաինուհի թե լեհուհի կնոջն ու երեխային. տեղավորվեց հրապարակում, շորս սենյակից բաղկացած մի փոքրիկ տնակում, ձմեռն անցկացրեց ինչ-որ անհայտ պլաններ կազմելով: Ամբողջ ձմեռը (որը Գոնի համար արտասովոր կերպով ցուրտ էր) բաց էին նրա միափեղկ պատուհանները, — նա կոփում էր իրեն և ընտանիքը՝ արմանք-զարմանք պատճառելով կազակներին:

1918 թվականի գարնանը Սետրակովի մոտ տեղի ունեցած մարտից հետո նրան ատաման ընտրեցին: Հենց այստեղ էլ լայն ծավալվեցին Յյոզոր կիսովիդովի անհատնում ընդունակությունները: Ստանիցան այնպիսի կոշտ ձեռք ընկավ, որ մի շաբաթ անց նույնիսկ ծերունիներն էլ զարմանքից օրորում էին գլուխները: Նա այնպես կարգապահ դարձրեց կազակներին, որ ստանիցայի ժողովում նրա ճառից հետո (կիսովիդովը լավ էր խոսում. բնությունը նրան ոչ միայն ուժ, այլև խելք էր տվել) ծերունիները, ինչպես ամբողջովին բուզաններից բաղկացած նախիր, բռնում էին՝ «Հաջողություն, ձեր դարձնություն, խոնարհաբար խնդրում ենք»: «Ծի՛շտ է»:

Շատ և շատ խիստ էր նոր ատամանը. հենց որ Կարգինսկայայում լսեցին Սետրակովի մարտի մասին, մյուս օրն ևեթ ստանիցայի բոլոր ճակատայինները մեկնեցին այնտեղ: Ոչ կազակ բնակիչները (որոնք ստանիցայի ավանում կազմում էին բնակիչների մեկ երրորդ մասը) սկզբում չէին ուզում գնալ, զինվորները, որ թունդ բուլչկիներ էին, բողբոջեցին, բայց կիսովիդովը ժողովում իր ուզածն արավ, ծերունիները ստորագրեցին նրա առաջարկած որոշումը՝ արտաքսել բոլոր

1 Լանդո — բառատեղ կառք՝ բացվող վերին մասով:

«մուծիկներին», որոնք չեն մասնակցի Դոնի պաշտպանու-
թյան: Ու հենց մյուս օրը տասնյակ սայլեր, զինվորներով լե-
ցուն, հարմոնի նվագով ու երգերով ձգվեցին դեպի Նապոլով:
Չերնեցկայա գյուղը: Ոչ կազակ բնակիչներից միայն մի քանի
երիտասարդ զինվոր 1-ին գնդացրային գնդում ծառայած
Վասիլի Ստորոժենկոյի առաջնորդությամբ փախան կարմիր-
զվարդիականների մոտ:

Ատամանը դեռ Պետրոյի քայլվածքից իմացել էր, որ
վերջինս շարքային է եղել ու հետո սպա դարձել: Նա Պետ-
րոյին ներս չհրավիրեց, բարեսիրտ անպատկառության տոնով
ասաց:

— Ո՛չ, սիրելիս, Միգուլինսկայայում դուք անելիք չու-
նեք: Առանց ձեզ էլ գործը զուլս բերին,— երեկ երեկոյան
հեռագիր ստացանք: Ետ գնացեք ու հրամանի սպասեցեք:
Կազակներին մի լա՛վ խրատեցեք: Այդքան մեծ խուտոր է ու
քառասուն մարտի՛կ է տվել: Դուք մի լավ կոթեցեք այդ սրի-
կաներին: Չէ՞ որ խնդիրը նրանց կաշվին է վերաբերում:
Գնա՛ք բարով, հաջողություն:

Նա մտավ տուն՝ անսպասելի թեթևությամբ տանելով իր
հուժկու մարմինը, քստքստացնելով հասարակ քոշերի ներ-
բանները: Պետրոն գնաց հրապարակ, կազակների մոտ: Նրան
հարցուփորձ արեցին.

- Հը՛, ո՞նց է:
- Ի՞նչ կա այնտեղ:
- Գնո՞ւմ ենք Միգուլին:

Պետրոն չթաքցնելով իր ուրախությունը, քմծիծաղ տվեց.

— Տո՛ւն ենք գնում: Առանց մեզ էլ կատարել են գործը:
Կազակները ժպտացին, խումբ-խումբ քայլեցին դեպի
ձեռքը, որոնք կապված էին ցանկապատի մոտ: Խրիստոսյան
նույնիսկ թեթև շունչ առավ: Կարծես ուսերից մի ծանր բեռ
թոթափելով, թփթփացրեց Տամիլինի ուսին.

- Ուրեմս տուն ենք գնում, թոփշի:
- Կանանիքը հիմի մեզ կարոտած կլինեն:
- Հիմի ճամփա ենք ընկնում:

Խորհրդակցելով, որոշեցին չգիշերել, անմիջապես մեկ-
նել: Նստեցին ձիերին, ու արդեն անկարգ վիճում, խռնվե-
լով դուրս եկան ստանիցայից: Եթե դեպի Կարգինսկայա դժ-

կամորեն էին գնում, դանդաղ քշելով ձիերը, ապա այնտեղից
մտրակեցին դրանց, սլացան արագ թափով: Տեղ-տեղ յորդա
էին գնում. երաշտից կոշտացած գետինը խուլ քրթմնջում էր
սմբակների տակ: Հեռո՛ւ-հեռովում, Դոնի մյուս կողմում բըլ-
րաշարքերից դենը երբեմնակի ճառագայթում էր կայծակը:

Կեսգիշերին ժամանեցին խուտոր: Բլրից իջնելիս Անի-
կուշկան կրակեց իր ավստրիական հրացանից, ապա որոտաց
համազարկը՝ ծանուցելով վերադարձի մասին: Ի պատասխան
շները հաշոց բարձրացրին խուտորովը մեկ, ու զգալով տան
մոտիկությունը, ղողալով, խուպոտ վրնջաց մեկի ձին: Խու-
տորում այս ու այն կողմ ցրվեցին:

Մարտին Շամիրը Պետրոյին հրածեշտ տալով, թեթևա-
ցած ասավ.

— Կովեցինք պրծանք: Շատ լավ եղավ:

Պետրոն մթության մեջ ժպտաց, ձին քշեց տուն:

Պանտելեյ Պրակոֆևիչը դուրս ելավ ձին տեղավորելու:
Չանեց թամբը, ձին տարավ ախոռը: Պետրոյի հետ մտավ
տուն:

— Արշավանքը վերացրի՞ն:

— Ըհը՛մ:

— Էհ, փառք աստծո: Երանի էլ երբեք չլսենք դրա մա-
սին:

Քնի մեջ տաքացած Դարյան վեր կացավ: Ամուսնուն ընթ-
րիք բերեց: Օթախից դուրս եկավ կիսամերկ Գրիգորին. քո-
րելով սևամազ կուրծքը, հեզանքով դիմեց եղբորը.

— Հաղթեցի՞ք, հը՞:

— Հրես, հաղթում եմ բորշշի մնացորդին:

— Դեհ, այդ ավելի հեշտ է: Բորշշը մենք կհաղթահա-
րենք, մանավանդ եթե ես քեզ օգնեմ:

Մինչև գատիկ պատերազմի մասին ոչ մի լուր չկար, իսկ
ավագ շարաթ օրը Վեշենսկայայից մի հատուկ սուրհանդակ
եկավ, փրփրակալած ձին թողեց Կորշունովների դարբասի
մոտ, ու շրխկացնելով կողքից կախած թուրը, վազեմվազ
բարձրացավ արտաքին սանդուղքով:

— Ի՞նչ լուրեր կան,— շեմքում նրան դիմավորեց Մի-
րոն Գրիգորևիչը:

— Ինձ ատամանն է հարկավոր: Դո՛ւք եք:

— Մենք հնք:

— Իսկույն ևեթ հավաքեցեք կազակներին, Պողոտյուկովը Կարմիր գվարդիայով գալիս է Նագուլինսկայա վոլոստից: Ահա հրամանը, — ու շուռ տալով գլխարկի քրտնակալած աստուղը, հանեց մի ծրար:

Մոտեցավ Գրիշակա պապին՝ ակնոցը դնելով քթին. բակից մոտ վազեց Միտկան: Միասին կարդացին օկրուգային ատամանի հրամանը: Հատուկ սուրհանդակը քանդակավոր բազրիքին հենված, թևքով սրբում էր հողմահար դեմքին նստած փոշին:

Ջատկի առաջին օրը, ուտիսի կերակուրներով կշտացած, կազակները մեկնեցին խուտորից: Գնե՞նքալ Ալֆերովի հրամանը խիստ էր, սպառնում էր զրկել կազակական կոչումից, այս պատճառով էլ Պողոտյուկովի դեմ էր գնում ոչ թե քառասուն մարդ, ինչպես այդ եղավ առաջին անգամ, — այլ հարյուր ութ մարդ, որոնց թվում կային նաև ծերունիներ, — նրանք համակված էին կարմիրների հետ զարկվելու ցանկությամբ: Իր որդու հետ գնում էր կորաքիթ Մատվեյ Կաշուկինը: Առջևի շարքերում իր անպետք զամբիկով աչքի էր ընկնում Փշան Ավդեիչը, որը ամբողջ ճանապարհին կազակներին զվարճացնում էր իր ամենաանհեթեթ ստերով. գնում էր ծերուկ Մակսանը ու էլի մի քանի սպիտակամորուք մարդիկ... Երիտասարդներն ակամա էին գնում, ծերերը՝ բուռն ցանկությամբ:

Գրիգորի Մելեխովը անջրանցիկ պլաշչի վեղարը գլխին գցած, գնում էր հետին շարքում: Մույլ ամպերով պատած երկնքից անձրև էր մաղվում: Շքեղ կանաչած տափաստանի վերևում սահում էին ամպերը: Բա՛րձր, հենց ամպերի տակին ճախրում էր արծիվը: Դանդաղ թափահարելով թևերը, դրանք տարածելով, նա մաքառում էր քամու դեմ, և օդային հոսանքով տարված, ծռումվելով, ազոտ փայլում էր դարչնավուն երանգով, թռչում դեպի արևելք, հետզհետե հեռանում ու փոքրանում:

Տափաստանը խոնավ էր, կանաչին էր տալիս: Միայն տեղ-տեղ անտառի բացատների նման աչքի էր ընկնում նախորդ տարվա զնդածաղիկը, փոված էր կարմրավուն եղինջը, ու բլրաշարքի վրա ուրվագծվում էին գորշ-կապտավուն, բարձրադիր բլրակները:

Սարից դեպի Կարգինսկայա իջնելով, կազակները հանդիպեցին մի կազակ տղայի, որը եզներ էր տանում արածացնելու: Նա քայլում էր բարիկ ոտներով, սայթաքում էր, թափահարում մտրակը: Տեսնելով ձիավորներին, կանգ առավ, ուշադրությամբ դիտեց նրանց ու ցեխտոված, պոչերը կապած ձիերը:

— Ո՛ւմ տղան ես, — հարցրեց Իվան Տամիլինը:

— Կարգինի, — սրտոտ պատասխանեց տղան՝ ժպտով գլխին գցած կուրտկայի տակից:

— Ձեր կազակները գնացե՞լ են:

— Գնացել են: Կարմիր գվարդիան ջարդելու են գնացել Քեոխ՝ ջան, ձեզ մոտ թուփուն չի՞ լինի:

— Թուփո՛ւն ես ուզում, — Գրիգորին կանգնեցրեց ձին:

Տղան մոտեցավ նրան: Նրա քշտած շավարը թաց էր, լամպանները կարմրին էին տալիս: Նա համարձակ նայում էր զրպանից ծխախոտատուպրակը հանող Գրիգորիին, ճկուն ու բարակ ձայնով ասում.

— Ա՛յ, հենց որ այստեղից իջնեք, կտեսնեք զարկվածներին: Երեկ մեր կազակները գերի կարմիրներին քշեցին Վեշկի ու կոտորեցին... Ես, քեռի ջան, հրե՛ն այն Ավազոտ կուրգանի մոտ մտիկ էին տալի անասուններին, այնտեղից տեսա, թե ոնց նրանց թրատեցին: Օ՛յ, սարսափելի էր: Հենց որ մերոնք սկսեցին թրերը թափ տալ, նրանք այնպե՛ս բոբրոացին, այնպե՛ս դես ու դեն ընկան... Հետո գնացի, մտիկ արի, ամենից շատը շինացիներ են: Մեկին ուսից թրատեցին, սա այնպե՛ս է մղկտում, ու երևում է, թե ոնց է թպրտում արյունվիկ սիրտը, թոքերն էլ կապո՛ւյտ գույն են առել... Սարսափելի՛ է, — կրկնեց տղան, զարմանալով, որ կազակները չեն զնամանում իր պատմածից, գոնե այսպես եզրակացրեց նա՝ դիտելով Գրիգորիի, խրիստոնյայի ու Տամիլինի անտարբեր ու սառն դեմքերը:

Մխախտը վառելով, տղան նայեց Գրիգորիի ձիու թաց պարանոցին, շնորհակալություն հայտնեց ու վազեց դեպի եզները:

Ճանապարհի կողքին, գարնանային ջրերի փորփրած, ոչ խորունկ մի հեղեղատում, կավախառն հողով հաղիվ ծածկված, ընկել էին թրատված կարմիրգվարդիականների

գիակաները: Երևում էր թուխ-կապտավուն, կապարե մի դեմք՝ շրթունքների վրա մակարդված արյունով, սեին էր տալիս բորիկ մի ոտք՝ բամբակած, կապույտ շալվարի թևով:

— Չեն է՛լ ծածկել... Սրիկանե՛ր,— խուլ շշնջաց Խրիստոնյան ու հանկարծ մտրակելով իր ձին, Գրիգորիից առաջ անցնելով, սլացավ դեպի ներքև:

— Հը՛մ, Գոնի հողում է՛լ արյուն թափվեց,— թուշը ցըն-ցելով ժպտաց Տամիլինը:

XXV

Տատարսկի խուտորի կազակ Մաքսիմկա Գրյազնովը գնդացրորդ էր Բունչուկի մոտ: Նա իր ձին կորցրեց Կուտեպովի ջոկատի դեմ մղված կռվում, այն ժամանակից սկսեց թունդ խմել, թղթախաղով տարվել: Երբ նրա տակ սպանեցին ձին,— հանեց այն ձին, որն ուներ եզան տեսք, մեջքի երկայնքով արծաթավուն մի շերտ,— նա հանեց թամբը, շորս վերստ տարավ այն, ու տեսնելով, որ գլուխը չի պրծացնի կատաղաբար վրա տվող կամավորներից, պոկեց շքեղ կրծապանակը, վերցրեց սանձը և ինքնակամ հեռացավ մարտից: Նա երևան եկավ արդեն Ռոստովում, շուտով զբառնմեկ խաղալով տարվեց իր թրատած յասավուլի արծաթե թուրը, ձեռքին մնացած ձիասարքը, շալվարը, շերտ սապոգները ու տրկլոր գնաց Բունչուկի գնդացրային խումբը: Բունչուկը նրան հազցրեց, խրատեց: Մաքսիմկան գուցեև ուղղվեք, բայց տարիլի 24-ին Ռոստովի մատույցներում սկսված մարտում զենդակը խփեց նրա գլխին, Մաքսիմկայի կապույտ աչքերը բնական շապկի վրա, արյունը աղբյուրի պես հորդեց պահածոյի տուփի նման բացված գանգից: Ասես աշխարհում չէր է՛լ եղել վեշենսկայայի կազակ Գրյազնովը,— անցյալում ձիագողը ու հենց երեկվա մոլի հարբեցողը:

Բունչուկը տեսավ, թե հոգեվարքն ինչպե՞ս է ցնցում Մաքսիմկայի մարմինը, ու գնդացրի փողից հոգատարութայամբ սրբեց արյունը, որ թափվել էր Մաքսիմկայի ծակված գլխից:

Հարկավոր էր անմիջապես նահանջել: Բունչուկը քարշ տվեց գնդացիրը. Մաքսիմկան մնաց տաք գետնի վրա ստու-

շնչու, արևի տակ մնաց նրա թխամեջք մարմինը՝ գլխին քաշած շապկով: (Մեռնելիս շապկիը քաշում էր գլխին, տանջովում էր):

Կարմիրգվարդիականների մի դասակ, որ ամբողջովին կազմված էր թուրքական ռազմաճակատից վերադարձած զինվորներից, դիրք բռնեց առաջին իսկ փողոցահատում: Չմեռային մաշված փափախով մի զինվոր Բունչուկին օգնեց գնդացիրը տեղադրելու, մնացածները փողոցի լայնքով բարեկադի պես մի բան սարքեցին:

— Դե հիմի թող գան,— ժպտաց երկարամորուք մի զինվոր՝ նայելով հորիզոնի կիսաղեղին, որ բլուրի հետևից մտիկ էր երևում:

— Հիմի մենք նրանց կսխկենք:

— Ջարդիր, Սամա՛րա,— բղավում էին մի հաղթանդամ երիտասարդի, որը ցանկապատից տախտակներ էր պոկում:

— Հրե՛ն նրանք: Այստեղ են գալի,— գռչեց մաշված փափախով զինվորը, որ բարձրացել էր օդու պահեստի կտուրի վրա:

Աննան պառկեց Բունչուկի կողքին: Կարմիրգվարդիականները խիտ պառկեցին ժամանակավոր ամրութայան հետեվում:

Այդ ժամանակ աչ կողմից, հարևան փողոցով, ինչպե՞ս արտամիջյան խոպանով անցնող կաքավներ, տասը կարմիրգվարդիական վազեվազ անցան անկյունի տան պատի հետևը: Մեկը բղավեց.

— Վրա՛ են տալի, ճղճը:

Փողոցահատը մի ակնթարթում ամայացավ ու հանդարտվեց, իսկ մի ըոպից հետո, փոշու ամպից առաջ անցնելով, դուրս թռավ հեծյալ մի կազակ՝ գլխարկի վրա սպիտակ կապով, կարաբինը կողքին սեղմած: Նա այնպիսի թափով շուտ տվեց ձին, որ վերջինը պպզեց ետին ոտների վրա: Բունչուկը կարողացավ կրակել նազանից: Կազակը ձիու պարանոցին կպչելով, դեպի ետ սլացավ: Գնդացրի մոտ գտնվող զինվորները տատանման մեջ էին, երկուսը վազեցին ցանկապատի կողքից, պառկեցին դարբասի մոտ:

Նկատելի էր, որ հիմա կընկնեն ու կփախչեն: Մայրահետորեն լարված լուսթյունը, շվարած հայացքները դիմադրու-

Քյուն չէին խոստանում... Իսկ հետագա իրադարձությունից Բունչուկի հիշողության մեջ անջնջելիորեն ու վառ կերպով էրոշմվեց մի պահ: Աննան, գլխակապը ծոծրակին, մազերը գոգզված, հուզմունքից սփրթնած ու անճանաչելի դարձած, վեր թռավ. հրացանն ուղղեց դեպի առաջ, նայեց շուրջը, ու ձեռքով ցույց տալով այն տունը, որի հետևում չքացել էր կազակը, նույնպես անճանաչելի, բեկվող ձայնով բղավեց՝ «Իմ ետևից»,— ու վազեց սայթաքելով, անհաստատ:

Բունչուկը ոտքի ելավ: Նրա բերանը ծոմովեց անասելի ճիշդից: Պոկեց մոտիկ զինվորի հրացանը, ու ոտների սարսափելի դող զգալով, շնչասպառ վազեց Աննայի հետևից՝ գոռալու, կանչելու, վերադարձնելու, անզոր լարվածությունից գեմքը սևացած: Լսեց իրեն հետևող մի քանի մարդու հևոցը, ու իր ամբողջ էությունը զգաց ինչ-որ մի սոսկալի, անուղղելի բան, ինչ-որ հրեշավոր վախճանի մոտեցումը: Այդ ակնթարթում նա արդեն հասկացավ, որ Աննայի վարմունքն անզոր է մնացածներին առաջ մղելու, անիմաստ է, անմիտ, անհաջողություն է դատապարտված:

Տան անկյունի մոտ դեմառդեմ հանդիպեց վրա տվող հեծյալ կազակներին: Նրանց կողմից — անկանոն համազարկ: Կնդակների սվավոց: Աննայի նապաստակային ողորմելի ճիշքը, Եվ ահա նա ընկնում է գետնին, ձեռները պարզած, աչքերը խելահեղ արտահայտություն ունեն: Բունչուկը շտեսավ, թե ինչպես կազակները ետ դարձան, շտեսավ, թե ինչպես այն տասնութ զինվորները, որոնք իր գնդացրի մոտ էին, Աննայի պոռթկումով բորբոքված, թշուր էին կազակներին: Աննան, միայն Աննան էր նրա աչքերի առաջ, թպրտում էր նրա ոտների մոտ: Անդգայացած ձեռներով նրան կողքի շուռ տվեց, որ վերցնի ու տանի, տեսավ ձախ կողից հոսող արյունը ու կապույտ կոֆտայի ծվենները, որ կախվել ու ճռվում էին վերքի շուրջը,— հասկացավ, որ վերքը պայթող գնդակից է, հասկացավ, որ Աննան մեռնելու է, ու մահ տեսավ նրա մթնած աչքերում:

Մեկը նրան դեն հրեց: Աննային տարան մոտակա բակը, պանկեցրին զով տեղում, մարագի ծածկի տակ:

Մաշված փափախով զինվորը բամբակի փաթիլներ էր խոթում վերքի մեջ ու դեն շպրտում, դրանք ուռճանում ու

սնանում էին արյունից: Ուշքի գալով, Բունչուկն արձակեց Աննայի կոֆտայի կոճակները, պատռեց իր շապիկը, ու կտավի կտորները սեղմելով վերքին, տեսնում էր, թե ինչպես արյունը պղպշակներ է արձակում անցքի մեջ թափանցող օդից, տեսնում էր, թե ինչպես է կապուտկել ու գունաթափվել Աննայի դեմքը ու ինչպես է տանջանքից դողում նրա սևացած բերանը: Շուրթերը օդ էին կլանում, իսկ թոքերը շնահեղձ լինում. օդը թափանցում էր բերանի ու վերքի միջով: Բունչուկը պատռեց նրա շապիկը, չքաշվելով մերկացրեց մահացու քրտինքով պատած մարմինը: Վերքը մի կերպ ծածկեցին տամպոնով: Մի քանի րոպեից հետո վերադարձավ Աննայի գիտակցությունը: Փոս ընկած աչքերը սև, ուռած կլորակների միջից նայեցին Իլյային ու ծածկվեցին գողգոռան արտևանունքներով:

— Զո՛ւր, այրվում եմ,— ճշաց Աննան ու թպրտաց, լացեց:— Ապրե՛լ, Ի՛լյա-ա-ա... սիրելիս... Աա՛աա:

Բունչուկն ուռած շուրթերը հպում էր նրա բորբոք այտերին, բաժակից ջուր էր լցնում կրծքին: Զուրը ծայրեծայր լցվում էր անբակների փոսերի մեջ, րոպեսպես գոլորշիանում: Մահացու տաքությունը կիզում էր Աննային: Բունչուկը որքան էլ ջուր էր լցնում նրա կրծքին, նա թպրտում էր, գալարվում:

— Շո՛գ է... Կրա՛կ...

Ուժասպառ, հետզհետե սառելով, պարզ լսվող բառերով սասց.

— Ի՛լյա, ինչո՞ւ, է՞: Ա՛յ, տեսնում ես, թե ինչպես պարզ է ամեն ինչ... Տարօրինակ ես դու... Սարսափելի պարզ է... Ի՛լյա... Սիրելիս, դու մայրիկիս մի կերպ... Դու գիտես...— Նա կիսաբաց աչքերը, որոնք նեղացել էին ինչպես ծիծաղի ժամանակ, և փորձելով հաղթահարել ցավն ու սարսափը, խոսեց անհասկանալի, կարծես խեղդվելով.— Սկզբում զգում ես... ցնցում ու այրվածք... Այժմ վառվում է ամեն ինչ... Զգում եմ, որ մեռնում եմ...— ու կնճռտվեց՝ տեսնելով Բունչուկի ձեռքով արված դառն, բացասական նշանը.— Թող, ներսս արյուն է լցվում... պլերաս ուռել է արյունից... ծանր է... Ա՛խ, որքան ծանր է շնչել...

Մեջեմեջ խոսում էր արագ ու երկար, կարծես աշխատում էր արտահայտել այն ամենը, ինչ որ ճնշել էր իրեն: Բունչուկն անհուն սարսափով նկատեց, որ նրա դեմքը սպիտակում է, դառնում թափանցիկ, քունքերի մոտ դեղնություն է առաջանում: Նայեց ձեռներին, որոնք անկյանք ընկած էին մարմնի կողքին, տեսավ, որ եղունգները հասունացող դամբուլի նման կարմրակապույտ գույն են ստանում:

— Ջո՛ւր... Կրժքիս... Այրվում եմ:

Բունչուկը վազեց մոտակա տունը՝ շուր բերելու վերագառնալով, ծածկի տակ էլ շսեց Աննայի հեծկտոցը: Ցածրացած արևը ընկել էր վերջին շղաձգությունից փակված բերանին, վերքին սեղմված, դեռևս տաք, մոմագույն ձեռքին: Դանդաղորեն իրար սեղմելով Աննայի ուսերը, Բունչուկը քիչ բարձրացրեց նրան, մի բույս նայեց սրված քթին, քթարմատի սևացած, փոքրիկ պեպեններին, գզգզված, սև հոնքերին, տեսավ ակնաբիրբերի մարող փայլը: Անճարակորեն ետ ընկած զլուխը ավելի ու ավելի էր կախվում աղջկական բարակ պարանոցի վրա, կապույտ երակի մեջ երակազարկը վերջին զարկերն էր հաշվում:

Բունչուկը շուրթերը հպեց մեռնողի սև, կիսախուփ կուպին, կանչեց.

— Ընկե՛րս, Ա՛նյա,— ելավ, ու կտրուկ շուռ գալով, գնաց մարմնի անընկանորեն ուղիղ դիրքով, առանց շարժելու ազդրերին սեղմած ձեռները:

XXVI

Այդ օրերին նա ապրում էր ինչպես տիֆային զառանցանքում: Քայլում էր, մի բան անում, ուտում, քնում, բայց այդ ամենը կատարվում էր կարծես կիսաքուն, թմրեցուցիչ ու շքշք մեցնող վիճակում: Խեղադար, ուռած աչքերով անտարբեր նայում էր շուրջը փոված աշխարհին, չէր ճանաչում ծանոթներին, նայում էր ինչպես թունդ հարբած կամ քայքայիչ հիվանդությունից հենց նոր ապաքինված մարդը: Աննայի մահվան օրից նրա դպացումները առժամապես բթացել էին, ոչինչ չէր ուզում, ոչինչ չէր մտածում:

— Կեր, Բունչուկ,— առաջարկում էին ընկերները, և նա

ուտում էր՝ ծանր ու ծուլորեն շարժելով ծնոտները, բութ նայելով մի կետի:

Նրան հսկում էին, խոսում հիվանդանոց ուղարկելու մասին:

— Դու հիվանդ ես,— հետևյալ օրը նրան հարցրեց գնդացրորդներից մեկը:

— Ո՛չ:

— Հապա ինչո՞ւ ես այդպես: Տխրո՞ւմ ես:

— Ո՛չ:

— Լավ, ծխենք: Նրան հիմա էլ ետ շես բերի, աղբերս: Այդ բանի վրա ուժերդ մի՛ վատնի:

Գալիս էր քնելու ժամանակը, նրան ասում էին.

— Պառկիր քնելու ժամանակն է:

Պառկում էր:

Չորս օր նա մնաց իրականությունից առժամապես հեռա այդ վիճակում: Հինգերորդ օրը փողոցում նրան հանդիպեց Կրիվոշիկովը, բռնեց նրա թևքից.

— Ըհ՛ր, ահա և դու, իսկ ես քեզ փնտրում եմ:— Կրիվոշիկովը շփտեր, թե ինչ էր պատահել Բունչուկին, ու բարեկամաբար թփթփացնելով նրա ուսին, անհանգիստ ժրպտաց:— Դու ինչո՞ւ ես այդպես: Հո չե՞ս խմել: Լսե՛լ ես, որ արշավախումբ է գնում հյուսիսային օկրուգները: Իհարկե, ընտրված է հինգի հանձնաժողով: Ֆյոդորն է տանում: Հույսը միայն հյուսիսային կազակների վրա է: Այլապես տանուլ կտանք: Բանը վատ է: Դու կգնա՞ս: Մեզ ազիտատորներ են հարկավոր: Կգնա՞ս, թե ինչ:

— Այո,— կարճ պատասխանեց Բունչուկը:

— Հիանալի է: Վաղը ճանապարհվում ենք: Անցիր Օուլով պապի մոտ, նա մեզ մոտ աստղագետ է:

Լիակատար հոգեկան ընկճվածության նախկին վիճակում Բունչուկը պատրաստվեց ճանապարհվելու և հետևյալ օրը, մայիսի 1-ին մեկնեց արշավախմբի հետ:

Այդ ժամանակ Դոնի սովետական կառավարության համար հանգամանքները պարզապես սպառնական բնույթ էին ստանում: Ուկրաինայից գալիս էին գերմանական օկուպացիոն զորքերը, ստորին ստանիցաներում և օկրուգներում ծայր էր առել կոնտրոկոլյուցիոն խռովությունը:

Ձմեռանոցներում թրևում էր Պոպովը՝ այնտեղից սպառնալով նովոռոսկերկասկին։ Սովետների մարզային համագումարը, որ սկսվել էր պարիլի սկզբին, Ռոսստովում, հաճախակի ընդհատվում էր, որովհետև ապստամբած շերկասցիները մտնեցին էին Ռոստովին ու գրավում նրա արվարձանները։ Միայն հյուսիսում, Խոպերի և Ուստ-Մեդվեդիցկի օկրուգներում էին վառվում ռևոլյուցիայի օջախները և հենց դեպի նրանց շերմությանն էին ձգտում Պոպովը և մնացածները, որոնք կորցրել էին իրենց հավատը Դոնի ստորին ավազանի կազակության օգնության նկատմամբ։ Մորիլիզացիան վիժեց, ու Պոպովը, որ վերջերում ընտրվել էր Դոնի ժողովմասովետի նախագահ, Լագուտինի նախաձեռնությամբ որոշեց մեկնել հյուսիս, որպեսզի այնտեղ ճակատայինների երեք-չորս գունդ հավաքեր և ուղարկեր գերմանացիների ու Դոնի ստորին ավազանի կոնտրռևոլյուցիայի դեմ։

Ստեղծեցին հինգի արտակարգ մորիլիզացիոն հանձնաժողով՝ Պոպովի գլխավորությամբ։ Ապրիլի 29-ին գանձարանից վերցրին տասը միլիոն ռուբլի ոսկով ու Նիկոլայի փողով՝ մորիլիզացիայի կարիքների համար, դրամարկը պահպանելու համար, հապճեպորեն մի ջոկատ կազմեցին՝ գլխավորապես Կամենսկու նախկին տեղական զորախմբի կազակներից, վերցրին մի քանի հոգի կազակ ագիտատորներ, ու մայիսի 1-ին, արդեն գերմանական սավառնակների ուժերակոծության տակ արշավախումբը ճանապարհվեց Կամենսկու ուղղությամբ։

Երկաթուղիները բռնված էին Ուկրաինայից նահանջող կարմիրզավարդիականների էշերոններով։ Ապստամբ կազակները պայթեցնում էին կամուրջները, գնացքների խորտակումներ էին կազմակերպում։ Ամեն առավոտ նովոռոսկերկասկ — Կամենսկայա երկաթգծի վրա երևում էին գերմանական սավառնակները, պատվում էին ուրուրների երամի պես, ցածրանում. կարճ ճարճատում էին գնդացիները, էշերոններից դուրս էին թափվում կարմիրզավարդիականները, հաճախակի ճայթում էին կրակոցները, կայարաններում խարամի հոտը խառնվում էր պատերազմի, ոչնչացման նեխահոտի հետ։ Սավառնակները աներևակայելի բարձրության էին հասնում, իսկ հրածիզները դեռ երկար դատարկում էին փամփուշտների

արկղները, գնացքի կողքից քայլողների սապոգները մինչև կոճիկը թաղվում էին դատարկ պարկուճների մեջ։ Ավազը ծածկվում էր դրանցով, ինչպես ձորակը նոյեմբերին՝ կաղնու ոսկե սաղարթով։

Անշափ ավերածություն էր տիրում ամենուրեք. երկաթգծերի կողքին ածխացել էին վառված ու ջարդված վագոնները, հեռագրասյունների վրա շաքարի պես սպիտակին էին տալիս բաժակները, որոնք պատած էին կտրված հաղորդալարերով։ Շատ տներ քանդված էին, երկաթգծերի կողքի վահանակները ջարդված ու տարված էին, — ասես մորիլին էր այդ արել...

Արշավախումբը հինգ օր մի կերպ գնում էր Միլերովոյի ուղղությամբ։ Վեցերորդ օրվա առավոտյան Պոպովը հանձնաժողովի անդամներին կանչեց իր վագոնը։

— Այսպես գնալու էլ ուժ չկա։ Եկեք թողնենք մեր բոլոր բեռները ու գնանք երթական կարգով։

— Ի՞նչ ես ասում, — բացականչեց զարմացած Լագուտինը, — մինչև երթական կարգով հասնես Ուստ-Մեդվեդիցա, սպիտակները մեր վրայով կանցնեն։

— Մի քիչ հեռու է, — կմկմաց նաև Մրիխինը։

Կրիվոշիկովը, որ նոր էր հասել արշավախմբին, լռում էր. փաթաթվում շինելով, որի մերակները գունաթափվել էին։ Դողերոցքը տանջում էր նրան, խինինից դժուր էին ականջները, գլուխը ցավում էր, այրվում։ Նա չէր մասնակցում հարցի քննարկման, կորացած նստել էր շաքարով լցված պարկի վրա, ու դողերոցքից մշուշված աչքերով շարացած նայում էր Ջինկային, — Պոպովի զբաժին, — սպիտակ, կրծքեզ, լիթևաբարո մի կնոջ, որին Պոպովը վաղ իր հետ տանում էր «գլուխ քրոջ» անվան տակ։ Ջինկան նույնպիսի հակարանք էր առաջացրել նիհար Կրիվոշիկովի մեջ. հաստ ոտներ տարածած, թեյի արկղին թիկնած, Ջինկան ծխում էր, փոքրիկ ու պինդ ատամներով ծամծամում պապիրոսը և զայրացուցիչ կերպով, լկտիաբար ժպտում։ Առաջին իսկ հանդիպման օրից նրանք միմյանց դեմ սուր հակակրանք զգացին։ Կրիվոշիկովը հարմար պահի էր սպասում, որպեսզի նախատեր Պոպովը վառվեր և վագոնից դուրս շարտեր այդ նողկանքը։

— Կրիվոշիկով, լեզուդ հո չի՞ կապվել, — շոր տոնով

հարցրեց Պողոտյուկովը՝ գլուխը շարձրացնելով քարտեզից:

— Ի՞նչ ես ուզում:

— Չե՞ս լսում ինչի մասին ենք խոսում: Պետք է երթա-
կան կարգով գնալ, թե չէ մեզանից առաջ կանցնեն, կկորչեն: Դու ի՞նչ ես կարծում: Դու մեզանից ավելի ուսումով ես, ասա:

— Երթական կարգով կարելի կլիներ, — բառերը շեշտե-
լով խոսեց Կրիվոշիկովը, բայց հանկարծ գալլի պես շխչելի-
կացրեց ատամները, ու դողէրոցքի մուրացրով բռնված, թեթի
դողացրեց: — Կարելի կլիներ, եթե բեռը քիչ լիներ: Միայն կա-
նանց համար էլ տեղ չի լինի սայլերի վրա: Թող կորչե՛ն, է՛:
Սա ահա հարց եմ բարձրացնում, որ նրանց դուրս գցենք:

— Թող, է՛, Միխայիլ, — շփոթված խնդրեց Պողոտյու-
կովը:

— Ո՞նց թե «թող», — շխչելիկացնելով ատամները ու
նկատելով լագուտինի մեղմ, խրախուսելի ժպիտը, ասաց Կրի-
վոշիկովը: — Կարիք չկա կանանց ման ածել այսպիսի մո-
մենտում:

Զինկան տեղից վեր թռավ: Ասես ծուխ էր լցվել նրա կա-
պույտ աչքերը:

— Բո՛ւ փողով չեմ գնում, թուկից փախածի մեկը: Գնա՛,
սրբարթա՛:

— Հապա՛, ձեռք կտրի՛:

— Մե՛ծ բան ես, էլի, խչնդատ: Բոսո՛տ աֆիցեր:

— Բավական է, — խոստարեն, ինչպես շարքում, գոռաց
Պողոտյուկովը և բռունցքը բարձրացրեց Զինկայի վրա: —
լախ, հա՛ւա, թե չէ ժազերից կբռնեմ դուրս կշարտեմ:

Զինկան գայրալթից դողացնելով դունգները, լռեց: Պողո-
տյուկովը տաքացած դիմեց լագուտինին:

— Իսկ դու մի ծպտա պոռնիկ կնկա պես: Ի՞նչ ես ատամ-
ներդ բաց անում: Դու ինձ մարդավարի ասա, թե ինչո՞ւ չի
կարելի երթալիս կարգով գնալ:

Դուան մոտ բացեց մարզի քարտեզը: Մրիխինը պահում
էր դրա անկյունները: Քարտեզը փոփոռում էր ամպամած արև-
մուտքից փշող քամուց, խշշալով պոկվում ձեռներից:

— Ա՛յ թե ոնց կգնանք, տե՛ս: — Պողոտյուկովի մատը,
որ դեղնել էր ծխախոտից, շեղակի սահեց քարտեզի վրա: —

Տեսնո՞ւմ ես մասշտաբը: Հարյուր հիսուն վերստ, ամենաշա-
տը երկու հարյուր: Հը՛:

— Դե, ճի՛շտ է, էլի, գրողը տանի, — համաձայնեց լա-
գուտինը:

— Դու ի՞նչ կասես, Միխայիլ:

Կրիվոշիկովը սրանեղությամբ թոթվեց ուսերը:

— Սա չեմ առարկում:

— Հիմի կգնամ կազակներին կասեմ, որ իջնեն վագոն-
ներից: Կարիք չկա ժամանակ կորցնել:

Մրիխինը սպասողաբար նայեց բոլորին ու առարկություն
չլսելով, վագոնից դուրս թռավ:

Այն գնացքը, որով գնում էր Պողոտյուկովի արշավխում-
բը, այդ մոայլ, անձրևոտ առավոտյան կանգնել էր Բելայա
Կալիտվայի մերձակայքում: Բունչուկը պառկած էր իր վագո-
նում, ամբողջովին ծածկվել էր շինելով: Կազակները հենց
այստեղ թեյ էին եռացնում, քրքջում, կատակներ անում:

Վայնկա Բոլդիրյովը, — Միգուլինսկու մի կազակ, մաս-
խարա ու լեզվանի մի մարդ, ձեռ էր առնում իր գնդացրորդ
ընկերոջը:

— Իգնատ, դու ո՞ր նահանգից ես, — հնչեց նրա խոսքոտ,
թութունից փշացած ձայնը:

— Տամբովի նահանգից, — մեղմ ու թավ ձայնով պա-
տասխանեց հեզ Իգնատը:

— Երեի Մարշանսկից ես, հը՛:

— Չէ, Շացկից:

— Հը՛մ... շացկեցիները քաջ տղերք են. տուրուղմբոցի
ժամանակ յոթ հոգին անվախ դուրս կգան մեկի գեմ: Ձեր
պուզում չէ՞ր, որ մատաղ անելիս հորթը վարունգով մոր-
թեցին:

— Դե լավ, հերիք է, էլի՛:

— Ա՛խ, չէ՛, ես մոռացա, այդ դեպքը ձեզ մոտ չի եղել:
Ձեզ մոտ, կարծեմ, եկեղեցու ծակ ու ծուկը բիշիով են ծած-
կել, հետո ուղեցել են սիսեռի վրա այն գլորել սարի տակ:
Այդպիսի բան եղե՞լ է:

Թեյամանը եռաց, և դա Իգնատին առժամ ազատեց Բոլ-
դիրյովի կատակներից: Բայց հենց որ նստեցին նախաճաշ-
ու, Վայնկան էլի սկսեց:

— Իգնատ, դու խոզի միսը լավ չես ուտում: Չե՞ս սիրում, հը՞:

— Չէ՛, ոչինչ:

— Հրե՛ս, ա՛ն քեզ խոզի պոչը: Համով է:

Պայթեց ծիծաղը: Մեկի խոչափողի մեջ ուտեստի կտոր ընկավ ու նա երկար, ճոճալի հազում էր: Իրար անցան: Ուտեցը խփում էին հատակին, իսկ մեկ ընկածից հետո լավեց Իգնատի խեղդվող ու բարկացկոտ ձայնը:

— Ինքդ զխտվիր, սարսաղ: Ձհաննամը գնա քո պոչը:

— Իմը չէ, խոզի պոչն է:

— Մեկ է, մուռտառ է:

Բուրդիրովի անտարբեր, խոպոտ ձայնը վրա է բերում.

— Մուռտառ է-է՛-է: Գժվե՛լ ես ինչ է: Զատիկին օրհնել են սա: Ասա, որ վախում ես պասոզ բաց անել...

Բուրդիրովի հայրենակիցը (նույն ստանիցայից), գեղեցիկ շեկլիկ մի կազակ, որ ստացել էր գեորգևյան բուրդ շորս խաշերը,— խրատում է.

— Ձե՛ն քաշի, Իվան: Մուժիկի գլխին փորձանք կբերես: Պոչը կուտի ու մի ամբողջ խոզ կուզենա: Այստեղ դա ո՞րտեղից գտնես:

Բունչուկը պառկել էր աչքերը փակած: Նա չէր լսում խոսակցությունը և նախկին, կարծես նույնիսկ ուժեղացած ցավով ապրում էր իր վիշտը: Փակ աչքերը պղտոր մուժում նրա առաջ պատվում էր ձյունապատ տափաստանը՝ հեռավոր հորիզոնին կոթնած անտառների մթին լանջերով. նա ասես զգում էր սառը քամին ու իր կողքին տեսնում Աննային, նրա սև աչքերը, գողտրիկ բերանի քնքուշ ու կորովի գծերը, քթարմատի մանրիկ պեպենները, ճակատի խոհուն կնճիոր... Նա չէր լսում Աննայի շուրթերից պոկվող բառերը. դրանք անհասկանալի էին, ընդհատվում էին ինչ-որ մեկի օտար խոսքերով, ծիծաղով, բայց ակնաբերների փայլից, կեռ արտևանունքների գողից գլխի էր ընկնում, թե ինչի մասին է խոսում Աննան... Եվ ահա մի ուրիշ Աննա. կապուտկած ու դեղնած, այտերի վրա սառած արցունքների շերտերով, սրված քթով ու շուրթերի ահավոր-տանջալից ծալով:

Բունչուկը կռանում, համբուրում է սառած աչքերի սև խոռոչները: Նա հեծկլտաց, ձեռքով փակեց բերանը, որ զսպի

հեկեկանքը: Աննան ոչ մի բոլոր չէր թողնում նրան. Աննայի կերպարը չէր անհետանում, չէր աղոտում ժամանակի ընթացքում: Նրա դեմքը, մարմինը, քայլվածքը, շարժումները, միմիկան, հոնքերի խաղը,— այս ամենը մաս-մաս վերամիավորվելով, կազմում էր ամբողջական, կենսաթրթիռ Աննան. Բունչուկը վերհիշում էր սենտիմենտալ ոռոմանտիզմով լեցուն նրա խոսքերը, այն ամենը, ինչ որ ապրել էր նրա հետ: Եվ վերապատկերման այդ աշխուժությունից տասնապատկվում էին Բունչուկի տանջանքները:

Նրան արթնացրին, երբ լավեց վագոններից իջնելու հրամանը: Նա վեր կացավ, անտարբեր կերպով պատրաստվեց, իջավ: Հետո օգնում էր իրերը բռնաթափելու: Նույնպիսի անտարբերությամբ սալլ նստեց, մեկնեց:

Անձրև էր մաղվում: Թրջվել էին ճանապարհի կողքի ցածրիկ խոտարույսերը:

Տափաստան, Բլրակների վրա ու ձորակներում — քամիների սանձարձակ արշավ: Հեռու և մոտիկ խուտորներ, նորագյուղեր: Հետևում — շոգեքարշերի ծուխ, կայարանային շենքերի կարմիր քառակուսիներ: Բելայա Կալիտվայում վարձված ավելի քան քառասուն սալլերը ձգվել էին ճանապարհով: Զիբերը դանդաղ էին գնում: Կավախառն-սևահողային ճանապարհը անձրևից փափկած, դժվարացնում էր ընթացքը: Ցիբը կաշում էր անիվներին, բամբակի սև փաթիլների նման փաթավում դրանց: Առջևից ու ետևից խմբերով գնում էին Բելայա Կալիտվայի շրջանի հանքափորները: Կազակական կամայականությունից դեպի արևելք էին փախչում: Իրենց հետ տանում էին ընտանիքները, աղքատիկ իրեղներ:

Գրաչի կիսակայարանի մոտ Ռոմանովսկու և Շչադենկոյի կարմիրգվարդիականների քայքայված ջոկատները հասան նրանց: Մարտիկների դեմքերը սփթնած էին, մարտերից,— անբնությունից ու զրկանքներից տանջված: Շչադենկոն մոտեցավ Պողոտյուկովին: Անգլիական ձևի կտրած բեղերով ու բարակ, կոկլիկ քթով նրա գեղեցիկ դեմքը հյուժված էր: Բունչուկն անցավ նրանց կողքից, լսեց, թե ինչպես Շչադենկոն հոնքերը կիտելով, բարկացկոտ ու հոգնածորեն ասում էր.

— Ի՞նչ ես ասում ինձ: Բա ես չե՞մ ճանաչում իմ տղե-

բանց: Գործերը վատ են, գերմանացիներն էլ մեղադրեցին, անխիժով են նրանք: Հիմի ի՞նչ պիտի դուրս գաս:

Նրա հետ խոսելուց հետո Պողոտյուկովը մտալլված ու կարծես մի փոքր շփոթված, հասավ իր բրիչկային, սկսեց հուզված ինչ-որ բան ասել տեղից քիչ բարձրացած Կրիվոշիկովին: Հետամուտ լինելով նրանց, Բունչուկը տեսավ, թե ինչպես Կրիվոշիկովը հենվելով արմունկին, թափահարեց ձեռքը, մի քանի խոսք ասաց, ու Պողոտյուկովը զվարթացավ, թռավ բրիչկայի վրա, բրիչկայի կողքը ճքճքաց վեց փթանոց հրետանավորի տակին. կառապանը մտրակեց ձիերը, այս ու այն կողմ ցնխի կտորներ թռան:

— Քշի՛ր,— գուցե Պողոտյուկովն աչքերը կհոցած, քամու առաջ բանալով կաշվե կուրտիկան:

XXVII

Արշավախումբը մի քանի օր գնում էր Դոնեցի օկրուգի խորքերը, դեպի Կրասնոկուտսկայա ստանիցան: Ուկրաինական գյուղերի բնակչությունը միշտ էլ արտաքաց էր դիմավորում ջոկատին, հաճույքով վաճառում էր կենսամթերքներ, ձիերի կեր, ապաստան էր տալիս, բայց հենց որ հարց էր բարձրանում մինչև Կրասնոկուտսկայա ձիեր վարձելու մասին, ուկրաինացիները վարանում էին, քորում ծոթրակները ու կորականապես հրաժարվում:

— Կա՞վ փող ենք վճարում, էլ ինչո՞ւ ես քիթդ շուռ տալի,— հարցրեց Պողոտյուկովը մի ուկրաինացու:

— Ի՞նչ անեմ, իսկ ինձ համար կյանքս հո փողից էժան չի՞:

— Մեր ինչի՞ն է պետք քո կյանքը, դու վարձով տուր քո ձիերն ու սայլը:

— Չէ, չեմ կարող:

— Ինչո՞ւ չես կարող:

— Դուք հո կազակների գե՞մ եք գնում:

— Է՛հ, ի՞նչ կա որ:

— Կարող է մի փորձանք պատահի, ես ի՞նչ գիտեմ էլ ինչ: Բա ես ո՞նց շափստում իմ անասուններին: Չիերս կկորչեն, հետո ես ի՞նչ անեմ: Չէ՛, աղբեր, ինչ կուզես արա, չեմ տա:

Որքան մոտենում էին Կրասնոկուտսկի հողին, այնքան անհանգիստ էին դառնում Պողոտյուկովն ու մյուսները: Բնակչությունը սրամազրույթյան մեջ էլ օրոջ փոփոխություն էր նկատվում. եթե առաջին գյուղերում բնակիչները ուրախություն էին հյուրասիրության մեջ, ընդունում, ապա մյուս գյուղերում նրանք բացահայտ անբարյացակամություն ու թերահավատություն էին վերաբերվում արշավախմբին: Դժկամորեն էին մթերք վաճառում, խուսափում էին հարցերին պատասխանելուց: Գյուղի երիտասարդությունը խայտարդետ խմբերով այլևս չէր շրջապատում արշավախմբի սայլերը, ինչպես այդ լինում էր սկզբում: Բնակիչները մտալլ, հակակրահան հայացքներով էին նայում պատուհաններից, շտապում էին դրանցից հեռանալ:

— Բա դուք քրիստոնյաներ չե՞ք, ա՛յ տնաշեններ,— վրդովված հարցնում էին արշավախմբի կազակները,— ի՞նչ եք գրիլ պես մեզ նայում:

Իսկ Նագոլինսկու վոլոստի գյուղերից մեկում Վայնիկա Բուդիրյովը սառն ընդունելությունից հուսալքված, նայելով իր շուրջը, թե մեծերից մեկնումեկը հո չի՞ մոտենում, հրապարակում փափախել խփեց գետնին, խուպոտ գոռաց:

— Մարդի՛կ եք դուք թե սատանաներ: Ի՞նչ եք սեղվել, ձեր հերն սնիծվի: Չեր իրավունքների համար արյուն ենք թափում, իսկ դուք աչքերիդ առաջ մեզ չեք տեսնում: Ամոթ է, աղբեր, ձեռք աչքերիդ դրանից: Հիմի, ընկերներ, հավասարություն է, էլ կազակներ ու խախուններ չկան, նոթերը կիտելու կարիք էլ չկա: Հենց հիմի հավ ու ձու բերեք, Նիկոլայի փող ենք վճարում:

Վեց հոգի ուկրաինացիներ, լսելով, թե ինչպես է դայրանում Բուդիրյովը, կանգնել էին գլխիկոր, ինչպես գութանին լծված ձիեր:

Նրա տաք խոսքերին ոչ մի բառով չպատասխանեցին:

— Ոնց որ խախուններ էիք, այնպես էլ մնացիք, անխիժվածներ: Այ կտորվե՛ք դուք, գրողի տարածներ: Խոլերան էլ չի կպչում ձեզ, քոսոտ բուրժույններ:— Բուդիրյովը մի անգամ էլ գետնին զարկեց իր կիսամաշ փափախք, շառագունեց անսահման արհամարհանքից:— Չորհոգի մարդիկ եք, ձմռանը մի կտոր ձյուն էլ ուզես, չեք տա:

— Հերի՛ք վովաւս, է՛,— միայն այսքանն ասացին ուրախացինքը՝ ցրվելով այս ու այն կողմ:

Այդ նույն գլուղում տարեց մի ուկրաինուհի հարցուփորձ էր անում կազակներից մեկին.

— Դրո՛ւստ է, որ դուք ամեն բան պիտի թալանեք ու բոլոր մարդկանց կոտորեք:

Կազակը իսկույն պատասխանեց.

— Դրուստ է: Ոչ թե բոլորին, այլ բիձաներին կսխկենք:

— Օ՛յ, տեր աստված, ախր նրանք ձեր ինչին են պետք:

— Մենք նրանց կաշայով ենք ուտում. հիմի ոչխարը կանաչ է ուտում, միսը համով չի, իսկ երբ որ քավթառ մարդուն կաթսայի մեջ ես գցում, լավ կերակուր է դուրս գալի...

— Երևում է, որ դուք հանաք եք անում:

— Նա սուտ է ասում, քիքիր, փշում է,— մեջ մտավ Մրիխինը:

Ու դեմառդեմ շարաշար կոթեց կատակողին.

— Հասկացիր, թե ոնց և ում հետ պետք է հանաք անելու Այդ տեսակ հանաքների համար Պողոտյուկովը կշարդի քո մոտե՛ք: Ի՞նչ ես խառնակչութիւն գցում, հը՛, Չէ՛ որ սա իսկապես լուր կտարածի, թե մենք կոտորում ենք ծերունիներին:

Պողոտյուկովը երկար շէր կանգ առնում հանգստանալու և գիշերելու: Անհանգստութիւնով դեպի առաջ էր ձգտում: Կրասնոկուտսկայա ստանիցայի հողը մտնելու նախօրյակին նա երկար խոսեց կազուտինի հետ, մտքերի փոխանակութիւն ունեցավ.

— Մենք, իվան, հեռու չպետք է գնանք: Կհասնենք Ուստ-Խոպերսկայա ստանիցան, կանցնենք գործերին: Զորահավաք կհայտարարենք, հարյուրական ուրբի ոռճիկ կնշանակենք, բայց այն պայմանով, որ գան իրենց ձիերով ու հանդերձանքով,— չպետք է դես ու դեն շարտել ժողովրդական փողը: Ուստ-Խոպերից կգնանք վերև,— քո Բուկանովսկու, Սլաշևսկու, Ֆեդոսեևսկու, Կումիլժենսկու, Գլազունովսկու, Սկուրիշենսկու վրայով: Մինչև Միխայլովկա հասնենք, մ' դիվիզիա կունենանք: Կհավաքե՛նք, հը՛:

— Հավաքելը կհավաքենք, եթե այնտեղ ամեն ինչ հանդիստ է:

— Դու կարծում ես այնտեղ է՛լ է սկսվել:

— Ի՞նչ իմանաս,— կազուտինը թիմարեց փոքրիկ մորուքը, բարակ, կերկերուն ձայնով նվազ.

— Ուշացել ենք, է՛... Վախենում եմ ժամանակին չհասնենք, Ֆեդյա: Սպաներն այնտեղ իրենց գործն են անում: Պետք է շտապել:

— Առանց այդ էլ շտապում ենք: Դու մի՛ վախենա: Մենք չպետք է վախենանք,— Պողոտյուկովի աչքերը խստացան,— այսքան մարդ ենք տանում, էլ վախս ո՞րն է: Կանցնենք, կհասնենք: Երկու շաբաթից հետո սպիտակներին էլ կշարդեմ, գերմանացիներին էլ: Վա՛յ նրանց օրին, երբ վրա տանք Դոնի հողից,— ու մի փոքր լռելով, ազահութիւնով պապիրոսը, արտահայտեց իր թաքուն միտքը.— Եթե ուշանանք, կկործանվենք թե մենք և թե Դոնի սովետական իշխանութիւնը: Օ՛, երանի թե շուշանանք: Եթե սպայական ապրստամբութիւնը մեզանից առաջ հասնի այնտեղ, ամեն ինչ կորած է:

Մյուս օրվա երեկոյան արշավախումբը մտավ Կրասնոկուտսկայա ստանիցայի հողը: Պողոտյուկովը, որ կազուտինի ու Կրիվոշիկովի հետ նստած էր առջևի սայլերից մեկին, դեռ Ալեքսեևսկի խուտորը չհասած, տեսավ տափաստանում արածող մի նախիր:

— Եկ հարցուփորձ անենք նախարապանին,— առաջարկեց նա կազուտինին:

— Գնացե՛ք,— համաձայնեց Կրիվոշիկովը:

Կազուտինն ու Պողոտյուկովը իշան սայլից, քայլեցին դեպի նախիրը: Արևից խանձաված արոտավայրը ծածկված էր գորշ խոտաբույսերով: Խոտը փարթում շէր, տրորված էր սրմբակներով, միայն ճանապարհի մոտ դեղին, մանր թփեր էր արձակել կանճրակը ու շրշում էր խիտ, հյութալի խոպուկը: Չեղբի մեջ փշրելով խիտ շորացած բարձվենյակի գլխիկը, ներշնչելով նրա սուր, դառն հոտը, Պողոտյուկովը մոտեցավ նախարապանին:

— Բարև, բիձա, ո՞նց ես:

— Փառք աստծո:

— Արածացնում ես, էլի՛:

— Արածացնում եմ:

Սերունին խոժոռվելով, նայում էր խիտ, սպիտակած հոնքերի տակից, ճոճում մահակը:

— Է՛հ, ո՞նց եք ապրում,— տվեց Պողոտյուկովը սովորական հարցը:

— Ոչինչ, աստժո օգնությամբ ապրում ենք, էլի:

— Այստեղ ձեզ մոտ ի՞նչ նորություններ կան:

— Ոչինչ չենք լսել: Իսկ դուք ի՞նչ մարդիկ եք:

— Զինվորականներ ենք, տուն ենք գնում:

— Ո՞րտեղացի եք:

— Ուստ-խոսպերցի:

— Այն Պողոտյուկինը ձեզ հետ չի՞:

— Մեզ հետ է:

Նախրապանը թունդ գունատվեց, երևի վախեցավ:

— Ինչո՞ւ վախեցար, բիձա:

— Բա ո՞նց, ձե՛զ մատաղ, ասում են, թե դուք կտորում եք բոլոր ուղղափառներին:

— Սուտ է: Ո՞վ է այդպիսի լուրեր տարածում:

— Երեկ չէ մյուս օրը ժողովում ատամանն ասաց: Լսել էր թե թուղթ էր ատացել, որ Պողոտյուկինը գալիս է կալմիկներով, բուլոբին սրի են քաշում:

— Զեզ մոտ արդեն ատամաննե՞ր կան,— կագուտինը հարևանցի նախեց Պողոտյուկովին:

Սա իր դեղին ժանիքներով կծոտեց խոտի մի ցողունը:

— Անցած օրը ատաման ընտրեցին: Սովետին վերջ տվին:

Կագուտինը ուզում էր էլի մի բան հարցնել, բայց քիչ հեռու ահագին, շալտիկ մի ցուլ թռավ կովի վրա, ճզմեց նրան:

— Կշարդի անիծվածը,— անհանգստացավ նախրապանը և իր հասակին անհամապատասխան աշխուժությամբ վազեց դեպի նախիրը՝ վազելիս գոռալով.— Նաստենկայի կովն է, հա՛-ա... Կշարդի... Ո՞ւր... Ո՞ւր ես քշում, անտեր...

Պողոտյուկովը լայն թափահարելով թևերը, քայլեց դեպի սայլը: Տնտեսարար կագուտինը կանգ առավ, անհանգիստ նախեց լղարիկ կովին, որին ցուլը կորացրել էր մինչև գետին, ու այդ ակնթարթում ակամա մտածեց. «Ախր կշարդի, է՛, գուցե և շարդել է: Թյո՛ւ, շար սատանա»:

Միայն համոզվելով, որ կովը ցուլի տակից անվնաս դուրս

եկավ, նա գնաց դեպի սայլերը: «Ի՛նչ ենք անելու, մի՞թե Գոնի մյուս կողմումն էլ մեջտեղ են եկել ատամանները»,— մտքում ինքն իրեն հարցրեց նա: Բայց նրա ուշադրությունը դարձյալ մի բուրբ գրավեց ճանապարհի մոտ կանգնած հիանալի, ազնվացեղ ցուլը: Սա հոտ էր քաշում մի մեծ, լայնագավակ, սև կովից, շարժում էր լայն ճակատով գլուխը: Նրա բոխաղը կախվել էր մինչև ծնկները, երկար, հուժկու և ամրապինդ մարմինը պրկված էր լարի նման: Կարճ ոտները ցցերի պես խրվել էին փափուկ հողի մեջ, ու ակամա դիտելով ցեղային այդ ցուլը, աչքերով փաղաքշելով նրա կարմիր, դեղնաշիկավուն բծերով երանգավորված բուրդը, կագուտինը անհանգիստ մտքերի պարսում հոգոց հանելով, կանգ առավ հետևյալ մտքի վրա. «Երանի մեր ստանիցայում այդպիսի մի բուղա լինել: Թե չէ մեր բուղաները մանր են»: Այս միտքը կառչել էր նրան ուղեղից, երբ նա քայլում էր, բայց արդեն մոտենալով սայլին ու տեսնելով կազակների թթված դեմքերը, նա միտք էր աճում, թե հիմա իրենք ինչ երթուղով պետք է գնան:

Տենդից հյուժված, երազող ու բանաստեղծ Կրիվոշիկովը Պողոտյուկովին ասաց.

— Մենք հեռանում ենք. կոնտրոլուցիոն ակթից, ձրգտում ենք նրա առաջը կտրել, իսկ նա արդեն անցնում է մեր վրայով: Երևում է, որ նրանից առաջ չենք անցնի: Գնում է արագ, ինչպես մակընթացությունը ցածրադիր տեղում:

Թվում է, որ հանձնաժողովի անդամներից միայն Պողոտյուկովին էր հաշվի առնում ստեղծված իրադրության ամբողջ բարդությունը: Նա նստել էր դեպի առաջ թեքված, ամեն բուրբ բղավում էր կառապանի վրա.

— Արա՛գ քշիր:

Հետին սայլերի վրա երգեցին ու լռեցին: Այնտեղից աղաղակ էր լսվում, անիվների երգից էլ բարձր հնչում էր ծիծաղը:

Նախրապանի հաղորդած տեղեկությունները հաստատվեցին: Ճանապարհին արշավախմբին հանդիպեց ճակատային մի կազակ, որը իր կնոջ հետ գնում էր Սվեչնիկով խուտորը: Նա ոստդիրներով ու գրխարկանիչով էր: Պողոտյուկովը նրան հարցուփորձ արավ ու է՛լ ավելի մոռյվեց:

Անցան Ալեքսեանկի խուտորից: Անձրև էր մաղվում: Երկինքը մթազնում էր: Միայն արևելքում ամպերի արանքից երևում էր շեղակի արևով ողողված լազուր երկնքի մի կտոր:

Հենց որ մի բլրակից սկսեցին իջնել Ռուբաշկին՝ ուկրաինական գյուղը, այնտեղից մարդիկ վազ տվին հակադիր կողմը, արագ սլացավ մի քանի սայլ:

— Փախչում են: Մեզանից վախենում են... — շփոթվելով ասաց կագուտինը՝ նայելով մյուսներին:

Պողոտյուկովը գոչեց.

— Վերադարձրե՛ք նրանց: Ետ կանչեցեք, է՛, գրո՛ղը տանի:

Սայլերի վրա կազակները վեր էին թռչում, թափահարում գլխարկները: Մեկը հնչեղ ձայնով գոռաց.

— է-հե՛յ... Ո՛ւր եք գնում... Սպասեցեք...

Արշավախմբի սայլերը արագ մտան գյուղ: Լայն, ամալացած փողոցում սուրում էր քամին: Բակերից մեկում մի պառավ ուկրաինուհի ճղճղալով, բարձեր էր գցում սայլի վրա: Նրա ոտաբոբիկ, զլխաբաց ամուսինը բռնել էր ձիերի սանձը:

Ռուբաշկինում իմացան, որ իշկանատեղ գտնելու համար Պողոտյուկովի ուղարկած մարդը գերվել է կազակական պարեկի կողմից ու տարվել բլրի մյուս կողմը: Ըստ երևույթին կազակները հեռու չէին: Կարճ խորհրդակցությունից հետո որոշվեց ետ գնալ: Պողոտյուկովը, որ սկզբում պնդում էր, թե պետք է առաջ գնալ, տատանվեց:

Կրիվոշիկովը լռում էր, տենդը նորից սկսել էր ցնցել նրան:

— Գուցե առա՛ջ գնանք, — հարցրեց Պողոտյուկովը Բունչուկին, որ ներկա էր խորհրդակցության:

Բունչուկը անտարբերությամբ թոթվեց ուսերը: Նրա համար բոլորովին միևնույն էր, — առաջ գնալ թե ետ, միայն թի շարժվել, միայն թե ազատվեր իրեն կրնկակոխ հետապնդող վշտից: Սայլի մոտ ետ ու առաջ քայլելով, Պողոտյուկովը ասաց, թե ավելի լավ է ընթանալ դեպի Ուստ-Մեդվեդիցա: Բայց կազակ ագիտատորներից մեկը կտրուկ ընդհատեց նրան.

— Գժվե՛լ ես, ինչ է: Ո՛ւր ես տանելու մեզ: Կոնստրուկտուցիոններին մո՛տ: Հանաք շանես, հա՛-ա: Ե՛տ կգնանք:

Չենք ուզում կորչել: Այն ի՞նչ է, տեսնո՞ւմ ես, — նա ցույց տվեց բլուրը:

Բուրը նայեցին այդ կողմը. մի փոքրիկ կուրգանի վրա պարզ ուրվագծվում էին երեք ձիավոր:

— Նրանց պարեկն է, — բացականչեց կագուտինը:

— Հրեն, էլի ուրիշները:

Բուրի վրա ձիավորներ էին շարժվում: Նրանք խմբվում էին, ցրվում, շքանում բուրի հետևում ու նորից երևում: Պողոտյուկովը ետ գնալու հրաման տվեց: Անցան Ալեքսեանկի խուտորը: Այնտեղ էլ բնակչությունը, որին ակներևաբար նախազգուշացրել էին կազակները, տեսնելով արշավախմբի մոտեցող սայլերը, սկսեցին թաքնվել ու դես-դեն փախչել:

Իջնում էր մթնշաղը: Տաղտակալի, մանր, ցուրտ անձրև էր գալիս: Մարդիկ թրջվել ու դողում էին: Քայլում էին սայլերի կողքից, հրացանները պատրաստ պահած: Ճանապարհը անցնելով բլրալանջից, իջնում էր մի՛ ձորահովիտ, ձգվում դրա միջով ու ոլորապտույտ բարձրանում բլրակի վրա: Բարձրադիր տեղերում երևում ու շքանում էին կազակական պարեկները: Նրանք ուղեկցում էին արշավախմբին՝ լարելով կազակների առանց այն էլ ջղային տրամադրությունը:

Ձորահովիտը լայնակի կտրող ձորակներից մեկի մոտ Պողոտյուկովը թռավ սայլից, կարճ հրամայեց մյուսներին՝ պատրաստվե՛լ կրակելու, և իր հեծելազորային կարարինի պահպանակը ետ անելով, քայլեց սայլի կողքից: Ձորակում կապույտին էր տալիս ամբարտակին դեմ արած գարնանային ջուրը: Լճակի ափերի տիղմը ծածկված էր ջրելու համար բերված անասունների հետքերով: Փլված ամբարտակի լանջին աճել էր քոլախոտ ու պատատուկը, ներթևեմ, ջրի ափին — վտիտ բոշխը, անձրևի տակ շրշում էր սրատերև ձղկին: Պողոտյուկովը կարծում էր, որ կազակները դարանակալել են այստեղ, բայց դեպի առաջ ուղարկված հետախույզները ոչինչ չհայտնաբերեցին:

— Ֆյոդոր, — դու հիմա մի՛ սպասիր նրանց, — շնչաց կրիվոշիկովը՝ սայլից կանչելով Պողոտյուկովին, — հիմա նրանք շեն հարձակվի: Գիշերը կհարձակվեն:

— Ես է՛լ եմ այդպես կարծում:

Արևմուտքում խտանում էին ամպերը: Մթնում էր: Հեռո՞ւ-հեռովում, Դոնի շրջակայքում գալարվում էր կայծակը, վերավորված թռչունի թևի պես թպրտում նարնջաշող փայլակը: Այն կողմում դալուկ փայլում էր հրացուլքը՝ ամպի սև փեշով կիսով չափ ծածկված: Տափաստանը որպես մի բաժակ, որ ծայրեծայր լեցուն էր անդորրությամբ ու մեղմիկ խոնավությամբ, ձորակների ծալքերում թաքցրել էր ցերեկվա տխուր, անդրադարձ ցուլքերը: Այդ երեկոն ինչ-որ մի բանով աշնանային երեկոսներն էր հիշեցնում: Անգամ խոտաբույսերը, որ դեռ չէին ծաղկել, թռչնածուծյան աննկարագրելի, մեռելային բույր էին ճառագայթում:

Պողոտյուկովը քայլելիս հոտոտում էր թրջված խոտաբույսերի բազմապիսի, անորոշ բուրմունքը: Երբեմն-երբեմն նա կանգ էր առնում, մաքրում կրունկներին կպած ցեխը. շտկվելով, ծանր ու հոգնածորեն տանում էր իր ահագին մարմինը, սվավացնում առջևից բուրբուկին բացված բաճկոնի թաց կաշին:

Արդեն գիշերով ժամանեցին Պոլյակով-Նագուլինսկայա վոլոստի Կայաշնիկով խուտորը: Թողնելով սայլերը, զոբախմբի կազակները ցրվեցին խրճիթները՝ գիշերելու համար: Հուզված Պողոտյուկովը կարգադրեց ուղեկալներ կարգել, բայց կազակները դժկամորեն էին հավաքվում: Երեք հոգի հրաժարվեցին դրանից:

— Դատե՛լ դրանց ընկերական դատով: Մարտական հրամանը չկատարելու համար զնդակահարե՛լ, — տաքանում էր Կրիվոշիկովը:

Անհանգստությունից հուսալքված, Պողոտյուկովը դառնությամբ թափահարեց ձեռքը.

— Ճանապարհին բարոյալքվել են: Չե՛ն պաշտպանվի: Կորանք մենք, Միշատկա...

Կագուտինը դժվարությամբ հավաքեց մի քանի հոգի, խուտորից դուրս դետքեր ուղարկեց:

— Չքնեք, տղերք: Կհարձակվեն մեզ վրա, — խրճիթից խրճիթ անցնելով, համոզում էր Պողոտյուկովը իրեն ամենամոտիկ կազակներին:

Ամբողջ գիշեր նա նստեց սեղանի մոտ, գլուխը ձեռներին վրա կախած, ծանր ու խռպոտ շնչելով, ինչպես հիվանդ կենդանին: Լուսաբացից առաջ, մեծ գլուխը սեղանին դրած, մի քիչ քնեց, բայց նրան իսկույն արթնացրեց հարևան տնից եկած Ռոբերտ Ֆրաշենբրուդերը: Սկսեցին պատրաստվել ճանապարհվելու: Արդեն լուսանում էր: Պողոտյուկովը խրճիթից դուրս ելավ: Հաշտում նրան հանդիպեց կովը կթող տանտիրուհին:

— Բլուրի վրա ձիավորներ են ման գալի, — անտարբեր ասաց տանտիրուհին:

— Ո՞րտեղ:

— Հրե՛ն, խուտորից դենը:

Պողոտյուկովը դուրս թռավ. բլուրի վրա, խուտորը և ծառաստանները պատած մշուշի բարակ, սպիտակ վարագույրից դեն կազակների թվաշատ ջոկատներ էին երևում: Նրանք շարժվում էին վարգելով ու թեթև քառատրոփով, շրջապատում խուտորը, պիրկ սեղմում օղակը:

Շուտով զորախմբի կազակները սկսեցին հավաքվել Պողոտյուկովի սայլի մոտ, այն տան բակում, ուր նա կանգ էր առել:

Եկավ միգուլինցի Վասիլի Միրոշնիկովը՝ ամրակազմ, քյաքուլավոր մի կազակ: Նա Պողոտյուկովին մի կողմ կանչեց, հոնքերը կիտելով ասաց.

— Այ թե ինչ, ընկեր Պողոտյուկով... Հիմի դելեգատներ եկան նրանց կողմից, — նա ձեռքով ցույց տվեց բլուրի կողմը, — հրամայեցին հայտնել քեզ, որ մենք իսկույն վար դենք մեր զենքերը և անձնատուր լինենք: Այլապես նրանք հարձակման են անցնում:

— Դո՛ւ... Շան որդի... Այդ ի՞նչ ես ասում ինձ, — Պողոտյուկովը բռնեց Միրոշնիկովի շինելի ծայրերից, դեն շարտեց նրան և վազեց դեպի սայլը. վերցրեց հրացանը, խռպոտ, կոշտացած ձայնով դիմեց կազակներին.

— Անձնատուր լինել, հա՞... Կոնտրոնուլուցիայի հետ ի՞նչ խոսակցություններ կարող են լինել: Մենք պայքարում ենք նրանց դեմ: Իմ հետևի՛ց: Շղթա՛ կազմել:

Մարդիկ բակից դուրս թափվեցին: Խմբով վազեցին խու-

տորի ծայրը: Վերջին տնհրի մոտ հանձնաժողովի անդամ Մրիխինը հասավ շնչասպառ Պողոտյուկովին:

— Սա ի՞նչ խայտառակություն է, Պողոտյուկով: Մենք պետք է կովե՞նք հենց մեր եղբայրների հետ, արյո՞ւն թափենք, հը՞: Թո՞ղ, առանց դրան էլ համաձայնություն կգանք:

Տեսնելով, որ զորախմբի միայն մի աննշան մասն է հետևում իրեն, խոհեմաբար հաշվի առնելով, որ կովելու դեպքում պարտությունն անխուսափելի է, Պողոտյուկովը լուռ դուրս գցեց հրացանի փակադակը և թույլ թափահարեց գլուխարկը:

— Թողնե՛լ, տղերք: Ետ դարձեք, մտեք խուտոր...

Վերադարձան: Ամբողջ ջոկատը հավաքվեց երեք կից բակերում: Շուտով խուտորում երևացին կազակները: Բլուրից իջավ քառասուն ձիավորից բաղկացած մի ջոկատ:

Միլյուտինսկու ժերունիների հրավերով Պողոտյուկովը գնաց խուտորից դուրս, անձնատվության պայմանների մասին բանակցելու: Հակառակորդի հիմնական ուժերը, որոնք շրջապատել էին խուտորը, չէին թողնում դիրքերը: Ճանապարհին Բունչուկը հասավ Պողոտյուկովին, կանգնեցրեց նրան:

— Անձնատո՞ւր ենք լինում:

— Անճարը կերել է բանջարը... Ի՞նչ... Դե, ի՞նչ կարող ես անել:

— Մեռնե՞լ ես ուզում,— Բունչուկն ամբողջովին ցրեցվեց:

Ուշադրություն չդարձնելով Պողոտյուկովին ուղեկցող ժերունիների վրա, նա բարձր, խուլ ձայնով գռչեց:

— Ասա, որ մենք զենքերը շենք հանձնի... Դու հիմա մեր պետք չես: Ո՞ւմ հետ ես խորհրդակցել: Ո՞ւմ համաձայնություն մտնում ես գնում մեզ մատնելու:— Բունչուկը կտրուկ շուռ եկավ ու, թափահարելով բոունցքի մեջ սեղմած նագանը, ետ դարձավ:

Վերադառնալով, փորձեց կազակներին համոզել, որ ճեղքեն հակառակորդի օդակը և կովելով գնան դեպի երկաթուղին, բայց մեծամասնությունը պարզապես հաշտվողական տրամադրություն ուներ: Ոմանք դեմքերը շուռ էին տալիս Բունչուկից, ոմանք էլ թշնամաբար հայտարարում էին:

— Գնա կովիր, աղբեր, իսկ մենք մեր հարազատ եղբայրների հետ շենք կովի:

— Մենք նրանց առանց զենքի է՛լ կվստահենք:

— Սուրբ զատիկն է, իսկ մենք արյո՞ւն թափենք, հը՞: Բունչուկը մոտեցավ ամբարի մոտ կանգնած իր բրիչկացին, շինելը փոքեց դրա տակ, պառկեց՝ ձեռքից բաց շթղեկով ատրճանակի քյարթավոր կոթը: Սկզբում նա մտածեց փախչել, բայց նրան զզվեցնում էր թաքուն հեռանալը, դասալքությունը, ու մտքում դրանից ձեռք քաշելով, սպասում էր Պողոտյուկովի վերադարձին:

Երեք ժամից հետո Պողոտյուկովը վերադարձավ: Օտար կազակների մի հսկայական բազմություն նրա հետ մտավ խուտոր: Ոմանք գալիս էին ձի նստած, մյուսները՝ ոտով, ձիերի սանձերը բռնած, ոմանք էլ գալիս էին առանց ձիերի, շրջապատելով Պողոտյուկովին ու փոխ-յասավուլ Սպիրիդոնովին, որը առաջ նրա հետ ծառայել էր մի մարտկոցում, իսկ այժմ զխավորում էր Պողոտյուկովի արշավախումբը բռնող խառն ջոկատը: Պողոտյուկովը բարձր էր պահում զուխը, քայլում էր ուղիղ և աշխույժ, կարծես չափից ավելի խմած լիներ: Սպիրիդոնովը ինչ-որ բան էր ասում նրան, թեթև ու նենգաբար ժպտում: Նրա հետևից գալիս էր ձիավոր մի կազակ, կրծքին սեղմելով լայն, սպիտակ դրոշակի կոթը, որ անփույթ կերպով էր ունդած:

Փողոցը և բակերը, ուր կուտակված էին արշավախմբի սայլերը, լցվեցին վրա հասած կազակներով: Աղմուկը միանգամից սաստկացավ: Եկածներից շատերը ծառայել էին Պողոտյուկովի զորախմբում գտնվող կազակների հետ: Հնչեցին ուրախ բացականչությունները, ծիծաղը:

— Թյու, հայրենակից, այդ ո՞ր քամին բերեց քեզ:

— Բարև, է՛, բարև, Պրոխոր, ո՞նց ես:

— Փառք աստծո:

— Քիչ մնաց ես ու դու զարկվեինք: Հիշո՞ւմ ես, թե կովի մոտ ոնց էինք թշում ավատրիացիներին:

— Քավո՞ր, Դանիլո, ա՛յ քավոր: Քրիստոս հարյավ:

— Օրհնյալ է հարությունն Քրիստոսի,— լսվում էր համբույրի հնչուն շպոցը. երկու կազակ բեղերը կոկելով, նայում էին միմյանց, ժպտում, թփթփացնում մեկմեկու ուսին:

Իրանց կողքին՝ մեկ այլ խոսակցութիւն.

— Մենք իսկի պասերս էլ չբացինք...

— Բայց ախր դուք բոլշեիկներ եք, ձեզ համար ի՞նչ պաս:

— Դե, շատ է՛լ բոլշեիկներ ենք, բայց հավատում ենք աստծուն:

— Պա՛հ, սուտ չե՞ս ասում:

— Աստված վկա:

— Իսկ խաչ ունե՞ս:

— Հրե՛ս, ա՛յ,— ու հաղթանդամ, լայնադեմ կարմիր-զվարդիական կազակը շուրթերն ուռցնելով, արձակեց վերնաշապկի կոճակները, հանեց բրոնզե, մազոտ կրծքին կախված, խունացած պղնձե խաչը:

«Նոսովարար Պողոտյուկովին» բռնող ջոկատների հետ եկած ծերուկները, որոնք զինված էին եղաններով ու կացիներով, զարմացած նայում էին իրար.

— Բա ասում էին, թե դուք ձեռ եք քաշել քրիստոնեական հավատից:

— Միթե՞մ դուք սատանային եք հանձնվել...

— Լուրեր կային, թե դուք թալանում եք եկեղեցիները ու աշխարհում տերտերներին:

— Սուտ բան է,— վստահորեն հերքում էր լայնադեմ կարմիրզվարդիականը,— ձեզ ստեր են կերցնում: Ռոստովից դուրս գալուց առաջ ես եկեղեցի եմ գնացել ու ճաշակվել:

— Ա՛յ քեզ բա-ա-ան,— ուրախացած ծափ տվեց ինչ-որ լղարիկ մի ծերուկ, որը զինված էր կոթը կիսով շափ կտրված նիզակով:

Աշխույժ խոսակցութիւնները դժժում էին փողոցում ու բակերում: Բայց կես ժամից հետո մի քանի կազակ, որոնցից մեկը Բոկովսկայա ստանիցայի վախմիսոր էր, հոծ բազմութեան մեջ ճանապարհ բաց անելով, քայլում էին փողոցում:

— Ովքեր Պողոտյուկովի ջոկատից են, հավաքվեցեք ստուգման,— բղավում էին նրանք:

Փոխ-յասավուլ Սպիրիդոնովը, որ պաշտպանական գույնի վերնաշապիկով ու նույն գույնի ուսադիրներով էր, հանեց գլխարկը՝ ջարդած շաքարի կտորի պես սպիտակին տվող սպայական գլխարկանիշով, ու դառնալով բոլոր կողմերը, բղավեց.

— Բոլորդ, ովքեր Պողոտյուկովի ջոկատից եք, անցեք ձախ կողմը, ցանկապատի մոտ: Մնացածները՝ աչ կողմը: Մենք, ձեր ճակատային եղբայրները, ձեր դեկզացիայի հետ միասին որոշեցինք, որ դուք պետք է բոլոր զենքերը հանձնեք մեզ, որովհետև բնակչութիւնը վախենում է ձեզանից, երբ դուք զինված եք: Հրացանները և մնացած զենքերը դարսեցեք ձեր սայլերի վրա, դրանք միասին կպահպանենք: Մենք ձեր ջոկատը կուղարկենք Կրասնոկուտսկայա, այնտեղ, սովետում դուք լրիվ կստանաք ձեր զենքերը:

Կարմիրզվարդիական կազակների մեջ խուլ հուզմունք սկսվեց: Բակից ճշոցներ էին լսվում: Կումշատսկայա ստանիցայի կազակ Կորոտկովը գոռում է.

— Չե՛նք տա:

Խուլ, սուր դժժոց փողոցում, բակերում, որոնք լիքն են մարդկանցով:

Սկզբը կազակները անցան աչ կողմը, ու փողոցի մեջտեղում ցաք ու ցրիվ բազմութեամբ մնացին Պողոտյուկովի ջոկատի կարմիրզվարդիականները: Կրիվոշլիկովը շինելը ուսերին գցած, շփոթված նայում էր շուրջը: Լագուտինը ծըրմըռում էր շրթունքները: Տարակուսանքով լի խոսակցութիւններ սկսվեցին:

Բունչուկը, որ հաստատապես որոշել էր չհանձնել զենքը, հրացանը պատրաստ պահած՝ արագ մոտեցավ Պողոտյուկովին:

— Զենքերը չենք հանձնի, լսո՛ւմ ես:

— Հիմա ուշ է... — շշնջաց Պողոտյուկովը՝ ձեռքում ջղած-գարբար ճմլելով ջոկատի ցուցակը:

Այդ ցուցակն անցավ Սպիրիդոնովի ձեռքը: Վերջինս հարևանցիորեն այն կարդալով՝ հարցրեց.

— Այստեղ հարյուր քսանութ մարդ է գրված... Մնացածները ո՞րտեղ են:

— Ճանապարհին ետ են մնացել:

— Ը՛հմ, ա՛յ թե ինչ... էհ, լավ: Հրամայիր, որ ըբերեն զենքերը:

Պողոտյուկովն առաջինը արձակեց պատյանի մեջ դրված նազանը. հանձնելով զենքը, հագիվ լսելի ասաց.

— Յուրս և հրացանս սայլի վրա են:

Սկսվեց զինաթափումը: Կարմիրզավարդիականները ծուրրեն բերում էին զենքերը, ատրճանակները շարտում էին շանկապատից դենը, թաքցնում, անցնում բակերը:

— Բոլոր նրանց, ովքեր շեն հանձնի զենքերը, խուզարկելու ենք,— ուրախ-զվարթ ժպտալով՝ բղավեց Սպիրիդոնովը:

Կարմիրզավարդիականների մի մասը Բունչուկի զլխավորութայմբ հրաժարվեց հրացանները հանձնելուց. նրանց ուժով զինաթափեցին:

Տազնապ առաջացրեց մի գնդացրորդ, որը խուտորից ձիով փախավ՝ տանելով գնդացրի փակաղակը: Օգտվելով իրարանցումից, մի քանի հոգի անհայտացան: Բայց Սպիրիդոնովն իսկույն պահակներ նշանակեց, շրջապատեց բոլոր մնացածներին, նաև Պողոտյուկովին, խուզարկեց, փորձեց ցուցակով ստուգում կատարել: Գերիները դժկամորեն էին պատասխանում, ոմանք ասում էին.

— էլ ի՞նչ կարիք կա ստուգել, բոլորն էլ այստեղ են:

— Մեզ տարեք Կրասնոկուտսկայա:

— Ընկերներ, վերջացրեք գործը:

Կնքելով դրամարկղը և ուժեղ հսկողութայն տակ այն ուղարկելով Կարգինսկայա, Սպիրիդոնովը գերիներին շարք կանգնեցրեց ու, միանգամից փոխելով իր տոնն ու վարմունքը, հրաման տվեց.

— Երկշարք կանգ-նի՛ր: Չա՛խ դա՛րձ: Աջ ուսն առաջ, քայլով մա՛րշ: Լո՛ւն:

Կարմիրզավարդիականների շարքերից տրտունջ էր լսվում: Քայլում էին անհամաշափ, կամաց, մի քիչ հետո խառնեցին շարքերը և արդեն խռնված էին գնում:

Պողոտյուկովը, որ վերջում յուրայիններին խնդրում էր հանձնել զենքերը, հավանորեն դեռ հույս էր դրել ինչ-որ մի երջանիկ վախճանի վրա: Բայց հենց որ գերիներին խուտորից դուրս տարան, ուղեկցող կազակները սկսեցին ձիերով նեղել կողքից գնացողներին: Մերունի մի կազակ, որ վառ-շիկա-կարմիր մորուքով էր և հնությունից սևացած, ականջից կախված զինդով, մտրակով առանց պատճառի խփեց ձախ կողմից քայլող Բունչուկին: Մտրակի ծայրը դաղեց Բունչուկի

թուշը: Բունչուկը շուռ եկավ, սեղմեց բռունցքները, սակայն երկրորդ, է՛լ ավելի ուժեղ հարվածը, նրան ստիպեց նետվել բազմութայն մեջ: Նա այդ արեց ակամա, ինքնապահպանութայն անասնական բնազդով, ու ընկերների խիտ բազմութայն մեջ նրանց մարմիններով պաշտպանված, Աննայի մահից հետո առաջին անգամ շրթունքները ծամոնց թույլ քրմ-ծիծաղով, զարմանալով, թե յուրաքանչյուրի մեջ որչափ վառ և ուժեղ է ապրելու ցանկությունը:

Սկսեցին ծեծել գերիներին: Մերունիները անզեն թշնամիների դեմ զազանացած, ձիերը քշում էին նրանց վրա, կախվում թամբերից, խփում մտրակներով, թրերով: Մեծի ենթարկվողներից յուրաքանչյուր մեկը ակամա աշխատում էր անցնել բազմութայն մեջտեղը. սկսվեց հրմշտոցը, աղմուկ բարձրացավ:

Դոնի ստորին ավազանի բարձրահասակ, կորովի մի կարմիրզավարդիական թափահարելով ձեռները, գոչեց.

— Միանգամից սպանեցեք, էլի... ինչո՞ւ եք շարշարում:

— Բա ո՞ւր մնաց ձեր խոստումը,— զրնգուն ձայնով ասաց Կրիվոշիկովը:

Մերուկները զսպեցին իրենց: Գերիներից մեկի այն հարցին, թե «Ո՞ւր եք մեզ տանում», ուղեկցորդներից մեկը, մի երիտասարդ ճակատային, որ ըստ երևույթին համակրում էր բոլշևիկներին, ցածրաձայն պատասխանեց.

— Հրամայված է տանել Պոնոմարյով խուտորը: Մի՛ վախենաք, տղերք, ձեզ ոչ մի վատ բան չենք անի:

Հասան Պոնոմարյով խուտորը:

Սպիրիդոնովը երկու կազակի հետ կանգնեց խանութի դռան մոտ. գերիներին մեկ-մեկ ներս թողնելով, հարցնում էր.

— Անո՞ւնդ, ազգանո՞ւնդ: Ո՞րտեղացի ես:— Պատասխանները գրանցում էր կեղտոտված դաշտային տետրի մեջ: Հերթը հասավ Բունչուկին:

— Ազգանո՞ւնդ,— Սպիրիդոնովը մատիտի ծայրը մոտեցրեց թղթին, հարևանցիորեն նայեց կարմիրզավարդիականի մոռյլ, լայնաճակատ դեմքին, ու տեսնելով, թե ինչպես են սեղմվում նրա շրթունքները, պատրաստվելով թքելու,— ամբողջ մարմինը ետ տվեց, գոռաց.

— Անցի՛ր, սրբեկա, առանց արգասեփան է՛լ կտատկեա:

Քանչևևի օրինակով վարակված, շարատասբանեց նաև ստամբուլցի Իգնատը: Ինչ-որ մեկն էլ ուզեց մեռնել առանց ճանաչված լինելու, — լուռ անցավ շեմքից...

Սպիրիդոնովը կողոպտեցով գրակեց դուռը: Պահակ կարգեց:

Մինչդեռ խանութի մոտ բաժանում էին արշավախմբի սայլերից վերջրած մթերքներն ու զենքերը, հարեան տներից մեկում տեղի էր ունենում հապճեպ կազմակերպված քաղմագաշտային դատարանի նիստը: Դատարանը կազմվել էր Պողոտյուկովին բանկրուն մասնակցած խուսաբների ներկայացուցիչներից:

Նախագահում էր թիկնավետ, հոնքերը դեղնավուն մի յասավուլ, — Բեկովսկայա ստանիցայի բնիկ Վասիլի Պոպովը, նա նստել էր սեղանի մոտ, հայելու տակ, որի վրա երեսարդբիչներ էին կախված, արմունկները լայն դրել էր սեղանին, գլխարկը քշտել տափակ ծոծրակին: Նրա դժգույն, բարեհոգութուն ու միաժամանակ խստութուն արտահայտող աչքերը զննողաբար նայում էին կազակների, — գատարանի առդամների դմբերին: Քննարկվում էր պատժի միջոցը:

— Ի՞նչ ենք անելու նրանց, պարոնայք ժեքանիներ, — Պոպովը կրկնեց հարցը:

Թեքվելով, նա ինչ-որ շնչաց իր կողքին նստած փոխյասավուլ Սենինին: Վերջինս իսկույն եեթ գլխով դրական նշան արեց: Պոպովի ակնարիբերը նեղացան, աչքերի անկյուններից շքացան ուրախ շողիկները, ու աչքերը մի ալլ, սառն ու մոռյլ արտահայտություն ստացան, ծածկվեցին նոսր թարթիչներով:

— Ի՞նչ անենք հայրենի երկրի այն գավաճաններին, որոնք գալիս են թալանելու մեք առև ու տեղը և ոչնչացնելու կազակությունը:

Տեղից վեր կացավ Միլյուտինսկայա ստանիցայի հրածես ծերուկ Ֆերայովը, — ասես զսպանակը նրան վերև գցեց:

— Գնդակահարել թուրին: — Նա անհեթեթ կերպով թափահարեց գլուխը. մալազար, խեթ հայացքը ուղղելով բուռբին, խեղդվելով լորձուներից, բղավեց. — չպետք է գութ անել

նրանց, այդ քրիստոսավաճառներին: Նրանցից ովքեր որ չհուղներ են սպանել... Սպանել... Խաչել... Վառել դրանց...

Նրա նոսր մորուքը դողում էր, ալեզարդ, կարմրավուն երանգով բծավորված մազերը զգզված էին: Նա նստեց շնչասպառ, մուգ-աղյուսագույն դմբով, շրթունքները թքոտված:

— Աքսորել: Թե՞ չէ... — տատանվելով առաջարկեց գատարանի աեղամներից մեկը, Գյաչենկոն:

— Խփել, էլի՛:

— Մահվան պատիժ տալ:

— Պաշտպանում եմ այդ կարծիքը:

— Բուրին էլ կախել ժողովրդի աչքի առաջ:

— Մուխոտը ոչնչացնել է պետք:

— Մահվան գատապարտել:

— Գնդակահարել, իհարկե, էլ ի՞նչ խոսք, — ցատկաեց

Սպիրիդոնովը:

Ցուրաքանչյուր ճշոցի վրա յասավուլ Պոպովի բերանի անկյունները ծոմովելով, կորցնելով կուշտ, ինքն իրենից և շքրչապատից գոհ մարդու քիչ առաջվա բարեհոգության արտահայտությունը, ասես կարծրանում էին, գաժան տեսք առնում:

— Գնդակահարել... Գրիր... — հրամայեց նա քարտուղարին, շեղակի նայելով նրան:

— Բա Պողոտյուկովին ու կրիվոշիկովին... այդ թշնամիներին նո՞ւյնպես գնդակահարել... Այդ քիչ է նրանց, — տաքացած բղավեց ամրակազմ, գատամյալ մի կազակ, որ նստել էր պատուհանի մոտ և անդադար բարձրացնում էր հանգչող լամպի պատրույզը:

— Նրանց, որպես պարագլուխների, պետք է կախել, — կարճ պատասխանեց Պոպովը և կրկնեց այդ, դիմեց քարտուղարին. — Գրիր՝ ձերոշում: Մենք, ստորև ստորագրողներս...

Քարտուղարը, որ նույնպես Պոպով էր, յասավուլի հեռավոր ազգականը, թեքելով բաց-շիկահեր, կոկիկ սանրված գլուխը, ճոճացրեց գրիչը:

— Նավթը երևի չի հերիքի... — ավասանքով հոգոց հանեց մեկը:

Լամպը թարթում էր: Պատրույզը ծուխ էր արձակում:

Հուլիսյան մեջ բզզում էր սուստաղի վրա սարդոստայնի մեջ ընկած մի ճանճ, գրիչը բերում էր թուղթը, ֆսաալով ու ծանր շնչում էր դատարանի անդամներից մեկը:

Ո Ր Ո Շ Ո Ւ Մ

1918 թվականի ապրիլի 27-ին (մայիսի 10-ին) Կարգինսկայա, Բուկովսկայա և Կրասնոկուտսկայա ստանիցաների խուտորների կողմից ընտրվածները,—

- Վասիլևսկուց Մակսան Ստեփանը,
 - Բուկովսկուց Կրուժիլին Նիկոլայը,
 - Փոմինից Կոմով Ֆյոդորը,
 - Վերխնե-Յարլոնովսկուց Կուխտին Ալեքսանդրը,
 - Նիժնի-Գուլենսկուց Վինն Լևը,
 - Իլյինսկից Վոլոցկով Սեմյոնը,
 - Կոնկովսկից Պոպով Միխայիլը,
 - Վերխնե-Գուլենսկուց Ռոդին Յակովը,
 - Սավոստյանովից Ֆրոլով Ալեքսը,
 - Միլյուտինսկայա ստանիցայից Ֆերասլով Մաքսիմը,
 - Նիկոլանից Գրոշև Միխայիլը,
 - Կրասնոկուտսկայա ստ.-ից Նյանկին Իլյան,
 - Պոնոմարյով խուտորից Դյաչենկո Իվանը,
 - Նվյանտև Կրիվով Նիկոլայը,
 - Մալախով Նմելյանով Լուկան,
 - Նովոզեմցևից Կոնովալով Մատվեյը,
 - Պոպովից Պոպով Միխայիլը,
 - Աստախովից Շչեգոլկով Վասիլին,
 - Օսլովից Զեկունով Ֆյոդորը,
 - Կլիմո-Ֆեոդորովսկից Զուկարին Ֆյոդորը
- Վ. Ս. Պոպովի նախագահությամբ

Ո Ր Ո Շ Ե Ց Ի Ն

1 Բուլոբ կողոպտիչներին և աշխատավոր ժողովրդին խաբողներին, որոնք հիշատակված են ստորև բերված ցուցակում, թվով ընդամենը 30 մարդ, ենթարկել մահվան պատժի,— զնդակահարման միջոցով, ըստ սրում նրանցից երկուսի՝ Պոդոլյուկովի և Կրիվոշիկովի նկատմամբ, որպես այդ խմբի պարագլուխները,— մահը գործադրել կախելու միջոցով:

2 Միխայլովսկի խուտորի կազակ Անտոն Կալիտվենցովին բավակա-նառափ ապացույցներ չլինելու պատճառով արգարացնել:

3. Պոդոլյուկովի ջոկատից մախած և Կրասնոկուտսկայա ստանիցա-յում ձերբակալված Կոնստանտին Մելնիկովին, Գավրիլ Մելնիկովին, Վա-սիլի Մելնիկովին, Ակսենովին ու Վերչինինին պատժի ենթարկել ըստ սույն որոշման առաջին կետի (մահվան պատժով):

4 Պատիժն ի կատար ածել վաղը, ապրիլի 28-ին (մայիսի 11-ին), առավոտյան ժամը 6-ին:

5 Ձերբակալվածներին հսկելու համար պահակապետ նշանակել փոխ-յասավուլ Սենինին, որի տնօրինության տակ այսօր երեկոյան ժամը 11-ին ուղարկել հրացաններով զինված երկուական կազակ. սույն կետը չկատարելու պատասխանատվությունը դրվում է դատարանի անդամների վրա. պատիժը պետք է ի կատար ածի յուրաքանչյուր խուտորից նշանակ-ված պահակախումբը. զնդակահարման վայրն ուղարկել հինգական կազակ:

Իսկականը ստորագրեցին
Զինվորակ. բաժնի նախագահ՝ Վ. Ս. Պոպով
Քարտուղար՝ Ա. Ֆ. Պոպով

Ց Ո Ւ Ց Ա Կ

Պոդոլյուկովի ջոկատի ծառայողների, որոնք հ. տ. 1928 թ. ապրիլի 27-ին ռազմա-դաշտային դատարանով դատապարտված են մահվան պատժի

№ №	Ստանիցաներ	Անուն և ազգանուն	Դատավճիռ
1	Ուստ-Խոպերսկայա	Ֆյոդոր Պոդոլյուկով	Կախել
2	Նյանսկայա	Միխայիլ Կրիվոշիկով	»
3	Կազանսկայա	Ավրաամ Կակուրին	Գնդակահար.
4	Բուկանովսկայա	Իվան Լազուտին	»
5	Նիժն. Նովգոր. նահ.	Ալեքսեյ Իվ. Օսլով	»
6	Նիժնեգորոդսկ.	Նֆիմ Միխ. Վախտեյ	»
7	Ուստ-Բիստրյանսկ.	Գրիգորի Ֆետիսով	»
8	Միգուլինսկայա	Գավրիլ Տկաչև	»
9	Միգուլինսկայա	Պավել Ազաֆոնով	»
10	Միխայլովսկայա	Ալեքսանդր Բուրնով	»
11	Լուգանսկայա	Կալինին	»
12	Միգուլինսկայա	Կոնստանտին Մրիխին	»
13	Միգուլինսկայա	Անդրեյ Կոնովալով	»
14	Պոլտավայի նահ.	Կոնստանտին Կրիստա	»
15	Կոտովսկայա	Պավել Պոզնյակով	»

№ №	Ստանդիցաներ	Անուն և ազգանուն	Դատավճիռ
16	Միգուլինսկայա	Իվան Բուդիրյով	Քնդակահար.
17	Միգուլինսկայա	Տիմոֆեյ Կուլիչ	»
18	Ֆիլիմ.—Չելբ.	Դմիտրի Վոլոդարով	»
19	Չերնիշևսկայա	Գյորգի Կարպուշին	»
20	Ֆիլիմ.—Չելբ.	Իլյա Կամիկով	»
21	Միգուլինսկայա	Սավելի Ռիբնիկով	»
22	Միգուլինսկայա	Պրիկարպ Գուբով	»
23	Միգուլինսկայա	Իգնատ Ջեմլյակով	»
24	Միգուլինսկայա	Իվան Կրավցով	»
25	Ռոստով	Նիկիֆոր Ֆլորովսկի	»
26	Ռոստով	Ալեքսանդր Կոնովալով	»
27	Միգուլինսկայա	Պյոտր Վիխլյանցև	»
28	Կրեցկայա	Իվան Ջոտով	»
29	Միգուլինսկայա	Նվդոկիմ Բաբկին	»
30	Միխայլովսկայա	Պյոտր Սվինցով	»
31	Դորրինսկայա	Իլլարիոն Չելոբիտչիկով	»
32	Կազանսկայա	Կլիմենտի Դրոնով	»
33	Իլովլինսկայա	Իվան Ավիլով	»
34	Կազանսկայա	Մատվեյ Սակմատով	»
35	Նիժնե-Կոսմոյարս.	Գյորգի Պուպկով	»
36	Տերնովսկայա	Միխայիլ Ֆերալով	»
37	Խերսոնի նահ.	Վասիլի Պանտելեյմոնով	»
38	Կազանսկայա	Պարֆիրի Լյուբուխին	»
39	Կլեցկայա	Դմիտրի Շամով	»
40	Ֆիլինովսկայա	Սաֆոն Շարոնով	»
41	Միգուլինսկայա	Իվան Գուբարյով	»
42	Միգուլինսկայա	Ֆլորյա Արակունով	»
43	Լուզանսկայա	Կուզմա Դարչևով	»
44	Գունդորովսկայա	Իվան Իզվարին	»
45	Գունդորովսկայա	Միլոն Կալինովցև	»
46	Միխայլովսկայա	Իվան Ֆրաֆոնով	»
47	Կոտովսկայա	Սելգեյ Գորբունով	»
48	Նիժնի-Չիրսկայա	Պյոտր Ալան	»
49	Միգուլինսկայա	Պրակոպի Օուլով	»
50	Լուզանսկայա	Նիկիտա Շեին	»
51	Ստ. Մեխանիկ ՌՊՏԳ	Ալեքսանդր Ցասենսկի	»
52	Ռոստով	Միխայիլ Պոլյակով	»
53	Ռազդորսկայա	Դմիտրի Ռոգաչև	»
54	Ռոստով	Ռոբերտ Ֆրաշենբրուզեր	»
55	Ռոստով	Իվան Սիլենդեր	»

№ №	Ստանդիցաներ	Անուն և ազգանուն	Դատավճիռ
56	Սամարայի նահ.	Կոնստանտին Նֆիմով	Քնդակահար.
57	Չերնիշևսկայա	Միխայիլ Օվլինիկով	»
58	Սամարայի նահ.	Իվան Պիկալով	»
59	Իլովլինսկայա	Միխայիլ Կորեցկով	»
60	Կուշատսկայա	Իվան Կորոտկով	»
61	Ռոստով	Պյոտր Բիրյուկով	»
62	Մ. Ռազդորսկայա	Իվան Կարակով	»
63	Լուկովսկայա	Տիխոն Մոլոտովինով	»
64	Միգուլինսկայա	Անդրեյ Շվեցով	»
65	Միգուլինսկայա	Ստեպան Անիկին	»
66	Կրեմենսկայա	Կուզմա Դիչկին	»
67	Բակլանովսկայա	Պյոտր Կարանով	»
68	Միխայլովսկայա	Սերգեյ Սելիվանով	»
69	Ռոստով	Արտեմ Իվանչենկո	»
70	Միգուլինսկայա	Նիկոլայ Կոնովալով	»
71	Միխայլովսկայա	Դմիտրի Կոնովալով	»
72	Կրասնոկուտսկայա	Պյոտր Լիսիկով	»
73	Միգուլինսկայա	Վասիլի Միրոշնիկով	»
74	Միգուլինսկայա	Իվան Վոլոխով	»
75	Միգուլինսկայա	Ցակով Գարգեն	»

Նրանցից երեքը չեն հայտնել իրենց անձնավորության մասին

Վերջացնելով դատապարտվածների ցուցակի արտագրութունը, բարտուղարը որոշման վերջում իրարից հեռու երկու կիտ զրեց, գրիչը խոթեց կողքի նստածի ձեռքը.

— Ստորագրիր:

Նովո-Չեմցև խուտորի ներկայացուցիչ Կոնովալովը, գերմանական գորշ մահուկից կարված ու կարմիր ծալեր ունեցող օձիքով, տոնական կիտեղը հագին, մեղավորի պես ժպտալով, կոացավ թղթի վրա: Նրա հաստ, կոշտ, սևացած մատները առանց ծավվելու բռնել էին աշակերտական կեղտոտված գրչակոթը:

— Ես այնքան էլ գրագետ չեմ... — ասաց նա՝ ջանադրությամբ ճգնելով «Կ» գլխատառը: Նրանից հետո ստորագրեց Ռուզինը՝ նույնպես անվրատահորեն շարժելով գրչակոթը յարվածութունից քրտնելով.

կնճռոտելով դեմքը: Մի ուրիշը նախապես թափ տալով զըր-
շակոթը, բարձրացնելով և իջեցնելով այն, ստորագրեց՝ ներս
քաշելով ստորագրելու ժամանակ հանած լեզուն: Պոպովը
լայն-լայն, պոչավոր տառերով ստորագրեց իր ազգանունը,
վեր կացավ, թաշկինակով սրբեց քրտնած դեմքը:

— Ցուցակը պետք է կցել որոշման,— հորանջելով
ասաց նա:

— Կալեդինն այն աշխարհում մեզ շնորհակալություն
կասի,— զվարթ ժպտաց Սենինը, տեսնելով, թե ինչպես քար-
տուղարը թանաքից թրջված թիրթր սեղմում է սպիտակաց-
րած պատին,— թանաքը չորացնելու համար:

Ոչ ոք չպատասխանեց կատակին: Լուռ հեռացան խրճի-
թից:

— Տե՛ր Հիսուս...— դուրս գալով, խավար հաշտում հո-
գոց հանեց մեկը:

XXIX

Այդ գիշեր, որը ողորված էր դալուկ-դեղնավուն աստղե-
րի աղոտ լույսով, մարդկանցով լսի-լեցուն փոքրիկ խանու-
թում համարյա ոչ ոք չքնեց: Խոսակցությունները կարճ էին:
Ծանր օդն ու անհանգստությունը խեղդում էին մարդկանց:

Կարմիրզավարդիականներից մեկը իրիկվանից խնդրեց
իրեն դուրս տանել՝ բնական կարիքը հոգալու:

— Բա՛ց արա, ընկեր: Ուզում եմ դուրս գնալ, կարիքիս
համար...

Նա կանգնել էր շավարի միջից դուրս եկած բյազե շապ-
կով, գզգզված մազերով, ոտաբոբիկ. կանգնել էր ու, սևացած
դեմքը կպցնելով բանալու անցքին, կրկնում էր.

— Բաց արա, էլի, ընկեր:

— Քո ընկերը գեղն է,— վերջապես պատասխանեց պա-
հակներից մեկը:

— Բաց արա, աղբերս,— խնդրողը փոխեց դիմելու ձևը:
Պահակը հրացանը հենեց պատին, լսեց, թե ինչպես են
թևերը շփշփացնում վայրի բաղբերը, որոնք թռչում էին գիշե-
րային կեր որոնելու,— ու ծխելով փաթաթած ծխախոտը, շըր-
թունքները մոտեցրեց բանալու անցքին:

— Միգի՛ր տակդ, սիրելիս: Գիշերս շավարդ չի մաշվի:

Իսկ առավոտյան թաց շավարով էլ երկնային արքայություն
կուղարկեն...

— Կորա՛նք, էլի՛,— հուսալքված ասաց կարմիրզավար-
դիականը՝ ետ քաշվելով դռնից:

Նստել էին մեկմեկու թիկնած: Պոպովը մի անկյու-
նում փսփսալով ու մայր հայտնելով, դատարկեց գրպանները,
պատառոտեց մի կույտ թղթադրամ: Այնուհետև հանեց ոտ-
նամանները, հոտ քաշեց քրտինքի հոտ արձակող փաթաթան-
ներից, բոթելով կողքին պառկած Կրիվոշիկովին, ասաց.

— Պարզ է, մեզ խաբեցին: Խաբեցին, ես դրանց մերը...
Վրդովեցուցիչ է, Միխայլո: Հիշում եմ, փոքր տղա էի, հորը՝
հին հրացանով որսի էի գնում Դոնի մյուս կողմը, գնում Լի
անտառի միջով, անտառն էլ ոնց որ կանաչ շաղր... Մոտե-
նում ես լճակին,— բաղերն են նստել: Պատահում էր, որ
վրիպում էի, ու այնքան վրդովվում, որ քիչ էր մնում ճշայի:
Եվ ահա հիմի էլ եմ վրդովված,— վրիպել եմ, երանի թե
Ռոստովից երեք օր առաջ դուրս գայինք, այդ դեպքում այս-
տեղ շանսատակ չէինք լինի: Ամբողջ կոնտրոկուլցիան
շարդուփշուր կանխենք:

Մթության մեջ դառն ժպտալով ու բանալով ատամները,
Կրիվոշիկովն ասաց.

— Ջհաննա՛մը, թող սպանեն: Առայժմ մնենելուց չեմ վա-
խենում... «Միայն մի բանից եմ վախենում, որ այն աշխար-
հում մենք միմյանց չենք ճանաչի...» Այնտեղ, Տեղյա, կհաս-
դիպենք ու մեկմեկու օտար կլինենք... Սարսափելի է...

— Թո՛ղ, է՛,— սրտնեղութամբ վրա բերեց Պոպովը՝
տաք ձեռները դնելով հարևանի ուսերին,— բանն այդ չէ...

Լագուտինը մեկին պատմում էր հայրենի խուտորի մասին,
պատմում էր, թե ինչպես պապը նրան «պոլոզ» էր անվանում
իր երկար գլխի պատճառով և թե ինչպես հենց այդ պապը
մտրակով թակեց իրեն, բռնելով ուրիշի բոստանում:

Ձանազան խոսակցություններ էին տեղի ունենում այն
գիշեր, դրանք անկապ ու կցկուտ էին:

Բունչուկը տեղավորվել էր հենց դռան մոտ, ազահությամբ
ծծում էր դռան ճեղքից թափանցող զով օղը: Պրպտելով իր
ապրած կյանքը, նա հարևանցիորեն հիշեց մորը, ու այրող
ցավով խոցված, դժվարությամբ վանեց մոր վերաբերյալ

միտքը, սկսեց վերհիշել Աննային, մոտիկ անցյալի օրերը... Դա մեծ, խաղաղարար-զվարթագին թեթևություն բերեց: Մահ-վան միտքը ամենից քիչ էր վախեցնում նրան: Հիմա այնպես չէր, ինչպես առաջ, երբ նա ողնաշարի պաղ սարսուռ և մաշող թախիծ էր զգում, մտածելով, որ կխլեն իր կյանքը: Նա պատրաստվում էր մահվան, ինչպես հանգստանալու են պատրաստվում դառն ու տանջալից ճանապարհ անցնելուց հետո, երբ հոգնածությունն այնքան մեծ է, մարմինն այնքան է շարդված, որ այլևս ոչինչ չի կարող հուզել:

Նրանից քիչ հեռու և՛ ուրախ, և՛ տխուր խոսում էին կանանց մասին, սիրո, մեծ ու փոքր բերկրանքների մասին, որ հուզել էին յուրաքանչյուր մեկի սիրտը:

Խոսում էին ընտանիքների հարազատների, մերձավորների մասին... Ասում էին, որ արտերը լավ են աճել. ազոազն արդեն կթաղվի ցորենի արտում ու չի երևա: Ցավով էին խոսում արաղի, ազատության մասին, հայհոյում էին Պողոտյուկովին: Բայց քունն արդեն շատերին ծածկում էր իր սև թեվերով. ֆիզիկապես ու բարոյապես տանջված մարդիկ քնում էին պառկած, նստած, կանգնած:

Արդեն բացվում էր արշալույսը, երբ մեկը,— արթմնի թի երազում,— աղիողորմ լաց եղավ. սարսափելի է, երբ լալիս են շափահաս, կոպիտ մարդիկ, որոնք մանկությունից մոռացել են արցունքների աղի համը: Եվ իսկույն պատառոտվեց խորին լուռությունը, մի քանիսը գոռացին.

- Ձենդ կտրիր, անիծված:
- Ոնց որ կնիկ լինի:
- Լռիր, թե չէ լեզուդ կպոկեմ...
- Ամո՞թ է, տո, ախմախ...
- Մարդիկ քնել են, իսկ նա... Բա դու խիղճ ունե՞ս: Լացողը վեր քաշեց քիթը, խնչեց ու լուեց:

Քար լուռություն: Այստեղ ու այնտեղ առկայծում էին ծխախոտները, բայց մարդիկ չէին խոսում: Զգացվում էր տղա-մարդու քրտնքի, կուտակված առողջ վարմիչների, ծխախոտի հոտը և գիշերը նստած ցողի քաղցրավուն, հաճելի բույրը:

Խուտորում աքաղաղն ազդարարեց լուսաբացի մասին՝ Լավեցին քայլեր, երկաթի շաշյուն:

— Ո՞վ է,— ցածրաձայն հարցրեց պահակներից մեկը:

Հեռվից հազ լավեց, երիտասարդական զվարթ մի ձայն պատասխանեց պահակին.

— Մերոնցից ենք: Գնում ենք Պողոտյուկովի մարդկանց համար գերեզման փորելու: Խանութում բոլորն էլ միանգամից իրար անցան:

XXX

Տատարսկի կազակների մի ջոկատ խորունժի Պետրո Մեխիսովի հրամանատարությունը ապրիլի 28-ի լուսաբացին ժամանեց Պոնոմարյով խուտորը:

Խուտորում թրևում էին Զիրի կազակները, ձիերը տանում էին ջրելու, խմբերով գնում խուտորի ծայրը: Պետրոն ջոկատը կանգնեցրեց խուտորի կենտրոնում, հրամայեց իջնել ձիերից: Մի քանի մարդ մոտեցան նրանց:

- Ո՞րտեղից եք գալի, տղերք,— հարցրեց մեկը:
- Տատարսկից:
- Ուշացել եք... Առանց ձեզ բռնել են Պողոտյուկովին:
- Բա ո՞րտեղ են: Այստեղից նրանց հո չե՞ն տարել:
- Հրե՛ն այնտեղ են,— կազակը ձեռքով ցույց տվեց խանութի թեք կտուրը, ծիծաղեց,— թառել են այնտեղ, ոնց որ հավերը հավանոցում:

Խրիստոնյան, Գրիգորի Մեխիսովը ու էլի մի քանի մարդ վրա հասան:

- Ուրեմս ո՞ւր են ուղարկում նրանց,— հետաքրքրվեց Խրիստոնյան:
- Մեռելների մոտ:
- Ո՞նց թե... Ի՞նչ ես դուրս տալի,— Գրիգորին բռնեց կազակի շինելի փեշից:
- Դու ավելի լավ դուրս տուր, ձերը բարեձենդություն,— հանդգնաբար պատասխանեց կազակը ու փեշը ազատեց Գրիգորի պինդ մատներից.— հրեն, մտիկ արա, նրանց համար արդեն ճլորթի են սարքել,—նա ցույց տվեց կախաղանքը որ պատրաստված էր նրկու վտիտ ուռնիների արանքում:
- Ձիերը տեղավորե՛լ բակում,— հրամայեց Պետրոն:

Ամպերը ծածկեցին երկինքը: Խշշաց նոսր անձրևը: Կազակներն ու կանաչք հոծ խմբերով գնում էին խուտորի ծայրը: Պոնոմարյովի բնակչությունը, որ իմացել էր ժամը 6-ին նշանակված մահապատժի մասին, հաճույքով գնում էր ասես հազվադեպ ուրախ մի բան տեսնելու: Կազակուհիները զուգ-վել-զարգարվել էին, կարծես տոն լիներ. շատերն իրենց հետ տանում էին երեխաներին: Ամբոխը շրջապատեց արոտատեղը, խոնվեց կախաղանի ու երկար, մոտ երկու արշին խորու-թյամբ փոսի շուրջը: Երեխաները վազվզում էին փոսի մի կողմում կուտակված կավախառն հողի վրա. կազակները խմբավում, աշխույժ կերպով զրուցում էին մոտալուտ մահապատժի մասին, կանաչք տխուր փսփսում էին իրար մեջ:

Քնկոտ ու լուրջ դեմքով եկավ յասավուլ Պոպովը: Նա ծխում էր, ծամծմում ծխախոտը՝ բաց անելով պինդ ատամները. խոպոտ հրամայեց պահակախմբի կազակներին.

— Ժողովրդին հեռացրեք փոսից, Սպիրիդոնովին հայտնեցեք, որ բերի առաջին խումբը:— Նայեց ժամացույցին ու անցավ մի կողմ, տեսնելով, թե ինչպես պահակներից նեղվող ամբոխը հեռանում է մահապատժի տեղից, միաձուլվ. խայտարղետ բազմություն մը շրջապատում այն:

Սպիրիդոնովը մի խումբ կազակներով արագություն մը գնում էր դեպի խանութ: Ծանապարհին Պետրո Մելիսովը հանդիպեց նրան:

— Ձեր խուտորից կամավորներ կան:

— Ի՞նչ կամավորներ:

— Որոնք ի կատար ածեն դատավճիռը:

— Չկան և չեն լինի,— կտրուկ պատասխանեց Պետրոն՝ շրջանցելով ճանապարհը փակած Սպիրիդոնովին:

Բայց կամավորներ գտնվեցին. Միտկա Կորշունովը հարթելով հովարի տակից դուրս թափված մազերը, օրորվելով մոտեցավ Պետրոյին, ու փայլեցնելով եղեգնի պես կանաչ, կկոցված աչքերը, ասաց.

— Ես կկրակեմ... Ինչո՞ւ ես ասում «չկան»: Ես համաձայն եմ.— ու ժպտալով նայեց գետնին.— Փամփուշտներ տուր ինձ: Ես միայն մի պահունակ փամփուշտ ունեմ:

Նա, Անդրեյ Կաշուլինը, որի դեմքը ամենաուժեղ, շոր լարվածություն էր արտահայտում, ու կալմիկանման Ֆեդոտ

Բողովակովը հանձն առան կրակել դատապարտվածների վրա: Իրար զլխի հավաքված ահագին բազմության մեջ շշուկ ու դժոնց բարձրացավ, երբ խանութից դուրս եկավ դատապարտվածների առաջին խումբը՝ ուղեկցորդ կազակներով շրջապատված:

Առջևից գալիս էր Պողոտյուկովը,— ոտաբոբիկ, սև մահուդե լայն գալիֆեով ու կոճակներն արձակած կաշվե բաճկոնով: Նա մեծ, սպիտակ ոտներով վատահորեն քայլում էր ցեխի մեջ, սլկում էր, մի փոքր պարզում ձախ ձեռքը՝ պահանջելով հավասարակշռությունը: Նրա կողքին ոտները հազիվ քարշ էր տալիս բոլորովին սփրթնած Կրիվոշիկովը: Սրա աչքերը աղոտ փայլում էին, բերանը տանջալից կերպով ցընցվում էր: Շտկելով ուսերին զցած շինելը, Կրիվոշիկովն այնպես էր կուլ գալիս, որ կարծես սարսափելի մրսում էր: Հայտնի չէ ինչու նրանց հագուստը չէին հանել, իսկ մնացածները գալիս էին միայն սպիտակեղենով: Լազուտինը մանր քայլերով գալիս էր ծանրաքայլ Բունչուկի կողքին: Նրանք երկուսն էլ բոբիկ էին: Լազուտինի պատուված վարտիքի տակից երևում էր զեղնամաշկ, նոսր մազերով պատած սրունքը: Նա ամոթխածություն մը ծածկում էր վարտիքի պատուված տեղը, դողացնում շուրթերը: Բունչուկը ուղեկցորդների զլուխների վրայով զիտում էր գորշ, ամպամած հեռուն: Նրա զգաստ, սառն աչքերը սպասողաբար, լարվածորեն թարթում էին, լայն ձեռքը սողում էր կոճակներն արձակած շապկի տակ՝ շփելով խիտ մազակալած կուրծքը: Թվում էր, թե ինչ-որ անիրագործելի և ուրախալի բանի է սպասում... Ոմանք դեմքերի վրա արտաքին անտարբերության պես մի բան էին պահանջում. ալեհեր բոլշևիկ Օւլովը աշխույժ թափահարում էր թևերը, թքում էր կազակների ոտների տակ, իսկ երկու թե երեք հոգու աչքերում այնքան խուլ թախիժ կար, այնպիսի անսահման սարսափ էր կաթում նրանց ծումված դեմքերից, որ նույնիսկ ուղեկցորդներն էլ երեսները շուտ էին տալիս նրանցից, երբ պատահամբ նայում էին նրանց:

Գալիս են արագ: Պողոտյուկովը բարձրացնում է սայթաքած Կրիվոշիկովին: Մոտենում է ամբոխը՝ սպիտակին տվող լաշակներով, կարմիր ու կապույտ բոլորք ունեցող զլխարկներով: Աչքի տակից նայելով ամբոխին, Պողոտյուկովը բարձ-

րաձայն, աշխանդակ հայհոյանք է թափում ու հանկարծ նկատելով, որ լազուտիկն իրեն է նայում, հարցնում է.

— Ի՞նչ ես նայում:

— Ընթրմակել ես այս մի քանի օրում... Տե՛ս թե մազերդ ոնց են իրենց գույնը գցել...

— Իհարկե կճերմակես,— դժվարութեամբ շունչ է առնում Պողոտյուկովը՝ սրբելով նեղ ճակատի քրտինքը, ու կըրկնում է՝ Իհարկե կճերմակես այսպիսի վիճակից... Գերութեան մեջ գայլն է՛լ է ճերմակում, իսկ ես հո մարդ եմ:

Նրանք այլևս ոչ մի բան չասացին: Ամբոխը հուպ մոտենում է: Աջ կողմից երևում է գերեզմանի երկարավուն փոսը, դեղին կավահողը: Սպիրիդոնովը հրաման է տալիս.

— Կանգնե՛ր:

Ու Պողոտյուկովն իսկույն մի քայլ է անում դեպի առաջ, հոգնածորեն մի հայացք նետում ժողովրդի առաջին շարքերի վրա. ամենից շատ են ալեհեր ու ալեխառն մորուքները: Ճակատայինները կանգնած են հեռվում, հեռևում. նրանց տանջում է խիղճը: Պողոտյուկովը հազիվ շարժում է կախ ընկած բեղերը, խոսում է խուլ, բայց լսելի ձայնով.

— Սերունդներ, թույլ տվեք ես ալ Կրիվոշիկովը նայեմք, թե ինչպես են մեռնելու մեր ընկերները: Հետո մեզ կկախեք, իսկ հիմի մենք կուզենայինք նայել մեր բարեկամ-ընկերներին, սիրտ առ թույլերին:

Այնպիսի լուռություն է, որ լսում ես, թե անձրևի կաթիլներն ինչպես են խփում գլխարկիդ...

Ձասավուլ Պոպովը հեռվից, հետևից ժպտում է՝ ցույց տալով ծխախոտից դեղնած ատամները. նա դեմ չէ. ծերունիները անհարիր, առանձին-առանձին գոռում են.

— Թույլ ենք տալի:

— Թող մտիկ տան:

— Դրանց հեռացրեք փոսից:

Կրիվոշիկովն ու Պողոտյուկովը քայլում են դեպի բազմութունը, նրանց առջև մարդիկ ետ-ետ են գնում, ճանապարհ են բաց անում: Նրանք կանգնում են մոտիկում, բոլոր կողմերից մարդկանցով շրջապատված, հարյուրավոր հայացքներ նրանց են նայում. նրանք տեսնում են, որ կազակները շեն կարողանում կանոնավոր շարք կանգնեցնել մեջքերով դե-

պի փոսը կանգնեցրած կարմիրզավարդիականներին: Պողոտյուկովը լավ է տեսնում, իսկ Կրիվոշիկովը ձգում է բարակ, շտափրած վիզը, կանգնում ոտների մատների վրա:

Ձախ կողմում վերջինը կանգնած է Բուռնուկը: Նա մի քիչ հարացած է, ծանր է շնչում, հայացքը հառել է գետնին: Նրա կողքին լազուտիկը թեքվում, շապկի փեշը քաշում է պատրուկած վարտիքի վրա, երրորդը տամբովցի Իգնատն է, հետևյալը՝ Վայնկա Բուրդիրյովը, որ անճանաչելիության շափ փոխվել է, առնվազն մի քսան տարով ծերացել: Պողոտյուկովը փորձում է տեսնել հինգերորդին. դժվարութեամբ է ճանաչում Կազանկայա ստանիցայի կազակ Մատվեյ Սակմատովին, որը կամենակուց մինչև այստեղ իր հետ ապրել էր բոլոր ձախարդություններն ու բերկրանքները: Էլի երկու հոգի մոտենում են փոսին, մեջքով դառնում դրա կողմը: Պետրո կիսիկովը վրդովեցուցիչ կերպով ու լկտիաբար ծիծաղում է, մայր է հայհոյում, կեղտոտ բուռնցքով սպառնում լուռ ամբոխին: Կորեցիկովը լուռ է: Վերջինին քարշ տալով էին բերում: Նա ետ էր ընկնում, կախվող ոտներով խազում գետինը, ու հրելով իրեն քարշ տվող կազակներին, ցնցելով արտասովորից դեմքը, աշխատում էր պոկվել, խոպոտ ճչում էր.

— Թողեք, տղերք ջան, թողեք, ի սեր աստծու: Եղբայր-ե՛րս, սիրելի եղբայրներ... այս ի՞նչ եք անում, է՛: Ես գերմանական պատերազմում շորս խաշ եմ ստացել... Երեխաներ ունեմ... Տե՛ր աստված, այսր ես մեղավոր չեմ, է՛... Օ՛յ, ինչի՞ համար է սա...

Ատամանյան գնդի բարձրահասակ մի կազակ ծնկով խփեց նրա կրծքին, գցեց դեպի փոսը: Պողոտյուկովը միայն այստեղ ճանաչեց դիմադրողին և սարսափեց. դա ամենախիզախ կարմիրզավարդիականներից մեկն էր, Միգուլինսկու կազակ, 1910 թվականին երդում տված, գեորգևյան բոլոր շորս խաշերը ստացած, շեկլիկ բեղերով, գեղեցիկ մի երիտասարդ: Երան ոտքի կանգնեցրին, բայց նա դարձյալ ընկավ. սողում էր կազակների ոտները տակ, ուռած շրթունքները հպում նրանց սապոգներին, այն սապոգներին, որոնք խփում էին նրա երեսին, խեղդվող, խոպոտ, զարհուրելի ձայնով ճչում էր.

— Մի՛ սպանեք, խիղճ ունեցեք, է՛... ես երեք երեխա ունեմ... աղբիկ ունեմ... աղաչում եմ, սիրելի եղբայրներ...

Նա գրկեց ատամանցու ծնկները, բայց վերջինս պոկվեց, ետ ցատկեց, թափ առավ ու երկաթած կրունկով խփեց նրա ականջին: Մյուս ականջից առատորեն ցայտեց արյունը, հոսեց սպիտակ օձիքի տակ:

— Վե՛ր կացրեք դրան...— ցասկոտ գոռաց Սպիրիդոնովը:

Մի կերպ բարձրացրին, ոտքի կանգնեցրին, վաղելով հեռացան: Հակադիր շարքում կամավորները սլատրաստվեցին կրակելու: Բազմութունը հոգոց հանեց ու քարացավ:

Բունչուկն ուզում էր էլի ու էլի նայել երկնքի գորշ մառախուղին, տխուր երկրին, որի վրա տառապել էր քսանինն տարի: Բարձրացնելով գլուխը, տասնհինգ քայլ հեռավորությամբ տեսավ կազակների խիտ շարքը. մեկը, որ խոշոր մարմնով էր, կկոցված, կանաչ աչքերով, հովարի տակից սպիտակ, նեղ ճակատին ընկած քյաթուլով,— դեպի առաջ թեքված ու շրթունքները պինդ սեղմած, նշան էր բռնում նրա, Բունչուկի հենց կրծքին: Դեռ մինչև կրակոցը Բունչուկի ականջին հասավ բարձրաձայն մի ճիչ. նա շուտ տվեց գլուխը. ջահել, պեպենոտ մի կին բազմության միջից դուրս պրծնելով, վազում է դեպի խուտորը, մի ձեռքով կրծքին է սեղմում երեսխային, մյուսով ծածկում նրա աչքերը:

Անկանոն համազարկից հետո, երբ փոսի մոտ կանգնած ութ հոգին ընկան, կրակողները վազ տվին դեպի փոսը:

Տեսնելով, որ իր գնդակահարած կարմիրգվարդիականը թպրտում, ատամներով կրծոտում է ուսը, Միտկա Կորշունովը մի անգամ էլ կրակեց նրա վրա, շնչաց Անդրեյ Կաշուլինի ականջին.

— Տե՛ս այդ սատանին, է՛, ուսը կծեց, արյունլվիկ արեց ու գիլի պես սուսուփում մեռավ:

Տասը դատապարտվածներ հրացանակոթների հարվածների տակ մոտեցան փոսին...

Երկրորդ համազարկից հետո կանաչ աղիողորմ լաց ու կոծ բարձրացրին ու ամբոխի միջից գուրս պրծնելով, սայթաքելով, քարշ տալով երեսխայիններին, փախան: Կազակները նույնպես սկսեցին ցրվել: Ոչնչացման ամենանողկալի պատկերը, մեռնողների ճիշերն ու խոխոցները, գնդակահարման հերթի սպասողների վայնասունը,— այս ամբողջ ցնցող, անսահ-

ման զարհուրելի տեսարանը փախցրեց մարդկանց: Մնացին միայն ճակատայինները, որոնք շատ անգամ էին մահ տեսել, մնացին նաև ամենագազազած ծերունիները:

Բերում էին ոտաբոբիկ ու մերկ կարմիրգվարդիականների նոր խմբեր, փոխվում էին կամավորները, թնդում համազարկերը, շոր ճայթում առանձին կրակոցները: Վիրավորվածներին նորից խփում էին ու սպանում:

Պողոտյուկովը և Կրիվոշիկովը մոտենում էին հերթի սպասողներին, փորձում էին քաջալերել նրանց, սակայն բառերը չունեին երբեմնի նշանակությունը. այդ պահին ուրիշ մտքեր էին պաշարել այն մարդկանց, որոնք մի րոպեից պիտի զարկվեին ու ընկնեին ինչպես աշնանային թառամած տերևը:

Գրիգորի Մելիսովը անցնելով նոսրացած ամբոխի միջից, քայլեց դեպի խուտոր և դեմառդեմ հանդիպեց Պողոտյուկովին: Վերջինս ետ քաշվելով, կկոցեց աչքերը.

— Դու է՛լ ես այստեղ, Մելիսով:

Գրիգորիի այտերը պատեցին կապտավուն գունատությամբ, նա կանգ առավ:

— Այստեղ եմ: Ինչպես տեսնում ես...

— Տեսնում եմ...— ծուռ ժպտաց Պողոտյուկովը՝ բռնկված ատելություններով նայելով նրա սփրթնած դեմքին:— Ի՛նչ է, գընդակահարո՞ւմ ես եղբայրներիդ: Թա՞րս ես մանում, հը՛... Ա՛յ թե ինչ մարդ ես դու...— Պողոտյուկովը մոտեցավ Գրիգորիին, շնչաց.— Մերոնց էլ ես ծառայում, ձեռոնց էլ, հա՛: Ո՞վ ավելի շատ կտա: Թյո՛ւ...

Գրիգորին բռնեց նրա թևքից, շնչասպառ հարցրեց.

— Մի՞տոդ է Գլուբոկայայի կոխվել: Մի՞տոդ է, թե ոնց գնդակահարեցին սպաններին... Քո հրամանով գնդակահարեցին, չէ՞: Հիմի հերթը քոնն է: Է՛հ, դարդ մի անի: Մենակ դու շես, որ այդ օրին ես հասել: Քո գործը պրծել ես, Մոսկվայի ժողկոմսովետի նախագահ: Դու, մունդոկի, կազակներին ծախեցիր ջնուղներին: Հասկանալի՞ է: Էլի՞ ասեմ:

Խրիստոնյան գրկեց տարավ կատաղած Գրիգորիին:

— Գնանք, ուրեմս, մեր ձիերի մոտ: Ծ՛կ, ես ու դու այստեղ անելիք չունենք: Տե՛ր աստված, ի՛նչ է կատարվում մարդկանց հետ...

Նրանք գնացին, հետո լսելով Պողոտյուկովի ձայնը, կանգ

առան: Ճակատայիններով ու ծերունիներով շրջապատված, Պողոտյուկովը բարձր, ցասկոտ բղավում էր.

— Անգետ մարդիկ եք դուք... կո՛ւյր եք: Կո՛ւյր եք դուք: Սպաները ձեզ խաբեցին, ստիպեցին սպանել ձեր հարազատ եղբայրներին: Դուք կարծում եք, որ եթե մեզ կոտորեք, դրանով բանը կվերջանա՞: Ո՛չ: Այսօր ուժը ձեր կողմն է, իսկ վաղը ձե՛զ պիտի գնդակահարեն: Ամբողջ Ռուսաստանում սովետական իշխանություն կհաստատվի: Ա՛յ, կհիշեք իմ խոսքերը: Զո՛ւր եք թափում ուրիշի արյունը: Հիմար եք:

— Քեզ նմանների հետ էլ մենք այսպես կվարվենք,— բազմություն միջոց դուրս թռավ մի ծերունի:

— Բոլորին գնդակահարել չեք կարող, ա՛յ պապի,— ժպտաց Պողոտյուկովը:— Ամբողջ Ռուսաստանը կախաղան շես բարձրացնի: Գլուխդ լա՛վ պահիր, հա՛-ա: Հետո խելքի կգաս, բայց ուշ կլինի:

— Դու մեզ մի՛ սպառնա:

— Ես չեմ սպառնում: Ձեզ ճանապարհ եմ ցույց տալիս:

— Դու ինքդ ես կույր, Պողոտյուկով: Մոսկվան փակել է քո աչքերը:

Գրիգորին մինչև վերջ չլսեց խոսակցությունը, գնաց, համարյա վազեց այն բակը, որտեղ կապված էր նրա ձին: Գրիգորին ու հրիստոնյան, առանց ետ նայելու, քառատրոփ դուրս թռան խուտորից:

Իսկ Պոնամարյուկում դեռ ճայթում էին կրակոցները, վեշենսկու, Կարգինի, Բոկովսկու, Կրասնոկուտսկու, Միլյուտինսկու կազակները գնդակահարում էին Կազանսկու, Միգուլինսկու, Ռազդորսկու, Կումշատսկու, Բակլանովսկու կազակներին...

Փոսը ծայրեծայր լցրին: Մածկեցին հողով: Կոխոտեցին ոտներով: Երկու սպա սև դիմակներ կապած, Պողոտյուկովին ու Կրիվոշիկովին տարան դեպի կախաղանը:

Պողոտյուկովը արիաբար, գլուխը հպարտ բարձրացրած, ելավ տաբուրետի վրա, թուխ, հաստ պարանոցի վրա արձակեց շապկի կոճակը ու ոչ մի մկանը չդողացնելով, սապնած օղակն անցկացրեց վիզը: Կրիվոշիկովին մոտ բերին, սպաներից մեկը նրան օգնեց տաբուրետի վրա բարձրանալու, հենց նա էլ օղակը գցեց Կրիվոշիկովի վիզը:

— Թույլ տվեք մեռնելուց առաջ վերջին խոսքս ասեմ,— խնդրեց Պողոտյուկովը:

— Ասա:

— Խնդրում եմք,— բղավեցին ճակատայինները:

Պողոտյուկովը ձեռքը տարավ դեպի նոսրացած ամբոխը. — Նայեցեք, թե որքան քիչ մարդ է մնացել մեր մահը տեսնելու: Խիղճը տանջում է: Աշխատավոր ժողովրդի համար, նրա շահերի համար մենք կովում էինք գեներալական ոհմակի դեմ, շխնայելով մեր կյանքը, ու հիմի մեռնում եմք ձեր ձեռքից: Բայց մենք չենք անիծում... Դուք շարաշար խաբված եք: Կհաստատվի ուսուցիչին իշխանությունը, և կհասկանաք, թե ում կողմն է ճշմարտությունը: Խաղաղ Դոնի լավագույն զավակներին դուք թաղեցիք այս փոսում...

Հետզհետե սաստկացող դժժոց բարձրացավ. Պողոտյուկովի խոսքերը շէին լսվում: Դրանից օգտվելով, սպաներից մեկը ճարպիկ հարվածով տաբուրետը դեն գցեց Պողոտյուկովի ոտների տակից: Պողոտյուկովի ծանր, ահագին մարմինը ճոճվելով կախ ընկավ ու ոտները հասան գետնին: Կոկորդը սեղմող օղակը խեղդում էր նրան, ստիպում վեր բարձրանալ: Մի քիչ բարձրանալով, ոտների մատները հենելով թաց, պընդացած գետնին, օդ կուլ տվեց, ու ակնակապիճներից դուրս ընկած աչքերը ուղղելով քարացած ամբոխին, ցածրաձայն ասաց.

— Կախելը դեռ չեն սովորել... Եթե կախողը ես լինեի, քո ոտները, Սպիրիդոնով, գետին չէին հասնի...

Նրա բերանից լորձուք թափվեց: Դիմակներ կապած սպաները ու կազակները իրար անցան, ուժասպառ ու ծանր մարմինը դժվարությամբ բարձրացրին տաբուրետի վրա:

Կրիվոշիկովին թույլ շտվին վերջացնել իր խոսքը. տաբուրետը թռավ նրա ոտների տակից, զարկվեց ինչ-որ մեկի շարտած բահին: Բարակ, մկանեղ Կրիվոշիկովը երկար ճոճվում էր, մերթ կծկվում, այնպես, որ ծալված ծնկները դիպչում էին կզակին, մերթ նորից ձգվում ջղաձգաբար... Նա դեռ ցնցվում էր, դեռ շարժում սև, մի կողմ ընկած լեզուն, երբ Պողոտյուկովի ոտների տակից երկրորդ անգամ դեն գցեցին տաբուրետը: Նրա մարմինը կրկին ծանր կախվեց ներքև, ուսի վրա կտրվեց կաշվե բաճկոնի կարը, ու դար-

ձյալ մատների ծայրերը հասան գետնին: Կաղակների բազմութունը լուռ հոգոց հանեց: Ոմանք խաշակնքելով, սկսեցին ցրվել: Այնքան մեծ էր վերահաս շփոթվածութունը, որ մի ընդհանուր բոլորը կանգնել էին ասես կախարդված, վախենալով էին նայում Պողոտյուկովի թշուառած դեմքին:

Բայց նա լուռ էր, օղակը սեղմել էր կոկորդը: Նա միայն աչքերն էր շարժում, որոնցից արցունքի առվակներ էին հոսում, ու ծռմուռով բերանը, փորձելով թեթևացնել տանջանքները, ծանր ու զարհուրելի ճիգերով վերև էր ձգվում:

Մեկը գլխի ընկավ. սկսեց բահով փորել նրա ոտնատակի հողը: Հապճեպորեն դեն շարժեց հողակտորները, ու հետզհետե ավելի ուղիղ գծով էր կախվում Պողոտյուկովի մարմինը, ավելի ու ավելի էր երկարում պարանոցը ու մի փոքր գանգրահեր գլուխը ընկնում էր մեջքին: Պարանը հազիվ էր պահում վեց փութ ծանրութունը. շեղագերանի տակ ճքճքալով, կամացուկ ճոճվում էր, ու նրա ութմիկ շարժմանը հնազանդ, ճոճվում էր և Պողոտյուկովը՝ շուտ գալով բոլոր կողմերը, կարծես մարդասպաններին ցույց տալով իր սփրթնած դեմքը և լորձուների շիթերով ողողված կուրծքը:

XXXI

Միշկա Կոշևոյը և Վալետը միայն երկրորդ գիշերը դուրս եկան Կարգինսկուց: Մշուշը փոխում էր տափաստանի վրա, քուլա-քուլա իջնում ձորակները, կոթնում հեղեղատներին, լիզում զառիթափերի լանջերը: Նրանով խավակալած, պարզ ուրվագծվում էին կուրգանները: Մատղաշ խոտաբույսերի մեջ ճովողում էին լորերը:

Երկնակամարում սահում էր լուսինը, կարծես շուշանի հասուն ծաղիկ լինեք բոշխով ու ձողկով ծածկված լճակում:

Գնում էին մինչև լուսաբաց: Արդեն դալկացել էին համաստեղութունները: Ցող էր իջել: Մոտենում էր Նիժնի-Յար-լոնովսկի խուտորը: Եվ ահա հենց այստեղ, խուտորից երեք վերստ հեռավորությամբ, բլուրի կատարին կազակները հասան նրանց: Վեց ձիավոր գնում էին նրանց հետքով: Միշկան ու Վալետը փորձեցին մի կողմ փախչել, բայց խոտաբույսերը ցածր էին, լուսինը պայծառ էր... Բռնվեցին... Նրանց ետ

քշեցին: Հարյուր սածեն գնում էին լուռ: Հետո կրակոց... Վալետը հրերաքայլ գնաց կողքի ընկած, կողքի ընկած՝ ինչպես իր սովերից վախեցած ձի: Ու ոչ թի ընկավ, այլ մի տեսակ անհարմար պակեց՝ դեմքը թաղելով բարձվենյակի կապտավուն թփի մեջ:

Միշկան քայլում էր հինգ բոպեի շափ, անզգայացած, ականջները դժժում էին, ոտները թուլանում: Հետո հարցրեց.

— Ինչո՞ւ շեք սպանում, շան որդիք: Ինչո՞ւ եք շարշարում:

— Գնա, գնա՛: Սուս արա,— սիրալիր ասաց կազակներից մեկը,— մուժիկին սպանեցինք, իսկ քեզ խղճացինք: Դու եղե՞լ ես տասներկուերորդ գնդում, գերմանական կովում:

— Եղել եմ:

— Էլի կծառայես տասներկուերորդում... Զահել տղա ես: Մի քիչ մոլորվել ես, ամա դա մեծ փորձանք չի: Կրուժենք: Երեք օրից հետո Կարգինսկայա ստանիցայում ուղարկված զառույցի դատարանը բուժեց Միշկային: Այն օրերում դատարանը պատժի երկու միջոց էր գործադրում. գնդակահարություն և ծեծ: Գնդակահարության դատապարտվածներին գիշերով քշում-տանում էին ստանիցայից դուրս. Ավազտո կուրգանից դենը, իսկ այն մարդկանց, որոնց ուղղվելու համար հույս ունեին, հրապարակում, բնակչության ներկայությամբ ծեծի էին երթարկում:

Կիրակի օրվա առավոտյան, հենց որ հրապարակի մեջտեղում մի նստարան դրին, ժողովուրդը սկսեց հավաքվել: Ամբողջ հրապարակը լցվեց, մարդիկ տեղավորվեցին պատերի տակ դրված նստարանների, մարագների մոտ դարսված տախտակների, տների ու խանութների կտուրների վրա: Առաջինը թակեցին Ալեքսանդրովին՝ Գրաշևսկու տերտերի տղային: Ետևդոտ բոլշևիկ էր, ըստ գործի էության գնդակահարվելու էր, բայց հայրը լավ, բոլորի կողմից հարգված տերտեր էր,— դատարանում որոշեցին ճիպոտի մի երկու տասնյակ հարված հասցնել տերտերի տղային: Ալեքսանդրովի շավարը հանեցին, մերկ հետույքով պակեցրին նստարանի վրա, մի կազակ նստեց նրա ոտներին (ձեռնկրկ կապել էին նստարանի տակ), երկուսը ուռնու ճիպոտներով կանգնեցրին նրա կողքին: Զաղկեցին: Ալեքսանդրովը վ՛ր

կացավ, ինքն իրեն թափ տվեց, ու վերցնելով շավարը, գլուխ տվեց դեպի բուրբ կողմերը: Մարդը շատ ուրախ էր, որ շնորհակահարեցին:

— Շնորհակալ եմ, պարոնայք ծերունիներ:

— Անուշ լինի,— պատասխանեց մեկը:

Եվ այնպիսի միահամուռ քրքիջ բարձրացավ հրապարակում, որ նույնիսկ կալանավորներն էլ ժպտացին. նրանք նստած էին մոտիկ տեղում, մարազում:

Դատավճռի համաձայն Միշկային էլ ճիպոտի քսան հարված տվին: Բայց ամոթանքը ցավից ավելի շատ էր տանջում: Ամբողջ ստանիցան, մեծից մինչև փոքրը, դիտում էր Միշկան վերջրեց շավարը և համարյա թե լալով ասաց իրեն ձաղկող կազակին:

— Սա անկարգութունն է:

— Ինչո՞ւ:

— Մեղավորը գլուխս է, ամա ո... է պատասխան տալի: Ամբողջ կյանքումս խայտառակվեցի:

— Ոչինչ, ամոթանքը ծուխ չի, աչքդ չի քոռացնի,— մխիթարեց կազակը, ու ցանկանալով պատժվածի համար հաճելի մի բան անել, ասաց.— Ա՛մա թե պինդ ես, այ տղա. մի երկու անգամ ուժով խփեցի քեզ, ուզում էի բռնառ... տեսա՝ չէ, քեզանից ձեն-ծպտուն դուրս չի գալի: Անցած օրը մեկին ձաղկեցինք, վայնասուն հանեց: Ուրեմն թույլ էր մարդը:

Դատավճռի համաձայն, մյուս օրը Միշկային ուղարկեցին ռազմաճակատ:

Երկու օրից հետո թաղեցին Վալետին. Յարլոնովսկի երկու կազակ, որոնց ուղարկել էր այդ խուտորի ատամանը, մի փոքրիկ գերեզման փորեցին, ոտները փոսի մեջ կախած՝ երկար նստեցին, ծխեցին:

— Այս հանդում հողը պինդ է, հա՛ւա:

— Ուղղակի երկաթ է: Ախր երբեք չի հերկվել, վաղ ժամանակներից պնդացել է:

— Հըմ... այս տղան լավ հողի մեջ կպռակի, տեղը բարձր է... չոր է, արևոտ, քամի է փչում... Շուտ չի փոխի:

Նրանք նայեցին խոտին սեղմված Վալետին, վեր կացան:

— Ոտնամանները հանե՞նք:

— Բա ո՛նց, դրա կոշիկները հլա դեռ լավն են:

Գերեզման դրին քրիստոնեաբար,— գլուխը դեպի արևմուտք. ծածկեցին պինդ սևահողով:

— Կոխկրտե՞նք,— հարցրեց ավելի ջահել կազակը, երբ գերեզմանը հավասարվել էր եզրերին:

— Հարկավոր չէ, թող այդպես մնա,— հոգոց հանեց մյուսը,— երբ հրեշտակները փչեն ասեղ դատաստանի փողը. նա հեշտությամբ ոտքի կելնի...

Կես ամսից հետո փոքրիկ թումբը ծածկվեց եզան լեզվով ու մատղաշ օշինդրով, վրան հասկավորվեց խոպուկը, կողքից փարթամ, դեղին ծաղկով ծաղկեց կանճրակը, փոքրիկ ծոպերը կախեց երեքնուկը, տարածվեց քոնդարի, գայլակաթնուկի և մակարդախոտի բույրը: Շուտով եկավ մի ծերունի, գերեզմանի գլխակողմում մի փոքրիկ փոս փորեց, նոր ոսնդած կաղնու հիմքի վրա մատուռ շինեց: Դրա ետանկյուն ծածկի տակ, պլլլում էր աստվածամոր տխուր դեմքը, ներքևում, քիվի վրա սեփե էր տալիս սլավոնագան փրշոտ զարդագիրը:

Խոպուկյան ու ցոփուկյան օրերում
Մի՛ պարսավեք ձեր եղբորը, եղբայրնե՛ր:

Ծերունին գնաց, իսկ տափաստանում մատուռը մնաց. իր մշտապես տխուր տեսքով թախիծ պատճառելու անցորդներին:

Ու մի բան էլ. մայիսին մատուռի մոտ ծեծկվեցին արոսները, ճմռթեցին կապույտ բարձվենյակը, տրորեցին հասունացող սիգախոտի կանաչ փրբերը. ծեծկվեցին էգի համար, ապրելու, սիրելու, բազմանալու համար: Քիչ հետո էլ հենց այնտեղ, մատուռի կողքին, գուղձի տակ, օշինդրի փրշոտ ծածկոցի տակ էգ արոսը ինն հատ մուգ-կապտավուն, բծավոր ձու դրեց ու նստեց դրանց վրա, սկսեց դրանք տաքացնել իր մարմնի ջերմությամբ, պաշտպանել պսպղուն փետուրներ արձակած իր թևերով:

(Երկրորդ գրքի վերջը)

ՐՈՎԱՆՆԱԿՈՒԹՅՈՒՆ

Զորքորդ մաս	5
Հինգերորդ մաս	219

Միխայիլ Շոլոխովի խաղաղ Կոն, գիրք Երկրորդ Шолохов Михаил Александрович. Тихий Дон. Книга вторая (на армянском языке), издательство „Советакан քոչ“, Теряна, 91. Երևան, 1977. Խմբագիր՝ է. Բ. Բոսունյան. Նկարիչ և գեղ. խմբագիր՝ Ան. Վ. Գասպարյան, տեղ. խմբագիր՝ Կ. Ի. Սարգսյան, վերատպող սրբափայլիչ՝ Ն. Ն. Մինասյան: Հանձնված է շարվածքի 2/XII 1976 թ., ստորագրված է տպագրության՝ 17/III 1977 թ.: Թուղթ № 1, 84 × 106 1/32, տպագր. 14,25 մամ., = 23,94 պայմ. մամ., հրատ. 21,1 մամ., Պատվեր 1956, Տպաքանակ 50000: Գինը 2 ո. 06 կ.: «Սովետական զբոս» հրատարակչու թյուշ, Երևան—9, Տերյան 91.

ՀՍՍՀ Մինիստրների սովետի հրատարակչութունների պոլիգրաֆիայի և չրքի տնտրի գործերի պետական կոմիտեի Հակոբ Մեղապարտի անվան պոլիգրաֆկոմբինատ, Երևան—9, Տերյան 91:
 Полиграфкомбинат им. Акопа Мегарта Госкомитета Совета Министров Арм. ССР по делам издательств, полиграфии и книжной торговли, Ереван—9, ул. Теряна, 91.